



25056.

Axxx Har

27837/B

Keynes 46

771 -  
Madison  
23/6/10



J. Hawey - geb. zu Folkestone in Kentshire  
1578.  
gestorben zu London 1657.





GULIELMI HARVEI

ANGLI,

O P E R A.

SIVE

EXERCITATIO ANATOMICA

DE

MOTU CORDIS ET SANGUINIS  
IN ANIMALIBUS.

Atque

EXERCITATIONES DUAE ANATOMICAE

DE

CIRCULATIONE SANGUINIS

AD JOANNEM RIOLANUM FILIUM.

Tumque

EXERCITATIONES

DE

GENERATIONE ANIMALIUM

Quibus

PRAEFATIONEM

Addit

BERNARDUS SIEGFRIED ALBINUS,

*Anatomes & Chirurgiae in Acad. Lugd. Batav. Professor.*

EDITIO NOVISSIMA

Indicibus ornata.





# EXERCITATIO ANATOMICA DE MOTU CORDIS

ET SANGUINIS IN ANIMALIBUS.

Cui accedunt

EXERCITATIONES DUAE ANATOMICAE  
D E

## CIRCULATIONE SANGUINIS

Ad JOANNEM RIOLANUM Filium;

*In Academia Parisiensi Anatomies & Herbariae Professore Regium,  
Reginae Matris Ludovici XIII. Medicum Primarium.*

Auctore

GULIELMO HARVEO

Anglo, Anatomiae & Chirurgiae in Collegio Medic. Lond. Professore,  
Serenissimaeque Majestatis Regiae Archiatro.

Hujusque Operum

PARS PRIMA.

EDITIO NOVISSIMA.

Indice ornata.



LUGDUNI BATAVORUM,  
Apud JOHANNEM VAN KERCKHEM, 1737.

6205

EXERCITATIO ANATOMICA  
DE MOTU CORDIS

EXERCITATIONES DUAE ANATOMICAЕ  
DE

CIRCULATIONE SANGUINIS

Ab Johanne Albrechtio  
In Academia Paderbornensi, Præfectoris  
Regiones Medicae, Classis XIII. Medicæ Primariæ.

HARVARD




PRIMA  
EDITIO NOVISSIMA



LEONHARD BATAVORUM  
JOHANNES VAN KESCHKE






BERNARDI SIEGFRIED ALBINI

# PRÆFATIO

A D

MEDICINAE STUDIOSOS.

 Mnes, qui student corporis nostri, quas Medici dicunt, functiones, earumque causas, & effectus utilitatesque cognoscere, necesse primum habent inquirere in naturam ejus, & constructionem: intelligi enim recte nequit, quid efficiatur, & quo modo, nisi id, à quo efficitur, perspectum prius sit.

## P R A E F A T I O.

Postea autem quam partes, earumque positus & ordo, totaque fabricatio, & natura, cognita fuerint, quid fiat, quo tempore agunt, observatu opus est; quoniam non aliunde verius sciri potest, quatenus sit cujusque functio, atque utilitas. Sed observari hoc, nisi in vivis, nequit: & pleraque omnia intus aguntur, atque ita, ut neque oculis, neque tactu, neque ullo modo penetrare ad ea possimus. Necessarium igitur est incidere corpora vivorum, & considerare, etiam spiritu manente, ea, quae natura antea clauserat; quemadmodum de Herophilo & Erasistrato memoriae proditum est, nocentes homines à Regibus ex carcere acceptos, vivos incidisse: quod quoniam inter nos neque licet, neque certe decet, superest, ut  
alia



## P R A E F A T I O.

alia animalia incidantur. Neque obstat, quod Empirici olim objiciebant, omnia non esse talia inciso corpore, qualia integro fuerint; quia cum corporibus inviolatis, haec tamen metu, dolore, inedia, cruditate, lassitudine, mille aliis mediocribus affectibus saepe mutantur, multo magis verisimile sit, interiora, quibus major mollities, lux ipsa nova sit, sub gravissimis vulneribus & ipsa trucidatione mutari. Mutari damus, ultroque profitemur; verum non ita tamen, quin plurima cognosci possint. Incidenda autem animalia, quibus partes illae, quarum actionem quaerimus, eadem atque homini sunt, aut certe similes iis; ex quibus sine metu erroris judicare de illis hominis liceat. Quin & reliqua, si modo aliquam

## P R A E F A T I O.

habeant ad hominem similitudinem; quantulacunque sit, idonea sunt ad aliquid suppeditandum. Addenda his, quae casus offert, ut cum vulneratis hominibus, quaedam etiam adhuc spirantibus ipsis in conspectum veniunt; quam vocant Anatomen fortuitam. Conducit quoque actiones in vivis vel impedire, vel incitare, vel jam fere cessantes excitare, vel, si quas possis, imitari in mortuis: quae experimenta partim actiones ipsas ostendunt, alia confirmant quae de iis cognita sunt. Itaque ex ipsis etiam morbis, qui impedimentum afferunt, non pauca discimus, neque obscura. Licet etiam, ut arbitror, similitudine uti, & si quae res obscura sit, considerare, cui ex cognitis conveniat, vel proxima sit; quod saepe multum con-



## P R A E F A T I O.

confert ad intelligendum. Manifestum autem est, haec omnia, quae Physiologis dant argumenta differendi, non tractanda perfunctorie; quippe cum fundamenta jaciant, quae ni firma sint, quicquid superstruxeris, corruet. Ac primo quidem adhibenda cura, ne, cum difficile sit fabricam & naturam partium assequi, falsi quid, aut dubii, pro vero & comperto admittamus. Neque minor adhibenda tum in vivorum examine, tum in experimentis capiendis; & cavendum etiam, ne specie quadam illudi nobis sinamus. Quod etiam magis locum habet, ubi ex morbis petuntur argumenta; qui adeo mutare solent fabricam & actionem, ut saepe non modo pronum non sit, ex illa mutatione judicare de statu naturali, sed etiam diffi-

## P R A E F A T I O.

difficultatis plenum, assequi, qualis mutatio, & quomodo illa inducta sit. Cautè quoque ex similitudine argumentandum: nam etsi multarum partium magna sit inter se quibusdam in rebus similitudo, non raro tamen, quae prima specie similes esse videbantur, plurimum inventae sunt differre inter se. Ex quibus omnibus facile est perspicere, non minoris esse momenti, quam observare, judicare ex observatis. Has qui sibi in natura hominis eruenda leges imposuerunt, pauca quidem, sed vera assecuti sunt: qui vero in his subsistere non contenti, ultra progredi contendunt, de iis vereor, ne in lubrico versentur. At multa tamen sunt, ad quae etiam absque illis adminiculis, animo & ratione quodammodo penetrare se posse putant, qui



## P R A E F A T I O.

qui se totos dedunt contemplationi naturae; quorum institutum laudamus, sequi conamur. Cum iisdem autem haec, quae tantum mentis oculis cernere videmur, cum cura separanda esse existimamus ab illis, quae certa sunt, & evidentia: nec proponenda ut vera, sed, qualia revera sunt, ut verisimilia, dignaque in quibus se exerceant intelligentium ingenia. Vana sunt reliqua opinionum commenta, quae delet dies. Enumerare possem, quam multa saniores, hujus praesertim, & proxime superioris aetatis Physiologi ad hanc normam nobis explanaverint; sed fere satis erit, unum Harveum protulisse, ejusque exercitationes de motu cordis & sanguinis; in quibus ita interpretatus est naturam, ut non verear,

\*\*

eum

## P R A E F A T I O.

eum inprimis proponere in exemplum. Qui etiam majus quiddam praestitit, & non modo sparſe & vage diſſecta experimenta & ratiocinia, tanquam ſcopas, quod ajunt, diſſolutas, propoſuit: ſed ita obſervavit, ordinavitque obſervata, & quae ex iis elicuit, ut pleniffime conſecutus ſit, quod volebat, atque id, quod verum eſſe cognoverat, pro vero probaverit; quibus aliqua quidem, quae idem confirmant, ſed pauca, adjecta ſunt à poſterioribus. Addo & recta ratione convellere falſas opiniones, quibus vel vetuſtas & communis quidam conſenſus, vel magnorum virorum auctoritas pondus afferebat. Quae omnia cum brevi in conſpectu hic ponere ingrederer, ne viderer plus huic opusculo tribuere, quam



## P R A E F A T I O.

quam res ipsa concedat, evenit, ut descriperim pene totum: ita plenum est rerum memorabilium, & ad institutum suum pertinentium, ut contrahi sine jactura vix possit. Cum vero in quacunque parte Physiologices tractanda, ita se gerere pulchrum sit, tum maxime, si materia gravis sit, ejusque usus late pateat, quemadmodum illa, in qua versatur Harvey; quam qui ignorat, nihil etiam intelligit de vita nostri corporis, ejusque causis; nihil de sanitate, nihil de functionibus pene dicam omnibus, nullam certe plene. Quoniam igitur non modo Physiologiae pars est praecipua, sed etiam Medicis utilis & necessaria, tum ad recte cognoscendos morbos, tum ad curationem inveniendam, multaque alia,

\*\*

2

quae

## P R A E F A T I O.

quae in iis occurrunt, intelligenda, non mirum, Harveum, postquam cognitus, apud omnes veros & aequos aestimatores in summo fuisse honore, & pretio, hodieque esse. Quo factum, ut, quamvis saepius typis descriptus, raro tamen proftet, suoque damno carere eo debeant, qui quotannis ad hanc Academiam accedunt Medicinae discendae causa. His autem identidem quaerentibus eum apud Bibliopolas nostros, spe lucri adductus est aliquis eorum, ad novam parandam editionem; cui ut laudationem Auctoris praefigerem, rogavit. Ego autem, nulla indigere, majus esse Harvei, quam quodcunque accedere possit nomen. Ille contra, optimos Scriptores tum demum à discentibus cognosci, atque

que




## P R A E F A T I O.

que expeti, ubi videant eos à magistris suis indicari, laudari. Persuaderi me passus sum, Vobisque, Medicinae Studiosi, commendo Auctorem, si quis alius, eximium, immortale Britanniae decus, cujus si satis cognoscere laudes valuerim, magnae mihi laudi ducam. Valete!



# TABLETTE

L'ÉDITEUR, M. LAFITTE, a l'honneur de  
 vous adresser, par le présent, le  
 premier volume de la collection  
 des Œuvres complètes de  
 M. LAFITTE, par M. LAFITTE.  
 Cette collection, qui sera  
 terminée en 1840, comprendra  
 tous les ouvrages de M. LAFITTE,  
 tant en prose qu'en vers, et  
 sera vendue au prix de 10 fr.  
 par volume. Elle sera  
 envoyée par la poste, et  
 sera accompagnée d'un  
 catalogue détaillé.





SERENISSIMO ET INVICTISSIMO  
CAROLO, MAGNAE  
BRITANNIAE, FRANCIAE,  
ET HYBERNIAE REGI,  
FIDEI DEFENSORI.



Erenissime REX,

COR animalium, fundamen-  
tum est vitae, princeps omnium,  
Microcosmi Sol, à quo omnis  
vegetatio dependet, vigor om-  
nis & robur emanat. Rex pariter regnorum  
suorum fundamentum, & Microcosmi sui Sol,  
Reipublicae Cor est, à quo omnis emanat po-  
testas, omnis gratia provenit. Quae de Mo-  
tu cordis hîc scripta sunt, Majestati tuae (u-  
ti hujus seculi mos est) offerre eo magis au-  
sus sum, quod ad hominis exemplum huma-  
na pene omnia, & ad Cordis, Regis plurima.  
Regi itaque non inutilis cordis sui notitia,  
tanquam actionum divinum Exemplarium:  
(sic parvis componere magna solebant.) Po-  
teris saltem Regum optime, in fastigio re-  
rum humanarum positus, una opera & hu-  
ma-

mani corporis principium & Regiae simul potestatis Tuae effigiem contemplari. Suscipe itaque humillime precor, Serenissime Rex, usitata benignitate & clementia de Corde nova haec, qui ipse novus splendor hujus seculi, & totum vere cor es, Princeps virtute abundans, ac gratia; cui acceptum jure merito referimus, quicquid nostra Anglia boni, quicquid vita nostra jucundi, habet.

*Augustissimae Majestatis Tuae*

devotissimus servus

GUILIELMUS HARVEJUS.

EXCELLENTISSIMO

ET

ORNATISSIMO VIRO D.

D. ARGENT,

COLLEGII MEDICORUM LONDINENS.

PRÆSIDI AMICO SUO SINGULA-

RI CÆTERISQUE DOCTISSI-

MIS MEDICIS COLLEGIS

SUIS AMANTISSIMIS.

S. T. D.



Eam de motu & usu Cordis, & circuitu sanguinis sententiam E. D. D. antea saepius in praelectionibus meis Anatomicis aperui novam: sed jam per novem & amplius annos multis ocularibus demonstrationibus in conspectu Vestro confirmatam, rationibus & argumentis illustratam, & ab objectionibus doctissimorum & peritissimorum Anatomicorum liberatam, toties ab omnibus desideratam, à quibusdam efflagitatam, in lucem & conspe-



Etum omnium hoc libello produximus. Quem nisi Vobis transmissum E. D. D. minus sperarem prodire posse integrum & tutum, cum pene omnium illarum observationum, ex quibus aut veritatem colligo, aut errores redarguo, è Vobis plurimos & fide dignos appellare possum testes, qui dissectiones meas vidistis, & ocularibus demonstrationibus eorum, quae hic ad sensum palam assevero, assistere candide & astipulari consuevistis. Et cum contra receptam viam, per tot secula annorum ab innumeris, iisque clarissimis doctissimisque, viris tritam & illustratam; sanguinem iter novum metiri suum & revolvere solus iste liber affirmaret; arroganter nimis factum, ne videretur, libellum istum per aliquot abhinc retro annos alioquin perfectum, vel in publicum exire vel transfretare si permissem, summopere verebar: Nisi prius Vobis proposuissem, & per autopSIam confirmassem, Vestris dubiis & objectionibus respondissem, & Præsidis ornatissimi censuram in favorem accepissem. Persuasissimum veruntamen habui, quod si coram Vobis nostroque Collegio tot tantisque viris doctissimis nobilitato, propositum sustinere, potuerim ab aliis tum de-

demum minus pertimescendum, & jam illud, quod mihi à Vobis, ob amorem veritatis, contigit unicum solatium, ab omnibus aliis qui similiter sint philosophati non minus esse sperandum. Philosophi enim veri, qui amore veritatis & sapientiae flagrant, nunquam se tam σοφῆς, sapientia plenos reperiunt, aut suo sensu abundant, quin veritati, à quocunque & quandocunque venerit, locum dent. Nec tam angusti animi ut credant quamvis artem aut scientiam adeo omnibus numeris absolutam & perfectam à veteribus traditam, ut aliorum industriae, & diligentiae nihil sit reliquum: cum profiteantur plurimi, maximam partem eorum quæ scimus, eorum quæ ignoramus minimam esse, nec ita traditionibus & praeceptis quorumcunque addicti, inservire se patiuntur Philosophi, & libertatem perdunt, ne oculis propriis fidem adhibeant, nec ita in verba jurant antiquitatis magistrae, ut veritatem amicam in apertis relinquant, & in conspectu omnium deferant. Sed sicut credulos & vanos, omnia prima facie admittere & credere, ita manifesta sensui non videre, & Luce meridiana diem non agnoscere, stu-

pidos & insensatos pariter existimant. Et non minus poëtarum fabulas, & vulgi deliramenta, quam Scepticorum epochen in via philosophica declinare docent. Omnes item studiosi, boni, honestique, nunquam ita passionibus indignationis, invidiae, obrui mentem sinunt, quo minus audiant aequo animo quæ pro veritate proferantur, aut rem vere demonstratam intelligant. nec turpe putant mutare sententiam si veritas suadet & aperta demonstratio: nec errores, licet antiquissimos deferere arbitrantur inhonestum. Cum optime norint quod humanum sit errare, decipi, & quod casu multa reperta esse contingat quæ discere quivis à quovis possit, à juvene senex, à stulto intelligens.

Verum isto tractatu, Collegae Amantissimi, in authorum & scriptorum Anatomicorum nominibus, operibus & sententiis recensendis, exagitandis memoriam meam, & lucubrationes, multamque lectionem & magnum volumen ostentare nolebam. Tum quod non ex libris, sed ex dissectionibus, non ex placitis Philosophorum, sed fabrica naturæ discere & docere Anatomicen profitear. Tum quod  
ne-



neque è veteribus quemquam debito honore defraudare, neque è posterioribus quemquam irritari æquum censeam, aut moliar. Neque cum iis qui in **Anatomicis** antecelluerunt, & me docuerunt, manus conferere, aut dimicari honestum putem. Accedit, quod nec falsitatis crimen, in quempiam veritatis studiosum mea sponte inurere vellem, nec quenquam erroris labe insimulare. Sed solam veritatem sector, & omnem tum operam, tum oleum eo contuli, ut aliquid bonis gratum, doctis commodum, & rei litterariae utile in medium proferre possim. Valete Domini **D. Excellentis. & Anatomico vestro favete**

**GUILLIELMO HARVEO.**

**PRO-**



# PROOEMIUM

Quo demonstratur illa quae hactenus scripta sunt de motu , & usu Cordis & arteriarum minus firma esse.



*E* Cordis arteriarumque motu , pulsu , actione , usu , & utilitatibus cogitanti , operae pretium est , quae prius ab aliis mandata sunt literis , evolvere , quae vulgo jactata & tradita , animadvertere , ut quae recte dicta , confirmentur : quae falsa dissectione anatomica , multiplici experientia , diligenti , & accurata observatione emendentur.

Pene omnes huc usque Anatomici , Medici , & Philosophi supponunt cum Galeno , eundem usum esse pulsus , quem respirationis , & una re tantum differre , quod ille ab animali haec à vitali facultate manet : reliquis , vel quod ad utilitatem , vel quod ad motus modum spectat similiter se habentibus , unde affir-

*affirmant (ut Hieronymus Fabr. ab Aquap. libro suo de Respiratione nuperrime edito) quod quoniam non sufficit pulsus cordis, & arteriarum ad eventandum, & refrigerandum, ideo à Natura pulmones circa cor fabrefactos esse. Hinc patet quod quaecunque dixerint priores de Systole, & Dia stole, de motu cordis & arteriarum, hæc omnia ad pulmones respicientes eos tradidisse.*

*Cum vero aliter se habeat motus, & constitutio cordis, quam pulmonum, aliter arteriarum, quam pectoris, alios exinde, usus, & utilitates exoriri verisimile est, differreque plurimum cordis, & similiter Arteriarum pulsus, & usus, à pectoris & pulmonum. Si enim iisdem usibus inserviant pulsus, ac respiratio, & in Dia stole introsument aërem in cavitates suas arteriae (uti vulgo dicunt) & in Systole per eosdem poros carnis, & cutis, fuligines emittant, nec non medio in tempore inter Systolem, & Dia stolem aërem contineant; & quovis tempore aut aërem, aut spiritus, aut fuligines. Quid ita respondeant Galeno, qui librum scripsit, natura sanguinem contineri in arteriis, & nihil praeter sanguinem, nimirum neque spiritus, neque aërem, sicut ab experimentis, & rationibus ineodem libro facile colligere licet. Et si in Dia stole replentur arteriae ab aëre introsumpto, in majori pulsū, majori subeunte aëris copia: ergo magno existente pulsū, si totum corpus in balneum immerseris, vel aquae, vel olei, necesse est pulsū statim aut minorem esse, aut tardiorē multo; cum per corpus ambientis balnei, aërem intra arterias permeare difficilior sit, si non impos-*

B

*sibile.*



sibile. Similiter, cum omnes arteriae tam profunda, quam cutaneae, eodem tempore, & pari velocitate distendantur; quomodo poterit aër tam libere, & celeriter per cutem, carnem, habitumque corporis in profundum pertransire, quam per cuticulam solam. Et quomodo Embryonem arteriae forinsecus in cavitates suas aërem per ventrem maternum, & per corpus uteri attrahant? Vel quomodo Phocae, Balenae, Delphines, cetaceum omne genus, & pisces omnes in profundo maris arteriarum suarum Diastole, & Systole, per immensam aquae massam celeri pulsu aërem introsunt, & emittunt. Dicere vero quod aërem implantatum in aqua absorbeant, & in aquam fuligines suas reddant, figmento haud absimile. Et si in Systole arteriae per poros carnis, & cutis, fuligines e cavitatibus illorum expellunt, cur non item spiritus, quos dicunt etiam in illis contineri cum spiritus multo tenuiores fuliginibus sint. Et si cum in Systole, tum in Diastole aërem arteriae accipiunt, & reddunt, uti pulmones in respiratione, cur non & hoc faciunt inflicto per arteriotomiam vulnere? sectione trachaeae per vulnus, aërem ingredi, regredi duobus contrariis motibus, palam est: Secta vero arteria statim uno continuo motu sanguinem vi protrudi, & non aërem, vel ingredi vel regredi manifestum est. Si pulsus arteriarum partes corporis refrigerant, & eventant uti pulmones ipsum cor; quomodo dicunt vulgo arterias à corde in partes singulas vitalem sanguinem differre refertissimum spiritibus vitalibus? qui partium calorem foveant, sopitum suscitent, & quasi absumptum resarciant, & quomodo (si liga-

veris

veris arterias) statim partes non modo torpent, frigent, & quasi pallidae cernuntur, sed & ali tandem desinunt, quod secundum Galenum contingit, quia calore, qui per omnes partes superne à corde confluxerat, privatae sint: cum hinc pateat magis arterias calorem partibus deferre, quam refrigerium, & eventationem. Praeterea quomodo Diastole simul spiritus à corde attrahat, ad calefaciendas partes, simulque ab externo refrigerium? Amplius tametsi iisdem usibus pulmones, arterias; & cor inservire aliqui affirmant, tamen cor spirituum officinam esse, & arterias spiritus continere, transmittere etiam dicunt: Pulmones autem spiritus facere, aut retinere contra Columbi opinionem, negant. Quin & cum Galeno, quod sanguis contineatur in arteriis, & non spiritus, contra Erasistratum asseverant. Videntur istae opiniones ita inter se pugnare, & sese invicem refellere, ut omnes non merito sint suspectae. Sanguinem in arteriis contineri, & arterias solum sanguinem deferre tum experimento Galeni, tum in arteriotomia, tum in vulneribus manifestum est, cum ab una arteria dissecta, hoc etiam Galenus affirmat, plurimis in locis unius semihorae spatio totam massam sanguinis ab universo corpore, magna, & impetuosa profusione exhaustam fore, experimentum Galeni tale est. Si (inquit) funiculo arteriam utrinque ligaveris & medio rescisso secundum longitudinem, quod inter duas ligaturas in arteriis comprehensum erit, nihil praeter sanguinem esse reperiēs: & sic probat sanguinem solum

Galeni lib.  
quod sanguis  
contineatur  
in arteriis.

continere. Unde etiam similiter nobis ratiocinari licet: Si eundem sanguinem, qui venis similiter ligatis, & rescissis inest, inveneris in arteriis (quem in mortuis, & aliis animalibus saepius ego expertus sum) eadem ratione similiter concludere nos possumus, arterias eundem sanguinem, quem venae, & nihil praeter eundem sanguinem continere. Aliqui dum dissolvere difficultatem tentant, spirituosum, & arteriosum esse sanguinem affirmantes, tacite concedunt, arteriarum munus esse sanguinem à corde in universum corpus deferre, & repletas sanguine arterias esse: Spirituosus enim sanguis, non minus sanguis est: Etiam sanguis prout sanguis, & qui in venis fluit, eum spiritibus imbuere nemo negat. Quod si, qui in arteriis est sanguis uberiori spirituum copia turgeat, tamen existimandum est hos spiritus à sanguine inseparabiles esse, sicut illi in venis, & quod sanguis, & spiritus unum corpus constituent (ut serum, & butyrum in lacte, aut calor in aqua calida) quo corpore replentur arteriae & cujus corporis distributionem à corde arteriae praestant, & hoc corpus nihil aliud, quam sanguis est. Si vero hunc sanguinem in arteriis, è corde per arteriarum Dia-  
stolem attrahi dicunt; videntur astruere, quod arteriae sua distensione sanguine isto repleantur, & non aëre ambiente, uti prius: Nam si etiam aëre ab ambiente repleti dicant, quomodo & quando recipient è corde sanguinem? Si in Systole id fiat, continget impossibile; repleti arterias, cum attrabantur, vel repleti, & non distendi; Sin autem in Diastole, in duos usus contrarios, & sanguinem,



& aërem, & calorem, & frigus simul recipient; quod est improbable. Amplius cum affirmant, simul Diastolem cordis, & arteriarum esse, & simul Systolem, alterum est inconueniens. Quomodo enim cum simul distenduntur duo corpora sic invicem connata, alterum ab altero attrahat, vel cum simul contrahuntur, alterum ab altero recipiat aliquid? Insuper forsitan impossibile est, aliquid posse aliud corpus ita in se ipsum attrahere ut distendatur, cum distendi sit pati nisi ut spongia prius vi ab externis constrieta, dum redeat ad constitutionem suam naturalem. Tale autem aliquid in arteriis posse esse, difficile est fingere. Sed artèrias distendi, quia replentur, ut sacculi, & utres, atque non repleri, quia distenduntur ut folles, facile, & aperte demonstrare me posse, & palam ante hac demonstrasse existimo: Attamen libr. quod sang. cont. in arter. Galeni experimentum in contrarium sic se habet. Arteriam nudatam secundum longitudinem incidit, calamumque, vel concavam, per viam fistulam immittit, quo & sanguis exilire non possit, & vulnus obturetur. Quoadusque (inquit) sic se habet, arteria tota pulsabit: cum primum vero obductum filum super arteriam, & fistulam in laqueum contrahens arteriae tunicas calamo obstrinxeris, non amplius arteriam ultra laqueum palpitare videbis. Nec ego feci experimentum Galeni, nec recte posse fieri vivo corpore ob impetuosum sanguinis ex arteriis eruptionem puto, nec obturabit sine ligatura vulnus fistula: & per fistulae cavitatem ulterius prosilire sanguinem non dubito, tamen hoc experimento & probare videtur Ga-

B. 3 le.

lenus facultatem pulsificam per tunicas arteriarum, à corde manare, & quod arteriae dum distendantur, ab illa facultate pulsifica repleantur, quia distendantur ut folles, non distendantur, quia replentur, ut utres. Sed & in arteriotomia, & vulneribus contrarium manifestum est: sanguis enim saliendo ab arteriis profunditur cum impetu, modo longius, modo propius vicissim profiliendo, & saltus semper est in arteriae Diastole & non in Systole. Quo clare apparet, impulsu sanguinis arteriam distendi. Ipsa enim dum distenditur, non potest sanguinem tanta vi projicere, potius aërem in se per vulnus attrahere deberet, secundum ea, quae vulgo de arteriarum usu jactata sunt. Nec crassities tunicarum arteriae nobis imponat, facultatem pulsificam provenire à corde per ipsas tunicas: Nam quibusdam animalibus arteriae à venis nihil differunt, & extremis partibus hominis, & parvis disseminationibus arteriarum quales in cerebro, manu &c. nemo per tunicas, arterias à venis poterit distinguere: eadem enim utriusque tunica: in aneurismate praeterea ex incisa vel exesa arteria genito, eadem omnino pulsatio cum reliquis arteriis, & tamen non habet tunicam arteriae. Hoc mecum doctissimus Riolarus lib. 7. attestatur. Neque eundem usum pulsus, ac respirationis quis existimet, quod iisdem causis uti, respiratio, crebriores, majores, celeriores fieri cernat, uti cursu, ira, balneo aut quovis calfaciente (ut dicit Galenus) Nam non solum illud experimentum est in contrarium (quod solvere Galenus nititur) cum ab immodica repletione pulsus existant

ma-

maiores, respirationes minores; Sed & in pueris pulsus frequentes, cum respiratio interim rara. Similiter in timore, & curis, & anxietate animi, imo aliquibus in febribus pulsus celeres, frequentes, respirationes vero tardiores. Haec & hujusmodi incommoda positas opiniones de pulsu, & usu arteriarum, consequuntur: non minus forsitan etiam ea, quae de usu, & pulsu cordis affirmantur, difficultatibus plurimis & inextricabilibus implexa sunt. Cor affirmant vulgo fontem, & officinam vitalis spiritus esse, quibus vitam singulis partibus largiatur, & tamen negant dextrum ventriculum spiritus facere, sed praebere duntaxat alimentum pulmonibus, unde dicunt piscibus deesse dextrum ventriculum cordis, & omnino omnibus deest quibus non sunt pulmones: Et quod dexter ventriculus cordis, pulmonum gratia sit.

1. Cur (quaeso) cum eadem pene constitutio sit utriusque ventriculi, eadem fabrica fibrarum, lacertulorum, valvularum, vasorum, auricularum, & eodem uterque in dissectionibus refertiatur sanguine, similiter nigricante, similiter grumescente: Cur (inquam) cum eadem sit utriusque actio, motus pulsus, variis eos usibus, tam differentibus, existimemus destinatos fuisse? Si valvulae tricuspidales tres sub dextri ventriculi ingressu, impedimento sint sanguinis regressui in venam cavam, & si semilunares tres illae in orificio arteriosae venae ut sanguinis regressum impedirent factae sint! cur, cum similiter se habeant, sinistro ventriculo similiter sanguinis tum egressui, tum regressui impediendo factas esse, negemus.

2. Et



2. Et cum magnitudine, forma, situ, omnino eodem pene modo sinistro se habeant ventriculo, quo in dextro, cur dicunt hic spiritum egressui, & regressui impedimento esse in dextro vero sanguinis. Idem organon simile non videtur sanguinis, & spirituum motus similiter impedire apte posse.

3. Et cum meatus, & vasa sibi invicem respondeant magnitudine, videlicet, vena arteriosa, & arteria venosa; cur unum privato usui destinetur, videlicet alendis pulmonibus, alterum publico.

4. Et quomodo probabile est (uti notavit Real-dus Columbus) tanto sanguine opus esse ad nutritionem pulmonum, cum hoc vas, vena videlicet arteriosa, exuperat magnitudine utrumque ramum distributionis venae cavae descendens cruralem.

5. Et (quaeso) cum pulmones tam prope sint, & vas tam amplum existat, & ipsi continuo motu, quid est quod dextri ventriculi pulsu opus sit? & quid est quod Natura, gratia alendorum pulmonum, alterum ventriculum cordi adungere necesse habeat.

Cum dicunt sinistrum ventriculum è pulmonibus, & dextro cordis sinu materiam attrahere, ad spiritus condendos; aërem videlicet & sanguinem, & pariter in aortam spirituosum sanguinem distribuire: & hinc fuligines, videlicet retro per arteriam venalem remitti in pulmones, illinc spiritus in aortam. Quid est quod separationem facit, & quod modo huc illuc spiritus, fuligines, citra permistionem aut confusionem commeant. Si tricuspidēs mitrales non impediunt egressum fuliginum ad pulmones, quomodo impediunt aëris? Et quomodo semilunares  
pro-

hibebunt regressum spirituum (subsequente Diastole cordis) ab aorta? Et omnino, quomodo dicunt per arteriam venalem spirituosum sanguinem distribui è ventriculo sinistro, in pulmones, nec interim impediant tricuspidēs? cum affirmarint aërem per idem vas à pulmonibus in ventriculū sinistrum ingredi, cujus egressui tricuspidēs illae valvulae impedimento esse voluerunt. Deus bone! Quomodo tricuspidēs impediunt aëris egressum, & non sanguinis.

Amplius, cum venam arteriosam, vas amplum, magnum cum tunica arteriae factum, non nisi privato, & uni usui (videlicet alendis pulmonibus) destinarint: Cur arteriam venalem vix pari magnitudine cum tunica venae molli, laxa, pluribus usibus, tribus, vel quatuor videlicet fabrefactam asseverant: volunt enim per ipsam aërem è pulmonibus in sinistrum ventriculū permeare: volunt similiter è corde in pulmones fuligines per ipsam remeare: volunt spirituosū sanguinis portionem à corde per ipsam in pulmones ad ipsos refocillandos distribui.

Si fuligines & aërem à corde illas, ad cor hunc per eundem tubulū volunt transmitti; tam contrariis motibus, & usibus unum vas & unam viam fabricare Natura solita non est, nec videre uspiam contigit.

Si fuligines, si aërem hac via permeare, remeare contendunt, ut per Bronchia pulmonum; quare exsecta, vel incisa arteria venosa, neque aërem, neque fuligines reperire in dissectione possumus, & unde semper refertam crasso sanguine Arteriam venosam istam videmus, & nunquam aëre; cum in pulmonibus

*bus* & aërem remanentem cernimus?

*Si quis experimentum Galeni faceret, & cani adhuc viventi trachaeam incideret, & follibus pulmones aëre impletet per vim, & distentos ligaret fortiter; Idem mox dissecto pectore multam aëris copiam in pulmonibus, usque ad extimam illorum tunicam, invenerit, sed neque in arteria venosa, neque in sinistro ventriculo cordis quidquam. Si aërem è pulmonibus, in cane vivente, aut cor attraheret, aut pulmones transmitteret, multo magis hoc experimento id facere deberent. Imo in administratione Anatomica inflatis cadaveris pulmonibus, etiam aërem statim huc ingredi (si ulli essent meatus) quis dubitaret? Tam magni vero faciunt hunc usum arteriae venosae, videlicet ad aërem è pulmonibus cordi deferendum: ut Hieronym. Fabr. ab Aquap. hujus vasis causa pulmones factos fuisse, & hanc esse praecipuam pulmonum particulam, contendat.*

*Sed amabo, si aëri deferendo arteria venosa condita sit, cur ejus constitutio est venae?*

*Fistulis potius opus esset Naturae (& quidem quales Bronchia sunt annularibus, ut semper pateant, & neque concidant, & ut omnino vacuae, sanguine permaneant, ne humor aëris transitum impediat, uti manifestum est, quando pulmones pituita Bronchiis vel infarcta, vel paululum admissa laborant) sibilo, & strepitu oborto dum respiramus.*

*Minus toleranda illa opinio, quae cum duplicem materiam (aëream & sanguineam) necessariam esse ad spiritus vitales efficiendos supponit, sanguinem per mediastini cordis caecas porositates de dextro in  
sini-*



*sinistrum ventriculum transudare, aërem per magnum vas Arteriam venosam è pulmonibus attrahi, contendit: & proinde in septo cordis porositates plures esse producendo sanguini accommodatas. Sed me hercule porositates nullae sunt, neque demonstrari possunt.*

*Septi enim cordis substantia densior, & compactior est quavis altera corporis particula, exceptis ossibus, & nervis. Sed si adessent foramina, quomodo (cum simul uterque ventriculus distenditur, & dilatatur) alterum ab altero quidpiam, aut sinistrum sanguinem è dextro exhaurire possibile est? Et cur non potius dextrum spiritus ex sinistro, quam sinistrum sanguinem è dextro ventriculo per eadem foramina evocare crediderim. At mirum, & incongruum certe, sanguinem per coecos obscurosque ductus, & aërem per patentissimos eodem instanti, commodius attrahi. Et cur quaeso pro sanguinis transitu in sinistrum ventriculum ad caecas, & invisibiles porositates incertas, obscuras confugiunt, quando adest per arteriam venosam tam patens iter? mirum mihi certe est, quod per cordis septum, crassum, durum, densum, compactissimum viam facere, vel fingere potius maluerunt, quam per patens vas venosum, aut etiam per pulmonum substantiam raram, laxam, mollissimam, spongiosam. Praeterea si per septi substantiam sanguis permeare potuisset, aut è ventriculis imbibere, quid opus esset venae, & arteriae coronalis ramulis ad ipsius septi nutritionem divaricatis? Quod notatu dignissimum, si in foetu (quando omnia rariora, molliora) Natura coacta fuit per foramen ovale sangui-*

guinem in sinistrum ventriculum è vena cava per arteriam venosam traducere: Quomodo verisimile possit esse, quod in adulto per cordis septum jam densius aetate factum tam commode nulloque negotio transfundat.

Andraeas Laurentius lib. 9. cap. 11. Quaestione 12. auctoritate Galeni de lcc. affect. lib. 6. cap. 7. & experientia Hollerii fultus, asserit, & probat, è cavitate pectoris serositates, & pus Empyicorum in arteriam venosam absorptum per sinistrum ventriculum cordis, & per arterias cum urina, vel cum foecibus alvi. posse expelli recenset, quinetiam in confirmationem casum cujusdam Melancholici, qui saepius deliquium animi passus, à paroxysmo liberatus erat emissionem urinae turbidae, foetidae, acris; quo genere morbi tandem confectus, dissecto cadavere, talis substantia, qualem mingeat, neque in vesica, neque in renibus uspiam apparebat, sed in cordis sinistro ventriculo, & cavitate pectoris plurima: unde gloriatur se horum effectuum talem praedixisse causam. Ego autem non possum non mirari, cum ipse materiam heterogeneam posse eodem tractu evacuari divinarat, & praedicaverat: quod iisdem viis sanguinem è pulmonibus in sinistram ventriculum secundum naturam deduci convenienter cernere, aut asseverare non potuit, aut noluit.

Itaque ex his, & hujusmodi plurimis patet, cum ea quae dicta antehac à prioribus de motu, & usu cordis, & arteriarum, aut inconvenientia, aut obscura, aut impossibilia diligentius consideranti appareant: utile proinde admodum erit paulo penitius  
rem

## PROOEMIUM.

II

*rem introspicere, arteriarum, & cordis motus non solum in homine, sed & aliis universis animalibus cor habentibus contemplari, quin etiam vivorum dissectione frequenti, multaque autopsia veritatem discernere, & investigare.*





# EXERCITATIO

Anatomica,

## DE MOTU CORDIS ET SANGUINIS IN ANIMALIBUS.

### CAPUT PRIMUM.

*Causae, quibus ad scribendum Author per-  
motus fuerit.*



Um multis vivorum dissectionibus (uti ad manum dabantur) animum ad observandum primum appuli; quo cordis motus usum, & utilitates in animalibus per autopsiam, & non per libros aliorumque scripta invenirem: Rem arduam plane, & difficultatibus plenam continuo reperi, ut (cum Fracastorio) motum cordis soli Deo cognitum fuisse, penè opinarer. Nec enim quomodo Systole, aut Diastole fieret, nec quando, aut ubi dilatatio, & constrictio existeret, recte potui internoscere, propter celeritatem scilicet motus,

tus, qui in multis animalibus, nictu oculi, quasi trajecto fulgure, se in conspectum exhibuit, & subtraxit illico, ita ut modo hinc Systolen, illinc Diastolen, modo è contra, modo varios, modo confusos fieri motus me existimabam cernere: unde animus mihi fluctuabat, nec quid vel ipse statuerem, vel aliis crederem habebam, & motum cordis esse, qualis Euripi fluxus & refluxus Aristoteli, Andream Laurentium scripsisse non mirabar.

Tandem majori indies, & disquisitione, & diligentia usus, multa frequenter, & varia animalia viva introspeciendo, multis observationibus collatis & rem attigisse, & ex hoc labyrintho me extricatum evasisse simulque motum, & usum cordis & arteriarum, quae desiderabam, comperta habere me existimabam. Ex quo non solum privatim amicis, sed etiam publice in Praelectionibus meis anatomicis, Academico more, proponere meam in hac re sententiam non verebar.

Quae cum aliis (uti fit) placebat, aliis minus: hi convellere, calumniari, & vitio vertere, quod a praeceptis, & fide omnium Anatomicorum discessem: Illi rem novam cum inquisitu dignam tum maxime utilem fore confirmantes, plenius sibi explicatam poscere. Tandem amicorum precibus, ut omnes meorum laborum participes fierent, partim etiam aliorum permotus invidia, qui dicta mea iniquo animo accipientes, & minus intelligentes, me publice traducere conabantur, ut omnes de me, & de re ipsa iudicium ferant, haec typis mandare publice coactus fui: Sed & eo libentius, quod Hieronym. Fab. ab Aquap. cum singulas pene animalium particulas, accurate, & docte

## 24 EXERCITATIO ANATOMICA

ēte peculiari tractatu delineaverat, solum cor intactum reliquit. Denique ut si quid reipub. literariae ex opera mea utile, & commodum hac in parte accederet, forsan recte fecisse me constaret, nec alii omnino inertem me vixisse viderent, & quod senex ait in Comoedia (*Nunquam quisquam ita bene subducta ratione ad vitam fuit,*

- „ *Quin res, aetas, usus aliquid apportet novi,*  
 „ *Aliquid admoneat, ut illa quae te scire credas, nescias.*  
 „ *Et quae tibi putaris prima in experiundo repudies.)*

Illud forsan in cordis motu eveniat nunc, aut alii hinc saltem, hac data via, felicioribus freti ingeniis, rei rectius gerendae, & melius inquirendi occasionem capient.

## CAPUT SECUNDUM.

*Ex vivorum dissectione, qualis sit Cordis motus.*

**P**rimum itaque in Cordibus, omnium adhuc viventium animalium aperto pectore, & dissecta capsula, quae cor immediate circumcludit observare licet. Cor aliquando movere, aliquando quiescere, & esse tempus in quo movetur, & in quo motu destituitur.

Haec manifestiora in cordibus frigidorum animalium, ut bufone, serpentibus, ranis, cochleis, gammaris, crustatis conchis, squillis, & pisciculis omnibus:

Fiunt



Fiunt etiam omnia manifestiora in cordibus aliorum, ut canis, porci, si eo usque attente observaveris quoad emori cor, & languidius moveri, & quasi extingui incipiat: tum etenim tardiores, & rariores ipsius motus fieri, & longiores quietes, cernere aperte, & clare poteris, & motus qualis sit, & quomodo fiat, commodius intueri & dijudicare licet. In quiete, ut in morte cor laxum, flaccidum, enervatum, inclinatum quasi jacet.

In motu, & eo quo movetur tempore, tria prae caeteris animadvertenda.

I. Quod erigitur cor, & in mucronem se sursum elevat, sic ut illo tempore ferire pectus, & foris sentiri pulsatio possit.

II. Undique contrahi, magis vero secundum latera, ita, uti minoris magnitudinis, & longiusculum, & collectum appareat. Cor anguillae exemptum, & super tabulam aut manum positum hoc facit manifestum: aequè etiam apparet in corde pisciculorum, & illis frigidioribus animalibus, quibus cor coniforme, aut longiusculum est.

III. Comprehensum manu cor eo quo movetur tempore, duriusculum fieri, à tentione autem illa durities est, quemadmodum si quis lacertos in cubitu manu comprehendens, dum movent digitos, illos tendi & magis renitentes fieri percipiat.

IV. Notandum insuper in piscibus, & frigidioribus sanguineis animalibus, ut serpentibus, ranis, &c. illo tempore, quo movetur cor albidioris coloris esse, cum quiescit à motu caloris sanguinei saturum cerni.

Ex his mihi videbatur manifestum; Motum cordis esse tentionem quandam ex omni parte, & secundum

ductum omnium fibrarum, & constrictionem undique, quoniam erigi, vigorari, minorari, & durescere in omni motu videtur, ipsiusque motum esse, qualem musculorum, dum contractio fit, secundum partium nervosarum, & fibrarum, muscoli enim cum moventur, & in actu sunt vigorantur, tenduntur, ex molibus duri fiunt, attolluntur, incrassantur, & similiter Cor.

Ex quibus observatis rationi consentaneum est, Cor eo quo movetur tempore, & undique constringitur, & secundum parietes incrassescit: secundum ventriculos coartari, & contentum sanguinem protrudere, quod ex quarta observatione satis patet, cum in ipsa tensione sua, propterea quod sanguinem in se prius contentum exprefferit, albescit, & denuo in laxatione, & quiete, subingrediente de novo sanguine in ventriculum, redit color purpureus, & sanguineus cordi. Verum nemo amplius dubitare poterit, cum usque in ventriculi cavitatem inslicto vulnere, singulis motibus, sive pulsationibus cordis in ipsa tensione proflire cum impetu foras contentum sanguinem viderit.

Simul itaque haec, & eodem tempore contingunt, tensio cordis, mucronis, pulsus, qui forinsecus sentitur ex allusione ejus ad pectus, parietum incrassatio & contenti sanguinis protrusio cum impetu à constrictione ventriculorum.

Hinc contrarium vulgariter receptis opinionibus, apparet: cum eo tempore, quo cor pectus ferit, & pulsus foris sentitur; una cor distendi secundum ventriculos; & repleti sanguine putetur, quanquam contra rem se habere intelligas, videlicet cor dum contrahitur inaniri. Unde qui motus vulgo cordis Diastole

le existimatur, revera Systole est. Et similiter motus proprius cordis, Diastole non est, sed Systole; neque in Diastole vigoratur cor, sed in Systole, tum enim tenditur, movetur, vigoratur.

Neque omnino admittendum illud, tametsi divini Vesalii adducto exemplo confirmatum; De vimineo circulo scilicet ex multis juncis pyramidatim junctis, cor secundum fibras rectas tantum moveri; Et sic dum apex ad basin appropinquat, latera in orbem distendi, & cavitates dilatari, & ventriculos cucurbitulae formam acquirere, & sanguinem intromere, nam secundum omnem quem habet ductum fibrarum, cor eodem tempore tenditur, constringitur, & potius incrassari, & dilatari parietes, & substantiam, quam ventriculos; & dum tenduntur fibrae à cono ad basin & cor una ad basin trahunt, non in orbem latera cordis inclinarent, sed potius contrarium, uti omnis fibra in circulari positione dum contrahitur versus rectitudinem. Et sicut omnes musculorum fibrae, dum contrahuntur & in longitudine abbreviantur, ita secundum latera distenduntur, & eodem modo quo in musculorum ventribus incrassantur: adde, quod non solum in motu cordis per directionem, & incrassationem parietum contingit ventriculos coartari, sed ulterius eo quod fibrae illae sive lacertuli, in quibus solum fibrae recte (in pariete enim omnes sunt circulares) ab Aristotele Nervi dictae, quae vario in ventriculis cordis majorum animalium, dum una contrahuntur, admirabili apparatu, omnia interiora latera veluti laqueo invicem compelluntur, ad contentum sanguinem majori robore expellendum.

Neque verum est similiter, quod vulgo creditur,



cor ullo suo motu, aut distentione, sanguinem in ventriculis attrahere: dum enim movetur, & tenditur expellit; dum laxatur, & concidit, recipit sanguinem eo modo, quo postea patebit.

## CAPUT TERTIUM.

### *Arteriarum motus qualis ex vivorum dissectione.*

**U**Lterius in cordis motu observanda veniunt haec, quae ad arteriarum motus, & pulsationes spectant.

I. Eo tempore quo cordis fit tentio, contractio, percussio pectoris & omnino Systole, Arteriae dilatantur, pulsus edunt, & in sua sunt Diastole: Similiter eo tempore quo dexter ventriculus contrahitur, & protrudit contentum sanguinem, vena arteriosa pulsatur, & dilatatur simul cum reliquis arteriis corporis.

II. Quando sinister ventriculus cessat moveri pulsare, & contrahi: cessat pulsus arteriarum; imo quando languidius tenditur, pulsus in arteriis vix perceptibilis, & similiter cessante dextro in vena arteriosa.

III. Item secta quavis arteria, vel perforata, in ipsa tentione ventriculi sinistri, propellitur foras sanguis ex vulnere cum impetu. Similiter secta vena arteriosa eodem tempore, quo dexter ventriculus tenditur, & contrahitur, exinde cum impetu sanguinem proflire videbis.

Similiter etiam in piscibus secta fistula, quae est corde

de in bronchia ducit, quo tempore cor tendi, & contrahi videbit, eo una etiam sanguinem exinde pertrudi cum impetu.

Similiter denique cum in omni arteriotomia sanguis profiliendo exeat modo longius, modo propius saltum fieri in arteriarum Diastole, & quo tempore cor pectus ferit, comperies: atque hoc nimirum eo tempore quo cor tendi, & contrahi apparet, & in sua esse Systole erectione, unaque sanguis expellitur eodem motu.

Ex his videtur manifestum contra communia dogmata, quod arteriarum Diastole sit eo tempore, quo cordis Systole: & arterias repleri, & distendi, propter sanguinis à constrictione ventriculorum cordis immiſſionem, & intrusionem; quin etiam distendi arterias, quia replentur ut utres, aut vesica, non repleri, quia distenduntur ut folles. Et eadem de causa universi corporis arteriae pulsant, videlicet, à tensione sinistri cordis ventriculi, sicut vena arteriosa à dextri.

Denique arteriarum pulsum fieri ab impulsu sanguinis è ventriculo sinistro: eodem pacto, quo cum quis in chirothecam inflat, omnes digitos simul, & una distendi, & pulsum aemulari; etenim secundum cordis tensionem pariter pulsus fiunt majores, vehementiores, frequentes, celeres, rythmum, & quantitatem, & ordinem servantes, nec est expectandum, ut propter motum sanguinis tempus inter constrictionem cordis, & arteriarum (praecipue magis distantium) dilationem intercedat, ne fiant simul, cum eodem modo se habet, ut in inflatione chirothecae, aut vesicae, quod per plenum, (ut per tympanum, & in

3. Anim.  
cap. 9.  
De respir.  
cap. 15.

longis lignis) ictus, & motus simul sunt in utroque extremo, & quod Aristoteles: *Palpitat intra venas* (arterias intelligit) *sanguis omnium animalium, pulsuque simul undique movetur, sic pulsant venae omnes & simul invicem, propterea quod pendent omnes à corde; movet autem semper, quare & illae semper, & simul invicem quando movet.*

Notandum cum Galeno, à veteribus Philosophis Venas pro Arteriis, appellatas fuisse. Accidit aliquando me vidisse, & prae manibus habuisse casum quendam, qui mihi hanc veritatem apertissime confirmabat. Habuit quidam tumorem ingentem pulsantem, Aneurisma dictum, in dextra parte juguli prope descensum arteriae exesione prognatum (qui summum indies incrementum capebat) & illud propter missionem sanguinis ab arteria, singulis pulsationibus distentis (quod secto post mortem cadavere deprehensum erat) in illo pulsus ejusdem brachii exilis admodum, eo quod major sanguinis portio, & influxus in tumorem divertebatur, & interceptus fuit.

Quare sive per compressionem, sive per infarctum, vel interceptionem ubicunque sanguinis motus per arterias praepeditur, ibi posteriores arteriae minus pulsant, cum pulsus arteriarum, nil nisi impulsus sit sanguinis in arterias.



## CAPUT QUARTUM.

*Motus cordis & auricularum qualis ex vivorum dissectione.*

**P**Raeter haec circa motum cordis observanda sunt, quae ad auricularum usum spectant.

Quod Caspar Bauhinus & Johannes Riolanus viri doctissimi & Anatomici peritissimi observarunt & admo-  
nent, quod si in viva sectione alicujus animalis cordis morum studiose observes, quatuor motus loco, & tempore distinctos aspices; quorum duo sunt proprii auricularum, ventriculorum duo. Pace tantorum virorum, quatuor sunt motus, loco, non vero tempore, distincti. Simul enim ambae auriculae movent, & simul ambo ventriculi ut quatuor loco motus distincti sunt duobus tantum temporibus, atque hoc se habet modo.

Bauhin.  
lib. 2. c. 21.  
Joan. Riolan. lib. 8.  
cap. 1.

Duo sunt quasi eodem tempore motus, unus auricularum, alter ipsorum ventriculorum: nec enim simul omnino fiunt: sed praecedit motus auricularum, & subsequitur cordis, & motus ab auriculis incipere, & in ventriculos progredi visus est. cum jam languidiora omnia emoriente corde, & in piscibus, & in frigidioribus sanguineis animalibus inter hos duos motus, tempus aliquod quietis intercedit, ut cor quasi suscitatum motui respondere videtur, aliquando tardius, & tandem ad mortem inclinans cessat motu suo respondere, & quasi capite duntaxat leviter annuit, & obscure adeo movetur, ut potius motus signum prae-

praebere pulsanti auriculae videatur. Sic prius desinit cor pulsare, quam auriculae, ut auriculae supervivere dicantur; & primus omnium desinit pulsare sinister ventriculus, deinde ejus auricula, demum dexter ventriculus, ultimo (quod etiam notavit Galenus) reliquis omnibus cessantibus, & mortuis, pulsat usque dextra auricula, uti ultimo in dextra auricula vita remanere videatur. Et dum sensim emoritur cor videre licet, post duas vel tres pulsationes auricularum aliquando quasi expergefactum cor respondere, & unum pulsum lente, & aegre, peragere, & moliri.

Sed & praecipue notandum, quod, postquam cessavit cor pulsare, adhuc auricula pulsante digito super ventriculum cordis posito, singulae pulsationes percipiuntur in ventriculis, eodem plane modo, quo ventriculorum pulsationes in arteriis sentiri antea diximus, à sanguinis impulsu nimirum distentione facta, & hoc tempore, pulsante solum auricula, si forfice cordis mucronem absecueris, exinde singulis auriculae pulsationibus sanguinem effluere conspicias: ut hinc pateat quomodo in ventriculos sanguis ingrediatur, non attractione, aut distentione cordis, sed ex pulsu auricularum immissus.

Notandum est ubique omnes, quas voco, & in auriculis, & in corde pulsationes, contractiones esse: & plane primo contrahi auriculas videbis, & in consequentia, cor ipsum. Auriculae enim dum moventur, & pulsan albidiores fiunt, praesertim ubi paucò sanguine replentur (replentur autem tanquam promptuarium, & lacuna sanguinis, declinante sponte sanguine, & venarum motu compresso ad centrum) quin etiam in finibus, & extremitatibus ipsarum haec albedo à  
con-

contractione fieri, vel maxime apparet.

In piscibus, & ranis, & similibus (unum ventriculum habent cordis, & pro auricula vesicam quandam in basi cordis positam, refertissimam sanguine) hanc videbis vesicam primo contrahi, & subsequi postea cordis contractionem apertissime.

At vero & quae his contrario modo se habent à me observata adscribere huc visum est. Cor anguillae, & quorundam piscium, & animalium etiam exemptum sine auriculis pulsat: Immo si in frustra dissectueris partes ejus divisas separatim sese contrahere, & laxare videbis ita, ut in his, post cessationem motus auricularum, cordis corpus pulsum faciat, & palpitet. Sed an hoc proprium vivacioribus animalibus, quorum radicale humidum glutinosum magis, aut pingue, & lentum est, & non ita facile dissolubile? Quod etiam apparet in carne anguillarum, quae post excoariationem, exenterationem, & in frustra dissectionem, motum retinet.

In Columba certe experimento facto, postquam cor defierat omnino moveri, & nunc etiam auriculae motum reliquerant per aliquod spatium, digitum saliva madefactum, & calidum cordi superimpositum detinui: Quo fomento quasi vires, & vitam postliminio recuperasset, cor, & ejus auricula moveri, & sese contrahere, atque laxare, & quasi ab orco revocari videbantur.

Sed & praeter haec aliquoties à me observatum fuit, postquam cor ipsum, & ejus auricula etiam dextra, à pulsatione quasi mortis articulo quiescebant; in ipso sanguine, qui in dextra auricula continetur, obscurum motum, & inundationem, ac palpitationem quandam



manifesto superfuisse, tamdiu scilicet, qua calore & spiritu imbuui videretur.

Tale quiddam evidentissime in prima animalis generatione intra septem dies ab incubatione, in ovo Gallinaceo cernitur. Inest primum ante omnia gutta sanguinis, quae palpitat (quod etiam annotavit Aristot.) ex qua incremento facto, & pullo aliqua ex parte formato, fiunt cordis auriculæ, quibus pulsantibus perpetuo inest vita: cum postea corpus delineari intermissis aliquot diebus inceperit, tum etiam cordis corpus procreatur, & per aliquod tempus albidum apparet, & exangue, ut reliquum corpus, nec pulsus edit, nec motus. Quin etiam in foetu humano vidi, circa principium tertii mensis similiter cor formatum, sed albidum, & exangue, cujus tamen auriculis sanguis inerat uberrimus & purpureus. Sed enim in ovo, jam adaucto, & conformato foetu, simul, & cor adaugeri, & ventriculos habere, quibus sanguinem tunc recipere, & transmittere occipit.

Ita ut si penitus introspicere quis velit, non solum cor esse primum vivens, & ultimum moriens dixerit, sed auriculas (& quae in serpentibus, piscibus, & huiusmodi animalibus pars pro auricula est) & priusquam cor ipsum vivere, & post etiam emori.

Imo an prius adhuc ipse sanguis, vel spiritus, habeat in se obscuram palpitationem, quam post mortem retinere mihi visus est: & an cum palpitatione vitam incipere dicamus, dubitare contingit, quandoquidem, & sperma animalium omnium (ut notavit Arist.) & spiritus prolificus palpitando exit, velut animal quoddam. Ita Natura in morte quasi decursione facta reducem (ut Arist.) agat motu retrogrado à calce ad car-

carceres eo unde proruit sese recipit: & cum animalis generatio ex non animali procedat in animal, tanquam ex non ente in ens iisdem retro gradibus corruptio ex ente revolvatur in non ens, unde quod in animalibus ultimo fit deficit primum, & quod primo ultimum.

Observavi quoque in omnibus pene animalibus cor vere inesse, & non solum (ut Aristot. dicit) in majoribus, & sanguineis, sed in minoribus, exanguibus, crustatis, & testaceis quibusdam, ut limacibus, cochleis, conchis, astacis, gammaris, squillis, multisque aliis; imo vespis, & crabronibus muscis (ope perispicilli ad res minimas discernendas) in summitate illius particulae quae cauda dicitur, & vidi pulsans Cor, & aliis videndum exhibui.

In exanguibus vero Cor lente admodum, rarisque ictibus pulsat, atque ut in aliis jam moribundis contingit, & tarde sese contrahit, ut facile in cochleis est cernere. Quorum cor deprehendes in fundo illius orificii in latere dextro quod se aperire, & claudere eventationis causa videtur, & unde salivam expuit, sectione facta in summitatem juxta partem jecori analogam.

Sed notandum & hoc, hyeme, & frigidioribus tempestatibus, exanguia aliqua (qualis est Cochlea) nihil pulsans habent, sed vitam magis plantae agere videntur, ut etiam reliqua quae plant-animalia ideo dicuntur.

Notandum insuper in omnibus animalibus ubi cor inest, ibi etiam auriculas esse, vel auriculis analogon: Et ubicunque cor duplici ventriculo donatur, ibi duas semper aditare auriculas, non contra. Sed si in ovo pulli conformationem advertas; Primum inest ut dixi,

## 36 EXERCITATIO ANATOMICA

tantum vesicula, vel auricula, vel gutta sanguinis pulsans, postea incremento facto absolvitur cor. Ita quibusdam animalibus (quasi ulteriorem perfectionem non adipiscentibus) pulsans vesicula quaedam, instar puncti cujusdam rubri vel albi, duntaxat inest, quasi principium vitae: uti apibus, vespis, cochleis, squillis, gammaris, &c.

Est hic apud nos minima Squilla (quae Anglice dicitur a Shrimp, Belgice *een Garneel*) in mari, & in Thamesi capi solita, cujus corpus omnino pellucidum est: Eam aquae impositam saepius praebui spectandam amicissimis quibusdam meis, ut cordis illius animalculi motus liquidissime perspiceremus, dum exteriores illius corporis partes visui nihil officerent, quo minus cordis palpitacionem quasi per fenestram intueremur.

In ovo Gallinaceo post quatuor, vel quinque dies ab incubatione, primum rudimentum pulli instar nubeculae videndum exhibui, nimirum ovo cui cortex adimebatur, in aquam limpidam, tepidamque immisso, in cujus nubeculae medio punctum sanguinem palpitans tam exiguum erat, ut in contractione disparet, & visum aufugeret in laxatione instar summitatis acus appareret rubicundum: Ita ut inter ipsum videri, & non videri quasi inter esse & non esse, palpitacionem & vitae principium ageret.



## CAPUT QUINTUM.

*Cordis motus actio, & functio.*

**E**Go vero ex his tandem, & hujusmodi observationibus repertum iri confido, motum Cordis ad hunc modum fieri.

Primum sese contrahit auricula, & in illa contractione sanguinem contentum (quo abundat tanquam venarum caput, & sanguinis promptuarium, & cisterna) in ventriculum cordis conjicit, quo repleto cor sese erigit, continuo omnes nervos tendit, contrahit ventriculos, & pulsum facit, quo pulsu immixtum ab auricula sanguinem continenter protrudit in arterias, dexter ventriculus in pulmones per vas illud, quod Vena arteriosa nominatur, sed re vera, & constitutione, & officio, & in omnibus, arteria est: sinister ventriculus in aortam, & per arterias in univsum corpus.

Isti duo motus, auricularum unus, alter ventriculorum ita per consecutionem fiunt, servata quasi harmonia & rhytmo, ut ambo simul fiant, unicus tantum motus appareat, praesertim in calidioribus animalibus, dum illa celeri agitantur motu. Nec alia ratione id fit, quam cum in machinis, una rota aliam movente, omnes simul movere videantur, & in mechanico illo artificio, quod sclopetis adaptant, ubi compressione alicujus ligulae, cadit flex, percutit chalybem, & propellit, ignis elicitur, qui in pulverem ca-

### 38 · EXERCITATIO ANATOMICA

dit, ignitur pulvis, interius prorepat, disploditur, evolat globulus, metam penetrat, & omnes isti motus propter celeritatem quasi in nictu oculi simul fieri apparent. Sic etiam in deglutitione radice, lingue elevatione, & oris compressione, cibus vel potus in fauces deturbatur, larynx à musculis suis, & epiglottide clauditur, elevatur, & aperitur, summitas gulæ à musculis suis, haud aliter quam faccus ad implendum attollitur, & ad recipiendum dilatatur, & cibus, vel potus acceptum transversis musculis deprimat, & longioribus attrahit: Et tamen omnes isti motus à diversis, & contradistinctis organis facti, cum harmonia, & ordine, dum fiunt, unum efficere motum videntur, & actionem unam, quam deglutitionem vocamus.

Sic contingit plane in motione, & actione Cordis, quæ deglutitio quaedam est, & transfusio sanguinis è venis in arterias: Et si quis (dum hæc habuerit in animo) cordis motum diligenter in viva dissectione animadverterit, videbit, non solum, quod dixi, cor sese erigere, & motum unum fieri cum auriculis continuum, sed inundationem quandam, & lateralem inclinationem obscuram secundum ductum ventriculi dextri, & quasi sese leviter contorquere, & hoc opus peragere: Et quemadmodum cernere licet, cum equus potat, & aquam deglutit, singulis gulæ tractibus absorberi aquam, & in ventriculum demitti, qui motus sonitum facit & pulsus quendam & auscultantibus, & tangentibus exhibet, ita dum istis cordis motibus fit portio sanguinis è venis in arterias traditio, pulsus fieri, & exaudiri in pectore contingit.

Motus itaque Cordis omnino ad hunc se habet modum,

dum, & una actio cordis est ipsa sanguinis transfusio, & in extrema usque, mediantibus arteriis propulsio, ut pulsus, quem nos sentimus in arteriis, nil nisi sanguinis à corde impulsus sit.

An vero cor sanguini praeter transpositionem, & motum localem, & distributionem aliquid aliud addat, sive calorem, sive spiritum, sive perfectionem, posterius inquirendum, & ex aliis observationibus colligendum: Hoc in praesentia sufficiat satis ostensum esse, in pulsu cordis sanguinem transfundi, & deduci è venis in arterias per cordis ventriculos, & distribui in uni versum corpus.

Sed & hoc omnes aliquo modo concedunt, & ex cordis fabrica, & valvularum artificio, positione, & usu colligunt. Verum tanquam in loco obscuro titubantes coecutire videntur, & varia, subcontraria, & non cohaerentia componunt, & ex conjectura plurima pronunciant, ut ante demonstratum est.

Causa maxima hac in parte haesitandi, & errandi una fuisse mihi videtur, cordis cum pulmone in homine contextus: cum venam ibi arteriosam in pulmones obliterari, & similiter Arteriam venosam conspexisset, unde aut quomodo dexter ventriculus in corpus distribueret sanguinem: aut sinister è vena cava exhauriret, obscurum admodum illis erat; hoc attestantur Galeni verba (dum contra Erasistratum de venarum origine & usu, & sanguinis coctione, invehitur) „*respondebitis* (inquit) *ita esse effectum*,  
 „ *ut in jecore sanguis praeparetur, atque inde in*  
 „ *cor deferatur, ibi postea reliquam propriae for-*  
 „ *mae perfectionem absolutam accepturus. Quod pro-*  
 „ *fecto ratione vacare non videtur: Nullum enim*  
 „ *per-*

Galen. de  
 placitis  
 Hippoc.  
 & Plat. 6.



„ *perfectum & magnum opus repente una aggressione*  
 „ *fieri, totamque suam expolitionem ab uno instru-*  
 „ *mento acquirere potest. Quod si ita est, ostendite*  
 „ *nobis vas aliud, quod è corde sanguinem absolute*  
 „ *perfectum educat, atque ipsum ut arteriae spiri-*  
 „ *tum, in totum corpus dispenset.*” Ecce opinionem  
 rationabilem non approbasse, & reliquisse Galenum  
 (quia praeterquam quod viam transitus non videbat)  
 vas reperire non poterat, quod in totum corpus è  
 Corde sanguinem dispenset.

Si quis vero ibidem pro Erasistrato, vel pro illa,  
 & nunc nostra opinione (ipsius confessione Galeni)  
 alias rationi consentanea instaret, & arteriam magnam  
 sanguinem è corde in universum corpus dispensantem  
 digito commonstrasset; Quid divinus ille vir ingenio-  
 sissimus & doctissimus responderet miror. Si arteriam  
 spiritus dispensare & non sanguinem diceret; profe-  
 cto Erasistratum refelleret satis (qui in arteriis spiri-  
 tus duntaxat contineri arbitrabatur) sed sibi ipsi con-  
 tradiceret interea & id esse turpiter negaret, quod li-  
 bro proprio acriter esse contendit, contra eundem  
 Erasistratum: & multis, & validis argumentis compro-  
 bat, & experimentis demonstrat, quod sanguis con-  
 tineatur in arteriis natura, & non spiritus.

„ *Sin vero divinus vir (uti facit eodem loco sae-*  
 „ *pius) concederet, omnes arterias corporis à magna*  
 „ *arteria oriri, & hanc à corde: quin etiam in ipsis*  
 „ *omnibus sanguinem natura contineri, & deferri,*  
 „ *& valvulas illas tres sigmoides orificio aortae po-*  
 „ *sitas, regressum sanguinis in cor prohibere profes-*  
 „ *sus, & quod haec Natura nequaquam praestantis-*  
 „ *simo visceri apposuisset, nisi maximum aliquod mi-*  
 „ *niste-*

„*mysterium illae fuissent exhibiturae.*” Si (inquam) haec omnia, & his ipsissimis verbis concederet Pater Medicorum; (uti facit *recitato libro.*)

Quomodo negare possit arteriam magnam istiusmodi vas esse quod sanguinem (jam absolutam suam perfectionem adeptum) è corde in universum corpus dispenfet, non video. An adhuc forsan haesitaret, ut omnes in hunc usque diem post ipsum, quod propter contextum, ut dixi cordis cum pulmone, non videat vias, per quas sanguis è venis in arterias transferri possit.

Quod dubium etiam anatomicos (dum semper in dissectionibus inveniunt arteriam venosam, & sinistrum ventriculum cordis repletos sanguine, eoque crasso, grumescente, atro) non mediocriter perturbat, cum sanguinem, è dextro ventriculo in sinistrum per septum cordis transfundere coacti sint affirmare. Sed hanc viam antea refutavi. Jam ideo via paranda est, & aperienda, qua inventa, nunc nulla esset difficultas, quae quempiam (credo) inhiberet, quo minus quae ante proposui (de pulsu cordis, & arteriarum, de transfusione sanguinis è venis in arterias & de dispensatione in universum corpus per arterias) concedere, & agnoscere, facile possit.

## CAPUT SEXTUM.

*Quibus viis, sanguis, è vena Cava in arterias, vel è dextro ventriculo cordis in sinistrum deferatur.*

CUM errandi occasionem praebuisset probabile sit, quam in homine vident (ut dixi) cordis cum pulmone connexionem: In hoc peccant, qui dum de partibus animalium (uti vulgo omnes Anatomici faciunt) pronunciare, & demonstrare, aut cognoscere volunt, unum tantum hominem, eumque mortuum introspiciunt, & sic tanquam, qui una reipub. forma perspecta disciplinam politicam componere, aut unius agri naturam cognoscentes, agriculturam se scire opinantur: Nihilo plus agunt, quam si ex una particulari propositione, de universali Syllogizare darent operam.

Veruntamen, si in dissectione animalium aequè versati essent, ac in humani cadaveris anatome exercitati: Res haec in dubio, quae omnes perplexos retinet, palam absque omni difficultate mea sententia elucesceret.

In piscibus, in quibus unus tantum ventriculus cordis (ut non habentibus pulmones) res primum satis manifesta est, vesicam enim sanguinis in basi Cordis positam, auriculae nimirum analogon, sanguinem in cor immittere, quem cor denuo per fistulam sive arteriam, vel arteriae analogon, aperte transmittere, tum visu, tum  
secta



fecta arteria (exinde sanguine singula pulsatione cordis profiliante) oculis palam confirmari posse constat.

Idem etiam deinde in omnibus animalibus, in quibus unus duntaxat ventriculus, vel quasi unus, non difficile est cernere, ut in bufone, rana, serpentibus, lacertis, quae etsi pulmones aliquo modo habere dicuntur, ut quivocem habent (de quorum pulmonum artificio admirando; & de caeteris ejusmodi, per multas apud me observationes habeo, quae non sunt hujus loci) tamen ex autopsia eodem modo in illis è venis in arterias sanguinem pulsu cordis traductum esse palam est, & via patens, aperta, manifesta, nulla difficultas, nullus haesitandi locus: In his enim perinde se res habet atque in homine, si septum cordis perforatum, aut ademptum esset, aut unus ex utrisque fieret ventriculus, quo facto, nemo credo dubitasset, qua via sanguis è venis in arterias transire potuisset.

Cum vero major numerus animalium non habentium pulmones sit, quam habentium, & similiter major numerus sit, unum tantum ventriculum cordis, quam habentium duos, proclive est statuere in animalibus ἐπὶ τὸ πολὺ ut plurimum, & in universum, sanguinem aperta via è venis in arterias per cordis sinum transmitti.

Consideravi autem mecum, quod etiam in embryonum eorum quae pulmones habent, idem apertissime constat.

In foetu vasa cordis quatuor (videlicet vena cava, vena arteriosa, arteria venalis, & Aorta, five arteria magna) alio modo uniuntur, quam in adulto, quod omnes Anatomici norunt satis.

## 44 EXERCITATIO ANATOMICA

Primus contactus, & unio venae cavae cum arteria venosa (quae fit priusquam cava in dextrum ventriculū cordis se aperiat, aut venam coronalem emittat, paululum supra egressum ab hepate) Anastomosim lateralem exhibet, hoc est, foramen amplum patens, ovali figura, pretusum è cava in arteriam illam pervium, ita ut (tanquam per unum vas) per illud foramen sanguis de vena cava in arteriam venosam, & auriculam cordis sinistram usque in ventriculū sinistrum liberrime, & copiosissime dimanare possit. Insuper in illo foramine ovali è regione, quae arteriam venosam respicit, operculi instar membrana tenuis dura est, foramine major, quae postea in adultis, operiens hoc foramen, & coalescens undique istud foramen omnino obstruit, & prope obliterat: Haec inquam membrana sic constituta est, ut dum laxa in se concidit, facile ad pulmones, & cor via resupinetur, & sanguini à cava affluenti cedat quidem, at ne rursus in cavam refluat, impediāt, ut liceat existimare in embryone sanguinem continuo debere per hoc foramen transire de vena cava in arteriam venosam, & inde in auriculam sinistram cordis, postquam ingressum fuerit, remeare nunquam posse.

Altera unio est venae arteriosae (quae fit postquam vena illa, è dextro ventriculo egressa in duos dividitur ramos) est tanquam duobus dictis, tertius truncus, & quasi canalis arteriosus; ab hinc in arteriam magnam oblique ductus, & perforatus: ut in dissectione Embryonum quasi duae aortae, vel radices arteriae magnae è corde exorientes duae appareant.

Canalis hic in adultis similiter sensim attenuatur, tabe-

tabescit, & penitus tandem ut vena umbilicalis explicatur, & aboletur.

Iste canalis arteriosus nullam membranam in se habet, sanguinis motum hinc, vel illinc impredientem. Sunt enim in orificio illius venae arteriosae (cujus iste canalis, uti dixi, propago est) valvulae sigmoides tres quae intus foras spectant, & sanguini è dextro ventriculo hac via in magnam arteriam fluenti cedunt facile, remeare vero contra ab arteria quidquam, aut à pulmonibus in dextrum ventriculum ad amussim clausum omnino impediunt. Ut hic etiam arbitrari consentaneum sit in Embryone, dum cor sese contrahit continuo sanguinem è dextro ventriculo hac via in arteriam magnam invehiri.

Quod vulgo dicitur, has duas uniones tam magnas, patentes, & apertas, nutriendorum pulmonum causa, factas fuisse tantum: & in adultis (cum jam pulmones propter ipsorum calorem, & motum copiosius nutrimentum desiderarent) aboleri, & consolidari; Commentum improbabile est, & male cohærens. Et similiter quod dicunt cor in embryone feriri, & nihil agere, nec movere, unde Natura hos transitus facere, alendorum pulmonum causa coacta erat, falsum est: cum in ovo cui gallina incubuit, & in Embryonibus recenter ex utero erectis autopsia patet, tum cor movere sicut in adultis tum naturam nulla tali necessitate urgeri: Cui motui non solum hi oculi saepe testes, sed & Aristoteles attestatur ipse: „ *Pulsus* (in Lib. spir. „ quit) *per initia statim in constitutione cordis e-* „ *mergit, & quod in sectione vivorum, & pulli for-* „ *matione ex ovo deprehenditur.*” Quin & obser-



caeteris animalibus ) non solum apertas , & patentes esse usque ad tempus partus ( ut annotarunt Anatomici ) sed etiam per multos post menses , imo in aliquibus per aliquot annos , ne dicam toto vitae curriculo , veluti in anseris , buccagine , & avibus plurimis , & animalibus praesertim in minoribus. Quae res imposuit forsan Botallo se novum transitum sanguini de vena cava in sinistrum ventriculum cordis invenisse , & fateor , me quoque cum in mure majori jam adulto hoc primum ipse reperi , tale quid statim existimasse.

Ex quibus intelligitur in Embryone humano. quin , & in aliis , in quibus istae uniones non abolentur , idem ipsum accidere , ut cor suo motu , per patentissimas vias sanguinem de vena cava in arteriam magnam apertissime traducat , per utriusque ventriculi ductum Dexter siquidem sanguinem ab auricula recipiens , inde per venam arteriosam , & propaginem suam canalem arteriosam dictam ) in magnam arteriam propellit. Sinister similiter eodem tempore mediante auriculae motu recipit sanguinem ( in illam sinistram auriculam diductum scilicet per foramen ovale è vena cava ) & tentione sua , & constrictione per radicem aortae in magnam itidem arteriam simul impellit.

Ita in Embryonibus dum interea pulmones otiantur , & nullam actionem aut motum habent , quasi nulli forent , natura duobus ventriculis cordis quasi uno utitur , ad sanguinem transmittendum. Et similis est conditio Embryonum pulmones habentium , dum adhuc pulmonibus non utuntur , ac est eorum animalium , qui pulmones non habent.

Itaque tam clare in his etiam elucescit veritas , quod

cor suo pulsu sanguinem è vena cava in arteriam magnam traducat, & transfundat, perque tam patentès, & apertas vias, ac si in homine, quod dixi ambo ventriculi (eorum septo adempto) adinvicem pervii essent facti. Cum itaque majori ex parte animalibus, & omnibus quodam tempore, patentissimae istae extent viae, quae transmissioni sanguinis per cor inserviunt: restat ut illud perquiramus. Aut cur in quibusdam animalibus (ut in homine) iisque calidioribus, & adultis per pulmonum substantiam illud fieri non existimemus, quod in embryone natura per eas vias illo tempore quo pulmonum nullus erat usus antea effecit, quas ob defectum transitus per pulmones coacta videbatur facere. Aut cur melius sit (natura enim semper quod est melius facit) in adolescentibus sanguinis transitui naturam omnino occlusisse, vias patentès illas quibus ante in embryone & foetu usa fuerat, & omnibus aliis animalibus utitur, nec alias ullas pro illo sanguinis transitu aperuisse, sed sic omnino impedire.

Ita jam eo res cessit, ut iis qui in homine quaerunt vias, quomodo sanguis è vena cava in sinistrum ventriculum, & arteriam venosam permeat. Magis operae pretium esset, & recte magis factum videretur, si ex dissectione animalium veritatem investigare velent, ut causam inquirant, cur in majoribus, & perfectioribus animalibus, iisque adultis natura sanguinem transcolari per pulmonum Parenchyma potius vellet, quam ut in caeteris omnibus per patentissimas vias (cum nullam aliam viam, & transitum excogitari posse intelligerent, sive hoc sit quod majora, & perfectiora animalia sint calidiora, & cum sint ad-

## 43 EXERCITATIO ANATOMICA

adulta, eorum calor magis ( ut ita dicam ) igniatur & ut suffocetur sit proclivis : Ideo tranare , & trajici per pulmones , ut inspirato aëre contemperetur , & ab ebullitione , & suffocatione vindicetur, sive quid aliud tale. Sed haec determinare , & rationem omnem reddere , nihil aliud agere est , quam propter quid pulmones facti sunt , speculari. Atque de his horumque usu , & motu , & de eventatione omni , & aëris necessitate , & usu , & caeteris hujusmodi : Et de variis organis , & differentibus hujus causa in animalibus factis : tametsi multa quam plurimis observationibus à me deprehensa sint : Tamen, ne nimium à proposito de motu , & usu cordis hoc loco aberrando, aliud agere , & stationem relinquere, rem inturbare , & subterfugere videar , haec proprio tractatu convenientius exponenda relinquam. Et quae restant ut ad propositum scopum revertar confirmare pergam.

In perfectioribus nimirum & calidioribus animalibus, iisque adultis ( ut in homine ) sanguinem de dextro ventriculo cordis per venam arteriosam in pulmones , & inde per arteriam venosam in sinistram auriculam , & subinde in ventriculum cordis sinistrum permeare contendo : Et primum posse hoc fieri , deinde ita factum esse.



## CAPUT SEPTIMUM.

*Sanguinem de dextro ventriculo cordis per pulmonum parenchyma permeare in arteriam venosam, & sinistrum ventriculum.*

**F**leri autem hoc posse, & nihil esse, quo minus fiat, constat, cum & quomodo aqua per terrae substantiam permeans, rivulos, & fontes procreet, consideremus; aut quomodo per cutem sudores, per parenchyma renum urina, fluat, speculamur. Animadvertendum est in iis, qui Aquis Spadensibus utuntur: vel de la Madonna (ut ajunt) in agro Patavino, vel aliis acidulis, aut vitriolatis, vel qui ad congios ingurgitant potum, ut una aut altera hora per vesicam emingant totum. Debet ista copia aliquantulum in concoctione immorari: debet per jecur (ut singulis diebus bis ingesti alimenti succum omnes confitentur facere) debet per venas, per renum parenchyma, per ureteres in vesicam profluere.

Quos itaque audio negantes posse sanguinem, imo totam massam sanguineam, per pulmonum substantiam, aequè ac succus alimentalis per jecur, permeare, tanquam impossibile, & nullo modo credibile existimandum? Quod genus hominum (cum Poëta loquor) ubi volunt concedunt facile posse: ubi nolunt nullo modo: hic ubi opus est verentur, ubi nihilo opus, ibi non verentur affirmare.

Jecoris Parenchyma densius multo est, & similiter  
G renum:

renum: pulmonum rarioris multo texturae. Et si renibus & jecori conferatur spongiosae.

Gal. de vf.  
part.

In jecore nullum impellens, nulla vis cogens; in pulmone ex pulsu dextri ventriculi cordis impingitur sanguis, cujus impulsu distendi vasa, & porositates pulmonum necesse est. Praeterea pulmones in respirando eleuantur, & concidunt, quo motu necesse est, ut porositates, & vasa aperiantur, & claudantur, ut in spongiis contingit, & in omnibus particulis habentibus constitutionem spongiosam, quando constringuntur, & rursus dilatantur. Contra jecur quiescit, nec ita dilatari, & constringi visum est.

Denique si per jecur totum ingestorum succum in venam cavam, tam in homine, quam in bove, vel in maximis animalibus, nemo est, qui non asserit pertransire posse. Et hoc, eo quod pertransiisse aliqua nutrimentum, & permeasse in venas sit necesse (si fiat nutritio) & nulla alia extet via, ac proinde hoc affirmare coacti sint: Cur non iisdem argumentis de transitu sanguinis in adultis his; per pulmones fidem similem habent, & cum Columbo peritissimo, doctissimoque Anatomico idem assererent, & crederent, ex amplitudine, & fabrica vasorum pulmonum, & eo, quod arteria venosa, & similiter ventriculus, repleti sint semper sanguine, quem è venis huc venisse necesse est, & nulla alia, quam per pulmones semita, ut & ille, & nos ex ante dictis, & autopsia, aliisque argumentis palam esse existimemus.

Sed quando aliqui sunt, qui nil nisi adductis auctoritatibus admittunt; iidem ex ipsius etiam Galeni verbis hanc veritatem confirmari posse sciant; scilicet non solum posse sanguinem, è vena arteriosa in arteriam

veno-

venosam, & inde in sinistrum ventriculum cordis, & postea in arterias transmitti: sed ex continuo pulsu cordis, & pulmonum motu inter respirandum, hoc fieri.

Sunt in orificio venae arteriosae, valvulae tres sigmoides, sive semilunares, quae omnino sanguinem in illam venam arteriosam immissum non sinunt remeare in cor.

Id omnes norunt scilicet harum valvularum necessitatem & usum, Galenus his verbis explicans, „ In toto est (inquit) *mutua Anastomosis, atque oscillorum apertio arteriis simul cum venis, transsumuntur, que ex sese pariter sanguinem, & spiritum per invisibiles quasdam atque angustas plane vias. Quod si os ipsum venae arteriosae itidem semper patuisset, nullamque natura invenisset machinam, quae claudere ipsum, cum est tempestivum, ac rursus aperire queat. Fieri nunquam potuisset, ut per invisibilia, atque exigua ossilla, sanguis (contracto thorace) in arterias transumeretur: Neque enim similiter omnis ex quovis attrahitur, neque emittitur. Sed quemadmodum quod leve est est facilius eo quod gravius, dilatatis instrumentis attrahitur, iisdem autem contractis exprimitur: Ita & per latam viam celerius aliquid quam per angustam trahitur, ac rursus emittitur. Cum autem thorax contrahitur, pulsae atque intro compressae undique, quae in pulmone sunt venosae arteriae, exprimunt quidem quam celerrime, qui in se ipsis est, spiritus; transsumunt autem per subtilia illa oscilla sanguinis portionem aliquam, quod*

Galen. de usu part. 1. 6. c. 10.



„ nunquam accidisset profecto, si sanguis per ma-  
 „ ximum os (cujusmodi est venae arteriosae ad-  
 „ cor) retro remeare potuisset: Nunc vero redi-  
 „ tu per os magnum intercluso, dum comprimi-  
 „ tur undique, destillat quidpiam in arterias per  
 „ exigua illa orificia: & paulo post sequente Capi-  
 „ tulo. Quanto thorax contendit vehementius san-  
 „ guinem elidens, tanto membranae, (videlicet val-  
 „ vulae sigmoides) exactius os ipsum occludunt, &  
 „ nihil remeare sinunt: quod & eodem Capitulo de-  
 „ cimo paulo ante. Nisi valvulae essent, triplex  
 „ sequeretur incommodum, ut sanguis ipse frustra  
 „ longum hoc curriculum subinde emetiatur. In Dia-  
 „ stolis quidem pulmonis adfluens, & quae in ipso  
 „ sunt venas omnes refarciens, in Systolis vero, quasi  
 „ aestus quidem maritimus, instar Euripi motum i-  
 „ dentidem, huc atque illuc reciprocum, qui haud-  
 „ quaquam sanguini conveniat. At hoc videri possit  
 „ exiguum. Quod vero interim ipsius quoque respi-  
 „ rationis utilitatem labefacitet, id non amplius pro  
 „ parvo est habendum, &c. (Et paulo post.) Atque  
 „ etiam tertium secutum fuisset incommodum, haud-  
 „ quaquam contemnendum, cum sanguis retro in expi-  
 „ rationibus remigrasset, nisi opifex noster membra-  
 „ narum Epiphysin fuisset fabricatus, unde conclu-  
 „ dit Cap. undecimo. Communis autem ipsorum o-  
 „ mnium, videlicet valvularum est usus, ut mate-  
 „ rias retro remigrare prohibeant, utrarumque ve-  
 „ ro proprius, educentium quidem è corde materias,  
 „ ne amplius ad ipsum remeent; inducentium vero, ne  
 „ amplius ex ipso effluent: Non enim volebat natura

„ vano labore cor fatigari, neque in eam partem  
 „ aliquando emittere, unde trahere praestiterat, ne-  
 „ que rursus ex illa identidem ducere, ad quam mit-  
 „ tere erat necesse. Proinde cum sint quatuor omni-  
 „ no orificia, bina in utroque ventriculo, alterum  
 „ quidem inducit, alterum vero educit.

„ Et paulo post: Porro cum vas alterum quod  
 „ tunica simplici constat, in cor infigatur, alterum  
 „ quod duplici ex ipso producat, communem utrique  
 „ locum, [videlicet ventriculum dextrum: Ita Ga-  
 „ lenus intelligit, & ego eadem ratione similiter si-  
 „ nistrum ventriculum cordis] quasi lacunam quan-  
 „ dam parari necesse fuit, ad quam pertinentibus  
 „ utrisque per alterum quidem trahatur sanguis, per  
 „ reliquum vero emittatur.”

Quod argumentum Galenus pro transitu sanguinis per dextrum ventriculum de vena cava in pulmones adducit, eodem nobis, rectius pro transitu sanguinis, de venis per cor in arterias mutatis tantum terminis uti liceat. Ex Galeni igitur viri divini patris Medicorum locis & verbis clare apparet, & sanguinem per pulmones de vena arteriosa, in arteriae venosae ramulos permeare, tum propter pulsum cordis, tum propter pulmonum & thoracis motum. Quin etiam quod cor continue in ventriculos quasi lacunam, recipere & emittere sanguinem, & hujus rei causa valvularum genera quatuor, duo inductioni, emissioni sanguinis duo inservite; ne aut sanguis Euripi in morem inconvenienter agitetur, huc, illuc, aut retro remearet, unde trahere praestiterat, & ex illa reflueret parte, ad quam mittere erat necesse. Et sic cor vano labore fatigaretur, & pulmonum respiratio praepediretur. De-

Vide Hofmanni doctissimi Commentarium supra Galeni lib. 6. de usu part. Quem librum postquam haec à me scripta essent vidi.

nique clare apparet assertio nostra, continue, & continenter sanguinem per pulmonum porositates permeare de dextro in ventriculum sinistrum, de vena cava in arteriam magnam: Nam cum continuo de dextro ventriculo immittatur sanguis in pulmones per venam arteriosam, & similiter continue è pulmonibus in sinistrum attrahitur (quod ex dictis, & valvularum positione patet) quin pertranseat continue fieri non potest.

Et itidem cum semper & continue ingrediatur sanguis in cordis ventriculum dextrum, & egrediatur continue è sinistro (quod similiter, & ratione & sensu patet) quin continuo pertranseat sanguis de vena cava in Aortam impossibile est.

Illud igitur quod in animalibus majori ex parte, & plane omnibus donec adolescant, per patentissimas fieri vias, ex dissectione manifestum est, in adultis his per pulmonum caecas porositates, & vasorum ejus oscilla, tam ex Galeni verbis, quam ex ante dictis illud inquam fieri aequè manifestum est. Unde apparet quod quanquam unus ventriculus cordis, videlicet sinister, sufficiens esset sanguinis dispensationi per corpus, & eductioni è vena cava, quemadmodum etiam fit in omnibus quae pulmonibus carent, natura tamen cum voluerit sanguinem ipsum per pulmones transcolari, dextrum ventriculum superaddere coacta fuit, cujus pulsu per ipsos pulmones è vena cava in sinistri ventriculi locum sanguis compelleretur. Et hoc modo dextrum ventriculum pulmonum causa, & ob translationem sanguinis, non ob nutritionem duntaxat dicendum: Quandoquidem tantum proventu annonae, atque compulso subministrato, & tanto puriori, & spiri-



spirituosiori (utpote immediate à ventriculis cordis subvecto) indigere alimento pulmones magis, quam aut cerebri purissima substantia, aut oculorum splendidissima, & divina constitutio, aut ipsius cordis caro, (quae rectius per arteriam coronalem nutritur) inconveniens omnino est existimare.

## CAPUT OCTAVUM.

*De copia sanguinis transeuntis per Cor è venis in arterias, & de circulari motu sanguinis.*

**H**Uc usque de transfusione sanguinis è venis in arterias, & de viis, per quas pertranseat, & quomodo ex pulsu cordis, transmittat? dispenfet? de quibus, forsan sunt aliqui, qui, antea aut Galeni auctoritate, aut Columbi, aliorumve rationibus adductis, assentiri se dicant mihi; nunc vero, de copia & proventu istius pertranseuntis sanguinis, quae restant, (licet valde digna consideratu) cum dixero; adeo nova sunt, & inaudita, ut non solum ex invidia quorundam, metuam malum mihi, sed verear, ne habeam inimicos omnes homines tantum consuetudo, aut semel imbibita doctrina, aliisque defixa radicibus, quasi altera natura, apud omnes valet, & antiquitatis veneranda suspicio cogit. Utcumque jam jacta est alea, spes mea in amore veritatis, & doctorum animorum candore: Sane cum copia quanta fuerat, tam ex vivorum, experimenti causa, dissectione, & articularum apertione, disquisitione multimoda; tum ex  
ven-

ventriculorum cordis, & vasorum ingredientium & egredientium Symmetria, & magnitudine, (cum natura nihil faciens frustra, tantam magnitudinem, proportionabiliter his vasibus frustra non tribuerit) tum ex concinno & diligenti valvularum & fibrarum artificio, reliquaue cordis fabrica, tum ex aliis multis saepius mecum & serio considerassem, & animo diutius evolvissem, quanta scilicet esset copia transmissi sanguinis, quam brevi tempore ea transmissio fieret, nec suppeditare ingesti alimenti succum potuisse animadverterim; quin venas inanitas, omnino exhaustas, & arterias, ex altera parte, nimia sanguinis intrusione, disruptas, haberemus, nisi sanguis aliquo ex arteriis denuo in venas remearet, & ad cordis dextrum ventriculum regrederetur.

Coepti egomet mecum cogitare, an motionem quandam quasi in circulo haberet, quam postea veram esse reperi, & sanguinem è corde per arterias in habitum corporis, & omnes partes protrudi, & impelli, à sinistri cordis ventriculi pulsu, quemadmodum in pulmones per venam arteriosam à dextris; & rursus per venas in venam cavam, & usque ad auriculam dextram remeare, quemadmodum ex pulmonibus per arteriam dictam venosam, ad sinistrum ventriculum ut ante dictum est.

Quem motum circularem eo pacto nominare liceat, quo Aristoteles aërem & pluviam circularem superiorum motum aemulatus est. Terra enim madida à sole calefacta evaporat, vapores sursum elati condensant, condensati in pluvias rursus descendunt, terram madefaciunt, & hoc pacto fiunt hic generationes & similiter tempestatum & meteororum ortus, à so-

his circulari motu, accessu, & recessu.

Sic verisimiliter contingit in corpore, motu sanguinis, partes omnes sanguine calidiori perfecto, vapore, spirituoso, (& ut ita dicam) alimentativo, nutrir, fovet, vegetat: Contra in partibus sanguinem refrigerari, coagulari, & quasi-effoetum reddi, unde ad principium, videlicet Cor, tanquam ad fontem sive ad lares corporis, perfectionis recuperandae causa, revertitur: ibi calore naturali, potenti, fervido, tanquam vitae thesauro, denuo colliquatur, spiritibus, & (ut ita dicam) balsamo praegnans, inde rursus dispensatur, & haec omnia à motu & pulsu cordis dependere.

Ita cor principium vitae & sol Microcosmi (ut proportionabiliter sol Cor mundi appellari meretur) cujus virtute, & pulsus sanguis movetur, perficitur, vegetatur, & à corruptione & grumefactione vindicatur: suumque officium nutriendo, fovendo, vegetando, toti corpori praestat Lar iste familiaris, fundamentum vitae, author omnium; sed de his convenientius, cum de hujusmodi motus causa finali speculabimur.

Hinc cum venae sunt viae quaedam, & vasa deferentia sanguinem; duplex est genus ipsarum, cava, & Aorta, non ratione lateris (ut Aristoteles) sed officio, & non, ut vulgo, constitutione (cum in multis animalibus (ut dixi) in tunicae crassitie, vena ab arteria non differat) sed munere & usu distincta, vena & arteria ambae à veteribus venae non immerito dictae (ut Galenus annotavit) eo quod haec, videlicet arteria, vas est differens sanguinem, è corde in habitum corporis; illa sanguinem ab habitu rursus in cor; haec via à corde, ad cor usque illa; illa continet san-



guinem crudiolem, effoetum, nutritioni jam redditum inidoneum, haec coctum, perfectum, alimentativum.

## CAPUT NONUM.

*Esse sanguinis circuitum ex primo supposito confirmato.*

**S**ed ne verba dare nos dicat quispiam, & assertiones speciosas tantum facere sine fundamento, & non iusta de causa innovare: tria confirmanda veniunt, quibus positis, necessario hanc sequi veritatem, & rem palam esse arbitror.

Primum continue & continenter, sanguinem è vena cava in arterias, in tanta copia, transmitti, pulsu cordis, ut ab assumptis suppeditari non possit, & adeo ut tota massa brevi tempore illinc pertranseat.

Secundum continue acquabiliter & continenter sanguinem in quodcunque membrum & partem pulsu arteriarum impelli, & ingredi, majori copia multo, quam nutritioni sufficiens sit, vel tota massa suppeditari possit.

Et similiter tertio ab unoquoque membro, ipsas venas, hunc sanguinem perpetuo retroducere ad cordis locum.

His positis sanguinem circumire, revolvi, propelli & remeare, à corde in extremitates, & inde cor rursus, & sic quasi circularem motum peragere, manifestum puto fore.

Supponamus (vel cogitatione, vel experimento) quantum sanguinis, sinister ventriculus in dilatatione  
(quum

(quum repletus sit) contineat five  $\text{z}\text{ij}$ . five  $\text{z}\text{ijj}$ . five  $\text{z}\text{j}$ . 5. ego in mortuo reperi ultra  $\text{z}\text{ij}$ .

Supponamus similiter, quanto minus in ipsa contractione, vel quantum sese contrahat cor, & quanto minorem ventriculus capacitatem habeat in ipsa contractione, vel ipsis contractionibus, quantum sanguinis in arteriam magnam protrudat: (protrudere enim aliquid semper & ante demonstratum est cap. 3. & omnes in Systole fatentur, ex fabrica valvularum persuasi) & verisimili conjectura ponere liceat, in arteriam immitti partem vel quartam vel quintam vel sextam, & ad minimum octavam.

Ita in homine, protrudi singulis cordis pulsibus supponamus unciam semis, vel drachmas tres vel drachmam unam sanguinis, quae propter impedimentum valvularum in cor remeare non potest.

Cor una semihora plusquam mille pulsus facit; imo in aliquibus, & aliquando bis, ter, vel quater mille. Jam multiplicatis drachmis, videbis una semihora aut millies drachmas tres, vel drachmas duas, vel uncias quinquies centum, aut talem aliquam proportionatam quantitatem sanguinis, per cor in arterias transfusam, majori semper copia quam in universo corpore contingat reperiri. Similiter in ove, aut cane pertransit esto scrupulum unum, in una cordis contractione, tum una semihora mille scrupulos vel circa libras tres & semis sanguinis, in quo corpore plerumque non continetur plus quatuor libris sanguinis, hoc in ove expertus sum.

Ita pene, supputatione facta secundum quod nimium conjectare possumus transmissi sanguinis, & enumeratis pulsationibus, videatur omnem massae quantitatem

sanguineae pertransire de venis in arterias per cor, & similiter per pulmones.

Sed esto, quod non una semihora, sed una hora, vel una die, utcumque manifestum facit plus sanguinis per cor ejus pulsu transmitti continue, quam vel ingestum alimentum possit suppeditare, vel in venis simul contineri.

Nec est dicendum, quod cor in sua contractione aliquando protrudat, aliquando non, vel quasi nihil, & imaginarium quid. hoc enim ante confirmatum est & praeterea sensui contrarium est & rationi. Si enim dilatato corde repleti necesse ventriculos sanguine, contracto necesse protrudere semper & non parum, cum & ductus non parvi & contractio non pauca sit: in quavis proportionem videlicet; subtripla, subsextupla, vel suboctupla similiter proportio sanguinis exclusi, debet esse ad ante contentum, & in dilatatione replentem; uti se habet capacitas contracti ventriculi ad illam, quae est dilatati. Et eum in dilatatione non contingit repleti nihilo, vel imaginario. Ita in contractione nunquam nihil, vel imaginarium expellit, sed semper aliquid secundum proportionem contractionis. Quare concludendum, si uno pulsu in homine, vel ove, vel bove, cor emittit drachmam unam, & mille sunt pulsus in una semihora, contingit eodem tempore, libras decem & uncias quinque transmissas esse. Si uno pulsu drachmas duas lib. 20. & 3. 10. Si semiunciam lib. 41. & 3. 8. Si unciam lib. 83. 3. 4. contingit in una semihora transfusas (inquam) esse de venis in arteriis.

Sed quantum in unoquoque protrudatur singulis pulsationibus, & quando plus, & quando minus, & qua de



de causa, accuratius post haec ex multis observationibus à me forsan palam fiet.

Interim hoc scio, & omnes admonitos velim, quod aliquando uberiori copia pertransit sanguis, aliquando minore, & sanguinis circuitus quandoque citius, quandoque tardius peragitur, secundum temperamentum, aetatem, causas externas & internas, & res naturales, & non naturales, somnum, quietem, victum, exercitia, animi pathemata, & similia.

Verum enimvero cum per pulmones & cor, vel minima copia transeat sanguis, longe uberiori provenitu in arterias, & totum corpus, diducitur, quam ab alimentorum ingestione suppeditari possibile sit, aut omnino, nisi regressu per circuitum facto.

Hoc etiam palam fit sensu, vivorum dissectionem invenientibus, non solum aperta magna arteria, sed (quod confirmat Galen. in ipso homine) si quaevis vel minima arteria dissecta fuerit, unius pene semihorae spatium totam sanguinis massam, & toto corpore, tam venis quam arteriis exhaustam fore.

Similiter Laniones, omnibus hoc fati attestari possunt, quando rescissis arteriis jugularibus, in mactando bove unius horae quadrante minus, totam sanguinis massam exhauriunt, & vasa omnia inanita reddunt in membrorum excisione & tumorum; ex larga sanguinis profusione, itidem comperimus aliquando brevi contingere.

Nec perstringit hujus argumenti vim, quod per venas effluere in jugulatione, & in membrorum excisione, aequae, si non magis quam per arterias dicat quispiam, cum contra se res habet: venae enim quia sub-

sident, quia in ipsis nulla vis cogens foras sanguinem, & quia impedimento valvularum positio est (ut postea patebit) parum admodum reddunt. arteriae vero impetu impulsam sanguinem foras, largius, impetuosius, tanquam cum Syphone ejectum profundunt: sed experiunda res est, omissa vena & incisa jugulari in ove, vel cane; & quanto impetu, quanta protrusione, quam cito omnem sanguinem è toto corpore, tam venis, quam arteriis contingit inanire admirabile videbitur. Arterias autem nullibi sanguinem è venis recipere, nisi transmissione facta per cor ex ante dictis patet; sed ligando Aortam ad radicem cordis, & aperiendo jugularem, vel aliam arteriam, si solum arterias inanitas, & venas repletas conspexeris. non contingit dubitare.

Hinc causam aperte videbis, cur in Anatome, tantum sanguinis reperiatur in venis, parum vero in arteriis, cur multum in dextro ventriculo, parum in sinistro (quae res antiquis dubitandi occasionem forsan praebeuit, & existimandi, spiritus solos in illis concavitatibus contineri dum vita superstes animal fuerat); causa forsan est, quod de venis in arteriis nullibi datur transitus, nisi per cor ipsum, & per pulmones. Cum autem expiraverint, & pulmones moveri desinant, de venae arteriosae ramulis, in arteriam venosam, & inde in sinistrum ventriculum cordis sanguis permeare prohibetur (ut in Embryone ante notatum est, prohibitum fuisse ob defectum motus pulmonum, oscilla & porositates coecas, & invisibiles aperientium claudentium) cum vero una cum pulmonibus cor non desinat moveri, sed postea pulsare: & supervivere pergat: contingit sinistrum ventriculum, & arterias emittere in venas ad habitum corporis sanguinem, & per pulmones

nes non recipere, & proinde quasi inanitas esse.

Sed hoc etiam in rem nostram non parum facit fidei, cum hujus nulla alia causa (nisi quam nos ex nostra suppositione asserimus) adduci possit.

Praeterea hinc patet, quo magis, aut vehementius arteriae pulsant, eo citius in omni sanguinis haemorrhagia inanimatum iri corpus.

Hinc etiam in omni Lipothymia, omni timore, & hujusmodi, quando cor languidius & infirmius, nullo impetu pulsatur, omnem contingit haemorrhagiam sedari & cohiberi.

Hinc etiam est, quod corpore mortuo, postquam cor cessavit pulsare, non poteris vel è jugularibus, vel cruralibus venis & arteriis apertis, ullo conatu massae sanguineae, ultra partem mediam elicere. Nec lanio, si bovi (postquam ejus caput percusserit, & attonitum reddiderit) jugulum prius non secuerit, quam cor pulsare desierit, totum sanguinem exhaurire inde poterit.

Denique hinc de Anastomosi venarum & arteriarum, ubi sit & quomodo sit, & qua de causa, nemo hactenus, super ea, recte quidquam dixisse licet suspicari. ego in illa disquisitione jam sum.



## CAPUT DECIMUM.

*Primum suppositum de copia pertranseuntis sanguinis è venis in arterias, & esse sanguinis circuitum ab objectionibus vindicatur, & experimentis ulterius confirmatur.*

**H**Actenus primum suppositum confirmatum est, siue res ad calculum revocetur, siue ad experimenta, & autopsiam referatur. videlicet: quod sanguis pertranseat in arterias, majora copia continue, quam ab alimento suppeditari possit, ita ut tota massa brevi spatio illac pertranseunte, necesse sit, ut circuitus fiat, & sanguis regrediatur.

Verum si quis hic dicat, quod magna copia possit pertransire & non necesse circuitum fieri, quin ab assumptis refarcire contingat, & exemplo esse lactis in mammis proventus: vacca enim una die lactis congios tres, vel quatuor vel septem, vel amplius reddit, mulier itidem duas, vel tres heminas alendo infantem, unum vel duos, singulis diebus praebebat, quas ab assumptis restitui manifestum est. Respondendum, quod cor tantundem, vel amplius, una hora, vel altera, computatione facta remittere constet.

Sin vero nondum persuasus, instaret, usque dicendo, quod licet dissecta arteria, quasi data & aperta via, praeter naturam contingat sanguinem cum impetu effundi; non tamen ita contingere integro corpore

pore & non dato exitu, & arteriis plenis, vel secundum naturam constitutis, tantam copiam pertransire, tam brevi spatio, adeo, ut regressum fieri sit necesse. Respondendum, quod ex ante dicta computatione, subducta ratione, apparet, quantum cor repletum ulterius continet in sua dilatatione quam in constrictione, tantundem (majori ex parte) singulis pulsationibus emitti, & proinde in tanta copia, pertransire integro corpore, & secundum naturam constituto.

Sed in serpentibus & piscibus quibusdam, ligando venas per aliquod spatium infra cor, videbis spatium inter ligaturam & cor valde cito inaniri, ita ut regredi sanguinem (nisi autopsiam neges) asserere necesse habeas. Posterius etiam idem clare patebit in secundi suppositi confirmatione.

Haec omnia uno exemplo confirmantes, concludamus, quo fidem oculis propriis adhibere unusquisque possit; si anguem vivum dissecuerit, videbit plusquam per integram horam cor placide, distincte, pulsare & sese tanquam vermem in constrictione (cum oblongum sit) secundum longitudinem contrahere, propellere; in Systole albidiori colore esse, contra in Diastole; & reliqua pene omnia, quibus evidenter hanc veritatem confirmatum iri diximus (hic enim omnia longiora & & distinctiora magis sunt) sed hoc peculiariter & luce clarius meridiana experiri licet. Vena cava partem inferiorem cordis subingreditur, exit arteria parte superiori; jam comprehensa vena cava vel tenaculis, vel digito, & pollice, sanguinisque cursu intercepto, per aliquod spatium infra cor, videbis expulsu, statim pene inaniri illam partem intra digitos & cor, sanguine exhausto à cordis pulsu, simul cor albidiori multo

## 66 EXERCITATIO ANATOMICA

colore esse, etiam in dilatatione sua, & ob defectum sanguinis minus esse, & languidius tandem pulsare, sic ut emori denique videatur. Contra statim soluta vena, color & magnitudo redeunt cordi; postea si relinquas venam, & arterias similiter per aliquam distantiam à corde ligaveris, vel comprefferis, videbis contra illas turgere, in parte comprehensa vehementer, & cor ultra modum distendi purpureum colorem contrahere usque ad livorem & tandem opprimi sanguine, sic ut suffocatum iri credas: soluto vero vinculo rursus ad naturalem constitutionem in colore, magnitudine, pulsu, redire.

Ecce jam, duo sunt genera mortis, extinctio ob defectum, & suffocatio ob copiam; hic ad oculos utriusque exemplum habere licet, & dictam veritatem autopsia in corde confirmare.

## CAPUT UNDECIMUM.

### *Secundum suppositum confirmatur.*

**S**ecundum confirmandum à nobis, quo clarius intuitibus appareat, annotanda sunt experimenta quaedam, ex quibus patet sanguinem in quodcumque membrum per arterias ingredi, & per venas remeare, & arterias vasa esse differentia sanguinem à corde, & venas vasa, & vias esse regrediendi sanguinis ad eor ipsam. Et quod in membris, & extremitatibus sanguis vel per anastomosis immediate, vel mediate per carnis porositates, vel utroque modo transire ab arteriis in venas, sicut ante in corde & thorace è venis



nis in arterias unde in circuitu moveri illinc huc, & hinc illuc, è centro in extrema scilicet, & ab extremis rursus ad centrum, manifestum fiat.

Postea quin etiam computatione facta similiter, manifestum ibidem erit, de copia, quae neque ab assumptis possit suppeditari, neque ad nutritionem necessario requiratur.

Simul etiam de ligaturis manifestum erit, & quare ligaturae attrahant, & quod neque calore, neque dolore, neque vi vacui, neque ulla ante hac cognita causa, & similiter ligaturae quam commoditatem & usum asferre possint in medicina, & quomodo haemorrhagiam supprimunt, & provocant, & qua de causa gangrenae & mortificationes membrorum inducunt, & sic in castratione animalium quorundam, & tumorum carnosorum & verrucarum exemptione, usui sunt.

Enim vero, quod nemo harum omnium causas & rationes recte assecutus sit, hinc factum est, ut omnes fere, ex antiquorum sententia, in morbis curandis, proponant, & consulant, ligaturas, pauci vero, recta earum administratione, curationibus suis aliquid adjuventi asferant.

Ligatura alia stricta est, alia mediocris.

Strictam ligaturam dico, cum ita arcte undique contractum membrum sit fascia, vel laqueo, ut ultra ipsam ligaturam nullibi arterias pulsare percipiatur, tali utimur in membrorum excisione fluxui sanguinis prospicientes; & tali etiam utuntur in castratione animalium, & tumorum ablatione, qua ligatura affluxu alimenti, & caloris, omnino intercepto, tabescere, & emori testiculos, atque ingentes sarcofes, & postea decidere, videmus.

## 68 EXERCITATIO ANATOMICA

Mediocre[m] vero dico ligaturam, quae undique membrum comprimit, sed citra dolorem, & sic, ut ultra ligaturam aliquantulum arteriae pulsare sinat, qualis, attractione, & in sanguinis missione usui est; nam licet supra cubitum fiat ligatura, tamen arterias in carpo aliquantulum pulsare tactu percipias, si recte in phlebotomia fiat ligatura.

Jam experimentum fiat in brachio hominis, vel adhibita fascia quali in sanguinis missione utuntur; vel ipsius manus fortiore comprehensione, quod quidem commodius fit in macilento corpore, & cui venae sint ampliores, & quando (calefacto corpore) calent extrema, & major quantitas sanguinis in extremitatibus fuerit, & pulsus vehementiores: omnia enim ibi evidentiora apparebunt.

Facta itaque stricta ligatura quam arcte fieri potest, ut quis eum ferat constringendo, observare licet primum. Quod ultra ligaturam videlicet versus manum, non pulsabit in carpo vel uspiam arteria. Deinde, immediate supra ligaturam incipit arteria, altius suam distolem habere, & magis, & alius, & vehementius pulsare, & prope ipsam ligaturam, aestuque quodam intumescit, ac si fluxum interceptum, & transitum inhibita[m] perrumpere, & referare conaretur: magisque arteria, quam par sit, ibi repleta apparet. Denique manus suum colorem retinebit, & constitutionem, solum tractu temporis refrigerari aliquantulum incipiet, nihil vero attrahitur in eam.

Postquam per aliquod spatium permansit ista ligatura, derepente paululum solvatur in mediocre[m], quasi ut dixi in sanguinis missione utuntur: & observandum.

Manum

Manum totam statim colorari, & distendi, & ejus venas tumidas, & varicosas fieri; & spatio decem vel duodecim pulsationum illius arteriae, multo sanguine impulsu, atque impactu, refertissimam manum cernes, & ab illa ligatura mediocri, multam copiam sanguinis affatim attractam esse, absque dolore, vel calore vel fuga vacui, vel ulla alia antehac commemorata causa.

Si quis diligenter in ipso illius solutionis momento prope ligaturam digitum ad arteriam jam pulsantem applicaverit, quasi subtus praeterlabentem sanguinem sentiet.

Ipse porro cujus in brachio fit experimentum, ab ipsa solutione ligaturae strictae in mediocrem, plane calorem, & sanguinem, pulsu ingredientem, quasi semoto obstaculo, illico sentiet, & aliquid secundum ductum arteriarum, tanquam confestim inflatum, & sparsim per manum transmissum, percipiet, & continuo calefieri manum & distendi.

Quemadmodum in stricta ligatura, arteriae supra ligaturam distendantur, & pullent, non infra: ita hac mediocri contra, venae infra ligaturam turgent, & renitentes fiunt, supra vero nequaquam & arteriae minores. Imo, si venas tumidas compresseris, (nisi valde fortiter) vix supra ligaturam, aut sanguinem diffundi aut distendi conspicias.

Ita ex his cuivis diligentius observanti, facile est noscere, sanguinem ingredi per arterias, ipsarum enim stricta ligatura nihil attrahitur, manus colorem servat, nihil influit, neque fit distensio: ipsis vero paululum solutis (ut in mediocri ligatura) vi & impulsu affatim sanguinem intus trudi, manu tumidam fieri manifestum est, ubi ipsae pulsan scilicet, sanguis profluit, ut mediocri ligatura in manu: ubi vero non,



ut in stricta, nequaquam, nisi supra ligaturam. Cum interim venis compressis, nihil per ipsas influere potest: cujus hoc est signum, quod infra ligaturam tumidiore multo sunt, quam supra, & quam dempta ligatura solent esse, & quod compressae, nihil superioribus suggerunt ita, quod ligatura impediatur regressum sanguinis per venas ad superiora, easque infra ligaturam tumidas faciat permanere, clare patet.

Arteriae vero iusta de causa, non obstante mediocri ligatura, vi & impulsu cordis ab internis corporis partibus foras ultra ligaturam sanguinem trudent, & ista est differentia strictae ligaturae à mediocri, quod illa (stricta ligatura) non solum transitum sanguinis in venis, sed in arteriis intercipiat: haec (quae mediocri) vim pulsificam, quo minus ultra ligaturam se exporrigat, ad extimasque corporis partes propellat, sanguinem non impediatur.

Adeo ut sic ratiocinari liceat: mediocri cum ligatura venas turgidas distentas esse, & manum plurimo sanguine impleri vidimus; unde fit hoc? aut enim per venas, aut per arterias, aut per coecas porositates, infra ligaturam sanguinis advenit: è venis, non potest: per coecos ductus minus: ergo per arterias secundum quod dictum, necesse est per venas influere non posse, patet; cum non exprimi retro sanguinem contingat supra ligaturam, nisi ablata omni ligatura, quando subito omnes venas detumescere, & sese in superiores partes exonerare, manum dealbari, & sursum omne prius collectum & tumorem & sanguinem affatim evanescere videtur.

Amplius sentiet ipse, cui ita, post multum spatium ligatum corpus aut brachium erat, & manus tumidae pauloque frigidiores inde redditae, sentiet (inquam) de solutione mediocri ligaturae, frigidum quid sursum,

sum, usque ad cubitum vel axillas, obrepere, una scilicet cum revertente sanguine, quem ego frigidi sanguinis recursum (post sanguinis missionem) ad cor usque (soluta vinculo) in causa fuisse lipothymiae arbitrarer, quae etiam robustis aliquando supervenire vidimus, & maxime à solutione ligaturae, quod vulgo dicunt à conversione sanguinis.

Praeterea, cum statim, à solutione strictae ligaturae in mediocrem immissionem sanguinis per arterias, continuo venas intumescere videmus infra ligaturam comprehensas, non autem arterias; signum est & sanguinem ab arteriis in venas & non contra permeare, & aut anastomosin vasorum esse, aut porositates carnis, & partium solidarum pervias sanguini esse. Item signum est venas plurimas inter se se communicare, quod in ligatura mediocri (supra cubitum facta) multae attolluntur simul & turgent: ex una autem venula scalpello, exitu sanguini dato, omnes statim detumescunt & in illam unam sese exonerantes subsidunt simul pene omnes.

Hinc unusquisque potest causas attractionis, quae fit per ligaturas, & forsitan omnis fluxionis cognoscere, videlicet (quemadmodum in manu, per istam ligaturam, quam dico mediocrem) compressae sunt venae & sanguis exire non potest. Ita cum per arterias vi (scilicet cordis) impingitur, non potens exire inde ut repleatur, distendatur pars necesse est.

Alias enim qui fieri potest? Calor & dolor, & vis vacui attrahunt quidem, sed ut impleatur tantum pars, non ut distendatur aut tumesciat ultra naturalem constitutionem, & ob infarctum, & arcte impactum vi sanguinem tam violenter, tam subito opprimatur, ut caro continui solutionem pati, & vasa disrumpi cer-

nantur, nusquam hoc aut calore, aut dolore, aut vi vacui fieri posse, credibile, aut demonstrabile est.

Insuper & ligatura, contingit, attractionem fieri, absque omni dolore, calore aut ulla vi vacui. Quod si à dolore aliquo accideret sanguinem attrahi, quo modo ad cubitum, ligato brachio, infra ligaturam intumescunt, & manus, & digiti & venae varicosae? cum propter ligaturae compressionem eo pervenire sanguis per venas non potest; atque quare supra ligaturam, neque tumoris, aut repletionis signum, neque venarum turgescientiae, neque omnino attractionis, aut affluxus vestigium appareat.

Sed attractionis infra ligaturam, & tumefactionis ultra naturae modum, in manu, & digitis, haec causa manifesta; nempe, quod sanguis cum impetu, & affatim ingrediatur, exire vero nequeat. An illa vero omnis tumoris causa (ut est apud Avicennam) & omnis redundantiae opprimentis in parte? quia viae ingressus apertae, egressus clausae, unde abundare, & in tumorem attolli necesse est.

An hinc etiam contingat in tuberculis inflammatoriis, quod quousque tumor incrementum capefcit, & non sit in ultimo statu, sentitur eo loci pulsus plenus, praesertim calidioribus tumoribus in quibus incrementum derepente fieri solet, sed haec posterioris disquisitionis sunt, uti an etiam hinc contingat, quod in me ipso casu expertus sum. Ego è curru delapsus aliquando fronte percussus, quo loco arteriae ramulus à temporibus prorepat, statim ab ipsa percussione, spatio fere viginti pulsationum tumorem ovi magnitudine, absque vel calore vel multo dolore, passus sum, propter videlicet arteriae vicinitatem: in locum contusum sanguis affatim, magis & velocius, impingebatur.

Hinc



Hinc vero apparet, qua de causa in phlebotomia, quando longius profilire & majori impetu exire volumus, supra sectionem ligamus, non infra; quod si per venas inde efflueret tanta copia à partibus superioribus, ligatura illa non modo non adjuvaret sed impediret, & enim inferius ligandum verisimilius erat, quo sanguis inhibitus uberius exeat, si ex partibus superioribus eo per venas descendens, per venas emanaret: sed cum aliunde per arterias impellitur in venas inferiores, in quibus regressus per ligaturam praepeditur, venae turgent, & distentae ipsum majori impetu per orificium elidere & longius ejicere possunt, soluta vero ligatura, viaque regressus aperta, ecce non amplius, nisi guttatim decedit, & quod omnes norunt, si vel vinculum solveris in administranda phlebotomia vel infra ligaveris vel stricta nimis ligatura, membrum constrinxeris, tum sanguis absque impetu exit; Quia scilicet via ingressus & influxus sanguinis per arterias intercepta sit, stricta illa ligatura arteriarum, aut regressus liberior datur per venas, ligatura soluta.

## CAPUT DUODECIMUM.

*Esse sanguinis circuitum ex secundo supposito confirmato.*

**H**Aec cum ita sint, constat confirmatum iri etiam aliud, quod antea per cor continuo sanguinem transire dicebam: videmus enim ab arteriis sanguinem in venas dimanare, non è venis in arterias: vi-

K

demus

demus insuper vel pene totam massam sanguinis exhauriri posse ab ipso brachio (idque una vena cuticulari scalpello aperta, si fiat ligatura decens) videmus praeterea, ita impetuose & affatim effundi, ut non solum brevi & cito evacuari, qui ante sectionem in brachio intra ligaturam comprehensus erat sanguis, sed ex toto brachio & toto corpore tam arteriis quam venis.

Quare confiteri necesse est, primo vi & impetu supeditari, & quod vi impingatur intra ligaturam; vi enim & impulsu exit: & proinde à cordis pulsu & robore; vis enim & impulsio sanguinis solum à corde.

Deinde à corde provenire hunc fluxum, & per cor transitu facto è venis magnis hac effluere, similiter confiteri necesse, cum intra ligaturam per arterias ingreditur non per venas, & arteriae nusquam sanguinem è venis recipiunt, nisi è sinistro ventriculo cordis.

Neque omnino aliter ex una vena (facta supra ligatura) tantam copiam exhaurire ullo modo potuisset, praesertim tam impetuose, affatim, tam facile, tam subito, nisi à corde, vi & impulsu consecutio fiat hoc dicto modo.

Et si haec ita sint: hinc praeterea de copia computationem facere, & de circulari motu sanguinis argumentari, apertissime possumus. Si etenim in phlebotomia (eo quo solet prorumpere effusione & impetu) si quis per semihoram provenire sineret, nulli dubium, quin maxima (ipsius sanguinis) parte exhausta, lypothymia & syncope adventarent, & non solum arteriae, sed & venae magnae pene inanitae forent. Transire ergo rationabile est semihorae illo spatio tantundem

dem è vena magna per cor in aortam. Uterius si quot unciae per unum brachium perfluant: vel quot in 20. vel 30. pulsationibus intra mediocrem ligaturam trudentur sanguinis, supputares, daret, profecto existimandi copiam, quantum per aliud brachium interea per utrumque crus, per collum utrinque, & per alias omnes arterias, & venas corporis interim pertranseat: quibus omnibus fluxus per pulmones, & cordis ventriculos, novum continuo sanguinem suggerere debet, idque è venis necessarium est, circuitum fieri: cum nec suppeditari ab assumptis possit, & longe plus est, quam partium nutritioni congruens erat.

Amplius observandum, quod in administranda phlebotomia, quandoque contingit hanc veritatem confirmasse. Nam recte brachium quanquam ligaveris, & scalpello debito modo dissecueris, aptari orificiis, & omnibus rite administratis, tamen si timor, aut ex quavis alia causa, aut animi pathemate, lipopsychia adveniat, & cor languidius pulsatur, nullo modo sanguis exhibit, nisi guttatim: praesertim si ligatura strictior paulo facta sit. ratio est, quia compressam arteriam languidior pulsus & impellens vis infirmior recludere, & sanguinem intra ligaturam trudere, non valet: imo per pulmones deducere, aut è venis in arterias copiose transferre, enervatum & languidum cor non potest. Sic eodem modo, & eisdem de causis contingit, & mulierum menstrua, & omnem haemorrhagiam sedari. Ex contrariis etiam hoc patet; quoniam redintegrato animo, amoto metu, cum ad se redeunt, jam adaucto robore pulsificante, arterias statim vehementius pulsare etiam in parte ligata, in carpo move-



ri, & sanguinem per orificium longius proflire, continuo ductu videbis.

## CAPUT DECIMUM TERTIUM.

*Tertium suppositum confirmatur, & esse sanguinis circuitum ex tertio supposito.*

**H**Actenus de copia pertranseuntis sanguinis per cor, & pulmones, in centro corporis, & similiter ab arteriis in venas, in habitu corporis. Restat, ut, quomodo per venas ab extremitatibus, ad cor, retro sanguis permeat, & quomodo venae sint vasa deferentia solum sanguinem, ab extremitatibus ad centrum, explicemus: quo facto, tria illa proposita fundamenta, pro circuitu sanguinis fore aperta, vera, stabilia, ad fidem sufficienter faciendam existimamus.

Hoc autem ex valvulis, quae in ipsis venarum cavitatibus reperiuntur, & ex illarum usu, & ocularibus experimentis, satis erit apertum.

Clarissimus Hieronym. Fabr. ab Aquapendente peritissimus Anatomicus & venerabilis senex, vel ut voluit Doctiss. Riolanus Jac. Silvius, primus in venis membraneas valvulas delineavit figura sigmoides, vel semilunares portiunculas tunicae interioris venarum eminentes tenuissimas. Sitaе sunt distantibus in locis vario modo in variis hominibus, ad venae latera connatae, sursum, versus venarum radices spectantes, & in mediam capacitatem venae, ambae (ut plurimum enim duae

duae sunt) invicem respicientes, atque se invicem contingentes, & in extremitatibus ita cohaerere, copulari aptae: ut si quid è radice venarum in ramos vel è majoribus in minores permearet, omnino impediant, & ita sitae: ut sequentium cornua praecedentium convexae medium (& sic alternatis vicibus) respiciant.

Harum valvularum usum rectum inventor non est affecutus, nec alii addiderunt: non est enim ne pondere deorsum sanguis in inferiora totus ruat: Sunt namque in jugularibus deorsum spectantes, & sanguinem fursum prohibentes fieri, & non ubique fursum spectantes, sed semper versus radices venarum & ubique versus cordis locum: Ego, ut alii etiam, aliquando in emulgentibus reperi, & in Ramis mesenterii versus venam cavam & portam spectantes: adde insuper, quod in arteriis nullae sunt, & notare licet, quod canes, & boves omnes habent valvulas in divisione cruralium venarum, ad principium ossis sacri, vel in ramis illis prope coxendicem, in quibus nil tale timendum propter erectam statutam.

Nec ob metum Apoplexiae (ut alii dicunt) sunt in jugularibus valvulae, quia materia in somno potius per arterias soporales influere in caput apta esset.

Nec ut sanguis in divaricationibus subsistat, in ramos exiles, & non totus in magis apertos, & capaces irrueret: positae enim sunt ubi nullae divaricationes, licet frequentiores conspici fateor, ubi divaricationes sunt.

Nec ut motus sanguinis à centro corporis retardetur solum (tarde enim satis sua sponte, è majoribus in minores ramulos intrudi, è massa & fonte separari,

aut è locis calidioribus in frigidiora migrare, verisimilius est) Sed omnino valvulae factae sunt, ne à venis magnis in minores moveretur sanguis. sic illas dilaceraret, aut variocosas efficeret, neve à centro corporis in extrema: sed potius ab extremitatibus ad centrum progrediretur, ita huic motui valvulae tenues facile recluduntur, contrarium omnino supprimunt, & sic positae & ordinatae ut si quid per cornua superiorum minus prohiberetur transitu, sed quasi per rimas elaberetur convexitas subsequantium transversim posita exciperet, & sisteret, ne ulterius transiret.

Ego illud saepissime in dissectione venarum expertus sum, si à radice venarum initio facto, versus exiles venarum ramos spicillum mitterem (quanto potuerim artificio) ob impedimentum valvularum longius impellere, non potuisse: contra vero forinsecus è ramulis radicem versus facillime, & pluribus in locis valvulae binae ad invicem ita positae, & aptatae, ut ad amussim (dum eleventur) in media venae cavitate cohaereant & uniantur, extremitatibus convexis invicem; ut neque visu, cernere, neque satis explorare rimulam aut coitum lice-ret, contra vero forinsecus intro immisso stylo cedunt, & (valvularum, quibus cursus fluminum inhibentur in morem) facillime reclinantur, ut motum sanguinis profectum à corde, & vena cava interceptant, & ad amussim pluribus in locis elevati invicem dum clauduntur, omnino inhi-beant & supprimant, & sive sursum ad caput, sive deorsum ad pedes, sive ad latera brachii sanguinem à corde moveri (ita sunt constitutae) ut nusquam sinant, sed motui omni sanguinis, qui à majoribus venis auspicatus, in  
 mino-



minores desinat, aduersentur & obsistant; ei vero qui à venis exilibus incipiens in majores desinat, obsecundent liberamque & patentem viam expediant.

Sed quo veritas haec apertius elucescat; ligetur brachium supra cubitum vivo homine, tanquam ad mittendum sanguinem A A. per intervalla apparebunt, praecipue in rusticis & varicosis, tanquam nodi quidam & tubercula B. C. DD. E. F. non solum ubi est divaricatio E. F. sed etiam ubi nulla [C. D.] & isti nodi à valvulis fiunt. Hoc modo apparentibus in exteriori parte manus vel cubiti, si à nodo inferius pollice vel digito comprimendo sanguinem, & de nodo illo sine valvula detraxeris [H. 2. figur.] videbis nullum (inhibente omnino valvula) subsequi posse, & venae portionem (H. O. secundae fig.) infra tuberculum & digitum detractum, oblitteratam, & tamen super tuberculum vel valvulam, satis distentam [O. G.]: immo si detractum sanguinem H. & venam inanitam retinueris, & altera manu versus valvularum [O. tertiae figurae] partem superiorem distentam, deorsum compresseris [K. tertiae,] nulla vi cogi, aut impelli trans valvulam [O.] videbis; sed quanto majori conatu, hoc feceris, videbis tanto magis ad valvulam [O. tertiae] vel tuberculum [O. tertiae] venam turgentem distentam, & tamen inferius vacuum esse [H. O. tertiae figurae.]

Hoc, cum pluribus in locis experiri quis possit, apparet valvularum officium in venis idem esse cum sigmoidarum illarum trium, quae in orificio aortae & venae arteriosae fabrefactae sunt: videlicet, ut ad amissim claudantur, ne retro sanguinem transeuntem remeare sinant.


Praeterea ligato brachio uti prius A. A. & venis turgentibus, si infra tuberculum aliquod sive valvulam, venam firmaveris per aliquod spatium [L. quartae] & postea sanguinem sursum usque supra valvulam [N.] digito [M.] compuleris, vacuum illam partem venae permanere videbis [L. N.] nec retro per valvulam regredi posse ut est [H. O. secundae] ablato vero digito [H.] rursus repleti ab inferioribus, & esse ut [D. C.] ut hinc sursum ab inferioribus ad superiora, & ad cor, sanguinem moveri in venis & non contrario modo plane constet. Et licet aliquibus in locis valvulae, quae non ita ad amussim clauduntur, aut ubi unica solum valvula est, transitum sanguinis à centro non videntur prorsus impedire; tamen ut plurimum ita apparet, vel saltem quod alicubi negligentius fieri visum est, illud ex subsequenti in ordine valvularum, vel frequentia vel diligentia vel alio modo videtur compensari, ut venae viae patentes & apertae sint regredienti sanguini ad cor, progrediente vero à corde omnino occlusae. Notandum autem hoc insuper, ligato ut prius brachio & venis turgentibus apparentibus nodis sive valvulis, vivo homine, infra aliquam valvulam in loco ubi subsequenter inveneris; pollicem, qui venam firmet, applicueris; ne quid à manu sursum sanguinis progrediatur & digito deinde sanguinem ab illa venae portione, sursum supra valvulam [L. N.] exprime; ut ante dictum est: & ablato digito [L.] finito rursus repleti ab inferioribus [ut D. C.] & rursus appresso pollice, identidem, sursum, exprime sanguinem [L. N. & H. O.] & hoc millies in brevi tempore facito.

Jam si rem supputaveris, quantum una compressio-


ne,









J. d. Groot del.



J. v. d. Spylk fecit







ne, sursum, supra valvulam supponendo, & facta per numerum millenarium multiplicatione, tantum sanguinis hoc modo per unius venae partem, in non longo tempore transmissum reperies, ut de circuitu sanguinis, ab ejus celeri motu, te persuasissimum puto sentires.

Sed ne hoc experimento naturae vim asferre dicas, in longe distantibus valvulis, illud si feceris, observando, ablato pollice, quam cito quam celeriter, sanguis sursum percurrat, & venam ab inferiori parte repleat, illud ipsum exploratum tibi fore non dubito.

## CAPUT DECIMUM QUARTUM.

### *Conclusio demonstrationis de sanguinis circuitu.*

**J**Am denique nostram de circuitu sanguinis sententiam ferre, & omnibus proponere liceat.

Cum hæc confirmata sint omnia, & rationibus & ocularibus experimentis, quod sanguis per pulmones & cor, pulsu ventriculorum pertransseat, & in universum corpus impellatur, & immittatur, & ibi in venas & porositates carnis obrepat, & per ipsas venas undique de circumferentia ad centrum ab exiguis venis in majores remeet, & illinc in venam cavam, ad auriculam cordis tandem veniat, & tanta copia, tanto fluxu, refluxu, hinc per arterias illuc, & illinc per venas huc retro, ut ab assumptis suppeditari non possit, atque multo quidem majori (quam sufficiens erat nutritioni) proventu. Necessarium est concludere circulari quodam motu, in circuitu agitari in animalibus sanguinem, & esse in perpetuo motu, & hanc

## 82 EXERCITATIO ANATOMICA

esse actionem sive functionem cordis, quam pulsu peragit, & omnino motus & pulsus cordis causam unam esse.

### CAPUT DECIMUM QUINTUM.

*Sanguinis circuitus rationibus verisimilibus confirmatur.*

**S**ED hoc etiam subungere non abs re fuerit, quod secundum communes quasdam ratiocinationes, ita esse & conveniens sit, & necessarium. Primum (Aristot. de respirat. & lib. 2. & 3. de partibus animalium & alibi) cum mors sit corruptio propter calidi defectum & viventia omnia calida, morientia frigida, locum, & originem esse oportet caloris quasilarum focumque, quo naturae fomites, & primordia ignis nativi contineantur, & conserventur, à quo calor & vita in omnes partes tanquam ab origine profluant, & alimentum adveniat, & concoctio, & nutritio, & omnis vegetatio dependeat.

Hunc autem locum cor esse, & hoc principium vitae, & hoc quo dictum est modo, neminem vellem dubitare.

Sanguini itaque motu opus est, atque tali, ut ad cor rursus revertatur, nam in externas corporis partes emendatus longe (ut Arist. 2. de part. animal.) à suo fonte, immotus coagularetur. (motu enim in omnibus calorem & spiritus generari, & conservari videmus, quiete evanescere) tum à frigore extremorum & ambientis consistens aut gelatus sanguis & spiritibus (uti in mortuis) destitutus: ut rursus à fonte,  
&

& origine, tam calorem quam spiritus, & omnino praeservationem suam repetat, & revertendo redintegraret; necesse fuit.

Videmus uti à frigore exteriori extremitates aliquando algeant ut lividi & nasus, & manus & genae quasi mortuorum appareant & sanguis in ipsis (qualis cadaverum, locis pronis solet decumbere) livorem consistat, & membra adeo torpida, & aegre mobilia evadant, ut vitam pene amisisse videantur. Nullo modo profecto rursus (praesertim tam cito) calorem, colorem, & vitam recuperarent, nisi novo, ab origine affluxu, & appulsu caloris foverentur: Attrahere enim quomodo possunt, quibus calor & vita pene extincti sunt? aut quibus meatus condensati, & gelato sanguine repleti, quomodo adveniens admitterent alimentum, & sanguinem; nisi contentum dimitterent? & nisi omnino cor esset, & hujusmodi principium; ubi his refrigeratis remanerent vita & calor (ut Aristot. respirat. 2.) & unde novo, per arterias transmissio, sanguine, calido, spiritibus imbuto. Et quod frigefactum & effaetum est propellatur & omnes particulae calorem languidum & vitalem fomitem, pene extinctum repararent.

Hinc ita est, ut caeteris omnibus partibus & vitam restituti, & sanitatem recuperari, corde illaeso contingere possit: Corde vero vel refrigerato, vel vitio gravi aliquo affecto, totum animal pati, & corruptum iri necesse sit, cum principium corrumpitur & patitur. Nihil enim est (ut Arist. 3. de partib. animal) quod aut ipso, aut caeteris quae ab ipso pendeant, praebere auxilium potest. Et hinc obiter forsan ratio est, cur moerore, amore, invidia, curis & hujusmodi,



tabes & extenuatio contingant, aut cacochymia & proventus cruditatum, quae & morbos omnes inducant & homines conficiant: omne namque animi pathema, quod cum dolore, & gaudio, spe, aut anxietate humanas exagitat mentes, & ad cor usque pertingit, & ibi mutationem à naturali constitutione intemperie & pulsu & reliquis facit; illud in principio totum alimentum inquinando, & vires infirmando, minime mirum videri debet, quod varia genera morborum incurabiliū in membris & corpore subinde procreat, quandoquidem totum corpus, in illo casu vitiato alimento & inopia calidi nativi laborat.

Praeter haec, cum alimento vivant omnia animalia interius concocto, necesse est concoctionem perfectam esse, & distributionem, & proinde locum & conceptaculum adesse, ubi perficiatur alimentum & unde deriveretur in singula membra; hic locus autem cor est; cum solum ex omnibus partibus (non solum in vena & arteria coronali privato usui) sed in cavitatibus suis tanquam in cisternis, & promptuario (auriculis scilicet & ventriculis) publico usui, sanguinem continet: reliquae omnes partes sui ipsius tantum causa & privato usui, in vasibus duntaxat habent) & cum cor solum ita situm & constitutum, ut inde pulsu suo, in omnes partes (idque secundum justitiam & proportionem cavitatum arteriarum, unicuique particulae inservientium) aequaliter dispensat, distribuit, & indigentibus (quasi è thesauro & fonte) hoc modo largitur.

Amplius ad hanc distributionem & motum sanguinis, impetu & violentia opus est, & impulsore, quale cor est: Tunc quia sanguis sponte sua (quasi ver-

fus

sus principium, vel pars ad totum, vel gutta aquae sparsae super tabulam ad massam) facile concentratur & coit: (uti à levibus causis solet celerrime frigore, timore, horrore, & hujusmodi causis aliis. Tum ultra, quia è venis capillaribus in parvas ramificationes & inde in majores exprimitur, motu membrorum & musculorum compressione, proclivis est magis & pronus sanguis, ut è circumferentia moveatur in centrum, quam è contrario (quamquam valvulae impedimento nullae forent) unde ut principium relinquat, & loca stricta & frigidiora iniret, & contra spontaneum moveretur. tum violentia opus habet sanguis tum impulsore, quale cor solum est, & eo quo dictum est modo.

## CAPUT DECIMUM SEXTUM.

*Sanguinis circuitus ex consequentibus probatur.*

**S**unt insuper problemata, ex hac veritate supposita, tanquam consequentia, quae ad fidem faciendam, veluti à posteriore non sunt inutilia, & quae cum aliis multa ambiguitate & rationem & causas assignari facile patiantur.

Quemadmodum, quae in contagione videmus, in ictu venenato, & serpentum morfu, aut canis rabidi, in lue Venerea, & hujusmodi quomodo illaesa particula, contacta tamen, totum habitum contingit vitari (uti lues Venerea illaesis aliquando genitalibus primo omnium vel scapularum, vel capitis dolore, vel aliis

Symptomatibus sese prodere solet) & vulnere facto à morfu canis rabidi, curato, febrem tamen, aut reliqua horrenda Symptomata supervenisse experti sumus. Quoniam primum, in particulam impressum contagium, una cum revertente sanguine ad cor fertur: & inde totum corpus postea inquinare posse hinc patet: In tertiana febris, morbifica causa principio cor petens, circa cor & pulmones immoratur, & anhelosos, suspiriosos, ignavos facit, quia principium aggravatur vitale, & sanguis in pulmones impingitur, incrassatur, non transit (hoc ego ex dissectione illorum qui in principio accessionis mortui sunt, expertus loquor) quando semper pulsus frequentes parvi, & quandoque inordinati sunt; adaucto vero calore, attenuatione facta materiae, apertis viis, & transitu facto incallescere universum corpus, pulsus majores fieri vehementiores, & fit paroxysmus febrilis: dum calor, scilicet, praeternaturalis accensus in corde, inde in totum corpus per arterias diffunditur, una cum materia morbifica; quae eo modo à natura exuperatur, & dissolvitur.

Cur etiam exterius applicata medicamenta vires intro exercent suas, ac si intro sumpta essent, hinc constet (Colocynthis & Alöe ventrem solvunt, Cantharides urinas movent, Allium plantis pedum alligatum expectorant, & cordialia roborant, & hujus generis infinita) venas per orificia ab exterius admotis, absorbere aliquid & intro cum sanguine deferre (non alio modo, quam illae in mesenterio, ex intestinis Chylum exsugunt & ad jecur una cum sanguine apportant) non irrationabile est forsitan dicere.

In mesenterio etiam sanguis, per arterias Celiacas mesentericam superiorem & inferiorem, ingressus; ad  
in-



intestina progreditur; à quibus una cum Chylo in venas attracto per illarum venarum frequentissimas ramificationes in portum jecoris revertitur, & per ipsum in venam cavam sic contingit, ut sanguis in his venis eodem sit imbutus & colore & consistenti, qua in reliquis, contra quam plures opinantur: nec duos contrarios motus in omni capillari propagine Chyli fursum, sanguinis deorsum inconvenienter fieri improbabiliter existimare necesse est. Sed an non summa naturae providentia hoc sit; si enim Chylus cum sanguine, crudus cum concocto, aequis portionibus confunderetur, non concoctio transmutatio & sanguificatio exinde proveniret, sed magis (cum invicem activa & passiva sint) ex alteratorum unione mistio, & medium quid, ut in perfusione vini cum aqua & oxicato; jam vero quando multo cum praeterlabente sanguine exigua portio Chyli hoc modo admista sit, & quasi nulla notabili proportionem, contingit illud facilius (quod ait Aristoteles) cum una gutta aquae addita vini dolio, aut è contra, totum non mistum, sed vel vinum vel aqua. Ita in venis meseraicis dissectis, non Chymus, non Chylus & sanguis, aut separati, aut confusi reperiuntur, sed idem qui in reliquis venis sanguis & colore, & consistentia ad sensum apparet. In quo tamen quia Chyli quiddam inconcoctum (licet insensibiliter) inest. Natura jecur apposuit, in cujus meandris moras trahat & plenior transmutationem acquirat, ne praemature crudum ad cor perveniens, vitae principium obrueret. Hinc in Embryone pene nullus usus jecoris, unde vena umbilicalis jecur manifeste integra pertransit & à porta jecoris extat foramen  
vel

vel anastomosis, ut sanguis regrediens ab intestinis foetus; non per jecur, sed in dictam umbilicalem transiens, cor (una cum materno sanguine & revertente à placenta uteri) petat, unde etiam in prima foetus conformatione jecur posterius fieri contingit, & nos etiam in foetu humano observavimus perfecte delineata omnia membra, imo genitalia distincta, nondum tamen jecoris posita pene rudimenta. Et sane quousque membra (ut vel cor ipsum in initio) alba omnia apparent, & praeterquam in venis nequidquam ruboris contineant, nihil praeter rudem quasi extra venati sanguinis collectionem loco jecoris videbis, quam contusionem quandam vel ruptam venam existimares.

Sed in ovo duo quasi vasa umbilicalia, unum ab albumine integrum pertransiens jecur & ad cor recte tendens, alterum à luteo in venam portam desinens: quippe contingit in ovo pullum primum ex albumine tantum formari & nutriri; à luteo vero post perfectionem & exclusionem; nam & intra intestina in ventre pulli contentum post multos dies ab exclusione potest luteum reperiri, & respondet luteum nutrimento lactis caeterorum animalium. sed haec convenientius in observationibus circa foetus formationem, ubi hujus generis possunt esse problemata plurima: cur hoc prius factum, aut perfectum sit, illud cur posterius? & de principatu membrorum, quatenam particula alterius causa sit? & circa cor plurima, uti cur primum (ut Arist. *de partibus animal.* 3.) consistens factum sit? & habere videtur in se vitam, motum, & sensum, antequam quidquam reliqui corporis perfectum sit? Et similiter de sanguine quare ante omnia? & qualiter

ter principium vitae & animalis habeat, & moveri atque huc illuc impelli desiderat? cujus causa cor factum fuisse videretur.

Eodem modo in pulsuum speculatione, cur isti videlicet lethales aut contra, & in omnibus generibus ipsorum causas & praesagia contemplando, quid isti significant, quid illud, & quare?

Similiter in Crisibus ex expurgationibus naturae, in nutritione, praesertim distributione alimenti, similiter & omni fluxione.

Denique in omni parte Medicinae, Physiologica Pathologica, Semiotica, Therapeutica, cum quot problemata determinari possunt ex hac data veritate & luce, quanta dubia solvi, quot obscura dilucidari, animo mecum reputo: campum invenio spatiosissimum, ubi longius percurrere & latius expatiari adeo possim, ut non solum in volumen excresceret praeter institutum meum, hoc opus. Sed mihi forsitan vita ad finem faciendum deficeret.

Hoc itaque loco (*sequente videl. capitulo*) solummodo, quae in administranda Anatome circa fabricam cordis & arteriarum comparent, ad suos usus & causas veras referre enitar, ut sicut quocunque me convertam, plurima, quae ex hac veritate lucem recipiant, & hanc vicissim illustriorem reddant, reperiuntur. Ita Anatomicis argumentis firmatam & exornatam prae caeteris velim.

Est unum quod licet inter observationes nostras de lienis usu locum habere deberet, tamen hic quoque obiter annotare non erit impertinens. A ramo splenico in pancreate deducto, è parte superiore venae oriuntur coronalis, postica, gastrica, & Gastroepiploica,



ca, quae omnes plurimis furculis & ramificationibus in ventriculum (veluti meseraicae in intestina) disseminantur. Similiter à parte inferiori illius splenici deorsum in colon & longanem usque deducitur vena haemorrhoidalis: per has venas utrinque sanguis regrediens, & succum crudiores secum hinc à ventriculo, aqueum, tenuem nondum perfecta chilificatione; illinc crassum & terrestriorem tanquam è fecibus, reportans, in hoc ramo splenico, contrariorum permixtione convenienter attemperatur, & ambos hos succos difficilis concoctionis (propter contrarias tamen indispositiones) natura permiscendo & multà copia calidioris sanguinis, à liene uberrime (propter multitudinem arteriarum) scaturientis, super infusa; praeparatos magis ad jecoris portus adducit, & defectum utrorumque extremorum tali venarum fabrica supplet & compensat.

## CAPUT DECIMUM SEPTIMUM.

*Confirmatur sanguinis motus, & circuitus ex apparentibus in Corde & ex iis, quae ex dissectione Anatomica patent.*

**C**Or non in omnibus animalibus invenio distinctam esse, & separatam particulam, alia enim (quasi dicas) plant-animalia cor non habent, quia quaedam animalia sunt frigidiora, exiguae corpulentiae, mollioris texturae, similis cujusdam constitutionis, ut erucarum genus & Lumbricorum, & quae ex putre-

di.

dine oriuntur, non servantia speciem, plurima, iis cor non est, ut quibus impulsore non opus sit, quo alimentum in extrema deferatur, corpus enim connatum & unum absque membris indistinctum habent, sic ut contractione, & relatione totius corporis, intro sumant & expellant, moveant & removeant alimentum. Plant-animalia dicta Ostrea, Mytilis, Spongis & Zoophytorum genera omnia, cor non habent, pro corde enim toto corpore utuntur, & quasi totum cor, hujusmodi animal est.

In plurimis pene omnibus insectorum generibus, propter corpulentiae exiguitatem discernere non possumus recte; attamen in apibus, muscis, crabronibus, & hujusmodi (aliquando ope perspicilli) licet, pulsans quiddam intueri: etiam in pediculis, quibus transitus alimenti per intestina (cum translucidum sit animal) quasi maculam nigram cernere insuper clare poteris multiplicantis illius specilli ope: sed in exanguibus & frigidioribus quibusdam, ut cochleis, conchis, squillis, crustatis, his omnibus inest pulsans particula, (quasi vesicula quaedam vel auricula sine corde) rarius vero contractionem & pulsus suum faciens, & quem non nisi aestate, aut calidiori tempestate discernere liceat.

In his ita se habet ista particula; impulsu aliquo opus est ad alimenti distributionem propter partium organicam varietatem aut densitatem substantiae: sed rarius fiunt pulsationes, & quandoque non omnino, ob frigiditatem, prout conveniens illis est, quae dubiae sunt naturae, ita ut quandoque vivere, quandoque emori, videantur, & quandoque vitam animalis agere quandoque plantae. Quod etiam insectis vide-

tur contingere (cum hyeme latent, & quasi mortua occultantur) vel plantae vitam tantummodo agant; sed an idem etiam quibusdam sanguinis animalibus accadat, ut ranis, testudinibus, serpentibus, hirundinibus, non injuria dubitare licet.

In animalibus vero majoribus, calidioribus, utpote sanguineis impulsore alimenti, & cum vi forsan majori, opus est; proinde uti piscibus, serpentibus, lacertulis, testudinibus, ranis & hujusmodi aliis, tum auricula, tum cordis ventriculus unus, unde & verissimum illud (Aristot. *de partibus animal.* 3.) quod nullum sanguineum animal careat corde, quo impulsore validiora & robustiora, non solum ab auricula agitur alimentum, sed longius & celerius protrudatur.

Quin in adhuc majoribus, calidioribus & perfectioribus animalibus, utpote plurimo ferventiori & spirituosio sanguine abundantibus quo protrudatur, fortius, celerius, & impetu majori propter corporis magnitudinem, aut habitus densitatem, alimentum, in his robustum cor magis & carnosius desideratur.

Et insuper, quia perfectioribus, perfectiori opus alimento, & uberiori calore nativo, ut alimentum concoquatur & ulteriorem perfectionem nanciscatur, illis animalibus pulmones habere & alterum ventriculum, qui per ipsos pulmones alimentum trumat, conveniebat.

Sic quibuscumque insunt pulmones, ubi duo ventriculi cordis dexter & sinister, & ubicunque dexter ibi sinister quoque inest, non è contra ubi sinister ibi dexter quoque (sinistrum voco ventriculum usu, non situ, distinctum videlicet, qui sanguinem in totum cor-



corpus diffundat non in pulmones solum) hinc sinister ventriculus per se cor efficere videtur, & in medio situs, scrobiculis altioribus ita insculptus & majori diligentia fabrefactus est, ut cor sinistri ventriculi gratia factum videatur: & dexter ventriculus quasi famuletur sinistro, nec ad conum ejus pertingit, & tenuiori triplo pariete est, & quasi articulationem quandam (ut Arist.) supra sinistrum habeat. Majori capacitate vero utpote, qui non solum sinistro materiam, sed & pulmonibus alimentum praebeat.

Notandum vero, quod in Embryone aliter se habent ista, & non tanta differentia sit ventriculorum, sed tanquam in nuce nuclei gemelli, aequaliter pene se habent, & dextri conus ad sinistri summitatem pertingit, ut cor in his (tanquam duplici apice) in cono sit, & haec quoniam in his (ut dixi) dum sanguis non transit per pulmones, utique de dextro cordis sinu in sinistrum. Ambo per foramen ovale, & transitum arteriosum, ut dictum est, idem officium traducendi sanguinem è vena cava in arteriam magnam, pariter praestant, & in universum corpus impellunt aequaliter; unde aequalis constitutio. Cum vero pulmones usui esse, & uniones dictas occludi, sit tempestivum, tum haec differentia ventriculorum incipit in robore, & reliquis esse; quia dexter duntaxat per pulmones, sinister per totum corpus impellit.

Ultra haec etiam in corde lacertuli (ut ita dicam) five carnosae virgulae, & fibrosi nexus plurimi (quos Aristot. *lib. de respirat. & de partibus animalium* 3. nervos vocat) qui partim separatim diverso modo tenduntur; partim in parietibus & mediastino (altis factis scrobiculis) sulcatim reconditi tanquam musculi

quidam parvi. Qui ad robustiorem, & ad validiorem impulsus sanguinis, & constrictionem cordis quasi succenturiati sunt, & superadditi cordi, & ad ulteriorem expulsionem sanguinis auxiliares, & ut (tanquam in navifunium diligens & artificiosus apparatus) corde undiquaque se contrahente, undique adjumento forent, & sanguinem plenius & validius è ventriculis expellerent.

Hoc autem manifestum eo, quod quibusdam animalibus sint, quibusdam minime, & omnibus quibus sunt, illis plures & fortiores, sinistro, quam dextro, & quibusdam animalibus, in sinistro sunt, dextro vero nequaquam, & in hominum genere, plures in sinistro quam dextro ventriculo, & plures in ventriculis quam auriculis, & aliquibus in auriculis quasi nulli. In torosis & musculosis agrestibus corporibus, & durioris habitus, plures; in tenellis corporibus foemineis pauciores.

In quibus animalibus ventriculi cordis intus leves; omnino absque fibris, lacertulis, neque scrobiculis fissi (ut avibus minoribus pene omnibus, serpentibus, ranis, testudinibus, & hujusmodi, sic perdica, gallina, piscibus similiter maxima ex parte): in his neque nervi (sive fibrae dictae) neque valvulae tricuspides in ventriculis reperiuntur. Quibusdam animalibus dexter ventriculus intus levis est, sinister vero fibrosos illos nexus habet, ut in anseri, Cygno, & avibus gravioribus. In his eadem est ratio, quae in omnibus; cum spongiosi & rari & molles sint pulmones ad protrusionem sanguinis per ipsos, vim tantam non desiderari, proinde dextro ventriculo aut non sunt illae fibrae, aut pauciores, infirmiores, non ita carnosae, aut musculos aemulantes. Sinistri vero sunt & robustiores,

stiores, & plures, & carnosiores, & musculosi, quia sinister ventriculus majori robore & vi opus habet, quo per universum corpus longius sanguinem prosequi debuerat.

Et hinc etiam medium cordis possidet, & triplo crassiori pariete, & robustiore est sinister ventriculus dextro. Hinc omnia animalia, & inter homines similiter, quo densiori, duriori, & solidiori habitu sunt carnis, & quo magis carnosa, lacertosa habent extrema membra, & magis à corde distantia: eo fibrosum, magis crassum, robustum, & musculosum habent cor. Idque manifestum est, & necessarium. Quo contra rariori textura, & molliori sunt habitu, & corpulentia minore, flaccidum magis, mollius, & intus minus (aut non omnino) fibrosum & enervatum cor gerunt.

Valvularum similiter sigmoidarum usum considera; quae ideo factae, ne semel missus sanguis in cordis ventriculos regeratur, & in orificio arteriosae venae & aortae (dum sursum elevatae, & invicem conjunctae triquetram lineam, qualis ab hirudinum morsu relinquitur, effingunt) quo arctius observatae, sanguinis refluxum arceant.

Tricuspidēs in introitu à vena cava, & arteria venosa janitores, ne cum maxime impellit sanguis, retrolabatur, & ea de causa non insunt omnibus animalibus, ut dixi; neque quibus insunt, eadem naturae solertia factae apparent, sed in aliis exactius, in aliis remissius & negligentius, ut claudantur pro majori vel minori impulsione à ventriculorum constrictione facta: Ideo in sinistro ventriculo, uti ad majorem impulsione diligenter occlusio fiat, duo tantum  
sunt



sunt instar mitrae, ut exactissime claudantur & longe in conum per medium pertingentes (quae res imposuit forsan Aristoteli, ut hunc ventriculum duplicem sectione per transversum facta existimaret): similiter profecto non retro in arteriam venosam labatur sanguis, & exinde robur sinistri ventriculi exsolvatur, in propellendo per universum corpus, ideo valvulae istae mitrales mole, & robore, & exacta clausura, illas in dextro positas exuperant. Hinc etiam necessario nullum cor sine ventriculo conspicitur, cum lucanar & fons, & promptuarium esse sanguinis debeat: Idem vero in cerebro, non semper contingit. Avium enim genera pene omnia nullum habent in cerebro ventriculum, ut patet in anser & cygno, quorum cerebrum cuniculi cerebro pene magnitudne aequatur. Cuniculi autem ventriculos, licet in cerebro habeant, anser tamen non habet. Similiter ubicunque cordis ventriculus unus, una auricula appendit, flaccida, cuticularis, intus cava, sanguine referta; ubi duo ventriculi, duae similiter auriculae. Contra vero aliquibus auricula duntaxat inest animalibus (non autem cordis ventriculus) vel saltem vesica auriculae analogon, vel vena ipsa in loco dilatata pulsus facit, ut videtur in crabronibus, & apibus, & aliis insectis, quae non solum pulsus habere, sed & respirationem in illa parte quam caudam nominant, experimentis quibusdam me posse demonstrare arbitror, (unde ipsam elongare, & contrahere contingit modo frequentius, modo rarius, prout anhelosi magis videntur, & aëre magis indigere) sed de his in tractatu de respiratione. Auriculas similiter pulsare apertum est, sese contrahere (ut ante dixi) & sanguinem in ventriculos con-

conjicere; unde ubicunque est ventriculus, auricula necessaria, non solum quod vulgo creditur, ut sit sanguinis receptaculum & promptuarium (quid enim opus est pulsatione ad retinendum) sed motores primi sunt sanguinis auriculae, praesertim dextra, primum vivens, ultimum moriens (ut ante dictum est) quare necessaria, ut scilicet sanguinem in ventriculum subserviens infundat. Qui ventriculus continuo (se ipsum contrahendo) jam ante in motu existentem sanguinem commodius elidat, & violentius propellat, ut cum ludas pila à reverberatione fortius & longius percutiendo quam simpliciter projiciendo impellere poteris. Quin etiam contra vulgarem opinionem, quia, neque cor, neque aliud quidquam se ipsum distendere, sic potest, ut in se ipsum attrahere sua diastole quicquam possit, nisi ut spongia vi prius compressa, dum redit ad constitutionem suam: sed omnem motum localem in animalibus primum fieri, & principium sumpsisse constat à contractione alicujus particulae: ideo à contractione auricularum conjicitur sanguis in ventriculos, ut ante patefeci, & inde à contractione ventriculorum projicitur & transfertur.

Quae veritas de motu locali, & quod immediatum organum motuum in omni motu omnium animalium, in quo spiritus motivus (ut Arist. dicit *libro de spiritu* & *alibi* primo inest) sit contractile, & quemadmodum *νεύρον* à *νέω*, nuto, contraho dicatur. Et quod Aristot. musculos cognovit, & non operam, omnem motum in animalibus retulit ad nervos sive ad contractile, & proinde illos lacertulos in corde nervos appellavit, si de motivis organis animalium, & de musculorum fabrica ex observationibus nostris, quandoque demonstrare

liceret, palam arbitraret fore.

Quin institutum prosequentes, de auricularum usu ad ventriculos implendos sanguine, ut ante demonstratum est, contingit; quo magis densum, compactum cor, pariete crassiore, eo auriculae nervosiores & magis musculosae ad impellendum & implendum, quibus contrariis tanquam vesica sanguinea, & membrana continens sanguinem apparet (ut in piscibus) (ibi enim tenuissima & adeo ampla est vesica, quae auriculae loco est, ut super ipsam cor immutare videatur) ut in quibus piscibus carnosior paulo illa vesica est, perbelle pulmones aemulari & ementiri videtur; ut Cyprino & Barbo tinea & aliis.

In aliquibus hominibus torosis videlicet, & durioris habitus dextram auriculam ita robustam, & cum lacertulis, & vario fibrarum contextu interius affabre concinnatam, reperi, ut aliorum ventriculos robore videretur aequipollere, & mirabar sane in hominibus diversis, quanta esset differentia.

Sed notandum, quod in foetu auriculae longe majores, quam pro proportionem, quia insunt, antequam cor fiat, aut suam functionem praestat (ut ante demonstratum est) & cordis ibi quasi officium faciunt.

Sed quae in formatione foetus observavi (& antea retuli, & Aristot. in ovo confirmat) maximam huic rei fidem & lucem afferunt. Interea dum foetus, quasi vermiculus mollis, & (ut dicitur) in lacte est, inest solum punctum sanguineum, sive vesicula pulsans, & quasi umbilicalis venae portio, in principio, vel basi dilatata: postea cum foetus delineatus, jam corpulentiam quandam duriozem habere incipit, ista vesica carnosior & robustior facta in auriculas (mutata con-

stitu-



stitutione) transit, super quas cordis corpus pullulare incipit, (nondum ullum officium faciens publicum) formato vero foetu, cum jam distincta ossa à carnibus sunt, & perfectum est animal, & motum habere sentitur, tum cor quoque, intus pulsans habetur, & (ut dixi) utroque ventriculo sanguinem è vena cava in arteriam transfundit.

Sic natura perfecta & divina nihil faciens frustra, nec cuiquam animali cor addidit, ubi non erat opus, neque priusquam esset ejus usus, fecit; sed iisdem gradibus in formatione cujuscunque animalis, transiens per omnium animalium constitutiones (ut ita dicam) ovum, vermem, foetum, perfectionem in singulis acquirit. In foetus formatione, multis observationibus haec alibi confirmanda sunt.

Denique non immerito Hippocrates *in lib. de corde* ipsum musculum nuncupavit, cum eadem actio, idem officium sit, videlicet seipsum contrahere, aliud movere, nempe contentum sanguinem.

Insuper ex fibrarum constitutione motivaque fabrica, ut in musculis ipsis cordis actionem & usum licet cernere, omnes Anatomici cum Galeno annotarunt, cordis corpus vario fibrarum ductu videlicet recto, transverso, obliquo, fabrefactum esse, at in corde elixo, aliter se habere deprehenditur fibrarum structura. Omnes enim fibrae in parietibus & septo circulares sunt, quales in sphinctere, illae vero quae sunt in lacertulis, secundum longitudinem obliquae, porrectae: sic fit dum omnes fibrae simul contractae sint, ut contingat, & conum ad basin à lacertulis adductum esse, & parietes in orbe circumclusas, & cor undique contractum esse, & ventriculos coarctari, & proinde, cum ipsius a-

ctio sit contractio, functionem ejus esse sanguinem in arterias protrudere existimandum est.

Nec minus Aristoteli de principatu cordis assentendum, an à cerebro motum & sensum accipiat? an à jecore sanguinem? an sit principium venarum, & sanguinis & hujusmodi? cum qui ipsum redarguere conantur, illud principale argumentum omittunt, aut non intelligunt, quod cor nempe primum subsistens sit, & habeat in se sanguinem, vitam, sensum, motum, antequam aut cerebrum, aut jecur facta erant, vel plane distincta apparuerant, vel saltem ullam functionem edere potuerant. Et suis propriis organis ad motum fabricatis, cor, tanquam animal quoddam internum antiquius consistit. Quo primo facto, ab ipso postea fieri, nutrirī, conservari, perfici, totum animal, tanquam hujus opus & domicilium, natura voluisset: & cor (tanquam in republ. Princeps) penes quem primum & summum imperium ubique gubernans sit. A quo tanquam ab origine in animali, & à fundamento omnis potestas derivetur, & dependeat.

At amplius circa arterias plurima similiter veritatem hanc illustrant & confirmant, cur arteria venosa non pulsar, cum numeretur inter arterias? aut cur in vena arteriosa pulsus sentitur? quia pulsus arteriarum sanguinis impulsio est.

Cur arteriae in suae tunicae crassitie, & robore, tantum à venis differant, quia sustinent impetum impellentis cordis, & prorumpentis sanguinis.

Hinc cum natura perfecta nihil facit frustra, & in omnibus est sufficiens, quanto arteriae propinquiores cordi sunt, tanto magis à venis in constitutione differunt, & robustiores sunt, & ligamentosae magis; in ultimis ve-

ro disseminationibus ipsarum, ut manu, pede, cerebro, mesenterio, spermaticis ita constitutione similes sunt, ut oculari tunicarum inspectione, alterum ab altero, internoscere difficile sit. Hoc autem iustis de causis sic se habet, nam quo longius arteriae distant à corde, eo minore multo, vi, ab ictu cordis per multum spatium refracto, percelluntur. Adde quod cordis impulsus, cum in omnibus arteriarum truncis, & ramulis sufficiens sanguini esse debuerat, ad divisiones singulas, quasi partitus imminuitur.

Adeo ut ultimae divisiones capillares, arteriosae videantur venae non solum constitutione, sed & officio, cum sensibilem pulsum, aut nullum, aut non semper edunt, & nisi cum pulsat cor vehementius, aut arteriola in quavis particula dilatata, aut aperta magis sit. Inde fit ut in dentibus quandoque & tuberculis, quandoque in digitis sentire pulsum, quandoque non possimus. Unde pueros, quibus pulsus semper sunt celeres & frequentes, hoc uno signo febricitare certo observaverim, & similiter in tenellis & delicatulis; ex compressione digitorum, quando febris in vigore esset, facile pulsu digitorum percipere potuerim.

Ex altera parte, quando cor languidius pulsatur, non solum, non in digitis, sed nec in carpo, aut temporibus pulsum sentire contigit, ut in Lypothimia & hysteriis symptomatibus & asphyxia, debilioribus morituris.

Hic ne decipiantur, monendi Chirurghi, quod in amputatione membrorum & tumorum carnosorum excisione, & vulneribus, sanguis cum vi profiliens semper exit ab arteria, non autem semper cum saltu, quia exiles arteriae non pulsant, praesertim si ligatura compressae fuerint.



Praeterea cur vena arteriosa non solum arteriae constitutionem, & tunicam habeat, sed cur tam multum in crassitie tunicae non differat à venis, quam aorta, ratio eadem, majorem a sinistro ventriculo impulsam sustinet aorta, quam illa à dextro, & tanto molliori tunicarum constitutione, quam aorta est, quanto dexter ventriculus cordis & pariete, & carne sinistro infirmior, & quanto pulmones in textura, & mollitie, ab habitu corporis & carnis recedunt, tantum differt venae arteriosae tunica, ab illa, quae aortae. Et semper haec omnia ubique proportionem servant, & in hominibus quanto magis torosi, musculosi, & durioris sunt habitus, & cor robustum, crassum, densum, & fibrosum magis; tanto & auriculas, & arterias proportionabiliter in omnibus respondentes crassitie, robore habent.

Hinc quibus animalibus leves ventriculi cordis intus sunt, absque villis, aut valvulis, pariete tenuiore, ut piscibus, avibus, serpentibus, & quam plurimis generibus animalium, in illis arteriae parum aut nihil à venis differunt in tunicarum crassitie.

Amplius cur pulmones tam ampla habent vasa, venam & arteriam, (ut truncus arteriae venosae excedat utrosque ramos, crurales, & jugulares, & cur tanto referti sunt sanguine, ut per experientiam & autopsiam scimus (monitu Arist. non decepti inspectione eorum quos dissectis detraximus animalibus, quorum sanguis totus effluxerit) causa est, quia in pulmonibus & corde promptuarium fons & thesaurus sanguinis, & officina perfectionis est.

Cur similiter arteriam venosam, & sinistrum ventriculum abundare videmus (in Anatomica dissectione)

ne) tanta copia sanguinis, & ejusdem quidem, quo dexter ventriculus, & vena arteriosa replentur, similiter nigricantis & grumescantis. Quoniam illinc huc continenter peragrat pulmones sanguis.

Cur denique vena arteriosa dicta, vulgo constitutionem arteriae, arteria venosa venae, habeant. Quia revera, & officio & constitutione & omnibus illa arteria, haec vena sit, contra quam vulgo creditur. Et cur vena arteriosa tam amplum habet orificium, quia plus multi defert quam alendis pulmonibus sit necessarium.

Haec omnia phaenomena inter dissecandum observanda, & plurima alia, si recte perpensa fuerint, ante dictam veritatem, videntur luculenter illustrare & plane confirmare, simulque vulgaribus opinionibus adversari: cum quam ob causam ita constituta sint, & facta haec omnia difficile cuiquam admodum sit, (nisi quo nos modo) explicare.

F I N I S.







EXERCITATIONES DUAE ANATOMICAE  
DE  
CIRCULATIONE  
SANGUINIS.

Ad JOANNEM RIOLANUM filium; *Parisiensem*  
Medicum peritissimum, Anatomicorum Cory-  
phaeum: in Academia *Parisiensi* Anatomes &  
Herbariae Professore Regium egregium atque  
Decanum, Reginae matris Lodovici XIII. Medi-  
cum primum.

*Authore,*

GULIELMO HARVEO Anglo, in Collegio Me-  
dicorum Londinensium *Anatomes & Chirurgiae*  
*Professore*; *serenissimaeque Majestatis*  
*Regiae Archiatro.*

THE UNIVERSITY OF CHICAGO

1912

# CIRCULATION

STANDARD

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637  
TEL. 733-1234  
CIRCULATION DEPARTMENT  
1215 EAST 58TH STREET  
CHICAGO, ILL. 60637  
TEL. 733-1234

1912

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637  
TEL. 733-1234  
CIRCULATION DEPARTMENT  
1215 EAST 58TH STREET  
CHICAGO, ILL. 60637  
TEL. 733-1234



EXERCITATIO ANATOMICA,  
DE  
CIRCULATIONE  
SANGUINIS.

AD  
J. RIOLANUM,

PRIMA.

**P**Rodit non multis abhinc mensibus  
Clarissimi *Riolani* opusculum Anato-  
micum & Pathologicum propter quod,  
ipsissima authoris manu mihi transmis-  
sum, gratias lubens refero: gratulor  
equidem foelicitati illius viri, quod  
institutum maxima dignissimum laude perficiendum  
susceperit. Omnium morborum sedes ante oculos  
ponere, onus est, non nisi divino ingenio exantlan-  
dum; gravem sane subiit provinciam, qui morbos il-  
los, pene intellectus aciem fugientes, oculis prospi-  
cien-



ciendos tradidit. Decent haec conamina Anatomicorum principem: nulla enim est scientia, quae non ex praeexistente cognitione oritur, nullaque certa & plene cognita notitia, quae non ex sensu originem duxit. Quocirca res ipsa, & tanti viri exemplum, laborem meum efflagitabat, animumque inducebat, meam quoque Anatomiam medicam ad medicinae usum maxime accomodatam literis mandare & adjungere: non, ut ille, solum locos morborum ex cadaveribus sanorum indigitando & secundum mentem aliorum, morborum species, qui iis in locis videri debuissent, recensendo, sed ut, ex multis dissectionibus corporum aegrotorum, gravissimis & miris affectionibus confectorum, quomodo, & qualiter partes interiores in situ, magnitudine constitutione, figura, substantia & reliquis accidentibus sensibilibus, à naturali forma & apparentia (quam vulgo omnes Anatomici describunt) permutantur, & quam variis modis & miris afficiuntur, enarrandum susceperem. Sicut enim sanorum & boni habitus corporum dissectione plurimum ad philosophiam & rectam physiologiam facit, ita corporum morbosorum & cachecticorum inspectio potissimum ad pathologiam philosophicam. Quippe eorum, quae sunt secundum naturam, contemplatio physiologica est prius à medicis noscenda, quoniam, quod secundum naturam est, id rectum & tum sui tum obliqui regula, cujus luce errores affectusque praeternaturales definiendo, Pathologia postea clarius innotescit, & ex Pathologia, usus & ars medendi, novaeque plurima remedia inveniendi occasionem occurrunt. Neque quisquam facile crederet, quantum in morbis praesertim chronicis interiora per-

ver-

vertantur, & quanta partium interiorum monstra in morbis gignantur. Atque, ausim dicere, plus una dissectio & apertio tabidi, aut morbo aliquo antiquo vel venenato confecti corporis, ad medicinam attulit commodi, quam decem corporum strangulatorum.

Non igitur improbo doctissimi & expertissimi Anatomici *Riolani* institutum, sed summis laudibus celebrandum puto, quippe ad medicinam utile admodum, quod physiologicam partem illustrat, non minus tamen medendi arti proficuum fore existimabam, si non solum locos, sed una locorum affectus conspiciendos exhiberem, vel observatos & perlustratos enarrarem, & ex multis meis dissectionibus experientiam meam recorderer.

Verum quae, in illo libello ad me spectare unicum videbantur de circuitu sanguinis à me invento, tractata sunt, perpendenda prius & potissimum à me veniunt. Non enim parvi faciendum, de re tanta, tanti viri iudicium; (qui omnium, quotquot sunt huius seculi, Anatomicorum facile princeps & Coryphaeus aestimatur) sed plus, quam aliorum omnium vel applaudentium vel repugnantium, ducenda huius unius viri sententia in gloriam, aut censura respicienda & pensitanda. Ipse igitur *Enchir.* lib. 3. c. 8. motum sanguinis nostrum in animalibus agnoscit, & in nostras partes, nostramque de circuitu sanguinis sententiam venit; non tamen ex toto & aperte: ait enim lib. 2. cap. 21. quod sanguis in porta contentus non circuletur, ut sanguis in vena cava, & lib. 3. cap. 8. Esse sanguinem qui circulatur, & vasa circulatoria esse scilicet aortam & venam cavam:

## 110. EXERCITATIO ANATOMICA

negat tamen eorum propagines circulationem recipere, *quia effusus*, inquit, *sanguis omnes partes, secundae & tertiae regionis, ibi remanet ad nutritionem; nec refluit ad majora vasa, nisi vi revulsus, in maxima inopia sanguinis vasorum majorum, vel impetu & oestro percitus affluat ad majora vasa circulatoria.* Atque ita (paulo post) *sive sanguis venarum perpetuo ascendat naturaliter, sive remeet ad cor, sive sanguis arteriarum descendat sive discedat à corde, attamen, si venae minores brachiorum & crurum fuerint depletae, potest successione vacuati, venarum sanguis descendere: quod clare demonstravi, inquit, contra Harveum & Wallaeum.* Et quia Galenus & quotidiana experientia confirmet anastomoses venarum & arteriarum, & necessitas circulati sanguinis, *videtis, inquit, quomodo fiat circulatio sanguinis citra perturbationem & confusionem humorum & veteris medicinae destructionem.*

Quibus verbis apertum est, qua de causa permotus clarissimus ipse sanguinis circuitum agnoscere partim, partim denegare voluit, & cur titubantem inconstantemque de circuitu opinionem astruere conatur. Nempe, nec veterem medicinam destrueret, non veritate ductus (quam non cernere non potuisset) sed magis ob cautelam, veretur aperte loqui, ne veterem medicinam offenderet, aut forsan traditam, ab ipso in Anthropologia, physiologiam retractare videretur. Nam sanguinis circuitus veterem medicinam non destruit, sed promovet magis; medicorum physiologiam & speculationem de rebus naturalibus ostendit, & doctrinam Anatomicam de usu & actione cordis, pulmonum, caeterorumque viscerum, redarguit:

haec



haec quod ita sint, facile tum ex ipsius verbis & confessione, partim ex iis, quae hic subjungam, apparebit, scilicet, totum sanguinem, ubicunque fuerit in corpore vivente, moveri & mutare locum (tam qui in venis majoribus & eorum propaginibus & fibris, quam partium cujuscunque regionis porositatibus contineatur) à corde fluere & ad cor refluire continue & continenter & nusquam sine detrimento manere: licet, non repugno, quandoque quibusdam in locis velocior aut tardior ejus motus fiat.

Primum itaque negat solummodo doctissimus vir, sanguinem propaginibus venae portae contentum circulari, quod redarguere, neque negare potuisset, si vim argumenti sui non dissimulasset: ait enim lib. 3. cap. 8. *Si in singulis pulsationibus cor admittat guttam sanguinis, quam expellat in aortam & intra horam bis millenas pulsationes edat, necessum est magnam sanguinis portionem transire.* Idem quoque de mesenterio affirmare necessum habet, quando, per arteriam coeliacam & mesentericas arterias, plus quam gutta sanguinis pulsationibus singulis intruditur & impingitur in mesenterium & ejus venas: adeo ut vel aliquo exire pro rata ingredientis proportionem debeat necessario, vel venae portae rami tandem disrumperentur. Nec (quod hoc dubium solvat) probabiliter dici, aut fieri potest, ut per easdem arterias influat & refluat, Euripi in morem, irritò & vano labore, sanguis mesenterii: nec relapsus e mesenterio per easdem vias & transvasatio, qua exonerare voluit mesenterium sese in aortam, veresimilis est: aut contra vim ingredientis praevalere contrario motu potest: nec datur vicissitudo ubi continue, continen-

## 112 EXERCITATIO ANATOMICA

tinenter & incessanter, certum est influxum fieri; sed eadem necessitate, qua in corde arguitur sanguinem impactum in mesenterium alio exire, compellitur. Quod manifestum est, namque alias omnem circulationem eo argumento & subterfugio everteret; si idem, eadem verisimilitudine de cordis ventriculis dicendo, affirmaverit: nempe in systole cordis impellitur in aortam sanguis, & diastole remeat, aortaque sese in cordis ventriculos exonerat, ut ventriculi vicissim in aortam: atque ita neque in corde neque in mesenterio circulatio, sed fluxus & refluxus vicissitudinarius, vano labore, agitur: si itaque in corde ob dictam rationem à se probatam necessario sanguinis circulatio arguitur, eadem argumenti vis in mesenterio quoque locum habet; sin vero in mesenterio nullus sanguinis circuitus, neque similiter in corde, utraque enim affirmatio, haec scilicet de corde illa de mesenterio, ejusdem argumenti vi, mutatis verbis, pendet stabiliturque aut cadit similiter.

Dicit, in corde impediunt regressum sigmoides valvulae, nullae sunt vero in mesenterio valvulae. Respondeo neque hoc verum est, in ramo enim splenico, quinetiam quandoque in aliis, repertae valvulae. Praeterea in venis valvulae non ubique requiruntur, neque in profundis venis artuum, sed in cutaneis magis, reperiuntur: ubi enim è minoribus ramis profluens naturaliter sanguis in majores proclivis, compressione circumjacentium musculorum, retro meare satis & plus satis impeditur, sed qua patet iter cogitur, ibi valvulis quid opus est? quantum autem sanguinis singulis pulsationibus in mesenterium impellitur, perinde computatur ac si in carpo mediocri ligatura venas è  
manu

manu egredientes & in arterias ingredientibus constrinxeris (maiores etenim sunt arteriae mesenterii quam carpi) si quot pulsationibus distendi vasa manus & tumescere in molem totam manum numeraveris, dividendo, & subductione facta, multo plus quam guttam sanguinis ingredi (non obstante ligatura) singulis pulsibus reperies. Nec retro meare posse, quin potius replendo, manum totam vi distendere & in molem efferre, eadem quantitate sanguinem ingredi mesenterium, per analogiam, colligere licet, si non majori, quanto maiores arteriae mesenterii sunt quam carpi. Et si quisquam viderit & cogitaverit quanta difficultate & molimine, compressionibus, ligaturis apparatusque multiplici cohibetur impetuosus profiliens sanguis, è rescissa vel disrupta minima arteriola, quantis viribus (veluti si syphone ejaculetur) omnem apparatus projicit, propellit, aut pertransit, vix puto crederet verisimile, tantum ingredientibus sanguinis, contra impulsus & influxum, retro meare quidquam posse, unde non pari vi repellitur. Quapropter haec animo secum revolvens, è mesenterio contra influxum per arterias adeo impetuosum & fortem sanguinem è venis portae per easdem vias obrepere & ita mesenterium exonerare, haud puto animum induceret ad credendum.

Insuper si non, circulari motu moveri sanguinem & mutari, arbitretur vir doctissimus, sed semper eundem in mesenterii propaginibus stagnare, supponere videtur, duplicem esse sanguinem, diversumque, diversoque usui & fini inservientem, & proinde diversae naturae in venis portae & cava, quia iste circulatione indiget ad sui conservationem, ille non



## 114 EXERCITATIO ANATOMICA

indiget, quod neque apparet neque ipse demonstrat verum esse.

Praeterea addit vir doctissimus Enchirid. lib. 2. cap. 18. *quartum genus vasorum mesenterio, quae venae lacteae dicuntur, (inventae ab Asselio,) quibus positis, videtur astruere, omne alimentum ab intestinis extractum per ipsas ad jecur, officinam sanguinis, derivari, quo inibi concocto & in sanguinem transmutato, (dicit lib. 4. caput 8.) ad dextrum cordis ventriculum traducitur, quibus positis, inquit, omnes difficultates quae olim movebantur, de distributione chyli & sanguinis, per eundem canalem cessant; nam venae lacteae vehunt chylum ad Hepar & proinde seorsum isti canales sunt, & seorsum obstrui possunt.* Verum enimvero quomodo si lac illud in jecur transfundatur & pertranseat, inde per cavam ad cordis ventriculum (quando sanguinem in ramis portae, si-mae hepatis distributis numerosissimis contentum posse pertransire, ut ita fiat circulatio negat vir doctissimus) unde hoc verisimile demonstretur, scire velim, praefertim cum & spirituosior & penetrativus magis sanguis, quam chylus aut lac in illis lacteis vasis contentum, apparet, & adhuc ab arteriarum pulsu urge-tur, ut alicubi viam inveniat.

Doctissimus vir mentionem facit tractatus cujusdam sui de circulatione sanguinis, utinam viderem, for-san resipiscerem.

Sed enim vir doctissimus si maluisset, in portae ve-nis & cavae ramulis, ponere circularem motum san-guinis (uti dicit lib. 3. cap. 8. *in venis sanguis per-petuo & naturaliter ascendit sive remeat ad cor, sicut is in omnibus arteriis descendit sive discedit à corde*)

non

non video, inquam, quin hoc posito, omnes difficultates, quae olim movebantur de distributione chyli & sanguinis per eosdem canales, aequae cessarent; ut & ultra non necesse haberet seorsum vasa chyli inquirere aut ponere. Quandoquidem, sicut venae umbilicales ab ovi liquoribus succum alimentativum absorbent, deferuntque ad nutriendum & augmentandum pullum, adhuc embryonem existentem, ita venae mesentericae ab intestinis chylum sugunt, & in jecur deferunt, idemque officium adulto praestare quid prohibet asseverare? cessant enim omnes motae difficultates, cum in iisdem vasis non duo contrarii simul motus supponuntur, sed eundem continuo motum in mesentericis ab intestinis in jecur supponimus.

De venis lacteis quid sentiendum alibi dicam, cum de lacte tractavero in diversis recens natorum partibus reperto, praesertim humano; reperitur enim in mesenterio & omnibus ejus glandulis, in thymo quoque, axillis etiam & mammis infantum; lac obstetrices emungunt, ut putant, in salutem.

At insuper doctissimo Riolano non modo in mesenterio contentum sanguinem circulatione privari placuit, sed neque propagines venae cavae, aut arteriae, neque ullas partes secundae aut tertiae regionis circulationem recipere affirmat: adeo ut vasa circulatoria tantum nominet numeretque Venam cavam & Aortam, cujus lib. 3. cap. 8. rationem reddit valde infirmam. *Quia effusus, inquit, sanguis in omnes partes secundae & tertiae regionis, ibi remanet ad nutritionem, nec refluit ad majora vasa, nisi vi revulsus & inopia sanguinis maxima vasorum majorum, vel impetu percitus affluat ad vasa circulatoria.*

Remanere quidem illam portionem quae in nutrimentum abire debet necesse est; alias enim non nutrirer, si non in locum deperditi assimiletur & cohaereat unumque fiat: at vero totum influentem sanguinem ibi remanere, ut tantilla portio convertatur, non est necesse: non enim tanto sanguine quantum pars quaevis in suis arteriis, venis & porositatibus ubique continet, pro alimento utitur; neque dum affluat & refluat necesse ut nihil nutrimenti interius relinquat, quare ut nutriat non necesse est ut totus permaneat, sed & ipse doctissimus vir, eodem libello quo hoc affirmat, pene ubique contrarium asseverare videtur; praesertim ubi circulationem in cerebro describit; & quatenus per circulationem cerebrum remittere (ait) sanguinem ad cor; & ita cor refrigerari. Quomodo & omnes partes remotae cor refrigerare dicantur, unde & in febribus cum praecordia vehementer ardore febrili torrentur, & aestuant, nudatis artubus, remotis stragulis, refrigerium aegrotantes cordi quaerunt: dum ut in cerebro affirmat vir doctissimus refrigeratus sanguis & ardore contemperatus, cor deinde per venas petit, & refrigerat. Unde videtur vir doctissimus necessitatem quandam insinuare, ut à cerebro ita ab omnibus partibus circulationem esse, contra quam antea apertis verbis dixerat. Sed enim caute asserit & ambigue non refluere ex partibus secundae & tertiae regionis sanguinem, nisi inquit vi revulsus & maxima inopia sanguinis majorum vasorum, vel impetu affluat ad majora vasa circulatoria, quod verissimum est si vero sensu haec verba intelligantur: nam per majora vasa, in quibus inopia causat refluxum, puto ipsum intelligere venam cavam, aut venas circula-



culatorias, non arterias: nam arteriae nunquam deplentur, nisi in venas aut porositates partium, sed continue à pulsu cordis infarciuntur, in venam cavam & vasa circulatoria, è quibus cum sanguis cito pede labitur, & ad cor properat, maxima statim inopia sanguinis foret, nisi omnes partes incessanter sanguinem in ipsas effusum refunderent. Adde etiam quod impetu sanguinis intensi & compulsi singulis pulsationibus, in omnibus partibus secundae & tertiae regionis contentus sanguis, de porositatibus in venulas, de propaginibus in majora vasa cogitur, & insuper partium circumjacentium motu & compressione: ab omni enim continente compresso & coarctato eliditur contentum: ita motibus muscutorum & artuum venarum propagines interobrepentes pressae & coarctatae, sanguinem de minoribus ad majora trudent.

Quod sanguis autem in singulas partes continue & incessanter ab arteriis impellitur & impetum facit nec refluat haud dubitandum; si admittatur, quod in singulis pulsationibus arteriae omnes simul distendantur à propulso sanguine, & (ut ipse vir doctissimus fatetur) diastole arteriarum à systole cordis fiat; neque semel egressus sanguis unquam intra ventriculos cordis regreditur propter occlusas valvulas: si haec, inquam, vir doctus ut videtur supponat, manifestum erit in singulis partibus cujuscunque regionis, de infarctu & impetu quibus contentus sanguis vi detrusus propellitur. Nam quo usque pulsant arteriae eo usque influxus & impetus pertingit: quare in omnibus cujuscunque regionis partibus sentitur, nam ubique pulsus vel in summis digitis & sub unguibus: Nec aliqua particula est

in toto corpore, vel phlegmone vel furunculo dolens, quae lancinantem pulsationis arteriarum motum, & solutionem continui tentantem, non perferat.

Verum amplius, quod ipse sanguis in porositatibus partium regrediatur, in cute manuum & pedum manifestum: quandoque enim, in summo gelu & frigidis temporibus, adeo refrigeratas manus & artus videmus, praesertim puerorum, ut, ad tactum ipsum, glaciei frigiditatem pene referant, adeoque stupore percitas & rigentes, ut vix sensum retineant, nec moveri queant, tamen interim sanguine saturae, conspiciuntur rubrae aut lividae; quae partes recalescere nullo modo possunt, nisi, per circulationem propulso, scilicet, sanguine refrigerato & spiritibus & calore orbato, in ejus, locum ab arteriis influens novus calens & spirituosus sanguis, partes refoveat recalcificat, motumque & sensum restituat: neque enim igne vel extero calore magis, quam mortuorum membra, redintegrarentur ac restituerentur, nisi ab interno influente calido refocillarentur. Re vera iste circulationis praecipuus usus quidem & finis est, cujus gratia sanguis suo continuo cursu & influentia perpetua revolvitur & in circuitum agitur. Nempe ut omnes partes ab ipso dependentes, primo calido innato in vita & suo esse vitali & vegetativo retineantur, & omnia sua munia peragant, dum (ut physiologici loquuntur) ab influente calore & spiritibus vitalibus sustentantur & actuantur; ita duorum extremorum, nempe frigoris & caloris beneficio, corporum animalium temperies, in suae mediocritate, retinetur. Ut aër enim inspiratus sanguinis nimium fervorem, in pulmonibus & centro corporis, temperat, fuliginumque

que suffocantium eventilationem procurat, ita vicissim sanguis aestuans, per arterias in universum corpus projectus, extremitates omnes fovet, nutrit, in vivis sustentat & ab externi frigoris vi extinctionem prohibet.

Iniquum itaque foret & mirum, si singulae particulae cujuscunque regionis, transmutatione sanguinis & circulationis beneficio non fruerentur, quarum gratia potissimum videtur à natura instituta circulatio. Itaque ut concludam, videtis enim quomodo circulatio sanguinis fiat citra confusionem & perturbationem humorum, in toto corpore & singulis particulis, tum in majoribus, tum minoribus vasis, idque ex necessitate, partiumque omnium beneficio, sine qua, neque refrigeratae & impotentes unquam restituerentur, aut in vivis permanerent. Satis quoniam patet omnem influentiam caloris conservantis per arterias adventare & circulationis opera fieri.

Quare mihi videtur, doctissimum *Riolanum*, cum negat quibusdam partibus inesse circulationem, magis officiose in suo *Enchiridio* loqui, quam vere; ut scilicet quamplurimis placeret & neminem oppugnaret, & humaniter magis scripsisse, quam, veritatis studio, graviter. Sicut quoque videtur agere, cum sanguinem per septum cordis & incertos quosdam (lib. 3. caput 8.) caecosque meatus, in sinistrum ventriculum pervenire maluerit, quam per amplissima & patentissima pulmonum vasa, artificio valvularum regressum impredientium fabricata: rationem impossibilitatis & incommoditatis quam alibi dicit se proposuisse, videre cupio. Mirum esset cum eadem magnitudo, constitutio & fabrica sit aortae & venae arteriosae, si non  
idem



idem officium: Sed illud valde improbabile, magnum flumen totius massae sanguineae per tanillos caecosque septi maeandros in tanta copia ventriculum sinistrum petere, quae responderet, tum ingressui à vena cava in dextro latere cordis, tum egressui de sinistro; qui ambo tam ampla requirunt orificia. Sed inconstanter quoque haec protulit, nam (lib. 3. 6.) pulmones cordi tanquam emunctorium & emissarium constituit, & ait, *pulmo afficitur ab isto sanguine transeunte, dum ejus sordes eò confluunt simul cum sanguine.* Sic etiam dicit, *labem pulmones acquirunt à visceribus intemperatis & male moratis, quae suggerunt cordi sanguinem impurum, cujus vitium non potest emendare cor, nisi per multas circulationes.* Idem ibidem, circa missionem sanguinis in peripneumonia, & communicatione venarum cum vasis pulmonum contra Galenum dicit. *Si verum sit naturaliter sanguinem transire à dextro cordis ventriculo ad pulmonem, ut deducatur in sinistrum ventriculum, inde in aortam; atque si sanguinis circulatio admittatur, quis non videt in affectibus pulmonum, sanguinem majori copia eo confluere & opprimere pulmones, nisi evacuentur primo liberaliter, dein partitis vicibus ad eos sublevandos; quod fuit consilium Hippocratis, qui in pulmone tumente, ex omnibus corporis partibus, capite, naso, lingua, brachiis, pedibus, detrahit sanguinem, ut minuat quantitas, atque revellatur à pulmone, & educit sanguinem donec corpus fuerit exsanguis.* Supposita circulatione (inquit ibidem) *facilius deplentur pulmones, per venae sectionem: Si rejiciatur, non video, quomodo sanguis possit inde revelli; nam si refluat, per ve-*  
nam

*nam arteriosam, in ventriculum dextrum, obstant valvulae sigmoides, & à cordis ventriculo dextro regressum, in cavam venam, sistunt valvulae tricuspides. Ergo, per circulationem exhauritur sanguis, sectis venis brachii & pedis. Simulque destruitur Fernellii opinio, scilicet, in pulmonum affectibus, sanguinem esse potius detrahendum, è brachio dextro quam sinistro, quia sanguis non potest remigrare in venam cavam, nisi ruptis duobus claustris & obicibus in corde positis.*

Addit insuper eodem loco (1. 3. cap. 6.) *Si admittatur circulatio sanguinis & transeat saepius per pulmones, non per septum medium cordis, duplex circulatio sanguinis assignanda; una quae perficitur à corde & pulmonibus, dum sanguis, à dextro cordis ventriculo profilians, traducitur per pulmones, ut perveniat ad sinistrum cordis ventriculum; nam, ab eodem viscere exsiliens, ad idem recurrit: deinde, per alteram circulationem longiorem à sinistro cordis ventriculo emanans, circuit universum corpus, per arterias & per venas, ut recurrat ad dextrum cordis ventriculum.*

Poterat hic addere doctissimus vir, tertiam circulationem brevissimam, è sinistro nempe ventriculo cordis, ad dextrum, circumagentem portionem sanguinis per arterias & venas coronales, suis ramulis per cordis corpus, parietes, & septum distributas.

*Qui admittit, inquit, unam circulationem non potest alteram repudiare. Ita addere potuisset, non potest tertiam denegare. Quorsum enim pulsarent arteriae coronales in corde, si non sanguinem eo impulsu impellerent? & quorsum venae (quarum officium & finis est sanguinem ab arteriis ingestum recipere) nisi ut sanguinem è corde tranarent? Adde in-*

super, in venae coronalis orificio valvulam (ut ipse vir doctus fatetur lib. 3. cap. 9.) saepissime reperiri ingressum prohibentem, egressui reclinantem: ergo tertiam certe non potest non admittere circulationem, qui alteram universalem & per pulmones quoque & cerebrum (lib. 4. c. 2.) sanguinem transire admittit. Neque enim, in singulis partibus cujuscunque regionis, fieri similiter à pulsu ingressum sanguinis, & per venas regressum, omnesque proinde particulas circulationem recipere, haud potest denegare.

Ex his verbis ipsissimis itaque Viri doctissimi clare patet, qualis ipsius est sententia, tum de circuitu sanguinis per universum corpus, tum per pulmones caeterasque omnes partes; nam ipse, qui primam circulationem admittit, aperte patet reliquas non repudiare. Qui etenim fieri potest, ut, qui circulationem per universum corpus toties affirmaverit, & per vasa circulatoria majora, ipse, ullis propaginibus aut tertiae regionis, universalem circulationem inesse repugnaret? Tanquam si omnes venae & majora, quae vocat, vasa circulatoria, in secunda regione corporis esse, non ab omnibus & ab ipso numerarentur. An per universum possibile est esse circulationem, quae non per omnes partes? ubi itaque negat titubanter propterea agit, & in negationibus vacillat, & verba solum dat; hic ubi asseverat, cordate loquitur & firmis additis rationibus, ut Philosophum decet, & super hanc sententiam, tanquam Medicus expertus & vir probus consulit, in periculosissimis morbis pulmonum, extremum sanguinis emissionem esse remedium, contra Galenum & Fernelium suum dilectissimum:  
ubi



ubi si dubitasset, longe absit à tam docto viro Christiano, quod posteris experimenta per mortes, vitaeque humanae discrimina, commendaret; aut à Galeno vel Fernelio summae apud ipsum authoritatis, sine aperta ratione recedere voluisset. Quicquid denegaverit itaque circuitus, vel in mesenterio, vel aliis partibus, sive venarum lactearum, sive veteris medicinae in gratiam, sive alicujus alterius respectu, id humanitati & modestiae tribuendum & condonandum est.

Haecenus satis puto manifeste apparet, ex ipsius Viri clarissimi verbis & argumentis, circulationem ubique esse, & sanguinem ubicunque fuerit locum mutare & pervenas cor petere; & idem mecum doctissimus vir sentire videtur; ideo non opus est, immo supervacaneum foret, huc meas, quas in libello de motu sanguinis rationes edidi, ad hujus veritatis confirmationem ampliorem transferre; quae, tum ex fabrica vasorum, positione valvularum, aliisque experimentis & observationibus desumuntur; praesertim cum nondum vidi tractatum doctissimi de circulatione sanguinis, neque adhuc ulla argumenta viri doctissimi, praeter nudam negationem, reperio, quibus adductus circulationem, quam admittit universalem, in plerisque partibus, regionibus & vasis repudiat.

Verum quidem quod, tanquam pro subterfugio, adinveni, ex Galeni authoritate & quotidiana experientia, de anastomosi vasorum; sed tantus vir, Anatomicus expertus, curiosus & diligens, prius, de majoribus arteriis ad venas majores, anastomoses easque patentes, visibiles, tantoque torrenti massae sanguineae profluvio gurgites proportionales, & orificiis propaginum (quibus aufert circulationem) majores

patefacere & ostendere debuisset; antequam notas & probabiliores & patentiores repudiaret; ubi sint & qualiter fabrefactae; num ad intromittendum tantummodo sanguinem in venas idoneae, (uti ureterum insertionem in vesicam urinariam cernimus) & non ad remeandum, vel quo alio modo fuissent, tenebatur demonstrare & declarare. Sed (nimis forsitan audacter dico) nec ipse Galenus, neque ulla experientia, unquam sensibiles anastomoses conspexerunt, aut ad sensum ostendere potuerunt.

Ego qua potui diligentia perquisivi, & non parum olei & operae perdidici, in anastomosi exploranda, nusquam autem invenire potui vasa invicem, arterias scilicet cum venis, per orificia copulari: libenter ab aliis discerem, qui Galeno tantum adscribunt, ut ad verba ejus jurare auri sint. Neque in jecore, liene, pulmonibus, renibus, aut aliquo viscere est aliquis anastomosis, licet in illis coctis, usque quo friabile totum redderetur parenchyma, & tanquam pulvis, ab omnibus vasorum fibris esset excussum & acu detractum, ut omnes cujusvis divaricationis fibras, omnia capillamenta evidenter cernere potuerim. Audacter igitur affirmare ausus sum, neque anastomoses esse vel venarum portae cum cava, arteriarum cum venis, aut pori cholidochi capillarium ramulorum, qui, per totam hepatis sinum, disperguntur cum venis. Hoc solummodo in jecore recenti observare licet, omnes propagines venae cavae, per gibbam hepatis perreptantes, tunicas habere infinitis puncticulis cribrosas, tanquam in sentina, ad decumbentem sanguinem recipiendum fabrefactas. Portae rami non similiter se habent, sed in propagines divaricantur, & , ut utraque

que distributio horum vasorum, hujus in sima parte, illius in gibba, ubique ad externam usque visceris umbonem excurrunt, sine anastomosibus.

Tribus, duntaxat, in locis quod æquipollet anastomosi reperio. In cerebro, è soporalibus arteriis in basin perreptantibus, frequentes & implexae fibrae oriuntur, quae choroidem postea efformant, & ventriculos transeuntes, tandem in sinum tertium, qui officio venae fungitur, unitae desinunt. In vasis spermaticis, praeparantibus vulgo dictis, arteriolae è magna arteria deductae, venis, dictis praeparantibus, quas comitantur, adhaerent, & tandem intra tunicas illarum ita recipiuntur, uti ultima quasi eadem habentes: adeo ut, ubi ad testiculorum particulam superiorem, coniformem processum, corpus varicosum & pampiniforme dictum, desinunt, incertum plane sit an venae an arteriae an utriusque fines aestimemus. Pariter & arteriarum, venam umbilicalem adeuntium, ultima stamina in venae illius tunicis obliterantur.

Quid dubitandum, si per tales voragines, arteriae magnae ramuli, distenti sanguinis impulsu & infarctu, deplerentur tam magno & conspicuo torrenti? sensibiles saltem & visibiles transitus, vortices & gurgites, natura non denegasset, si omnem sanguinis fluxum eo divertere, & proinde minores propagines & partes solidas, si influxus beneficio omnino privatas esse, voluisset.


Denique, hoc unum experimentum commemorabo, quod, ad anastomoses declarandas & eorum (si qui sint) usum & ad transitum sanguinis de venis in arterias, per illas vias, & regressum evertendum, sufficiens esse videtur.



Aperto pectore cujusvis animalis, & ligata vena cava juxta cor, adeo ut nihil illac in cor migret, & confestim rescindantur arteriae jugulares, illaesis venis, utrinque. Si inde arterias, data porta inanitas conspexeris, & non pariter venas; manifestum fore arbitror, nullibi sanguinem è venis in arterias, nisi per cordis ventriculos derivari. Alioquin enim venas, ex illarum arteriarum effluvio (ut notavit Galenus) brevissimo spatio temporis, similiter ac arterias, sanguine destitutas cerneremus.

Quod restat Riolane, & mihi & tibi ipsi gratulor: mihi ob sententiam qua circulationem exornasti, tibi etiam, ob librum doctum, politum, succinctum, quo nil magis elegans, mihi transmissum, gratias habeo amplissimas; laudesque meritas referre & debeo & cupio; me autem tanto oneri imparem esse fateor: plus enim dignitatis Riolani nomen subscriptum, quam encomia mea (quae velim maxima) Encheiridio allatum scio. Vivet in aeternum celebris libellus, nominisque tui gloriam (pereunte etiam marmore) posteris enarrabit. Anatomen pathologiae summa cum gratia conjunxisti, osteologia nova utilissima magno cum fructu locupletasti, macte ista virtute vir insignissime, & me ama, qui te felicem simul & longaeum, & ut omnia tua celeberrima scripta sempiternae laudi tibi sint, exoptat.

*Gulielmus Harveus.*



## EXERCITATIO ALTERA,

A D

## J. RIOLANUM,

*In qua multae contra Circuitum sanguinis objectiones refelluntur.*

**L**ABORIS mei partem multis retro abhinc annis (Doctissime Riolane) obstetricante praelo, in lucem edidi. Nullus vero propemodum exstitit dies, à circuitu sanguinis natali, nec minutissimum decursi temporis spatium, in quo non bene & male de circulatione à me inventa audiivi. Alii tenellulum adhuc infantem convitiis lacerant, tanquam luce indignum; alii contra alendum esse foetum, dijudicant, scriptisque meis favent & tuerentur; illi magno cum fastidio opugnant, hi ingenti cum applausu patrocinantur: hi me abunde experimentis, observationibus, & autopsia, confirmasse circuitum sanguinis, contra omnem argumentorum vim & impetum existimant; illi vix adhuc satis illustratum putant, & nondum ab objectionibus vindicatum. Sunt autem, qui me inanem vivarum dissectionum gloriam affectasse

cla-

clamitant, & ranas, serpentes, muscas aliaque viliora animalia in scenam adducta, levitate puerili vituperant & irrident, nec à maledictis abstinent. Maledicta autem maledictis rependere indignum Philosopho, & veritatem inquirenti, judico; satius & consultius fore arbitror, tot malorum morum indicia, verarum luculentarumque observationum luce, diluere.

Ne oblatrent canes, aut suam ne evomant crapulam, aut ne inter Philosophorum turbam annumerentur quoque cynici, non devitandum est: verum ne mordeant, aut vesana sua rabie inficiant, vel canino dente rodant ipsa veritatis ossa & fundamenta, cavendum est.

Vituperatores, momos, scriptoresque convitiolum labe sordidos, ut, nunquam legendos mecum statui, (à quibus nihil solidum aut praeter maledicta egregium sperandum) ita multo minus responsione dignos judicavi. Utantur suo malo genio, vix unquam benevolos lectores habituros puto; neque (quod praestantissimum & maxime optandum) sapientiam donat Deus optimus improbis; pergant maledicendo, donec ipsos (si non pudet) pigeat, vel denique taedeat.

Ad viliorum animalium inspectionem cum Herachlito apud Aristotelem in casam furnariam (sic dicam) introire si vultis, accedite, nam neque hic Dii desunt immortales; maximusque omnipotens pater in minimis, & conspectior vilioribus quandoque est.

In libello de cordis & sanguinis motu in animalibus, illa tantum adhibui ex multis aliis observationibus meis, quibus aut errores redargui, aut veritatem satis stabilitam, iri arbitrabar; plurima alia, dissectionis ope, sensu perceptibilia, tanquam redundantia, & inutilia dereliqui; quorum quaedam in gratiam studiosorum,  
qui



qui illa efflagitant, paucis verbis nunc addam. Tantum valet apud omnes Galeni magna authoritas, ut multum haesitare video nonnullos, circa experimentum illius, de ligatura arteriae super fistulam, intra cavitatem immissam, quo demonstretur pulsum arteriarum fieri à facultate, per tunicas à corde transmissa, & non à sanguinis intra cavitates impulsu, & proinde arterias dilatari ut folles, non ut utres.

Hoc experimentum memoratur à Vesalio, viro Anatomico peritissimo, sed neque Vesalius, neque Galenus dicit, experimentum hoc fuisse ab illis, sicut à me probatum; tantummodo praescribit Vesalius, consulitque Galenus, veritatis indagandae studiosis, quo certiores fierent, non cogitans aut intelligens, difficultatem illius operis, neque, cum sit, vanitatem: quandoquidem, licet omni diligentia administretur, nil tamen pro illius opinionis confirmatione facit, quae pulsus causam esse tunicas asseverat; sed magis declarat ab impulsu sanguinis concitari. Nam super calamus aut fistulam quamprimum vinculo arteriam strinxeris, supra ligaturam arteria, statim sub impulsu sanguinis desuper impacti, dilatatur, ultra orbitam fistulae, unde & fluxus inhibetur & impetus refringitur; ita ut arteria vinculo subdita obscure admodum pulset, quia est sine impetu transeuntis sanguinis, eo quod supra ligaturam reverberatur: sin vero infra fistulam abscissa arteria fuerit, videre licebit contrarium ex saltu sanguinis projecti & per fistulam impulsi, sicut solet evenire (ut in libello de sanguinis motu notavi) in aneurismate, ab exesis arteriae tunicis, hoc (intra membranas cum continetur sanguis) non ex tunicis arteriae dilatatis, sed ex circumpositis membranis & carne, cystam prae-

ternaturaliter factam continentem habet. Inferiores arterias, trans hoc tale aneurisma, pulsare valde exiliter senties, quando superius, (& praesertim in aneurismate ipso) pulsus magni & vehementes apparent; quanquam ibi pulsationem & dilatationem fieri, ab arteriarum tunicis, aut facultate cystae communicata, fingere non possumus, sed plane ab impulsu sanguinis.

Sed enim, quo Vesalii error & aliorum inexperientia appareat evidentior, qui asserunt (ut opinantur) partem fistulae subditam non pulsare ligato vinculo, expertus dico, subditam partem pulsaturam, si recte fiat experientia, & cum solveris vinculum, ubi asserunt subditas arterias repulsare, aio, minus pulsare partem subditam soluto, quam stricto vinculo.

Verum sanguinis è vulnere profluentis effusio omnia perturbat & irritum experimentum & vanum reddit: adeo ut nil certi ob impetum sanguinis, ut dixi, demonstrari possit. Sin verò (quod experientia mihi cognitum est) renudaveris arteriam & digitis compressis detinueris rescissam partem, poteris, ex arbitrio, multa tentare, ut veritas plane tibi elucescat: primum, singulis pulsibus allisum sanguinem in arteriam descendantem persenties, quo arteriam dilatari videbis. Poteris quoque sanguinem, pro lubitu tuo, exprimere & dimittere, si exilem partem orificii laxaveris, singulis pulsibus subsultu ejaculari, & quemadmodum diximus in arteriotomia aut perforatione cordis, singulis contractionibus cordis sanguinem ejici, in arteriae dilatatione, manifestum erit percutanti.

Quod si toto & continuo fluxu perpetim emanare siveris, & sive per apertum canaliculum sive aperto

orificio erumpere permittas, in ipso flumine tum visu, tum tactu (si manum applicueris) omnes ictus cordis, omnemque ejus rithmum, ordinem, vehementiam, intermissionemque persentisces; haud aliter, quam si in volam manus per syphonem diversis & variatis ejaculamentis, projectam aquam percipere liceret, sanguinem exilientem variato impetu & inaequali tum visu tum motu percipies: tanto quantoque impetu, ex rescissa arteria jugulari erumpentem observavi, ut sanguis manui allisus, per quatuor vel quinque pedes, refractus reverberatusque resiliret.

Sed quo clarius, quod in dubio est, appareat, pulsficam vim non per arteriarum tunicas à corde manare, habeo, è Nobilissimi viri cadavere, arteriae descendens portionem, cum duobus cruralibus ramis, spithamae longitudine, exemptam, in os fistulosum conversam; per cujus cavum, dum vivebat Nobilissimus vir, descendens arteriosus sanguis in pedes, subditas arterias suo impulsu agitabat; in quo tamen casu arteria idem passa, tanquam si super canaliculum fistulosum constricta & ligata foret (secundum Galeni experimentum) ut neque dilatari, eo loci, neque arctari, ut follis, neque vim pulsficam à corde, inferioribus & subditis arteriis, derivare, aut per soliditatem ossis diducere facultatem, quam non susceperat, potuerit. Nihilominus inferioris arteriae pulsum agitari in cruribus & pedibus, optime memini, dum vivebat, me saepissime observasse; sui enim ipsi medicus assiduus, ille mihi amicus necessitudine conjunctissimus. Quare in illo nobilissimo viro, necesse inferiores arterias ab impulsu sanguinis, ut utres, dilatatas fuisse, non, ut folles, ab expansione tunicarum;



liquidem, idem inconveniens, eademque interceptio facultatis pulsficae, necesse est ut obveniat, tunicae arteriae in calamum & tubulum osseum totaliter conversae, quae super calamum & tubulum osseum constrictum, quo minus arteriae subditae pulsarent.

Alio quoque Viro nobilissimo & fortissimo, aortam partemque magnae arteriae juxta cor in os rotundum conversam novi. Ita Galeni experimentum, vel saltem ejus analogon, quod industria non inventum, casu repertum, satis manifestum facit, interceptionem pulsficae facultatis, constrictione vel ligatura tunicarum arteriae non impediri, ut inde arteriae subditae non pulsant: atque si rite à quovis (quod praescribit Galenus) fieret experimentum, quam opinionem Vesalius inde confirmatam iri speraverat, redargueret. At non propterea omnem motum etiam tunicis arteriarum denegamus, sed, quem cordi tribuimus, concedimus, nimirum coarctationem & systolem, & à distentione ad constitutionem naturalem regressum, ab ipsis tunicis fieri. Sed hoc annotandum, non ab iisdem, dilatari & coarctari, sed diversis causis & instrumentis, ut in motu omnium partium & ipso quoque corde observare licet. Ab auricula hoc distenditur, à se ipso contrahitur; ita arteriae à corde dilatantur, à se ipsis subsident.

Poteris & aliud experimentum eodem tempore facere Si duo acetabula ejusdem mensurae repleveris, alterum arterioso profusiente sanguine, alterum venoso ex vena ejusdem animalis extracto, poteris sensu statim & postea, cum coagulati refrixerint ambo sanguines, quaenam sit differentia, inter utrumvis, observare: contra eos, qui aliam speciem sanguinis in arte-

arteriis fingunt, quam in venis; nempe quia in illis floridiorem, & nescio quomodo, spiritu copioso e-bullientem, efflatum, (ad exemplum lactis aut mellis super ignem effervescentis & intumescents) amplio-rem locum replentem faciunt.

Si namque sanguis, è sinistro cordis ventriculo in arterias impulsus, adeo in spumofam & sufflatam naturam fermentaretur, ut una aut altera gutta totum aortae cavum distenderet, procul dubio, detumescen-te illa fermentatione, ad quantitatem guttarum qua-rundam rediret (quam causam assignant aliqui, cur, in mortuis, inanitae arteriae reperiantur) & idem, in cotyla arterioso sanguine plena, conspiceretur. Ita enim & in lacte & in melle refrigeratione obvenire experimur. Quod si in utraque cotyla sanguis eodem pene colore, & non multum dissimili consistentia coagulatus fuerit, similiter & serum exprimens, & pariter si utramque mensuram, dum calet & dum friget, compleverit, sufficiens erit cuivis, ad fidem faciendam & ad quorundam insomnia rejicienda, pu-to argumentum: neque aliam speciem esse, sinistro quam dextro cordis ventriculo, sanguinis, (sicut & sensu indagare poteris & ratione:) proportionabiliter enim venam arteriosam, una spumante gutta distentam coaffirmatum oporteret, & proinde eundem & si-militer effervescentem & fermentantem sanguinem dextro quam sinistro; quandoquidem ingressus venae arteriosae & aortae egressus aequipollens & aequipa-rabilis est.

Tria potissimum apta sunt ad hanc opinionem in-ducendam de diversitate sanguinis: unum, quod ar-teriotomia floridiorem sanguinem extractum vident:

alterum, quod in dissectione corporum mortuorum, tam sinistrum ventriculum cordis, quam arterias omnes adeo inanitas, reperiunt: tertium, quod sanguinem arteriosum spirituosiores & spiritibus repletum intelligunt, & ita majorem multo locum occupantem cogitant: quorum omnium causas & rationes, quibus ea sic apparent, ipsa inspectio prodit.

Primum quod ad colorem pertinet, semper & ubique exiens sanguis per angustum foramen quasi percolatur & tenuior est levior pars, quae supernatare solet, magisque penetrativa est, eliditur: sic in phlebotomia, sanguis majori fluxu aut vi erumpens è majori orificio longiusque prosiliens crassior, corpulentior & colore obscuriore est: sin ex parvulo foramine & angusto & guttatim emanaverit (ut solet è vena soluta ligatura) floridior, tanquam enim transcolatur, & exit pars solummodo tenuior & penetrativa magis, ut in haemorrhagia narium, vel extractus per hirudines, vel cucurbitulas, vel quovis modo per diapedesin exiens, floridior cernitur: quia tunicarum crassities, duritiesque angustior redditur, nec adeo facile reclinans, ut exeunti sanguini viam praebeat patentem: sicut quoque contingit obesis corporibus, cum ex pinguedine subcutanea, venae orificium opprimitur, sanguis tenuior & floridior & tanquam arteriosus apparet. Ex adverso si sanguis è rescissa arteria libere profluens acetabulo accipitur, venosus apparebit; multo floridior sanguis in pulmonibus, & exinde exprimitur, quam in arteriis reperitur.

Vacuitas arteriarum in corporibus mortuis (quae forsitan imposuit Erasistrato, ut arterias spiritus tantum aërios



aërios continere exiffimaret) inde evenit, quod quando fubfident (meatibus occlufis) pulmones, non ulterius refpirant, ita per ipfos fanguis libere non poteft transire, perfeverat tamen per temporis fpatium cor in expellendo, unde & finiftra cordis articula contractior & ventriculus, pariterque arteriae inanitae & non, fanguinis fucceffione, repletas, vacuae apparent: fed, fi fimul cor pulfare ceffaverit & pulmones refpirando transitum praeberet, ut in iis, qui aqua frigida fubmerfi fuffocantur, aut fyncope & morte fubitanea extinguntur, pariter repletas venas & arterias reperies.

Quod ad tertium attinet de fpiritibus, quinam fint, & qualiter in corpore & quali confidentia, an feperati & diftincti à fanguine & partibus folidis, an commifti, tot tamque diverfae opiniones funt, ut non fit mirum fpiritus, quorum natura in ambiguo ita relinquitur, communi ignorationis fubterfugio infervire. Vulgo enim fcioli, cum caufas affignare haud norunt, dicunt ftatim à fpiritus hoc fieri, & omnium opifices fpiritus introducunt, & uti mali Poëtae, ad fabulae explicationem & catastrophem, *Θεὸν ἀπομνηχανῆς* advocant in fcenam.

Fernelius & alii, fpiritus aërios, & invifibiles fubftantias, fupponunt; probat enim effe fpiritus animales (eodem modo quo Erafiſtratus in arteriis) quia in cerebro cellulae reperiuntur, quas, cum non datur vacuum, fpiritu in vivis repleri concludit. Tota tamen fchola Medicorum, tres fpirituum fpecies conftituit, naturales per venas, vitales per arterias, & per nervos animales tranari fpiritus: unde dicunt Medici, ex Galeno, quandoque partes cerebri confenfu  
la-

laborare, quia prohibetur facultas cum essentia, id est spiritu, quandoque citra essentiam. Insuper, praeter influentes has tres ordines spirituum, totidem implantatos videntur asserere. At nos neque in venis, nervis, arteriis aut partibus vivorum, dissectionibus explorando invenimus. Alii corporeos spiritus faciunt, alii incorporeos, & qui corporeos volunt, quandoque sanguinem vel sanguinis tenuissimam partem, copulam animae, quandoque in sanguine contentos (ut in nidore flamma) continuo fluore spiritus sustentatos subintelligunt, quandoque sanguini contradistinctos. Qui spiritus incorporeos affirmant non habent ubi insistant; sed & per potentias spiritus agnoscunt, ut spiritus concoctivos, chylicativos, procreativos & tot spiritus quot facultates aut partes.

Sed & scholiastici, spiritum fortitudinis, prudentiae, patientiae, omniumque virtutum, & spiritum sapientiae sanctissimum connumerant, omneque donum divinum. Malos item & bonos spiritus, assistere, possidere, deferere, vagari suspicantur. Morbos à cacodaemone, tanquam à cacoehymia, opinantur causari. Sed enim, quanquam nil magis incertum & dubium, quam de spiritibus, doctrina tradita, tamen, ut plurimum, omnes, Medici, cum Hippocrate, concludere videntur, qui corpus nostrum ex tribus compositum voluit partibus, continentibus, contentis & impetum facientibus, per impetum facientes spiritus interpretantur. At si pro impetum facientibus, spiritus intelligendi, quicquid in vivis corporibus vim habet & impetum agendi, spiritus nomine compellaretur. Nec ideo omnes spiritus sunt aëriae substantiae, nec potentiae, nec habitus, ut neque incorporei.

Sed quod ad propositum nostrum praecipue spectat, omisso aliorum omnium significationum taedio, spiritus, per venas aut arterias excurrentes, à sanguine non separantur, ut nec flamma à nidore inflammabili; sed sanguis & spiritus unum & idem significant, diverso esse, ut vinum generosum & spiritus ejus. Nam uti vinum ulterius vinum non est (amisso omni spiritu) sed vappa, aut acetum, ita neque sanguis sine spiritu sanguis est, sed æquivoce cruor; veluti manus lapideus aut mortuus non amplius manus est, ita nec sanguis sine spiritu vitali, sanguis; sed corruptus statim censendus, si spiritu destitutus fuerit. Spiritus itaque qui arteriis & sanguini arterioso praecipue inest, aut actus ejus est, sicut vini spiritus in vino, & aquae vitae spiritus, aut sicut flammula in vini spiritu accensa, & sese nutriendo vivens.

Igitur sanguis, cum plurimum spiritibus imbuitur, non quod illis turget, aut fermentatur, aut inflatur, ut majorem locum desideret, & requirat (quod experimento allato per acetabulorum mensuram certissime dijudicare poteris) sed sicut vinum, majoribus viribus, & impetu agendi, & efficiendi quo pollet, secundum mentem Hippocratis intelligendum.

Item itaque, sanguis, in arteriis, qui venis est, licet spirituosior agnoscatur, & majori vi vitali pollens: non autem in quid magis aërium convertitur, aut vaporosior redditur; quasi nulli essent spiritus, nisi aërii; aut nullum impetum faciens, praeter flatus, & ventositates: Sed neque spiritus animales, naturales, vitales, qui in solidis partibus, videlicet, ligamenti & nervis (praesertim si tot species) inhabitant, intra  
S coecos



coecos meandros contenti, tot aëriae diversae formae, aut vaporum species arbitrandi.

Qui spiritus, in corporibus animalium, corporeos agnoscunt, sed consistentia aëria, vel vaporosa, vel flammea, ab illis scire libenter velim; An sine sanguine, huc, illuc, transire, refluere, & vagari tanquam corpora distincta possint? An inquam sanguinis motum sequantur spiritus, tanquam vel sanguinis partes sint, vel indissolubili connexu, & interrupta exhalatione alligati: adeo ut neque derelinquere partes possint, neque transire sine sanguinis influxu, & refluxu & transitu:

Si enim, ut vapores aquae calore attenuati, spiritus ex sanguine, continuo fluere & successione, partium existunt pabulum, sequi necesse est, neque à pabulo remotos manere, sed in continua evanescencia proinde, neque influere, neque refluere, neque transire quavis, neque permanere, sine sanguine influente, refluyente, transeunte, tanquam eorum vel subiecto, vel vehiculo, vel pabulo.

Deinde scire ab illis velim, qui spiritus in corde fieri docent, & ex vaporibus, vel exhalationibus sanguinis, (sive calore cordis sive concussione) suscitatis, & aëre inspirato permiscentes componunt. An non tales spiritus, sanguine frigidiores multo sint aestimandi: quandoquidem partes ambae, ex quibus componuntur frigidiores multo sint, aër videlicet & vapor: vapor enim aquae ferventis, multo ipsa aqua tolerabilior, flamma quaevis minus comburens quam carbo elychnii, & carbo ligni quam ferrum, aut aes, candens.

Unde videtur magis, spiritus hujusmodi, calorem  
suum

suum à sanguine acceptum referre, quam sanguinem à spiritu incalescere: & tales spiritus potius fuligines, & effluvia excrementitia sanguinis, & corporis (veluti odores) quam naturales censendos opifices, praesertim cum tam cito, virtutem (si quam habent à sanguine, suo origine acceptam) amitterent, fragiles adeo & evanidi existentes.

Unde quoque probabile foret, pulmonum expirationem esse, qua his efflatis, eventaretur & depuretur sanguis: atque inspirationem esse, ut sanguis pertranseundo inter ventriculos duos cordis, contemperetur, ambientis frigore: ne excandescens, & intumescens, quadamque fermentatione inflatus, (sicuti effervescens mel & lac) adeo distenderet pulmonem, ut suffocaretur animal: quemadmodum saepius in periculoso asthma vidimus, quo etiam Galenus causam refert, cum dicit, ab obstructis levibus arteriis illud contingere: videlicet vasis venosis & arteriosis. Hoc sum expertus, à suffocationis asthmaticae summo discrimine, cucurbitis affixis & multa subito gelida affusa aqua, liberatos fuisse non paucos. Haec forsitan satis superque de spiritibus hoc loco, quos definire, & docere, quid sint, & quales, in tractatu physiologico debemus: tantum addam.

Qui de calido innato, tanquam naturae ad omnia communi instrumento, tractant & influentis caloris, ad omnes partes fovendas & in vita retinendas, necessitatem docent, atque non sine subjecto existere agnoscunt, quia ob celeritatem influxus & refluxus (animi pathematibus praesertim) huiusque caloris motum velocem, corpus mobile non proportionabile reperiunt, spiritus introducunt, tanquam corpora subtilissima,

maxime penetrativa, & mobilia, & haud aliter, quam operationum naturalium divinitatem mirabilem, ab illo communi instrumento videlicet calido innato proveniente efferunt: illos spiritus, sublimes lucidos, aethereos, coelestis naturae, divinos, vincula animae, esse consimiliter comminiscuntur; veluti vulgus imperitorum, quorum operum causas non capiunt, Deos immediatos authores opinantur & praedicant.

Unde calorem influentem, in singulas partes perpetim per spiritus influxum, idque per arterias adveniantem, decernunt, tanquam si sanguis, nec tam cito moveri, nec penitus insinuari, nec tantopere fovere potuisset. Eoque provecti sunt hujus opinionis fiducia, ut contentum in arteriis sanguinem esse negent.

Et levissimis argumentis conantur astruere, sanguinem arteriosum specie differentem esse, vel aëris hujusmodi spiritibus, repletas esse arterias, & non sanguine, contra ea omnia, quae Galenus adversus Erasistratum, tum ab experientia, tum ratione, attulit.

Verum enim vero, sanguinem arteriosum, non ita differre, superiori experimento, & sensu, satis manifestum; de sanguinis influxu & spiritus non separati à sanguine, sed, ut ejusdem corporis, per arterias influere, sensus quoque facere potest pariter manifestum.

Observare licet, quando & quoties extrema manus, pedes vel auriculae, rigent & frigent, & influente calore rursus restituuntur, quod simul contingant colorari & calefieri & repleri, venasque antea exiles & obliteratas ad apparentiam tumesceri: unde & quandoque cum subito recalescunt, dolore afficiuntur partes: ex quibus apparet, id, quod influxu suo calorem advehit,



vehit, idem esse quod replet & colorat: hoc autem praeter sanguinem nihil aliud esse potest, sicut ante demonstratum est.

Longiori discissa arteria & vena, quivis sensu percipere evidenter potest, cum viderit partem venae citeriorem, versus cor, nihil sanguinis emittere; partem vero ulteriorem profundere copiosum & nil praeter sanguinem, (qualiter postea, pag. 85. in experimento meo commemorato in jugularibus internis facto.) Contra rescissa arteria, sanguinis parum, ex parte posteriore dissecta, manat, citerior vero pars, tanquam è syphone, violento impulsu merum sanguinem ejaculat.

Quo experimento constat, qua transitus in utrisque sit, an hac, an illac; constat item, qua velocitate, quo motu sensibili, non sensim & guttatim, qua violentia insuper. Sed ne quis subterfugiendo praetendat spiritus invisibiles; dimittatur orificium vasis dissecti in aquam, vel oleum: si enim quidpiam exiret aëreum per bullas erumperet visibiles. Hoc enim modo, crabrones, vespas, & hujusmodi insecta, in oleo demersa & suffocata, ultimo aëris bullulas è cauda, dum emoriuntur, emittunt, unde ita respirare vivos non est improbabile.

Animalia enim omnia, aqua submersa & suffocata ultimo, cum profunduntur & subsidunt, bullulas, ex ore & pulmonibus, emittere solent, cum spiritum reddunt.

Constat denique eodem experimento, in venis valvulas ita exacte claudi, ut aër inflatus non penetret, multo minus sanguis. Constat inquam sensu, neque sensibiliter, neque insensibiliter, neque sensim,

neque guttatim, sanguinem per venas à corde elongari.

Et ne quis tandem eo confugeret, ut dicat, haec ita esse cum turbatur natura, & praeternaturaliter constituta sit, non vero cum sibi relicta libere agat. Quandoquidem in morbosa & praeternaturali constitutione, eadem apparent, quae in naturali, & sano statu; dicendum & existimandum non est, quod si, discissa vena, tantum sanguinis ex ulteriori parte emanare videatur, id praeter naturam fieri, quia turbatur natura: non enim dissectio partem citeriorem claudit, quo nihil exinde exeat, nec exprimi queat, siue turbatur natura siue non. Alii similiter contendunt dicendo, quanquam abscissa arteria prope cor, in tanta copia singulis pulsibus prorumpat statim sanguis, quod non propterea semper cor integrum, integra arteria, pulsu pellat. Verisimilius tamen est, omnem pulsum aliquid impellere, neque posse sine alicujus contenti impulsu, pulsum continentis esse. Tamen hoc quidam, quo se defenderent & circulationem vitarent, non verentur affirmare & asseverare, arterias videlicet, in viventibus & secundum naturam sese habentibus, adeo plenas, ut ultra ne grana sanguinis admittere valeant, & consimiliter de cordis ventriculis. Sed extra dubium est, quandocunque & quousque dilatari & contrahi, arteriis & ventriculis conceditur, recipere posse ulterius sanguinis aliquid impulsu, idque ultra multa grana, debere. Nam si ventriculi ita distenti sint (ut vidimus quandoque in anatomia vivorum) quoad nil amplius sanguinis admittant, restitatur cor à pulsu, & tensum renitensque permanens, suffocatione mortem inducit.

Sanguis

Sanguis dum movetur, an attrahatur, an impellatur, an sua intrinseca natura sese moveat, satis, in libello de Motu cordis & sanguinis, dictum est: ut & de actione, functione, dilatatione, contractione cordis, qualiter fiat, & simul cum arteriarum diastole: ut, qui exinde argumenta contradicendi sumant, quae dicta sunt, vel non intelligere, vel nolle visu rem explorare, videantur.

Haud quidquam puto in corpore attractum demonstrari posse nisi alimentum, successione partium sensim in loca deperditi, sicut lucernae oleum a flamma.

Unde, omnis attractionis sensibilis & impulsione, commune organum primum illud est, quod nervi habet naturam, vel fibrae, vel muscoli; nempe ut sit contractile quod (se ipsum contrahendo) abbreviare possit, & ideo tendere, adducere, aut propellere: sed haec fusius & apertius alibi in organis animalium motoriiis declaranda.

Adeo iis qui circulationem repudiant, quia neque efficientem neque finalem causam vident, cui bono fiat, quia adhuc nihil adjunxi, restat demonstrandum. Prius in confesso esse debet, quod sit circulatio, antequam propter quid fiat, inquirendum: nam ex iis, quae in circulatione & hac posita obveniunt, usus & utilitates, investigandae sunt. Interim dicam, quod sunt in Physiologia, Pathologia, & Therapeia recepta, quorum causas, non novimus, esse tamen nullus dubitat; videlicet, febrium putridarum, revulsione, & purgationis excrementorum; ea omnia, tamen, circuitus beneficio intelliguntur.

Quicumque itaque circulationem controvertuntur, eo quod problemata medicinalia (stante circulatione) solvere



solvere non possint; aut in morbis curandis, & medicamentis usurpandis, apparentium causas exinde colligere nequeant; aut causas receptas a praeceptoribus falsas esse videant; aut approbatas prius opiniones relinquere indignum putent; & per tot saecula traditam disciplinam, veterumque auctoritatem, in dubium vocari nefas existiment.

His omnibus respondeo, naturae opera facta manifesta sensui, nullas opiniones, nullamque antiquitatem morari: natura enim nihil antiquius, majorisque auctoritatis.

Ad ea, problemata non solvenda (uti putant) è medicinalibus observationibus, tanquam impedimenta sanguinis circulationi objiciunt, suosque errores declarandos opponunt (scilicet) stante circuitu phlebotomia non revelli, cum sanguis nil minus parti affectae impellatur: excrementorum pravorumque humorum transitum, per cor nobile viscus & principale metuendum: effluxum excretionemque mirantur, cum quandoque ex eodem corpore, diversis partibus, immo ex eodem foramine, eodemque tempore, nonnunquam malus & corruptus sanguis egreditur; cum, si continuo fluxu sanguis agigaretur, per cor transiens permisceretur concussus: haec & hujusmodi plurima, è medicorum schola prolata, qui fieri possint dubitant, nam repugnare videntur, quo minus circulatio admittatur. Neque satis factum opinantur (sicut in Astronomia) nova systemata ordinare, nisi omnia phaenomena solvant.

Non aliud hoc loco respondere visum est, quam circulationem non eandem, ubique & semper, esse; sed multa contingunt, ex sanguinis motu velociori.

vel

vel tardiori, cordis propellentis robore & infirmitate, sanguinis copia, conditione, vel constitutione, partium densitate, obstructione & similibus. Crassior sanguis per angustos meatus aegrius transit, pertransiens per jecoris parenchyma magis transcolatur, quam per pulmonum.

Non pari cursu, per carnis & parenchymatis rariorem texturam tranatur, ac per nervosarum partium compactam consistentiam. Tenuior enim & purior, & spirituosior pars, citius permeat, crassior, terrestrior & cacochymica, diutius subsistens, repudiatur: pars nutritiva & ultimum alimentum, sive ros, sive cambium, magis penetrativa est (siquidem ubique apponenda, vel ipsis cornibus, plumis, unguibus, pilis denique) si omniquaque enutritae secundum omnes dimensiones augmentantur: excrementa quibusdam locis propterea secernuntur & coagmentantur & aggravant, aut concoquuntur: Neque excrementa, vel prava humores, semel segregata, neque lac, pituitam, sperma, neque ultimum alimentum (rorem & cambium) cum sanguine revolvi necesse puto, sed adhaerere quod nutrit, ut agglutinetur, oportere. De quibus omnibus, plurimisque aliis, in propriis locis determinandis, & declarandis, nempe Physiologia, reliquisque artis medicinae partibus: nec de circulationis sanguinis consequentibus, inconvenientiis, vel convenientiis, convenit disputare, priusquam ipsa circulatio stabilita sit, & pro concessio admittatur.

Astronomiae exemplar non hic imitandum est, ubi ex apparentiis duntaxat, & ipso quod sit, causae & ipsum propter quid investiganda veniunt. Sed sicut quis eclypseos causam perquirens, supra lunam sistetur,

retur, ubi sensu causam discerneret, non ratiocinio sensibilem, quae sub sensum cadunt, nulla alia certior demonstratio ad fidem faciendam adduci poterit, quam sensus & *αἰσθησις*.

Aliud experimentum insigne, apud omnes studiosos veritatis, cupio exploratum, quo & pulsus arteriarum ab impulsu sanguinis fieri & illustrari perspiciatur.

Intestinorum canis, vel lupi, vel cujusvis animalis inflatorum, & ex siccatorum (qualia apud pharmacopoeos vidimus) si in quavis longitudine, pars abscissa, aqua impleta, utrinque ligetur, ut sit tanquam farcimen. Poteris ab una parte digiti ictu pulsa & vibrata, in altera extremitate adversa, applicatis digitis (ut supra carpi arteriam solemus pulsum indagare) omnem ictum, & motus differentiam clare sentire, atque hoc modo (ut etiam in omni vena corporis turgente, sive viventis, sive mortui) poterit quispiam tyronibus omnes pulsum differentias, in magnitudine, frequentia, vehementia, rithmo ad sensum aemulari, & docere, & indigitare. Tanquam enim in longa vesica repleta, & in tympano oblongo, omnis ictus unius extremi in altero simul cernitur, proinde in hydropo ventris, sicut quoque in omni abscessu liquida materia oppleto. Solemus anasarcam a tympanite distinguere, si omnis impulsus & vibratio, in uno latere facta, clare in altero sentitur tactu, Tympanitem censemus; non, ut falso existimatur, qui sonum tympani refert, & flatu tantum fiat; (quod nunquam accidit) sed quia, uti in tympano, omnis ictus levissimus pertranseat, & vibratio quaevis percurrat: serosam enim, & ichorosam, qualis urina est, substantiam subesse denotat, & non aut lentam, aut viscidam, ut  
in



in anasarca, quae impressa ictus & impulsione vestigia servat, non transmittit. Hoc experimento in medium adducto, oritur potentissima objectio, contra sanguinis circuitum, à nemine, qui contra me scripserit, observata, aut opposita.

Quandoquidem in hoc experimento, pulsus systoles & diastoles, videmus fieri posse, sine exitu liquoris, in arteriis idem posse ex ictu cordis contingere, sine circuitus necessitate, quis suspicabitur, & similiter Euripi in morem, illinc huc & vicissim, hinc illuc sanguinem agitari. Verum alias hanc difficultatem solvimus sufficienter, & nunc quoque dicimus, in arteriis viventium hoc non esse, quoniam continuo & continenter, auricula cordis dextra, ventriculum implet sanguine, cui tricuspides valvulae regressum negant, & simul auricula sinistra sinistrum, & uterque ventriculus in systole, projicit sanguinem & protrudit, quem sigmoides valvulae non sinunt remeare. Aut igitur alicubi ex pulmonibus, & pariter ex arteriis emigrare, continue & continenter debere; aut tandem alicubi stagnans & infarctus, vel continentia vasa disrumperet, vel cor ipsum distendendo suffocaret; ut in viva dissectione anguis (in libello meo de sanguinis Motu) ad sensum contingere annotavimus. Ad hoc dubium declarandum, duo experimenta, inter multa alia commemorabo, quorum prius ante retuli, quo clare apparet sanguinem in venis, continuo & magno conatu & fluore, versus cor semper currere.

In jugulari vena interna denudata damae vivae, (coram multis nobilibus & Rege Serenissimo Domino meo assistentibus) per medium divisa & abrupta, ex parte inferiori, è clavicula surgente, vix guttae quae-

dam prodierunt sanguinis, quando magno impetu, & rotundo fluore prorumpente, longius deorsum é capite per alterum illius venae orificium, sanguis uberime scaturiret. Idem quotidie poteris observare in phlebotomia profluente sanguine: si uno digito, paulo infra orificium, venam comprimas, affatim fluor sistitur: qua compressione soluta, abunde denuo effluit, ut prius.

In quavis visibili longa vena cubiti, sursum extensa manu, & omni sanguine deorsum è manu, quoad poteris, depresso: videbis venam, quasi (relicta in cute fovea) collapsam: quamprimum vero summitate unius digiti comprimas, statim partem, manum versus, oppleri, turgere & (adveniente è manu sanguine) tumesceri percipies. Quid causae est, quod si detento spiritu, & inde compressis pulmonibus, multo ingesto aëre, simul vasa pectoris comprimantur, inde sanguis in faciem & oculos multo rubore compellatur?

Quid, quod (ut Arist. in Problematibus) omnes actiones, cum vi & robore magis obeuntur, detento anhelitu quam laxato? Sic è vena frontis vel linguae, compressione juguli, & retento anhelitu elicitur sanguis uberior.

Ego aliquando in cadavere humano noviter strangulato, intra duas horas à suspensione, aperto pectore & pericardio, (antequam faciei rubor evanuerat) auriculam dextram cordis & pulmones, plurimum distentos & infarctos sanguine, multis attestantibus ostendi, praecipue vero auriculam, ad maximi hominis pugni magnitudinem, turgentem adeo ut disruptam iri putares. Quae moles die sequente, refrige-

rato

rato penitus corpore & per alias vias cruore dilapso, detumescens evanuerat.

Ita, ex his & aliis experimentis, satis constat sanguinem per venas omnes, ad cordis basin, procurrere, &, nisi transitus daretur, in alias vias coarctari, aut cor ipsum eo obrui: uti ex altera parte, si non ex arteriis efflueret, sed regurgitatus reperiretur, appareret quantum opprimeret.

Aliam observationem addam. Vir nobilis Eques Auratus Dominus Robertus Darcy, progener doctissimi viri, & mihi amicissimi Medici celeberrimi Doctoris Argent: cum erat consistente aetate, saepe de dolore quodam pectoris oppressivo, conquestus est; praecipue nocturno tempore, ita ut quandoque lypothymiam, quandoque suffocationem à paroxysmo metuens, vitam inquietam & anxiam degebat, multa incassum tentavit, omnium Medicorum consiliis usus, tandem ingravescente morbo, cachecticus & hydropticus fit, & ultimo, in uno paroxysmo vehementer oppressus, obiit. In hujus cadavere, (praesente D. Doctore Argent, qui tunc temporis praesidens Collegii Medicorum erat, & D. D. Gorge, Theologo & praedicatore egregio, qui illius parochii pastor fuit,) ex impedito transitu sanguinis, de sinistro ventriculo in arterias, paries ipsius ventriculi sinistri cordis (qui satis crassus & robustus cernitur) disruptus & perforatus amplo hiatu sanguinem effundebat; erat enim foramen tantae magnitudinis, ut facile aliquem ex meis digitis reciperet.

Alium virum cordatum novi, qui prae ira & indignatione, ob acceptam injuriam a potentiori & illatam contumeliam, adeo estuans exardescibat, ut



auctis ira & odio in dies (ob inhibitam vindictam) & animi passione vehementi, quo maxime exulceratus erat, nemini patefacto, tandem in mirum genus morbi incidit, summaque oppressione & dolore cordis & pectoris misere conflictabatur, ut nullis adhibitis experitissimorum Medicorum auxiliis proficientibus, in scorbuticam tandem post aliquot annos cachexiam incidens, contabuerit & mortuus fuerit.

Huic tantummodo aliquid solaminis accidit, quoties & quamdiu, tota pectoris regio, à fortissimo viro comprimeretur & (sicut pistor panem subigit) depseretur & tunderetur. Amici ipsum veneficio, à malefica affectum putabant, aut cacodemone obsessum.

Huic quoque arteriae jugulares, pollicis magnitudine distentae, tanquam utraque esset aorta ipsa, aut arteria magna descendens, alte & vehementer pulsabant & tanquam aneurismata duo oblonga apparebant, unde & arteriotomiam circa tempora tentavimus; sed nullo levamine. In cadavere dissecto inveni cor & aortam, adeo distenta & sanguine referta, ut cordis moles & ventriculorum cavitates, bovini cordis magnitudinem, compensarent, & aequipollerent. Tanta, sanguinis cohibiti vel conclusi, vires sunt, tantusque impetus.

Quaquam igitur (per experimentum pridem allatum) impulsus fieri, sine exitu (conquassata hinc inde aqua) poterit in farcimine praedicto, idem tamen non potest sanguini, in vasis viventium, contingere, sine summis & gravissimis impedimentis, & periculis.

Veruntamen exinde manifestum est, sanguinem in suo circuitu, non eadem velocitate, & celeritate, ubique transire, neque eadem vehementia, in omnibus

bus locis, & partibus, & temporibus: sed pro aetate, sexu, temperie, habitu corporis, caeterisque rebus contingentibus internis, vel externis, naturalibus, vel non naturalibus, multum evariari.

Non enim per vias, & meandros occlusos, obstructos, aut impeditos, eadem celeritate transit, qua per apertos, referatos & patentés, neque per corpora aut partes densas, constrictas, infarctas, uti per raras, relaxatas, & deobstructas. Neque cum debiliter, lente & molliter fit impulsus, ita expedite procurrit, aut penetrat, uti cum vi & robore impingitur, vehementia & copia, cogitur.

Neque crassus ipse sanguis, aut solidior, aut terrestrior factus, adeo penetrativus, uti cum serosior, attenuatus & liquidior existit.

Et proinde rationabiliter existimandum est, sanguinem in circuitu suo, tardius pertransire per renes, quam per cordis substantiam; celerius per jecur, quam per renes; per lienem, quam per jecur; per pulmones, quam per carnes, aut alia aliqua viscera rarioris consistentiae.

Similiter contemplari licet, de aetate, sexu, temperie, habituque corporis molli, vel duro, de ambientis frigore densante corpora, quando vix venae appareant in artubus, aut color sanguineus cernitur aut calor sentitur, à pastu liquidiore facto sanguine ab accessione alimenti. Ita quoque venae, conspicue magis & libere, effundunt in phlebotomia calefacto corpore, quam refrigerato. Videmus uti ab animae passione, (dum administratur phlebotomia) si inciderit pavidus in lipothymiam, statim sistitur sanguinis effluxus & pallor exsanguis totam corporis superficiem occupat, rigent

rigent membra, sibilant aures, oculi occaecantur & convelluntur. Campum invenio ubi longius percurrere, & latius speculando exspatiari possum. Sed enim tanta hinc veritatis elucescit lux, qua tot problemata explanari, tot dubia solvi, tot affectionum & morborum causae, & curandi occasiones investigari poterunt, ut peculiarem tractatum postulare viderentur. De quibus omnibus, in observationibus meis medicinalibus, admiratione digna tradam.

Quid enim magis admirari contingit, quam quomodo in omni affectu, appetitu, spe vel timore, corpus nostrum diversimode patitur & vultus evariatur ipse, & sanguis huc aut illuc subterfugiens videtur? Ira rubent oculi, constringitur pupilla, in verecundia, ruboreque profunduntur genae: timore, infamia & pudore pallida facies, rubent auriculae, tanquam male auditurae: cupidine tactis adolescentibus, quam celeriter impletur nervus sanguine & erigitur, ac tenditur. Scire autem Medicis est observatione dignissimum & utilissimum, quare omnem dolorem, sanguinis emissio, cucurbitulae & arteriae, deferentis fluxum, compressio & coarctatio artificiosa, (praesertim interea dum fiunt) tanquam incantamento sedant & auferunt: haec, inquam, ad observationes, ubi clare enodantur, referenda.

Perperam, anatomica dissectione confirmanda & ex *abrophia* quae sunt credenda, inepti & inexperti, dialecticis & longe petitis argumentis, conantur vel evertere, vel stabilire: Quod in quaestione est sensibile & visibile, an sit necne videre, vel expertis credere teneri, quicumque scire desiderat, oportet; neque ulla alia certitudine clariori erudiri, aut doceri poterit.

Quis



Quis vinum dulce, mustumve aquae potum antecellere, iis qui nunquam degustarunt, persuadebit? Quibus argumentis, solem esse lucidum, & supra omnes stellas splendentem, à nativitate coecis, confirmabit? Sic de sanguinis circuitu, quem tot sensibilibus ad autopsiam experimentis confirmatum, jam per tot annos, habuerunt omnes. Nemo inventus est, qui rem sensibilem (videlicet motum fluxus & refluxus) sensibilibus pariter observationibus redarguere, aut experientiam allatam infringere, experimentis valuit; imo contrarium asseruere *ex αὐτοψία*, ne tentavit quidem.

Cum interim non desunt, qui, ob inexperientiam & rudem ignorantiam anatomicam, nihil quidquam sensibile, in contrarium quod afferrent, habentes, vanis quibusdam & fictis, ex praeceptorum auctoritate, receptis assertionibus, non probabilibus suppositis, sed quibusdam captiunculis vacuis obstrepunt; multis verbis insuper, iisque haud dignis, sed maledictis, nec sine convitiis & contumelia oblatrant: quibus nihilo plus agunt, quam ut dent operam, vanitatem & ineptias suas & malos mores, argumentorumque (quae à sensu petenda essent) inopiam prodere ut cum falsa sophistica ratione, adversus sensum insanire videantur. Haud aliter, maris Siculi ventorum turbine concitati fluctus, contra scopulos intra Charibdin allisi, fremunt & refracti & reverberati spumant, quam hi contra sensum ratiocinium.

Si nihil admitteretur per sensum, sine rationis testimonio, aut contra quandoque rationis receptae dictamen, jam nulla essent problemata disputanda. Si non certissima per sensum fides foret, eaque ratiocinando

stabilita, (ut in suis constructionibus Geometrae solent) nullam perfecto admitteremus scientiam: quippe, ex sensibilibus de sensibilibus demonstratio rationalis, Geometrica est. Ad cuius exemplar, abstrusa & à sensu remota, ex apparentibus manifestioribus & notioribus, innotescunt. Melius multo Arist. nos admonet (lib. 31. de gen. An.) de generatione Apum disputans: *rationi fides adhibenda inquit; si quae demonstrantur, conveniunt cum iis, quae sensu percipiuntur, rebus: quae cum satis cognita habebuntur, tum sensui magis credendum quam rationi.* Unde probare vel improbare vel reprobare omnia ab examinatione minutim facta debemus: examinare vero & experiri, an recte an perperam dicta sint, ad sensum deducere oportet & sensus iudicio confirmare & stabilire, ubi si quid fictum, non latet. Unde Plato in Critias difficilem non esse earum rerum explicationem asserit, quarum experientiam habere poterimus. Neque apti ad scientiam sunt auditores, qui nullam experientiam habent.

Quam arduum & difficile sit, nullam experientiam habentibus, illa, de quibus experientiam aut sensibilem cognitionem non habent, docere, & quam inepti & indociles, inexpertique auditores sint ad veram scientiam, coecorum de coloribus, surdorum de consonantiis iudicia plane ostendunt. Quis unquam maris fluxum, & refluxum, quis ex diagrammate geometrico, angulorum quantitates, aut laterum rationes, coecos docebit? aut eos qui neque mare viderunt, neque diagrammata? Inexpertus in anatomicis, in quantum, propriis oculis & proprio exinde conceptu, rem non tenet, coecus in iis quadantenus existimandus

& ineptus ad doctrinam, non enim, de quibus disputet Anatomicus, neque ex quibus in rei natura infitis, desumat argumenta, quidquam rite novit; sed cuncta illi pariter ignota sunt, tam quae concluduntur, & colliguntur, quam ex quibus. Nulla autem possibilis cognitio est, ex non praeexistente cognitione, eaque notiori: haec una potissimum causa est, cur tam incerta & conjecturalis nostra, de coelestibus corporibus, scientia sit. Ab iis, qui causas & rationes omnium scioli adeo profitentur, scire velim, quare uti ambo oculi, simul hac atque illac, & quaqua versus sese intuendo moveant, nec sigillatim, iste illuc, hic istuc, se convertat oculus, ita nec ambo cordis auriculae, &c?

Quia febrium causas, aut pestilentiae, aut quorundam medicamentorum mirandas proprietates, ipsorumque causas non norunt, an propterea essent neganda?

Cur foetus in utero, non respirans aërem, usque ad mensem decimum, ob defectum respirationis non suffocatur? Cum natus in septimo, vel octavo, quamprimum aërem inspiraverit, inhibita postmodum respiratione, ob defectum aëris suffocetur? Quare in utero existens, vel adhuc intra secundinas nondum exitum adeptus, vitam sine respiratione retinere poterit? quamprimum vero aëri semel expositus, nisi respiraverit, vitam retinere non possit?

Quoniam multos video haerere, & de circulatione dubitare, & aliquos oppugnare ea, quae de me non penitus intellexerunt; in eorum gratiam, breviter quid dictum velim, quae ex libello de cordis & sanguinis Motu, recapitulabo. Sanguis in venis contentus



(suo quasi fundo) ubi copiosissimus (in vena scilicet cava) juxta cordis basin, & auriculam dextram, sensim ab interno suo calore incalescens, & attenuatus turget & attollitur, (fermentantium in modum) unde auricula dilatata sua facultate pulsifica se contrahens, propellit cum confestim in dextrum cordis ventriculum, qui impletus sua systole, subsequenter sese ab illo impulso sanguine expediens (cum egressum valvulae tricuspidis impediunt) in venam arteriosam eundem (qua patens porta datur) compellit, quo illius distentionem faciat. In vase arterioso, jam sanguis adversus valvulas sigmoides recurrere impotens, sed quia inspiratione, simul & expiratione, extenti, ampliati, & restricti sint pulmones, & una quoque vasa ipsorum, huic sanguini viam, transitumque, in arteriam venosam praebent: ex quibus auricula sinistra, simul & pariter cum auricula dextra, motum, rithmum, ordinem & functionem peragens, eundem, in sinistrum pariter ventriculum, sanguinem intromittit; quem dextra in dextrum: unde sinister ventriculus simul & pariter cum dextro (quando regressus unde venerat propter eadem valvularum renitentium impedimenta prohibetur) in capacitatem aortae & consequenter in omnes arteriae ramos impellit: arteriae hoc subitaneo impulsu repletae, cum non ita subito sese exonerare possunt, distenduntur, impelluntur & diastolen patiuntur.

Unde cum continue, & continenter idem reiteretur, colligo, arterias, tum in pulmonibus, tum per universum, tot ictibus cordis & impulsionebus, sanguine adeo tandem distentas & infarctas iri, ut vel cessaret omnino impulsus, vel disrumperentur vel dilatarentur

tarentur adeo, ut omnem massam sanguinis à venis exhaustam continerent, nisi alicubi effluente sanguine exonerarentur.

Idem quia etiam de cordis ventriculis ratiocinium repletis & ab auriculis infarctis sanguine, nisi pariter sese deplerent arteriae tandem ad extremum distenti ventriculi, ab omni motu destituti fixique permanerent. Haec collectio mea demonstrativa & vera est & necessaria, si vera sint praemissa: illa autem vera esse vel falsa, sensus nos facere debet certiores, non recepta ratio; *αὐτοψία*, non mentis agitatio.

Sanguinem praeterea in venis, assevero semper & ubique, de minoribus in majora currere, & versus cor ab omnibus particulis properare: unde colligo, quam copiam (continue intromissam) arteriae receperunt per venas traditam, eandem reverti, tandemque eo reflueret, unde primum pelleretur, & eo modo in circuitum sanguinem moveri, fluxu & refluxu à corde per impulsum, cujus impetu per omnes arteriarum fibras cogitur: postea, ab omnibus partibus, continuato fluxu, regredi per venas successive, quibus absorptus & exhaustus traducitur: haec vera esse docet sensus ipse & à sensibilibus collectio necessaria omnem dubitandi ansam tollit.

Denique hoc est, quod enarrare, & patefacere, per observationes, & experimenta conabar, non ex causis & principiis probabilibus demonstrare, sed per sensum & experientiam confirmatam reddere, anatomico more, tanquam majori autoritate, volui.

Ex his notandum, quam vim & violentiam, concitatamque vehementiam in corde & arteriis majoribus, tactu & visu percipimus. Pulsus systolen & dia-

stolen (in animalibus majoribus calidioribus) non dico, in omnibus vasis sanguinem continentibus, eandem esse, neque omnibus sanguineis animalibus; sed talem & tantam in omnibus, ut exinde fluxus sanguinis & citatior cursus, par arterias exiles, partium porositates, venarumque omnium ramos, necessario fiat, & exinde circulatio.

Nam neque exiles arteriae, neque venae pulsant, sed duntaxat majores & cordi viciniore pulsant arteriae: eo quod non ita subito emittant, ac impellitur sanguis: nam experiri poteris (dissecta arteria & pleno gurgite exiliente sanguine, ita ut libere exeat prout immittitur) in arteria illa per quam transit, vix pulsum perferri, quia data porta transcurrentis sanguis non distendit. In piscibus, serpentibus, frigidioribusque animalibus, cor tarde & debiliter pulsat, ut vix in arteriis pulsum percipias, sanguinem quia transmittunt lento admodum gradu. Unde in his, ut etiam minoribus arteriarum fibris in homine, nulla tunicarum à sanguine distinctio, quia sanguinis impulsu non percelluntur.

Rescissam & apertam arteriam, (ut dixi) pertransiens sanguis non impellit, neque pulsat, unde clare cernitur, arterias neque innata facultate pulsifica, neque à corde demandata, sed solo sanguinis impulsu, diastolen pati: nam tum pleno ipso in fluxu longius profluente, tam systolem quandam, quam diastolen discernere & tactu percipere poteris, ut antea dixi, omnesque pulsationis cordis differentias, rithmum, quinetiam & ordinem, vehementiam, intermissionemque in emanante fluore, (sicut in speculo imaginem) evidenter agnoscere. Quemadmodum, cum aqua,



vi & impulsu syphonis, per fistulas plumbeas in altum cogitur, singulas compressiones instrumenti, (per multa licet stadia distent) in ipso aquae exeuntis fluxu, singulorum ictuum ordinem, principium, incrementum, finem, vehementiam, observare & distinguere possumus, ita ex abscissae arteriae orificio. Ubi notandum, ut in exemplo aquae, continuum effluxum esse, licet modo longius exiliat modo propius, ita in arteriis, praeter sanguinis concussionem, pulsum, vel vibrationem, (quae non in omnibus, aequè cernitur) continuum exinde fluorem motumque fieri, quo usque primum sanguis (in auriculam nempe dextram) ubi incepit, regreditur.

Haec in rescissa aliqua arteria longiori, (ut jugulari) quam intra digitos si comprehenderis, exitumque modereris sanguinis, magis aut minus pulsare, amittere pulsum & recuperare, pro tuo libitu poteris explorare, ut clare discernantur. Et sicut, integro pectore haec manifesta hoc modo fiant, ita aperto pectore & collapsis exinde pulmonibus, amissoque motu respirandi, brevi experiri poteris; scilicet, contrahi auriculam sinistram, inaniri, albidiorē fieri & tandem cum sinistro ventriculo pulsum intermittere, omittere, destituere & pariter ex rescissae arteriae foramine, minus & minus sanguinem, subtiliori filo & infirmiori pulsu, proruere, & denique (deficiente nimirum sanguine, & ventriculi sinistri impulsu) nihil ultra emanare.

Idem ligata vena arteriosa experiri poteris, & auriculae sinistrae pulsum auferre, & soluta restituere, pro arbitrio. Unde idem, hoc experimento, quod in moribundis, evidenter cernitur; quod sicut prius à motu

motu & pulsu, ventriculus sinister desistat, postea sinistra auricula, deinde dexter, ultimo auricula dextra, ita à quo incipiat vitalis facultas & pulsus primo, desiciat ultimo.

Quibus per sensum exploratis, manifestum est, sanguinem per pulmones tantum pertransire; & non per septum cordis, & duntaxat à respiratione commotos, non collapsos, & requietos: unde probabile est, quare in embrione (cum nondum spirat) natura pro transitu sanguinis, in arteria venosa (quo materia sinistro ventriculo, & auriculae sinistrae suggeratur,) foramen ovale aperuit, quod adolescentibus & libere spirantibus occludit.

Patet quoque, cur oppressis, & infarctis vasis pulmonum, vel quibus morbo graviori laesa respiratio, adeo sit periculosum & signum lethale.

Patet non minus, quare sanguis adeo rutilans sit pulmonum; tenuior enim est, ut qui inibi transcolatur. Notandum amplius ex epilogo antedicto, iis qui causas circulationis efflagitant, & cordis virtutem, omnium effectricem suspicantur, & qui, ut pulsus transmissionis, ita attractionis, generationisque sanguinis authorem credunt (cum Aristotele) atque à corde spiritus fieri, vitalemque calorem influentem, (idque cordis innato calore, tanquam immediato animae instrumento, vel vinculo communi & ad omnia vitae opera peragenda organo primo) arbitrantur. Et ita sanguinis & spiritus motum, perfectionem, calorem quoque à corde tanquam ab origine mutuari, & omnem rationem sanguinis (quam Arist. dicit inesse sanguini qualem in aqua calida & in pulve ebulliente) corque causam primam esse pulsationis & vitae existimant.

Aperte

Aperte si loquar, haec ita esse, (ut vulgo recepta sunt) non opinor: multa enim sunt, quae me in eandem sententiam ire suadent in generatione partium observanda; quae hic recitare non expedit, sed propediem forsam miraculosiora, majoremque lucem naturali philosophiae allatura, à me in publicum dabuntur.

Interim dicam tantum & sine demonstratione proponam (bona cum venia Doctissimorum virorum, & antiquitatis reverentia) cor, prout omnium in corpore principium, author, fons & origo, primaque vitae causa est, una cum venis, arteriis omnibus, contentoque sanguine subintelligendum. Sicut cerebrum (cum suis omnibus nervis sensoriis, organis, & spinali medulla comprehensum) unum sensus organum adaequatum (ut loquuntur) est. Si vero per hoc vocabulum cor, corpus cordis, cum ventriculis & auriculis tantum subintelligatur, non puto esse sanguinis opificem, neque sanguinem, vim, virtutem, rationem, motum, aut calorem, ut cordis donum habere: deinde neque eandem esse causam diastoles & distentionis, quae systoles & contractionis, sive in arteriis, sive in auriculis, sive ventriculis cordis, arbitror: sed pulsus pars quae dyastole dicitur, aliam habet causam a systole diversam & semper omnem systolen ubique praecedere debet. Distentionis primam causam, calorem innatum esse, primamque distentionem esse in sanguine ipso, (fermentantium in modum,) sensim attenuato & turgente, in eoque ultimo extinctam puto. Aristotelis, pultis vel lactis in modum, exemplo assentior eo usque, ut illa elevatio, aut depressio sanguinis, non fiat à vaporibus, aut exhalationibus aut spiritibus,



in aliquam formam, vaporem, vel aëriam concitatis, neque sit causata, ab externo agente, sed ab interno principio, regulante natura.

Neque cor (ut aliqui putant) tanquam Anthrax, focus, (instar lebetis calidi) caloris origo est & sanguinis, sed magis, sanguis calorem cordi (ut reliquis omnibus partibus) tribuit, quam recepit, utpote omnium in corpore calidissimus: ideo cordi arteriae & venae coronales assignantur, in eisdem usus, quos caeteris partibus: videlicet ad caloris influxum, pro fotu & conservatione ipsius: ideo calidiores omnes partes, quo magis sanguineae, & quo sanguine magis abundant, calidiores convertibiliter dicuntur. Qua ratione, cor suis cavitatibus insigne officina, fons, focus perennis, censendus est, non ratione corpulentiae, sed contenti sanguinis, instar lebetis calidi. Qua ratione jecur, lién, pulmones, caeteraeque partes calidae reputantur, quia multas venas vel vasa continentia sanguinem habent.

Atque hoc modo autumo, calorem nativum, calidum innatum, (ut omnium operationum, commune instrumentum) pulsus quoque efficiens primum esse. Hoc non adhuc constanter assevero, sed tantum pro thesi propono. Quid in contrarium objiciatur à viris doctis & probis, sine verborum scurrilitate, convitiis, vel contumeliis, scire libenter velim, & quisquis pergratum fecerit.

Haec itaque transitus sanguinis, & circuitus, tanquam partes & vestigia sunt. Nempe de auricula dextra, in ventriculū, de ventriculo per pulmones, in auriculam sinistram, inde in ventriculū sinistram,

&

& in aortam, omnesque per arterias à corde, per partium porositates, in venas, & per venas, ad cordis, basin, quam celeriter revertitur sanguis.

Uno experimento, quisquis placuerit, discernere per venas poterit, ligetur brachium (ut solent) mediocri ligatura & tamdiu brachium movendo, permaneat ligatum, quousque omnes venae adprime turgant; & infra ligaturam tota cutis insigniter rubescat, & tum profundatur manus aqua gelidissima vel nive, donec collectus infra ligaturam sanguis refrigescat satis, dein soluta subito ligatura senties ex sanguine frigido revertente, quam celeri cursu sursum ad cor properet, & quam mutationem reversus in corde faciat; ut mirum non sit, quosdam à soluta ligatura, post phlebotomiam, in lypothymiam incidisse: Hoc experimentum monstrat, quod infra ligaturam venae turgant non sanguine attenuato & spiritu vel vaporibus sufflato, (talem enim ebullitionem, immersio in frigidum deprimeret) sed solo sanguine, eoque, qui in arterias, vel per anastomoses, vel caecos meandros, reverberati non potest.

Docet insuper quomodo per altos montes nivosos oberrantes, morte saepe de improvviso opprimantur, atque alia multa hujusmodi.

Qualiter sanguis pertransire, per omnes partium poros possit, ne durum hoc videatur, & quaquaversus meare, unum addam experimentum. Laqueo strangulatis, & suspensis, accidit idem, quod brachio ligato, ut trans chordam, scilicet facies, oculi, labia, lingua, partesque omnes superiores capitis, plurimo infartiantur sanguine, maximo rubore perfundantur,

turgescantque usque ad livorem: in hujusmodi cadavere, soluto laqueo, quacunque positione collocaveris, intra non multas horas, videbis omnem sanguinem, vultum & caput deserere & à supinis & sursum positis partibus, in pronas & subjectas, per poros cutis, carnis, caeterarumque partium (suo quasi ductum pondere) decumbentem & omnes illas partes infra positas & cutem potissimum replentem, atro tabo colorare. Quanto magis sanguis vivus, & spirituosus, vivo corpore, apertis porositatibus penetrativus, quam cruor mortuus coagulatus, praesertim per habitum corporis frigore mortis densatum, viisque stipatis & compressis: tanto facilius per quasunque partes, transitus in vivis est & pronior.

Ingenio pollens, acutissimus vir, Renatus Cartesius (cui ob mentionem mei nominis honorificam debeo,) & alii cum ipso, cum extractum cor piscium super planam tabulam expositum, pulsus aemulari vident, (colligendo seipsum) quando erigitur, attollitur & vigoratur, ampliari, aperiri, ventriculosque suos, exinde capaciores esse autumant, haud recte mecum observant. Collectum enim cum est, tunc temporis, coarctari potius capacitates ejus omnes, & in sua systole esse, non diastole certum est: ut neque, quando tanquam enervatum collabitur & relaxatur, in sua diastole & distentione tum est, & ventriculi exinde ampliores; sic in mortuo, non dicimus in diastole esse cor, quia à systole concidit relaxatum, collapsum, omni motu destitutum, & requietum, non distentum: distenditur enim & in sua diastole proprie est, cum ex impulsione sanguinis per contractionem



tractionem auricularum impletur, aut in vivorum anatomico evidenter satis apparet.

Latet ipsos ergo, quantum distet, relaxatio & relapsus cordis & arteriarum, à distentione vel diastole; & quod eadem causa distentionis, relaxationis & constrictionis, non sit; sed potius contrariorum effectuum, contraria; diversorum motuum, diversa; sicut adductionis & extensionis, cujusvis membri, oppositos esse musculos antagonistas, sat omnes Anatomici norunt, sic contrariis motibus, aut diversis, contraria & diversa activa organa, à natura, necessario fabrefacta.

Neque mihi arridet, causa efficiens pulsus, quam posuit (secundum Arist.) eandem fore tam systoles, quam diastoles (nempe effervescentia sanguinis, tanquam ebullitione facta.) Sunt enim isti motus, subitanei ictus, celeresque percussiones. Nihil vero ita quasi nictu oculi, fermentatione, vel ebullitione, affurgit & collabitur: sed lente sufflatur, quod affatim deprimitur. Praeterquam quod in dissectionis, autopsia cernere liceat, ventriculos cordis, ab auricularum constrictione, distendi & repleri, & prout magis vel minus replentur, augeri; distentionem etiam cordis, motum quendam violentum esse, ab impulsione, non ab attractione aliqua, factum.

Sunt aliqui, qui existimant, sicut ad plantarum nutritionem, impulsu alimentum non eget, sed sensim ab indigentibus particulis, attrahitur ad locum deperditi, ita neque animalibus, non sit aliquis impulsus necessarius, quandoquidem similiter vegetativa facultas in his, atque illis, opus suum perficiat:

verum diversa ratio est. Calidum influens perpetim requiritur, ad animalium membra fovenda & in vivis vivifico calore conservanda, &, ab externis injuriis refracta, restituenda, non ad nutritionem duntaxat.

Haec de circuitu: qui, si vel impeditur, vel pervertitur, vel nimium concitatur, multa periculosa morborum genera & symptomata admiranda consequuntur: sive in venis, ut varices, apostemata, dolores, haemorrhoides, haemorrhagiae: sive in arteriis, ut tumores, phlegmones, dolores intensissimi & lancinantes, aneurismata, sarcosae, fluxiones, suffocationes subitaneae, asthma, stupor, apoplexiae, & alia innumerabilia. Quomodo subito quandoque, instar incantamenti, auferantur & curentur quaedam putata immedicabilia, non est hujus loci, ut enarrem.

Inter medicinales observationes & in pathologia, ea tradere potero, quae nunquam hactenus à quovis observata comperio.

Concludam, ut tibi satisfactionem plenioram faciam (Doctissime Riolane) qui in mesentericis venis, circulationem non fieri existimas, ligetur porta juxta jecoris cymum, in viva dissectione (quod facile poteris experiri) videbis ex venarum, infra ligaturam, turgescientia, idem, quod in administratione phlebotomiae, ex ligatura in brachio, accidere, quod transcursum inibi sanguinis patefaciat.

Et cum videris opinari sanguinem, de venis in arterias, per anastomoses, regredi posse, ligetur in  
viva

viva dissectione, vena magna descendens, juxta divaricationem ramorum cruralium; & quam primum rescissa arteria, quia datur porta, omnem massam sanguinis, ex omnibus venis (etiam cava ascendente) brevi pulsu cordis exhaustam fore videbis; tamen ultra ligaturam, venas crurales & inferiores partes duntaxat repletas. Quod, si alicubi in arterias per anastomoses regredi potuisset sanguis, nullatenus accideret.

F I N I S.







# LIBRI

Aliquot

MEDICI ET JURIDICI

Quos excudit & in Officina

sua debinet

J. A KERCKHEM.

**L.** Bellini de Urinis & Pulsibus, de Missione Sanguinis, de Febribus, de Morbis Capitis & Pectoris. 4°.

----- Exercitationes Anatomicae Duae de Structura, & Ufu, Renum, ut & de Gustus Organo &c. 4°.

Bennet Theatrum Tabidorum. 8°.

*Belloste, de Heelkonstige Verbant - Huis-Meeſter.* 8°.

Bohnius de Renuntiatione Vulnerum, 8°.

Denys, Observationes Chirurgicae de Calculo, Renium, Vesicae, Urethrae, & Lithomia & Vesicae Punctura. 8°.

----- *Heelkundige Aanmerkingen over den Steen der Nieren, Blaaze, en Waterpyp; het Snyderen der zelven. Mitsgaders over de Blaassteek.* 8°.

Y

J.

- J. B. Morgagni Epistolae Anatomicae Duae. 4°.  
 - - - - - in Aur. Corn. Celsum & Q. Ser. Samonicum Epistolae, 4°.
- M. A. Severini, de Abscessum recondita natura. Libri VIII. De Abscessu critico cum Consultatione singulari. 2. de Abscessibus per Congestum, 3. de Abscessibus Anomalis, 4. de Novissime Observatis Abscessibus, 5. de Paedarthrocace, Abscessu Puero-rum proprio. 6. de Gibbis, Valgis, Varis, & Aliis ab interna vi varie Luxati, de Epinyctidibus; Roseolis saltantibus & Pernionibus. 8. de ΠΑΙΔΑΓΧΟΝΗ ΛΟΙΜΩΔΕΙ. Editio novissima. 4°.
- - - - - Trimembris Chirurgia, in qua Dietetico-Chirurgica, Pharmaco-Chirurgica, & Chemico-Chirurgica, Traditio est. Auctore M. A. Severino. 4°.
- Thomae Sydenham, M.D. Opera Universa, & Editio Novissima. 8°.
- C. Stalpertii, vander Wiel, Observationum Rariorum Medic. Anatomic. Chirurgicarum, duo vol. 8°.
- C. van Bynkershoek, Jcti & Praesidis Supremae Curiae Hollandiae, Observationum Juris Romani Libri Quatuor; in quibus plurima Juris Civilis, aliorumque Auctorum, loca explicantur & emendantur: Editio secunda. 4°.
- - - - - Observationum Juris Romani Libri Quatuor, Quatuor prioribus additi, nempe V. VI. VII. VIII. 4°.
- - - - - Opuscula varii Argumenti &c. 4°.
- - - - - Opera Minora, olim separatim, nunc conjunctim edita &c. 4°.



# GULIELMI HARVEI

*Angli, Anat. ac Chirurg. in Collegio Med. Lond.  
Professoris, Serenissimaeque Majestatis  
Regiae Archiatri,*

O P E R U M

P A R S   S E C U N D A,

S I V E   D E

G E N E R A T I O N E  
A N I M A L I U M

T R A C T A T U S.

THE UNIVERSITY OF CHICAGO

LIBRARY

ADITAN

EXERCITATIONES  
DE  
GENERATIONE  
ANIMALIUM.

*Quibus accedunt quaedam*  
DE PARTU: DE MEMBRANIS AC HUMORIBUS  
UTERI: ET DE CONCEPTIONE.

AUCTORE  
GULIELMO HARVEO,

Anglo, in Collegii Medicorum Londinensium Anatomes  
& Chirurgiae Professore; Regis Archiatro.

Illiusque Operum  
PARS ALTERA.

EDITIO NOVISSIMA,

Indice ornata.



LUGDUNI BATAVORUM,  
Apud JOHANNEM VAN KERCKHEM, 1737.




ORIGINALS

RECEIVED

MILWAUKEE

NOV 10 1880

1880



*Clarissimis Ornatissimisque Viris,*  
**PRAESIDI, & SOCIIS**  
Collegii Medicorum Londinensium,  
**GEORGIUS ENT**  
**S. P. D.**

**D**Um, nuperis Saturnalibus, anxiae parumque tandem profuturæ sollicitudinis pertaesus, nubeculam illam ab animo meo detegere satago; adeo magnum Virum, Collegiique nostri summum decus & ornamentum, Harvæum dico, non procul, eo tempore, ab Urbe commorantem, eumque naturæ rerum perscrutandæ intentum reperio, & vultu hilari alacrique animo, Democriti instar, cuncta investigantem. Tum ego protinus: satin' salva omnia? Qui possint, ait, ubi turbarum plena Respublica, egoque adhuc ipsemet in alto mari? Et profectò (addidit) nisi studiorum solamen, rerumque olim à me observatarum recordatio animum mihi reficerent; nihil est, cur ultra superesse cupiam. Ita factum, ut vita hæc umbratilis, & à curis publicis vacatio, quæ aliis aegritudinem animi afferre solet, mihi Medicinam attulerit. Ego excipiens; hujusce rei hanc causam reddidero, inquam, quod, dum alii plerique aliorum cerebro sapiunt, & à Veteribus tradita (addito variorum dictionis, novaeque methodi mangonio) pro suis venditant; tu semper, de naturæ arcanis, naturam ipsam consulere malueris. Habet autem hoc studium, ut minus fallaciæ, ita & voluptatem plenior: ubi rem unam indaganti, aliae sæpe occurrunt, quas nè quæsieris quidem. Ipse enim (memini) aliquando mihi narrabas, nunquam te animalis cujuscumque dissectionem instituisse, (in-

\* 3

sti-

## DEDICATIO.

*sistuiſti autem ſaeppiſſime) quin aliquid in eo inexpectatum reperiſſis, de quo tibi antea nulla cogitatio. Ita eſt, inquit; placuit mihi ſemper ipſorum animalium inſpectio: indeque non modò levia naturæ arcana, ſed ipſius Creatoris ſummi imaginem quandam indipiſci nos poſſe, ſum arbitratus. Et ut multa olim à doctis Viris reperta ſint, crediderim tamen longè plura abſcondi adhuc in imperveſtigabilis naturæ obſcura nocte: miratuſque ſum ſaepe numero, imò riſi eos, qui ab Ariſtotele, Galeno, aut alio aliquo magno nomine, omnia conſummata aded atque abſoluta crederent, ut ne hilum quidem ſuperaddi poſſit. Natura equidem ipſa eſt arcanorum ſuorum fidiffima interpres: quæ in uno genere, aut preſſius, aut obſcurius exhibet: ea clarius & patentius in alio explicuit. Nemo ſane de partis alicujus uſu ſive officio rectè determinaverit; qui ejus, in pluribus animalibus, fabricam, ſitum, annexa vaſa, aliaque accidentia non viderit, ſecumque diligenter penſitaverit. Priſci illi ſapientiæ conſulti, unius fere Græciæ finibus, ut regionum, ita quoque animalium, plantarum, cæterarumque rerum cognitionem terminabant. Nobis verò patet jam totus Orbis, & a peregrinantium ſedulitate, non ſolum loca, habitus, moreſque Incolarum nobis innotuerunt; ſed & quibus animalibus quælibet regio gaudeat, quæ mineralia, quas plantas producat, jam pridem cognitum habemus. Nulla autem gens tam barbara eſt, quæ non aut fortuitò, aut inevitabili quadam neceſſitate coacta, aliquid in uſum communem adinvenerit, quod nationes alias humaniores latuit. Et putabimus, nihil prorſus commodi ab his auxiliis, ſcientiarum latifundiis accedere; verùm omnem planè ſapientiam à primis ſtatim ſeculis abſorptam fuiſſe? Ignaviæ profeſſò hæc noſtræ, haud naturæ culpa eſt. Accedit etiam aliud malum: quod multi ſaepe rerum inexpti, ex concepta pridem opinionis alicujus verifiſimilitudine, de ea poſtmodum, tanquam certò cognita, audacter pronuntient: unde fit, ut non ipſi ſolum hallucinentur, ſed & alios quoque imprudentes in errorem deducant. Haec, & alia his ſimilia, cum mira (ut ſolet) promptitudine effunderet: ego interpellans, Quam ſis ipſemet, inquam, immunis ab hac culpa, ſatis intelligunt omnes qui te norunt:*



## D E D I C A T I O.

runt: atque hinc est, quod Viri eruditi plurimi, quibus indefessum tuum in excolenda Philosophia studium exploratum est, ulteriora tua experimenta avidè expectent. Harveus subridens, Ergone autor sis, ait, ut è portus hujus (in qua dego) tranquillitate, me dem iterum in infidum mare? nosti, quantum turbarum pristinae meae lucubrationes concitaverint. Praestat sanè interdum, domi privatim sapere; quam, quae multo cum labore comparaveris, ea protinus divulgando, tempestates ciere, quae tibi, in posterum, otium & quietem adimant. Imò verò, respondit, virtuti id praemium usitatum est, ut bene merenti malè rependantur gratiae: venti autem, qui turbas istas dederunt, perinde ut Caecias, malum ipsimet sibi accersiverunt. Simul ostendit mihi Exercitationes de Generatione animalium, ingenti labore elimatas. atque ego illico, Habeo, inquam, quod volebam: has enim nisi publici juris feceris, dicam te & nomini tuo deesse pariter, & aliorum utilitati invidere; nec erit, quod negotium tibi ulterius facescat; quicquid enim est à prelo typographico molestiae, id ego omne in me suscipiam libens. Gravate ille primò; atque, inter alia, Tractatum hunc, omissa Insectorum generationis historia, mancum fore causabatur. Quid multa? impetro tandem; & concedo tibi, inquit, scripta haec mea vel continuo edendi, vel in posterum supprimendi liberam potestatem. Actis eam ob rem plurimis gratiis, valedixi; abique, ceu Iason alter, vellere aureo ditatus. Domum autem reversus, dum singula perlustro, mirabar equidem, tam ingentem thesaurum tandiu absconditum latuisse: & dum alii apinas, tricasque, & cramben bis (imo centies) coctam, magno cum fastidio exhibent; Virum hunc eximias suas observationes tam parvi facere. Enimvero quotiescunque nova inventa depromit, haud multorum more se gerit; nempe, tanquam loquatur quercus, aut lactis gallinacei haustum propterea mereatur: sed quasi fortuitò, aut facili negotio in res illas incidisset; quas nihilominus datà operà, studioque indefatigabili rimatus est. Candoris etiam eximii hoc argumentum est, quod nullius auctoris nomen laceffat, sed suam ubique pacatè proferat sententiam. Dicere enim solet, indicium esse causae non bonae, pro eadem rixosè acriterque contendere: verita-

## D E D I C A T I O.

*ritatem autem patrono non indigere. Cumque facile potuerit integrum hoc opus de suo texere; maluit tamen (evitandae invidiae ergo) Aristotelis & Aquapendentis ductum sequi, tanquam ipsemet duntaxat subtegmen adderet. De eo haud dicam amplius (ne omni meâ laude superiorem in os laudare videar:) Vobis praesertim, quibus virtus, candor, & ingenium illius optime perspecta sunt. De me ipso autem hoc solum addam: me in hoc negotio obstetricis duntaxat munus obiisse. Nempe foetum hunc, quemadmodum videtis consummatum ac perfectum, aegrè verò prodeuntem foras, & fortè auram aliquam maleficam metuentem, in lucem eduxi. Habui scilicet preli curam: & cum Auctor noster ita pingere soleat (idque viris doctis apud nos solenne dicitur) ut vix quisquam, nisi assuetus, facile legendo sit; sedulò operam dedi, ut nè hanc ob causam multum à Typographo peccaretur: quod in libello ejus non ita pridem edito, minus cautum fuisse video. Habetis itaque, Viri doctissimi, scriptionis hujus causam: nempe, ut sciatis, Harveum nostrum Reipublicae literariae vestrae commodo, Vestrae omnium dignitati, & honori suo litasse. Valete, & Ευχεται.*

PRAE-

# PRAEFATIO.



Quod multi à me petierunt, aliqui etiam efflagitarunt; non ingratum fore spero (Lector candide!) si, quae de *Generatione animalium* ex dissertationibus anatomicis observare licuit, (aliter enim multò, quam ab auctoribus, sive Philosophicis, sive Medicis tradita est, rem omnem deprehendi) exercitationibus hisce, in veritatis studiosorum gratiam, & utilitatè, exposuero.

Medici omnes, *Galenum* sequuti, ex maris & fœminae feminibus in coitu mistis, secundum hujus vel illius praedominium, fœtum huic, vel illi similem; marem item, vel fœminam procreari docent. Et aliquando maris semen efficientem causam esse, fœminae autem materiae vicem supplere; nonnunquam, contrarium profitentur.

*Aristoteles* autem (naturae diligentissimus investigator) affirmat, principia generationis esse marem, & fœminam: hanc, materiam; illum, formam tribuere: & à coitu protinus ex menstruo sanguine in utero efformari principium vitale, primamque futuri fœtus particulam (cor nempe in sanguineis) asserit.

Verùm haec falsa, & temere dicta esse, facilè constabit; & veluti tenebrarum phantasmata (adhibitâ luce anatomicâ) subitò evanescent, nec redargutionem operosam requirent, ubi per autopsiam contraria, eaque rationi consentanea, ipsemet (Lector!) propriis oculis certior factus, deprehenderit; simulque intellexeris, quam sit intuitum, imò verò turpe, citra rerum ipsarum examen, ex aliorum commentariis institui; praesertim, cum tam apertus facilisque Naturae liber sit.

Quae igitur, in his meis *Exercitationibus*, de animalium generatione traditurus sum, ea publici juris esse volui; non modò ut certam indè perspicuamque veritatem Posterì discernant; sed etiam, & quidem praecipuè, ut (expositâ, quâ ego usus fuerim, indagandi methodo) novam studiosis,



## PRAEFATIO.

& ( nisi me fallit animus ) certiore semitam ad scientias adipiscendas proponerem.

Quamvis enim iter novum & arduum sit, naturam scrutando, potius ex rebus ipsis; quam libros evolvendo, ex Philosophorum placitis erudiri: illud tamen ad naturalis Philosophiae arcana apertius, minusque in fraudem ducens agnoscendum est.

Nec est, cur jure quempiam labor deterreat; si modò secum animo reputaverit, hoc ipsum, quod vivimus, ab indefatigabili cordis nostri agitatione proficisci. Neque profectò tam desertum & solitarium hoc iter foret, nisi more ( aut vitio potius ) seculi in quo degimus, plurimi ad ignaviam proclives, mallent cum turbâ errare, quàm cum laboris aerisque impendio privatim sapere: cum tamen veteres Philosophi ( quorum nos etiam laudamus industriam ) contrarium prorsus iter institerint; atque indefessis laboribus varia rerum experimenta inquirentes, haud dubiam lucem studiis nostris praetulerint. Adeò ut, quicquid ferè hactenus in Philosophia eximii compertique habemus, id ipsum ad nos ab antiquae Graeciae sedulitate profluxerit. Eorum tamen inventis dum acquiescimus, credimusque ( quae nostra est socordia ) nihil ulterius reperiri posse; vivida ingenii acies languescit, & lampada quam nobis tradiderunt, extinguimus. Non omnem certè veritatem à Veteribus occupatam esse, quilibet fatebitur; nisi qui multa nuper in Anatomicis ( ut alias nunc artes taceam ) scitu digna inventa esse ignoraverit. Idque ab iis potissimum factum est, qui vel sedulò in rem aliquam intenti, in aliam fortuitò inciderunt; vel ( quod magis laudabile ) propriis oculis Naturae ductum sequuti, per anfractuosa quidem, sed certissima vestigia, ad veritatis tandem apicem pertigerunt. In tali profectò opere, non fatigari solum, sed etiam satisficere suave est: ubi indagandi fastidium, ipsa intuendi voluptate abunde compensatur. Solemus, rerum novarum cupidi, procul in ignotas terras excurrere, ut audita ab aliis ipsimet propriis oculis intueamur: ubi tamen plerumque

# PRAEFATIO.

----- Minuit praesentia famam.

Pudeat itaque, in hoc Naturae campo tam spaciofo, tam admirabili, promissisque majora semper perfolvente, aliorum scriptis credere; incerta inde problemata cudere; & spinosas, captiosasque disputatiunculas necere. Natura ipsa adeunda est; & semita, quam nobis monstrat, insistendum: ita enim dum oculos nostros consulimus, & à minimis exorfi ad majora promovemus pedem, ad intima tandem ipsius arcana penetrabimus.

*De modo & ordine acquirendae cognitionis.*

Quamvis ad scientiam quamlibet via unica pateat, quæ nempe à notioribus ad minùs nota, & à manifestis ad obscuriorum notitiam progredimur; atque universalia nobis præcipuè nota sint (ab universalibus enim ad particularia ratiocinando, oritur scientia;) ipsa tamen universalium in intellectu comprehensio, à singularium in sensibus nostris perceptione exsurgit. Ut verissimum sit utrumque *Aristote-* L. I. c. 3.  
*lis* pronuntiatum; tum illud in *Phyficis*; *Naturaliter constituta est via ab iis quæ sunt nobis notiora & clariora, ad ea quæ sunt clariora & notiora naturâ.* Non enim eadem sunt & nobis nota, & simpliciter: quare necesse est hoc modo progredi; nimirum, ex iis quæ naturâ quidem sunt obscuriora, nobis tamen sunt clariora; ad ea quæ sunt notiora & clariora naturâ. Ea verò sunt nobis primum perspicua & manifesta, quæ sunt magis confusa. Idcirco ab universalibus ad singularia progredi oportet: totum enim secundum sensum notius est; universale autem est totum quiddam. Tum etiam illud in *Analyticis*: *Sin-* Post 2.  
*gularia nobis notiora, & secundum sensum priora existunt: siquidem nihil est in intellectu, quod non prius fuerit in sensu. Et licet ratiocinatio naturaliter prior & notior sit, quæ per syllogismum instituitur; nobis tamen illa perspectior est, quæ fit per inductionem: ideoque facilius definimus singularia, quàm uni-*

## PRAEFATIO.

*versalia; latet enim magis aequivocatio in universalibus; quapropter à singularibus ad universalia transeundum est.*

Conveniunt illa, quae jam diximus; licet primo intuitu inter se pugnare videantur: quoniam universalia primò per sensum à singularibus hauriuntur; & eatenus duntaxat nobis notiora sunt, quatenus universale est totum & indistinctum quid; totumque nobis notius est, secundum sensum. Licet enim in omni cognitione à sensu ordiamur; quia (ut ibidem Philosophus) sensibilia singularia sensu notiora sunt; ipsa tamen sensatio est universalis. Nam (si bene animum adverteris) etsi in sensorio externo, dum sentimus, inest singulare; puta, color citrinus, in oculo: quod inde tamen abstractum a sensorio interno judicatur & intelligitur, universale est. Unde fit, ut plures eodem tempore, ab eodem objecto, varias species abstrahant, & notiones diversas concipiant. Quemadmodum in pictoribus, & poetis videre est: qui licet eodem tempore, & loco, caeterisque omnibus circumstantiis convenientibus, unum aliquod, idemque objectum intuiti fuerint; id ipsum tamen singuli diversimodè referunt, & describunt: prout nempe quisque species differentes in phantasiâ efformaverit. Ità pictor quilibet, alicujus vultum delineaturus, etiamsi millies id agat, varias semper depingit facies, easque non modò discrepantes à se invicem, sed etiam à primo exemplari: tam exiguo tamen discrimine, ut si singulas seorsum intuearis, easdem putes; collatae verò, plurimum discrepent. Hujus autem rei haec causa est: Quod in ipsa visione, sive actu videndi singulare, clarum, & distinctum erat; id ipsum mox, remoto visibili (clausis nimirum oculis) in phantasia abstractum, vel in memoria reservatum, obscurum & indistinctum apparet; neque amplius ut singulare, sed ut commune quiddam, & universale apprehenditur.

Epist. 58. Subtilitatem hanc Seneca, ad mentem Platonis, verbis disertissimis explicuit, *Idea*, inquit, *est eorum, quae natura sunt, exemplar aeternum. Adjiciam definitioni interpretationem, quò tibi res apertior fiat. Volo imaginem tuam facere:*  
*exem.*



## P R A E F A T I O.

*exemplar picturae te habeo, ex quo capit aliquem habitum mentis, quem operi suo imponat. Ità illa quae me docet & instruit facies, à qua petitur imitatio, Idea est. Paucisque interpolatis ait: Paulò antè pictoris imaginem utebar: ille, cum reddere Virgilium coloribus vellet, ipsum intuebatur; Idea erat Virgii facies, futuri operis exemplar: ex hac quod artifex trahit, & operi suo imposuit, id est. Quid intersit, quaeris? Alterum exemplar est, alterum forma ab exemplari sumpta, & operi imposita: alteram artifex imitatur, alteram facit. Habet aliquam faciem statua, haec est Idos: Habet aliquam faciem exemplar ipsum, quod intuens opifex, statuam figuravit; haec idea est. Etiamnum aliam desideras distinctionem? Idos in opere est; Idea extra opus: nec tantum extra opus est, sed ante opus. Quae enim prius animadversa sunt, atque usu, sive consuetudine firmiter impressa manent in animo artificis, ea artem ipsam, habitumque effectivum constituunt: siquidem ars est ratio operis, in animo Artificis. Quo pacto igitur ars nobis advenit; eodem omnino cognitio omnis & scientia acquiritur: nam ut ars circa faciendam, ità scientia circa cognoscendam, est habitus: ut illa ab imitatione exemplarium; ità haec, à rerum naturalium cognitione procedit. Utriusque origo est sensus, & experientia; cum fieri nequeat, ut alterutri (nisi spectatis exemplaribus) rectè insit vel ars, vel scientia. In utrisque differt id, quod in rebus sensibilibus speculamur; à specto ipso, quod in phantasia, vel memorià retinetur. Illud exemplar, Idea, forma informans, hoc, imitandum, Idos, species abstracta. Illud res naturalis, ens reale; hoc repraesentatio, sive similitudo, & ens rationis. Illud, circa rem singularem versatur, ipsumque est singulare, & individuum: hoc, universale quid, & commune. Illud, in omni artifice & sciente, est sensibile, clarius, & perfectius: hoc, intelligibile & obscurius. Quippe certiora nobis, & manifestiora, quae à sensu percipiuntur, quàm quae ab intellectu; siquidem haec ab iis proveniunt, & illustrantur. Denique, sensibilia sunt per se, & priora: intelligibilia autem, posteriora, &*

## P R A E F A T I O.

ab illis orta ; cùm nobis ne inesse quidem possint , citra illorum opem.

Quare , absque recto sensus adminiculo , crebris observationibus , certaue experientiâ adhibito ; de phantasmatis & apparentiis mente nostrâ comprehensis , perperam judicabimus. In omni nempe disciplinâ , diligens observatio requiritur ; & sensus ipse saepe consulendus est. Propriâ , inquam , experientiâ nitendum est , non alienâ , quâ sine , nemo idoneus ullius naturalis disciplinae auditor ; aut de iis , quae de generatione dicturus sum , aequus Judex fuerit ; siquidem ista citra experientiam , & Anatomicam peritiam , haud melius intellexerit , quàm caecus natus , de colorum naturâ , & discrimine ; aut surdus , de sonis judicaverit. Quapropter ( cordate Lector ! ) nolo mihi , de *Generatione animalium* scribenti , quicquam credas : ipsos oculos tuos mihi testes , & judices appello. Quoniam enim scientia omnis perfecta , iis principiis innititur , quae ex sensu compertis originem ducunt ; singulari cura enitendum , ut per frequentes animalium dissectiones , eadem perspecta & explorata habeas. Secus si feceris , opinionem quidem tumidam , & fluctuantem acquires ; solidam autem , certamque scientiam non assequeris. Quemadmodum iis usu venit , quî in sculptis pictisve tabulis , longinquas terras , atque urbes , vel corporis humani partes interiores , sub falsa imagine intuentur. Atque hinc factum , ut luxuriante hoc aevo plurimi sint scriptores , & sophistae ; pauci admodum sapientes , & Philosophi.

Atque haec , velut in promulsidem , praelibare placuit ; ut intelligas , quibus auxiliis fretus , & quo consilio ductus , observationes has meas : & experimenta publici juris fecerim : utque ipsemet , iisdem vestigiis insistens , non modò inter *Aristotelem* , & *Galeum* aequum judicium feras ; sed , relictis argutiis , & verisimilibus conjecturis , ipsamque autopsiam amplectendo , plurima adhuc aliis incognita , & quidem praestantiora , reperias.

# PRAEFATIO.

*De iisdem ad mentem Aristotelis.*

**N**ulla cognitio nobis innata est, ex sententia *Aristotelis*. Neque enim opinio, nec ars, nec intellectus, nec loquela, nec ratio ipsa, à natura, & ortu primo nobis insunt: sed omnia haec in eorum censu habenda, quae extrinsecus nobis secundum naturam adveniunt: Ut etiam qualitates, & habitus illi, qui spontanei existimantur, & in potestate nostra siti sunt; ut virtutes, & vitia, ob quae homines vel laudantur, vel vituperantur, & puniuntur. Acquirenda igitur est cujuslibet rei notitia. Quanam verò sint prima hujus cognitionis principia, non est hujus loci determinare.

Unde autem, & quomodo, ipsa notitia nobis adveniat, hic praemittere, non inutile fore arbitror!; tum ad perfectiorem de generatione animalium intelligentiam, tum etiam ad tollendum dubium, quod ex *Aristotelis* sententia quis deduxerit. Hic enim doctrinam omnem, & disciplinam dianoëticam, ex antecedente cognitione fieri, asserit: Unde videatur sequi, aut nullam esse notitiam primam, aut illam nobiscum nasci; quod praedictis est dissentaneum.

Dubium hoc postea ab ipsomet *Aristotele* solvitur, ubi modum, quomodo cognitio acquiratur, docet. Nam postquam cognitionem omnem certam, per syllogismum, & demonstrationem haberi docuerat; atque omnem syllogismum demonstrativum, ex primis principiis, veris, & necessariis constare, manifestum fecerat; tandem, quomodo principia nota fiant, & quis sit notificans habitus, inquit; simul etiam, utrum habitus cum non insint, ingenerentur, an, cum inessent, laterent? Non habemus (inquit) eos habitus; accidit enim ut eos qui habent cognitiones demonstratione, lateant. Si verò eos accipimus, cum antea non haberemus, quomodo notum faceremus, & disceremus ex non antecedente cognitione. Perspicuum igitur est, neque haberi, nec in ignorantibus, ac nullo habitu praeditis gigni posse. Quare necesse est, facultatem quandam haberi non

*Analyt.  
post. L. 1.  
t. 1.*

*16. 1. 2.  
c. ult.*



## P R A E F A T I O.

tamen talem, quae his praestantior sit, tanquam exquisitior. Videtur autem hoc inesse omnibus animalibus: habent enim vim congenitam judicativam, quam appellant sensum. Cum autem sensus insit; in aliis animalibus, res sensu percepta manet, in aliis, non manet. In quibus igitur non manet; haec aut omnino, aut eorum quae non manent, cognitionem, non habent, extra τὸ sentire: alia verò cum sentiunt, unum quid in anima retinent. Cum autem multa animalia hujusmodi sint, jam est discrimen quoddam; adeò ut in aliis ratio fiat ex hujusmodi rerum memoriâ; in aliis non fiat. Ex sensu igitur fit memoriâ, quemadmodum dicimus: ex memoria verò saepe ejusdem rei facta, fit experientia. multae enim numero memoriae, sunt una experientia. At verò ex experientia, sive ex omni & universali quiescente in animâ (nimirum, uno praeter multa, quod in omnibus illis inest unum & idem) fit principium artis, & scientiae: artis, si pertineat ad generationem; (viz. agenda, vel efficienda; ) scientiae, si pertineat ad id quod est (viz. cognitionem entis.) itaque nec insunt definiti habitus; nec fiunt ex aliis habitibus notioribus, sed ex sensu.

Quibus Aristotelis verbis clarè constat; quo ordine cujuslibet artis, aut scientiae cognitio acquiratur. Nempe, ex sensu permanet sensatum, ex permanentiâ sensati, fit memoria: ex multiplici memoriâ, experientia: ab experientia, ratio universalis, definitiones, & maxima, sive axiomata communia, cognitionis certissima principia. ex. gr. Idem, eidem, secundum idem, esse, & non esse, impossibile. Omnis affirmatio, vel negatio, aut vera est, aut falsa; & hujusmodi alia.

Quare, ut suprâ diximus, nulla perfecta cognitio, quae nostra appellanda sit, nobis inest; nisi ab experientia à nobis factâ, & sensu nostro, aliquo modo proficiscatur; vel saltem ab his examinetur, comprobetur, & super cognitionem aliquam in nobis praeexistentem firmissimè exstructa appareat. Quippe sine memoriâ, nulla fit experientia; quae nihil aliud est, quàm multiplicata memoria: similiter, memoria esse nequit, sine permanensione sensati: & sensatum per-

# PRAEFATIO.

permanere non potest, in quo nunquam fuerit.

Elegantissimè iterum, ad eundem sensum, summus Philosophiae Dictator: Omnes homines naturâ scire desiderant. Phil. l. r. taph. c. 1.

Signum autem est, sensuum dilectio: inter quos, prae caeteris, visum eligimus; quia hic vel maximè nos cognoscere quicquam facit, multasque differentias manifestat. Naturâ itaque animalia sensum habentia fiunt: à sensu verò quibusdam eorum non innascitur memoria, quibusdam autem innascitur. Et ob hoc, alia prudentia, alia disciplinarum capaciora sunt, quàm illa quae memorare non possunt. Prudentia quidem absque eo quod discant; quaecunque scilicet audire sonos non possunt, ut apes, & si quod animalium genus simile est. Discunt autem quaecunque unâ cum memoriâ hunc quoque sensum habent. Caetera igitur phantasiis ac memoriis vivunt; experientiâ verò parùm participant. Humanum autem genus arte etiam ac ratiocinationibus. Fit autem ex memoriâ, experientia hominibus: multae etenim ejusdem rei memoriae, unius experientiae vim efficiunt. Quare experientia penè simile quid scientiae ac arti esse videtur. Apud Plat. in Gorgia. Per experientiam autem ars & scientia hominibus efficitur. Experientia enim (ut rectè ait Polus) artem efficit, imperitia verò casum.

Quibus manifestè docet, non posse quempiam prudentem, aut scientem verè dici, qui non propriâ experientiâ (ex multiplici memoriâ, frequenti sensatione, atque observatione diligenti acquisitâ) rem itâ prorsus sese habere intellexerit. Sine illâ enim, opinamur duntaxat, aut credimus scientia autem talis, aliorum potius, quàm nostra censenda est. Quare inepta prorsus, & erronea est, usitata hodie veritatis indagandae methodus: dum plurimi sedulo inquirunt, non quid res sint, sed quid ab aliis dicantur: deductaque ex singularibus praemissis universali conclusione, factoque indè saepe perperam analogismo, verisimilia plerunque ad nos, pro veris, transmittunt? Hinc factum, ut scioli multi, & Sophistae aliorum inventa expilantes, eadem passim (ordine solummodo, verbisque immutatis, paucisque nullius momenti adjectis) pro suis audacter vendi-

## PRAEFATIO.

tent ; Philosophiamque , ( quam certam , & perspicuam esse oportuit ) obscuram , intricatam , & confusam reddant. Qui enim Autorum verba legentes , rerum ipsarum imagines ( eorum verbis comprehensas ) sensibus propriis non abstrahunt , hi non veras Ideas , sed falsa Idola , & phantasmata inania mente concipiunt ; unde umbras quasdam & Chimaeras sibi fingunt ; totaque ipsorum theoria , sive contemplatio , ( quam tamen scientiam arbitrantur ) vigilantium insomnia , aut aegrotantis animi deliria repraesentat.

De gen.  
an. 1. 3.  
c. 10.

Insufurro itaque in aurem tibi , ( amice Lector ! ) ut , quaecunque à nobis in hisce de *Generatione animalium* exercitationibus tractabuntur , ad exactam experientiae trutinam pensites ; fidemque iis non aliter adhibeas , nisi quatenus eadem indubitato sensuum testimonio firmissimè stabiliri deprehenderis. Idem quoque suasit Aristoteles ; qui , cum de apibus plusscula egisset , tandem ait : *Generatio apum ità se habere videtur , tum ratione , tum etiam iis quae in earum genere evenire visuntur. Non tamen satis adhuc explorata , quae eveniant , habemus. Quid si quando satis cognita habebuntur , tunc sensui magis erit quàm rationi credendum. Rationi etiam fides adhibenda est ; si , quae demonstrantur , cum iis rebus conveniunt , quae sensu percipiuntur.*



# P R A E F A T I O.

## D E M E T H O D O

### I N C O G N I T I O N E

# G E N E R A T I O N I S

## A D H I B E N D A.

**Q**Uoniam igitur in Generatione animalium ( ut etiam in caeteris rebus omnibus, de quibus aliquid scire cupimus ) inquisitio omnis à cauſſis petenda eſt, praefertim à materiali, & efficiente; viſum eſt mihi, ad animalia perfectà retroſpiciendo, ( quibus nempe gradibus orta, & adulta fuerint ) tanquam à metâ ad carceres, veſtigia recolligere : ut tandem, cùm ulterius non detur reſſus, nos ad ipſa principia perveniſſe conſtet : ſimulque appareat, ex quâ materiâ primâ, à quo efficiente principali, & quomodo ex iſdem procedat viſ plastica : tum etiam, quos proceſſus in hoc opere natura faciat. Materia enim prior, & remotior, auferendo, vel negando, ( tanquam veſtitu exuta ) magis inclareſcit ; & quicquid principium prius fit, id quaſi materiale principium quoddam eſt poſterioris. Ità, ex.gr. antequam homo vir evaderet, erat puer, ( quippe ex puero in virum crevit : antequam puer eſſet, fuit infans ; antequam infans, embryo. Quarendum autem porro, quidnam in utero materno fuerit, antequam embryo, ſive foetus eſſet : Num tres bullae ? ſive rudis, indigeſtaque moles ? ſeminumve permixtorum conceptus, vel coagulum ? ſive aliud quippiam ? prout ab Autoribus ſtatutum eſt.

## P R A E F A T I O.

Similiter, antequam gallus, vel gallina perficitur, (perfectum autem animal dicitur, quod sui simile generare potest) pullus erat; ante quem pariter, in ovo, embryus sive foetus cernitur: atque ante hunc, *Hieronymus Fabricius ab Aquapendente*, capitis, oculorum, & spinæ rudimenta observavit. Sed cum asserit, ossa prius facta esse, quam musculos, cor, jecur, pulmones, omniaque praecordia; & interiora omnia, prius exterioribus debere existere contendit rationibus potius nititur probabilibus, quam autopsiâ; & posthabito, per dissectiones, sensuum judicio, ad ratiunculas è mechanicis petitas confugit: quod Anatomicum egregium minimè decuit. Hujus enim erat, oculorum bonâ fide enarrare, quid in ovo quotidie mutatum deprehenderit, antequam foetus in eodem perficeretur. Praesertim cum ipsemet ex professore de *Generatione pulli ex ovo* historiam scripserit; & quid singulis diebus ageretur, picturis adumbraverit. Erat, inquam, tantae diligentiae consentaneum, quid in ovo prius, simul, aut posterius fieret, ipso sensuum testimonio nos certiores facere: non autem, ad exemplum domus, aut navis, de ordine partium, & formationis modo, opinionem, sive conjecturam umbratilem proponere.

Nos igitur (secundum methodum à nobis propositam) primum in ovo, deinde in aliis quoque diversorum animalium conceptibus, quid prius, & quid posterius à summo naturae numine, cum providentiâ, & intellectu inimitabili, ordineque admirabili constituatur, exponemus; simulque tandem, de materia prima ex quâ, & efficiente primo à quo, deque generationis ordine, & oeconomia, quae observata à nobis fuerint, enarrabimus: ut inde, de quacunque formatricis, & vegetantis animae facultate, ex operibus ipsius; de animae naturâ, ex membris, sive organis, eorumque functionibus, aliquid certi intelligamus.

Non potuit quidem hoc fieri in omnibus animalibus;

## P R A E F A T I O.

tum, quod aliquorum copia non suppeteret; tum etiam, quod quorundam subtilitas visus nostri aciem effugeret. Sufficiet igitur, quod in quibusdam generibus, nobis notioribus, id praestiterimus; ad quorum normam, reliquorum etiam animalium primordia reducuntur.

Ea itaque elegimus, quae fidem nobis in experiendo magis indubitata redderent: animalia nempe majora, perfectiora, & quae in potestate nostrâ sita essent. In majoribus enim, magis conspicua; in perfectioribus, distincta magis; & in iis, quae in potestate nostrâ sunt, & nobiscum versantur, maximè obvia sunt omnia: ut fas sit, (quoties libuerit) eadem introspeciendo, observationes nostras ab incertis haesitationibus expedire. Atque hujusmodi sunt, in oviparorum quidem genere, gallina, anser, columba, anas, pisces, crustata, testacea, mollia, ranae, serpentes, insecta, ut apes, vespae, papiliones, bombyces: in viviparorum autem censu, oves, caprae, canes, feles, jumenta bisulca; &, prae caeteris, animalium omnium perfectissimus, homo ipse.

His perspectis, & cognitis, naturam animae vegetativae abstrusam contemplari; & in omnibus animalibus, generationis modum, ordinem, atque causas intelligere licebit: quia caetera animalia omnia, cum jam dictis, aut eorum nonnullis, in eadem specie, aut genere conveniunt; & eodem generationis modo procreantur, vel saltem ad illa per analogiam referri possunt. Natura enim divina, & perfecta, in iisdem rebus semper sibi consona est. Et sicut opera ejus vel conveniunt, vel discrepant, (nempe aut genere, aut specie, aut proportionem aliquâ) ita & operatio ejusdem, (generatio scilicet sive fabricatio) in iis, vel eadem, vel diversa est. Qui novum hoc, atque inusitatum iter ingreditur, & ex ingenti naturae volumine, per dissectiones anatomicas, ac experimenta, veritatem inquirat; ei tanta observatorum copiâ, tamque peregrinâ facie sese offert; ut à se inventa, & observata explicare aliis ac describere diffi-



# P R A E F A T I O.

ciliùs possit, quàm ipsimet eadem invenire laboriosum fuerat: adeò multa occurrunt, quae nomina desiderant; tantaque est rerum foecunditas, & verborum egestas. Quòd si per metaphoras ea explicare, & antiquis atque usitatis vocabulis, conceptus suos de nuper-repertis exprimeret; ea lector haud meliùs, quàm aenigmata, intelligere; remque ipsam, haud visam, neuiquam assequeretur. Novis autem, fìctisque appellationibus usus, sententiae suae non tam faciem adhibere, quàm nubem offundere videretur. Scilicet, ignotum, per ignotius exponeret: maioremque operam lector verborum interpretationi, quàm rerum ipsarum intellectui impenderet. Ideoque rerum inexpertis *Aristoteles* multis in locis obscurus creditur: & fortassis ob hanc causam, *Fabricius ab Aquapendente* fabricam pulli in ovo picturis potiùs ostendere, quàm verbis explicare maluit.

Quare, Lector benevole, nè aegrè feras, si in exorandà ovi historiâ, & generationis pulli descriptione, novâ methodo, & verbis aliquando insolitis usus fuerim: neve existimes, me vanae gloriolae studio potiùs innotescere, quàm veris, & ex rerum naturâ depromptis observationibus, prodesse, maluisse. Id ne fieret, aliorum, qui in hoc negotio mihi facem praetulerunt, insisto vestigiis; eorumque (quoad licuit) utor verbis. Prae caeteris autem, *Aristotelem* ex antiquis; ex recentioribus verò Hieronymum *Fabricium ab Aquapendente*, sequor; illum, tanquam *Deum*; hunc, ut *Praemonstratorem*. Quemadmodum enim qui novas terras, & peregrina litora primi reperiunt, nova illis nomina imponunt, quae apud posteros manere solent; ità quoque inventoribus rerum, primisque scriptoribus, rebus ab iis repertis impositio nominum bono jure debetur. Audioque hic Galenum monentem, *modò de rebus constat, de verbis non esse litigandum.*

# I N D E X E X E R C I T A T I O N U M

*Quae in hoc Libro continentur.*

## E X E R C I T A T I O I.

A	B ovo gallinaceo ducatur exordium.	Pag. 1
II.	De generationis loco.	3
III.	De uteri Gallinae parte superiore sive ovario.	4
IV.	De Infundibulo.	11
V.	De gallinae uteri parte exteriori.	12
VI.	De Gallinae Vulva.	21
VII.	De Gallinae, aliarumque avium ventre.	26
VIII.	De reliquarum uteri partium, in Gallina, situs, & fabrica.	29
IX.	De generationis Ovi.	33
X.	De Ovi incremento, & exitu.	ibid.
XI.	De Ovi Cortice.	36
XII.	De reliquis Ovi partibus.	43
XIII.	De Ovorum differentiis.	47
XIV.	De generatione foetus ex Ovo gallinaceo.	56
XV.	Prima Ovi inspectio: sive, quid primus incubationis dies in Ovo produxerit.	59
XVI.	Secunda Ovi inspectio.	62
XVII.	Tertia Ovi inspectio.	65
XVIII.	Quarta Ovi inspectio.	74
XIX.	Quinta Ovi inspectio.	82
XX.	Inspectio sexta.	86
XXI.	Inspectio post diem decimum.	87
XXII.	Inspectio post diem decimum quartum.	90
XXIII.	De pulli exclusione, sive partu ex Ovo.	94
XXIV.	De Ovis gemellificis.	97

## E X E R C I T A T I O XXV.

Porismata quaedam ex praedicta Ovi historia desumpta.	100
XXVI. Quid sit Ovum.	100
XXVII. Ovum non esse opus uteri, sed animae.	109
XXVIII. Ovum non fieri absque Gallina.	114
XXIX. Quomodo ovum perfectum, & foecundum fiat à mare & foemina secundum Aristotelem?	117
XXX. Disquisitionis hujus, de foecunditate, utilitas.	120
XXXI. Ovum non eo modo à Gallo & Gallina provenire, quo voluit Aristoteles	122
XXXII. Neque eo modo, quo Medici arbitrantur.	123
XXXIII. Marem, & foeminam, pariter efficientes esse Generationis.	125
XXXIV. De Ovi materia, contra Medicos & Aristotelicos.	126
XXXV. Quatenus Gallina sit efficiens in generatione ovi, ex sententia Aristotelis? & cur maris auxilio opus sit.	129
XXXVI. Ovum Gallinaceum perfectum, est bicolor.	131
XXXVII. Quomodo Ovum albumine augeatur.	134
XXXVIII. Quid Gallus & Gallina generando Ovo conferant.	136
	XXXIX.

# INDEX EXERCITATIONUM.

XXXIX.	De Gallo quaedam notatu digna.	138
XL.	De Gallina.	141
XL I.	Quomodo Gallina dicatur efficiens primum: denique ejus partu.	147
XL II.	Quomodo fit generatio Pulli ex Ovo.	151
XL III.	Quot modis pullus ex Ovi fieri dicatur.	153
XL IV.	Fallitur Fabricius, circa materiam generationis Pulli in Ovo.	155
XL V.	Quanam sit Pulli materia, & quomodo fiat in Ovo.	161
XL VI.	De caussa efficiente generationis pulli, & foetus.	167
XL VII.	Efficiens caussa Pulli, quomodo operetur, secundum Aristotelem.	171
XL VIII.	Sententia Fabricii, de caussa Pulli efficiente, refellitur.	177
XL IX.	Causa Pulli efficiens, inquisitu ardua.	181
L.	Quae sit animalium caussa efficiens; ejusque conditiones.	186
LI.	De Generationis ordine: & primum, de particula genitali prima.	198
LII.	De Sanguine, prout est pars principalis.	205
LIII.	Quaenam colligenda veniant, ex ductu venarum umbilicalium in Ovo.	218
LIV.	De ordine partium in generatione ex Ovo, secundum Fabricium.	223
LV.	De ordine partium in generatione, ex sententia Aristotelis.	233
LVI.	De ordine partium in generatione, ut ex observationibus constat.	240
LVII.	Paradoxa quaedam, & problemata, circa banc rem pensanda.	252

## EXERCITATIO LVIII.

De Nutritione Pulli in Ovo.		p. 260
LIX.	De totius ovi utilitatibus.	268
LX.	De vitelli & albuminum utilitatibus.	270
LXI.	De caeterarum Ovi partium utilitatibus.	280
LXII.	Ovum esse primordium commune omnibus animalibus.	282

## EXERCITATIO LXIII.

De Generatione Viviparorum.		p. 287
LXIV.	Historia generationis Cervarum, & Damarum, ceu reliquorum viviparorum exemplar ponitur: factique ratio redditur.	292
LXV.	De Cervarum & Damarum utero.	293
LXVI.	De Cervarum & Damarum coitu.	300
LXVII.	De constitutione, sive immutatione uteri Cervarum, & Damarum, mense Septembri.	302
LXVIII.	Quid iis eveniat mense Octobri.	304
LXIX.	Quid in utero Damarum contingat, mense Novembri.	308
LXX.	Conceptus Cervarum & Damarum ut se habeat mense Decembri.	318
LXXI.	De calido innato.	328
LXXII.	De Humido primigenio.	339

## ADDITAMENTA.

De Partu.		345
De Uteri Membranis & Humoribus.		372
De Humoribus.		378
De Membranis.		381
De Placenta.		384
De Acetabulis.		386
De Umbilico.		387
De Conceptione.		393



DE

GENERATIONE.

AB OVO GALLINACEO CUR DUCATUR  
EXORDIUM.

EXERCITATIO I.



*Jeronymus Fabricius ab Aquapendente* (quem mihi, ut dixi, praemonstratorem constitui) initio libri sui de *Formatione Ovi & Pulli*, haec habet: *Intentio nostra est, de omni Formatione foetus agere; initio ab ea, quae ab ovo procedit, desumpto. Haec enim omnem aliam tractationem praecedere debet: tum quia ex hac Aristotelis opinionis intelligentia non difficulter elicitur, & habetur; tum quia tractatio Formationis foetus ex Ovo amplissima est; & altera longe latior, & difficilior.*

Nos autem ab Ovi historia exordiendum duximus, tum ob praedictas causas; tum etiam, quia inde certiora dogmata mutuamur, quae (utpote notiora nobis) quorumlibet animalium generationis contemplationi lucem afferant. Ova enim cum parvo content, omnique tempore, & loco in promptu sint, facile ex iis observatu est, quatenam sint clara & distincta generationis primordia; quos in formatione progressus natura faciat; & quam admirabili providentia omnia in hoc opere gubernet.

*Pergit Fabricius: Amplissimam autem esse formationis foetus ex ovis contemplationem, ex eo patet, quod maxima animalium pars ex ovis gignitur. Nam ut insecta ferme omnia, & imperfectiora omittam animalia, quae ex ovo fieri, sensui apparet, ex perfectioribus quoque maxima pars ex ovis gignitur.*

tur. Ad hunc censum refert pennata omnia ; pisces quoque (praeter sola cetacea) omnes ; item crustacea , testacea , & mollia omnia ; ex terrestribus , reptilia , multipedia , & serpentina omnia ; atque , inter quadrupedia , omne lacertorum genus.

Nos autem asserimus , ( ut ex dicendis constabit ) omnia omnino animalia , etiam vivipara , atque hominem adeo ipsum ex ovo progigni , primosque eorum conceptus , è quibus foetus fiant , ova quaedam esse ; ut & semina plantarum omnium. Ideoque non inepte ab Empedocle dicitur , *Oviparum genus arboreum*. Habet itaque historia ovifusorem contemplationem ; quod ex ea generationis cujuslibet modus elucescat.

Arist. de  
gen. an. l.  
1. c. 40.

Quare de eo primum dicemus , ubi , unde , & quomodo oriatur. Deinde , quo pacto , & ordine , quibusque gradibus , foetus , sive pullus in ovo , & ex illo , formetur , dispiciemus.

Iterum Fabricius : *Animalium foetus , alius ex ovo , alius ex semine , alius ex putri gignitur ; unde alia ovipara , alia ex putri , seu sponte naturae nascentia , αὐτοματὰ Graece dicuntur.*

Mihi vero haec divisio minus placet ; cum omnia animalia dici possint quodam modo ex ovo ; & quodam modo ex semine oriri ; & à partu potius , quam à prima origine , ovipara , vivipara , sive vermipara dicantur ; quoniam vel ovum , vel vermem , vel vivum animal pariunt. Item sponte nascentia dicuntur ; non quod ex putredine oriunda sint ; sed quod casu , naturae sponte , & aequivoca ( ut ajunt ) generatione , à parentibus sui dissimilibus proveniant. Quippe alia etiam animalia , ovum , aut vermem , tanquam conceptum suum & semen pariunt ; ex quo postea , foris expositio , foetum producant : unde ovipara , aut vermipara appellantur. Vivipara autem dicuntur , quia conceptum , sive semen tamdiu intra se retinent & foveant , donec foetus inde vivus , & formatus in lucem prodeat.

## DE GENERATIONIS LOCO.

## EXERCITATIO II.

**N**atura (inquit *Fabricius*) inprimis de loco fuit sollicita; quem aut in animali, aut extra animal constituit: atque in animali, uterum esse voluit; extra vero, ovum: in utero quidem, ex semine, & sanguine, in ovo vero, ex iis, quae in ipso consistunt, foetus generationem molita est.

Quaecumque enim ex femine vere dicto procreantur, ea vel in eodem loco & oriuntur, & perficiuntur; vel in diversis. *Vivipara* omnia, in ipso utero incunabula sua habent, & complementum: *Ovipara* autem, ut intra parentem prima ducunt exordia, & ovum fiunt; ita, extra eam, in foetum perficiuntur. Et in horum numero, alia ovum eousque intra se servant, donec maturum & perfectum fuerit; ut genus pennatorum, & quadrupedum oviparorum, ac serpentum. Alia vero semen adhuc imperfectum & immaturum excludunt; incrementum & perfectionem, sive maturitatem, foris acquisitum: ut plurima genera piscium, ranae, item mollia, crustata, testacea, & cochleae: quorum ova primum exposita, sunt veluti origines duntaxat, inceptiones, & vitelli; qui postea albumina sibi ipsis circumcirca induunt, tandemque alimentum sibi attrahentes, concoquentes, & apponentes, in perfectum semen, atque ovum evadunt. Talia quoque sunt insectorum semina (*vermes* ab *Aristotele* dicta) quae initio imperfecte edita, sibi victum quaerunt, indeque nutriuntur & augentur, de eruca in aureliam; de ovo imperfecto, in perfectum ovum, & semen. Gallina autem, & reliqua omnia ovipara, perfectum ovum excludunt; unde, extra uterum, foetum generant. Ideoque *Aquapendens* duo generationis loca constituit; unum internum, nempe uterum; alterum externum, quem ovum dicit. Sed meliore jure, (mea quidem sententia) nidum, sive repositorium, externum



## 4 DE GENERATIONE.

num locum appellasset : in quo scilicet exclusum semen fovetur , maturatur , & in foetum perficitur. Ab hujus enim loci differentia , *oviparorum* generatio potissimum discriminatur. Et profecto res admiratione digna est , animalcula illa locum hunc tanta providentia eligere ; eundemque arte & ingenio haud imitabili fingere , fabricare , munire , & abscondere ; adeo , ut inesse iis divinae aurae particulam , (quod *Poëta* de apibus asseruit) confiteri necesse sit ; & indoctam eorum artem , atque sapientiam , mirari nobis potius , quam assequi concedatur.

### DE UTERI GALLINAE PARTE SUPERIORE, SIVE OVARIO.

#### EXERCITATIO III.

**U**terus gallinae à *Fabricio* dividitur in *superiorem* & *inferiorem* : *Superiorem* *Ovarium* nominat.

*Locus ovarii* positus est statim infra jecur ad spinam , supra arteriam magnam descendantem. Quo enim loco , in majoribus animalibus sanguineis , *arteria coeliaca Mesenterium* ingreditur , ad exortum nempe venarum *emulgentium* , vel paulo inferius ; & quo loco caeteris animalibus sanguineis & viviparis vasorum praeparantium , ad testiculos tendentium , exortus ; & ubi gallus suos *testiculos* gerit , ibi etiam gallinae *ovarium* reperitur. Quaedam enim animalia testiculos foris , alia intus ad lumbos gerunt ; media quasi ab origine praeparantium intercapedine. *Gallus* vero ad ipsum eorundem exortum , suos habet : quasi ipsius genitura praeparatione nulla indigeret.

*Aristoteles* dicit , ad *septum transversum ovum* inchoari. Nos autem , inquit , *Fabricius* , in *respirationis tractatu* , negavimus pennata *septum* obtinere. Solvitur dubium , pennata *septo* prorsus non destitui ; quia *membranam* habent tenuem loco *septi* positam , quam *Arist.* cinctum , & *septum* appellavit : sed non habent *septum* , quod *musculus* sit , & ad *respirationem*

con-

*conferat ; ut alia animalia. Aristoteles autem musculum non agnovit.*

Ita eodem halitu, culpam, quam summo *Philosopho* afflaverat, diffiat, ipsemet vero erroris haud immunis. Quippe certum est, & *Aristotelem* musculos agnovisse; (ut alibi à nobis observatum, & demonstratum est) & membranas in avibus, (non modo transversim positas ad cinctum corporis, sed & secundum ventris longitudinem protensas) vicem *diaphragmatis* subire, & ad respirationem conferre; ut alibi in exercitationibus de respiratione animalium luculenter probavimus. Et, ut alia nunc taceam, *avis*, prae caeteris animalibus, non modo facillime respirat, sed vocem etiam in cantu diversimode modulatur: cum tamen ejus *pulmones* lateribus & costis adeo affixi sint, ut parum admodum dilatari, assurgere, & contrahi possint.

Quin etiam (quod tamen à nemine hactenus observatum memini) earum *bronchia*, sive asperae arteriae fines in abdomen perforantur, aëremque inspiratum intra cavitates illarum membranarum recondunt. Quemadmodum pisces, & serpentes intra amplas vesicas in abdomine positas, eundem attrahunt; & reservant; eoque facilius natare existimantur: & ut *ranae*, ac *bufones*, cum aestate vehementius respirant, aëris plus solito in vesiculas numerosissimas absorbent, (unde earum tam ingens tumor) quò eundem postea in coaxatione liberaliter exspirent: Ita in *pennatis*, pulmones potius *transitus*, & via ad respirationem videntur, quam hujus adaequatum organum. Quod si à *Fabricio* observatum esset, non negasset, membranas illas (saltem cum musculorum ventris adminiculo) respirationi inservire, & *diaphragmatis* officium praestare: cum hoc non sine musculorum ventris adminiculo, instrumentum respiratorium sit; aliudque ei munus incumbat in iis, quibus carnosum sive musculosum contingit. Nimirum, ut ventriculum cibo turgidum, & intestina faecibus flatuque distenta deprimat; ne cor, & pulmones ab eorum ingressu patiantur angustias, vitaeque penetralia opprimantur.

Cujus periculi cum in *avibus* nullus sit metus, septum membraneum iis donatum est, respirationibus usibus valde accommodum: ideoque *diaphragma* habere merito dicuntur. Quin etiam licet aves diaphragmate penitus destituerentur, non propterea tamen reprehendendus foret *Aristoteles*, dum ova ad septum transversum inchoari scribit: quippe hoc nomine locum duntaxat designat, ubi *diaphragma* in aliis animalibus reperiri solet. Quemadmodum nos etiam dicimus, ovarium esse ad exortum vasorum spermaticorum praeparantium; licet gallina vasis his praeparantibus careat.

Perforatio pulmonum, à me inventa (cujus modo meminimus) haud obscura, & caeca est; sed, in pennatis praesertim, patula admodum, adeo ut in *Struthiocamelo* meatus plurimos repererim, qui digitorum meorum apices facile exciperent. In gallo Indico & gallinaceo ipso, omnibusque fere pennatis, immisso in *trachaeam* stylo, transitus è pulmonibus in cavitates abdominis apertos & patentes invenias. Aër in eorum pulmones follium opera inspiratus, non sine impetu ad inferiora pertransit.

Imo verò dubitare liceat, an non in homine etiam, dum vivit, aër per dictos meatus, in thoracis cavitatem penetret. Quomodo enim aliter, empyicorum pus, & pleuriticorum extravenatus sanguis, illac effluant? in vulneribus pectoris (illaesis etiam pulmonibus) aër per vulnus foras erumpat? aut liquores in cavitatem pectoris injecti, cum sputo reddantur? Verum hac de re alibi, in *Exercitationibus* nostris, de respirationis causis, organis, & usu, plane, pleneque dictum est.

Hist. an. 1. Redeo ad Ovarium, & superiorem uteri gallinae partem;  
6. c. 2. in qua ovorum rudimenta inchoantur; quae initio (secundum *Arist.*) minuta sunt, & candida; adaucta postea, lutea, & flava conspiciuntur.

Uterus *Fabricii* superior, revera nullus est, nisi postquam gallina concepit, & ovorum primordia in se habet; quae merito congeriem popularum dixeris. Id-  
eoque



eoque rectissime ait : *Superior matrix nil aliud est , quam infinita propemodum vitellorum multitudo , quae in uno veluti acervo conglobata conspicitur , rotundae figurae , & cuiusvis magnitudinis , in qua à minimo ad maximum ea intercedit differentia , quae est à grano sinapis ad fructum fere nucis juglandis , aut mespili . Haec vitellorum multitudo simul quasi racematim apposita , collecta , & conjuncta est : ob quam causam ego perpetuo vitellarium , aut potius vitellorum racemum appellabo ; quia uvarum racemo quam simillima est . Quod & Arist. de mollibus dixit , cum ait : reddunturque ova eorum glutine cohaerentia ad speciem uvae , Etenim sicuti in racemo , uvae , seu acini sunt tum majores , tum minores , tum minimi , singuli suo pediolo appensi ; sic in proposito vitellorum racemo videre est .*

At vero in piscibus , ranis , crustatis , & cochleis res aliter se habet . Haec enim ova ejusdem omnia magnitudinis in se continent ; quae foras emissa , simul augentur , perficiuntur , & foetus excludunt . In gallinae ovario , reliquorumque oviparorum fere omnium , varia admodum vitellorum incrementa cernuntur , à quantitate propemodum invisibili , ad consummatam magnitudinem : licet ova gallinarum ( non aliter , quam eorum , quae ova sua omnia simul & concipiunt , & pariunt ) in eodem nido foetus suos ab incubationis fotu fere simul excludant . In columbino tamen genere ( quae bina solum ova uno nido reponunt , & incubant ) observavi , omnia ova in ovario congesta , uniusmodi esse magnitudinis , praeter bina illa caeteris longe majora , & jam ad descensum in secundum uterum parata . Ut in his numerosi foetus proveniant , non partus multitudine , sed frequentia ; singulis nempe mensibus . Similiter in piscibus cartilagineis ; ut raia , pastinaca , canicula , &c. bini duntaxat ova simul maturantur , & utrinque à dextro & sinistro cornu descendunt , in utero inferiore foventur , excluduntque foetus vitales , ( ut viviparis contingit : ) in ovario tamen infinitus pene ovorum numerus , diversarumque magnitudinum reperitur ; in *raja* supra centum numeravi .

Cae-

Caeterorum autem *oviparorum* ova, foris, vel perficiuntur, ut piscium; vel concoquuntur, ut cochlearum, crustatorum. & araneorum. Et cochleae quidem sua ova reponunt in spuma; crustata (ut squillae, gammari, astaci) pinnis adhaerentia circumferunt; aranea vero, tanquam in sportula ex tela sua constructa, secum gestat, & fovet. Scarabaeus ova sua fimo (pedibus posterioribus obvolvendo) circumcludit, & reponit. In iis autem omnibus, ovorum copia incedibilis cernitur. Pisces, duas quasi vesicas oblongas, sive folliculos nacti sunt: ut videre est in cyprino, halece, & viola (quam nostrates *Smelt* vocant) in quibus omnibus, ut nullus cernitur uterus, praeter ovarium; ita hoc ovis aliquando adeo refertum est, ut reliqui corporis molem facile exsuperet.

Ex hujusmodi *mugilum* & *cyprinorum* ovariis sale conditis, in massam coactis, fumoque induratis, fit edulii genus à Graecis & Italis magnopere expetitum (*Botracha* ab his appellatum, à Graecis *ὠτὰρ ἰχθῆα*, id est ova salita) quale in ventre nostrorum *heringorum* infumatorum, & astacorum intus granulatum compactum, rubrumque reperitur. Quod ex *Sturionum* ovis salitis fit, *Caviaro* dicitur, & saponem nigrum refert; gulonum deliciae.

In omnibus piscibus (quibus numerosa proles contingit) ovorum tanta copia generatur, ut tota ventris capacitas vix ea recenter concepta, multo minus aucta continere valeat. Ideoque in piscibus, praeter *Ovarium*, nulla aliapars generationi dicata est. Horum enim ova foris incrementum sumunt, nec utero ad hanc rem opus est. Videturque ovarium hoc testiculis, aut vesicis seminalibus analogon: non solum, quod eo in loco reperiatur, in quo maribus *testiculi* nasci solent; (nimirum, testiculi in gallo sitii sunt, ut diximus, juxta ingressum arteriae coeliacae, prope cinctum corporis; ibidemque in gallina *ovarium* reperitur) sed etiam, quia in utroque piscium sexu, generationis tempore, duo folliculi per totum ventrem ducti, situ, figura, & magnitudine pares insunt; qui simul ad-

aucti,

aukti, replentur, in mare quidem, materia similari, spermatica, lactea. (unde *lac piscium* dicitur;) in foemina vero, granulis innumeris, prae exiguitate visum effugientibus; adeo ut in conceptionis principio (propter arctam horum compaginem) corpus simile, & tanquam maris lac regulate coagulatum, appareant: posteaque tanquam minimae arenulae invicem intra folliculum cohaerentes, videantur.

In minoribus avibus (quae quotannis duntaxat semel, & pauciora ova pariunt) vix ovarium reperias: sed ubi in maribus *testiculi* siti sunt, ibi in foeminis, pro ovario, tres aut quatuor *bullae* (pro numero scilicet ovorum, quorum sunt primordia) nec minus ipsis marium testiculis conspicuae inveniuntur.

In *serpentum* uteri cornibus, (quae sunt instar vasorum spermaticorum in maribus) prima ovorum rudimenta, ceu totidem globuli filo adalligati, apparent: ut in mulierum armillis, vel *corona precaria*, ex orbibus è succino confectis, fieri solet.

Quae itaque in vitellario reperiuntur, non ova perfecta censenda sunt, sed horum primordia, sive rudimenta; quae in racemo, eo ordine & magnitudine disposita sunt, ut gallinae singulis diebus ad partum, priori succedat alterum. Nullum autem ovum in ovario cinctum est *albumine*, sed vitelli solum reperiuntur; qui, prout è minimorum congerie sese extulerint, in ambitum prodeunt, ut in fusiori spatio facilius amplientur. Ideoque *Fabricius* ve-  
Pag. 3.  
*re ait: Vitelli in racemo majores in circuitu sunt, minores in medio, ceu à majoribus circumdati, denique minimi omnibus subiecti.* Dum enim augefcentes majorem molem acquirunt, à reliquis separantur: quod dum fit, singuli vitelli, praeter tunicam propriam, aliam ab ovario mutantur, quae illos extrinsecus amplectitur, & fundamento, unde oriuntur, adnectit. Quare à *Fabricio*, *pediolus* sive *pedunculus* nominatur; quod ejus opera, ut fructus ex arbore, sic vitellus è racemo nutrimentum hauriat, & crescat. *Est*



Degen.an.  
l. 3. c. 2.

enim hic pediculus nexus membraneus cavatus, qui à racemi fundamento ad vitellum producit; quem cum contingit, dilatur. & (proinde ac nervus opticus in oculo amplificatus) vitellum externa tunica obducit. Hunc forte Aristoteles *σπλον ἀμφωδιδω*, i. e. appendiculam umbilicalem, & veluti fistulam nuncupavit. Pediculus iste secum multa vasa in vitellum deducit, per quem passim ramificantur.

Haec quidem à Fabricio vere dicta sunt; sed fallitur, dum ait: *Tunica haec, non quidem totum vitellum circumdat, sed paulo illum ultra medietatem comprehendit; perinde ut in glanide operculum retro appositum, calix appellatum: quo fit, ut exterior vitelli portio, à proposita membrana destituta, conspectui sese offerat sine venis, & nudata appareat.* Ambit enim integrum vitellum; sed in parte vitelli exteriori, à propria ejus tunica non facile distinguitur, quod ambae tenuissimae sint. In parte autem postica, qua vitellus racemi fundamento obvertitur, tunica haec vitello non adhaeret, nec in eum venulas spargit; sed, sacculi instar, solum amplectitur.

Singulis vitellis totidem tunicae ab eodem fundamento desumuntur. Quare locus iste, communis uterus censendus non est: cum nihil hic reperiatur praeter racemum, si-ve acervum multorum diversae magnitudinis ovorum, ab eodem fundamento procedentium.

~~Fundamentum~~ autem hoc, est corpus seu generis, ad pennam spinam obortum; venae, & arteriae magnae adnexam; laxum, porosum, & fungosum; ut plurimos vitellos ex se producat, iisdemque tunicas largiatur: quae postea, adhaerentibus vitellis, distenduntur; eosque sacculi instar, cum collo angustiore, ventre autem amplo, ambiunt: quemadmodum à *utriarii* flatu ampullae efformantur.

Fabricius porro: *Vitelli, sicuti à parvulo initio incipiunt, ad milii seminis aut sinapis magnitudinem; & minuti sunt ac candidi, ut dicit Arist. sic subinde paulatim increscunt; & ut ait Arist. lutei ac flavi efficiuntur, quousque ad justam magnitudinem omnibus notam perveniant.* Ego vero milii semi-

ne

ne longe minores observavi ; qui nempe instar *papularum*, aut *sudaminum*, vel *arenularum*, (quales in *piscium Ovariiis* reperiri diximus) prope visum effugerent ; & illius loci membranarum veluti *scabrities* viderentur.

## DE INFUNDIBULO.

### EXERCITATIO IV.

**P**roxima uteri gallinae pars *Infundibulum* à *Fabricio* nominatur. Est enim tanquam infundibulum, seu tuba, ab ovario (quod undique complectitur) deorsum tendens ; sensimque latior facta, in superiorem uteri productionem terminatur. Infundibulum hoc vitellis (abruptis pedunculis) ex ovario in uterum secundum (ita à *Fabricio* censetur) descendentibus transitum praebet : estque similis vaginali tunicae in seroto, membrana tenuissima facileque dilatibili constans, ut devolutos quotidie vitellos excipiat, & in dictum uterum deferat.

Cupis harum rerum specimen aliquod ? Finge animo pusillam plantam, cujus radices tuberosae, vitellorum congeriem referant ; & truncus, tubulum illum vaginalem ; Ut plantae illius stipites hyeme moriuntur, & evanescent ; ita similiter, ubi gallina ova parere desierit, integrum ovarium, cum infundibulo (ceu effecta) exarescent, retrahuntur, & abolentur ; relicto duntaxat *fundamento*, radicumque indicio.

*Infundibulum* hoc, solummodo transitus officium praestare, vel ex eo constat, quod vitellus in eo haerens nunquamprehendatur : sed quemadmodum testiculi interdum per vaginalem tunicam sursum repunt in inguina, & quibusdam animalibus (ut lepori, & talpae) intra abdomen reconduntur ; rursusque prodeunt, & descendunt ; ita per infundibulum hoc, vitelli ab ovario in uterum delabuntur ; vicemque illius infundibuli supplet (uti formam refert) quo liquores e vase in vas aliud strictioris orificii transfundimus.

DE GALLINAE UTERI PARTE  
EXTERIORE.

## EXERCITATIO V.

**F***abricius* descriptionem uteri, post ovarium prosequitur: adeoque inverso ordine, partis superioris, productionisve uteri explicationem, ipsius uteri tractationi praemittit. Nimis etiam praecise, sive determinate, tres illi spiras assignat, harumque certas positiones constituit; quae tamen incertae sunt. *Infundibuli* quoque ibidem definitionem praepostere repetit.

Liceat igitur mihi, hic meam uteri gallinae observationem, & historiam (quam, secundum methodum anatomicam commodiorem existimo) proponere, & ab exterioribus partibus introrsum (contra quam fecit *Aquapendens*) procedere.

In deplumata gallina reperire est podicem, non (ut in caeteris animalibus) in orbem contractum, sed depresso orificio transversim scissum, & duobus labellis conniventem; quorum superius, alterum inferius intra se collectum tegit, & occultit. Superius istud *labrum*, seu *velabrum*, à radice *Uropygii* oritur; &, ut palpebra superior oculum, sic hoc tria pudendi orificia contegit; (nempe ani, uteri, & ureterum) quae sub hoc velabro, tanquam *praeputio*, retracta latent; quemadmodum in mulieris pudendo; intra cunni labra & nymphas, vulvae, urinaeque foramina absconduntur. Adeo ut, citra sectionem, aut violentiorem velabri illius in gallina retractionem, nec faecum ab alvo, nec urinae ex ureteribus, neque ovi ab utero exitus appareat. Ac propterea duo illa excrementa (urina nempe, & stercus) simul, tanquam è communi cloaca, sursum elevato *velabro*, & nudato foramine, egeruntur. Similiter in coitu, gallina supervenienti gallo vulvam detegit, & accommodat: ut observavit *Fabricius* in galli-



gallina *Indica* gallum appetente. Vidi egomet *Struthionem* foeminam, (cum cultos dorsum ejus levi manu attrectaret, quo libidinem accenderet) sese humi prosternere, velabrum attollere, vulvamque ostendere, & exporrigere; quam intuitus mas, illico aestro venereo percitus conscendit; alteroque pede in terram defixo, altero dorsum succubantis premente, penem ingentem vibrans, (linguam bubulam crederes) subagitavit, multo cum utriusque murmure, & strepitu, capitibus saepe protensis, & reductis, aliisque gaudii indicibus. Neque hoc avibus proprium est, sed etiam aliis animalibus commune, quae caudam submovendo, & genitalia exporrigendo, marium initui sese adaptant. Eundemque fere usum, quem velabrum in gallina, in aliis *cauda* praestit; qua nisi femota, vel elevata, nec excrementa prodire, nec mares foeminas inire queant.

In cervis, damis, & dorcade, (ceu animalibus castioribus) tale pudicitiae tutamen, & velabrum *cuticulare*, vulvam, meatumque urinae in foemina operit; quod attolli necesse est, priusquam mas penem immittere possit.

In caudatis etiam animalibus, sine caudae sublevatione, partus non contingit: Imo vero & mulierum quoque partus, coccygem urgendo, eumque manu retrudendo obstetrices faciunt.

*Chirurgus* quidam, vir probus, mihique familiaris, ex *India* orientali redux, bona fide mihi narravit, in Insulae *Borneae* locis à mari remotioribus & montosis, nasci hodie genus quoddam hominum caudatum, (uti olim alibi accidisse, apud *Pausaniam* legimus) è quibus aegre captam virginem (sunt enim sylvicolae) ipse vidit, cum cauda carnosa, crassa, spithamae longitudine intra clunes reflexa, qua anum & pudenda operiebat. Usque adeo velari ea loca natura voluit.

*Velabri* istius fabrica in gallina, est similis superioris palpebrae: ex cute nempe, membrana carnosa & musculosa textitur; cum fibris à circumferentia undique ad centrum

ductis : ejusque interior superficies , ut palpebrae & praeputii , mollis est. Habet etiam in extremitate sui *tarsum* semicircularem , ad modum palpebrae : atque insuper , inter cutem & membranam carnosam , interstitium cartilaginofum , ab *uropygii* radice cum tarso falcato ad angulos rectos copulatum : ( ut *vespertilio*nes , intra membraneas alas quasi latitantem exiguum caudam habent ) qua fabrica , ceu cauda , *velabrum* hoc dicta pudendi foramina facilius detegere , & operire possit.

Foramina in  
gallinae  
podice.

Sublato itaque , & rescisso hoc velabro , *foramina* aliquot apparent ; quorum alia conspicua , alia obscura sunt. Evidentiora quidem sunt ani , & vulvae ; exitus nempe excrementi , & introitus in uterum. Obscura autem , tum illud , per quod urina è renibus profluit ; tum exiguum illud à *Fabricio* inventum , in quod *gallus* ( ait ille ) *semen suum* immittit. Quod tamen foramen , apud *Aldrovandum Antonium Ulmus* , diligens dissector , non agnovit ; nec quisquam alius , quod sciam , praeter *Fabricium*.

Cloaca.

Foramina haec omnia adeo sibi invicem vicina sunt , ut fere in unam cavitatem concurrere videantur ; quam ( utpote stercori , & urinae communem ) *cloacam* liceat appellare : quod in ea , una cum alvi faecibus , urina è renibus descendens commisceatur , donec simul egerantur. Per hanc quoque ovum in partu transiens , sibi viam parat.

Hujus cavitatis ea fabrica est , ac si in vesicam utrumque excrementum descenderet , & natura urina pro clystere naturali abuteretur. Ideoque crassior paulo & rugosior , quam intestinum , est : atque in egestione , & coitu , foras provolvitur , ( sublato , ut dixi , velabro , quod ipsum tegit ) & tanquam interior intestini pars prolapsa , prominet : eodemque tempore , omnia foramina distincte apparent ; quae statim in ejus reductione , quasi in unam *bursam* collecta , reconduntur.

Orificii

Foramina magis conspicua , ( ani scilicet , & vulvae ) uteri situs , contrarium situm in pennatis omnibus , atque in aliis animalibus.

malibus obtinent. In his enim pudendum . five genitale foemineum , parte anteriore locatur , inter intestinum rectum , & vesicam : in illis autem excrementi exitus partem anteriorem possidet , atque inter ipsum & uropygium , introitus in matricemprehenditur.

Foramen autem , in quod *Fabricius* putat gallum semen suum immittere , inter hoc vulvae ostium , & uropygium cernitur. Ego vero talem ejus usum non agnosco : In pul-  
Foramen  
Bursae A-  
quapen-  
dentis.  
 lis enim juvenculis vix reperitur ; in adultis autem promiscue inest , tam gallo , quam gallina. Accedit , quod foramen valde exiguum & obscurum sit , ut tantae utilitatis non appareat : vix enim aciculam aut setam admittit , & in cavitatem caecam terminatur : neque unquam potui humorem seminalem in ea reperire ; quanquam *Fabricius* asserit , semen ibidem , tanquam in *bursa* , per antrum integrum reservari , omniaque interea ova inde foecundari : ut postea dicetur.

Insunt omnibus avibus , serpentibus , quadrupedibus o-  
Urinae  
meatus in  
gallina.  
 viparis , atque etiam piscibus ( ut facile in *Cyprino* videre est ) renes , & ureteres , per quos urina profluat : quod *Aristotelem* , aliosque hactenus Philosophos latuit. In avibus autem , & serpentibus , quibus fungosi pulmones sunt , parva cernitur urinae copia ; quod parum admodum , ac pitissando , bibant ; quare vesica urinaria iis non est opus ; sed lotium ( ut diximus ) in communem alvum , five *cloacam* , cum sicco excremento deponunt. In *Cyprino* tamen aliisque quibusdam piscibus , vesicam quoque urinariam deprehendi.

In gallina , ureteres à renibus , ( qui ampli longique in dorsi cavitare locantur ) utrinque descendunt , & in communem cavitatem , five cloacam desinunt. Exitus autem eorum adeo obscurus est , & in cavitatis ipsius limine delitescens , ut forinsecus eum invenire , & stylum vel tenuissimum immittere , plane sit impossibile. Neque equidem mirum ; quippe in omnibus , vel maximis animalibus , insertio ureterum prope vesicae collum , adeo anfractuosa  
 &



## 16 DE GENERATIONE.

& obscura est, ut (licet urina, & calculi aliquando per eos in vesicam delabantur) ne flatus quidem per easdem vias regredi, aut urina vi pelli queat. Contra autem, tum in avibus, tum in caeteris etiam animalibus, si stylus, vel feta deorsum per uteres impellatur, facile in communem cavitatem, aut vesicam, via aperitur.

In *Struthione* haec omnia luculenter patent; in quo, praeter communis cavitatis orificium exterius, quod velubrum tegebat; aliud, intra anum, orificium rotundum, constrictum, & quasi sphinctere clausum reperi.

Verum, his omissis, quod ad propositum nostrum spectat, agamus.

Orificium  
uteri.

Orificium uteri, sive vulvae; nimirum transitus e communi cavitate in uterum gallinae, est veluti protuberantia quaedam mollis, laxa, rugosa, atque orbicularis, tanquam praeputii extremitas clausa, aut vulvae interioris cuiusdam tunicae prolapsus. Locatur autem (ut dixi) inter foramen ani, & uropygium; atque aliquantulum sinistius vergit; idque factum putat *Aldrovandus*, ad commodiorem coitum, & faciliorem membri genitalis galli incursum. Ego vero saepius observavi; gallinam, prout gallus eam à dextra aut sinistra parte conscenderit, eo versus podicem suum indifferenter flectere. In gallo penem non invenio, quem nec *Fabricius* reperire potuit: cum tamen in anserem, atque anate manifestissime appareat. Ejus vero loco, in gallo orificium reperi, (haud secus quam in gallina) minus tamen illud, & angustius; quemadmodum etiam in cygno, anserem, & anate idem conspicitur: anseris autem & anatis mentula (dum coeunt) ab hoc orificio protenditur.

In nigra anate, penem tantae longitudinis vidi, ut absoluto coitu, humi pendentem insequens gallina, avide eum (lumbricum, credo, arbitrata) mordicaret; faceretque illius citius solito retractionem.

In *Struthione* mare, intra hoc pudendi orificium, tanquam in equi praeputio, praegrandem glandem, & nervum

vum rubicundum, forma & magnitudine linguae cervinae, aut bubulae minoris, reperi; quem in coitu rigidum & aliquantulum aduncum vibrare saepius vidi; & in foeminae vulvam immissum, sine subagitatione ulla, diutius tenere: perinde ac si clavo aliquo ambo in coitu colligati essent: dum interea temporis, capitis collique gesticulationibus (ut diximus) mire perstreperent, (quasi Hymenaeo annuiscent,) ingentemque voluptatis sensum exprimerent.

Legi apud D. du Val Medicum doctissimum *Rothomagensem*, *hermaphroditum* quendam Chirurgis atque Obstetricibus demandatum fuisse, ut, num vir, an mulier esset, decernerent. Illi, inspectis genitalibus, mulierem esse judicabant: jussumque propterea est, ut sequioris sexus vestitu uteretur. Interea tamen mulierum amores sectari, virique officium praestare, accusabatur. Hic tandem repertus est erumpente ex latenti praeputio (tanquam ex locis muliebribus) mentula, viri munus obiiisse.

Vidi ipsemet aliquando viri cujusdam penem, introrsum adeo reductum (praeterquam cum tentigine provocaretur) ut nihil in corrugato praeputio supra scrotum, praeter summum glandis apicem prominere.

In equo aliisque quibusdam animalibus, ingens istius membri longitudo ex occulto porrigitur. In talpa etiam, animali exiguo, inter cutem & abdominis musculos, magna penis retractio conspicitur: ejusque pariter foeminae longior & profundior vulva obtigit.

Gallo, (cui penis deest) idem, credo contingit, quod avibus minoribus, qui celeriter, & affricu duntaxat coitum perficiunt. Junctis nempe saepius utrinque (galli & gallinae) pudendorum orificiis, (quae foras eversa protuberant, rigent, glandisque in morem tenduntur; praecipue vero maris, quod foeminam exterius duntaxat lambit, non autem, ut arbitror, ingreditur; ceu repetitis suaviis, non uno longiore initu, coitum celebrant.

In equorum, canum, felium, aliorumque coitu, foemina mari penem obtendendum rigidum tensumque accom-

modat. Quod etiam in avibus contingit, quae cicures manum sibi imponi sinunt, Venereque turgentes, orificium hoc protendunt; idemque renitens, ac duriusculum reperiens, si digitum admoveris.

Imo vero usque adeo libidinofae interdum aves sunt, ut, si dorsum earum manu solum leviter tangas, statim procumbant, orificiumque uterinum nudent, & exporrigant: quod si blande digito demulseris, vago murmure, alarumque gesticatione, gratam Veneris dulcedinem exprimunt. Quinetiam foemellas ova inde concipere, & *Aristoteles* auctor est, & ipsemet in turdo, merula, aliisque, expertus sum: idque olim primum fortuito, meoque damno didici.

*Psittacum* nempe insignem, docteqque garrulum, uxor mea diu in delitiis habuit. Erat is adeo familiaris ut, quocunque vellet, libere per aedes vagaretur; absentem *Dominam* inquireret; inventae hilari voce adblandiretur; vocanti etiam responderet; advolaret; vestemque rostro, pedibusque vicissim comprehendens, ad summum humerum scanderet; indeque per brachium descendens, super manum semper se sisteret: jussus loqui, aut cantare, etiam noctu, & in tenebris, morem gessit. Saepe ludibundus & lascivus sedentis gremium adibat; ubi caput sibi attrectari, dorsumque demulceri gestiebat; quassatisque alis, & blando strepitu summam animi sui laetitiam testabatur. Ego haec omnia ab usitata pridem familiaritate & obsequio proficisci, interpretabar: marem enim sum arbitratus, ob loquelae, & cantus eximiam prae stantiam.

Quippe, inter aves, foemellae raro cantillare, aut voce invicem provocare solent: sed mares solum suavi vocis modulamine foemellas delinire, animadvertimus. Ideoque *Aristoteles* ait: *Perdices*, si adversa maribus steterint, ventusque inde afflet ubi mares stant, concipiunt, & maritantur. Plerumque etiam voce marium utero ingravescunt, si gestiunt, ac libidine turgent. Volatu quoque superne marium effici idem potest; videlicet dum mas ipse in foeminam saetificum

Spiri-

Hist. an.  
l. 5. c. 5.  
& l. 6. c. 2.



*Spiritus dimittit. Quod verno praesertim tempore contingit: unde Poëta*

Virgil. 2.  
Georg.

*Vere tument terrae, & genitalia semina poscunt.  
Tum pater omnipotens foecundis imbribus aether  
Conjugis in gremium laetae descendit, & omnes  
Magnus alit, magno commistus corpore, foetus.  
Avia tum resonant avibus virgulta canoris;  
Et Venerem certis repetunt armenta diebus.*

Non diu autem post blandas has contrectationes, Psittacus, qui multos jam annos sanus vixerat, aegrotavit; crebrisque tandem convulsionibus obortis, in *Dominae* suae gremio, ubi toties luserat, animam plurimum desideratus exspiravit. Dissecto itaque cadavere, (ut mortis causam inquirerem) ovum fere perfectum in utero reperio; sed, ob defectum maris, corruptum. Quemadmodum aviculis in caveis reclusis saepe accidit, quae maris consortium desiderant.

His, aliisque exemplis, inducor ut credam, gallum gallinaceum, & phasianum, non solum cantu suo foemellis blandiri, sed eodem etiam ovorum conceptui conferre: noctu enim ad galli cantum, nonnullae ex assidentibus gallinis sese concutiunt, alas & capita quatientes; quasi horrore blando corruptae, à coitu gesticularentur.

Avis quaedam, quam cygnus altero tanto major, non ita pridem ex *Java* Indiae orientalis insula in *Hollandiam* advecta est, quam *Batavi Cassoware* nominabant. Hujus <sup>Ornithol.</sup> iconem <sup>l. 20. pag.</sup> *Ulysses Aldrovandus* exhibet, dicitque eam ab *In-* <sup>542.</sup> *dis, Eme* appellari. Non est bisulca, ut *Struthio*, sed in singulis pedibus tres digitos habet; quorum unus, calcari adeo longo, duro, & robusto armatur, ut facile tabulam duos transversos digitos crassam calcitrando penetret; antrorsum autem ferit. Corpore quidem, cruribus, & femore *Struthionem* refert; rostrum autem latum (ut hic) non habet, sed teres & nigrum. Super caput, pro cri-

sta, cornu orbiculatum gerit extuberans: lingua caret; quaelibet oblata devorat; calculos nempe, carbones (etiam ignitos) & glaciei frustra, sine discrimine: plumae ipsi è singulis calamis binae prodeunt, nigrae, breves, & exiles; ad naturam pilorum, sive lanuginis accedentes. Alas habet valde exiguas, & mutilas. Animal est aspectu truculento, eique palearia rubra, & caerulea, oblonga per collum descendunt.

Manfit haec avis amplius annos septem, in *Hollandia*: eamque postea illustrissimus *Mauritius Princeps Auriacus* serenissimo *Regi nostro Jacobo*, inter alia munera, dono misit; in cujus hortis supra quinquennium vixit. Postea autem, cum in eundem locum *Struthiones* duo, mas & foemina, concedissent; eosque avis haec *Cassoware* in proximis claustris (ubi separatim alebantur) saepenumero coeuntes audivisset, vidissetque; inopinato prorsus (sympathia, credo, cognati generis extimulata) ova concepit. Quotquot enim eam viderant, marem potius, ex armis & ornatu, quam foeminam judicabant. Ex his ovis, unum peperit integrum, quod aperui, & perfectum inveni; albumen nempe luteo circumfufum, cum chala-  
zis sive grandinibus utrinque annexis, & cavitate exigua in obtuso cacumine; aderat etiam *cicatricula*, sive macula albicans; testa erat crassa, dura, & valida, quam (ablato vertice) in poculum efformari jussi; quemadmodum ex struthionum ovis calices effingi solent. Erat ovum hoc paulo, quam *Struthionum*, minus; undiquaque, ut dixi, perfectum; procul dubio tamen subventaneum, & ob defectum maris, infoecundum. Matri vero, eodem tempore, quo ovum pepererat, mortem praedixi; idque ex sententia *Aristotelis*, qui ait, *Aves morbo laborare, & interire, nisi pariant*. Quod etiam non multo post evenit; dissectoque cadavere, ovum imperfectum & corruptum in superiore uteri parte, mortem praematuram (ut prius in *Psittaco*, aliisque avibus observaveram, attulisse comperi.

Gen. an.  
1.3.

Plurimae itaque aves; quanto falaciores, tanto etiam foecundiores sunt; & aliquando sine mare, (ob pabuli ubertatem, vel alia aliqua de causa) ova concipiunt: raro autem, citra ejus operam, ea vel perficiunt, vel pariunt; sed morbis inde potius gravioribus tenentur, tandemque intereunt. Gallina vero non solum ova concipit, sed & parit etiam, eaque perfecta; at hypenemia, & infocunda. Similiter, insecta plurima (in quorum sensu bombyces, & papiliones sunt) ova concipiunt, & pariunt, absque maris congressu, (ut etiam pisces) sed irrita, & subventanea.

Quasi in hujusmodi animalibus, ova concipere, perinde foret, ac in puella uterum incallescere, menstrua profluere, fratrare ubera, & (ut paucis dicam) viro maturam esse: quo si privetur diutius, symptomatibus gravioribus (hystericis nempe, aut furore uterino) corripitur; vel in cachexiam, aliisque variis aegritudines delabitur. Omnia siquidem animalia, cupidinis oestro percita, ferociunt; & nisi se invicem fruantur, plurimum tandem à consuetis moribus recedunt. Ita mulieres quaedam insaniant prae desiderio consuescendi cum viris; & in nonnullis usque adeo saevit hoc malum, ut vel veneficio afflatae, vel fideratae, aut à cacodaemone obsessae judicentur. Idque saepius contingeret, nisi proba educatio, bonae famae reverentia, & innata huic sexui verecundia, inordinatos hosce animi impetus compercerent.

## DE GALLINAE VULVA.

### EXERCITATIO VI.

**A**B orificio uterino exteriori, ad interiora, & matricem, in qua ovum perficitur, transitus est; quem in aliis animalibus *vaginam* uteri, sive *vulvam* nominamus, in quam mas penem suum in coitu ad matricem usque immittit. At vero in gallina, trajectus hic adeo im-



plexus, & interioris suae tunicae laxitate rugosus est; ut, licet è matrice foras facilis via pateat, atque ingens ovum illac haud magno negotio prodeat; ingredi tamen maris penem, semenque ejus interiorem uteri cavitatem subire, vix sit verisimile: nam neque stylo, nec seta viam intus reperire potui; nec *Fabricio* etiam aliquam invenire contigit. Imo vero, eodem teste, ne quidem inflatus aër, in uterum penetrat. Quae causa, opinor, fuit, cur ille à partibus interioribus ad exteriores progrediens, ovi historiam descripserit. Quinetiam pensitata hac uteri fabrica, negat, semen in uteri cavitatem pertingere, aut ullam ovi partem constituere. In qua sententia ego etiam libens nomen meum profiteor. Enimvero nihil in ovo foecundo (quod idem in subventaneo non sit) vel additum, vel mutatum reperiatur; unde galli semen uterum subintrasse, atque ovum tetigisse, constat. Quinetiam, licet sive galli congressu ova omnia irrita sint, & subventanea; ejus tamen opera (etiam aliquandiu post coitum) ova subsequantia, quorum necdum principium aut materia existat, foecunda evadunt.

*Fabricius*, ut modum explicet, quo galli semen ova foecunda reddit, haec habet: *Cum in ovo semen non appareat, & tamen à gallo in uterum porrigatur; quaeritur, cur in uterum galli semen immittatur, si in ovum non ingreditur? Item, si in ovo non adest, quomodo ovum foecundum ex galli semine, quod non habet, efficiatur? Mea opinio est, galli semen in uteri principium immissum, efficere totum uterum, & simul quoque omnes vitellos eo cadentes, ac totum denique ovum foecundum: idque facere sua facultate, seu spiritali substantia irradiante; eo modo, quo videmus, ex testibus, & semine alia quoque animalia foecunda reddi. Si quis enim in memoriam revocaverit incredibilem illam transmutationem, qua animal exectum afficitur, dum calorem, robur, & foecunditatem in toto corpore amittit; facile id quod dicimus uni tantum gallinae utero evenire concedet. Sed quod omnino verum sit, virtutem foecundandi tota ova, & quoque uterum à semine galli provenire, patet*

ret ex eo, quod mulieres agunt, quae gallinam domi gallo destitutam habentes, eam per unum atque alterum diem alibi gallo committunt: ex hoc enim exiguo tempore succedit ovorum omnium foecunditas per totum illud anni tempus. Id quod & Aristoteles confirmat, qui vult, quod cum semel aves coërint, omnia fere ova foecunda habere perseverent. Porro seminis foecundandi virtus, ne ullo modo exhalare possit, sed diutius in utero confisteret, ac toti impertiretur; natura ipsum conclusit, reposuitque in cavitatem, quasi bursam, podici vicinam, & utero appensam, & ingressu tantum donatam, ut inibi diutius semine detento, virtus ejusdem magis conservaretur, & universo communicaretur utero.

De gen.  
an. l. 3. c. 1.

Ego vero experimenti praedicti veritatem suspicabar; eoque magis, quod Philosophi verba fide recitata cernebam: neque enim is dixit, Aves, cum semel coërint, omnia fere ova foecunda habere perseverant: sed, omnia fere ova habere perseverant: ubi Fabricius ñ foecunda, de suo addidit. Aliud autem est, aves ex coitu ova concipere; aliud, ova ex coitu foecundari. Idque ex praecedentibus Aristotelis verbis clarius liquet, ubi ait: Omnium in avium genere, ne ea quidem ova, quae per coitum oriuntur, possunt magna ex parte augeri, nisi coitus avis continuetur. Cujus rei causa est, quod, ut in mulieribus coitu maris detrahatur mensium excrementum (trahit enim humorem uterus tepefactus, & meatus aperiantur) sic in avibus evenit, dum paulatim menstruum excrementum accedit, quod foras decedere non potest, quoniam parum est, & superne ad cinctum continetur, sed in uterum ipsum collabitur. Hoc enim ovum augetur, sicut foetus viviparorum, eo quod per umbilicum affluet. Nam cum semel aves coërint, omnia fere ova semper habere perseverant, sed parva admodum & imperfecta, ideoque infoecunda; siquidem perfectio ovi est, foecundum esse. Si igitur, sine coitu avis continuato, ne ea quidem ova, quae per coitum concepta sunt, augentur, sive (ut Fabricius interpretatus est) perficiuntur; multo minus foecunda reddentur ea ova, quae aves citra coitum habere perseverant.

Ne

Ne quis autem existimet, his verbis (*trahit enim uterus tepefactus, & meatus aperiuntur*) concludi, posse uterum attrahere semen galli intra cavitatem suam; sciendum, à *Philosopho* non dici, uterum attrahere semen forinsecus; sed in mulieribus per venas & meatus coitus calore apertos, è proprio corpore menstruum sanguinem attrahi; & pariter in avibus, sanguinem ad uterum à continuato coitu tepefactum trahi, indeque ova augeri; sicut foetus viviparorum per umbilicum solent.

Quae autem de cavitare illa, sive *bursa*, adnectit, in qua, per annum integrum, semen galli hospitari autumat; ea jam ante à nobis refutata sunt; ubi, nullum semen in ea contineri, & gallo pariter ac gallinae inesse, asseruimus.

Quamobrem, ut facile crediderim (si per foecunditatem, plurium & majorum ovorum proventum intelligamus) pauperum muliercularum gallinas, (quibus probabile est, deesse pabuli copiam) nisi cum gallo assueverint, pauciora & minora ova parituras; (secundum illud *Philosophi*; *Quod si semel cum gallo coierint, tum per totum annum ova majora, meliora & numerosiora habere perseverabant.* In quem finem pabuli quoque abundantia, & bonitas, plurimum conducunt,) gallinas tamen ex paucis cum gallo coitionibus, ova omnia per integrum anni spatium foecunda parere, id inquam minus verisimile mihi videbatur. Nam si pauci coitus ad diuturnam adeo generationem sufficerent; Natura (quae nihil agit frustra) mares in avium genere, minus salaces effecisset; nec gallus toties quotidie gallinas suas, etiam invitas, ad coitum sollicitaret.

Novimus, gallinam, quamprimum ova enixa nidum deserit, voce strepera clamitare, gallumque ad coitum pelli- cere; qui pariter clara & singultiente voce respondens, eam anxie quaeritat, inventamque subito comprimit: quod sane, nisi procreandi causa, fieri natura noluisse.

*Phasianus* mas, in aviario detentus, adeo flagranti libidine aestuat; ut, nisi complures foemellas, (ad minimum sex)



fex) secum habuerit, eas iterato saepius coitu male mulcet, & foecunditatem impediat potius, quam promoveat. Vidi aliquando foemellam phasianum, à gallo simul concluso (quem nec occultando sese, neque aufugiendo, evitare poterat) adeo delassatam, dorsoque ob frequentiores ejus insultus deplumem, ut tandem miseris modis exagitata, prae moerore deficeret. In eadem tamen dissecta, ovorum ne rudimenta quidem inveni.

Observavi etiam anatem marem, conjuge carentem, & cum gallinis commorantem, tanta libidine aestuare, ut gallinam juvenculam quoquoversum per horas aliquot insectaretur, rostro vellicaret, tandemque in defatigatam infilierit, stuprumque pati coegerit.

Gallus gallinaceus in praelio victor, non modo in superati conjuges, sed in ipsum victum quoque libidinem suam exercet.

Similiter foemellae aliquae in libidinem adeo proclives sunt, ut mares suos morfiunculis vellicent, (quasi in aurem Veneris gaudia insufurrarent) supersiliant, aliisque artibus ad coitum invitent: in quo numero sunt columbae, & passeress.

Non videtur igitur verisimile, paucas aliquot coitiones, principio anni celebritas, ovorum omnium, per integrum ejus decursum, subsequantium foecunditati sufficere.

Ego tamen aliquando (ut hic *Fabricio* patrocinium parem) verna tempestate (de coitus foecundantis tempore, & necessitate aliquid certi indagaturus) gallinas duas à gallo seclusas per quatrimum detinui, quae interea singulae tria ova pepererant, non minus aliis ovis prolifica. Iterumque aliam gallinam seclusi, quae decimo ab inde die ovum peperit; aliudque die vicesimo, & utrumque foecundum. Ut videatur, posse unum atque alterum coitum, integrum racemum, omniaque illius anni ova foecunda reddere.

Dicam etiam, quod tunc temporis porro observavam.

Tom. II.

D

Cum

Cum utramque gallinam (aliquandiu, ut dixi, seclusam) gallo restituerem; quarum altera ovo gravida, altera recens enixa erat; gallus huic ocyus occurrit, eamque avide ter quaterve compressit: alteram vero circumibat saepius, pedibusque alas fricando salutare visus est, adventumque gratulari; veruntamen ad priorem reversus, eam iterum, iterumque iniit, coitumque per vim repetiit; neglecta interea gravida, quam nullo modo ad Venerem sollicitabat. Mirabar ego, quibus indiciis ille internosceret, coitum huic profuturum, alteri vero importunum fore. Profecto dictu haud adeo primum est, quomodo vel visu, vel auditu, vel olfactu, mares (etiam è longinquo) intelligant, foemellas cupidinis aestro percelli, coitumque appetere. Aliqui, etiamsi vocem illarum duntaxat audiant, vel locum in quo minxerint, aut vestigia solum olfaciant, statim libidine accenduntur, easdemque ad coitum insectantur. Verum de hac re alibi, in tractatu de animalium amore, libidine, & coitu, universim erit dicendi locus. Jam ad propositum revertor.

## DE GALLINAE, ALIARUMQUE AVIUM VENTRE.

### EXERCITATIO VII.

**A**B orificio igitur externo per vulvam, ad gallinae uterum, sive matricem pervenimus; in qua ovum perficitur, albumine cingitur, & testa contegitur: de cujus situ, & positura antequam dicimus, nonnulla de ventris avium peculiari *anatomie* huc afferenda, & praelibanda sunt. Observavi enim in pennatis, ventriculū, intestina, aliaque viscera, aliter in imo eorum ventre sita & constituta esse, quam in pedestri animalium genere.

Aves fere omnes duplicem ventriculū nactae sunt: quorum alter *ingluvies*, alter *ventriculus* proprie dicitur. In priori, edulia ingesta reservantur, & praeparantur; in poste-

posteriori conficiuntur, & in chylum transeunt: illum nostrates vocant, *the crop*, or *craw*, hunc, *the gizzard*. In ingluvie aves grana integra devorata retinent; indeque, cum epota aqua madefacta, macerata, atque emollita, in ventriculum postea transmittunt; ut ibidem molantur, & comminuantur. Cujus rei gratia, pennata fere omnia arenulas, calculos, aliaque quaedam duriora deglutiunt, & in ventriculum ex duobus crassissimis & robustissimis musculis (in minoribus avibus carnosus, aut ligamentosis) compactum; ut hoc modo, ceu duobus lapidibus molaribus, binis invicem cardinibus colligatis, molere cibaria, & pinsere possint; vicemque dentium molarium, quibus carent, calculi suppleant. Hoc pacto alimenta conficiunt, & chylicant; posteaque compressione facta (quemadmodum ex herbis, aut fructibus contusis succum vel pulciculam exprimere solemus) pars mollior, & liquidior sursum attollitur; eamque in principium intestinorum (quod in illis juxta ingressum gulae, in ventriculi parte superiore collocatur) transferunt. Id ita fieri, in pluribus avium generibus apparet; in quorum ventriculis, si calculi, aliaeque duriora & aspera diutius permanferint, à continuo eorum motu adeo attrita & laevigata cernuntur, ut cibarium attritioni inepta sint, ac propterea rejiciantur. Hinc aves, cum calculos eligunt, lingua probant; &, si nihil asperos senserint, rejiciunt. Hoc modo ferrum, argentum, & lapillos attritos, & propemodum absumptos in ventriculo *Struthionis* inveni, atque etiam in *Cassoware*. Ideoque vulgo creditur, eos ferrum concoquere, & eodem nutrir.

Falconibus, aquilis, aliisque avibus ex praeda viventibus, si aurem prope admoveris, dum ventriculus jejunos est, manifestos intus strepitus, lapillorum illuc ingestorum, invicemque collisorum, percipias. Neque enim falcones refrigerii causa (qui vulgaris Accipitrariorum error est) lapillos devorant, sed ut eorum opera cibum comminuant? quemadmodum & aliae aves, (quibus mo-



Jendo victui ventriculus carnosus obtigit) in eundem finem, calculos, vel sabulum, vel quid aliud simile, deglutunt.

Avium igitur ventriculus, intra abdominis capacitatem, infra cor, pulmones, & jecur, situs est. *Ingluvies* autem extra corpus (ut plurimum) in infima colli parte, ad os jugale, haeret: in qua cibaria (ut dixi) emolliuntur solum, & praeparantur; indeque pennata quaedam cibum ita maceratum pullis suis regurgitant, eosque nutriunt, (quemadmodum quadrupedes, foetus suos lacte alunt;) ut videre est in omni columbaceo genere, atque etiam *Spermologis* illis, quos nos *Rooks* nominamus. Quinetiam *Apes* è floribus collectum mel, & in ventriculo digestum, domum redeunt, evomunt, & in propria alvearia recondunt: eodemque modo *Crabrones*, & *Vespaes* suos foetus nutriunt. Visa etiam est canis foemina cibos praemansos, & semicoctos catulis suis nutricandis remove. Ut minus mirum sit, foeminas pauperes, victumque ostiatim quaerentes, prae lactis inopia, infantes suos cibis, prius in ore suo praeparatis & in pulpam redactis, alere.

Intestina in avibus, à parte ventriculi superiore (ut diximus) oriuntur; & secundum longitudinem sursum deorsumque (non transversim, ut in nobis) replicantur. Iisdemque statim sub corde, ad corporis praecincturam, ubi diaphragma (quo aves destituuntur) in quadrupedibus situm est, jecur amplum, & bipartitum, utrinque (nam liene carent) collocatum, hypochondria replet: infra jecur ventriculus positus est; cui subjacent intestinorum volumina, cum plurimis tenuibus membranis interjectis, aëre repletis; quippe in has, ut diximus, asperae pulmonum arteriae foraminibus hiulcis aperiuntur. Renes (qui ampli in avibus visuntur) oblongi, & tanquam ex globulis carnis compositi, nullisque cavitatibus praediti, utrinque spinae, & arteriae, venaeque magnae descendentibus adjacent; & in ampla atque oblonga offis coxendicis cavitare sepulti jacent. Ex horum parte anteriore, secundum

lon-

longitudinem, ureteres ad cloacam, & podicem ipsum extenduntur; ut serosum excrementum illuc à renibus deferant. Est autem in avibus hujus feri exigua quantitas, quod illae parum bibant, & earum nonnullae (nimirum aquilae) nihil omnino. Nec separatim, ut in aliis animalibus, ut diximus; sed, ut diximus, in communem cloacam, alvi quoque faecibus dicatam, ex ureteribus destillat; ut earum etiam hoc pacto exitum faciliat. Differt hoc lotium in avibus, atque in aliis animalibus: nam, cum urinae partes duae sint, serosior una, & liquida; crassior autem altera, quae in sanis hypostasis nominatur, & in urina jam refrigerata subsidit; aves (contra quam vivipara animalia) majorem hujus copiam obtinent; eaque, ab altera, colore albo sive argenteo distinguitur; & non modo in cloaca reperitur (ubi abundat) alvi quoque faeces circumlinit, sed etiam in toto ureterum ductu; qui à renum tunicis, hac ipsa albedine discernuntur. Nec solum in avibus crassior haec materia à renibus descendens conspicitur; sed in serpentibus etiam, aliisque oviparis; praesertim iis, quorum ovum duriori cortice obducitur. Major quoque hujus, (quam serosae, & tenuioris partis) copia: estque consistentiae, inter crassam urinam & stercoreum excrementum, mediae; adeo, ut ureteres pertransiens, lac coagulatum, sive leviter densatum referat; forasque ejectum, cito facileque in crustam friabilem concreascit.

## DE RELIQUARUM UTERI PARTIUM, IN GALLINA, SITU, ET FABRICA.

### EXERCITATIO VIII.

**I**nter ventriculum, & jecur, ad spinam dorsii, ubi homini, caeterisque animalibus *Pancreas* est; inter truncum *Portae*, & *Cavam* descendentem, ad exortum emulgentium, ubi arteria coeliaca mesenterium petit; ibidem

etiam in gallina, aliisque avibus, *Ovarium*, & vitellorum racemus nascitur. Nempe ei, à parte anteriore, truncus *Portae*, gula, & ventriculi orificium; à posteriore, vena cava, & arteria magna ad spinam dorsi descendens; supra, jecur; subtus autem, ventriculus adjacent. *Infundibulum* itaque tenuissima membrana constans, ab ovario deorsum secundum dorsi longitudinem, inter illud & ventriculum, tendit. Et ab *Infundibulo*, (inter ventriculum, intestina, renes, & lumbos) processus uteri, sive pars ejus superior, cum multis revolutionibus & cellulis (ad figuram coli, & recti intestini in homine) in ipsum uterum descendit. Ipse autem uterus, processui huic continuus, infra ventriculum, inter lumbos, renes, & intestinum rectum, extremo abdominis loco, ad podicem situs est; adeo ut, cum ovum albumine vestitum in eo continetur, deorsum tantopere decumbat, ut digitis facile, tum molle, an durum, partuique vicinum id ovum sit, percipere liceat.

*Uterus* hic, in gallina, tum magnitudine, tum fabrica varius conspicitur. Quippe in gallina gravida, aut nuper effoeta, plurimum differt ab eo, qui in gallina *virgine*, sive pullo reperitur; hujus enim uterus carnosus est, & rotundus, quasi bursa vacua; tantillae cavitatis, ut vix fabam continendo sit; foris quidem laevis est, intus autem plicis quibusdam secundum longitudinem rugosus: primo intuitu, vesicam urinariam majusculam, aut ventriculum alterum parvum, facile judices. In *praegnante* autem, & jam *Veneri* matura, (quam ex rubicundo cristae colore mulieres norunt) uterus multo auctior, & carnosior apparet; cum plicis majoribus, & crassioribus; ad magnitudinem illam, quam ovo excipiendo idoneam cernimus; qui sursum, secundum spinae ductum, longe protenditur, & ex multis *locumentis*, sive cellulis (tanquam intestinum colon, ut dixi,) componitur, quae ex uteri producti replicatione constituuntur. Pars hujus inferior, ut maxima, ita crassissima & carnosissima est, pluribusque & majoribus



bus plicis roborata; figura ejus interna ovalis cernitur, tanquam ovi *proplasma*. Ascendentem uteri portionem, sive productionem, ego *processum* nomino: *Fabricius*, secundum uterum appellat, & ex tribus spiris seu flexionibus constare asserit: *Ulysses Aldrovandus*, uteri stomachum nuncupat. Sunt quidem, fateor, ut plurimum tres spirae; non est hoc tamen ita perpetuum, quin (ut in coli cellulis contingit) natura interdum obcludat.

*Uterus* iste, prout ascendit altius, ita quoque sensim magis attenuatur & gracilescit, minoribusque & paucioribus plicis constat; donec tandem in membranas (easque tenuissimas, abiens, *infundibulum* constituat; quod ad cinctum corporis usque pertingens, totum ovarium completur.

Ideoque *Fabricius*, secundi uteri tres partes constituit; Pag. 17. *principium* nempe, *medium*, & *finem*. *Principium* inquit, in membranam tenuem mollissimamque degenerans, orificium latius efformat, quasi tubulum aut *infundibulum* repraesentans. Altera pars (quam ego uteri *processum* nomino) spiris tribus transversis constans, albumini suppeditando inservit; & ad locum infimum & capacissimum protenditur, quem *finem* ejus uteri appellat, in quo *chalazae* (inquit) duaeque membranae, & cortex efformantur.

Tota uteri substantia (praesertim circa *plicas*) tam in utero ipso, quam processu ejus, multis amplisque venis scatet: plures tamen sunt arteriarum ramuli, quam venarum.

*Plicae*, quae in parte Uteri interiore obliquae, & transversae apparent, carnosae substantiae sunt; & colore albissimo ac lacteo praeditae, aquam lentam exsulant; ut tota interior superficies, tum uteri, tum processus ejus, multo quasi tenui albumine madeat; unde vitellus descendens augetur, circumpositoque albumine perficitur.

*Uterum* ovis privatum raro reperies, sed vel in processus spiris inhaerens, vel in ipso utero contentum invenies. Si processum hunc vacuum inflaveris, ceu obliquus &

& contortus tubulus apparebit, & ad modum *cochleae*, si-  
ve *turbinis*, in fastigium assurgens: talisque est ex plicis &  
spiris uteri fabrica, qualem in vulva nuper observavimus;  
ut licet nempe descendenti ovo via satis pateat, tamen  
vix ullus retrorsum sit (vel inflato aëri) ad superiora tran-  
situs.

Processus uteri cum suis spiris, in *effoeta* gallina (ut  
diximus) atque etiam in pullis juvenculis, adeo immi-  
nuitur, ut in tenuissimas membranas abeat, & plane abo-  
leatur, nullumque ejus vestigium extet; uti neque ovarii,  
aut infundibuli: solummodo ibidem (tanquam racemi ra-  
dix) glandulosum quid, & spongiosum, quod in gallinis  
coctis dulce sapit, reperitur; quemadmodum in viviparis  
(praesertim juvenculis) pancreas, & thymus; quos ideo  
nostrates *the sweet-bread*, id est, panem dulcem nomi-  
nant.

Uterus, una cum processu, membranae opera dorso al-  
ligatur, quam propterea *Fabricius Mesometrium* vocat: quod  
*secundus uterus*, una cum hoc membranoso venosoque corpore,  
concinne admodum intestinis, & suo mesenterio comparari pos-  
sit. Nam ut hoc, intestina; ita illud, processum oblon-  
giorem à spina exortum firmat, & detinet; ne loco mo-  
tus, & implicatus, vitellorum transitum impediat: sed li-  
ber, apertus, eosdem molliter excipiat. Per hoc *meso-  
metrium*, plurima quoque vasa sanguine refertissima, in  
singulas uteri plicas ramificantur. Est itaque ortu, sub-  
stantia, fabrica, usu, & officio mesenterio analogon.  
Quinetiam ab uteri fundo, secundum longitudinem, *liga-  
mentum* (instar taeniae) ad infundibulum usque protendi-  
tur, quale in superiore coli regione productum cernimus.  
Quasi portio quaedam exterioris tunicae tensa & contra-  
cta, ut reliquum processus in plicas & cellulas corrugetur.  
Ita scilicet intestino aliquo exempto, filoque per longitu-  
dinem unius lateris traducto, & constricto, alterum ejus  
latus in rugosas cellulas efformabis.

Hujusmodi igitur est constitutio uteri in gallina *foetante*:  
car-

carnosa scilicet; ampla, in longum latumque ductilis, anfractuosa, spiris & convolutionibus à podice fursum, secundum dorsum spinam protensa, atque infundibulo continuata.

## DE GENERATIONE OVI.

## EXERCITATIO IX.

**V**itellus, in racemo, exigua duntaxat *papula* est; semisque auctus, colorem & magnitudinem vitelli adipiscitur; indeque abruptus, per infundibulum descendit, & per spiras cellulasque *processus* devolutus, albumen induit: nullibi (quod recte contra *Aristotelem Fabricius* observavit) utero adhaereat, nec per vasa umbilicalia augetur; sed, ut piscium, vel ranarum ova, foris ex aqua albumina sibi parant, & circumvolvunt; vel, ut fabae, ciceres, exeraque legumina, & frumenta, humore macerata intumescunt, indeque alimentum pullulanti ex sese germini acquirunt: ita similiter ex dictis uteri plicis (tanquam ex ubere, aut *placenta uterina*) albuginea humiditate promanante, vitellus sibi (vegetativo, & innato, quo pollet, calore, & facultate) albumen quaerit, & concoquit. Ideoque in plicis illis, & cavo uteri, liquor, albuminis saporem referens, copiosissime abundat. Atque hoc pacto vitellus paulatim descendens, albumine cingitur, donec tandem, in extremo utero, membranis, testaque duriore assumptis, ad partum perficitur.

## DE OVI INCREMENTO, ET EXITU.

## EXERCITATIO X.

**A**udiamus Fabricium: *Sicuti dicimus (inquit) ventri-Pag. 3.  
culi actionem esse chylicationem; & testium actionem,  
seminis generationem; quia in ventriculo chylus, in testibus se-*  
Tom. II. E men



men compertitur: sic ovorum generationem esse pennatorum uteri actionem, omnino asseveramus, quod ovum inibi invenitur. Sed non est haec sola uterorum functio, ut patet; sed ea quoque adnotatur, & enumeratur, nimirum ovi augmentum, quod ovo statim genito succedit, quousque perfectum efficiatur; & justam magnitudinem adipiscatur. Etenim gallina non prius naturaliter ovum parit, quam perfectum factum, & congruam magnitudinem adeptum fuerit. Igitur uterorum actio, tum ovi generatio, tum augmentum est: augmentum autem, nutritionem supponit, & includit. Sed cum generatio omnis à duobus perficiatur, videlicet opifios, & materia, agens in ovorum procreatione nil aliud est, quam instrumenta, seu organa proposita, nimirum duplex uterus: materia vero nulla alia, quam sanguis.

Nos autem brevitati studentes, (omissis, ut oportet) altercationibus, ut facile concedimus, uteri officium, & usum procreandis ovis destinatum esse; ita efficiens adequatum (ut dici solet) & immediatum, in ovo ipso contineri asseveramus: ovumque, non ab utero, sed ab interno principio naturali, sibi quoque proprio, tum generari, tum augeri censemus; principiumque hoc à tota gallina primum in vitellum inchoatum, primamve papulam profluere; quod deinde (ceu innatus calor, aut natura opifex) vitello inhaerens, ipsum nutrit, augetque: quemadmodum in unaquaque corporis parte facultas quaedam inest, quae ipsae singulatim aluntur, & crescant.

Modum autem quod attinet, quo vitellus albumine augetur, Aristoteles videtur credidisse, in ovis, dum mollibus membranis obvolvuntur, canalem umbilicalem in acuta ovi parte esse, (ubi ovi principium statuit) per quem augeatur. Quam sententiam Fabricius reprehendit, negatque ullum talem canalem adeste, aut vitellum ullibi utero adhaerere: atque dubium de ejecti ovi appendicula diluit: discendo, ovum augeri dupliciter, prout duplex est uterus, superior, & inferior; & ovi substantia duplex, vitellus, & albumen. Vitellus adaugetur vero augmento, sanguine nempe, qui ad ipsum per venas porrigitur, dum adhuc vitellario appenditur. Albumen autem

De gen.  
an. l. 3. c.  
2.  
Pag. 11.

- alio.

alio modo adaugetur, & accrescit, ac vitellus: etenim non per venas, neque per nutritionem, ut vitellus, incrementum suscipit; sed per juxta positionem vitello (dum per secundum uterum devolvitur) adhaerescit.

Mea autem sententia, ovum ubique eodem modo augetur, quo vitellus in racemo; à principio nempe intrinseco concoquente: hoc solum discrimine, quod in racemo alimentum illi per vasa deferatur, in utero autem jam paratum inveniatur, quod imbibat. Quippe in omni nutritione, & accretione, aequaliter necessaria est partium juxtapositio, & applicati alimenti concoctio ac distributio: neque haec minus, quam illa, vera nutritio censenda est: siquidem utraque novi alimenti accessu, appositione, agglutinatione, atque transmutatione contingit. Nec minus sane ciceris, vel fabae, attracto per tunicas suas terrae humore, (quem veluti spongiae imbibunt) verè nutriri dicuntur; quam si eundem per venarum oscula admitterent: & arbores corticibus suis rorem pluviasque absorbentes, aequè verè aluntur, ac per radices solent. Verum de nutritionis modo, alibi plura annotavimus. Impraesentiarum nos alia difficultas tenet; nimirum an vitellus, dum albumen acquirit, separationem ejus aliquam, & distinctionem non faciat; atque ita, dum augetur, pars quaedam terrestrior in vitellum, seu medium ovi (tanquam ad centrum, ut *Aristoteles* voluit) subsidat? pars alia levior eundem circumambiat. Inter vitellum enim, qui adhuc in racemo est, & eum qui in medio perfecti ovi reperitur, hoc maxime interest; quod ille, quamvis luteo colore sit, consistentia tamen magis albumen referat; & coctura, hujus instar, crassescat, compactus, viscidus, & in laminas fissilis sit: vitellus vero qui in ovi perfecti medio est, à coctione friabilis fiat, & consistentiae magis terrestris, (non crassae, & glutinosae albuminis instar) appareat.

## DE OVI CORTICE.

## EXERCITATIO XI.

**T**Empestivum est, post declaratam ovi generationem, de ejus partibus, & differentiis agere. Componitur autem ovum (inquit Fabricius) ex vitello, albumine, chalazis duabus, tribus menbranis, (Videlicet, una vitelli propria, duabus totius ovi communibus) & demum cortice. Quibus duo addenda sunt, quae vere ovi partibus annumerari non possunt; alterum est, quaedam exigua cavitas in obtusiore ovi parte intus prope putamen efformata; alterum, perexiguum, albumque vestigium, quasi rotunda cicatricula vitelli superficie adnata. Quorum omnium historia exactius nobis afferenda est, ab externis exordientibus. Ovi exterius operculum (quod cortex, & putamen appellatur à Plinio; ovi testa, à Quinto Sereno;) est integumentum durum, tenue, friabile, porosum, colore vario; nimirum candido, pallido, rubro, maculato, & punctis distincto: videlicet gallinarum & columbarum, candido; palustrium, pallido; tinnunculi, rubro, ut minium; phasianorum, maculato, punctisque distincto, ut ait Aristoteles. Putamen non omnia ova sortita sunt: Etenim serpentium ova eo destituuntur; & gallina aliquot solent (raro tamen) sine cortice ovum parere. Putamen hoc quanquam durum est, non tamen aequaliter in omnibus partibus durum apparet; sed durius ad ovi principium, & superiorem partem est. Ideoque Fabricius dubitandum ait, ex qua materia, & quo tempore, ovi testa gignatur. Aristoteles enim & Plinius affirmant, corticem non intus gigni, sed cum ovum editum est; & prout exit, ita ab aëre externo obdurari, colore externo evaporrote humorem. Idque factum, ait Arist. ne parenti dolorem moveret, & facilius egrederetur. Quemadmodum ovum aceto emollitum, in vas stricti orificii facile intrudi dicitur.

Fabricius quidem huic opinioni diu adversabatur; quod ovum duro cortice obductum intus reperisset; idemque mulieres



quotidie experiantur, dum extra abdomen digitis ovi duritiem pertentant, ut cognoscant, an gallina mox sit editura ovum, necne. Postea autem, cum accepisset à mulieribus fide dignis, ovorum corticem in exitu ab aëre obdurari; qui lentum quendam humorem exeunti ovo circumfufum è vestigio exsiccat, & cortici nondum exacte duro apponat, & induret; atque ipse tandem experientia id comprobaſſet: mutavit ſententiam, putavitque, ovum cortice obductum, & constitutionem inter molle & durum adeptum, jam in exitu ſtatim impenſius obdurari; concreſcente circa putamen è vestigio, propter humoris evaporationem, (ut ait *Arist.*) viſcoſa ac tenaci quadam humiditate; cum qua madescens in tota ſuperficie ovum naſcitur, & recenti cortici adhaereſcens exſiccatur, obduraturque, frigido nonnihil interea conferente. Id quod facile intueberis (inquit) ſi gallinam domeſticam domi habueris, & ovum ei in exitu dextro manu arripueris.

In hac *Aristotelis* ſententia diu haeſeram, donec me certa experientia contrarium docuit. Quippe compertum habeo, ovum in utero, fere ſemper duro cortice obductum eſſe. Et aliquando vidi ovum, è gallina viva exemptum, atque etiamnum calens, ſine cortice humiditate tenaci madescens; quod tamen ab humiditate illa circa putamen concreſcente, aut evaporante, (ut voluit *Fabricius*) nihil omnino obduruerat, neque ab aëre ambiente frigido permutabatur; ſed mollitiem, quam in utero habuerat, retinuit.

Viſum eſt etiam à me ovum è gallina recens prognatum, perfectoque cortice incruſtatum, cuticula tamen membranofa, & molli ſuper corticem inducta veſtitum; quae membrana ne quidem poſt ovi ortum concreſcebat. Vidi praeterea ovum è gallina natum, undiquaque teſta obductum, praeterquam in acuti culminis apice, ubi exigua molliſque quaedam eminentia (qualem forte *Arist.* pro umbilici veſtigio habuit) permansiſit.

*Fabricius* itaque mihi videtur à vero reſceſſiſſe: neque enim ea dexteritate unquam fui, ut ovum in ipſo exitu ar-

ripere, idque inter molle & durum reperire, potuerim. Et hoc fidenter assero, *corticem* intus, sive in utero, ex materia ibidem oblata confici; & non aliter, quam reliquas ovi partes, à formatrice ejus facultate *plasmari*: eoque magis, quod viderim ovum perexiguum (Fabricius *centenarium* vocat, & nostrates mulieres gallo adscribunt) crusta tectum, intra aliud gallinae ovum majus, perfectum, & cortice circumcirca obductum, contineri. Ovum hoc *Serenissimo Regi Carolo*, Domino meo clementissimo, multis aliis coram, spectandum praeberi. Eodemque anno in limone majore dissecto, limonem alterum perfectum, sed perexiguum, flavo cortice obductum, repertum. Quod jam crebro in *Italia* contingere, audio.

Communis eorum error est, qui hodie philosophantur, quaerere varietatis partium causas, ex diversa materia, unde oriuntur. Ita *Medici*, varias corporis partes, ex diversa materia, vel sanguinis, vel spermatis, gigni & nutriri asserunt: nempe ex tenuiore materia, partes molles, ut carnem, ex duriore & crassiore, terrestres partes, ut ossa &c. Nos autem errorem hunc nimis pervulgatum, alibi refutavimus. Nec minus illi falluntur, qui ex atomis omnia componunt, ut *Democritus*, aut ex elementis, ut *Empedocles*. Quasi generatio nil aliud foret, quam separatio, aut congregatio, aut dispositio rerum. Non est quidem negandum, ut aliquid ex aliquo producat, huc quae dēta sunt necessario requiri; generatio tamen ipsa ab iis omnibus diversa est. In hac sententia *Aristotelem* reperio: atque ipsemet postea docebo, ex eodem volumine (quod omnes fateantur simile esse, non autem ex diversis partibus compositum) singulas pulli partes, ossa, ungues, plumas, carnem, caeterisque omnes, procreari, & nutriri. Praeterea, qui hoc modo philosophantes materialem duntaxat causam assignant, & vel elementis sponte aut casu concurrentibus, vel ex atomis varie dispositis, causas rerum naturalium deducunt; quod est in operibus naturae, atque in generatione & nutritione animalium

lum præceptum, haud attingunt: divinum nempe illud efficiens, & naturæ numen, (quod summa arte, providentia, & sapientia operatur, omniaque in finem aliquem, sive boni alicujus gratia effecit) non agnoscunt; sed divino Architecto honorem derogant; qui non minore artificio, & providentia *Corticem*, in ovi tutelam, exstruxit; quam cæteras omnes ovi particulas ex eadem materia, & per eandem facultatem formatricem composuit.

Quamquam illa, quae jam diximus, vera sunt (ovum scilicet etiamnum in utero existens, duro cortice muniri) tantopere tamen apud me semper valuit *Aristotelis* auctoritas, ut non remere ab illa recedendum putem; ideoque credam (quod etiam observationes meae confirmant) huic corticis concretioni, aliquid in ipso ejus exitu ab ambiente aëre accedere; lentumque illum & lubricum humorem, (a quo, dum nascitur, madet) statim ab ejus exclusione indurari. Cortex enim, dum in utero est, multo tenuior, & transparens magis, ac laevi superficie conspicitur; edito autem jam ovo, crassior multo, minus translucidus, & superficie aspera (tanquam pelline albissimo adperso, & super accrescente) apparet.

Liceat nobis, hic dum sumus, aliquantulum expansiari.

In *Scotiae* insulis orientalibus desertis, tanta omnis fere generis avium marinarum copia reperitur; ut, si, quae à fide dignis accepi, retulero, verear, ne fabulas majores narrare videar, quam quas auctores varii, de *anseribus* *Scoticis* ex arborum quarundam fructibus, (quos nunquam viderunt) in mare delabentibus prognatis tradiderunt. Quae ipsemet vidi, bona fide edisseram.

Est insula parva, *Scoti Basse* nominant, (ex hac una *Lector* nosce omnes) non procul a littore in alto mari sita, abrupto & confragoso clivo editissima, (verius saxum ingens, sive scopulum dixeris,) haud amplius mille passuum circuitu amplitudo ejus clauditur. Hujus Insulae superficies, (mensibus *Majo*, & *Junio*) nidis, ovis, pulisque pro-



propemodum tota instrata est; adeo, ut vix uspiam, praecorum copia, pedem libere ponere liceat: tantaque supervolitantium turba, ut (nubium instar) Solem, coelumque auferant; tantusque vociferantium clangor & strepitus, ut prope alloquentes vix audias. Si subjectum mare, inde, (tanquam ex edita turri, & altissimo praecipitio) despexeris; idem quoquoersum infinitis diversorum generum avibus natantibus, praedaeque inhiantibus operum videas. Quemadmodum, verno tempore, stagna allicubi ranis refertissima cernuntur: & aprici colles, montesque acclives frequentissimis ovium caprarumque gregibus obsessi eminus spectantur. Si circumnavigando imminentem clivum fuscipere libuerit, videas in singulis praerupti loci crepidinibus, & recessibus, avium cujuslibet generis & magnitudinis ordines innumerabiles; plures sane, quam illuni nocte, & sereno coelo, stellae conspiciuntur: si advolantes, avolantesque eminus adspexeris, apum profecto ingens examen credas. Haud facile dixerim, quantus redditus quotannis ex plumis, & nidorum (foco utilium) reliquiis, ovorumque coctorum commercio, *possessori* accedat: adeo, quod ipse mihi narravit, fidem exsuperat. Hoc unum, quod ad propositum nostrum propius spectat, potissimum mihi memorabile videtur; estque praefatae multitudinis clarum indicium. Tota haec insula adventantibus candido nitore micat; clivique, tanquam ex albißima creta, fulgent; faxi tamen natus color obscurus, & niger est. Insulam albam & splendentem reddit crusta ei adhaerens albißima, friabilis, ejusdemque (cum ovi cortice) consistentiae, coloris, & naturae: adeo omnia ejus latera integumento duro, testaque alba friabili superinducta, trullistata sunt. Pars ima, quam reciproca maris unda quotidie abluit, nativo suo colore conspicua, luculenter docet, albedinem illam in summo fucatam esse, & à liquidis avium excrementis (quae cum alvi faecibus elidunt) proficisci; quibus, tanquam ovi testa alba, dura, & friabili, saxum obtegunt &

& (accedente aëris ambientis frigore) incrustant; eodemque modo *Aristoteles* quoque, & *Plinius*, ovi testem fieri, voluerunt. Harum avium nullae illius loci inquilini sunt; sed pariendi causa advenae, per aliquot duntaxat septimanas ibidem, tanquam in diversorio, morantur; donec scilicet pulli una avolare possint. Tamen alba illa crusta adeo solida, firma, profunda, adhaeret ut genuinam illius soli naturam crederes.

Excrementum hoc liquidum, album, & lucidum, ex avium renibus cum urina per ureteres in communem cavitatem, seu *cloacam*, delabitur; faeces alvi ibidem coeperit, atque una prodit foras: estque crassior earum urinae pars, quam, in nostra, *sedimentum*, sive *hypostasim* nominamus. Nonnulla de hac re supra diximus, atque eandem alibi plenius demonstravimus. Albi hujus excrementi copia ibi praesertim conspicua est, ubi accipitres stationibus suis conterminos muros faecibus illinunt, albedine gypsea obducunt, & quasi cerussa depingunt.

In *struthionis* mortui cloaca, gypsei hujus caementi eam copiam reperi, quae manum integram facile impleret. Similiter in *testudine terrestri*, caeterisque quadrupedibus oviparis, album hoc caementum abundat; forasque ejectum, evaporatione tenuioris partis, cito vel in crustam friabilem, aut in pollinem ovi testae pulveratae simillimum, concrevit.

Inter avium tam diversa genera (quae ad Insulam dictam generandi causa advolant) tamque varios nidorum modos, in quibus ova incubant, una mihi monstratur avis, quae ovum duntaxat singulare, sive unicum parit, idemque super cujusdam lapidis acuti fastigium collocat, (nullo nido, aut conquisita strue supposita) idque tam firmiter, ut mater abire, & redire, salvo ovo, possit. Hoc autem si quis loco dimoveat, nulla arte postea stabiliri potest; quin inde devolutum, praeceps in mare ruat. Locus nempe (ut dixi) caemento albo incrustatur) ovumque cum nascitur, lenta & viscosa madet humiditate, qua cito con-

crescente, tanquam *ferrumine* quodam, subtrato faxo agglutinatur.

Tam subitae concretionis exemplum apud *Statuarios* videre est, qui ex alabastro calcinato, vel gypso aqua temperato, *caementum liquidum* efficiunt; quo ita applicito, defunctorum vultus, vel alterius cujuscunque rei, etiam minutissimae, simulacrum & imaginem excipiunt; eodemque mox indurescente, *proplasmata* concinnant.

Quemadmodum igitur, in omnibus fere liquoribus terreni aliquid inest (ex gr. in vino, tartarus; in aquis, limus, aut sabulum; in lixivio, sal; qui, humido magnam partem exhalante, concrescit & subsidet) ita pariter sedimentum album avium, una cum urina, è renibus in cloacam descendere arbitrabar, ovumque ibidem eodem obliniri, & incrustari; ut pavimenta à falconibus, & praedictae Insulae totum olivum gypsari diximus: & perinde atque vasa, locaque alia ubi crebro mingitur, flavo cortice tegi solent; materia illa scilicet concrescente, ex qua calculi in renibus, vesica, aliisque corporis partibus generantur. Credebam, (praesertim *Aristotelis*, & *Plinii* autoritate) ductos, ex hujusmodi albo sedimento, quod in omnibus oviparis, (quorum ova duro cortice integuntur) copiose adest, ovi gallinacei corticem fieri, & ab ambiente frigore (dum excluditur) concreescere: Tandemque meam sententiam, aliae quoque plurimae observationes adeo confirmarunt; ut vix mihi temperem, quin credam, aliquam saltem testae partem inde produci.

Veruntamen (ut recte monet *Fabricius*): *ratio omnis contrasciat oportet, ubi experientia refragatur.* Vitiumque hujus seculi est nimis familiare; phantasmata, ex conjectura, levique ratiocinio (sine oculorum testimonio) nata, pro manifesta veritate obtrudere.

Mihi enim certo compertum est, ovum (saltem apud nos) in ipso utero existens cortice integri: licet *Aristoteles*, & *Plinius* contrarium affirmant, idque *Fabricius* quoque *baud pertinaciter negandum* putet. Forsitan locis calidioribus,



bus, & robustioribus gallinis, ovum molle & sine testa ut plurimum nascitur; apud nos vero id rarissime contingit. Ita mihi olim, *Venetis* cum essem, *Aromatarius* Medicus clarissimus ostendit, inter utramque faseoli laminam, minutum folium efformatum; cum tamen apud nos, in similibus faseolis, duntaxat apex parvulus nascituri germinis appareat. Tantopere ad foecunditatem & celeriorem proventum, caeli, soli, aërisque benignus tepor, & clementia conducunt.

## DE RELIQUIS OVI PARTIBUS.

## EXERCITATIO XII.

**U**bi autem, quando; & quomodo reliquae Ovi partes generentur, in historia uteri partim jam diximus; Albumen partimque postea, ubi de earum utilitatibus agetur, dicemus. Pag. 2.

*Albumen* (inquit *Fabricius*) ovi albus liquor, *Plinio*; ova candidum, *Celfo*; ovi albor, *Palladio*; ovi album, & albumen, *Apicio*; Graece λευκόν; ab *Arist.* ὡς λεύκωμα; ab *Anaxora*, ἐγὼ δὲ γάλα, lac avium dicitur. Estque ovi liquor frigidus, lentus, albus, varius crassitie, (nam ad obtusam, acutamque ovi partem liquidius, in aliis partibus crassius visitur; & copia, (copiosior enim est ad obtusam ovi partem, minus ad acutam, & adhuc minus in caetera ovi parte) vitellum undique obtegens, & cingens.

Ego vero in ovo gallinaceo non modo varium albumen observavi, sed etiam duplex; utrumque propria membrana involutum: alterum tenuius, liquidius, & ejusdem ferme consistentiae cum humore illo, quem ex uteri plicis manantem, albuminis materiam & nutrimentum diximus. Alterum albumen est crassius, & viscosius, pauloque magis ad albedinem vergens; in vetustioribus autem & requietis ovis, post aliquot dierum incubationem, subflaves-

scens. Ut secundum hoc albumen, vitellum undique obtegit; ita liquor ille exterior, ipsum circumambit. Bina haec albumina distincta esse, vel hinc constat: Si, ablato cortice membranam utramque proximam penetraveris; videbis alborem liquidum & exteriorem protinus effluere; iisdemque membranis hinc inde in patinam reclinatis, interius tamen & crassius albumen, locum, & figuram suam globosam servat; utpote membrana propria, tenuique adeo, ut visum prorsus effugiat, terminatum; hanc autem si secueris, secundum albumen illico huc illuc sparsum effluit, & figuram rotundam amittit; perinde atque è vesica secta humor in ea servatus prorumpit; & disrupta propria vitelli membrana, liquor croceus egreditur, & globositas pristina subsidit.

Vitellus  
Pag. 5.

*Vitellus* (ait Fabricius) à vita dicitur, quod eo vivat pulchus; dicitur quoque à calore, ovi luteum: Graece, *λευκόν*; Hippocrati, *χλωρόν*; Aristoteli, *αλερόν*, & *λέκον*: Antiqui (ut Suidas ex Menandro) *νεοττόν*, i. e. pullum appellarunt; quod existimarent ex ea ovi parte pullum nasci. Est ovi liquor molliissimus, tenuissima membrana obductus, qua abrupta effluit, neque amplius in se constans detinetur; in medio ovi consistens; colore modo luteo, modo inter flavum & pallidum medio; perfecte rotundus; magnitudine varius, pro pennatorum magnitudinis varietate, palustria enim plus lutei, terrestria plus albi habere scribit Arist. Hoc eodem autore, luteum ovorum

Hist. an. 1. atque albumen contrariam naturam obtinent; non solum colore, 6. c. 2. sed etiam potestate. Luteum enim à frigore densatur; albumen non densatur, sed magis liquefcit. Contra ab igni spissatur albumen, luteum non spissatur; sed molle permanet, nisi peruratur. Et elixando, quam assando, plus concrefcit, atque siccat. Et quemadmodum in mundo majore, terra in centro posita, aqua & aëre circumdatur; ita pariter vitellus, ovi pars terrestrior, duobus albuminibus, crassiore, & tenuiore ambitur. Imo vero (teste Aristotele) si quis vitellos atque albumina multa exempta, inque patinam indita commiscuerit, atque elixarit igne molliore remissioreque; lutea tota massâ

Hist. an.  
1. 6. c. 2.  
De gen.  
an. 1. 3. c. 1.

*massa in medium coit orbiculare, alba autem huic circumfunditur. Medici autem plurimi, albumen esse partem ovi frigidiorē statuunt. Sed de his posthaec, plura.*

*Chalazae, i. e. grandines (Italis galladura, Anglis the Chazae-tredde) binae singulis ovis obtigerunt; altera in obtuso, altera in acuto angulo. Plus earum in albumine reperitur; vitello tamen validius adhaerent, ejusque membranae appenduntur. Corpora sunt longiuscula, concreta magis quam albumen, & albidiora, nodosa, luciditatis cujusdam non expertia, ut grando; unde illis nomen: constat enim quaelibet chalaza pluribus quasi grandinibus albumine ad invicem junctis. Earum altera major est, & longius à vitello versus obtusum ovi cacumen protenditur: altera minor, à vitello inferius versus partem ovi acutam porrigitur. Major ex duobus vel tribus nodis, quasi grandinis granis, globulifve conflatur; qui modico intervallo à se invicem distant; & minor ordine majori succedit.*

*In omnibus omnium avium ovis reperiuntur; foecundis pariter, & subventaneis: idque in utroque eorum cacumine. Unde apparet vulgaris muliercularum error, existimantium, grandines esse galli sperma, atque ab ipsis pul-  
Pag. 48.  
 lum procreari. Atque ipsemet Fabricius, licet neget eas ex galli semine constare; multis tamen rationibus contendit, eas immediatam esse materiam, quam gallus foecunditate imbuat, & ex qua pullus corporetur: Idque hoc levi argumento, quod in cocto ovo, chalazae in se ipsas ita contrahantur,  
Pag. 57.  
 ut conceptus, sive pulli jam efformati ac geniti similitudinem referant. Verisimile tamen non est, plura futuri foetus rudimenta in eodem ovo requiri: nec unquam quisquam, nisi in obtuso angulo, pulli primordium reperiit. Quinetiam dictae chalazae in ovis per coitum foecundis, nulla sensibili differentia ab iis discrepant, quae in ovis irritis inveniuntur. Hallucinatus itaque est vir clarissimus circa Grandinis usum in ovo; idque postea ex dicendis clarius constabit.*

*Etiā in minimarum avicularum ovis, tenue filum,*



aut nervulus, *chalazae* vestigium exhibet. In ovorum *Struthionis*, & *Cassoware* utroque cacumine, vidi *chalazas* crassissimas, & albissimas ex pluribus globulis magnitudine invicem cedentibus conflatas.

*Cavitas.* *Cavitas* quaedam exigua in obtusiore ovi parte, intus prope putamen conspicitur; quae interdum in ipso fastigio sita est, interdum nonnihil ad latus inclinat, subjectae *chalazae* fere è directo respondens, Figura, ut plurimum, circulari est; in anate autem & anseris exacte circulum non refert. Hanc evidenter tanquam maculam obscuram cernere licet, si posito ex adverso lumine, impositaque transversim manu, in obscuro intuitus fueris. In ovo recentissimo exigua est, oculi humani pupillae magnitudinem referens. Quotidie increscit, prout ovum requietum magis fuerit, & ambiens aër calidior. A prima statim incubationis die valde ampliatur: tanquam, parte aliqua exterioris & liquidioris albuminis exhalante, reliqua contraheretur, & spatium relinqueret: fit enim *cavitas* isthaec inter testam, membrana succingente ibi loci destitutam, & membranam anteriorem universos ovi liquores amplectentem. Omnibus ovis inest: imo vero in utero adhuc remanente ovo, quamprimum cortice obtegatur, inveni; Adjunt harum rerum curiosi, si *cavitas* haec in summo fastigio fuerit; ex ejusmodi ovo nasciturum marem; foeminam autem, si versus latus deflexerit. Hoc sane compertum est; *cavitatem* minimam significare ovum jam recens editum; contra vero, requietum esse, si grandiuscula fuerit. Erit autem uberior postea de hac re dicendi locus.

*Cicatricula.*

*Circulus* albus, & perexiguus, vitelli tunicae (tanquam *cicatricula* quaedam inusta) adnascitur: quam ideo *Fabricius Cicatriculam* nominavit; sed parvi fecit, & potius ovi affectionem, quam partem ejus aliquam existimavit. *Macula* haec perpufilla est, lenticulae fere magnitudine, aviculae pupillam referens, alba, plana, & circularis. Omnibus quoque ovis inest; etiam à prima eorum origine in vitellario. Quare fallitur *Fabricius*; dum putat, hanc ma-

maculam esse duntaxat abrupti pedunculi vestigium, quo, in ovario, ipsi racemo appendebatur. Pedunculus enim (ut ipse agnoscat) cavus est, & vitello appropinquans dilatatur, ut ipsum totum ambiat, & tanquam in sacculo contineat: non autem illi (ut pedioli pomorum, aliorumque fructuum) insigitur, ut ita abruptus vestigium sui relinquat. Quod si aliquando in magno vitello, (ut *Fabricius* refert) duplicem maculam conspexeris: causa monstri forsitan fuerit, & duplicati foetus, (ut postea dicitur;) non autem duplicis pedunculi indicium. Plurimum vero hallucinatur dum *cicatriculam* hanc nulli usui inservire credit: est enim praecipua totius ovi pars, cujus gratia reliquae omnes efformantur, & ex qua pullus originem suam ducit. *Parissanus* quidem perperam hanc esse galli semen contendit.

## DE OVORUM DIFFERENTIIS.

## EXERCITATIO XIII

**O**rum generaliter bifariam sumitur; vel proprie, vel improprie. Ovum proprie dictum appello, cui ovi definitio ab Aristot. tradita, competit: Ovum est, ex cujus parte animal gignitur, reliquum cibus ei, quod gignitur, est. Improprie vero dictum ovum appello, quod similiter Aristot. eodem loco definiit, ex quo toto animal nascitur; ut sunt ova formicarum, muscarum, aranearum, quorundam papilionum, & alia id genus perpusilla admodum ova; quae Arist. fere perpetuo veritus est ovi voce nuncupare, sed vermiculi nomine ipsa donavit. Haec quidem *Fabricius*: nobis autem, (qui de ovi gallinaei generatione praecipue agimus) omnium ovorum differentias hic universim tradere, non est animus; sed gallinaceorum duntaxat dissimilitudines proponere. Ova igitur gallinacea, alia, sunt recentia; alia, requieta; illa, quam haec, albidiora sunt; aetate quippe offuscantur, & praesertim ab incubatione: iisdem etiam cavitas in obtu-

Hist. an.  
l. i. c. 5.De gen.  
an. l. i.  
c. 2.

Pag. 19.

Ovorum  
differentia  
ab aetate.

tuso angulo exigua est: &, si valde recentia fuerint, ab adhaerente polline aliquantulum scabra sunt: requieta vero, ut cortice obscuriore, ita & laevigato magis constant. Recentia (modo integra fuerint) prope ignem posita sudant; &, prae caeteris, jucundo sapore praedita sunt, plurimumque in delitiis habentur. Imo vero, ova, post duorum aut trium dierum incubationem, suavius sapiunt, quam requieta: quasi blando gallinae tepore denuo rescillata, ad naturam atque integritatem recentium revertentur. Quinetiam, post diem decimum quartum, (cum jam pullus plumescere incipit, mediumque ovi possidet, & vitellus fere integer superest) ovum in aqua ebulliente ad duritiem coxi, ut pulli situm exquisitius dignoscerem; cujus posituram, instar proplasmatis, albuminis cavitas expressit: ejusque vitellum grati plane saporis, similisque suavitatis cum recenti ovo itidem indurato, reperi. Vitellus, vivente adhuc gallina, à racemo diremptus, statimque comestus, dulcius sapit crudus, quam coctus.

A figura.

Hist. an l.  
6. c. 2. l.  
16. c. 52.  
l. 9. de  
rust. c. 5.  
Scalig. in  
locum.

Ovorum etiam a figura discrimen est: alia enim aliis longiora sunt, & acuminata magis. Ex oblongis & acutis ovis (autore Aristotele) foeminae generantur: ex iis, quae mucronem obtusum habent, mares. Plinius autem contrarium statuit; Foeminam edunt, inquit, quae rotundiora gignuntur, reliqua marem. Cum eo etiam est Columella. Cum quis volet, inquit, quamplurimos mares excludi, longissima ova subiciat: & rursus, cum foeminas, quam rotundissima. Aristotelis sententia hanc causam habet: quoniam calidiora sunt rotundiora: est enim caloris congregare & constituere; plusque is calor potest, qui plus operatur. A validiore igitur & perfectiore principio, robustius & perfectius animal exsurget. Tale est mas, foeminae (praesertim gallus gallinae) comparatus. Contra autem, minora ova inter imperfecta recensentur, & minima omnino improlifera habentur. ideoque Aristoteles ad laudabilem ovorum proventum, frequentem galli coitum laudavit. Sterilia autem, & subventanea ova, minora esse asseruit, minusque



sapida; quod talia sint humida, & imperfecta. Dicta autem differentia intelligenda est, de ovis ejusdem gallinae: nam cum gallina quaelibet similia semper ova pariat; mares inde omnes, vel foeminas produceret. Aliter si intellexeris, incerta valde fuerit, ex praedictis signis, de mare, aut foemina conjectura. Quippe variae gallinae, ova edunt tum magnitudine, tum figura dissimilia: aliae nempe oblonga, aliae rotundiora, parumque à se invicem discrepantia. Licet enim aliquando in ejusdem gallinae ovis discrimen aliquod invenerim; est tamen hoc adeo exiguum, ut, nisi valde exercitatis, non innotescat. Cum enim in eodem utero, (in quo cortex adnascitur) ceu *proplasmate*, singula ejusdem gallinae ova figuram suam penè eandem acquirant; (quemadmodum in coli cellulis excrementorum scybala) necesse est, ut magna inter illa reperiatur similitudo; adeo, ut ipsemet non multo negotio, in parva gallinarum caterva, quodnam cujuslibet gallinae ovum esset, facile internoscere potuerim. Idque alii promptius praestiterint, postquam huic diurnam ac sedulam operam impenderint. Profecto admiratione longè dignius est, quod in venatoribus quotidie experimur. Vivariorum custodes diligentiores, qui cervorum, vel dammarum complurium curam habent; si forte cornua singulis annis decidua, in sylvis aut saltibus repperint; quorumnam cervorum ea fuerint, certissime dignoscunt. Erat pastor stolidus plane & infrunitus, qui ovium numerosum gregem curabat; is singulis adeo internoverat, ut, si quaepiam abesset à grege, (licet numerare nesciret) nominatim indicaret quanam esset, à quo emptā, aut unde venisset. Aliquando etiam, tentandi gratia, inter quadraginta agnos simul in ovili conclusos, quem *Dominus* vellet, particulatim seligebat, & ad matrem in grege errantem deferebat. *Venatores* novimus, qui, si cervum aliquem, aut ejus cornua, semel duntaxat conspicati essent, aut vestigia ejus in luto vidissent; eundem postea, per eadem cornua, aut vestigia, (tanquam ex ungue leonem) à cae-

reris omnibus certo distinguerent, atque internoscerent: quin etiam ex vestigiis jam primum visis, de ignoti cervi magnitudine, obesitate, & vigore judicarent; nempe; utrum viribus validus, an cursu defatigatus esset; simul, utrum mas, an foemina, discernere. Dicam adhuc amplius; sunt, qui in venatione, ubi quadraginta circiter canes feram insequuntur, omnesque simul elatis vocibus perstreperunt, singulos tamen (etiam eminus) internoscant, atque auditu solo intelligant, quis eorum primus, quis posterior sit; quis recto tramite incedat, quis avius aberrer: num fugiat fera, an adstet, & cornibus repugnet: utrum longe praecurrat, an recens è culibi suscitata fuerit. Atque haec omnia, in medio canum, hominum, cornuumque strepitu, & fragore; idque in ignota, & obscura sylva. Haud magnopere itaque mirabimur, si diutius exercitati, singula ova, à quam gallina edita sint, intelligant. Utinam profecto aequè in promptu esset, ex filio cognoscere genuinum patrem.

à foecunditate.

Praecipua autem ovorum differentia est, quod alia, sint foecunda; alia, infoecunda; quae etiam dicuntur improlifca, irrita, hypenemia, sive subventanea, & Zephyria. *Hypenemia* dicuntur, quae sine maris coitu edita ad pullationem inepta sunt; quasi à vento prognata forent: quemadmodum *Varro* testatur, *equas in Lusitania vento concipere*. Est enim Zephyri auro foecundissima, indeque illi nomen, quasi ζωοφύου vitam ferens. Ita enim *Virgilius*:

2. De re rust. c. 1.

— Zephyrique tepentibus auris  
Laxant arva sinus, superat tener omnibus humer,  
Parturit omnis ager, &c.

Hinc antiqui, cum verno tempore, flante hoc vento, viderent gallinas; citra maris operam, ova parere; *Zephyrum* eorundem procreationis autorem rem crediderunt. Sunt etiam ova urina & cynosura (quae sunt incubatione derelicta) sic dicta, quod diebus canicularibus ova saepe pu-

putrescant, quia ob aestus nimios ab incubantibus gallinis deferuntur; vel etiam, quia ea anni tempestate crebro tonat. *Aristoteles* enim asseruit, ova perire, si gallina incubante tonuerit.

Hist. an.  
l. 6. c. 2.  
Plin. l. 20.  
c. 54.

Ova illa foecunda censentur, quae, (ablatis impedimentis extraneis) fotu blando de se pullos producant. Quod non solum fit à gallinae, sive matris incubatione, sed & cujuscvis alterius avis, (modo justae magnitudinis fuerit, ut operiendo foveat, & protegat) aut alio quocunque blando calore. Nihil enim secius (inquit *Aristoteles*) sponte sua in terra, quam avium incubatu perficiuntur. Quemadmodum in Aegypto defodiunt in fimo terra obruto. Et Syracusis prodidere potatorem quendam, ovis sub storea humo stratis tamdiu potare solitum esse, dum ova excluderentur. *Livia* Imperatrix quoque fertur ovum tandiu in gremio fovisse, donec ex eo foetus redderetur. Hodieque in Aegypto, alibique, in clibanis sive hypocaustis, pulli ex ovis generantur. Ovum itaque (ut *Fabricius* vere asserit) non modo pulli uterus, & locus est; sed id etiam à quo tota pulli generatio pendet; quam ovum perficit, ut agens, ut materia, ut instrumentum, ut locus, & ut alia, si quae concurrant.

Ibid.

Pag. 19.

Certum enim est, pullum ab interno in ovo principio efformari; nihilque ovo perfecto ab incubatione accedere, praeter fotum & tutelam; quemadmodum nec gallina, pullis jam exclusis quicquam amplius tribuit, praeter benignum calorem, & curam, quibus à frigore, & externis injuriis eos protegit, victumque facilem suppeditat. Consideratur igitur potissimum gallinae incubatio, ut exclusos jam pullos huc illuc deducat, victum idoneum quaerat, & praeparet, alarumque tepore foveat. Quod aliis artibus haud facile praestiteris. Capones, & hybridae apud nos in vivariis ex phasianis & gallina geniti, ova quidem incubant, & excludunt; pullos tamen commode deducere, curamque educationis sedulam praestare nesciunt.

Lubet hic mirari (de eadem re postea uberius disceptari) quanta sedulitate & patientia, aves foeminae fere omnes,



nes, dies noctesque totas nidis suis insideant, seseque macerent, ac prae fame propemodum enecent; quantisque periculis sese exponant, ut ova tueantur; quae si aliquando coactae tantillum reliquerint, hem! quanto ardore, & festinatione eadem repetunt, & operiunt? Anates, & anferes, interea dum paulisper abfuerint, ova stramine tegunt, & occultant. Qua vero magnanimitate, imbelles saepe matres ova sua protegunt? quae tamen fortassis subventanea, aut urina fuerint, aut etiam non sua; imo vero artificialia interdum ova, ex creta aut ebore efficta, pari animi fortitudine defendunt. Stupendus profecto avium amor erga ovum iners, & vita privatum; quod tantae sollicitudini nihil commodi, aut voluptatis retribuatur. Quis non admiretur, affectum illum, aut furorem potius, glorientis gallinae; qui extingui nequit, nisi aqua frigida obruatur? Durante hoc animi impetu, cuncta negligit; & ceu furibunda, alas dimittit, dum hispidae surriguntur plumae; inquieta, & querula obambulat; alias gallinas nido deturbat; ova passim quaerit, quae incubet; nec quiescit, donec aut illa nacta fuerit, aut pullos quos deducat; quos sane miro zelo, & ardore convocat, fovet, pascit, & tue-  
tur. Quam lepide risum movet gallina, dum supposititios anatis pullos (quos, pro suis, exclusit) in aqua nantes sequitur, locumque saepe ambiens, cum periculo vadum tentat, invocatur, mirisque artibus ad se pellicere fatagit?

Hist. an.  
l. 6. c. 2.

Ova sterilia pullos non excludunt, (autore *Aristotele*) quia humor eorum ab incubatione non crassescit, neque aut luteum, aut candidum à pristina natura immutatur. Verum de hac re postea in universali generationis contemplatione tractabimus.

Mulieres apud nos, ut ova cynosura & irrita, à foecundis, (quae pullos intus formatos habent) internoscant; post decimum quartum, aut decimum sextum à primo incubatu diem, ova in aquam tepentem molliter demittunt:

quae

quae fundum petunt, irrita habentur; foecunda, quae in-  
natant. Si foetus in ovo grandior factus se alacrius move-  
rit, ovum non modo huc illuc volutatur, sed & saltus e-  
dit. Et si aurem propius admoveris per aliquot dies ante  
exclusionem, pullum intus calcitrare, obstrepere, & pip-  
pire audies. Similes turbas ubi gallina incubans in nido fen-  
ferit, ova revolvit, & accommodat, (ut sedulae matres  
inquietos & plorantes infantes in cunis solent) donec pulli,  
debitam posituram nacti, quieverint.

Gallarum ova numero praeterea distinguuntur. *Aliquae* à Numero  
enim gallinae (ait Philosophus) toto anno pariunt, praeter <sup>Hist. an.</sup>  
menses brumales duos. Generosae quaedam, ante incubationis <sup>l. 6. c. 5.</sup>  
tempus, etiam sexagena pariunt. Quamquam hae minus sunt  
foecundae, quam plebeja. Adrianicae gallinae parvae sunt:  
quotidie pariunt: morosae tamen sunt; & pullos interimunt sae-  
pe suos; ac sunt versicolores. E domesticis nonnullae etiam bis  
indie pariunt. Jam vero etiam quaedam ob ingentem foecundita-  
tem brevi interiere.

In Anglia, aliquae gallinae quotidie ovum pariunt: sed  
fertiliores ut plurimum biduo continue pariunt; primum  
nempe ovum matutino tempore, secundum postridie sub  
vesperam; tertio autem die feriantur. Nonnullis quoque  
gallinis, ova sua rumpere, nidisque deferere consuetudo  
est. Morbone id fiat, an vitio, necdum constat.

Ab incubatione etiam differentiae capi queunt: siquidem Ab incu-  
aliae semel, aliae bis, terve, aliae multoties incubant. <sup>batione.</sup>  
*Florentinus* autor est, in *Alexandria* illa, quae ad *Aegyptum*  
spectat gallinas quasdam *Monosiras* dici, ex quibus pugna-  
ces oriantur galli, quae bis aut ter incubent, post absolu-  
tionem scilicet pullis illis subtractis, seorsumque enutritis.  
Ita contingit, ut una gallina quadraginta, aut etiam sexa-  
ginta, & plures unico incubatu excludat.

Sunt etiam quaedam ova, majora; alia, minora; ali-  
qua, etiam minima, quae vulgo in *Italia centenina* dicun-  
tur, & mulieres nostrae hodie (ut & olim) à gallo edita, <sup>à magni-  
tudine.</sup>  
& *Basileiscos* productura fabulantur. *Vulgus*, (inquit *Fabri-  
cius*)

cuius) putat exiguum hoc ovum esse ultimum gallinarum, cum jam centum ova gallina pepererit; (unde centeninum vocant) quod sine vitello est; habet tamen caetera, ut chalazas, albumen, membranas, & corticem. Verisimile enim est, tunc generari, cum vitelli omnes jam in ova migrarunt, neque amplius in vitellario aliquis super est vitellus, qui in ovum evadere possit; ex altera tamen parte, albuminis adhuc modicum superest: ex hoc enim modico credibile est, ovulum propositum creari. Mihi autem hoc minus verisimile videtur; quia certum est, absumpto toto ovario, uterum quoque secundum (ita ab eo dictum) pariter extenuari, & in membranam flaccescere; nec quidquam albuminis, vel humiditatis in se continere. Addit Fabricius: Ovum centeninum duplex reperitur, alterum sine vitello, (& hoc vere centeninum dicitur) quod est ultimum à gallina emissum, cum quo gallina omnino cessat eo anni tempore ab ovis pariendis. Alterum est similiter pusillum ovum, quod vitellum habet, & non est ultimum à gallina editum, sed intermedium, & post illud gallina adhuc sequitur ova parere justae magnitudinis, sicuti antea: sed deficit in magnitudine, propter diminutam facultatem vegetalem; sicuti accidit persico, & aliis plantis; quae modo quidem plurima justae magnitudinis, nonnulla autem perpusilla efficiuntur. Potuisset his accensere inclementiam coeli, & foli, atque alimenti penuriam, & pravitatem. Ultima autem ova semper perpusilla esse, non libenter concesserim.

Aldrovan-  
dus orni-  
thol. l. 14.  
Pag 260.

Nec desunt ovis sua monstra: Augures enim (ait Aristoteles) pro ostento habebant, quando ova tota lutea nascuntur; vel cum, discissa gallina, talia ova sub septo transverso, ubi foeminis ova adhaerent, inventa sunt magnitudine ovi perfecti.

Huc quoque referri possunt ova gemellifica, quae duobus vitellis praedita sunt; quale nuper in utero gallinae perfectum, testaque obtectum reperi, cum vitellis, cicatriculis, atque albuminibus crassioribus, omnibus geminis; aderant etiam quatuor chalazae; albumen autem tenuius

uni-



unicum duntaxat praedicta omnia circumambibat ; quod item membranae duae communes solum investiebant ; & singulari cortice integebatur. Enimvero licet *Aristoteles* dicat, & gallinas aliquas ejusmodi semper ova parere ; istuc tamen praeter naturae institutum non contingere, vix crediderim. Et quamvis ex istiusmodi ovis gemini pulli nascantur, (ut nobis compertum est, contra quam arbitratur *Fabricius*, qui ait, ex tali ovo pullum procreari cum quatuor cruribus, duobusque capitibus, aut quatuor alis : quae de re infra aliquid dicitur) non sunt tamen vitales, sed plerumque cito pereunt ; idque vel ob loci atque aeris in cortice defectum, vel quod alter alteri impedimento sit, & nocumentum adferat : neque enim fieri potest, ut uterque exclusioni aequè paratus sit, & non alter eorum abortus fiat.

Ut breviter & summatim dicam : differentiae ovorum sunt potissimum trium generum : alia nempe foecunda sunt, alia irrita : alia marem, alia foeminam productura : alia ex cognati generis parentibus, alia ex diversis oriuntur, & hybridas pullos pariunt ; qualia à gallina, & phasianio concipiuntur : & vel priorem, vel posteriorem ineuntem marem referunt.

Quippe, auctore *Aristotele*, ovum quod per coitum constitutum est, transit è suo genere, in genus aliud ; si prius coëat (quae vel subventaneum, vel semine maris diversi conceptum fert) quam luteum in candidum mutetur. Atque ita ♂ hypemina sunt foecunda, & foecunda suscipiunt maris formam, qui posterior inierit. Quod si jam in album facta sit mutatio, fieri non potest, ut vel subventanea in foecunda mutantur, vel quae per coitum concepta gestantur, transeant in genus maris, qui secundus coërit. Est enim semen galli (ut facete *Scaliger*) quasi testamentum, cujus ultima voluntas valet.

His forsan addere liceat, Ova quaedam, prae caeteris, In locum esse robusta, vegeta, & (si fas dicere) animosa : in ovis enim ut anima inest, ita etiam par virtus nidulatur. Quemadmodum enim in alijs animalium generibus, foeminae

Hist. an.  
l. 6. c. 2.

minae quaedam libidine adeo turgent Venerisque plenae sunt, ut ab omni (etiam levi) coitu, eodemque semel duntaxat & ab imbecilliore quoque mare, peracto; protinus tamen concipiant, pluresque foetus ex eodem coitu producant: aliae vero tam torpidae & ignavae sunt, ut, nisi à mare generosiore, cupidinisque spiritu accenso, comprimantur, (idque repetito saepius, & continuato coitu) prorsus infoecundae maneant. Idem quoque similiter in ovis contingit; quorum aliqua licet à coitu concepta fuerint, improlifera tamen sunt, nisi à repetito & continuato coitu perficiantur. Inde fit, ut nonnulla ova celeriter mutantur, & tertio ab incubatione die foetus primordia exhibeant; alia vero vel corrumpantur, vel tarde admodum in pullum proficiant, & ad septimum usque diem nullum futuri pulli specimen edant. Quemadmodum postea, in generatione pulli ex ovo, dicetur.

Atque haecenus de gallinae utero, ejusque officio; de generatione ovi gallinacei, hujusque differentiis, & accidentibus, experta tradidimus: quorum exemplo, de reliquis etiam oviparis judicare liceat.

Supereft, ut, de generatione & formatione foetus ex ovo, historiam prosequamur. Siquidem (ut supra monui) tota gallinacei generis contemplatio in his duobus sita est: quomodo scilicet, ex mare & foemina ovum procreetur; & quo pacto ex ovo, gallus & gallina proveniant; istoque circuitu, illorum genus aeternitatem, Naturae munere, consequatur.

## DE GENERATIONE FOETUS EX OVO GALLINACEO.

### EXERCITATIO XIV.

**D**E Ovi gallinacei formatione, & generatione, jam dictum est. Sequitur, ut de *pulli* ex ovo procreatione observationes nostras enarremus. Opus profecto aequae  
ar-

arduum, ac proficuum, & jucundum. Latent enim plerumque, veluti in alta nocte, prima *Naturae* stamina; & subtilitate sua, non minus ingenii, quam oculorum aciem eludunt.

Neque enim minore fere negotio, intima *generationis* arcana, & obscura principia, quam mundi totius compagem, & *creationis* modum, inveneris. Durat reciproco hoc *generationis*, & *corruptionis* ordine, rerum aeternitas; Et quemadmodum *Sol* oriens, occidensque, perpetuis suis circumgyrationibus aevum complet: ita similiter caducae res mortalium, alternis individuorum vicissitudinibus, redintegrata semper eadem specie, permanent.

*Auctores*, qui hac de re quicquam tractarunt, fere omnes diversum iter ingressi sunt: quod nempe privatis opinionibus, pridem receptis, occupata mens, ad consimilia extruenda dogmata inclinaret.

*Aristoteles* olim, nuperque *Hieronimus Fabricius*, de *generatione* & *formatione* pulli ex ovo, accurate adeo scripserunt, ut pauca admodum desiderari videantur. *Ulysses* *Aldrovandus* tamen ovi *pullulationem* ex suis observationibus descripsit; quam experientiam ipsam collimasse videtur. Quippe eodem tempore *Volcherus Coiter Bononiae* degens, ejusdem *Ulyssis*, praeceptoris sui, (ut ait) hortatu, quotidie ova incubata aperuit, plurimaeque vere elucidavit, fecus quam ab *Aldrovando* factum est; quae tamen hunc latere non poterant. *Aemilius Parisanus* quoque (Medicus *Venetus*) explosis aliorum opinionibus, novam pulli ex ovo procreationem commentus est.

Quoniam tamen, (secundum ea, quae à nobis observata sunt) nonnulla magni momenti aliter longe se habent, atque alii haecenus tradiderunt; quid quotidie in ovo agatur, & quae partes transmutentur, referam: praesertim primis incubationis diebus; quo tempore maxime omnia obscura, confusa, observatuque ardua sunt; & *autores* potissimum pro suis observationibus digladiantur; quas nempe praeconceptis suis opinionibus (de causis *generationis*



animalium materiali, & efficiente) magis, quam veritati ipsi accommodant.

Quae *Aristoteles* de procreatione pulli narrat, verissima sunt. Nihilominus, quasi ipsemet ea non vidisset, sed ab experto quodam accepisset, temporibus quaeque suis haud recte distinguit: plurimumque fallitur circa locum, in quo primum ovi principium sit, quem in acuta ejus parte statuit: eoque nomine à *Fabricio* merito reprehenditur. Nec videtur principium pulli in ovo observasse; aut ibidem reperire potuisse ea, quae in omni generatione dixerat necessaria. Materiam nimirum constitutivam (cum ex nihilo quicquam naturaliter fieri, impossibile sit) albumen esse voluit. Et quomodo efficiens causa (galli semen nempe) citra tactum agat; aut ovum ipsum sponte sua, sine ulla inhaerente maris genitura, foetum efficiat, haud satis intellexit.

*Aldrovandus* ejusdem erroris cum *Aristotele* affinis, ait praeterea, (quod nulli oculi, nisi coeci, concesserint) vitellum primis statim diebus ad acutum ovi angulum assurgere: putatque grandines esse semen galli, atque ab ipsis pullum constitui; nutriri autem tum vitello, tum albumine. Plane contra *Aristotelis* sententiam, qui grandines nihil ad ovi foecunditatem facere arbitratur.

Veriora multo, & autopsiae magis consona *Volcherus Coiter*. De tribus tamen globulis quae narrat, fabulae sunt. Nec principium, unde foetus in ovo oriatur, recte perspexit.

*Hieronymus Fabricius*, quidem contendit, grandines non esse galli semen; ex ipsis tamen galli semine foecundatis pullum (tanquam ex materia) corporari voluit. Vidit etiam principium pulli in ovo; maculam nempe, sive cicatriculam vitelli tunicae adnatam: sed eam duntaxat pedunculi abrupti vestigium esse, & oviaffectionem quandam, non autem partem principalem, judicavit.

*Parisanus* sententiam *Fabricii* de chalazis abunde refutavit; ipsemet tamen in circulis quibusdam, & partium prin-

cipalium foetus (jecoris nempe, & cordis) *punctis*; manifeste hallucinatur. Videtur etiam observasse principium foetus; sed, quid esset, ignorasse; cum ait, *punctum album in circulatorum medio galli semen esse, ex quo fit pullus*.

Ita contingit, ut singuli, dum ad praeconceptas dudum opiniones, formationis pulli in ovo rationes exigunt, à vero scopo aberrarent. Alii nimirum sanguinem aut semen, materiam esse censent, unde pullus constituatur: aliis semen videtur opifex, seu causa efficiens, quae eundem fabricet. Cum tamen accuratius rem omnem perpendenti certum sit, nullam ibidem paratam esse *materiam*, nec sanguinem menstruum adesse, quem semen maris, coitus tempore, coagulet, (ut voluit *Aristoteles*;) nec pullum ex femine maris, aut foeminae, aut utrisque commistis, in ovo oriundum esse.

PRIMA OVI INSPECTIO: Sive, QUID PRIMUS  
INCUBATIONIS DIES IN OVA  
PRODUXERIT.

E X E R C I T A T I O X V.

UT clarius innotescat, quid prima ab incubatu dies in ovo produxerit, sciendum primo est, quatenus sponte mutationes in eo contingant; quibus ovum requietum, à recenti, (citra incubationem) distinguitur; ut ita, quid ab ipso incubitu proficiatur, sit manifestum.

*Cavitas* igitur (ut diximus) in obtusa ovi parte, omnibus quidem adest; sed quo vetustius ovum fuerit, eo major indies redditur; praesertim locis & temporibus calidioribus, (exhalante nimirum parte aliqua albuminis tenuiore; ut in historia ovi dictum est.) Eademque, dum ampliatur, magis secundum ovi longitudinem, quam latitudinem expanditur; & figuram demum ab orbiculari declinantem obtinet.

Cortex ovi minus jam transparens, offuscatur.

Albumen crassius redditur, & viscidius; ad stramineum, sive spicuum colorem vergens.

Propria vitelli tunica laxior reddita, in rugas flaccescit. Nam & hujus liquoris aliquid tempore dissipari, verisimile est.

Grandines eodem semper loco, positura, & consistentia, in utraque ovi extremitate reperiuntur; (idque tam in ovis recentibus, quam requietis; tam per coitum conceptis, quam subventaneis) quarum firma copula vitellus cum albumine connectitur, & uterque liquor debitam invicem positionem servat. Sunt enim duo mutuo opposita stabilimenta, sive *poli* & cardines hujus *Microcosmi*; ea arte fabrefacti, quasi albuminum essent numerosae tunicae, forrentque hinc inde in utroque extremo simul contortae in chordam nodosam, qua vitello adnectuntur. Indeque fit, ut vitellus aegre ab albumine secedat, nisi prius chalazae, aut cultello rescissae, aut manu abruptae fuerint; quo facto, protinus ab invicem separantur. Scilicet horum *cardinum* ope, vitellus tum in ovi centro firmatur, tum in debita sui consistentia conservatur. Adeo, ut praecipua pars, *cicatricula* nempe, eandem ovi regionem (ceu *altitudinem*) respiciat, & in media ab utroque cacumine distantia permaneat. Quippe macula haec, sive cicatricula, tam in requieto ovo, quam recenti, eadem consistentia, magnitudine, & colore, eodemque situ exstructa cernitur. Quamprimum autem à gallinae incubantis fotu, vel alterius cuiuspiam blandi caloris accessu, ovum ad pullulationem mutari incipit; macula haec dilatatur illico, oculique pupillae instar explicatur; indeque (ceu praecipuo ovi centro) latitans plastica vis prorumpit, & germinat. Haec tamen prima pulli origo à nemine hactenus (quod sciam) observata est.

Secundo itaque incubationis die, postquam ovum horas viginti quatuor sub gallina tepuit; ut cavitas ejus in obtuso cacumine multum ampliatur & descendit, ita interior quoque ovi constitutio permutari incipit. Vitellus

nem-



nempe, qui prius in albuminis centro haerebat, versus cacumen obtusum assurgit; ejusque pars media, cui macula infixata est, attollitur, & membranae cavitatem ambienti se se applicat; adeo, ut vitellus cavitati per cicatriculam conjungi videatur. Et prout vitellus ascendit, albuminis pars crassior tantundem in acutum, imumve angulum detruditur. Unde apparet, (ut recte *Fabricius* observavit,) vel errasse *Aristotelem*, vel mendum in codice esse, cum dici-  
 tur: *Effertur per id tempus* (nempe intra dies tres totidem-  
 que noctes) *luteus humor ad cacumen, qua ovi principium est,*  
*atque ovum detegitur ea parte,* (scilicet ob cavitatem dilata-  
 tam.) Appellat autem *Arist.* principium ovi, acutam ejus  
 partem, quae posterius exit. At certum est, vitellum ad ob-  
 tusam ovi partem assurgere, cavitatemque ibidem dilatari.  
 Certe erravit *Aldrovandus*, qui (tanquam expertus) asse-  
 rit, vitellum ad acutam ovi partem efferri. Vidi aliquan-  
 do, fateor, secundo & tertio die, cicatriculam dilatatam,  
 pullique jam positum exordium, necdum tamen ascenden-  
 te vitello: Raro autem id contingit; & ab ovi imbecilli-  
 tate profectum arbitrabar.

Secundo incubationis, sive primo inspectionis die, dicta macula dilatatur ad pisi, vel lentis magnitudinem; & in circulos (ceu circino circumductos) dispertitur; qui punctum album per exiguum habent pro centro. Hanc maculam *Aldrovandum* quoque observasse, verisimile est; siquidem ait, in medio lutei quasi subalbidum quid apparuisse, cujus *Aristoteles* non meminit: & iterum, ubi ait, secunda die in vitelli medio pars candidior reliqua: atque etiam *Parisianum*, cum ait, secunda die album corpus mediocris grani lentis magnitudinem & figuram repraesentans conspici; estque illud (inquit) galli semen alba & tenuissima tunica obductum, quod substat duabus communibus toti ovo membranis; superstat vero propriae vitelli tunicae. Crediderim tamen, neminem hactenus cicatriculam hanc in omni ovo reperiri, pullique originem esse agnovisse.

Interea *Chalazas* sive grandines, hinc atque illinc ab u-

troque ovi cacumine, versus latera ejus inclinasse videas: idque ob permutatum illum (quem diximus) liquorum situm. Adeo, ut altera chalaza ex obtuso angulo aliquantulum descendat. altera vero ex acuto cacumine tantundem sursum feratur: quemadmodum in obliqua sphaera, quantum alter polus supra *horizontem* ascendit, tantundem alter deprimitur.

Vitellus etiam (praesertim ubi cicatricula est) paululum colliquescere incipit, propriamque suam tunicam (quam ante incubationem in ovis requietis laxiorem & rugosam diximus) in tumorem attollit; videturque eundem colorem, consistentiam, & saporis bonitatem, quam in recenti ovo habuit, recuperasse.

Est hic primae diei processus ovi ad prolem, primumque advenientis pulli vestigium. *Aldrovandus* addit, albumen necdum alterari; quod veritati consonum est. Dum autem affirmat, galli semen in eodem deprehendi, manifesto fallitur. Levissimo nempe argumento innixus, putavit chalazas esse semen galli, quia scilicet ova iis destituta, infaecunda sunt. Ita sane; & ne ova quidem: siquidem irritis pariter ac foecundis, grandines semper adsunt. Ille vero, forsan à mulierculis deceptus, (quae illas in Italia *galladuram* vocant) communem errorem sequutus est. Nec minoris imprudentiae *Hieronymus Fabricius* tenetur, qui sculptis pluribus imaginibus, formationem pulli exhibet; eumque ex chalazis corporari contendit: non animadvertens, grandines iis temporibus integras utrinque, & immutatas (sed loco motas) reperiri; pullique exordium alibi remote à chalazis, quaerendum esse.

## SECUNDA OVI INSPECTIO.

### EXERCITATIO XVI.

**P**Raeterito die secundo, dicti cicatriculae circuli conspectiores atque ampliores fiunt, ad magnitudinem unguis

guis digiti annularis, & interdum medii; quibus tota macula in duas regiones, (aliquando tres) easque diversis faepe coloribus obscure distinctas dividitur; oculi figuram plane referens, tum protuberantia aliqua, qualis in cornea tunica visitur; tum magnitudine; tum etiam humore transparente & lucidissimo intus contento; cujus centrum *pupillam* repraesentat; sed puncto quodam albo in centro existente, tanquam aviculae alicujus ocellus suffusionem, sive cataractam (ut vocant) in medio pupillae pateretur: obquam similitudinem, *oculum ovi* nominavimus.

Intra hos circulos (inquam) liquor continetur clarissime refulgens, quovis crystallino humore purior; quem si transversim ad lumen intuearis, tota jam macula potius in albumine locata, quam vitelli tunicae (ut prius) impressa conspicitur; & (ceu portio quaedam albuminis colliquefacta & clarificata) inter tunicam propriam tenuissimam conclusa apparet. Ideoque liquorem hunc, *oculum*, sive *colliquamentum candidum* appello: quasi nimirum pars albuminis à calore fusa & colliquata separatim fulgeret, (nisi concussionem turbetur) & veluti pars spirituosa, magisque cocta, à reliquo albumine tunica propria distingueretur, & inter utrumque liquorem (vitellum scilicet, & albumen) posita esset. Differt à reliquo albumine, claritate, & transparentia; quemadmodum aqua fontis limpidissima, à stagnante turbidiore. Tunica hunc liquorem ambiens, adeo exilis, fragilisque est; ut (nisi summa cura adhibeatur) facile dissiliat, fontemque hunc confusione liquorum turbet.

Atque hic anceps animi diu haesitabam, quid de candido hoc colliquamento statuerem (utrum nempe *calidum innatum* dicerem; an *humidum raditale*; vel materiam praeparatam futuro foetui; sive alimentum perfecte coctum, quale *Ros* censetur inter humores secundarios? Namque certum erat, (ut postea dicetur) in ipsius medio, prima foetus rudimenta jaci, huncque illo nutriri primum, auctumque postea in eodem liquore hospitari.

Colliquamentum igitur hoc brevi (eodem nempe die) auge-



augetur ; ( quemadmodum in secunda *Fabricii* figura ad-  
umbratur ) praesertim interior ejus regio ; quae : dum ex-  
panditur , exteriorem repellit , & obliterat . Perinde atque  
in eorum animalium oculis cernere est , quibus latissimae  
pupillae contigerunt , noctuque melius vident , quam in-  
terdiu : ( cujus generis sunt bubones , feles , & hujusmodi ;  
quorum pupilla in tenebris atque umbra latissime patet , in  
luce vero plurimum constringitur ) nam si talem oculum è  
luce subito in tenebras transfuleris , videbis manifesto pu-  
pillam ampliari adeo , ut reliquam circumcirca regionem  
( itidem dictam ) valde imminuat , & propemodum abo-  
leat .

In has regiones incidens *Parisanus* , egregie hallucinatur ,  
dum circulos suos , melinum , album , & gilvum , aliumque  
denuo album comminiscitur ; foetumque ex albo medio puncto  
( quod revera haectenus in istarum regionum centro appa-  
ret ) fieri ait , semenque galli esse , fabulatur . Porro ut no-  
biliore subtilitate superbiret , priusquam ( inquit ) rubor ali-  
quis in foetus corpore appareat , duae extant in eo minimae bul-  
lulae ; initio tamen , rubore earum nulla praedita est : earum-  
que alteram , pro corde ; alteram , pro jecore obtrudit .  
At vero , nec bullula aliqua conspicua est , antequam ru-  
bor sanguineus appareat ; nec foetus unquam primis sta-  
tim diebus rubescit ; neque ulla earum bullularum , nobis  
hepatis vestigium exhibet ; sed ambae binos cordis ventri-  
culos , & auriculas referunt ; & micando , ( ut postea di-  
cemus ) systole & diastole sibi invicem respondent .

Hist. an. Colliquamentum hoc *Aristoteles* videtur intellexisse , cum  
l. 6. c. 3. ait : *Membrana etiam , fibris distincta sanguineis , jam album  
liquorem per id tempus ( tertia scilicet die ) circumdat , &  
meatibus illis venarum oriens .*

Neque enim Philosophus per album liquorem , totum  
albumen intelligere potuit ; quoniam eo tempore , albu-  
minis tunica necdum venis distincta est ; sed sola colliqua-  
menti hujus tunica , cum venularum ramulis huc illuc  
sparsis , cernitur . Et propterea dixit , *membrana etiam :*  
quasi

quasi aliam intelligeret , praeter illas , quas albumen & vitellum ante incubationem ambire dixerat ; cum hanc post tertium demum diem à meatibus venarum oriri affirmet. Coiterus etiam colliquamentum hoc videtur agnovisse , cum ait , *Albuminis quaedam pars ad candorem accedens , quaedam crassior.* Dictum enim colliquamentum propria membrana cingitur , & à reliquo albumine separatur & distinguitur , antequam quippiam sanguinis appareat.

De summa hujus utilitate erga omnium animalium foetus , posthaec erit dicendi locus. Quippe in eo dum natus , ab omni concussione , sive contusione , aliisque externis injuriis immunes sunt , & eodem insuper nutriuntur. Foetus jampridem magnitudine phaseoli , ex utero cervae exemptum , omnibusque suis membris perfectum , ( adeo , ut marem esse , ex genitalibus facile discerneremus ) Regi nostro serenissimo , Reginaeque intuentum exhibui. Gratum profecto naturae spectaculum ! Natabat politus & consummatus foetus in ejusmodi candido , lucidissimo , & crystallino liquore , ( tanquam in vase vitreo purissimo ) qui ovum columbinum magnitudine aequabat & propria tunica pellucida investiebatur.

### TERTIA OVI INSPECTIO.

#### EXERCITATIO XVII.

**V**idimus secundum processum , sive praeparationem ovi ad foetum , quae die tertio observanda venit. Sequitur , ut tertium ejus apparatus intueamur ; qui post tres dies totidemque noctes considerandus est. De eo *Aristoteles* : *Generationis indicia extare incipiunt in gallinis ; post tres dies totidemque noctes.* ( puta , die Lunae mane , si die Veneris praecedenti , in aurora , ova gallinae incubiturae supposita fuerint ) estque tertiae figurae , apud *Fabricium* , facies.

Quarto itaque die si inspexeris, occurreret jam major *metamorphosis*, & permutatio admirabilior; quae singulis fere illius diei horis manifestior fit; quo tempore in ovo, de vita plantae, ad animalis viram fit transitus. Jam enim colliquamenti *limbus* linea exili sanguinea purpurascens rutilat: ejusque in centro fere, punctum sanguineum saliens emicat: exiguum adeo, ut in sua diastole, ceu minima ignis scintillula, effulgeat; & mox, in systole, visum prorsus effugiat, & dispareat. Tantillum nempe est vitae animalis exordium, quod tam inconspicuis initiis molitur plastica vis Naturae!

Observationem hanc, si sub finem tertii diei experiri libuerit; adhibita summa diligentia, & clara, magnaque luce, vel radiis solaribus adaptatis, aut perspicilli ope, discernere poteris. Alias autem ita tenuis & exilis purpuriflata linea, punctique salientis adeo imperceptibilis motus, ut plane frustra sis. Quarti vero diei principio evidenter, & sub finem ejus evidentissime apparet punctum sanguineum saliens, quod jam movetur (ait Arist.) ut animal in candido liquore: (quem ego colliquamentum nomino) ab eoque puncto meatus venarum specie duo sanguine pleni, flexuosi feruntur ad circulum purpuriflatum, & tunicam ambientem colliquamentum. Sparsis interea per ipsius colliquamenti spatia plurimis fibrosis propaginibus, quae omnes ab uno principio (ut arborum virgulta ab eodem trunco) profluunt. In hujus radice angulo inflexo, colliquamentique medio, punctum rubrum saliens ponitur, quod in pulsu suo rhythmum & ordinem, ex systole & diastole compositum servat. In diastole quidem, quasi majorem sanguinis quantitatem imbiberet, ampliatum apparet, atque emicat: in systole vero confestim subsidens, (tanquam ictu illo convelleretur, & sanguinem dimitteret) delitescit.

Punctum hoc *Fabricius* in tertia sua figura depinxit, & (quod mireris) pro corpore foetus accepit: quasi aut ipsum saliens pulsansve non observasset, aut *Aristotelis* locum perperam intellexisset, aut ejus omnino non meminisset.

Mi-



Mirandum vero magis, eum toto hoc tempore de chalazis suis nihil fuisse sollicitum, ex quibus tamen pulli exordia deducit.

*Ulysses Aldrovandus*, eodem fere tempore *Bononiae* scribens ait: *Apparebat in albumine exiguum velut punctum saliens*, estque illud quod *Philosophus* cor statuit. Ex eo vero evidenter videbam enasci venae trunculum, & ab hoc duos alios ramulos proficisci, qui meatus illi fuerint sanguiferi, quos ad utramque tunicam ambientem vitellum & album protendi ille dixerat. Sum autem omnino ejus sententiae, ut ejusmodi vias credam esse venosas, ac pulsátiles, sanguinemque in iis contineri puriorem, principalium membrorum generationi, jecoris nempe, & pulmonis, similiumque idoneum. Non sunt autem ambae venae, neque utraque pulsat: sed altera, arteria; altera, vena est; ut postea dicemus: simulque, meatus hos foetui vasa umbilicalia fieri, docebimus.

*Volcherus Coiter* haec habet: *Punctus sive globulus sanguineus*, in vitello antea inventus, jam in albumine potius reperi-<sup>l. 14.</sup> tus, manifeste pulsabat. Male ait, in vitello ante inventus; punctus enim in vitello inventus, albus, non saliens erat; nec secundo post incubitum die, punctus aut globulus sanguineus saliens apparet. Sed punctus ille (quem in medio circuli, quasi centrum, diximus, & vitello adnexum) evanescit, priusquam punctus, qui ab *Aristotele* saliens dicitur, discerni queat; vel in rubrum (ut opinor) conversus, pulsat. Nam uterque punctus, in centro colloquamenti, & juxta radicem venarum inde exorientium situs est: nunquam autem simul apparent, sed in albi locum succedit ruber punctus saliens.

Id quidem *Volcherus* verissime: *Punctus saliens jam in albumine potius reperitur, quam in vitello*. Quibus verbis per-motus, quae fivi diligenter numnam punctus ille albus, in sanguineum punctum transmutaretur; quoniam ambo ejusdem pene magnitudinis, & eodem in loco videbantur. Et aliquando quidem inveni rutilantem & pupurissatum circulum extimum, desinentem juxta horizontem miniatum

colliquamento circumdatum; in cujus centro punctus albus non autem ruber aut saliens reperiatur: nunquam vero simul utrosque illos punctos conspicatus sum. Magni certe momenti est haec disquisitio: utrum scilicet sanguis inest, ante pulsus? & num punctus, ex venis; an venae, ex puncto oriundae sint?

Quantum mihi observare licuit, videtur sanguis esse ante pulsus: cujus sententiae hanc causam dicam. Die *Mercurii*, sub vespere, tria ova gallinae supposui; dieque *Saturni* paulo ante eandem horam reversus, inveni haec ova frigida, utpote à gallina derelicta: aperto nihilominus eorum uno, pulli exordium reperi; lineam nempe rubram & sanguineam in ambitu; in centro autem, pro puncto saliente, punctum album, exsanguem. Quo indicio percepi gallinam haud multo prius incubationem deseruisse. Quare vi captam, & in cista conclusam, per integram noctem ibidem detinui; postquam scilicet ova duo reliqua, cum aliis novis illi supposuissim. Quid sit? Postridie, summo mane, ambo ova rediviva erant: apparuitque in centro ipsum punctum micans, albo puncto multo minus: è quo, (albo nimirum) scintilla, tanquam è nube profiliens, in diastole duntaxat comparuit. Adeo, ut videretur mihi, ex albo puncto, rubrum punctum emicare; utcunque in illo punctum saliens generari: idque, existente jam sanguine, aut nasci, aut saltem moveri. Imo saepissime comperi, punctum saliens, cum (ceu plane intermortuum) ab omni motu quiesceret, à novo motu motum denuo & pulsationem recuperasse. Quare in ordine generationis, punctum & sanguinem primum existere arbitror; pulsationem vero non nisi postea accedere.

Hoc certo constat, futuri foetus nihil omnino hoc die apparere, praeter sanguineas lineas, & punctum saliens, venasque illas, quae omnes ab uno trunco (quemadmodum iste à puncto saliente) propagantur, & per totum colliquamentum plurimis fibrarum ramificationibus sparguntur; quae postmodum vasa umbilicalia constituunt:

qui-

quibus longe lateque disseminatis, foetus demum ( prout augetur ) ex albumine & vitello, sibi alimentum haurit. Harum venarum, earumque propaginum vivum exemplar videas in arborum foliis, quorum fibrae omnes à pedunculo oriuntur, & ab uno trunco per totum folium diffunduntur.

Totum hoc colliquamentum, sanguineis fibris distinctum ambarum papilionis alarum magnitudinem & formam refert. Estque illa *Aristotelis membrana*, quae fibras sanguineas habens, eo tempore album liquorem continet, à meatibus illis venarum oriens. Loco citato.

Sub finem quarti diei, & initium quinti, punctum sanguineum jam adauctum, in vesiculam exiguam, & tenuissimam, sanguinem in se continentem, transiisse cernitur; quem singulis contractionibus propellit, factaque diastole recipit denuo.

Haecenus nullum vasorum discrimen deprehendere potui: neque enim arteriae à venis, vel tunica, vel pulsu distinguuntur. Ideoque vasa omnia indiscriminatim venas nominanda censeo; vel cum Aristotele, *meatus venales*. Ibid.

*Punctum hoc ( ait Arist. ) movet jam sese, ut animal.* Quippe, animal à non animali, motu distinguitur, & sensu. Cum itaque punctum hoc jam primum sese moveat, merito animalis naturam induisse dicimus; & ovum anima vegetativa pridem imbutum, jam motiva, & sensitiva potentia insuper donari; & à planta in animal transiisse; eodemque tempore animam pulli ingredi, quae ex ovo pulum format, eumque postea informat. Quippe ex operationibus, inesse facultates; & ex his vitae causam & principium ( animam scilicet ) idque actu ( cum operationes actu sint ) Philosophus demonstrative concludit. L. de animal. ma.

Ego vero pluribus experimentis certus sum, non motum solummodo puncto salienti inesse, ( quod nemo negaverit ) sed sensum etiam. Nam ad quemlibet vel mini-



mum tactum, videbis punctum hoc varie commoveri, & quasi irritari, (perinde omnino ac sensitiva corpora, sensus sui indicia propriis motibus exhibere solent) & ad iteratam saepe injuriam extimulari, atque in pulsuum rhythmum, & ordine conturbari. Ita nempe in herba, sensili dicta, & Zoophytis, sensum inesse concludimus; quia, cum tanguntur, sese contrahunt, quasi aegre ferant.

Vidi, inquam, saepissime; alique, qui una mecum aderant, ab acus, styli, aut digiti contactu, imo vero à calore aut frigore vehementiore admoto, aut cujuslibet rei molestantis occursum, punctum hoc varia sensus indicia, pulsuum nempe varias permutationes, ictusque validiores, ac frequentiores edidisse. Ut dubitandum non sit, quin punctum hoc (animalis instar) vivat, moveatur, & sentiat.

Ovo insuper aëri frigidiori diutius exposito, punctum saliens rarius pulsatur, & languidius agitur: admoto autem digito calente, aut alio blando fotu, vires statim vigoremque recuperat. Quinetiam postquam punctum hoc sensum elinguit, & sanguine plenum à motu omni cessans, nullumque vitae specimen exhibens, morti penitus succubuisse visum est: imposito digito meo repente, spatio viginti arteriae meae pulsuum, ecce corculum denuo reviviscit, erigitur & tanquam postliminio ab Orco redux, pristinam *choream* redintegrait. Idque alio quolibet leni calore, ignis nempe, aut aquae tepidae, iterum iterumque à me, atque aliis factitatum est; ut, pro libito, misellam animam vel morti tradere, vel in lucem revocare, in nostra potestate fuerit.

Quae diximus, quarto à prima incubatione die, sive tertia inspectione, plerumque eveniunt. *Plerumque*, inquam; non est enim hoc perpetuum; cum magna sit in ovorum maturitate diversitas, aliaque aliis citius perficiantur. Quemadmodum in arboris cujuscunque fructibus usu venit, quorum alii praecoces, & decidui sunt, dum alii crudi & immaturores famis tenaciter adhaerent. Adeo,

deo, ut quaedam ova quinto die minus proveſta ſint, quam alia tertio ut plurimum ſolent. Idque, (ut certi aliquid & explorati haberem) in plurimis ovis, per idem tempus incubatis, eodemque die apertis, comperi. Ut neque ſexum ſequiorem, nec aëris inclementiam, neque incubandi negligentiam, aut aliud quippiam cauſari poſſem, præter inſitam ovi imbecillitatem, calidive innati pauperiem.

Ova hypenemia, ſive infoecunda, hoc ipſo tempore, (quaſi die critico) mutari incipiunt, atque indolem ſuam oſtendere. Nam ut ova foecunda in colliquamentum (quod poſtea in ſanguinem tranſit) ac inſita vi platiica mutantur; ita ſubventanea ova eodem tempore corrumpuntur, & putredinem induunt. Obſervavi tamen aliquando maculam, ſive cicatriculam, in ovis etiam infoecundis latius explicari; nunquam tamen ad cacumen aſſurgere, nec circulis ordine diſpoſitis circumſcribi: Vidi quoque interdum vitellum alicubi clareſcere, & liqueſieri, ſed inaequaliter; partesque coagulatione quaſi temeraria concretas, inſtar nubium ſparſim volitantium, innatare. Et licet ova haec nondum rancida, putrida, & foetida dicantur; ſunt tamen ad putredinem prona, & ad eam tandem continuo incubantis calore pertingunt: idque eodem illo loco ducta corruptionis origine, quo ova prolifica generationem auſpiciantur.

Perfectiora itaque ova, jam ſub finem quarti diei, duplicem, vel bipartitam habent veſiculam pulſantem, duplici iſtu alteram alteri viciffim reſpondentem; eo nempe modo, atque ordine, ut una ſeſe contrahente, altera ſanguine diſtenta, & rutilans appareat; quae mox pariter contracta, ſanguinem liquido exprimit; momentoque interjecto, prior denuo reſurgit, pulſumque repetit. Clareque videas, actionem harum veſicularum, eſſe contractionem; à qua ſanguis impellitur, & in vaſa protruditur.

Quarta die (inquit *Aldrovandus*) bina videbantur puncta, & quodlibet eorum ſeſe movebat: quae haud dubio cor, & jecur

*cur fuerint ; quae viscera in ovis triduo incubatis Aristoteles dixit.*

ut gen. 1.  
3. c. 4.

Philosophus vero id nuspiam dixit : neque ea viscera (ut plurimum) ante decimum diem conspicua sunt. Mirorque *Aldrovandum* pulsantium punctorum alterum, jecur existimasse : quasi vero hoc unquam ad eum modum agitaretur.

Satius fuerit credere, punctorum salientium alterum (adaucto foetu) in auriculas, alterum in ventriculos cordis abire. Enimvero, in adultis, ventriculi cordis ad eum modum ab auriculis implentur, factaque contractione deplentur denuo ; quemadmodum in tractatu nostro *de motu cordis & sanguinis* observavimus.

In proVectioribus quoque ovis, aliquando sub finem quarti diei, nescio quid turbidi vesiculas pulsantes adumbrabat, visumque (offusae nubeculae instar) impediēbat, quo minus clare puncta salientia intueri potuerim. Clariori tamen luce, perspicillisque adhibitis, collatisque una subsequētiū dierum observationibus ; constitit esse corporis rudimentum, ceu nebulam ex colliquamenti parte concoctam, vel circa venarum principium concrefcens *effluuium* : ut mox amplius de die quinto dicetur.

*Aldrovandus* quoque videtur id observasse : *Quinta die (inquit) non amplius punctum illud, quod cor esse diximus, extra videbatur moveri ; sed obtegi, ac cooperiri ; & duo illi meatus venosi evidētiores conspiciēbantur, alter vero major altero.* Fallitur autem vir doctissimus : multo enim post tempore, (ubi domicilium fere perfecte fabricatum fuerit) lar iste familiaris, aedes ingreditur, seseque intima earum penetralia abscondit. Erratque etiam, ubi ait, *venarum insita vi, reliquam albuminis portionem quasi in paleam colorem immutari.* Reperitur enim iste color in albumine crassiore cujuscunque ovi requieti, indiesque magis intenditur, (prout nempe ovum vetustius fuerit, ut pridem diximus ; ) idque sine ulla venarum opera, portione solum tenuiore exhalante.

Crescente



Crescente autem foetu, (ut infra dicemus) furculisque meatuum venalium longe lateque in vitellum & albumina sparsis, colliquantur utriusque liquoris portiones, non quidem (ut *Aldrovandus* voluit) ab insita venarum vi, sed à sanguinis inibi hospitantis calore. In quamcumque enim utriuslibet liquoris partem, dictae venae porriguntur; subito, locis conterminis colliquatio apparet; ideoque vitellus eodem tempore quasi duplex conspicitur: quod nempe superior ejus pars, (quae supra, ad obtusum cacumen, cavitati jungitur) liquidior jam reddita, ad reliquum vitelli; instar cerae flavae liquefactae, ad eandem frigidam & densam comparatae, appareat. Eoque omnia (ut fusa omnia solent) laxiore spatio continetur. Quinetiam pars ista superior, tepore genitali liquefacta, à reliquis liquoribus (sed praesertim albumine) propria tunica tenuissima distinctur. Quo fit, ut, rupta hac tenui, fragili, atque invisibili membrana, confestim accidat albuminis & vitelli confusio, qua omnia perturbantur. Estque haec saepe causa frustratae generationis (cum liquores isti diversae, imo contrariae naturae sint) secundum illud *Aristotelis*, lo- De gen.  
co saepius citato, *Depravantur ova, & fiunt, quae urina ap- an. l. 3. c. 2.*  
pellantur, tempore potius calido; idque ratione. Ut enim vina temporibus calidis coacescunt, faece subversa, (hoc enim causae est, ut depraventur) sic ova pereunt vitello corrupto: id enim in utrisque terrena portio est. Quamobrem & vinum obturbatur faece permista, & ovum vitello diffuso. Atque huc etiam non immerito retuleris, illud ejusdem: *Coelo tonante quae foventur ova, corrumpuntur.* Siquidem membrana tenuissima à tanto fragore levi negotio disrumpitur. Ideoque Hist. an.  
fortassis ova confusa & putrida, *Cynosura* dicuntur, quod l. 6. c. 2.  
nimirum (ut diximus) diebus canicularibus crebrius tonet. Quapropter *Columella* quoque recte monuit, *plerisque ab ae- l. 8. c. 5.*  
*stivo solstitio non putare bonam pullationem.*

Hoc certo constat, ova facile quassari, concuti, & disperdi, si quis avibus incubantibus molestus fuerit, quo tempore dicti liquores colliquantur, & turgent, mem-  
bra-

branaeque eos ambientes dilatantur , & tenerascunt.

## QUARTA OVI INSPECTIO.

## EXERCITATIO XVIII.

Hist. an.  
l. 6. c. 3.]

**Q**uinto demum ab incubationis die , discernitur primum ( inquit *Arist.* ) corpus pulli valde exiguum , & candidum ; capite conspicuo , & in eo oculis maxime turgidis , qui diu sic permanent. Sero enim tandem parvi fiunt , ac confidunt. In parte autem corporis inferiore , nullum extat membrum per initia , quod respondeat superioribus. Meatus autem illi qui à corde prodeunt , alter ad circumdantem membranam tendit , alter ad luteum officio umbilici. Pulli igitur origo ex albumine est ; alitur enim luteo per umbilicum.

Quibus verbis , *Aristoteles* videtur totam pulli generationem , in tres classes sive ordines distribuere : nempe à primo incubationis die , ad quintum usque : inde ad diem decimum , vel decimum quartum : atque hinc , ad vice-simum. Quasi ea duntaxat , quae his tribus temporibus percepit , in historiam retulisset. Contingunt sane his temporibus maximae in ovo permutationes : quasi diebus hisce *decretoriis* , ceu tribus gradibus , processus ab ovo perfecto ad pulli exclusionem distingueretur. Quarto enim die prima foetus particula , punctum saliens nempe & sanguis apparent , posteaque foetus incorporatur. Septimo , pullus membris distinguitur , & sese movet. Decimo , plumescit. Circa *vice-simum* , respirat , pipit , atque exitum quaerit. Vita , quae illi ante quartum diem inest , plantarum aemula videtur , atque anima vegetativa duntaxat censenda est. Inde vero ad decimum , animalis instar , sensitiva atque motiva anima fruitur , qua adolevit : posteaque sensim perficitur ; ornatur plumis ; & rostro , unguibus , reliquisque instructus , ad esum jam properat , ut tandem emancipatus sui juris sit.

Quae itaque post quartum diem eveniunt , *Aristoteles* tria

tria potissimum enumerat ; nempe corporis fabricam : venarum ductus , qui jam umbilici officium & naturam subeunt : materiamque , unde foetus primum oritur , constituitur , & nutritur.

De corporis fabrica , quatuor recenset : scilicet , quae sit ejus magnitudo ; quis color ; quae partes maxime conspicuae sint ; ( caput nimirum , & oculi ) & quanam sit membrorum distinctio.

Est revera corpus valde exiguum , formaque *galbam* vulgarem referens , ex qua musca oritur ; colore etiam candido praeditum est , perinde ac muscae vermiculus , quem in carne putrescente fovendum atque enutriendum deponit. Eleganter etiam addidit , *conspicuum maxime esse capite , & oculis*. Quod enim primo apparet , simile est , & indistinctum ; tanquam concretum & congelatum quid ipsius colliquamenti foret , ( qualis gelatina apparet , quae ex cornu cervini coctura efficitur ) nempe transparens nubecula , & vix conspicua , nisi in duas quasi partes divisa distingueretur. Quarum altera conglobata , longe altera major est ; capitis scilicet rudimentum , quod die quinto primum conspicitur : in eoque mox oculi manifeste distinguuntur ; qui per initia statim maximi , valdeque inflati prominent , & à reliquo capite , atque etiam corpore , circumfusa quadam nigredine discriminantur. Horum quilibet ; reliquo toto capite major est ; quemadmodum & caput ipsum , corpus reliquum magnitudine excedit. Durat aliquandiu hic corporis candor , & oculorum intumescencia ; ( qui , perinde ac cerebrum , aqua intus limpidissima implentur , foris autem nigricant ) ad decimum nempe diem , atque etiam amplius : *fero enim ( inquit ) decrescunt oculi , & sese ad ratam contrahunt proportionem*. Imo vero me observatore , oculi avium nunquam sese ad ratam illam proportionem contrahunt , quae est inter oculum & caput animalis vivipari. Gallinae enim , aliisque avibus , si cutem oculos integentem detraxeris , horum quilibet totam cerebri molem facile ae-



quaverit : in beccagine autem , & similibus alteruter oculus toto reliquo capite ( si rostrum dempseris ) major est. Omnibus vero avibus id commune est , ut orbita sive cavitas , quae oculum amplectitur , cerebrum ipsum exsuperet , ut in ipsarum craniis videre est. Fit autem ut earum oculus minor videatur , quia totus praeter pupillam , cute & plumis obtegatur ; neque orbiculari figura praeditus est , ( qua promineat ) sed depresso ; ut piscibus contingit.

*In parte corporis inferiore ( inquit Philosophus ) nullum extat membrum per initia quod respondeat superioribus. Ita profecto se res habet : corpus ab initio ut vix , nisi capite & oculis , conspicuum est ; ita , quoad inferiora , nec membro aliquo , alis scilicet , pedibus , sterno , uropygio , nec viscere ullo distinguitur , imo vero , neque formam quidem corporis ullam obtinet : sed , quantum nobis videre licuit , est exiguum quid venulae adjacens , tanquam carina naviculae circumflexa , & quasi galba , vel termes absque ullo costarum , pedum , alarumve vestigio ; cui corpusculum conglobatum , multoque conspectius appenditur , scil. capitis rudimentum , in tres veluti bullas divisum , ( ab alterutra scil. parte intuenti ) revera tamen in quatuor dispescitur ; quarum duae amplissimae , & nigricantes , oculorum primordia sunt ; reliquarum altera cerebrum , altera cerebellum constituit. Omnes aqua limpidissima plenae reperiuntur : in medio vero oculorum nigredinis , tanquam in centro , pupilla cernitur instar scintillae transparentis , aut crystalli , effulgens. Hinc factum arbitror , ut tres solum conspicuae bullae , male rem observantibus imposuerint. Cum enim ex veteri Scholarum disciplina , triplicem in corpore animalis dominatum didicissent , partesque tres principales , ( cerebrum nempe , cor , & jecur ) praecipuis muneribus fungi crederent ; facile , tres dictas bullas , partium harum fundamenta atque initia esse , sibi persuaferunt. Coiterus autem ; ut peritum dissectorem decuit , multo verius affirmat ;*

se, die ab incubatione septimo, rostrum atque oculos vidisse, nullum vero ex visceribus potuisse discernere.

Philosophum porro audiamus: *Meatus illi, qui à corde prodeunt, alter ad ambientem membranam tendit, alter ad luteum, officio umbilici.* Nimirum corporato statim foetu, venae istae umbilici officium praestant; earumque alterius rami seu propagines in tunicam extimam albumen ambientem disseminantur; alterius vero rami vitelli tunicam adeunt, & per hujus liquorem sparguntur. Unde clare constat, utrumque pariter liquorem nutriendo pullo dicatum esse. Et licet *Arist.* dicat, *Originem pulli ex albumine esse, atque ali luteo per umbilicum*: non ait tamen, pullum ex albumine fieri. Quippe ex candido illo liquore, quem nos *colliquamentum* nominavimus, fit foetus: & totum illud, quod nos *oculum ovi* nuncupavimus, in albumine continetur. Neque ait victum pullo *solum ex luteo* per umbilicum accedere: sed verba ejus (ex observationibus meis) hoc sensu interpretor; licet pullus in albumine originem suam habeat, non tamen inde solum alitur, sed etiam ex luteo, (ad quem meatuum umbilicalium alter pertingit) sibi victum quaerit; imo vero ex hoc potissimum; est enim albumen (ex sententia *Aristotelis*) concoctus magis & purior ovi liquor; vitellus autem terrestrior, & solidior, ideoque robustiori jam facto pullo nutriendo idoneus: ac propterea (ut infra dicetur) vicem lactis supplet, ultimoque absimitur; quippe pars ejus residua, (postquam jam natus est pullus, & cum matre obambulat,) in ventre ipsius continetur.

Quae dixi, à quarto die ad decimum usque eveniunt. Quando autem singula, quomodo, & quo ordine fiant, jam expediam.

Proxima inspectione, quae die quinto instituitur, circa venam brevem ab angulo ductam (ubi duo puncta alternatim micantia, sita sunt) crassius aliquid & albidius, nubeculae instar, (transparens tamen) apparet: per quod praedicta vena obscure, ceu per nebulam, conspi-

citur. Idem aliquando, in ovis provectioribus, quarto die sum conspicatus. Est autem corporis rudimentum; quod jam singulis horis concretum magis compactumque cernitur; venamque praedictam & amplectitur simul, & illi, globuli alicujus instar, appenditur. Rudimentum id globosum, vermiculi hujus (ut sic dicam) carinam magnitudine longe superat: estque figurae triquetrae, in tres nempe partes (protuberantis arboris gemmulae more) obscure divisum. Earum una orbicularis est, & reliquis duabus major; ductisque mox à circumferentia versus centrum tenuissimis filamentis, nigricat; septique ciliaris exordium apparet, indeque particulam hanc in oculum mutatum iri indicat. In hujus medio, pupilla admodum exigua, & puncti lucidissimi instar (ut diximus) conspicua est: eoque potissimum indicio conjecturam feci, integrum hunc globulum futuri capitis rudimentum esse; circulumque illum nigrum, ex oculis alterum futurum, cui ex adversa parte alter opponitur: quippe ita siti sunt, ut ambos simul intueri nequeas, cum superior inferiorem obtegat, & occultet.

Primum hoc futuri corporis rudimentum, quod circa venam concrefcere diximus, figuram solum oblongam, & aliquantulum (Carinae instar) inflexam obtinet: estque consistentia ejus mucosa, instar situs candidi, qui rebus humidis arctèque conclusis innasce solet. Venula autem, cui mucorem illum accrescere jam dixi, est cava descendens per spinam dorsi; uti subsequutae observationes fidem fecerunt. Duarum quoque vesicularum pulsantium ordinem si diligenter intuitus fueris, quae posterius se contrahit, eam sanguinem in hujus venae principium impellere, eamque distendere, conspicias.

Ita duarum vesicularum sese moventium atque invicem pulsantium, duae manifestae contractiones, duaeque similiter dilatationes cernuntur; priorque unius contractio, alterius distentionem efficit: sanguis enim ex cavitate prioris vesiculae coarctata, elisus in secundam; hanc implet, distendit, pulsusque edit: quae mox etiam se contrin-

gens,



gens, sanguinem (quem jam à priori vesicula acceperat) in praedictae venae principium protrudit, eamque simul dilatat. Venam autem adhuc appello, quam ex pulsu aortae esse censeo: arteriae enim à venis, tunicarum crassitie, nondum distinguuntur.

Haec cum saepius in plurimis ovis diligenter accurateque contemplatus essem, aliquandiu pendebar animi, quamnam sententiam amplecterer. Utrum scilicet concrementum hoc, globulusque appensus, ex colliquamento (in quo natabant) tanquam ex materia compacta & coagulata proveniant; quemadmodum ex vaporibus (dum sursum meant, imperceptibilibus) in aëre superiore condensatis nubes fiunt: an potius ab effluvio quodam è sanguineo isto meatu exhalante, vel per diapedesin transudante, exoriantur; mutatoque inde nutrimento augeantur; Sunt enim maximarum quoque rerum initia perpussilla; &, prae exiguitate sui, obscura admodum.

Hoc sane exploratum me habere arbitror, puncti salientia, & meatus venales, ipsamque venam cavam primum existere, eique postea corpulentiam dictam accrescere. Certusque sum, sanguinem è puncto saliente in venam hanc impelli; ex eaque corpusculum illud nutriri, & crescere. Nempe primus ille situs & mucor, ex effluvio venae, (cui adnascitur) primum oritur, indeque postea nutritur, atque augetur; quemadmodum situs alibi solet, in locis humidis, inter opaca domus, quae diu non repurgatur; & ut camphora super tabulas cedri; & muscus super faxa, & arborum cortices; aut denique, qualiter erucis quibusdam tenuis lanugo innascitur.

Eadem quoque occasione dubitabam, nummam, facta colliquamenti coagulatione, una cum sanguine & puncto saliente, hoc etiam corporis capitisque rudimentum statim existeret, sed tenue adeo & pellucidum, ut visum prorsus effugeret; donec in situm ac mucorem crassescens, albedinem spissiore induat, qua percipiatur; dum interea sanguis crassior & rutilans in colliquamento tam diaphano facile

cile conspicitur. Verumenimvero cum pressius rem ipsam cogito, in ea sententia sum; sanguinem dari, antequam quicquam corporis reliqui existat; esseque eum, prae caeteris omnibus foetus partibus: primogenitum: & ab ipso, tum materiam, ex qua corporatur foetus; tum nutrimentum, quo augetur, procedere: esse denique (si modo ulla fuerit) primam particulam genitalem. Id autem ut credam, quibus argumentis adducar, postea fusius dicetur; ubi de parte genitali prima, de calido innato, & humido radicali disceptabimus; & simul etiam, quid de animasentientium sit, pluribus collatis observationibus, determinabimus.

Circa hoc tempus, singulis pene horis omnia majora, manifestiora, magisque distincta & explicata apparent; fitque in ovo velox mutatio, plurimaque confestim alia aliis superveniunt. Cavitas ovi jam multo auctior, totamque ejus partem superiorem vacuam relinquit; tanquam *quinta pars* ovi absumpta foret.

Venarum ramuli longius protelantur, pluresque numero non solum in colliquamentum, (ut antea) sed hinc in albumina, illinc in luteum distribuuntur; amboque adeo liquores passim fibris sanguineis scatent. Vitelli pars superior plurimum colliquefcit & funditur, ut ab inferiore plane diversa appareat, jamque duo quasi vitelli videantur; dum superior, cerae liquefactae instar, ut diximus, inflatus & pellucidus emicat; inferior autem & densior, una cum albuminis parte crassiore, ad acutum ovi angulum subsidit. Estque adeo tenuis vitelli superioris tunica propria, ut à minima concussione facile rumpatur: unde liquorum commixtio, ut diximus, & generationis frustratio.

Jam primum foetus rudimentum sese conspiciendum exhibet, (quemadmodum in *Fabricii* figura quinta & sexta videre est) eoque in aquam limpidam immisso, quid corporis factum sit, quid etiamnum desideretur, cognitu facile fuerit. Apparet nempe forma vermiculi, sive galbae; sicut in frondibus arborum, corticum pustulis, fructibus, floribus, alibique, vermium & erucarum primordia

dia conspicimus; praefertim vero in gallis quercinis, quarum in centro intra crustulam rotundam (ceu nucleum) liquor limpidus continetur, qui sensim crassescens & coagulatus, subtilissimis lineamentis distinguitur, galbaeque formam induit: manet autem aliquantisper immobilis, posteaque motu & sensu praeditus, fit animal, tandemque musca avolat.

Similem generationem eorum, quae sponte nascuntur, Hist. an. Aristoteles descripsit: Quaedam ex rore gignuntur, qui super<sup>l. 5. c. 19.</sup> folia deciderit. Pauloque post, Fiunt papiliones ex erucis. Haec autem ex foliis virentibus; potissimum raphani illius, quam brassicam vocant aliqui. Primum milio minor est, deinde minuti vermes: tum crescentes intra triduum erucae pusillae: posthaec aucta à motu cessant, & formam mutant, vocanturque chrysallides, crustaeque dura continentur; atque si attingantur, motum edunt. Crusta multo post tempore abrumpitur tandem, unde alata animalia evolvant, quos nominant papiliones.

Nos vero quorumlibet animalium generationem eodem modo fieri infra docebimus: omnia nimirum animalia, etiam perfecta, similiter ex vermiculo gigni.

Quod etiam Aristoteles videtur annuisse, ubi ait: In De gen. omnibus autem vel iis quae perfectum pariunt ovum, conceptus<sup>an. l. 3.</sup> primus indiscretus adhuc recipit incrementum: qualis natura<sup>c. 9.</sup> etiam vermis est. Hoc nempe inter vermis, aliorumque animalium, generationem interest; quod ille prius augeatur, quam figuretur, aut in partes distinguatur, secundum illud Philosophi: Ex verme ita fit animal, ut non ex ejus parte, sicut ex ovo, sed totus crescat & dearticulatum animal evadat: scilicet, augmento discretus.

Est equidem quod miremur, animalium omnium, praefertim sanguineorum (puta canis, equi, cervi, bovis, gallinae, serpentis, hominis denique ipsius, primordia, tam plane galbae figuram & consistentiam referre, ut oculis internoscere nequeas.

Sub finem quinti diei, vel initio sexti, caput in tres vemiculas distinguitur: quarum prima, maxima, rotunda, &



nigricans, est oculi; in ejus centro pupilla, veluti punctum crystallinum, conspicitur. Sub hac minor vesicula (quae cerebrum refert) ex parte delitescens cernitur: cui tertia, tanquam apposita crista, sive apex rotundus, supereminet; ex qua tandem cerebellum effingitur. In omnibus vero, praeter aquam limpidissimam, nihil reperias.

Jam rudimentum corporis, (*carinam* diximus) spinam dorsu luculentius refert, qui latera exstructa assurgere incipiunt: alae nimirum & pedes è galba aliquantulum protuberant. Venarum meatus nunc plane umbilicum referunt.

## QUINTA OVI INSPECTIO.

## EXERCITATIO XIX.

**D**ie sexto, capitis tres bullae evidentius apparent, oculorumque tunicae jam distinctae sunt: simul etiam pedes, atque alae expullulant: quemadmodum, sub finem Junii, gyris (Italis *ranabottoli* dicuntur, Anglis *tadpoles*) pedes adnasci solent, cum jam aquas deserunt, caudam amittunt, & ranulae formam induunt.

Pullo autem non alia adhuc uropygii forma adest, quam quae in caeteris omnibus animalibus, ipsisque serpentibus, conspicitur; cauda nempe teres, & exigua. Parenchyma cordis pulsanti vesiculae obnascitur: pauloque post jecoris, & pulmonum cernuntur rudimenta; rostrumque simul apparet: albissima omnia, praesertim rostrum. Circa hoc tempus etiam viscera omnia, & intestina conspicua sunt. Cor vero ante reliqua se videndum exhibet: pulmones etiam ante jecur, aut cerebrum. Omnium tamen primi oculi videntur, propter amplitudinem ipsorum, & nigredinem.

Jam quoque foetus sese movet, & leniter contorquet, caputque exporrigit; licet nihil etiamnum cerebri, praeter aquam

aquam limpidam vesiculae inclusam, comperiat. Est denique perfecta galba; hoc solum ab erucis discrepans, quod hi vermes emancipati cum sint, huc illuc serpant, victumque sibi aliunde quaerant: ille vero vermiculus loco stabilis, proprioque pabulo innatans, cibum per vasa umbilicalia mutuatur.

Exstructis jam visceribus, atque intestinis, foetusque motum exercente; pars tamen corporis anterior, thorace & abdomine privata, plane aperta cernitur; corque ipsum, jecur, & intestina foris pendula conspiciuntur.

Sub finem hujus diei, & principium septimi, digiti pedum distinguuntur; foetusque jam pulli effigiem induit, rostrum aperit, & calcitrat: omnes denique partes adumbrantur, prae caeteris vero oculi. Viscera adeo obscure patent, ut *Coiterus* vere affirmat, se oculos quidem & rostrum percepisse, nullum vero viscus potuisse discernere vel absconditum, vel confusum.

Quae sequuntur ab initio sexti, ad septimi diei finem, ut plurimum in aliis ovis citius, in aliis paulo tardius contingunt. Oculorum tunicae jam videntur, licet humorem solum liquidum & limpidum in se contineant. Ipsi oculi extra orbitas suas prominuli sunt; eorumque singuli non minus cerebrum amplitudine excedunt, quam caput, cui innascuntur, totum reliquum corpus mole exsuperat.

Bullula quaedam, instar cristae, extra cerebri ambitum expansa, cerebelli vicem supplet; ipsaque similiter aqua limpida referta est.

Cerebrum obscure bifidum apparet; minusque, quam cerebellum, fulget; magis tamen candicat. Et quemadmodum cor foris extra pectoris penetralia conspicitur, ita pariter cerebellum extra cerebri fines protuberat.

Abscisso capite, apparuit (perspicillis utenti) in cer vice, venae ad cerebrum ascendentes quasi punctum sanguineum. Spinae quoque vestigium jam primum à reliqua pulpa discernitur, colore quidem lacteo, sed consistentia firmiore. Ita similiter, quasi tenues araneorum telae,

exiles lineae lacteae per corpusculi pulpam vagantes, costarum, aliorumque ossium specimen exhibent: idemque luculentius in majorum animalium viviparorum formatione apparet. Cor, pulmones, jecur, & intestinorum loco tenuissima filamenta, omnia alba. Jecoris parenchyma venae umbilicali, qua parte ingreditur, super exilia stamina fibrosa adnascitur: simili prorsus modo, quo rudimentum corporis, venae à corde descendenti, vel vesiculae pulsanti accrescere diximus. Quemadmodum enim uvae, racemo; germina, virgultis; incipiensque spica, graminis accrescunt; ita quoque hepar venae umbilicali adhaeret, indeque oritur, ut fungi ex arboribus, & supercrescens in ulceribus caro, vel sarcosae morbosae arteriarum ramulis conterminae, è quibus nutriuntur, & in maximam interdum molem excrescunt.

Ad hoc arteriarum officium, sive sanguinis circulationem respiciens, ingentes aliquando hernias carnosas, praeter omnem spem, perfecte curavi; id solum agens, ut praecisa vel ligata arteriola, nihil nutrimenti, spiritusve ad partem laborantem accederet; quo factum, ut tumor morticinus facile postea vel ferro, vel igne extirparetur. Habuit quidam prae caeteris (idque complurium fide dignorum testimonio confirmare possum) sarcosin in scroto, sive herniam carnosam humano capite majorem, genuum tenus deorsum pendulam: indeque sursum carnosa moles, ad carpi magnitudinem, ceu funis nauticus) abdomen ingrediebatur; adeoque malum increvit, ut nemo ferro, vel aliter, curam aggredi auderet. Hanc tamen ingentem excrescentiam, scrotum tantopere distendentem, testiculumque in medio ejus obvolventem, quo dixi modo plane abstuli; & curatione perfecte defunctus sum, relicto interea testi vase suo praeparante, & deferente; reliquisque in scroto, per vaginalem tunicam descendantibus, salvis & intactis. Verum hujusmodi, aliasque curationes, praeter vulgi sententiam & methodum feliciter peractas, in observationibus nostris medicinalibus (si Deus nobis vi-



tam largitus fuerit) copiose enarrabimus.

Hæc eo fine potissimum à nobis dicta sunt, ut luculenter constet, hepar vasis accrescere; & aliquandiu post natum sanguinem demum generari; ejusque parenchyma ex arteriis, (unde materia affunditur) procreari; & aliquantisper sanguine privatum albescere; quod & reliquis nostri corporis partibus commune est. Quemadmodum enim pullum ex ovo nasci diximus, eodem omnino modo, atque ordine; hominis, aliorumque animalium generatio contingit.

Unde constat, absonam prorsus esse eorum sententiam (quanquam olim hodieque passim obtinuit) qui jecur sanguinis officinam, & autorem esse adstruunt; eoque nomine ipsum inter præcipuas, primoque genitas corporis partes recensent. Quin etiam tanto viscus hoc honore dignitati sunt, ut statim ab initio, una cum corde, è matris semine oriundum dicerent; fabulamque *de tribus capellis*, vesiculis nempe fictitiis, acriter nimis defenderent. E quorum numero *Parisanus* nuper, magno quidem, sed imprudenti animo, veterem cantilenam occinit. Non animadverterunt scilicet hi boni viri, vesiculas in ovo moveri, cor micare, sanguinemque jam perfecte coctum adesse, antequam hepatis vola aut vestigium conspiciatur. Profecto sanguis potius ipsius hepatis efficiens, (quam hoc illius autor) censendus est. Nam post sanguinem, & ab ipso, hepar generatur, vasisque sanguineis adnascitur.

Sed neque *Aristotelicis* assentiri ausim, cor sanguinis autorem reputantibus. Nam substantia ejus, sive parenchyma, aliquanto post sanguinem nascitur, & vesiculis pulfantibus superadditur. Plurimum autem ambigo, utrum vesicula, sive punctum saliens; an sanguis ipse sit antiquior: num scilicet liquor contentus, an vasa continentia. Videtur autem, quod continet, contenti gratia fabrefactum esse; ideoque posterius efformari. Id quidem oculorum fidelium testimonio certum est, prima corporis

stamina, primumque ejus fundamentum conspicuum, venas esse; quibus reliquae omnes partes superadditae, & postgenitae sunt. Verum hac de re postea amplius.

Interea ridere libet fictam illam partium divisionem, in spermaticas, & sanguineas: quasi vero aliquae ex semine immediate natae sint, & non omnes ab eadem origine proficiantur.

Ad propositum revertor. Colliquamenti ambitus jam supra dimidium ovi occupat. Cor foris pendulum, à corpore nonnihil remotum est. Et, si attente inspexeris, vasa quaedam umbilicalia pulsare videas.

## INSPECTIO SEXTA.

### EXERCITATIO XX.

**D**ie septimo omnia manifestiora sunt, visunturque singularum partium primordia: nempe alae, pedes, genitalia, pedum digiti divisi, femora, clunes, &c. Jam se movet foetus, & calcitrat; perfectusque pullus conspicitur; cui nihil postea superadditur, sed partes tenellae duntaxat incrementum sumunt: quae, quanto magis augentur, tanto quoque magis albumen absorbitur membranaeque exteriores unitae, secundinae naturam referunt; quemadmodum & venae, umbilici effigiem magis indies repraesentant. Quapropter à die septimo ad decimum transfiliendum censeo; cum interea temporis nihil observatu dignum occurrat, quod non passim apud autores alios, praesertim *Aristotelem*, reperias.

Fir tamen ut plura simul ova inspicienti, quaedam praecocia, & provectora, omniaque explicata magis habentia: alia tardiora, membrisque minus distincta appareant. Quamquam alias non parum ad hanc rem faciunt, anni tempus, locus, externa fomenta, diligens incubatio, & si quae sunt alia hujusmodi. Memini, me aliquando die septimo in ovo ignavione vidisse cavitatem quidem in ob-

tuso

tuso cacumine dilatatam, colliquamentum venis conspersum, in ejus medio vermiculum, oculi etiam rudimentum, caeteraque quae in aliis ovis quarto aut quinto die fieri solent: vesiculae tamen pulsantes non aderant; nec venarum truncum, aut radicem (ex qua ipsas oriri diximus) reperire licuit. Quapropter merito ovum imbecillius judicabam, & quasi a tergo relictum, facultateque generativa effoeta praeditum, jamque internecioni proximum. Praesertim, cum ejus colliquamentum minus solito pellucidum & fulgens, venasque parum rutilantes cernerem. Evanescente nempe spiritu vitali, pars quae in generatione prima efficitur, & sub obtutum cadit; in corruptione quoque prior deficit, & evanescit.

## INSPECTIO POST DIEM DECIMUM.

## EXERCITATIO XXI.

**Q**uae decimo die conspicienda veniunt, tam accurate ab *Aristotele* enarrantur, ut vix quicquam super sit, quod à nobis addi possit. Sententia autem ejus, me *paraphras*te, est hujusmodi: *Decimo jam die pullus totus conspicuus est*; atque etiam pellucidus, & albus praeter oculos, & venarum ramos. *Caput etiam toto reliquo corpore majus est*; & oculi capite grandiores haerent, seu potius adhaerent, & quasi appenduntur, nulla adhuc pupilla praediti; scilicet perfecte formata: tunicas tamen jam discretas deprehendere, non est arduum. Quippe tunc si eximas, invenias fabis grandiores, & nigros. A quibus detracta cute humor exit candidus, ac frigidus, vehementer ad lucem refulgens, praeterea vero nihil, (in toto capite nempe) praeter dictam aquam limpidam continetur. Ita nimirum feres habet à die septimo ad decimum usque, ut supra diximus.

Eodem tempore, inquit, viscera quoque jam apparent, & quae ad ventris intestinorumque pertinent naturam: cordis nem-



nempe parenchyma, pulmones, jecur, &c. omnia vero alba, mucilaginoso, & flaccida, nihilque firmitudinis in se habentia. Venaque etiam quae à corde tendunt, jam umbilico applicantur. Ab umbilico autem tenditur vena una ad membranam qua vitellus continetur: qui eo tempore liquidior jam & fusior est, quam qui natura sua constare solet. Altera autem ad membranam, qua & tota membrana (nempe colliquamenti tunica) foetum ambiens & vitellum, interjacentisque humor, continetur. Crescente enim paulatim pullo vitelli pars supra, pars infra est; albumen autem in medio liquidum. Sed & sub inferiore vitelli parte illa, albumen item est; quemadmodum & antea suberat. Haecenus Aristoteles.

Venas autem jam perspicue videre est arterias comitari; tam has quae ad albumina tendunt; quam illas, quae ad vitellum. Vitellus etiam hoc tempore liquefcit, & fusior est; non totus quidem, sed is qui supernat: (ut pridem diximus) neque etiam venarum ramuli in totum vitellum excurrunt; sed in partem illam duntaxat, quam liquatae cerae instar fusam diximus. Similiter venae, quae ad albumen tendunt, arterias sibi comites habent. Ipsaeque albuminis major pars, in humorem candidum (colliquamentum scilicet, abit, qui pullum innatantem amplectitur; interjacetque utramque vitelli portionem, superiorem nempe, & inferiorem; cui in imo (angulo nempe acuto) pars albuminis crassior & viscidior subjacet. Vitelli pars superior, liquidior jam & fusior apparet, quam inferior; quocunque enim venarum fibrae diffunduntur, partes illae subito intumescunt & liquidiores fiunt.

Decimo vero die, inquit, albumen subsedit, exiguum jam, viscidum, crassum, & subluteum. Quod nimirum in colliquamentum non abiit.

Jam maxima albuminis pars in colliquamentum, indeque in foetu absumpta est; totum nempe albumen tenuius; crassiorisque pars major. Vitellus autem amplior, quam initio erat, conspicitur. Unde manifeste constat,

vitellum nondum nutritioni inservire, sed postea huic officio dicatum esse. Et quantum ex venarum ductu ac distributione conjectura consequi potui, foetus ab initio statim ex colliquamento nutritur; quippe in ipsum duntaxat venae primum disseminantur; deinde in tenuioris albuminis membranam; posteaque in crassius albumen, & vitellum. Similiter & crassius mox albumen, pro nutritu est; ultimoque tandem vitellus.

Ita nempe tenerrimus foetus, dum adhuc vermiculus est, tenuissimo, optimeque cocto victu alitur colliquamento, inquam, & albumine tenuiore. Postquam autem adolevit, cibo utitur aetati, viribusque suis consentaneo.

Proximis verbis *Aristoteles* singulorum in ovo situm describit: *Prima postremaque parte membrana ovi sub cortice, non corticis membrana, sed sub ea: atque in hac liquor inest candidus: (colliquamentum scilicet) Deinde pullus; & eum continens membrana, atque ita separans, ut ne in liquore illo sit foetus ipse.*

Ubi mendum in textu esse suspicor. Nam ut res ipsa indicat, ita potius dicendum foret: Deinde pullus membrana obvolutus, in eo candido liquore manet, sive natat: quae quidem membrana, non est exterior illa totam testam immediate succingens, sed altera huic subiecta; quae absumpto jam primo albumine exteriori, reliquoque albumine crasso in acutum angulum depresso; ex duabus membranis, (nimirum albuminis tenuioris, & colliquamenti propria) una tunica fit, quae tanquam secundina, *chorion* dicta, jam apparere incipit. Aptaque ait *Aristoteles*, *liquor in ea candidus inest*; quibus verbis, albumen non intelligit, sed factum ex albumine colliquamentum, in quo foetus natat; albumen-enim quod superest, in acutum angulum subsidit.

## INSPECTIO POST DIEM DECIMUM QUARTUM.

## EXERCITATIO XXII.

**A** Die septimo ad quartum & decimum, omnia aucta magis (ut diximus) & conspectiora fiunt. Cor, aliaque viscera omnia, intra pulli ventres jam abscondita latent? & quae nuda prius, forisque prominentia cernebantur, nunc nisi aperto thorace, atque abdomine, neutiquam conspiciuntur. Pullus nunc primum plumis vestitur; quarum radices, cœu puncta nigra, visuntur. Oculi pupilla jam distinguitur; palpebrae apparent; atque etiam membrana nictatoria, in majore oculi cantho sese conspiciendam dat; quae avibus omnibus est peculiaris, qua oculos suos detergere solent. Cerebri gyri quoque distinguuntur, & cerebellum calvaria occluditur; cauda etiam uropygii figuram adipiscitur.

Post diem decimum quartum, viscera (prius alba) carneum sive rubicundum colorem paulatim induunt. Cor jam thoracis latebras ingressum, sternoque opertum, aedificium propria opera exstructum inhabitat. Cerebrum & cerebellum intra cranii fornicem solidescit. Intestina autem, & ventriculus nondum abdomine concluduntur, sed interioribus annexa, foris propendent.

Duarum venarum juxta anum è ventre in umbilicum derivatarum; altera est *arteria*, (ut pulsus indicat,) ab arteria magna oriunda; altera, *vena*, à vitello per intestinorum latera in venam Portam, sima hepatis parte, deducta: alter enim vasorum umbilicalium truncus, ramulis ex albumine collectis, transit jecoris gibbam, & in venam cavam juxta cordis basin perforatur.

Haec ut indies luculentius apparent, ita major quoque albuminis portio quotidie absumitur; quod vitello non contingit, qui pene integer etiamnum permanet, eademque mole, qua primo die conspicebatur.

Die---



Diebus sequentibus, quinque vasa umbilicalia videre est; quorum unum, est vena maxima, è cava supra jecur oriunda, ramosque in albumen dispertiens: aliae duae venae à Porta proficiscentes (ejusdem ambae originis) in binas vitelli partes (quas modo descripsimus) distribuuntur; & utramque hanc arteriolae, ex lumbaribus natae, comitantur.

Jam pullus majorem ovi partem occupat, quam reliqua omnia quae in eo continentur; plumisque vestiri incipit: quantoque plus foetus, tanto minus albuminis reperitur. Notatu quoque dignum est, membranam colliquamenti (quam diximus) cum exteriori tunica conjungi, & secundinam sive *chorion* constituere, jam vitellum totum una comprehendere, & contractiorem redditam, vitellum simul cum intestinis ad foetum adducere, eique conjungere, & ceu sacculo constricto claudere. Quaeque ante subtilis & transparens fuerat, prout jam magis magisque contrahitur, ita pariter crassescit magis, & carnosior evadit: posteaque, ad similitudinem herniae intestinalis, in scroto dilatato intestina simul cum vitello recondit, & sustinet; tandemque quotidiana contractione adductior, abdomen pulli constituit. Vitellum hoc modo, circa diem decimum octavum, intra intestina laxiore alvo collocatum reperias; non tamen ita firmiter positum, quin intestina levi momento (ut in hernia intestinali fit) vel intra ventrem repulsa, vel foras in scrotum delapsa, una cum vitello huc illuc pellantur. Vidi aliquando columbae, aestivo tempore festinantius exclusae, vitellum ad hunc modum ex alvo prolapsum.

Sub hoc tempus, pullus ventricosus cernitur, quasi herniam (ut dixi) pateretur. Jamque colliquamentum paulatim turbatur, immutatur, & absumitur, (cujus pridem magna copia erat) foetusque supra vitellum decumbit. Iisdem diebus, antequam hepar colorem sanguineum nanciscitur, secundamque (ut ajunt) concoctionem instituit; fel (quod in eadem, utpote excrementum, virtute jeco-

ris separari vulgo credunt) virescens jam intra hepatis lobos invenias. In ventriculi cavitate liquor limpidus reperitur, ejusdem plane consistentiae, coloris, & saporis cum colliquamento, in quo foetus natabat; qui per intestina dilabens, colorem sensim mutat, & in chylum vertitur; tandemque in intestinis inferioribus simile excrementum occurrit, quale eadem in pullis jam exclusis continent. Ubi provectiones fuerint pulli, in eorum ventriculo liquorem hunc costum videas, & coagulatum: quemadmodum in iis qui lacte vescuntur, *schiston* fit, in serum nempe & coelstron permutatum.

Absumpto fere albumine, & exigua jam colliquamenti relicta quantitate, per aliquot ante exclusionem dies, pullus non amplius natat, sed (ut dixi) supra vitellum decumbit; totusque conglobatus, capite ut plurimum inter femur dextrum & alam posito, rostro etiam, unguibus, & plumis, caeterisque omnibus instructus conspicitur. Modo dormit, modo vigilat, movensque sese, respirat, & pipit. Si ovum auri admoveris, tumultuantem intus foetum, calcitrantem, *respicientem* etiam autore *Aristotele*, atque pipientem manifeste audies. Idem, si in aquam calidam pedetentim dimiseris, innatabit, pullusque intus à calore ambiente expergefactus, saltus edet, ovumque (ut diximus) huc illuc volutabit. Quo experimento mulieres ova foecunda distinguunt à subventaneis, quae aquae imposita subsidunt.

Hist. an.  
l. 6. c. 3.

Albumine jam penitus confecto, paulo ante exclusionem, umbilicus alter (quem in albumina derivatum diximus) obliteratur: sive, ut *Aristoteles* ait, *umbilicus is*, qui ad secundinas exteriores tendit, solvitur ab animali, & cadit. Qui vero ad luteum fertur, cum pulli tenui intestino connectitur.

Excrementa, quae primum in intestinis reperiuntur, alba sunt, & caenosa, testae ovi emollitae similia. Quin etiam ejusmodi extra foetum intra secundinas reperire est, Adstipulatur Philosophus: Eodem tempore etiam multum emit-

tit.

in excrementi ad extremam membranam. Quin album quoque excrementum tam intra album, quam extra habet.

Tempore vero procedente, paulo ante foetus exclusionem, foeces subvirides cernuntur, quales exclusos pullos ejicere, modo diximus. Visitur etiam in ingluvie portio quaedam colliquamenti deglutita, & in ventriculo schiston, sive coagulum.

Nec haecenus quidem jecoris color purpureus, aut sanguineus est, sed ab albore in flavidinem vergens: qualia piscium jecora cernuntur. Pulmones tamen sanguinolenti rubescunt.

Vitellus nunc in abdomine inter intestina concluditur: idque non solum dum foetus in ovo fuerit, sed post exclusionem etiam, cum obambulat, matremque insequens victum quaeritat. Ut verum videatur, quod *Aristoteles* multoties affirmat; vitellum nempe, pullo pro cibo contigisse: eodem enim intus contento, pullus primis ab exclusionem diebus (donec rostrum firmitudinem acquisiverit, quo cibaria frangat, & praeparet; ac ventriculus robur, quo eadem conficiat) pro nutrimento utitur; estque adeo lacti analogos. *Aristoteles* huic sententiae calculum suum adjicit, loco à nobis saepius citato: *Fam & pullum ipsum multum humoris lutei subit: qui demum decrescit, procedenteque tem-*

Hist. an.  
1. 6. c. 3.

pore totum absumitur in ipsum pullum, cujus in corpore comprehenditur; ita ut decimo post die, quam exclusus est pullus, si dissectetur, etiamnum ad intestinum paulum vitelli reliquum inveniat. Quinetiam post tricesimum diem, vitelli reliquias ibidem deprehendi. Et, si valet argumentum à ductu venarum umbilicalium, (quas ad jecoris portam uno aut altero trunco terminari diximus) pullus jam eodem prorsus modo nutritur, alimento ex vitello per vasa umbilicalia attracto; quo postea chylo ex intestinis per venas mesentericas traducto alitur. Vasa enim utrobique ad jecoris portam terminantur, ad quam nutrimentum pariter attractum deferunt. Ut ad *venas lacteas* in mesenterio (quae in *pennatis* nullibi reperiuntur) confugere non sit opus.



Lubet hic annectere, quod saepe expertus sum. Ut foetus, & liquorum posituram apertius discernere, post diem decimum quartum ad exclusionem usque, (albuminis majore parte jam absumpta, & diviso vitello) ovum integrum ad duritiem decoxi; ruptoque cortice, ac pulli collocatione perfecta; inveni tum albuminis reliquum, tum ambas vitelli partes (quas facta per lenem calorem colliquatione divisas diximus) eadem consistentia, colore, sapore, aliisque accidentibus, quibus ova requieta & similiter cocta dotari solent. Plurimum itaque mecum ipse reputavi, qui fieret, ut ova improlifera gallinae supposita, ab eodem calore extraneo corrumpantur, putrescant, & foetida evadant; ovis autem foecundis idem non contingat. Sed in his liquores ambo (licet foetus una cum excrementi pauxillo adsit) sani, salubres, & immutati permaneant; adeo, ut si quis coctos eos in tenebris comedat, nequeat à requieto ovo similiter cocto distinguere.

## DE PULLI EXCLUSIONE; SIVE PARTU EX OVO.

### EXERCITATIO XXIII.

**E**st Ovum (ut diximus) quasi *uterus expositus*, & locus in quo foetus formatur: matricis enim munus obit, pullumque ad debitum nascendi tempus amplectitur; qui perfectus jam inde paritur. *Ovipara* itaque non discriminantur à *viviparis*; quod haec foetus suos vivos pariant, illa non item; (pullus enim intra ovum non solum vivit, & movetur; sed respirat etiam, ac vocem edit, vitaeque jam natus perfectiore fruitur, quam reliquorum animalium foetus,) sed differunt potissimum generationis modo; quod nempe in viviparis, uterus sive locus in quo foetus formatur, sit intra animal, cujus calore fovetur, & perficitur: in oviparis vero ovum, ceu uterus, extra animal exponitur; quod tamen illud non minus incubando fovet, quam si intra corpus suum amplecteretur. Nam

Nam licet mater interdum varias ob causas ova sua tantisper deferat ; eadem tamen usque amat , brevique rediens sinu suo complectitur , fovet , ac diligenter tuetur.

Cum vero pullus aërem jam liberiores quaerit , rupto cortice prodit in lucem , circa diem vicesimum primum, aut vicesimum secundum.

De hac pulli exclusione , sive nativitate , non est prætereundus *Fabricii* , aliorumque fere omnium vulgaris error. Audiamus *Fabricium* ipsum : Citius , inquit , indi- Pag. 59.

get externo aëre , quam cibo , cum alimenti adhuc aliquid intus supersit : in quo casu jam pullus , qui durum corticem præ rostri molliæ , & corticis à rostro distantia , eoque intra alam adstricto , rumpere non valet ; jam signum matri dat rumpendi necessitatis : id quod per vocem efficit emissam. Etenim pullus tunc ita robustus est , & cavitas tam ampla facta , & aër ita copiosus contentus ; ut jam adaucta impensius respiratio-  
ne , exsufflationem quoque & vocem emittat , naturalem quidem pullo , forteque quidpiam petentis significatricem : quæ etiam exterius audiri facile à quolibet potest : præterquam quod *Plin.* & *Arist.* id ipsum affirmant : Qua pulli voce protinus L. 10. c. 53. de hist. an. l. 6. c. 3.  
audita , quasi necessitatem rumpendi corticem cognoscens , ut nimirum pullus externo fruatur aëre pro sui conservatione , aut si mavis , dicas , pulli dilectique filii conspiciendi desiderio foetans affecta , jam rostro corticem rumpit : qui non difficulter abrumpitur , cum ibi loci propter cavitatem jam diu humoribus destitutam , & à contento aëre , & calore exsiccata fragilior , friabiliorque evaserit. Vox igitur pulli primum & maximum signum est ejusdem exitum quaerentis , externoque aëre indigentis : quam ita exacte gallina percipit , ut si fortè fortuna foetans pulli vocem internam , infernamque esse dignoscatur , tum sursum pedibus ovum revolvat ; ut ea duntaxat parte qua vox venit , sine ulla pulli noxa corticem abrumpat. Addit & alterum signum *Hippoc.* pulli ex ovo exire petentis ; videlicet quod L. de nat. pueri.  
pullus ubi alimento destituitur , fortiter movetur , uberius alimentum quaerens ; & pellicula circum disrumpuntur ; & ubi  
ma-

*mater sentit pullum vehementer motum , putamen exscalpens ipsum excludit.*

Haec à *Fabricio* festive quidem & concinne dicta sunt ; solidis tamen argumentis haud innituntur. Experientia enim compertum habeo, pullum ipsum ( non autem matrem ) corticem frangere : idque rationi etiam quam maxime est consentaneum. Quomodo enim alias ova in fimetis , furnisque calidis ( ut in *Aegypto* , alibique fit ) rumpantur ? ubi mater nulla adest , quae vocem supplicantis pulli , opemque implorantis audire queat. Testudinum marinarum & terrestrium , piscium quoque , bombycum , serpentum , & struthionum ova , quomodo frangantur ? cum foetibus illis vel vox desit , qua exitum petant , vel sub terra sepulti exaudiri nequeant. Sponte igitur nascuntur pulli , atque ex ovis suis proprio molimine profiliunt. Idque ita fieri , certissimis argumentis liquet. Quippe in prima ovi perforatione , hiatus iste multo minor est , quam ut matris rostro conveniat : sed pulli rostro directe respondet ; circa quod ( in modum coronae ) corticem aequali semper à cacumine distantia ruptum videas , partesque confractas ( praesertim primis ictibus ) foras semper prominere. Quemadmodum autem ruptis vitreis fenestris , facile quis judicaverit , intuitusne ietus an foris advenerit ; si modo frustorum adhaerentium apices , quo tendant , diligenter intuitus fuerit : Ita pariter rupto ovo , ex fragmentorum per totum coronae ductum eminentia , ab interna causa id proficisci manifestum est. Quin egomet , alique mecum complures , simul ac pullum audivimus corticem unguibus scalpere , vidimus quoque illico eundem rostro pertundere , rupturamque in circulum , coronae instar deducere. Quinetiam vidi foetum capite suo corticis cacumen attollere , & amovere.

Pluribus quidem haec deduximus , quod haud spernendae utilitatis sit speculatio : ut inferius constabit. *Fabri-*



cū vero argumentis responſu facile eſt. Fateor enim, pullum intra ovum vocem edere, & fortassis *aliquid petentis ſignificatricem* : Non inde tamen ſequitur, corticem à matre frangi. Neque pulli roſtrum adeo molle, aut à cortice remotum eſt, ut hunc perforare non poſſit; præſertim cortice jam (ob cauſſas ab eo allatas) valde friabili reddito. Nec ſemper caput intra alam reconditum tenet, ut ideo corticem roſtro frangere nequeat, ſed ſolummodo cum dormit, aut vita deſungitur. Interdum enim (ipſomet quoque fatente) vigilat, calcitrat, ſcalpit, radit, diſtringit corticem, luſtatur, membranas involventes rumpit, vocem edit, (eandemque opem implorantis eſſe, non invitus conceſſero : ) hæcque omnia à quolibet facile audiri poſſunt. Quare gallina ſedulo auſcultans, quamprimum vocem ab ima parte attolli percipit, ovum quidem non rumpit, ſed pedibus ſuis ſuſum revolvit, commodioremque ſitum pullo intus incluſo præbet. Non conſtat autem; pullum voce ſua rumpendi corticis neceſſitatem matri indicare, aut exitum ab ea petere. Nam ſæpe per biduum ante excluſionem, pullum in ovo pipientem audias. Nec mater, dum ova revolvit, rumpendi ea locum quaerit; ſed, ut infans, cum in cunis ſe male habet, inquietatur, plorat, ejulat: materque illius amans, huc illuc ſedulo ab uno latere in aliud removet, agitaturque, donec ille placatus fuerit: ita ſimiliter gallina, ubi pullum tumultuantem, pipientemque in ovo ſenſerit, vel jam ex ovo excluſum in nido ſeſe inordinate commoventem; protinus ſe attollit, cavetque, ne corporis ſui pondere, vel calore nimio eum laedat, roſtroque pedibusque ultro citroque volvit, donec foetui quietem, atque indolentiam comparaverit.

## DE OVIS GEMELLIFICIS.

## EXERCITATIO XXIV.

De hist.  
an. l. 6.  
c. 3.

**G**emellifica ova sunt, è quibus gemelli prodeunt pul-  
li; eaque (ait *Arist.*) binis vitellis prædita sunt; qui  
in aliquibus tenui albuminis dissepimento separantur, quo minus  
inter se confusi sint: in aliis nullum est, sed se mutuo contin-  
gunt.

Vidi sæpe ova gemellifica, quorum singulos vitellos bi-  
na albumina ambiebant, cum membranis communibus,  
propriisque singillatim obvolventibus. Alia quoque ova vi-  
dimus cum binis vitellis quasi connascentibus, quibus  
utrisque unicum albumen commune circumfundebatur.

Ibid.

*Gallinae nonnullae sunt (inquit Arist.) quæ omnia gemel-  
liferæ partunt; in quibus, quod evenire vitello diximus, per-  
spectum est. Quaedam enim duodeviginti cum peperisset, exclu-  
sit geminos; nisi quæ irrita fuerunt. Verum ita fit, ut ex ge-  
mellis, alter major sit, alter minor; postremus autem etiam  
monstrosus.*

Aptud nos interdum gemellifica ova nascuntur, & ge-  
melli quoque aliquando (licet rarissime) excluduntur.  
Ipsemet autem ambos ejusmodi foetus vivos nunquam vidi;  
quod vel in ovo ipso, vel in exclusione alter pereat. Id-  
que etiam mihi ex *Arist.* verbis fit verisimile, dum *alte-  
rum majorem, alterum minorem* ait: illum nempe robustio-  
rem, & ætate provectiorem; hunc autem imbecillio-  
rem, magisque ad exitum imparatum; siquidem (ut opinor)  
bini isti vitelli, disparis ortus, & maturitatis sunt. Fieri  
itaque vix potest, quin robustior, & exclusioni jam pa-  
rator, si ovum aperiat, ipseque prodeat in lucem, alteri  
abortum afferat. Si autem ille ovum non ruperit, prae-  
sens ipsi periculum (ob defectum aëris) imminet. A-  
deo alterutri saltem, in exclusione, si non utrique, certa  
mors impendet.

*Fabricius* ista *Aristotelis* verba vel non videns, vel ne- p. 19.  
 gligens ait : Quod si interdum ovum duos obtinens vitellos, intra se pullum cum quatuor cruribus, vel alis, duobusque capitibus, & id genus monstra pariat; nunquam tamen duo invicem separati ( ut duo dici possint ) pulli sunt : sed unus duntaxat corporis truncus est, qui duo capita, quatuor crura, aliaque hujusmodi annexa habet.

Unde constat, eum nunquam vidisse, aut ab expertis audivisse, ejusmodi ova binos pullos parere : ac proinde una mecum credere, talia ova raro contingere ; neque umquam excludere binos foetus vitales.

Miror autem, ( visa hac *Aristotelis* autoritate ) eum dicere, duos invicem distinctos pullos ex ovis ejusmodi nunquam provenire : sed monstrum semper produci. Praesertim cum ipsemet credat, foetum è chalazis, tanquam è materia, fabricari; & in gemellifico ovo quatuor chalazas non videre non potuerit.

Crediderim potius, cum in ovo gemellifico duo vitelli eodem albumine concluduntur, invicemque adeo conjuncti sunt, ut eorum cicatriculae, dum simul aperiuntur, unum oculum ( *colliquamentum* à nobis dictum ) constituent ; monstrosum foetum procreari posse, cum quatuor pedibus, duobus capitibus &c. quippe nihil video, quod impediat : talemque ex ovo *Fabricii* prognatum arbitror.

Verumtamen ubi duo vitelli distincti fuerint, duabus tunicis propriis dissepti, & grandinibus suis, albuminibus, caeterisque ad foetus generationem necessariis instructi : cum *Aristotele* concludendum censeo, tale ovum, ut partes omnes ( praeter corticem ) duorum ovorum habet, ita & potentias quoque obtinere ; ac, nisi infoecundum aut urinum fuerit, duos plerumque foetus producturum, raro autem monstrum singulare.



PORISMATA QUAEDAM EX PRAEDICTA  
OVI HISTORIA DESUMPTA.

## EXERCITATIO XXV.

**H**istoria quidem ovi gallinacei ita se habet. In qua, quomodo ipsum generetur, & actione sua (propagatione nempe) pullum efformet, enarravimus. Prolixè forsitan nimis, eorum arbitratu, quibus quorsum tanta molitio, tamque accurata observatio spectet, nondum constat. Quare, quem fructum diligentiae nostrae consequuti simus, hic adungere consentaneum arbitror: atque (ut doctissimi *Verulamii* nostri verbis utar) *vindemiatio secunda* instituenda est. Theoremata itaque nonnulla, ex enarrata historia colligenda veniunt; quorum aliqua, certissima sunt; nonnulla, ancipitis fidei, & ulterius ventilanda: quaedam, paradoxa, & popularibus placitis contraria: horum quoque alia, ad gallum, sive marem pertinent; alia ad foeminam; quaedam, ad ovum ipsum; quaedam denique, ad pulli formationem. Quibus aliquando accurate perspectis, de reliquorum quoque omnium animalium generatione facilius, certiusque judicabimus.

## QUID SIT OVUM.

## EXERCITATIO XXV.

**T**heoremata, quae circa ovi contemplationem versantur, alia, quid ovum sit, docent; alia, generationem ejus; alia, partes constituentes perpendunt.

Vnius  
pulli, uni-  
cum o-  
vum.

Constat primo, unius pulli unicum esse ovum. Et quamvis sit veluti uterus quidam foris expositus, rarissime tamen plures gignit foetus; sed singularem pullum, ut plu-

plurimum, producit. Et licet binos interdum gignat, ovum tamen ejusmodi haud simplex censendum est, sed duplex; utpote naturam duorum, partesque obtinens.

Est enim ovum conceptus aliquis à mare & foemina proficiscens, utriusque pariter virtute praeditus, ex quo uno unum fit animal. Ovum est conceptus.

Neque est principium duntaxat, sed fructus quoque, & finis: principium scilicet prolis generandae; fructus autem utriusque parentis, puta galli, & gallinae opus, (ceum quem in generatione sibi proponunt) & origo foetus futuri: *Semen autem & fructus* (autore *Arist.*) *inter se differunt prioris posteriorisque ratione: fructus enim, quod ex alio est: semen, ex quo aliud. Nam alias ambo idem sunt.* Principium & fructus. De gen. an. l. 1. c. 18. Est etiam medium quid.

Videtur etiam ovum medium quid esse; non modo quatenus principium, & finis est; sed tanquam opus utriusque sexus commune, & ex utroque compositum: quod materiam, & facultatem opificem in se continens, utriusque virtutem habet, qua alterutri similem foetum producat. Est quoque medium inter animatum & inanimatum, neque enim vita prorsus donatum est, neque eadem omnino privatur. Inter parentes, & liberos; inter eos qui fuerunt, & qui futuri sunt; media via, sive transitus est: cardoque, & centrum; circa quod generatio totius gallinacei generis vertitur.

Terminus est, ex quo omnes galli & gallinae oriuntur; & ad quem, ceu finem à natura sibi propositum, tota vita nituntur. Ita fit, ut individua quaeque, dum speciei gratia sui similia procreant, in aevum perdurent. Est, inquam, ovum hujus aeternitatis periodus: nam haud facile dixeris, utrum ovum pulli, ex eo nati gratia; an hic illius causa factus fuerit. Quodnam autem horum prius sive tempore, sive natura sit, ovum nempè, an gallina? postea cum de animalium quorumlibet generatione universim dicemus, uberius tractabimus.

Atque e-  
tiam sper-  
ma. Ovum praeterea (quod praecipue notandum) propor-  
tione respondet feminibus plantarum, eademque omnes  
cum istis conditiones obtinet: ut non immerito gallina-  
rum semen, sive sperma censendum sit, (quemadmodum  
& semina plantarum, ova dici jure possunt) non solum ex  
quo, ceu materia; sed à quo, tanquam efficiente, pullus  
oritur. In quo etiam nulla pars futurae prolis actu est,  
omnes vero insunt potentia:

Tbid.  
Spermatis  
& genitu-  
rae diffe-  
rentia. Differt autem semen proprie dictum, à genitura: quippe  
(definitore Aristotele) genitura id vocatur, quod à generante  
proveniens causa est, quae prima obtineat principium generatio-  
nis; nempe in iis quae coire natura voluit. Semen autem est,  
quod ex ambobus illis coeuntibus originem trahit; quale semen  
plantarum omnium est, & animalium nonnullorum, in quibus  
sexus distinctus non est: velut id quod ex mare & foemina pri-  
mum miscetur, quasi conceptus quidam promiscuus, aut animal:  
haec enim jam habent quod ex ambobus requiritur.

Ovum itaque est corpus naturale, virtute animali prae-  
ditum; principio nempe motus transmutationis, quietis,  
& conservationis: Est denique ejusmodi, ut, ablato omni  
impedimento, in formam animalis abiturum sit: nec ma-  
gis naturaliter gravia omnia, remotis obstaculis, deorsum  
tendunt; aut levia furtim moventur; quam semen, &  
ovum, in plantam, aut anima, insita à natura propensio-  
ne feruntur. Estque semen (atque etiam ovum) ejusdem  
fructus & finis, cujus est principium, atque efficiens.

Gen. an.  
1. i. c. 20. Unius pulli unum est ovum: ita Aristoteles, Ex uno se-  
mine unum gignitur corpus; verbi gratia, ex uno tritici gra-  
no, unum fundum; ex uno ovo, unum animal: geminum enim  
ovum duo est ova.

Vere Fabricius: Ovum non modo uterus expositus est, &  
locus generationis; sed id etiam à quo tota pulli generatio pen-  
det; quam ovum perficit ut agens, ut materia, ut instrumen-  
tum, ut locus, & ut alia, si qua concurrunt ad generationem  
necessaria. Organum quidem esse probat, quod ex multis  
partibus constet; idque ex sententia Galeni, qui de ratione or-  
gani



gani esse voluit, ut ex pluribus componatur particulis, quae ad unam actionem omnes conspirent, diversa tamen ratione, & utilitate. Nam aliae praecipuum instrumentum actionis sunt: aliae ponuntur, tanquam sine quibus actio fieri non potest: aliae, ut melius actio fiat: aliae denique ad horum omnium tutelam, & conservationem creatae sunt. Agens quoque esse docet, cum ex Arist. & Galeno duas ovi actiones proponit; pulli nempe generationem, ejusdemque augmentum, & nutritionem. Denique praeclare loquitur, cum ait: In naturae operibus conjuncta simul, & unum sunt, artifex, instrumentum, & materia: sic jecur, & opifex; & instrumentum gignendi sanguinis est: sic quaeque corporis pars; ut recte De Geni. Arist. dixerit; moventes ab instrumentalibus haud facile distingui. In artefactis vero, artifex, & instrumentum sunt separata; ut faber, & malleus; pictor, & penicillus. Ratioque affertur à Galeno; quia in artefactis, opifex forinsecus attingit; in naturalibus, opifex causa instrumentis indita est, & per organa tota permeavit. Quibus addo perspicua Aristotelis verba: Eorum quae sunt, alia natura constant, alia per alias causas. Natura quidem constant & animalia, & eorum partes, & plantae, & corpora simplicia, ut terra, & ignis, & aër, & aqua. Haec enim & ejusmodi alia dicimus natura constare. Haec autem quae dicta sunt, omnia differre videntur ab iis quae natura non constant. Nam quaecunque natura constant, videntur in se ipsis habere principium motus & quietis; alia secundum locum, alia secundum accretionem & diminutionem, alia secundum alterationem. Lētica vero, & vestimentum, & si quod aliud ejusmodi genus est, secundum quod singulis his appellationibus significantur, & quatenus ab arte sunt, nullum mutationis impetum insitum habent. Quatenus vero iis accidit, ut sint lapidea, vel terrea, vel ex his mixta; eatenus id habent. Tanquam natura sit principium quoddam & causa cur id moveatur & quiescat, in quo inest primum, per se, non ex accidenti. Dico autem, non ex accidenti; quia fieri potest ut aliquis sibi ipsi sit causa sanitatis cum sit medicus: veruntamen, non quatenus sanatur, medicinam habet; sed accidir

De Geni.  
an. l. 2. c. 4.L. de  
form. foet.Phys. l. 2.  
c. 1.

*cedit eundem esse medicum, & sanari. Idcirco haec aliquando & se invicem separantur. Similiter vero se habet unumquodque aliorum, quae fiunt: nullum enim eorum habet in se principium effectiois; sed quaedam in aliis & extra habent, ut domus & unumquodque aliorum quae manu efficiuntur: quaedam in se ipsis quidem habent, non tamen per se; nimirum quaecunque ex accidenti sibi ipsis causae fieri possunt. Natura igitur est, quod dictum fuit. Naturam vero habent quaecunque habent ejusmodi principium. Atque haec omnia sunt substantia. Natura namque semper est subjectum quoddam, & in subjecto.*

Genera-  
tionis opi-  
fex in ovo.

Haec quidem propterea fusius, & disertis autorum verbis à nobis recitata sunt; ut inde constet, quae ovo tribuimus, omnia illi inesse; nempe materiam, organum, efficientem causam, locum, & siqua alia ad generationem pulli requiruntur. Maxime autem, ut difficillimarum quaestionum veritas hinc elucescat: nimirum, quidnam, & quale sit principium illud, unde motus, & generatio? Qua virtute semen agat, secundum *Aristotelem*? Quid denique semen ipsum foecundum reddat? (Vult enim Philosophus, naturam in omnibus corporibus naturalibus esse principium motus & quietis innatum, non autem secundum accidens.) Utrum id, quod in ovo est causa, opifex, & principium generationis, omniumque operationum vegetativarum & vitalium, (nimirum conservationis, nutritionis, & accretionis) sit innatum, an inditum? Et an primo insit, ac per se; ut natura quaedam; an secundum accidens, aut Medicus in sanatione? Num insitum, an acquisitum sit, quod ovum in pullum transformat; aut jam in ovario caeptum nutrit, auget, perficit: quodque ovum requietum conservat?

Praeterea, quod facit, ut ovum foecundum sit, utrum appellandum sit *anima*? an *pars* animae? aut *quid* animae? aut aliquid *habens* animam? aut *intellectus*? aut denique *numen*? quia in finem agit, omniaque ordinat cum providentia, & arte inimitabili, modoque incomprehensibili; semperque procurat quod melius est, tum ad esse, tum ad bene

ne esse; ad tutelam etiam, atque ornatum. Idque non solum in ovo perfecto, quod foecundat; sed etiam in subventaneo, quod nutrit, auget, & conservat. Imo vero quod non modo vitellum in vitellario, sed & minimam papulam (unde is nascitur) ad seminis milii vel sinapios duntaxat magnitudinem, nutrit, auget; albumine demum, chalazis, membranis, & cortice investit. Quippe probabile est, ovum etiam improlificum sive sterile, ab interno & innato sibi principio, (licet intra gallinam contineatur, eique adhaereat) semet ipsum nutrire, conservare, augere, & alterare, haud aliter quam ova piscium, & ranarum foris exposita crescunt, & perficiuntur, de papula in vitellum transformare, ex ovario in uterum transferre, (quamvis nullam cum utero connexionem habeat) albumine ibidem induere; denique membranis, chalazis, & cortice perfici.

Quicquid autem id fuerit, quod in ovo subventaneo pariter ac foecundo, eodem modo, ab iisdemque causis seu principiis eisdem effectus producit; utrum eadem anima, sive pars animae eadem, aut aliud quippiam, utrivis insit, inquisitione dignum videtur. Quandoquidem, eadem ab iisdem causis provenire, verisimile est.

Quamquam ovum, dum sit, intra gallinam (ut dixi) continetur; & in vitellari matri per pedunculum adnascitur, atque ex ejusdem venis nutritur; non est tamen dicendum pars matris; neque hujus anima vivere, aut vegetari; sed propria sua virtute, ac principio interno: quemadmodum ex arboribus fungi, viscus quercinus, & muscorum genera nascuntur, quae (licet plantae adhaereant, & ex iisdem succis, cum illius germinibus, & foliis alantur) tamen partes arborum non sunt, neque appellantur. *Aristoteles*, De Gen. an. 1.3.c.7.

*Vegetalem animae virtutem obtinent & foeminae, & omnia quae vivunt, ut saepius dictum est: quamobrem hoc ovum (de subventaneo loquitur) ut plantae conceptus, perfectus est;*



De Gen.  
an. l. 2.  
c. 2.

ut animalis, imperfectus. Alibique idem docet, dum quaerit: Quonam modo ova subventanea dicuntur vivere? Nec enim ita ut ova foecunda possunt: sic enim actu animarum ex iis efficeretur. Neque ita se habent ista, ut lignum, aut lapis; quippe quae corruptione aliqua pereant, ut quae vitam quodammodo ante participarent. Constat igitur, haec aliquam habere potentia animam: sed quam? istam ultimam prorsus habeant animam necesse est, quae vegetabilis est: haec enim aequae in omnibus animalibus quam plantis inest.

Ibid.

Non eadem tamen anima in subventaneis ovis, atque in foecundis reperitur. Alias enim pullus ex utrisque pariter efficeretur. Quomodo autem eorum animae, & quibus discrepent; haud satis explicat *Aristoteles*, dum inquirat, cur omnes partes ovi fiant in subventaneo, nec tamen animal ex eodem generetur? Quia (inquit) sensitivam animam habere oportet. Quasi in ovis foecundis, praeter animam vegetativam, etiam sensitiva inest. Nisi intelligas, in ovo foecundo animam vegetativam actu inesse, quae potentia in se contineat sensitivam; unde animal, partesque animalis sensitivae postmodum producantur. Sed neque haec nodum satis solvunt, animumque difficultatum laqueis irretitum expediunt. Videtur enim ovum esse verum sperma animalium: secundum illud Philosophi: In quibus vita praeditis sexus maris ac foeminae distinctus non est, in iis semen veluti conceptus jam est. Conceptum appello (qui scilicet est analogus semini) primam ex mare & foemina misturam. Quamobrem ex uno semine unum gignitur corpus; verbi gratia, ex uno ovo unum animal.

De Gen.  
an. l. 1.  
c. 20.

Quae sit  
ovi anima.

Videtur igitur unius ovi una esse anima. Num autem eadem est, quae matris? an patris? an utriusque mista? Dubitatio enim maxime oritur de iis ovis, quae ex diversis animalium generibus procreantur: ut puta ex gallina, & phasiano. Estne, inquam, in tali ovo, anima gallinae? an phasianae? an ex utraque composita? Quomodo autem animae misceantur? si (secundum *Aristotelem*) anima, (utpote forma) sit actus, & substantia. Nemo enim negaverit,

rit, quicquid demum id fuerit, quod in ovo foecundo est principium & caussa effectuum quos conspiciamus, esse illud substantiam diversarum potentiarum, virium, sive facultatum susceptivam: atque etiam conditionum, virtutum, vitiorum, sanitatis, aut aegritudinis. Quaedam enim ova longioris aevi, quaedam brevioris dicuntur: alia, pullos parentum virtutibus, corporisque salubritate praeditos; alia, morbis obnoxios procreant. Nec dicendum, id materiae vitio contingere: cum maris etiam, sive patris morbi in pullos transferantur; à quo tamen nihil materiae ovo accessit. Quippe à mare procedit duntaxat vis procreativa, sive plastica, quae ovum foecundum reddit; nullam vero ejus partem constituit. Nam genitura, quae à mare in coitu emittitur, matricem (in qua ovum perficitur) nequaquam ingreditur; nec sane (ut pridem diximus, nobisque *Fabricius* suffragatur) in ista penetralia ullo pacto subire potest: multoque minus ad ovarium, juxta corporis praecincturam, adscendit; ut plurimis ibidem ovorum primordiis, praeter virtutem suam, materiae quoque partem impertiat. Certa enim experientia compertum est, ab uno eodemque coitu plura simul ova foecundari; nec ea solum, quae in utero, atque ovario reperiuntur; sed illa etiam, quae nondum inchoata sunt: ut inferius dicemus, & jampridem in historia enarravimus.

Si itaque ovum à propria anima foecundum redditur, si-  
 ve proprio principio foecundante insito praeditum est; unde aut pullus gallinaceus, aut hybrida ex gallina & phasianus natus oritur; isque aut mas, aut foemina; patri, aut matri similis; sanus, aut morbosus: certe concludendum est, ovum (etiam in ovario dum est) matris anima non vivere; sed esse instar filii mancipati, à prima statim origine: sicut arborum glandes, & semina à plantis ablata, haud ulterius earundem partes aestimandae sunt; sed sui juris factae; quae propria insitaque potentia vegetativa, jam vitam degant.

Ovum  
non vivit  
anima  
matris.

Quod si ovo foecundo animam inesse dixerimus, subit dubitatio; utrum eadem anima ovo jam, & mox futuro pullo insit, an vero diversa. Necesse enim est fateamur, inesse principium aliquod, quod ovum constituit, & auxit; quodque etiam pullum jam gignit, & auget. Quaeritur itaque, num ovi, & pulli principium, sive anima, una eademque sit; an plures, & diversae? Nam si plures animae fuerint, (alia nempe ovi, alia pulli;) quaeritur porro, unde, & quo tempore, pulli anima ipsi accesserit; & quidnam sit in ovo, quod ante animae adventum cicatriculam dilatat; vitellum attollit sursum; *oculum* (à nobis dictum) & colliquamentum efficit; liquorum constitutionem permutat; omniaque ad futuri pulli fabricam praeordinat, cum ne hilum quidem pulli adhuc existat? Aut unde dicemus alimentum pullo accedere idoneum, quo nutriatur, & crescat; cum pullus nondum sit? Videntur enim haec opera vegetativae pulli animae esse, quae pullum respicit, ejusque nutritioni, atque augmento consulit. At vero, inchoato jam, aut semifacto pullo; quid foetum cum liquoribus unum, continuum, & connascentem reddit? Quid pullum nutrit, auget; ac liquores ei alendo idoneos, à putredine vindicat, praeparat, colliquat, & concoquit?

Cum anima sit *actus corporis organici vitam habentis in potentia*, incredibile est eam pullo inesse, antequam quicquam corporis ejus organisatum fuerit. Nec magis credibile, eandem esse ovi, pullique animam: siquidem anima est conservativa ejus duntaxat, cujus est: pullus autem, & ovum, sunt res diversae; variasque operationes vitales edunt, imo vero contrarias; adeo ut alterum ex alterius corruptione nasci videatur. An forte dicendum? idem esse principium, & causam vitae in utroque; nempe in pullo semifacto, & reliquo ovo; tanquam ejusdem corporis unus simplexque actus foret; aut quasi ex partibus unum corpus naturale producentibus, una quoque anima profili-  
ret, quae tota in toto esset, (ut vulgo dicitur) & tota in



una qualibet parte. Quemadmodum in arboris trunco, foliis, aut fructibus videre est: ubi separatione sive divisione facta, (quocunque demum id feceris loco) dicimus, idem esse hujus, & totius principium, sive causam primam: est hujus tamen quasi forma & finis, illius vero ut principium. Ita etiam in linea, quocunque in puncto divisio facta fuerit; erit illud anterioris partis finis, sive terminus; posterioris autem principium, sive exordium. Idemque videatur contingere in qualitate, & motu; nimirum in transmutatione qualibet, ac generatione.

Et haec quidem hactenus: postea vero fusius & accuratius de his agemus, cum de natura animae foetus quorumlibet animalium, universim disceptabimus, & quid ea sit? unde, & quando adveniat? cui parti primum insideat? & quomodo tota in toto, & tota in qualibet parte, eadem alia, atque alia sit? ex plurimis observationibus determinabimus.

## OVUM NON ESSE OPUS UTERI, SED ANIMAE.

### EXERCITATIO XXVII.

**S**icuti dicimus (inquit Fabricius) ventriculi actionem, esse <sup>Pag. 88.</sup> chylificationem; & testium actionem, seminis generationem; quia in ventriculo chylus, in testibus semen comperitur; sic ovorum generationem esse pennatorum uteri actionem, omnino asseveramus, quod ovum inibi inveniatur. Itaque instrumentum & locus generationis ovorum nobis omnino cognita sunt & perspecta. Praeterea vero, cum duo sint uteri in pennato; superior & inferior, iique inter se admodum dissimiles, ideoque dissimilem inter se actionem habentes; similiter clarum est, quatenam sit utrique peculiaris actio concredita. Etenim superior ad vitellum, inferior ad albuminis, & reliquarum partium, seu totius ovi generationem substituitur, ut sensu patet: In superno enim nil aliud, quam vitellorum multitudo, in inferno vero totum

perfectum ovum continetur. Sed non est haec sola uterorum functio, ut patet, sed ea quoque adnotatur, & enumeratur, nimirum ovi augmentum, quod ovo statim genito succedit, quousque perfectum efficiatur, & justam magnitudinem adipiscatur. Et enim gallina non prius naturaliter ovum parit, quam perfectum factum, & congruam magnitudinem adeptum. Igitur uterorum actio, tum ovi generatio, tum augmentum est; augmentum autem nutritionem supponit, & includit, ut patet. Sed cum generatio omnis à duobus perficiatur, videlicet opifice, & materia; agens in ovorum procreatione nil aliud est, quam instrumenta, seu organa proposita, nimirum duplex uterus: materia vero nulla alia, quam sanguis.

Nos autem quamquam fatemur, uteri actionem aliquo modo esse, ut ovum generet; hoc tamen ab eo nutriri, & augeri, nullo pacto concedimus. Idque, tum ob rationes nuper à nobis allatas, cum de ovi anima, quae ipsum nutrit, ageremus; tum etiam, quod ab agente externo (qualis uterus est respectu ovi) omnia ovi interiora, & secundum omnes dimensiones, nutriri, augeri, ac formari, minus probabile sit; imo vero, ex *Aristotelis* sententia, impossibile. Nam quod extrinsecum est, quomodo (precor) per interiora moveat aliunde adveniens alimentum, & in locum deperditi secundum omnes dimensiones restituat? aut quomodo aliquid ab eo, quod ipsum non tangit, afficiatur, aut moveatur? Quare proculdubio in ovi generatione idem usu venit, quod in omnium viventium exordio; ut nempe ab externo, & praeexistente constituantur; mox autem semetipsa (quamprimum vita donantur) nutrant, atque adaugeant; idque propriis insitisque viribus à principio jam innato, & implantato.

Quae de anima nuper diximus, videntur clare evincere, ovum neque uteri opus esse, nec ab eodem gubernari: manifestum enim est, animam vegetativam ovo etiam subventaneo inesse; quoniam ejusmodi ovum nutriri, conservari, augeri, & vegetari cernimus; quae dictae animae certissima indicia sunt. A matre autem,

tem, vel matrice, ea proficisci nequeunt, cum qua ovum nullam cohaerentiam, sive unionem habet; sed liberum & sejunctum (tanquam *filius emancipatus*) in cavitae ejus volutatur, & perficitur, ut plantarum semina in terrae gremio; ab interno nempe principio vegetante: quod nihil aliud esse potest, quam anima vegetativa.

Multo vero magis constabit, animam ei inesse; consideranti, quo pacto, quove motore, vitellus rotundus, & amplius à vitellarii racemo abruptus, per infundibulum (exiguum nempe tubulum tenuissima membrana contextum, nullisque fibris motoriiis instructum) descendat, viamque sibi aperiendo, uterum per tantas angustias adbeat; ibidemque sese nutriat, augeat, albumine cingat. Cum interea nullum organum motorium in vitellario reperitur, quod expellat; aut in infundibulo, quod transmittat; aut in utero, quod attrahat: neque ovum utero per venas jungatur, ut in ovario; nec per umbilicum ab eo dependeat; ut *Fabricius* vere asseruit, & clare ad oculus liquet. Quid superest igitur tam ingentia opera cernentibus, nisi ut cum *Poëta* dicamus,

6. Aeneid.

*Spiritus intus alit, totamque infusa per artus  
Mens agitat molem.*

Et licet ovorum primordia (quae papulas esse diximus, & semen milii referre) vitellario per venas, & arterias cohaereant; (quemadmodum plantis sua semina adhaesunt) ideoque partes gallinae esse videantur; & reliquarum partium more, vivere, & nutriri: manifestum tamen est, ut semina à plantis separata non amplius earum partes censentur, ita nec ova ad maturitatem jam perducta, foecunda reddita, & à vitellario abrupta, gallinae partes haud ulterius aestimanda esse; sed, instar *filiis emancipatis* suique juris facti, propria anima gubernari, & vegetari.

Verum hac de re postea uberius dicetur, cum de  
ani-



## 112 DE GENERATIONE

anima embryonis generatim disputabimus ; & de vegetativae animae praestantia , & numine , ex admirandis ipsius ( non sine providentia , arte & intellectu divino ) operibus agemus : quae profecto intellectum nostrum non minus , quam dii homines , superant ; adeoque ( omnium consensu ) admirabiles sunt , ut obscura mentis nostrae acies , lumen tam impervestigabile nullo modo penetrare queat.

Hist. an.  
l. 5. c. 32.

Quid dicemus de animalculis in corpore nostro natis , quae propria anima gubernari , & vegetari nemo dubitat ? Hujus generis sunt lumbrici , ascarides , pediculi , lendes , fyrones , acari &c. Aut quid statuemus de vermiculis , qui è plantis , earumque fructibus oriuntur ? quales in gallis núcibus ; cocco baphico , cynorrhodo , plurimisque aliis reperias. ( Quippe in omnibus fere vel siccis humescentibus , vel humidis siccescentibus , creari animal potest. ) Certe fieri non potest , ut anima quercus vivant animalia quae in gallis nascuntur , licet quercui affixa vivant , & ex illius succo sibi alimentum petant. Similiter credibile est , ovorum primordia in vitellarii racemo propria anima vivere , non autem matris ; licet huic per venas & arterias cohaereant , & ministrato ab eadem alimento nutriantur : quoniam ( ut in historia narravimus ) papulae non omnes simul crescunt , ( quemadmodum uvae in racemo & grana in spicis ) quasi ab eadem facultate , sive causa communi concoquente , ac formante agerentur , sed alia post aliam ( tanquam propria energia ) augetur ; quaeque primum sese à reliquis separat , colorem mutat , & consistentiam , ac de papula alba fit vitellus ; certoque ordine priorem posterior sequitur : Quodque in columbis , aliisque nonnullis avibus est admirabilius , binae duntaxat simul è racemo excrescunt in unum partum ; earumque , ut plurimum altera in marem , altera in foeminam evadit. Dum interim in ovario aliquae papulae eodem tenore permanent , donec binae aliae in novum partum succrescant ; utpote quae à coitu maris repetito foecunditatem acceperint , am-

ambaeque simul anima praeditae fuerint. Qua semel accepta, augent jam sese, & gubernant; suoque (non matris) jure vivunt. Enimvero quodnam aliud disponens, feligens, evocans, & perficiens has (non autem illas) papulas, reperias, praeter animam propriam? At licet à matre nutrimentum sibi hauriant, non aliter tamen id agunt, quam plantae è terra, aut foetus ex albumine, & vitello, alimentum proliciunt.

Denique, quoniam papula in ovario existens, à coitu foecunditatem accipit, eamque talem, ut mox in formam coeuntis maris (sive is gallus, sive phasianus fuerit) abitura sit; tantaque contingat papulis differentia, quanta maribus diversorum generum: quid dicemus papulis ipsis inesse, cujus virtute à se invicem, & à matre distinguantur? Certe anima fuerit, qua & inter se, & à matre discriminantur.

Ad hunc pariter modum vivunt fungi arborum, & plantae supercrescentes. Quin etiam experimur saepius in corporibus nostris cancos, sarcoses, melicerides, aliosque id genus tumores, quasi propria anima vegetativa nutriri, & crescere: dum interea genuinae partes extenuantur, & marcescunt. Idque ideo, quia tumores isti nutrimentum omne ad se arripiunt, reliquumque corpus nutritio succo (ceu genio suo) defraudant. Unde phagedaenis, lupisque inditum nomen. Et fortassis Hippocrates per το θείον, intellexit, morbos eos, qui ex veneno aut contagio oriuntur; quasi illis vita quaedam insit, principiumque divinum, quo sese adaugeant, aliosque sibi similes morbos, etiam in alieno corpore, per contagium generent. Adeo (ait Arist.) animae plena sunt omnia. Ali-

De gen.  
an. 1. 3. c.  
11.  
Ibid. 1. 4.  
c. 10.

tam ( ut diximus ) humiditatem attrahat, in se recipiat, eademque sese nutriat, augeat, albumine cingat, membranis & cortice muniat, tandemque perficiat. Quibus rite pensitatis, propriam illi inesse animam concludimus.

## OVUM NON FIERI ABSQUE GALLINA.

## EXERCITATIO XXVIII.

**R**elictis autem, quae dubia sunt; & disceptationibus ad universalem de hac re contemplationem dilatis; ad certiora nunc, magisque obvia accingimur.

Et primo quidem, ovum foecundum fieri non posse citra galli & gallinae operam, manifestum est. Nempe absque gallina, non fit ovum; nec foecundum evadit, sine gallo. Quod opinioni illi adversatur, quae primum animalium ortum è limo terrae deducit. Enimvero, cum partes plurimae genitales ( testiculi scil. & vasa deferentia in gallo ) tam insigni arte atque industria, tantaque cum ratione fabrefactae sint; & similiter in gallina ovarium, & uterus, iisque inservientes venae, atque arteriae, tam affabre concinnatae; & in singulis eorum, situs, figura, & temperies miro ordine constituta reperiantur; eaque omnia ad ovi generationem ac foecunditatem aliquo modo requirantur: certum est ( siquidem natura nihil frustra agit; nec per ambages operatur, quoties compendio uti liceat ) ovum, sive naturae sponte, sive alio aliquo modo, quàm quo nunc fit ( à gallo nempe, & gallina ) produci non posse: nec pariter gallum aut gallinam, aliter, quam ab ovo, procreari unquam potuisse. Atque ita gallus & gallina ovi gratia sunt; ovumque similiter eorum causa est, dubitesque merito, cum *Plutarcho*, quodnam eorum sit prius, ovumne, an gallina? Quippe hoc natura prior exstitit, illud autem tempore. Quid enim praestantius est, id quoque natura prius est; unde vero aliud producitur, id tempore prius reputandum est.



est. Vel dicamus ; illud ovum , hac gallina ( quae scilicet ex eo gignitur ) antiquius esse : & vicissim , illam gallinam hoc ovo ( quod illa peperit ) tempore praëxistere. Facit namque hic circuitus gallinaceum genus sempiternum ; dum modo pullus , modo ovum , continuata perpetuo serie , ex individuis caducis & pereuntibus immortalē speciem producant. Atque ad hunc similem modum multa inferiora superiorum perpetuitatem aemulari cernimus.

Et sive animam ovo inesse dicimus , sive non dicimus ; ex hoc tamen circuitu clare patet , aliquod principium esse istius revolutionis à gallina ad ovum , & ab ovo de novo ad gallinam , quod sempiternitatem iis impertiat. Estque id ipsum ( autore *Aristotele* ) analogum elemento stellarum ; facitque ut parentes generent , eorumque semina , sive ova foecunda sint , idemque , *Protei* instar , tam parentibus , quam ovis , sub diversis formis , semper inest. Quemadmodum enim mens , sive spiritus qui ingentem hanc molem continuo agitat , eundem solem orientem atque occidentem per diversas terrarum plagas perpetuo circumagat ; ita pariter in genere gallinaceo , vis enthea , sive principium divinum , modo virtus plastica , modo nutritiva , modo auctiva dicitur ; conservativa autem , & vegetativa semper habetur ; modo etiam gallinae , modo ovi formam refert , permanet tamen eadem illa virtus in aevum , Et quanquam alia animalia , sponte oriuntur , sive ( ut vulgo dicitur ) ex putredine : alia , solum à foemina producuntur : ( Ita *Plinius* : in quodam genere omnino non sunt mares ; sicut in erythinis , & chanis : omnes enim ovis gravidæ capiuntur. ) Quaecunque tamen ex ovo perfectio nascuntur , non nisi à mare simul & foemina proveniunt. Ideoque *Aristoteles* ait : Generationis principia potissimum quis statuerit marem & foeminam. Duo itaque prima ovi principia sunt , gallus , & gallina ; quorum ambo-  
rum fructus , sive conceptus communis , est ovum parentis utriusque virtutem referens. Ut non magis absque

Degen.  
an.l. 2.  
c. 3.

L. 9. c. 16.

Degen.  
an.l. 1. c. 2.

maris & foeminae opera ovum efficiatur, quam fructus absque arbore. Videnturque individua singularia, tam mares, quam foeminae, ovorum cudendorum gratia existere, ut species eadem, pereuntibus licet auctoribus, pereunnet. Ideoque palam est, parentes haud diutius adolescere, ornari, perfici, laetamque vitam agere; nisi quamdiu ova vel generare, vel foecundare queunt; sui-que similes, eorum interventu, parere. Quod naturae munus ubi primum expleverint, quasi summam jam virtutis *ἀρετήν* adepti fuerint, finemque ultimum, ob quem nati erant, attigerint; protinus effoeti, vietique marcescunt; &, ceu à natura atque numine derelicti & abdicati forent, consenescent illico, vitaeque pertaesi ad interitum properant. Contra autem mares, cum sese ad coitum accingunt, libidineque turgentes, aestro venereo stimulantur; mirum dictu, quanto illos spiritu inflatos intus regnans *Cupido* efferat; quam ornamentis illustres, & gloriabundi sese ostendent; quantis viribus polleant, animisque in pugnam proclives sint. Finito autem semel hoc vitae officio, hui! quam subito collapsis viribus, sedatoque pristino fervore, tumida vela contrahunt, animumque nuper ferocientem despondent? Quinetiam durante etiamnum jucundo hoc *Veneris choragio*, mares statim à coitu tristantur, submissique, & pusillanimes cernuntur; quasi memores, dum aliis vitam largiuntur, sese proprie ad interitum ruere. Solus *gallus* noster, semine spirituque plenus, se contra erigit alacrior; alarumque plausu, & voce triumphans, ipsemet propriis nuptiis canit *Hymenaeum*. Hic tamen etiam diuturniore veneris usu languidus, ceu miles emeritus, fatiscit: & gallinae quoque, plantarum instar, effoetae fiunt, tandemque exhauriuntur.

QUOMODO OVUM PERFECTUM, ET  
FOECUNDUM FIAT A MARE ET  
FOEMINA, SECUNDUM  
ARISTOTELEM.

EXERCITATIO XXIX.

**D**Iximus modo ovum, praesertim foecundum, haud sponte nasci; neque aliunde quam à gallina procedere: nec hanc quidem, ovum, sine gallo, foecundum reddere. Secundum illud *Aristotelis*: *Generationis principia potissimum quis statuerit, marem & foeminam: marem, quod motus & generationis originem teneat; foeminam, quod materiae.* De gen. an. l. 1. c. 2.

Nobis autem, ovum foecundum est vere sperma, & fermen genitale, plantarum semini analogon, conceptusque primus ex ambobus parentibus oriundus, & utriusque fructus promiscuus. Nam ut ovum non fit sine gallina, ita nec foecundum {fit sine gallo.

Supereft igitur disquiramus, quomodo à gallina fiat ovum, idemque à gallo foecundetur; Videmus enim ova subventanea, eaque animata, à gallina gigni; non tamen, absque galli coitu, prolifica. Ideoque tum mas, tum foemina, ovo foecundo sua symbola conferunt. Non eo tamen modo (ut arbitror) quo *Aristoteles* voluit: nempe ut mas solum motus & generationis originem teneat; foemina autem materiam duntaxat praebeat. Quippe contrarium in ovis subventaneis liquet. Et quanquam verum est, quod ait: Mas & foemina inter se ratione differunt, quod facultas utriusque diversa est: sensu autem partibus quibusdam discrepant. Rationis discrimen ita exultat, ut mas sit, quod in altero generare potest; foemina, quod in se ipso, & ex quo fit quod generatur, contentum in eo quod generat. Sed, cum facultate & munere quodam haec distinguantur; ad omnem autem officii functionem instrumento opus sit; instrumentaque facult-



*cultatibus partes corporis accommodentur ; ad procreationem quoque & coitum partes aliquas esse accommodatas necesse est, easque inter se diversas, quibus mas à foemina differat.*

Non inde tamen sequitur, quod videtur voluisse inde deducere ; ubi ait : *Mas est efficiens, & motu suae geniturae creat quod instituitur, ex materia contenta in foemina : foeminaque semper materiam praebet : mas, vim creandi, idque est, quo alterum mas, alterum foemina sit. Itaque corpus & magnitudinem praebere à foemina necesse est : à mare nihil tale necessario desideratur. Nec enim instrumenta in iis quae efficiuntur, inesse : neque ipsum efficiens, necesse est. Corpus igitur ex foemina, anima ex mare. Substantia enim corporis alicujus anima est. Quippe ovum, idque animatum à gallina absque galli ope, gignitur. Unde apparet, gallinam quoque, sive foeminam, efficientem causam esse ; nec omnem creandi vim, sive animam, à mare solo proficisci. Videturque hoc ipsum exemplo ab Aristot. adducto*

De gen.

an. l. 2. c. 4

*comprobari. Ait enim : Quae non unigena coeunt ( quod ea faciunt, quorum tempus par, & uteri gestatio proxima, & corporis magnitudo non multo discrepans ) haec primos partus similes sibi edunt communi generis utriusque specie : quales ex vulpe & cane generantur, aut ex perdice & gallinaceo ; sed tempore procedente diversi ex diversis provenientes, demum forma foeminae instituti evadunt, quomodo semina peregrina ad postremum pro terrae natura redduntur. Haec enim materiam corpusque seminibus praestat.*

Quibus apparet in perdicis & gallinae generatione, non marem solum, sed & foeminam quoque efficientem esse : quoniam non maris solius ; sed communis species atque forma producitur ; corpore pariter, atque anima, tam foeminae, quam mari consimilis. Est autem anima, forma & species animalis.

Quin etiam foemina potiore jure efficiens videatur : siquidem ait ; *tempore procedente, diversi ex diversis provenientes, demum forma foeminae instituti evadunt. Quasi semen sive virtus maris imbecillior foret ; speciemque à se*

im-

impressam tempore amitteret ; tanquam à potentiore efficiente expelleretur. Idque etiam exemplum à terra deductum, magis confirmat : *Peregrina enim semina ad postremum pro terrae natura redduntur.* Unde videretur probabile, foeminam plus in generatione efficere, quam marem : nam <sup>De gen. l. 1. c. 2.</sup> in universo quoque, naturam terrae, quasi foeminam matremque statuunt ; coelum autem & solem, & reliqua generis ejusdem, nomine genitoris patrisque appellant. Atque etiam terra sua sponte plurima generat sine femine : & inter animalia, foeminae nonnullae solae sine mare procreant ; ( ita gallina ovum subventaneum generat ) mares vero absque foemina nunquam quicquam gignunt.

Imo vero iisdem argumentis, quibus mas generationis principium & efficiens primum arguitur ; videtur etiam foeminae *ἐνέργεια*, sive efficientia confirmari posse. Nempe, id primum efficiens censendum est, in quo foetus ratio, operisque forma elucet ; & cujus manifesta similitudo in foetu deprehenditur, quodque prius existens movet. Cum itaque forma, ratio, & similitudo, foeminae non minus (imo magis) quam mari insit ; atque illa prius existat, ut movens primum ; concludemus certe, foeminam aequè efficientem esse generationis, ac marem.

Et licet *Aristoteles* vere dicat, *conceptum, aut ovum, nullam corporis sui partem à mare accipere, sed solummodo formam, speciem, atque animam : & à foemina corpus duntaxat, & magnitudinem praeberi* : Non satis tamen constat, quin foemina ( praeter materiam ) formam quoque, speciem, atque animam aliquo modo tribuat. Ut in gallina videre est, quae ova sine mare gignit ( quemadmodum arbores suos fructus, & herbae semina, absque sexus discrimine. ) Ipseque *Aristoteles* fatetur, ovo, etiam subventaneo, animam inesse. Erit itaque foemina causa ovi efficiens. <sup>Ibid.</sup>

Quaquam autem ovo subventaneo anima quaedam inest, talis tamen non est prolifica ; ac proinde fatendum est,

est, gallinam perfecti ovi efficientem proprie non esse; sed talem fieri, *autoritate* (ut sic dicam) sive potestate à gallo demandata. Ovum enim, nisi prolificum fuerit, perfectum merito dici non potest. Hujusmodi autem à mare tantummodo producit; vel potius à foemina, tanquam ex *praecepto* maris; quasi ab hujus coitu, foemina artem, rationem, formam, ac legem futuri foetus acciperet. Ita sane foemina (ceu arbor fertilis) facta post coitum foecunda, fit ovipara, ovaque perfecta & prolifica procreat. Nam quamvis gallina in vitellario nulla ovorum primordia jam parata habeat, tamen post coitum foecunda reddita, paulo post, ova tum in ovario generat, tum in lucem profert; eaque etiam prolifica. Huc facit experimentum muliercularum, *quae gallinam domi gallo destitutam*

Fabr. 37. *habentes, eam per unum atque alterum diem alibi gallo committunt: ex hoc enim exiguo tempore succedit ovorum omnium foecunditas; per totum illud anni tempus. Scilicet, non modo illorum ovorum, quae adhuc vitelli duntaxat sunt, & albumine carent; aut quae minima jam primordia in ovario existunt; sed ea quoque ova ab eadem virtute foecunda redduntur, quae nondum inchoata, diu postea concipienda sunt.*

## DISQUISITIONIS HUIUS, DE FOECUNDITATE, UTILITAS.

### EXERCITATIO XXX.

**S**ubtilis pariter ac difficilis, maximaeque utilitatis est disquisitio; quid nempe sit in ovo, quod ipsum reddat foecundum? quidve in conceptu, quid in semine, & quid in gallina sit, quod iis foecunditatem praestet? quid etiam in gallo, quo à sterili differat? Estne eadem illa causa, quam in foetu *animam* diximus? an *pars* aliqua animae vegetativae? Quippe ad perfectam generationis scientiam plurimum conducit, ut causa prima intelligatur: scientia enim



enim ex causis cognitis, praesertim primis, oritur. Nec minus ad naturam animae intelligendam, facit haec indagatio. Quinimo veritate hac rite perspecta, non modo *Aristotelis* de generationis causis sententia refellitur, aut caltigatur; sed, & quae à Medicis contra eum scripta sunt, facile solvuntur.

Quaerimus itaque, utrum in ovo, vitello, papula, gallo, gallina, ejusve utero, idem sit, quod foecunditatem praestet, an diversum? Similiter, qua ratione conveniant, aut discrepent? Tum etiam, an substantia sit, unde haec virtus profluit? susceptivum enim videtur potentiarum, facultatum, atque accidentium. An corporeum quoque sit? mistum enim videtur, quod mistum generat; similitudinem nempe, mari & foeminae communem; qualis anceps species ex phasiano & gallina producitur. Id etiam corporeum videtur, quod aliunde patitur; adeo, ut non modo foetus imbecilles procreet, sed deformes etiam, ac morbosos, parentumque virtutibus, aut vitiis obnoxios.

Praeterea de singulis dubitare licet; num id, quod foecundum facit ingeneretur, an aliunde accedat? nempe utrum ab ovo, in pullum traductum sit; à gallina, in ovum; à gallo, in gallinam? Videtur enim aliquid esse ex traduce; quod à gallo scil. traducatur in gallinam; ab hac, in ovum, uterum, & ovarium: de semine in plantam, & è planta rursus in fenum, quod foecunditatem impertit. Quippe omnibus, quae generatione perpetuantur, hoc commune est, ut ex semine ortum suum ducant. Semen autem, conceptus, atque ovum, ejusdem generis sunt; & quod foecundum facit, in iis omnibus idem, aut consimilis naturae est; idque divinum, analogon coelo, arti, intellectui, ac providentiae. Quod ex admirandis eorum operibus, artificio, & consilio facile videre est; ubi nihil frustra, temere, aut fortuito; sed alicujus boni, finisque gratia omnia instituuntur. De universali quidem hujus rei speculatione, ac scientia, posthaec suo loco fusius

agemus: quatenus autem de ea obiter differendi occasio, ex ovo gallinaceo, oblata est, jam diximus. Nempe, quot rebus insit, quod foecunditatem apportat? & quomodo insit? an tanquam accidens, ut affectus, habitus, potentia, aut facultas? an ut forma, & substantia? an ut contentum? an tanquam in parte? quoniam certo constat, ovum subventaneum differentiis omnibus sensibilibus perfectum esse, & tamen infoecundum. Uterum similiter, & gallinam perfectam esse; ut & gallum, sterilem tamen; utpote eo carentem, quod foecunditatem affert. Quae omnia nobis enarranda veniunt; postquam, quid, & quomodo, duo principia, mas & foemina, ovo, ac generationi conferant; & quo pacto ambo efficientes causae, ovi-que parentes dicantur, exposuerimus.

### OVUM NON EO MODO A GALLO ET GALLINA PROVENIRE QUO VOLUIT ARISTOTELES.

#### EXERCITATIO XXXI.

**C**ertum est, ut diximus, ovum foecundum non nisi à gallo & gallina fieri: non tamen eo modo, quo *Aristoteles* arbitratus est; ut gallus nempe solus efficiens primum sit, & gallina materiam duntaxat praebear. Neque enim cum eo sentio, ubi ait: *Cum semen de mare accessit in foeminae uterum, partem purissimam excrementi constituit*, Paulyneque post: *Cum autem excrementum foeminae in utero constituerit, à maris genitura sit tanquam lactis coagulum: coagulum enim lac est continens calorem vitalem, qui partes similes ducit eodem, & unit, atque constituit: & genitura ita se habet ad menstruum naturam: Eadem enim natura lactis, & menstruum est. Itaque coactis jam partibus, corpulentus humor excernitur, obducunturque circum parte resiccescente terrena membranae; tum necessario, tum etiam alicujus gratia. Haecque pari modo in omnibus tam oviparis, quam viviparis habentur.*

De Gen.  
an. l. 2.  
c. 4.

Res autem in generatione ovi, longe aliter se habet: neque

quæ enim semen, (aut genitura potius) à mare in coitu proveniens, ullo modo uterum ingreditur: nec gallina, postquam concepit, in uteri sui cavitate, excrementum sive purissimam ejus particulam, aut quicquam sanguinis habet, quod à maris genitura perficiatur. Nequæ ovi partes, (membranae scilicet & liquores) coagulatione aliqua efficiuntur: nec quicquam simile lactis coagulo ibidem reperitur; uti ex jampridem dictis clare constat. Indeque sequitur, nec conceptum (unde animal tanquam è femine foecundo oritur) eo modo se habere, quo *Aristoteles* est arbitratus; cum hic pari modo in viviparis contingat, quo ovum in oviparis efformatur: uti ipsemet fatetur, posteaque observationibus aliquot nostris palam fiet. Quippe certum est, ovum tam prolificum, quam improlificum, à gallina sola fieri & formari; foecunditatem vero duntaxat ei à gallo accedere. Gallus, inquam, nec materiam, nec formam ovo affert; sed id solum, quo ovum *foecundum* fit, gignendoque pullo idoneum. Facultatemque hanc gallus genitura sua per coitum emissâ, non modo ovo inchoato, aut jam factò; sed utero etiam, & ovario, gallinaeque ipsi impertit: idque adeo, ut ova quoque postmodum inchoanda, (quorum nulla adhuc extat in ovario, aliave corporis parte materia) foecunda inde generentur.

## NEQUE EO MODO, QUO MEDICI ARBITRANTUR.

### EXERCITATIO XXXII.

**C**onceptus, ex *Medicorum* sententia, hoc modo perficitur: In coitu, mas simul & foemina voluptate solvuntur; genituramque suam, seu semen, in uteri cavitatem effundunt; ibidemque, quod uterque confert, miscetur; habens pariter ab utroque & vim efficiendi, & materiae potentiam. Contingit autem, secundum hujus vel illius geniturae praedominium, ut conceptus, mas,



vel foemina evadat. Putantque, protinus à coitu, (activis & passivis pariter invicem cooperantibus) aliquid conceptus in utero inchoatum esse. Quin contra *Aristotelicos* asserunt, marem non magis efficientem generationis causam esse, quam foeminam; sed aliquid ex ambobus mistum: nec sanguinem menstruum, aut partem ejus purissimam, esse primam conceptus materiam; sed sperma: indeque partes primas, sive prima earum rudimenta, *spermatica* appellant; quae sanguine postea nutriantur, & crescant.

Manifestum vero est, neque hoc pacto ovum à gallo & gallina procedere. Quippe gallina nullum semen in coitu emittit, ex quo ovum fiat: Imo vero nunquam quicquam seminis ejus uspiam observatum est: siquidem partibus generando semini necessariis destituitur; testiculis nempe, & vasibus spermaticis. Licet autem gallina vim efficiendi una cum gallo habeat (ut ex praedictis liquet) & quodammodo mistum sit, quod ovum foecundum reddit; hoc tamen non contingit secundum geniturarum praedominium, aut earundem mixturae modum: nam certum est (& *Fabricius* fatetur) semen galli cavitatem uteri non ingredi: Nec aliquid ovi protinus à coitu in utero factum cernitur; quamvis *Aristoteles* id ipsum (*aliquid nempe conceptus protinus fieri*) passim affirmet. Quinetiam inferius demonstrabo, neque hanc feminum mixturam in ullo animali contingere; nec protinus à coitu (eoque foecundante) quicquam vel seminis, vel sanguinis, vel conceptus inchoati in utero omnino inesse, aut reperiri. Nihil profecto in conceptu, aut ovo invenias, quod semen maris ibidem contentum, aut permixtum arguat. Vulgus quidem falso arbitratur, chalazas esse galli semen: mirorque, cum binae sint (utrolibet scilicet ovi extremo altera) neminem hanc galli, illam gallinae semen esse, asseruisse. Error autem iste popularis facile diluitur, siquidem chalazae in quolibet ovo, tam subventaneo, quam foecundo, eodem modo reperiuntur.

## MAREM, ET FOEMINAM, PARITER EFFICIENTES ESSE GENERATIONIS.

## EXERCITATIO XXXIII.

**R**ecte Medici contra *Aristotelicos* asserunt; utrumque sexum efficiendi potestatem habere; quoniam quod generatur ex utroque mistum est: mista nempe figura & similitudine corporis, mistaque specie, ut puta, inter perdicem & gallinam. Quippe rationi congruum videtur, ea putare conceptus efficientia, quorum misturam refert, quod ex utrisque producitur.

Ad hanc mentem *Aristoteles*: *In quibusdam*, inquit, manifestum est, quod generans tale est, quale quod generatur: *Metaph.* 1. 7. c. 8. non tamen idem, nec unum numero, sed unum specie, ut in naturalibus. Homo namque hominem generat, nisi quid praeter naturam fiat; ut equus mulum: & haec quoque similiter. Quod enim est commune equo, & asino, non est nominatum propinquissimum genus: fuerint autem ambo fortassis, uti mulus. Ibidemque ait: Generans sufficiens est, ut faciat, & causa sit speciei esse in materia: tota vero jam talis species in his carnibus, & ossibus, Callias est, & Socrates.

Quare cum talis forma tota, scil. muli, fit mista ex ambobus, equo nempe & asina; non sufficit equus, ut hanc muli formam in materia producat; nisi prout forma tota mista est, ita ab asina causa alia efficiens conferatur, ei que adjungatur. Quod itaque mulum efficit ex ambobus mistum, adaequatum sit oportet, & mistum, si modo univocum. Ex. gr. vir ille, & haec foemina, hunc generant *Socratem*; non quatenus ambo homines sunt, & specie unum ac idem; sed quatenus is vir, & haec foemina, in his ossibus & carnibus forma humana constant; quorum amborum cum *Socrates* mistura quaedam fit, & ex utroque mistus: illud à quo fit, ex ambobus quasi compositum univocum mistum esse oportet; nempe efficiens mistum effecti misti.

Ideoque mas & foemina separatim non sunt generativi, sed uniti in coitu, & quasi unum animal facti; unde ab utroque, tanquam uno fit & educitur, quod vere causa efficiens proxima conceptus erit.

Medici etiam, dum ad ea solum attenti quae humano generi contingunt, de generatione universim pronunciant; & verisimile iis videtur, genituram à parentibus in coitu profluentem, esse verum sperma sive semen, plantarum semini analogum; non sine ratione mistum illud proximum futurae prolis efficiens, ex utriusque seminis mistura constituunt: atque adeo mistum ejusmodi protinus à coitu in utero contineri, conceptumque primum esse, asserunt. Rem autem in ovo (quod vere *conceptus* est) longè aliter se habere, ex praecedente nostra historia constitit.

## DE OVI MATERIA, CONTRA MEDICOS ET ARISTOTELICOS.

### EXERCITATIO XXXIV.

**Q**UOD Medici contra *Aristotelicos* negant, sanguinem esse primam conceptus materiam; id quidem ex ovi generatione luculenter constat. Neque enim vel in coitu, vel ante, aut post ipsum quicquam sanguinis in gallinae utero continetur; neque ovi primordia sanguinea, sed alba sunt. Multaque animalia concipiunt, quibus ne gutta quidem sanguinis in genitalibus (si subito dissecueris) apparet.

Sed dum contendunt sanguinem maternum esse foetus in utero alimentum, praesertim partium ejus sanguinearum (ut appellant;) foetumque ab initio ceu partem matris esse, illius sanguine nutriri, & crescere, spirituque ejus vegetari: adeo ut nec cor pulset, nec jecur sanguificet, nec pars ulla foetus publicum aliquod munus exequatur, sed omnes ab opere suo feriantur; eos quidem falsi autopsia redarguit. Pullus enim in ovo, proprio suo san-



sanguine, ex liquoribus intra ovum contentis nato, gaudet; corque ipsius statim ab initio pulsare cernitur: non autem faciendis partibus sanguineis, aut plumis, quicquam sanguinis aut spiritus à gallina mutuatur; ut rem probe animadvertentibus clare liquet. Imo vero ex observationibus post dicendis, abunde me demonstraturum arbitror. Viviparorum quoque foetum, dum adhuc in utero continetur, non matris sanguine nutriri, spirituve ejus vegetari, sed anima, viribusque suis frui; (ut pullus in ovo solet) proprioque sanguine gaudere.

Ad foetus autem materiam à maré & foemina, quod attinet, & generationis modum in scholis vulgo decantatum (nempe conceptum fieri prolificum à geniturarum mistione, earumque mutua actione & passione; ) ad foeminarum quoque semen quod spectat; & partes spermaticas dictas, ac sanguineas; plurimae, eademque praeclarae observationes, postea recensendae, me, in contrariam ab iis sententiam ut irem, compulerunt. Id nunc solum dicam, mirari me plurimum, cur Medici (praesertim in anatomicis versati) duobus argumentis, ceu validissimis, opinionem suam tueantur; cum eadem tamen, rite intellecta, contrarium potius evincant.

Nempe, ex concussione illa, & solutione, humorisque profusione (quae mulieribus saepe in coitu cum voluptate accidit) arguunt, foeminas omnes in coitu semen profundere, idemque ad generationem necessarium esse.

Ut vero jam praeteream, non omnes quorumlibet animalium foeminas, nec mulieres quidem omnes, talem humorem emittere; nec citra ejusmodi emissionem conceptum necessario frustrari; novi enim plurimas, quae citra talem ejectionem foecundae fatis essent; & nonnullas etiam, quae, postquam emissionem ejusmodi expertae sunt, majore quidem voluptate in coitu delectarentur, sed de foecunditate solita plurimum amitterent. Infinita etiam exempla sunt foeminarum, quae licet in coitu voluptatem sen-

sentiant, nihil tamen emittunt, & nihilominus concipiunt. Miror maxime, eos, qui emissionem hanc ad generationem necessariam putant, non animadvertisse, humorem illum foras ejici, & circa clitoridem vulvaeque orificium ut plurimum, profundi; raro intra vulvam, nunquam vero intra uterum, ut cum maris spermate misceatur; esseque consistentia ferolum sive ichorosum, admodum urinae; non autem, geniturae instar, lentum atque unctuosum; ut tactu facile innotescit. Quorsum autem foras ejiciatur, cujus usus necessario intus requiritur? Debuitne humor ille, ceu utero valedicturus, ad limen vulvae amandari; ut majore cum gratia ab utero retraheretur denuo?

Aliud argumentum ducunt à partibus mulierum genitalibus, & testiculis nempe, & vasis spermaticis praeparantibus & deferentibus, quae generationi spermatis inservire arbitrantur. Ego vero miror plurimum, credere eos, à partibus tam imperfectis & obscuris, semen adeo elaboratum, concoctum, & vitale provenire posse; ut (cum ad certamen de praedominio ventum fuerit; utrum scil. maris an foeminae semen imperio potiturum sit, & quodnam eorum futurum sit vel efficiens & agens, vel materia & patiens) viribus, spiritu, & generativa potentia, maris semen exsuperet: ipsumque tam vegeto calore coctum, tot vasis elaboratum, tantoque spiritu exsiliens, materiae vicem aliquando subire cogat, suoque dominio subjiat. Verum de his in posterum plura.

Interea certum est, gallinae ovum ex hujusmodi incoitu profusione non nasci: quamvis illa mox à coitu (ceu blanda dulcedine delibuta) prae laetitia sese excutiat; & tanquam accepto jam summo munere; festuca semet lustrat; quasi multiplicandi benedictioni à Jove summo satorum donatae gratularetur. Columba (praesertim ea, quae ad nos ex Africa advehitur) gaudium à coitu mirum in modum exprimit: saltat, caudam distendit, eaque inram verrit humum, rostro se pectit, & ornat; quasi foecund-

ditatis donum summam in gloriam duceret.

Diximus, materiam primam ovi non constare ex sanguine, ut *Arist.* voluit; neque (ut Medici censent) à feminum maris & foeminae permissione proficisci. Unde autem eam statuamus fieri partim in historia jam dictum est; partim post uberius dicemus, cum universim de materia, ex qua omnis conceptus primus oritur tractabimus.

QUATENUS GALLINA SIT EFFICIENS IN GENERATIONE OVI, EX SENTENTIA ARISTOTELIS? ET CUR MARIS AUXILIO OPUS SIT?

EXERCITATIO XXXV.

**G**allum & gallinam duo generationis ovi principia esse, jam dictum est; licet de modo, quo id eveniat, seorsum ab *Aristotele* & medicis sentiam. Quippe ex ovi generatione palam fecimus, tam foeminam, quam marem, efficientem esse; & habere in se principium, unde motus, & facultatem constituendi: quamvis in coitu, nec mas ovo materiam conferat; nec foemina semen profundat, unde ovum oriatur. Manifestum itaque est, naturam (in quibusdam saltem animalibus) non propterea marem & foeminam instituisse; ut alter (tanquam agens) formam; altera (ceu patiens) materiam conferat; veluti *Aristoteli* visum est: neque ut in coitu semen ab utroque proveniat; quo ex utriusque mistura conceptus, aut ovum fiat; quemadmodum medicis placet.

Cumque in his duabus opinionibus contineatur, quicquid de generationis causis ac principiis ab omni antiquitate traditum fuit: videtur hactenus omnes ratio latuisse, tumcur foemina per se non generet (plantae instar,) sed sociatam maris operam requirat; tum etiam quomodo conceptus, aut ovum à mare simul & foemina procreetur;



aut quid utervis ad eam rem conferat ; & quem in finem coitus instituat.

*Aristoteles* contra universalem suam hypothesin ( quod mas, ut agens ; foemina , duntaxat ut materia sit ; ) quia ovum à foemina sine maris auxilio procreari videt , fateri cogitur foeminam quoque efficientem esse & similiter ovum, etiam foras exclusum , sese conservare , nutrire , augere , foetumque ex se producere ( ut piscium ovis contingit ) non ignoravit : ac propterea ovo , etiam subventaneo , animam inesse voluit. Quatenus vero foemina efficiens sit , & ovum subventaneum anima donetur , conatur exponere , ubi ait : Subventanea recipiunt generationem quoad fieri potest ; perfici namque ad animalis usque foecunditatem , impossibile est , sensibus enim opus est. At vegetalem animae virtutem obtinent & foeminae , & omnia quae vivunt , ut saepius dictum est. Quamobrem hoc ovum , ut plantae conceptus , perfectus est ; ut animalis imperfectus. Quibus videtur innuere , animam vegetativam ovo quoque subventaneo inesse ; quod haec cunctis viventibus insit ; ovum autem vivat. Gallinae pariter vim creandi , vegetalemque animam inferendi tribuit : quippe talem virtutem omnes foeminae obtinent : ideoque ovum subventaneum , quatenus vivit , ut planta , conceptus perfectus ; quatenus ut animal , imperfectus dicitur. Quasi mas non requiratur , ut fiat conceptus , aut ovum , idque perfectum ; sed ut ex eodem ovo fiat animal. Non , inquam , ut ovum producat omnibus modis perfectum , ( qualis est plantarum conceptus ; ) sed ut animali principio imbuatur. Fit itaque à gallina ovum , à mare vero redditur prolificum.

Addit ibidem : In omni avium genere , alterum mas , alterum foemina est. Itaque fit , ut qua planta est , perficiat ; quod nondum mutetur à coitu : qua non planta , non perficiat ; nec aliud quicquam proveniat ex eo , quod genuit. Neque enim ut plantae simpliciter , neque ut animalis per coitum proventus est. Loquitur de ovo subventaneo ; dicitque porro ? Quae autem ova coitu concepta , discreta jam sunt in albuminis portionem ;

De gen.  
an. l. 3.  
c. 7.

*nem; haec pro eo mare, qui primum coiverit, evadunt; jam enim utrumque principium obtinent.*

Quibus videtur fateri, foeminam quoque in generatione esse efficientem, sive vim habere generandi; quia in omni foemina inest anima vegetativa, cujus facultas est generare. Et proinde ubi discrimen inter marem & foeminam proposuit, utrumque tamen generativum agnovit, ait enim, *Marem id animal dicimus, quod in alio gignit; foeminam, quod in se ipso.* Itaque ex ejus sententia, & generat uterque, & in utroque, ut pariter inest anima vegetativa, ita & facultas ejus generandi. Quomodo autem differant, supra ex ovi historia innotuit. Gallina nempe per se citra galli operam, generat ovum subventaneum, (quemadmodum planta ex se fructum fert;) non gignit tamen ovum foecundum; sine coitu maris vel antecedente, vel subsequente. Generat scil. foemina, sed aliquatenus; & maris coitus requiritur, ut facultas ista generandi in foemina perficiatur: nempe, ut non modo ovum procreet, sed ejusmodi etiam, unde pullus nasci possit. Ob hunc enim foeminae in generando defectum, mas videtur à natura institui (uti inferius clare constabit;) ut quod foemina per se efficere nequit (semen nempe, sive ovum foecundum) id mas suo coitu suppleat, & perficiat; virtutem illam gallinae, aut ovo impertiendo.

## OVUM GALLINACEUM PERFECTUM, EST BICOLOR.

### EXERCITATIO XXXVI.

**N**ON omnia igitur ova perfecta sunt, sed quaedam imperfecta censentur, quia nondum justam magnitudinem adepta sunt, quam deinde foris accipiunt: alia, quia adhuc improlifera sunt, & postea foecundandi vim forinsecus mutantur; qualia sunt ova piscium. Alia, quia unius tantum coloris sunt, imperfecta ab *Aristotele* aesti-

mantur ; perfecta autem , quae bicolora , luteo nempe & albumine constant : tanquam magis distincta , melius concocta , & majore calore praedita. Ideoque ova , quae *centenina* appellantur , & quae *Fabricius* ex reliquiis solum albuminis generari voluit , unius coloris sunt ; & , ob defectum caloris , imbecillitatemque , imperfecta habentur. Inter omnia vero ova , nullum gallinaceo perfectius est , quod liquoribus & munimentis necessariis instructum , justaeque magnitudinis , foecundum paritur.

Cur autem aliqua ova bicolora , alia unius tantum coloris sint , *Aristoteles* hanc causam attulit , Quoniam *calidioribus animalibus seorsum ista habentur distincta* , ex quo principium ortus , & ex quo alimentum : atque alterum candidum , alterum luteum est. Quasi pullus ex albumine ortum duceret , & à vitello solum aleretur. Ibidemque ait : *Pars ejus quae calida est propius ad formam in membris instituendis accedit : quae autem terrestris magis est , corporis institutionem praebet , & remotior est. Quamobrem in bicoloribus ovibus animal initium suae generationis à candido sumit. Initium enim animale in candido est , cibum à luteo capit. Putatque ideo dictos hos liquores distinctos esse , & ova nasci bicolora.*

Quae partim vera , partim falsa sunt. Non est enim verum , pullum ex albumine constitui , & nutriri vitello. Enimvero ex historia fabricationis pulli , ductuque venarum umbilicalium , & propaginum illarum distributione , quae proculdubio alimento hauriendo inserviunt , manifestum constat , materiam constitutivam & alimentum , à prima statim origine , tam à vitello , quam ab albumine nutriendo pullo suppeditari : & *colliquamentum* à nobis dictum , videtur non minus è vitello , quam albumine constari ; utriusque enim humoris aliquid colliquefcit. Quin etiam macula , ex qua primum dilatata fit *colliquamentum* , quaeque *oculus* à nobis dicitur , vitelli tunicae impressa cernitur.

Videtur tamen distinctio illa in luteum , & albumen , necessaria.



cessaria: quod liquores isti, cum sint proculdubio diversae naturae, diverso quoque usui inservire videantur. Ideoque in ovo perfecto distincti sunt; estque eorum alterum, alimentum propinquius; alterum, remotius: illo foetus statim ab initio nutritur; hoc posterius. Certum enim est (ut *Fabricius* vere asserit, & nos postea docebimus) utrumque esse alimentum; tam albumen scilicet quam vitellum; & albumen prius vitello absumi. Quare cum *Aristotele* sentio (contra *Medicos*) albumen esse partem ovi sinceriores, magisque concoctam, & elaboratam; ac propterea, cum ovum in utero perficitur, tanquam pars calidior, in ambitum circumfunditur, dum vitellus ceu pars terrestrior, in centrum subsidit. Videtur etiam albumen calorem animale uberiorem in se continere, & proinde alimentum esse propinquius. Similiter, ob eandem causam, albumen exterius interiore sincerius, magisque concoctum esse, verisimile est.

Quod Medici affirmant, vitellum esse partem ovi calidiores, & magis nutritiam, id intelligendum censeo, quatenus nobis cibus est; non, quod pullo in ovo alimentum magis idoneum suppeditet. Idque constat ex historia fabricationis pulli: à quo, tenue albumen prius quam crassum absumitur. Quasi propius alimentum sit, & transmutatu facilius in substantiam futuri foetus. Ideoque vitellus videtur esse alimentum remotius, & posterius, quam albumen: quippe totum albumen prius absumitur, quam vitelli notabilis portio defecerit. Imo vero vitellus in pulli abdomine reperitur, postquam hic exclusus fuerit; tanquam novello pullo pro lacte, quo nutriatur, inserviat.

Sunt itaque ova bicolores magis perfecta, utpotè distincta magis, & à majore calore elaborata. Quoniam enim in ovo non modo pulli materiam, sed primum quoque alimentum contineri oportuit; quod perfecto animali perfectum & elaboratum maxime esse debuit; quale illud est quod partes distinctas obtinet, quarum alia (ut diximus) prior & sincerior, adeoque facilioris digestionis est; alia

posterior five remotior, ac propterea in pulli substantiam transmutatu difficilior; (vitellus autem & albumina tali discrimine inter se differunt) ideo ova perfecta sunt bicolora, ex vitello nempe & albumine composita; utpote quae, pro diversa foetus aetate, ac robore, diversos hos liquores, facillioris & difficilis magis concoctionis fomites, in se contineant.

## QUOMODO OVUM ALBUMINE AUGEATUR.

### EXERCITATIO XXXVII.

**E**X historia constitit, ovorum in ovario primordia perexigua admodum esse instar papularum, & milii femine minora, alba atque aquea humiditate referta: mox papulas istas in vitellos evadere; & hos denique albumine circumcingi.

*Aristoteles* videtur opinari, albumen generari ex vitello per modum separationis. Labet ejus verba appingere: *Sexus*, inquit, non est causa duplicis coloris, ut candidum à mare, luteum à foemina sit; sed ambo à foemina proficiuntur. *De Gen. an. 1. 3. c. 1.* Verum alterum frigidum, alterum calidum est. In quibus multum caloris est, distinguuntur; in quibus parum, distingui non possunt. Et ob eam rem conceptus eorum sunt unicolores, ut dictum est. Semen autem maris constituit tantum: ideo primum exiguis, albusque conceptus avium cernitur; mox tempore procedente, luteus totus, cum jam plus sanguinis admiscetur: postremo, secedente calore, pars candida circum insistit, quasi humore aequae fervente quoquoersus. Candida enim pars ovi sua naturam humida est, caloremque animale intra se continet: quamobrem circum ipsa discernitur, lutea & terrena intus manet.

*Fabricius* autem putat, albumen duntaxat per juxta positionem vitello adhaerescere. Dum enim (inquit) vitellus per secundum uterum devolvitur, ac sensim volutatur, sensim quoque subinde suscipit albuminis portionem ibi genitam paratamque ut  
circa

*circa vitellum apponatur: donec medias spiras vitellus praetergressus, & ad ultimam devolutus una cum ovi albumine circumducto, etiam membranis obvolvitur, & corticem assumit.* Vult itaque ovum duplici modo incrementum sumere; partim vero, per venas, ut in vitello; & partim appositivo augmento, ut in albumine. Ejusque opinionis, hoc illi forte inter alia argumentum fuit; quod albumen ad duritiem coctum, facile in laminas sese invicem ambientes findatur. Verum istuc idem quoque vitello in ovario etiamnum haerenti, & ad duritiem cocto contingit.

Quapropter experientia edoctus, accedo potius in sententiam *Aristotelis*: nam albumen non solum (ut *Fabricius* voluit) adjunctum cernitur, sed formatum etiam, & chazis, ac membranis distinctum, inque duplicem liquorem candidum divisum: idque ab eadem anima vegetativa, à qua ovum in binos liquores (albumen scil. & vitellum) distinguitur. Nempe à qua facultate ovum integrum, ab eadem quoque singulae ejus partes formantur. Nec sane verum est, vitellum prius fieri, & albumen ei adjungi postea. Quod enim in ovario conspicitur, non est ovi vitellus, sed aliquid potius compositum, quod ambos liquores permixtos in se contineat. Colore quidem vitellum refert, sed consistentia sua propius ad albumen accedit: coctum enim ad duritiem, non (ut vitellus) friabile est; sed, albuminis instar, concretum, glutinosum, & tenuibus lamellis constructum cernitur. Habetque albam quasi papulam in medio sui.

*Aristoteles* videtur separationem hujusmodi à diversa vitelli & albuminis natura deducere. Ait enim, Si plura ova coniecta in patinam, aut tale aliquod vas, igne coquas, ita ut ne motus caloris citatior sit, quam ovorum distinctio; idem in universis ovis, quod in singulis evenit, ut lutea cuncta in medio constituentur; candida circiter ambient. Ibid.

Rem ipsam frequenti experientia compertam habeo; & cuilibet experiri licet, modo vitellos una cum albuminibus simul conquassatos, in clibano, vel inter duas patinas super



per focum, addito butyro, leniter coxerit in placentam; videbit enim albumina vitellos in imo positos superne amplecti.

## QUID GALLUS ET GALLINA GENERANDO OVO CONFERANT.

### EXERCITATIO XXXVIII.

**U**Terque, tam gallus, quam gallina, pulli parens dicens est: sunt enim ambo principia ovi necessaria; & utrumque pariter efficientem ejus probavimus. Gallina nempe ovum facit; gallus, ut foecundum sit, efficit. Sunt itaque ambo plasticae virtutis instrumenta, quibus ista species perpetuatur.

Cum autem in nonnullis animalium speciebus (quasi mare nihil esset opus, sed foemina sola ad speciei perennitatem sufficeret) nulli mares reperiantur, sed omnes sint foeminae, quae intra se primordia ovorum foecunda continent: in nonnullis vero, mares duntaxat, nullaeque foeminae appareant; quia omnes aliquid extra se in limum, terram, aut aquam emittendo, progenerant, speciemque sui conservant: videtur natura in his talibus uno sexu contenta esse, quo (ceu instrumento) utatur ad procreationem idoneo.

Aliquibus etiam, sine ullo sexus discrimine, quasi fortuito, semen contingit; quorum nempe principium est spontaneum. Quemadmodum enim *quaedam ab arte fiunt, & eadem quoque casu, ut sanitas*: ita pariter animalium semen aliquod, non fit simpliciter ab univoco, (ut ex homine, homo;) sed quodammodo solum univoco (quorum scilicet primordium & materia casu facta, à se ipsa moveri eo motu potest, quo semen) *quae non per coitum, sed sponte orta, ex tali origine consistunt, quali insecta, quae vermem generant*. Nam ut artifices quaedam suis manibus operantur, quaedam autem non nisi ope aliorum instrumento-

De Gen.  
an. l. 2.  
c. 3.

rum;

rum; artesque praestantiores, variae formae & magnitudinis instrumentis utuntur, ad diversas, & curiosas praefertim, subtilesque operationes, peragendas: (praestantiora quippe, & laboriosa magis opera, pluribus plerumque fiunt motibus, pluresque subordinatos fines requirunt: eaque in re, ut & aliis omnibus, ars naturam imitatur) ita similiter natura, ad perfectiora & praestantiora animalia procreanda, pluribus, & diversarum facultatum viriumque instrumentis necessario utitur. Sol enim, aut coelum, (aut quicquid aliud genitoris, communisque patris nomine in animalium generatione intelligitur) quaedam per se, casu, &, quasi absque instrumento, aequivoce procreat: quaedam autem non nisi univoce generat; quae nempe ab aliquo ejusdem generis producuntur, quod & materiam & formam genito tribuat. Atque hoc modo, in perfectissimorum animalium generatione, ubi principia istaec distinguuntur, & haec animalium semina divisa sunt; non nisi ex mare & foemina, tanquam duobus instrumentis requisitis, procreantur. Et similiter ovum nostrum gallinaeum necessario à gallo & gallina producitur. Gallina in se generat, ideoque conceptui locum, & materiam, nutrimentum ac fomentum confert: gallus autem foecunditatem tribuit. *Mas enim* (inquit Aristoteles) *semper perficit generationem, facitque ut sensitiva anima insit, & ex ovo animal gignatur.* De Gen. an. l. 2. c. 3.

Ideoque tam gallo, quam gallinae, organa utriusque facultati idonea concessa sunt. Nempe in gallina partes omnes genitales ad recipiendum, & continendum accommodae; ut in gallo ad dandum, sive immittendum, vel ad praeparationem illius, quod foecunditatem in foeminam transferat, (tanquam in alio generaret) idonea reperiuntur.

Perspectis itaque, per dissectionem anatomicam, partibus generationi dicatis; quid utervis, mas scilicet & foemina, ad eam conferat, facile dignoscimus. Instrumentorum

quippe notitia, ad eorundem actiones, & usus, recta semita deducit.

## DE GALLO QUAEDAM NOTATU DIGNA.

### EXERCITATIO XXXIX.

**G**Allus est (ut diximus.) primarium efficiens ovi gallinacei perfecti seu foecundi, & praecipua generationis causa. Absque mare enim fuerit, nunquam ex ovo nasceretur pullus; & in multis oviparis, ne ovum quidem. De galli itaque actione, & utilitatibus, nempe quid ovo, & pullo, tam in coitu, quam aliis officiis conferat, penitus introspicendum est.

Gallum in coitu (licet pene, ut arbitror, careat) *genituram*, vulgo semen dictum, emittere, ex partibus ejus genitalibus constat; quippe testiculi eadem scatent, & in vasis deferentibus longis, amplisque plurimum ejus reperitur. Num vero subsultim, vique spiritus spumofum, & repetitis ictibus (ut in calidioribus animalibus viviparis) prodeat, necne; mihi profecto haud compertum est. Quia autem vesiculas genituram continentes non reperio, è quibus fermentata, spirituque in spumam elata profiliat foras; nec penem invenio, per cujus tubulum angustiorum protrusa cum saltu ejiciatur; gallinaeque interiora verberet; praesertim cum coitus inter eos celeriter adeo peragatur; crediderim, levem solum esse humoris seminalis illitum, qualis per pudendorum osculum duntaxat affigitur, semenque citra saltum subito emanare: ut, quod alia animalia uno eodemque initu iteratis ictibus ejaculantur, id aves (quae complexui venereo non immorantur) repetitis saepe coitionibus expediant. Rarius enim coitum repetunt, quae diutius in complexu venereo haerent: quales in avium numero sunt cygnus, & struthio. Quoniam gallus igitur diu in venerea copula haerere nequit; quod ab



ab aliis, pluribus impulsibus fit, id ipse repetitis vicibus praestat: ac licet nec penem, neque glandem habeat, vasorum tamen deferentium extremitas spiritu (dum coit) inflata glandis more turgescit; qua uteri gallinae orificium aperto podice reiectum comprimit, humoreque suo genituali oblinat, adeoque pene ad geniturae immissionem non indiget.

Diximus autem, galli semen tantae virtutis esse, ut non uterum modo, sed & ovum in utero, in ovario papulam, totam denique gallinam ipsam, papulas & ovorum primordia partim jam habentem, partim mox producturam, foecundam ac prolificam reddat.

Ideoque à *Fabricio* recte observatum, gallo geniturae copiam in testiculis, & vasis deferentibus abundare; non quod gallina plurimum ejus singulis suis ovis foecundandis requirat; sed ut gallus pluribus gallinis, crebroque repetitis congressibus sufficiat.

Facit etiam ad celeriores seminis egressum, vasorum spermaticorum in gallo brevitatem & rectitudo: quod enim per longos & reflexos maeandros permeat; tardius elaboratur, & copioso spiritu impulsore opus habet.

Inter mares, nemo gallo est alacrior, nec superbior, aut erectior incedens, ciboque concoquendo potentior, cujus magna pars in genituram abit; ac proinde pluribus eum frui uxoribus oportet, nempe decem, vel duodecim. Sunt enim animalium quaedam species, quarum mas singularis plurimis foeminis sufficiat, ut in cervis, damis, & pecorum generibus videre est; sunt etiam, quarum foeminae libidine prurientes vix pluribus maribus contentae sint; ut canis, & lupa; unde etiam Meretrices *lupae* dicuntur, quae corpora sua vulgant; & *lupanaria*, in quibus prostant. Sunt etiam nonnulla animalia quasi casta magis, & conjugalem vitam degunt; ita ut mas unus uni maritetur foeminae, amboque proli enutriendae socias operas praestent. Cum enim à natura requiratur, ut mas, in prolis generatione, foeminae defectum suppleat; atque

haec sola foetum nutrire , fovere , ac defendere nequeat ; mas ipsi conjux additur ; qui partem oneris in generanda & educanda prole suscipiat. Sic perdices vita conjugali gaudent , quia earum foeminae tot simul ova incubare nequeunt ( ideoque binos nidos extruere dicuntur ) nec prognatos inde pullos tollere. Columba quoque mas incubandi vices , nidum componendi , pullosque nutriendi supplet. Similiter alia complura conjugalis vitae exempla inter animalia reperias : de quibus plura in dicendis.

Qui autem mares , ( ut gallus ) plurimis foeminis inserviunt , eorum testiculi copioso humore seminali scatent , vasque deferentia longa & ampla obtinent. Et quo tempore , quave aetate , papularum racemi in gallinis maturantur , & foecunditatem exposcunt , ut in ova perficiantur , maribus semen abundat , & testiculi turgescunt ; eodemque loco ( circa praecordia scilicet ) conspiciuntur , in quem foecunditatem transferunt. Patet id in piscibus , avibus , reliquisque oviparis omnibus ; quorum mares femine replentur eodem tempore , ac loco , quo foeminae ova concipiunt.

Quaecunque itaque gallinae partes à natura generationi destinantur , ovarium nempe , infundibulum , uteri processus , uterusque ipse , & pudenda ; eorumque situs , fabrica , quantitas , & temperies , quaeque hanc consequuntur ; ea omnia , inquam , vel ovo procreando , & augendo inserviunt , vel ad coitum , & foecunditatem à mare recipiendam , aut partus gratia efformantur : ad quam rem ea vel necessario , & principaliter ; vel tanquam causa sine qua non ; vel ad melius esse quodammodo conducunt. Nihil enim frustra aut temere in naturae operibus instituitur. Similiter , partes omnes genitales in gallo geniturae praeparandae , & concoquendae , atque in gallinam transmittendae gratia fabrefactae sunt.

Quibus autem maribus is vigor est , ut plurimis foeminis sufficiant ; hi corporis magnitudine , & ornatu , animique robore & armis , foeminas suas longius superant ;  
quam.

quam illi, qui conjugales sunt. Neque enim tantopere perdix mas, corvus, aut columba, à consortibus suis distinguuntur; quantum gallus, à gallina; vel cervus, à suis foeminis discrepat.

Gallus itaque ut armis, plumisque ornatior, superbus, gloriosus, magnanimus, & bellator insignis incedit; ita pariter semine abundat, & frequentissime coitum peragit, adeoque libidine ferox aestuat; ut, (nisi complures gallinae ipsi suppetant foeminas suas saepius invitando & cogendo fatiget, &, (uti in phasiano, gallo Indico, aliisque observavimus) intempestive superfiliendo, dorsumque pedibus atterendo (etiam cum in nidis ova incubant) eas male mulctet. Vidimus aliquando gallinas à ferocientis galli injuria adeo laceras & detritas, ut dorsum totum implume, & ad ossa ipsa perquam miseris modis nudum habentes, brevi expiraverint.

## DE GALLINA.

## EXERCITATIO XL.

**D**UO generationis instrumenta, duaeque primae causae sunt; mas, & foemina. Gallina enim videtur autor *ovi*, ut gallus *foecunditatis*. Horum igitur coitu, à mare in foeminam traducitur, vel in gallina per coitum ingeneratur, id, quod ovum reddit foecundum. Quid autem illud sit, non minus cognitu difficile est, quam cui id ipsum communicetur: scilicet, utrum toti gallinae, an ejus utero solum, aut ovo facto, vel etiam ovis omnibus in ovario jam inchoatis, & postmodum inchoandis? Verisimile enim est ex supradictis, & *Fabricii* quoque experimento, Pag. 37. pauculas coitiones, & gallinae per dies aliquot cum gallo consortium, sufficienter eam, aut ejus saltem uterum, per annum integrum foecundare. Idque egomet etiam, experientia edoctus, ex parte affirmare possum: nempe vicesimum ovum à gallina (post hujus à gallo divortium)



proveniens, fuisse foecundum & prolificum. Ut quemadmodum à piscium masculorum genitura in aquam sparsa, magnam ovorum congeriem foecundari certum est; & in canibus, porcis, aliisque animalibus, coitionis aliquot pluribus foetibus procreandis sufficiant: (adeo ut aliqui compertum sibi existiment; si canis foemina saepius quam ter quaterve ineatur, id foecunditati ejus obesse, pluresque foeminas quam mares inde procudi) ita quoque gallus aliquot suis compressionibus, non modo ovum in utero, sed totum etiam ovarium, gallinamque ipsam (ut saepe dictum est) prolificam reddat. Imo vero, quod amplius est, & imprimis mirabile, *Terrae Persicae parte quadam* (inquit *Aristoteles*) mare foemina rescissa, foetus foeminei praegnantis videntur: nempe matres fiunt, antequam nascantur: quasi mas non solum foeminam foecundam, sed & conceptos quoque in ea foetus praegnantis redderet; quemadmodum gallus noster non solum gallinam, sed ova etiam ab illa procreanda foecundat.

Hist. an.  
l. 6. c. 37.

Pag. 38,  
39.

Id autem Medici confidenter negant, qui ex semine utriusque sexus misto, conceptum in animalibus produci asserunt. Ac proinde *Fabricius*, licet galli semen in coitu projectum, nunquam uteri cavum (ubi ovum sit, vel augetur) ingredi, aut ingredi posse affirmet; & manifeste videat, ova primum in ovario inchoata, non minus iis, quae in utero existunt, ab eodem coitu foecundari; quorum nulla pars à galli semine oriri potuit; hoc tamen (quasi necessario adesse, & permanere debeat) per integrum annum in bursa gallinae prolifica contineri caecoque foramine reservari voluit. Quam sententiam, nos antea rejecimus, tum quia cavitas illa perinde in mare, ac in foemina reperitur; tum etiam, quia nec in illa, nec alibi uspiam in gallina genituram galli stagnantem invenire potuimus; sed quamprimum haec munus suum expleverit, virtutemque foeminae prolificam imprefferit, vel foras elabatur, vel dissolvitur, & in spiritum versa evanescit. Et quanquam *Galenus*, ac cum eo Medici omnes, hanc geniturae

Arist. de  
gen. an.  
l. 3. c. 3.

turae dissolutionem pluribus oppugnant; perfecta tamen ex anatomica administratione partium genitalium fabrica, simulque pensitatis aliis firmissimis argumentis, fateantur necesse est: Semen maris prout à testibus per vasa deferentia derivatur, & in vesiculis spermaticis continetur, prolificum non esse; nisi coitus, vel cupidinis aestu spiritale reddatur, & in naturam spumofam effervescat. Neque enim (teste *Aristotele*) quod semen foecundum reddit, est <sup>Ibid.</sup> ejus corpulentia, aut ignis, aut talis facultas aliqua, sed spiritus qui in semine spumosoque corpore continetur, & natura quae in eo spiritu est, proportionem respondens elemento stellarum. Quare, licet *Fabricio* concederemus, semen in bursa illa reservari, postquam tamen prolifica effervescentia, sive spiritus isti deferbuerint, inutile prorsus foret & infocundum. Unde Medici quoque intelligant, maris genituram non ideo esse prolis opificem, quia primus conceptus ex illa incorporatur, sed quia spiritosa est, & effervescentes, tanquam foecundo spiritu, & numine turgescens. Alias enim *Averrhois* fabula, de mulieris conceptione in balneo, veritatis speciem prae se ferret. Verum de his suo loco plura.

Quemadmodum itaque à gallina fit ovum, ita verissimile est, ab aliis quoque foeminis (ut postea docebitur) primos conceptus tum materiam, tum formam recipere: idque aliquandiu postquam marium genitura immissa fuit, & evanuit. Neque enim gallus per simplicem geniturae emissionem, foecunditatem aliquam gallinae aut ovis ejus adfert; sed quatenus genitura ista prolifica est, & vi plastica imbuta; spiritosa nempe, effectiva, & analogaelemento stellarum. Mas itaque non magis censendus est primum principium, à quo conceptus & foetus oriuntur, quod semen suum concoquere & excernere possit, quam foemina, quae ovum sine mare procreat. Sed eo potius nomine, praerogativam meretur, quod genituram suam spiritu, divinique opificis virtute imbutum inferat: qualis puncto temporis officium suum exequitur, & foecundita-

tem apportat. Sicut enim scintilla è silice excussa, aut fulgure è nube aliqua emicante, res subito accendi, & siderari cernimus; ita pariter genitura maris, foeminam, quum tetigerit, contagio protinus afficit, eidemque vim prolificam transfert; qua non modo ova, sed uterum etiam, & gallinam ipsam, momento temporis foecunda reddit. Haud citius enim inflammabile quid à contactu ignis accenditur, quam gallina à galli coitu praegnans efficitur. Quid autem ab hoc in illam transferatur, postea erit dicendi locus, cum de hac re generatim & perspicue magis determinabimus.

Observandum interea est, si ab anima id proficiscatur (quicquid enim foecundum est, id idem quoque animatum esse verisimile est: & jam supra diximus, ovum ex sententia *Aristotelis* anima vegetativa praeditum esse, ut & semen omne plantarum) oportere necessario animam illam (saltem vegetativam) ex traduce esse, & à mare, in foeminam; de foemina, in ovum; ab ovo, in foetum transferri; vel singulis eorum successive, per coitus contagium, ingenerari.

Videtur nihilominus ambiguitatis plena disquisitio: ideo-  
 De Gen. que, licet *Aristoteles* fateatur, genituram maris tantae vir-  
 aa. l. 3. c. 1. tutis esse, ut semelemissa plurimis simul ovis foecundandis  
 sufficiat; tamen ne repetita saepius coitio frustra videatur,  
*In avium genere*, inquit, ne ea quidem ova, quae per coitum  
 oriuntur, possunt magna ex parte augeri, nisi coitus avis conti-  
 nuetur. Cujus rei causa est, quod ut in mulieribus coitu maris  
 detrahatur mensuum excrementum (trahit enim humorem uteris  
 tepefactus, & meatus aperiuntur) sic in avibus evenit, dum pau-  
 latim menstruum excrementum accedit, quod foras decedere non  
 potest, quoniam parum est, & superne ad cinctum continetur,  
 sed in uterum ipsum collabitur. Hoc enim ovum augetur, sicut  
 foetus viviparorum, eo quod per umbilicum affluit. Nam cum se-  
 mel aves coierunt, omnia fere ova semper habere perseverant, sed  
 parva admodum. Eatenus autem forsitan vera fuerit *Aristo-  
 telis* sententia; plura nempe & majora ova à repetitis sae-



pe coitionibus contingere; quod scil. uberior materia ad uterum (coitus calore tepefactum) affluat. Non tamen propterea crebro coitu necessario opus esse ut ova fiant prolifica. Nam & experientia (ut diximus) contrarium docet, & ratio, quam affert, non videtur suffragari: quippe ovorum primordia non fiunt in utero ex sanguine menstruo, qui in gallina neutiquam reperitur, sed in ovario (ubi nullus sanguis praexistit) ova tam citra galli coitum, quam cum illo progenerantur.

Gallina (ut & aliae foeminae omnes) conceptui materiam, nutrimentum, & locum suppeditat. Materia, unde cuncta ovorum primordia in ovario nascuntur, & crescunt, videtur eadem illa, ex qua reliquae gallinae partes, carnosae nempe, nervosae, & osseae; caput item, ac caetera membra nutriuntur & augentur. Quippe singulis papulis & vitellis in ovario haerentibus (eodem prorsus modo, quo reliquis gallinae partibus) alimentum per vasa accedit. Locus autem in quo ovum membranis distinguitur, grandinibus & cortice perficitur, est uterus.

At vero gallinam nec semen in coitu emittere, nec sanguinem in uteri cavitatem in eo tempore effundere: neque ovum eo modo fieri, quo *Aristoteles* conceptum fieri voluit; neque (ut Medici arbitrantur) ex commixtione seminum; nec semen galli in uteri cavum penetrare, aut attrahi; una hac observatione manifestissime liquet; nempe *quod in utero nihilo plus post coitum, quam ante ipsum reperitur*. Quae res ubi postea liquido constiterit, & demonstraverimus eam veram quoque esse de omni animalium genere, quae utero concipiunt; clare simul apparebit, quae haecenus ab omni antiquitate, circa animalium generationem, nobis tradita fuerunt, erronea esse; foetumque, nec ex spermate maris, aut foeminae; nec ex utrisque simul mistis; neque ex sanguine menstruo constitui: sed in omnibus, tum in conceptu prolifico, tum post ipsum, eodem modo ferrem habere, quo fit in generatione pulli ex ovo, & perinde ac plantae ex sui generis seminibus oriuntur. Neque

Tom. II. T enim

enim constat, marem requiri, ut tanquam agens, opifex, & efficiens per se sit; nec foeminam, tanquam materiam suppeditet: sed uterque, tam mas, quam foemina, opifex quodammodo, & parens dicendus est; foetusque, tanquam ex utrisque *mistis*, mista similitudo & species procreatur. Nec verum est, quod *Aristoteles* saepius affirmat, Medicique etiam pro confesso habent; nempe, statim à coitu, in utero reperiri aliquid vel foetus, (ut puta cor, aut tres bullas, aut aliam quandam partem principalem) vel conceptus, vel aliquid saltem in uteri cavo, ut coagulum, aut spermaticum quid mistum, aut aliud hujusmodi. Sed è contra, diu post coitum contingit primum, & ova, & conceptum in pluribus & perfectioribus animalibus nasci; si modo foemina foecunda & praegnans evaserit. Et foeminam quidem prolificam esse, antequam quicquam conceptus in utero contineatur, multa sunt quae indicium faciunt, ut postea in viviparorum historia dicetur: nempe crescunt ubera, uterus turgescit, aliisque symptomatibus totius corporis mutatio dignoscitur.

Gallina vero, quanquam, ante coitum, ovorum in se primordia ut plurimum habet, quae postea à coitu foecunda redduntur, ideoque illi statim à coitu aliquid inest; tamen cum & ipsa, reliquorum animalium more, nihil adhuc eorum in ovario paratum habuerit, aut quae habuit jam excluserit; ex coitu postea, (aliquo etiam temporis interjecto spatio) tanquam utrumque principium, sive utriusque sexus virtutem possideat, plantarum more per se ova generat, eaque (loquor expertus) non subventanea, sed prolifica.

Enimvero si desubtus gallina semel foecunda reddita, ovisque incubante (postquam jam omnia sua ova peperit, & nullum in ovario superest) omnia illa ova abstuleris; plura denuo pariet, eaque genitiva, sive prolifica, & utrumque principium in se habentia.

QUOMODO GALLINA DICATUR EFFI-  
CIENS PRIMUM : DEQUE EJUS  
PARTU.

EXERCITATIO XLI.

**G**allinam esse causam generationis efficientem , sive naturae in hoc opere instrumentum ; ( non quidem absolute , & per se ; sed ex mandato , ac vi maris prolificam redditam ) jam dictum est. Quemadmodum autem mas , suo merito , primum generationis principium ab *Aristotele* habetur , quod primus ad generationem motus ab eo proveniat ; ita quoque gallina aliquo modo prima generationis causa statui potest : quatenus nimirum mas , praesente foemina , ceu furiis exstimulatus , ad venerem accenditur. *Foemina piscis* , inquit *Plinius* , *coitus tempore marem sequetur , ventrem ejus rostro pulsant : sub partum mares foeminam similiter.* Vidi ipsemet aliquando pisces mares foemellam jam parituram ( canum more ) turnatim sectari , ut ova recens posita lacte suo , sive semine aspergerent. Id vero perspicuum maxime in petulcis ac lascivis foeminis , quae sopitos & ignavos cupidinis igniculos fuscitant , amoremque tacitum inspirant. Indeque fit , ut gallus gallinaeus , quamprimum gallinam suam diutule absentem , vel aliam aliquam advenam , conspicatus fuerit , oestro statim amoris percitus eam comprimat. Quinetiam in praelio victor , quanquam à pugna laesus & lassus , victi tamen conjuges omnes subagitare continuo gessit. Et ut flammulam hanc amoris in praecordiis semel accensam usque foveat , variis gestulationibus , irritamentis , ac blanditiis , ( dum saepius canit , gallinas advocat , easque aggressus circumambulat , atque alas pedibus vibrissat ) foeminas ad coitum , ceu fascino quodam , pellicit. Sunt illae quidem maris artes : sed & foeminae interdum morositas coitum in speciem recusantis , non parum ad maris furorem , &

Lib. 9.  
c. 50.



languentem cupidinem excitandam facit; ut citius, & copiosius spiritu eandem impleat. De huiusmodi autem blandimentis, quatenus conceptui promovendo inserviunt, inferius plura dicentur. Naturae enim opera, si diligenter perpenderis, nihil in iis frustra factum esse, sed cuncta in finem & boni alicujus gratia ordinata reperies.

Foeminae fere omnes cum voluptate quidem coeunt & implentur, sed in partu pleraeque dolent. Gallinae autem contrarium evenit, quae in coitu querula perstrepat, & renititur; in partu vero, licet ovum pro corporis & uterini orificii proportionem praegrande adsit, quodque nihil adjumenti (ut foetus viviparorum solet) ad exitum conferat, citra dolorem tamen facile parit, & à partu continuo exultat, sublatoque cachinno, gallum quasi in partem laetitiae advocat.

Quaquam autem in gallinae vitellario multo ovorum primordia reperiuntur, variae magnitudinis, & ordinis, ita ut aliud alio prius augeatur, & maturetur; omnia tamen videntur à galli congressu simul pariterque foecundari, seu virtutem prolificam accipere. Et licet plusculum temporis (triginta nempe aut amplius dierum) excurrat, priusquam gallina, aut perdix ova omnia, quae concepit, pariat; tamen ubi primum mater iis incubare coepit, statim tempore (viginti scilicet aut duorum & viginti dierum curriculo) omnes foetus una fere excluduntur; iique non minus perfecti, quam si simul (ut in canibus canuli) ab ejusdem temporis coitu initium habuissent.

Atque hic dum sumus, cogitanti mihi, quam exigua sint prolifica ovorum primordia, papulae nempe, & sudamina milii semine minora, considerantique galli inde nati amplitudinem, magnanimitatem, atque ornatum; mirari subit, tantas vires à natura rerum in tantillis exordiis reponi, & Creatorem omnipotentem apparere voluisse maximum è minimis initiis. Oritur nempe ex minima & vix perceptibili, papula, gallina, aut gallus animal superbum & magnificum. Nascitur ex parvula glande, arbor ingens.

Imo.

Imo vero ex minima glandis gemmula five apice, quam lata tandem brachia expandit annosa quercus? quam alta ad coelum tollit f. stigia? quam profundas demittit radices?

*Ingens profecto naturae miraculum* ( inquit Plinius ) *tam exiguus principiis respuentem secures materiam nasci, indomita ponderibus immensis prela; arbores velis, turribus murisque impellendis arietes.* *Haec est naturae vis, haec potentia.* Inest autem omnibus plantarum seminibus talis gemmula, cujus si summitas duntaxat, puncti instar, abrafa fuerit, tollitur illico spes generationis; quasi in tantillo puncto virtus omnis plastica futurae arboris hospitaretur. Ideoque provida formica, particulam hanc praerodens, frumenti grana & semina in horreo suo subterraneo tuto recondit, eorumque progenerationem ingeniose praecaver. *Cupressus* ( adjungit ibidem Plinius ) *fert semen formicis mire expeditum; ampliato etiam miraculo, tantuli animalis cibo absumi natalem tantarum arborum, sed de his quoque generatim plura dicemus, cum multa animalia praesertim insecta, ab inconspicuis prae exiguitate principiis & seminibus ( quasi atomis in aëre volitantibus ) à ventis huc illuc sparsis ac disseminatis, oriri ac progigni docebimus; quae tamen sponte, five ex putredine orta judicantur, quia eorum semina nusquam comparent. Est autem haec speculatio non inutilis ad illam philosophiam, quae omnia ex nihilo producta docet; siquidem inter primordium, & ἀρχὴν cujuslibet animantis, vix ulla est commensurabilis proportio.*

Lib. 17.  
cap. 10.

Nec tantopere admirari oportet, quid in gallo existat, quod animal tam perfectum & eximium conserve, & gubernet, ejusque existentiae prima causa sit, quam animam dicimus; sed multo magis, quid sit in ovo, imo in papula tantae virtutis, ut tale animal producat, & in excelsum adeo gloriae fastigium attollat. Nec solum mirari convenit quantus artifex tanto operi assistat & tangat; sed potissimum coitus tam momentanei contagium. Quid nempe è mare in foeminam proveniat; è foemina, in

ovum; ab ovo, in pullum? Quid sit hoc traducis, quod nec manens, nec tangens, nec contentum sensibile invenitur: operetur tamen summo cum intellectu, & providentia, supra omnem artem: quodque etiam postquam abiit, & evanuit, non quia jam tangit, sed quia olim tetigit, ovum-prolificum reddit: nec solum ovum perfectum & absolutum, sed imperfectum etiam & inchoatum, cum papula duntaxat fuerit: imo vero gallinam ipsam foecundam facit, antequam adhuc papulas prodixerit; idque tam subito, quasi ab omnipotente dicatur, *fiat progenies*, & facta sit.

Desinant itaque Medici, quod non sine stupore experiuntur, quomodo scil. morbi epidemici, contagiosi, & pestilentialis, seminaria sua eminus per aërem, aut fomitem aliquem spargant, ac propagent; morbosque sui similes in alienis corporibus producant, atque abscondito modo per generationem quandam se tacite multiplicent; adeoque interdum ingravescant, ut (divino sic volente humine) per homines & pecora late stragem edant: quoniam majora longe in animalium generatione quotidie invenerint. Plura enim & efficaciora fabricando animali, eidemque conservando requiruntur, quam ad ejus perniciem: quippe aegre, longoque tempore crescunt; quae facile, citoque corruunt. Eleganter Seneca, ut solet: *Quam longo tempore opus est, ut conceptus ad puerperium perducatur? infans quantis laboribus tenere educatur? quam diligenti alimento obnoxium novissime corpus adolescit? at quam nullo negotio dissolvitur? urbes constituit aetas, hora dissolvit. Magna tutela stant & vigent omnia, cito & repente dissiliunt. Diu quae crescendo fit sylva, cito minimoque momento & scintilla; fit cinis. Imo vere ne scintilla quidem; quippe radiis solaribus per exiguum vitrum transmissis, & in conum unitis, igne confestim excitato, maximarum rerum fit conflagratio. Adeo naturae majestati nihil est arduum, quae ad originem rerum viribus suis parce utitur, & cum providentia caute dispensat, incrementis fallentibus: subito autem ad ruinam,*

Nat. qu.

l. 3. c. 27.



nam, plenoque impetu properat. Cernitur in generatione rerum, optimus, aeternus, & omnipotens Deus, seu naturae numen suspiciendum; mille autem modis mortalia cuncta ad perniciem sua sponte ruunt.

## QUOMODO FIAT GENERATIO PULLI EX OVO.

### EXERCITATIO XLII.

**Q**Uum hactenus, ceu fructum, & finem consideravimus. Superest, ut de eo, tanquam semine, & principio, agamus. Jam, (inquit Fabricius) *quomodo ex ovo pulli generatio sequatur, inquirendum est; ab eo Aristotelis & Galeni principio, quod etiam ab omnibus conceditur, exordientes; videlicet, quod omnia, quae in hac vita sunt, ab his tribus fieri conspiciantur, artificibus, instrumentis, & materia: Quoniam vero in naturalibus, opifex forinsecus non est, sed vel materiae, vel instrumentis inditus; concludit, de agente tantum & materia considerandum esse.* Pag. 28.

Cum autem modus, quo pullus ex ovo fiat, hic docendus sit; non inutile fore arbitror, si quot modis aliquid ex alio fieri dicatur, praemonstravero. Ita enim clarius, & distincte magis constabit, quam multifariam generatio ex ovo procedat, & quid de materia, instrumentis, atque efficiente statuendum sit.

Aristoteles quatuor modis, aliud ex alio fieri docuit primo, cum ex die noctem fieri dicimus, aut ex puero virum, quoniam hoc post hoc: alio, cum ex aere statuum, aut ex ligno lectum, aut quaecunque ex materia fieri dicimus; ut ex aliquo, quod insit & formetur, totum sit. Tercio, cum ex musico im-musicum, aut ex sano aegrum, & omnino contrarium ex contrario. Quarto, ut Epicharmus facit suam exaggerationem, ex calumniis maledicta, ex maledictis pugna. Quae omnia eo referuntur, unde principium motus, pars enim quaedam totius discordiae calumnia est. Cum itaque tot modis aliud ex alio fiat,

*semen in altero de duobus bis esse apertum est. Aut enim eo, ut materia; aut ut ex primo quod moverit, est quod gignitur. Non enim ut hoc post hoc, quomodo ex Panathenaeis navigatio; neque ut ex contrario contrarium: gignitur enim contrarium ex contrario quod corrumpitur: & aliud quidpiam subjici oportet, ex quo primo immanente sit.*

Quibus *Aristoteles* recte infert, Semen à mare proveniens, esse foetus causam efficientem, vel instrumentalem; quandoquidem nulla pars est geniti, nec primo modo, nec tertio (nempe, aut ut hoc post hoc, aut ut ex contrario;) neque ut materia subjicitur.

At vero (ut ibidem ait) id quod à mare in coitu provenit, non vere & proprie semen dicitur, sed *genitura* potius, & à semine proprie dicto discrepat. *Genitura enim id vocatur, quod à generante proveniens, causa est quae prima obtineat principium generationis; videlicet in iis quae coire natura voluit: semen autem est, quod ex ambobus coeuntibus illis (nempe mare, & foemina) originem trahit, quale semen plantarum omnium est, & animalium nonnullorum in quibus sexus distinctus non est: velut id, quod ex mare ac foemina primum miscetur, quasi conceptus promiscuus quidam; & quale ovum esse, supra in historia declaravimus, quod tum fructus, tum semen dicitur. Semen enim & fructus inter se differunt, prioris posteriorisque ratione: nam fructus, quod ex alio est; semen, ex quo aliud: alias ambo idem sunt.*

Superest igitur inquiremus, quot modis praedictis, non quidem à *genitura* maris, sed ex vero semine, sive ex ovo, aut conceptu (quae vere animalium femina sunt) foetus oriatur.

QUOT MODIS PULLUS EX OVO  
FIERI DICATUR.

EXERCITATIO XLIII.

**P**Ro confesso itaque est, foetum fieri ex ovo prolifico, tanquam ex materia, & quasi ab opifice; idemque ovum utranque pulli causam existere. Prout enim originem à gallina trahit, & fructus habetur, materia est; quatenus vero prolificam plasticamque facultatem à mare infusam per totum sui continet, efficiens pulli dicitur. Quinetiam non solum (ut *Fabricius* voluit) in uno eodemque ovo haec inseparabiliter conjuncta sunt, nempe opifex, & instrumentum, sed etiam necesse est, ut eodem loco alimentum quoque adsit, quo augeatur. Imo vero in ovo prolifico haec quatuor simul reperiuntur, opifex scilicet, instrumentum, materia, & alimentum; uti in historia palam fecimus.

Quare ex ovo prolifico, omnibus modis praedictis pullum fieri dicimus: nimirum tanquam ex materia, efficiente, & instrumento; ac praeterea ut ex puero fit vir, atque ex parte totum; & tanquam ex alimento; & quasi è contrario contrarium. Quamprimum enim ab incubatu, (à principio motivo interno) quippiam clarescens colliquatur, (nos illud *ovi oculum* appellavimus) id ipsum tanquam ex contrario fieri dicimus: quemadmodum chylum, per concoctionem, ex contrariis (crudis nempe eduliis) fieri credimus: eodemque sensu, quo nos ex contrariis nutriri dicimur. Similiter, ex albumine fit, & augetur id, quod nos *oculum* & *colliquamentum candidum* nominavimus: ac pariter ex candido illo liquore sanguis, & vesicula pulsans, (primae pulli particulae) fiunt, nutriuntur, atque augentur: nutrimento, inquam, à facultate insiti innatique caloris (tanquam ex contrario) per concoctionem assimilato. Crudum enim & incoctum, co-



Et & assimilato contraria sunt ; ut immusicus, musico ; & aeger, sanus.

Cumque ex candido colliquamento, fit sanguis ; vel ex albumine, aut vitello, candidus liquor generatur ; hujus generatio dicitur, illius corruptio : facta scilicet termino contrario in contrarium transmutatione, manente interea eadem subiecta materia. Corrupta nempe priore albuminis forma, fit colliquamentum : & ab hujus (colliquamenti scilicet) formae privatione, succedit forma sanguinis : non aliter, quam cum alimentum in substantiam alii convertitur.

Hoc itaque modo, pullus ex ovo, tanquam ex contrario, fieri dicitur. Enutrito enim pullo in ovo, atque aducto, albumen pariter ac vitellus corrumpuntur & absuntur, totaque deinceps ovi substantia. Manifestum est igitur, ex ovo, tanquam ex contrario, videlicet alimento ; & tanquam ex privatione, & non ente, pullum fieri. Constat enim prima pulli particula (nempe sanguis, aut punctum saliens) ex non sanguine, & omnino ex contrario ; durante semper eadem supposita materia.

Fit etiam pullus ex ovo, sicut virex puero. Quemadmodum enim ex plantis femina oriuntur, ex feminibus gemmae, germina, virgulae, flores, & fructus : ita quoque ex ovo (gallarum semine) fit maculae dilatatio, colliquamentum, sanguis, & cor, seu prima foetus, (vel fructus) particula. Idque tanquam ex nocte, dies ; ex vere, aestas ; ex puero, vir ; hoc, post hoc. Ut quemadmodum fructus post flores, in eodem stemmate oriuntur ; ita pariter post ovum, colliquamentum ? post hoc, tanquam ex humore primigenio, sanguis ; post sanguinem, & ex illo, pullus fiat ; veluti totum, ex parte. Sicut, per *Epicharmi exaggerationem*, ex calumnia fiunt maledicta, ex maledictis pugna. Sanguis enim una cum puncto saliente primum existit ; simulque & pars pulli videtur, & efficiens quoddam, sive instrumentum generationis ejus. ab opifice (ut *Fabricius* existimat) inseparabile. Quomodo

autem ovum, efficiens atque instrumentum generationis dicatur, partim jam antea dictum est, partim etiam uberius ex dicendis constabit.

Ex *historia* id certum est, punctum pulsans, atque sanguinem, (dum augentur) sibi reliquum corporis, aliaque omnia pulli membra asciscere: quemadmodum vitellus in utero, ex ovario provolutus, albumine se cingit; idque non sine concoctione, ac nutritione. Cunctarum vero operationum vegetabilium instrumentum commune, calor internus, aut calidum innatum, vel spiritus per totum diffusus, & in eo spiritu anima, sive animae facultas, ab omnibus censetur. Habet igitur ovum, procul omni dubio, animam suam opificem, quae tota in toto, & tota in unaqualibet parte insit; spiritumque seu calorem animale in se continet, immediatum illius animae instrumentum.

Interroganti itaque, *Quomodo ex ovo fit pullus?* respondemus, omnibus modis, & ab *Aristotele* recitatis, & ab aliis excogitatis, quibus aliud ex alio fieri contingit.

# FALLITUR FABRICIUS, CIRCA MATERIAM GENERATIONIS PULLI IN OVO.

## EXERCITATIO XLIV.

Quod mihi ab initio proposui, *Fabricium* praemonstratorem sequar; & de tribus illis, quae in generatione pulli indaganda ait, cum illo considerabimus; agente nempe, materia, & alimento pulli. Quae omnia in ovo esse oportet, de quibus dubia aliqua proponit, opinionisque gravissimorum autorum diversa sentientium.

Prima difficultas ad pulli materiam, & alimentum spectat. *Hippocrates* quidem, *Anaxagoras*, *Alcmaeon*, *Me-* Lib. de  
*nander*, & prisci Philosophi omnes, *pullum ex vitello gene-* nat. pueri.  
*rari*, *ex albumine vero nutriri*, existimant. Contra hanc  
V 2 opi-

Hist. an.  
l. 6. c. 3.  
& de gen  
an. l. 3.  
c. 1. & 3.  
Lib. 10.  
c. 53.

Pag. 34.

opinionem, *Aristoteles*, & cum eo *Plinius*, pullum ex albumine corporari, ex luteo nutriri, crediderunt. Ipse autem *Fabricius*, nec vitellum, nec albumen, materiam pulli esse voluit; praedictaeque ambas opiniones conatur refellere, & docere, albumen pariter ac vitellum alendo pullo duntaxat inservire. Idque, praeter alia argumenta ( quibus minus acquiescendum puto ) hoc uno sic satis firmo: quod scil. propagines vasorum umbilicalium ( per quas pullus sine dubio, nutrimentum haurit ) in albumen pariter ac in vitellum disseminantur, amboque isti liquores ( prout pullus augetur, & majorem alimenti copiam postulat ) absumantur. Ac propterea *Fabricius* in sententiae suae confirmationem; ait: *Ex corporibus ovum construentibus, & pulli generationi idoneis, solum tria sunt, albumen, vitellus, & chalazae: albumen, & vitellus nutrimentum pulli sunt; ergo solae chalazae materia erunt, ex qua fit pullus.* Errare tamen excellentissimum *Fabricium*, supra in historia demonstravimus. Postquam enim pullus jam prope consummatus est, caputque & oculi distincte conspiciuntur, chalazas in ovo longe à foetu distitas, integrasque à cacuminibus ad latera remotas reperire est: praestantque ( ut ipse quoque fatetur ) usum ligamentorum, quibus vitellus intra albumen in debita sua positione retineatur. Nec verum est, quod *Fabricius* in opinionis suae stabilimentum, addidit; *chalazas nempe obtusae ovi parti, & directo suppositas esse.* Nam post primae diei incubationem, mutatur liquorum situs; vitellus attollitur, & *grandines* utrinque de cacuminibus removentur; ut jam pridem diximus.

Fallitur etiam praeterea, cum chalazas ovi partes esse statuit. Ovum enim revera ex albo & luteo humoribus solum constat: chalazae autem, ut & membranae, albuminis quaedam appendiculae sunt & membranarum duntaxat extremitates colligatae & contortae ( sicut filamenta in funem complicari solent ) ut liquores, firmiore nexu, in debito suo loco conserventur.

Male



Male igitur ratiocinatur, dum ait: *Chalazae in ovo ibi reperiuntur, ubi pullus generatur; ergo hic ex illis constituitur.* Nam ne secundum ipsum quidem *Fabricium*, id fieri ullo modo potest; qui fatetur, chalazas in utroque ovi extremo pariter reperiri; & tamen negat, pullum alibi quam in obtusa ejus parte procreari: in qua profecto, sub primum generationis exordium, nulla omnino chalaza deprehenditur. Quinetiam, si in ovo recenti periculum feceris, videbis chalazam superiorem haud directe sub obtuso cacumine, aut cavitate ejus collocatam, sed ad latus nonnihil declinare; nec illo versum, quo cavitas tendit, sed potius in latus oppositum. Praeterea, ex supra dictis innotuit, liquorum posituram statim ab incubatione permolari: quia *oculus* à colliquamento adauctus, ad cavitatem in parte obtusa attollitur, unde liquores, & grandines utrinque ad latus removentur. Macula enim, quae ante incubationem medio loco inter ambo cacumina collocabatur, jam in *oculum* aucta, cavitati in obtuso adjungitur; grandinumque altera ab obtuso cacumine deprimitur, altera vero tantundem ab acuto angulo assurgit; (qualis nempe polorum mundi, in obliquo hemisphaerio, situs est) simulque albuminis, praesertim crassioris, pars maxima in acutum cacumen subsidit.

Nec verum est, chalazas primam pulli formationem longitudine & figura imitari; partiumque principalium numerum, totidem suis nodulis referre: ut inde à consistentiae similitudine, de pulli materia argumentum probabile adduceret. Neque corpus rubrum (quod etiam pro jecore habuit) in grandinibus, vel prope eas cernitur; sed in medio colliquamento candido reperitur; estque cordis solius principium. Nec etiam *ranabottolorum* exemplum, ab eo adductum, quadrat; quorum, inquit, non est conspiciere nisi caput & caudam, hoc est caput & spinam, omnino sine cruribus & brachiis. Additque, qui chalazam viderit, & hujusmodi conceptum, quod ad corpus attinet, se vidisse credat. Ego vero saepissime illorum anatomen institui, vidique al-

vum satis amplam, & in eadem intestina, jecur, & corpulans; caput etiam, atque oculos deprehendi. Quod *Fabricius* autem pro capite habet, est figura *ranabottoli* rotunda, eoque nomine gyrinus dicitur, quod nempe forma ejus in gyrum vertatur. Caudam habet, qua natat, sed cruribus caret. Circa solstitium autem, caudam amittit, quo tempore crura & brachia primum pullulare incipiunt. At nihil huic simile, in prima pulli in caput ac spinam divisione, accidit; quod, ad gyrini modum, pullum ex chalazis fieri persuadeat.

Uterius autem haec refellere, *Fabricii*, (viri Anatomes peritissimi) dignitas non finit. Nec sane opus est, cum res ipsa ex *historia* luculenter pateat.

Tandem concludit, hanc suam sententiam perantiquam esse, & *Aristotelis* quoque temporibus celebratam. Ego vero potius sententiam *Ulyssis Aldrovandi* antiquam crediderim; qua existimat, *chalazas esse sperma galli, ex quo & à quo pariter pullus oriatur.*

Neutra tamen sententia vera est, sed popularis omnium temporum error: quippe grandines (*galladuram Itali* vocant, nostrates *the treddle*) à gallo provenire, ejusque sperma esse; olim, hodieque mulierculae crediderunt.

*Grandines* (inquit *Aldrovandus*) sunt *sperma galli, quia nullum ovum foecundum illis caret.* At enim, nec infoecundum ullum iis destituitur, quod ille aut nescivit, aut dissimulavit. Id *Fabricius* quidem fatetur; sed dum negat, galli sperma in uterum penetrare, aut uspiam in ovo reperiri; chalazas tamen solas, prae reliquis omnibus ovi partibus, masculi feminis virtute foecundari, vimque prolificam suscipere contendit: licet in ovis foecundis: ac infoecundis, chalazarum discrimen nullum animadvertere potuerit. Cumque concesserit, ipsa ovorum in vitellario primordia, perinde ac ova albumine circumdata, à galli coitu foecundari; erroris in tanto Viro caussam, hanc esse arbitror: Fuit haecenus (ut jam saepe diximus) Philosophorum, & Medicorum omnium vulgata opinio, materiam foec-

foetus in generatione animalium, esse aut maris, aut foeminae, aut utriusque simul genituram; ex qua (post coitum) in utero superstita, animalia (similiter ac plantae, ex feminibus in terram projectis) generentur. Nec *Aristoteles* quidem ab eadem sententia multum abfuit, cum sanguinem menstruum foeminae semen esse voluit, quod maris genitura coagulet, conceptumque inde constituat.

Supposito itaque jampridem ab omnibus (ceu cerro fundamento) errore, quem diximus; haud mirum sane, si postea (pro varia cujusque conjectura) plurimae falsae opiniones subsequatae fuerint. Errant enim toto coelo, (ut dici solet) qui existimant, post coitum necessario remanere materiam aliquam in utero paratam & idoneam, ex qua aut foetus fiat, aut conceptus primus constituatur, aut aliud quid protinus in cavitate uteri fabricetur, quod plantarum semini in terrae gremium injecto respondeat. Quippe certum est, in gallinae utero (idque etiam postea de omnibus foeminis constabit) statim à coitu, nihilo plus conspici, quam ante ipsum coitum reperiebatur.

Errasse itaque *Fabricium*, liquet, cum ait: *Sicuti viviparum animal ex pauca seminali materia corporatur: quod vero ad alimentum & nutritionem suggeritur, copiosissimum est: sic pro pulli generatione exigua chalaza sufficiet; caetera autem in ovo contenta, alimento duntaxat pullo erunt.* Quibus apertum est, eum talem aliquam materiam in ovo paratam quaesivisse, unde pullus corporetur: idque, ne quid contra definitionem ovi, ab *Aristotele* traditam, videatur statuere: *Hist. an. 1. 3. c. 8.* nempe, *Ovum est, cujus ex parte animal gignitur: reliquum, De Gen. an. 1. 2.* cibis ei, quod gignitur, est. Validum igitur hoc *Fabricio* videtur argumentum: *Cum tres solum partes sint in ovo, scil. c. 1.* albumen, vitellus, & chalazae; & priores duae nutrimentum duntaxat pullo suppeditent; necesse est ut solae chalazae materia sint, ex qua pullus constituitur.

Ita factum, ut peritissimus Anatomicus (dum materiam aliquam creando pullo idoneam, & à caeteris distin-

ctam,



etiam, in ovo quaerit) errore populari occaecatus, cespitaverit. Idemque similiter aliis contingit, dum lucem illam deserunt, quam frequens corporum dissectio, & familiaris cum natura ipsa conversatio exhibent; atque ex conjectura, suppositisque probabilibus argumentis, aut Scriptorum autoritatibus, rem eam intelligere sperant; quam spectare ipsi, & sensu percipere debuissent. Quare haud mirum est, plurimos errores, ab ultima antiquitate unanimi consensu traditos, ad nostra usque tempora descendisse: virosque, alias ingeniosos, egregie hallucinatos esse; dum sibi abunde satisfactum arbitrantur, si ex aliorum libris sapiant, & doctorum virorum sententias in memoria habeant. Equidem, qui hoc pacto, veluti ex traduce (ut sic dicam) philosophantur; haud melius sapiunt, quam eorum libri quos penes se servant.

In ovo igitur (ut diximus) nulla pars distincta, aut materia praeparata adest, ex qua foetus efformetur: sed quemadmodum in plantarum seminibus, apex aut gemmula protruditur; ita pariter in ovo, cicatricula, sive macula inest, quae vi plastica imbuta in oculum & colliquamentum crescit; ex quo, & in quo pulli primordia, (sanguis scilicet & punctum saliens) generantur, nutriuntur, & augentur in pullum perfectum. Neque *Aristotelis* definitio ovi vera est; ut sit, *ex cuius parte pullus oritur, & à reliquo nutritur*: nisi Philosophus hoc modo intelligendus sit; *Ovum esse, ex cuius parte pullus oritur, non tanquam ex materia, sed ut vir, ex puero*: vel; *ovum esse conceptum perfectum, ex quo pullus partim constitui dicitur, partim nutriri*: vel denique, *ovum esse, cuius liquores pro partium tum materia, tum nutrimento inserviunt*. Eoque sensu *Aristoteles* docet, materiam foetus in foeminis esse sanguinem menstruum, quo (dum per venas in uterum funditur) *natura abutitur, scilicet generationis causa, ut quale erat futurum, tale alterum oritur*; jam enim tale potentia est, quale est corpus, cuius secretio est; nempe, matris.

## QUAENAM SIT PULLI MATERIA, ET QUOMODO FIAT IN OVO.

## EXERCITATIO XLV.

**Q**Uoniam itaque ex aliorum placitis, (sive nuda auctoritate, sive probabilibus etiam argumentis ea confirmata fuerint) veritatem obtineri non posse arbitramur, nisi diligens quoque experientia accesserit; ex naturae libro, & perspicuis observationibus, quatenam sit foetus materia, & quomodo is inde oriatur, declarabimus.

Duplici modo aliquid ex aliquo (tanquam ex materia) fieri, idque tam arte, quam natura, ac praecipue in generatione animalium, observavimus. Alter est, cum ab aliquo praeeistente fit; veluti ex ligno, lectus; ex lapide, statua, cum nempe tota futuri opificii materia jam extiterit, antequam in formam producat, aut operis aliquid inchoetur. Alter autem modus est, cum materia simul & formatur, & fit. Quemadmodum igitur opera duplici modo ab arte perficiuntur; altero nempe, cum materiam jam paratam artifex fecat, dividit, & detrahendo quod superfluum est, imaginem relinquit, ut statuarius facere solet: altero autem, cum figulus eandem imaginem ex luto, addendo, sive augendo, & figurando format; simulque materiam parat, praeparat, aptat, & applicat (atque hoc pacto imago potius facta, quam ficta dicitur;) ita pariter in generatione animalium; quaedam ex materia prius cocta & aucta formantur, & transfigurantur; omnesque partes simul per *metamorphosin* oriuntur, ac distinguuntur, perfectumque animal enascitur: quaedam vero, facta parte una prae altera, ex eadem materia postea simul nutriuntur, augentur, & formantur: habent scilicet partes alias aliis priores ac posteriores, eodemque tempore & augentur, & formantur. Horum fabrica à parte aliqua, tanquam ab origine, incipit; ejusque ope reliqua membra adsciscuntur.

tur : atque haec per *epigenesin* fieri dicimus ; sensim nempe , partem post partem ; estque istaec , prae altera , proprie dicta generatio.

Priori modo fit insectorum generatio, ubi vermis per *metamorphosin* ex ovo nascitur ; vel ex materia putrescente (humido siccescente , vel sicco humescente ) primordia procreantur , è quibus (tanquam ex eruca ad perfectam magnitudinem aucta , vel ex aurelia ) per *metamorphosin* papilio vel musca oritur iusta magnitudine, nec à primo ortu quicquam auctior fit. Perfectiora autem animalia sanguines , per *epigenesin* , sive partium superadditionem fiunt ; ac postquam nata sunt , adolescunt , & ad *æxum* pertingunt. In illis , casus seu fortuna videtur maxime generationem promovere ; in quibus forma oritur ex potentia materiae praeexistentis , causaque prima generationis est materia potius , quam efficiens externum ; unde etiam animalia haec imperfectiora sunt , & genus suum minus servantia , minusve perpetua , quam sanguinea terrestria , vel aquatilia , quae ab univoco principio ( nempe ab eadem specie ) aeternitatem consequuntur : huiusque rei causam primam naturae & virtuti vegetativae assignamus.

Metaph.  
l. 7. c. 9.

Quaedam igitur animalia sua sponte nascuntur , ex materia sponte , vel casu concocta ; ut *Aristoteles* videtur asserere. Quorum scilicet materia potest à se ipsa moveri , eo motu à casu , quo semen movet in generatione contingit , quod in arte : quaedam enim ab arte fiunt , atque eadem à casu , ut sanitas : quaedam nunquam sine arte ; ut domus.

Apes , crabrones , papiliones , & quaecunque ex eruca per *metamorphosin* generantur , casu orta , ideoque genus suum haud servantia dicuntur : leo vero , aut gallus , nunquam casu , aut sponte ; sed tanquam à natura , sive opifice facultate diviniore existunt , & potius , quod specie sibi simile generet , quam quod materiam suppeditet idoneam , requirunt.

In generatione per *metamorphosin* , quasi sigillo impresso , vel proplasmate concinnata fiuntur ; materia scilicet tota

trans-



transformata. Animal autem, quod per *epigenesin* procreatur, materiam simul attrahit, parat, concoquit, & eadem utitur: formatur simul, & augetur. In illis, plastica vis eandem similem materiam secat, sectamque disponit, & in membra redigit, facitque ex simili materia, dissimilarem; sive ex subiecta materia simili, organa dissimilaria. In his vero, dum partes alias, aliterque dispositas ordine procreat; aliam quoque, atque aliter dispositam materiam requirit, ac facit; his nempe, vel illis partibus generandis magis idoneam. Cujus rei gratia, ovum gallinaceum perfectum ex variis partibus constitutum credimus.

Liquido itaque ex historia nostra constat, pulli generationem ex ovo, fieri potius per *epigenesin*, quam per *metamorphosin*, neque omnes ejus partes simul fabricari, sed successive, atque ordine emergere; eundemque simul, dum augetur, formari; & augeri, dum formatur; partesque alias aliis prioribus supergenerari, & distingui; principiumque, augmentum & perfectionem procedere per modum crescendi, tandemque exoriri foetum. Facultas enim pulli formatrix, materiam potius sibi acquirit, & parat; quam paratam invenit: videturque pullus haud ab alio fieri, vel augeri, quam à se ipso. Et quemadmodum omnia, ex quo fiunt, ab eodem augentur: ita similiter, à quo pullus conservatur, & augetur ab initio (sive id anima, sive facultas animae fuerit) ab eodem quoque (ut supra diximus) eum fieri credibile est. Idem enim reperitur tum in ovo, tum in pullo, efficiens, ac conservans; & ex qua materia primam pulli particulam constituit, ex eadem nutrit, auget, & superaddit reliquas omnes. Denique, in generatione per *metamorphosin*, totum in partes distribuitur & discernitur; per *epigenesin* vero, totum ex partibus certo ordine componitur, ac constituitur.

Quare *Fabricius*, materiam pulli, (ceu distinctam ovi partem, ex qua corporetur) perperam quaesivit: tanquam pulli generatio per *metamorphosin*, sive materiae con-

gestae transfigurationem, fieret; & partes omnes corporis, vel saltem principales, ex eadem materia simul orirentur, & ( ut ipse loquitur ) corporarentur: non autem per *epigenesin*, in qua ordo observatur secundum partium dignitatem, & usum; ubi primo exiguum quasi jacitur fundamentum, quod simul dum augetur, distinguitur quoque, & formatur; partesque deinceps, ordine quasque suo, supergenitas & adnascentes obtinet.

Quemadmodum nempe apex ex glande protuberans, sumpto incremento, in radicem, lignum, medullam, corticem, virgulta, turiones, frondes, flores, ac fructus distinguitur, & formatur, tandemque arbor evadit: ita pariter se habet pulli in ovo procreatio; cicatricula, si ve parva macula, futuri aedificii fundamentum, augetur in *oculum*, simulque distinguitur in *colliquamentum*, in cuius centro *punctum sanguineum pulsans* enascitur, una cum venarum ramificatione; his mox superoritur *nebula*, ac primum futuri corporis concrementum; quod etiam, prout augetur, dividitur sensim & distinguitur in partes, non simul omnes, sed alias post alias natas, & ordine quasque suo emergentes.

Ut concludamus igitur: In eorum animalium generatione, quae per *epigenesin* procreantur, & partite formantur ( qualiter pullus in ovo ) non quaerenda est materia alia, ex qua foetus corporetur; & alia, unde primum nutriatur, atque augeatur: nam eadem materia, ex qua fit, nutritur etiam ac augetur; & vice versa, qua nutritur primum & augeatur, ex eadem quoque pullus in ovo constituitur. Idemque est potentia animal, quod alibile, & augmentativum, ( ut post docuimus ) differuntque duntaxat ( ut *Arist.* ait ) *ipso esse*, caetera vero idem sunt. Quatenus enim hoc aliquid est, & in substantiam convertibile, *nutritivum* est; quatenus quantum, est *augmentativum*: quatenus in substantiae deperditae locum substituitur, *nutrimentum* appellatur; quatenus non deperditae additur, *incrementum* dicitur. Idemque tum generatione, tum nutritione, tum augmentatione; pulli materia, alimen

mentum, & incrementum existimandum est. Generari vero simpliciter dicitur, cujus nondum est aliquid praeexistens; nutriri autem, & crescere, quod prius extitit. Foetus quod primum fit, gigni, aut nasci; quod substituitur, vel superadditur, adnasci, aut adgenerari dicitur. In omnibus ab eodem in idem, eadem transmutatio, & generatio: secundum partem quidem, nutritione & augmento; secundum totum autem, generatione simplici: alias idem utrobique contingit. Quippe unde materia primum existens fit, inde quoque nutrimentum illi, atque incrementum accedit.

Quin etiam ex dicendis constabit, omnes corporis partes, ab eodem communi succo alibili; aliter aliterque cambiato, nutriri. Nam ut plantae omnes ex eodem communi nutrimento (sive rore, seu terrae humore) diversimode alterato, coctoquo oriuntur, nutriuntur atque augentur; ita pariter ex iisdem ovi liquoribus (albuminibus nempe, & vitello) totus pullus, singulaeque ejus partes procreantur, & crescunt.

Explicabimus etiam, quorum animalium sit per *metamorphosin* generatio: qualisque insectorum, ex verme, vel eruca oriundorum, sit praexistens materia; ex qua, per solam transmutationem, omnes partes simul constituentur, corporentur & perfectum demum enascatur animal: tum etiam, quibus animalibus aliquis generationis ordo insit, partesque eorum aliae post alias nascentur; qualia sunt, quae imperfecta primum nascuntur, postea vero adolescunt, & perficiuntur; uti omnia ex ovo prognata. Haec ut simul fiunt, & augentur; crescunt, & transformantur; ordineque observato, in partes distinguuntur: ita nulla iis immediata materia praexistens adest, (qualis statui solet feminum maris & foeminae mixtio, vel sanguis menstruus, vel aliqua ovi portiuncula) ex qua foetus corporetur: sed simul ac fit & paratur materia, augetur etiam, & formatur aliquid; quamprimum nutrimentum adest, adest quoque id quod eo alatur. Fitque hujusmodi generatio potius



per *epigenefin*, ( tanquam ex puero vir ) nempe ex puncto faliente , ceu fundamento , corporis aedificium ; quemadmodum ex carina fit navis , & potius , ut figulus ſtatuam, abſque praeexiſtente materia ; quam ex materia aliqua , ut faber ex ligno ſcamnum , aut ſtatuarius è marmore ſtatuam efformant. Nam ex qua materia pars prima pulli, ſive minima ejus portiuncula oritur ; ex eodem quoque totus pullus naſcitur : unde prima ſanguinis guttula , inde etiam tota ejus maſſa per generationem in ovo provenit : à quo membra ſive organa corporis conſiſtunt & fiunt , ab eodem etiam partes eorum omnes ſimilares , nempe cutis , caro , vena , membrana , nervus , cartilago , & os , originem trahunt. Pars enim, quae prius erat mollis & carnoſa, poſtea , dum augetur , ab eodem alimento fit nervus , ligamentum , tendo ; quae membrana erat , fit tunica ; & quae cartilago fuerat , poſtea ſpina , vel os evadit : ex eadem nempe materia ſimilari diverſimode alterata. Neque enim corpus ſimilare miſtum ( quod ex elementis conſtare vulgo creditur ) ex elementis ſeorſum primo exiſtentibus , dein compositis , unitis , & alteratis gignitur ; nec compositum , ex componentibus ; ſed ex hoc miſto tranſmutato , aliud miſtum gignitur , & efformatur. Nimirum ex colliquamento , fit ſanguis ; ex ſanguine , corporis moles exſurgit ; quae ſimilaris ab initio , & tanquam gluten ſpermaticum cernitur : inde autem partes per diſſiſionem obſcuram delineantur primo , poſteaſque organa fiunt , & diſtinguuntur.

Partes, inquam , iſtae ſimilares , non fiunt ab elementis diſſimilariſſimis , atque heterogeneis , invicem unitis ; ſed ex ſimilari materia per generationem oriuntur , & diſcriminantur , diſſimulareſque fabricantur. Perinde ac ſi divini opificis juſſu , ſeu effato quodam , totus pullus crearetur : ſcilicet , fiat maſſa ſimiliaris alba , ac dividatur in partes , & augeatur ; atque interim dum augetur , fiat partium ſecretio , & delineatio ; fiatque haec pars durior , & ſimul craſſior , atque albidior ; illa mollior , & ſimul coloratior,

rator; atque ita factum est. Sic nempe quotidie pulli fabrica in ovo procedit; ex eadem materia, fiunt, nutriuntur, & augentur omnia. E spina primum oriuntur latera, ossaque minutis lineis albissimis à carne distinguuntur: in capite tres bullae visuntur, aqua crystallina plenae; quae cerebrum, cerebellum, & oculum alterum offusa nigredine conspicuum referunt: substantia, quae initio coagulum lacteum apparet, postea sensim cartilaginosa, spinosa, ac demum ossea evadit; quae mucosa primum, & alba erat; tandem in carnem rubicundiores, & parenchyma abit; quae prius erat limpida, & purissima aqua; mox in cerebrum, cerebellum, & oculos mutatur. Majus enim, & divinius inest in generatione animalium mysterium, quam simplex congregatio, alteratio, & totius ex partibus compositio: quippe totum, suis partibus prius constituitur, & decernitur; mistum prius, quam elementa. Verum de hac re plura alibi; ubi etiam causae ejus, & principia assignanda veniunt.

## DE CAUSA EFFICIENTE GENERATIONIS PULLI, ET FOETUS.

### EXERCITATIO XLVI.

**H**Actenus de materia, ex qua pullus in ovo nascitur, dictum est. Superest, ut de efficiente pulli causa, aliquid cum *Fabricio* disquiramus. Quoniam autem plurimis haec res difficultatibus obnoxia est, nec autores in alia magis acriter & verbose disputant; ipseque *Aristoteles* in ea explicanda mire intricatus, ac perplexus cernitur; plurima etiam dubia, nec spernenda, sese offerunt; operae pretium me facturum arbitror, si (quod in materiae disquisitione à nobis factum est) primo loco statuum, quot modis aliquid efficens, vel effectivum dicatur; ut inde certius & distincte magis constet, tum quid efficientis nomine quaerendum sit; tum etiam quid de autorum circa hanc

hanc rem sententiis statuendum veniat; simulque ex nostris observationibus appareat, quid vere ac proprie efficiens dicendum sit.

Metaph.

l. 5. c. 2. &

Phyf. l. 2.

c. 28.

*Aristoteles* efficientem causam definit, Unde principium mutationis primum, aut quietis: ut consultor; pater; & simpliciter, faciens, ejus, quod factum est; transmutativum, transmutati. Quare in generatione animalium, multa & varia causarum genera afferuntur, unde motus: aliquando accidens, sive qualitas assignatur; atque ita calor animalis, & formatrix facultas, efficiens dicuntur. Aliquando, substantia externa prius existens, cui vis plastica seu formatrix facultas inest; ut pater, vel ejus semen, cujus efficacia pullus ex ovo procreatur. Aliquando interna quaedam substantia per se existens; ut spiritus, sive calidum innatum. Aliquando substantia quaedam alia, ut forma, vel natura, vel anima, vel pars quaedam animae vegetativa, pro efficiente habetur: quale principium ovo inesse, jamdudum diximus.

Praeterea, quoniam aliud alio prius, & remotius, unde motus; aliquando media inter primum efficiens, & ultimo factum; & instrumenta, tanquam efficientia aestimantur: subordinati quoque fines, seu subsequantium principia, inter causas efficientes recensentur; ac proinde ipsae partes quaedam, genitales dicuntur; veluti cor, unde reliquas partes ortum ducere *Aristoteles* affirmat, & ex historia nostra liquet. Cor, inquam, aut saltem ejus primordium, vesicula nempe & punctum saliens, reliquum corpus, tanquam futurum sibi domicilium, fabricat; jamque constructum ingreditur, in eo se recondit, vivificat illud, & gubernat, superpositisque costis ac sterno, seu munimento, circumvallet: estque veluti *lar quidam familiaris*, prima animae sedes, calidi innati primum receptaculum, focus animalis perennis; facultatum omnium fons & origo, unicumque in adversis solatium.

Porro, quoniam *efficientis* in relatione ad *effectum* dicitur; cum per *epigenesin* partes aliae aliis ordine posteriores sint, & à prioribus diversae; ut effecta, ita & efficientia quoque



que variari, verisimile est; quae diversa opera producant, à quibus motus etiam diversi proveniant. Ita Medici, in physiologicis, quaedam organa chylicationis, alia sanguificationis, generationis alia alstruunt: & Anatomici quidam, ossificam, carnificam, nervificam facultates nominant; quas ossa, carnem, & nervos efficere statuunt.

In pulli autem generatione, ex pluribus actionibus non parum inter se differentibus, causas quoque efficientes discernere certum est: quae licet per accidens efficientes generationis videantur, necessario tamen requiruntur; cum, nisi sociata eorum opera, nihil efficiatur. Nempe, dum externa impedimenta prohibent, vel conceptum fovant, aut excitant, & de potentia in actum deducunt, efficientia merito censentur. Atque hoc nomine ovorum incubatio, aëris locique tepor, verna tempestas, solisque per Zodiacum accessus; similiter causae praeparantes, quae faciunt ut vitellus ascendat, macula dilatetur, humoresque in ovo colliquantur, pro efficientibus habeantur.

Deinde causis efficientibus annumerandae sunt generativae & architectonicae potentiae partes à *Fabricio* recensitae, nimirum facultas immutatrix, concoctrix, formatrix & auctrix: accidentium quoque quorundam effectrices causae; nempe, unde pullus sit mas, aut foemina; patris, aut matris similitudine; idque ad prioris, aut posterioris maris coeuntis formam; unde etiam proles sit animal; atque integrum, non mutilum; robustum, & sanum, non morbosum; longioris quoque aevi; speciemque retinens, aut degenerans; monstrum, aut misti generis evadit.

Denique, cum circa efficientem foetus causam versantes, animo perpendimus insignem ejus fabricam, atque omnium partium, membrorumque actiones, functiones, usus, & utilitates; quantaque providentia, arte, & intellectu; quam divino numine afflata omnia concinnentur, affabreque componantur in usum vitae: non solum, quis sit efficiens, architectus, & consultor, ambigere non licet;

verum etiam omnipotentiam adeo tanti operis (quod *microcosmi* titulo insigniri meretur) fabricatorem, & praeferuatorem jure suspicimus, & veneramur. Quaerimus etiam, unde veniat; & quando; atque ubi subsistat in ovo divinum illud, elemento stellarum analogon, arti & intellectui proportioni respondens, Creatoris omnipotentis vicarium.

Ex dictis igitur apparet, quam sit arduum, causas omnes pulli efficientes enumerare; & necesse esse, plenioris hujus rei disquisitionem ad universalem trutinam referri; neque enim posse ex pulli solius generatione (sine clariore luce per experientiam ab aliis animalibus allata) commode pleneque ea tractari, quae generatim omnibus conveniunt. Eoque magis, quod ipsemet *Aristoteles* principia animalium efficientia tam varia recensuerit: ab eo enim aliquando <sup>a</sup> *mas* statuitur causa efficiens principalis; utpote in quo ratio facti pulli sit; secundum illud, <sup>b</sup> fieri omnia ab eodem *universo*: interdum, <sup>c</sup> *maris semen*; aut <sup>d</sup> *natura maris semen emittentis*: nonnunquam, <sup>e</sup> *id quod in semine inest*, quod facit ut foecunda sint semina, *spiritus nempe*, & *natura in eo spiritu proportionem respondens elemento stellarum*: alibi, <sup>f</sup> *calor*; <sup>g</sup> *moderatus calor*; <sup>h</sup> *certus*. & *proportionatus caloris gradus*; <sup>i</sup> *calor in sanguine*: alicubi *calor aëris ambientis*; item <sup>k</sup> *venti*; *sol*; *coelum*; *Jupiter*; *anima*; & *universum*, *Natura principium motus* & *quietis*, ab eo dicitur. Eademque licentia, Stoicorum aliquis, qui *animam esse ignem* arbitratur, hunc causam animalium efficientem statuat; quod ignis seipsum nutriat, augeat, propriaque potestate quodammodo vivere videatur: non ille quidem noster culinarius, destructivus; sed naturalis, coelestis, vegetativus, generativus, & salutaris; quem, *Jovis* nomine, *Ethnici* colebant, *rerumque*, *hominumque Patrem* nuncupabant; non, inquam, claudus ejus frater *Vulcanus* (cujus tamen opera ac beneficio quotidie multifariam magno nostro modo utimur) sed *spiritus animalis, divinus, animaliumque opifex*.

a Metap.  
1. 2. & 4.  
1.

b Metap.  
7. 10.

c Depar.  
an. 1. 1.

d de Gen.  
an. 1. 20.

e Ib. 1. 2.  
c. 3.

f Lib. 5.  
c. 3.

g Lib. 4.  
c. 2.

h Ib. 1. 4.  
c. 4.

i De par.  
an. 2. 2.

k De Gen.  
an. 4. 2.

De gen. &  
cor. 1. 2.

c. 30.

De Gen.  
an. 1. 2.

c. 1.

Idcirco *Aristoteles* quaestionem hanc de causa efficiente, valde dubiam esse ait; tantum scilicet sit extrinsecum quid, an in genitura aut semine insitum: & num si pars aliqua animae, aut anima, aut habens animam?

Quare ut in hac efficientis pulli disquisitione, à multiplicitate causarum Labyrintho tuto nos expediamus; opus est Ariadnaeo filo, ex omnium fere animalium observationibus rite contexto: ac propterea res haec ad universalem magis indaginem differenda est. Interea temporis, quae circa privatam pulli ex ovo generationem, vel manifeste apparent, vel à communi scientia aliena sunt, vel ulteriorem inquisitionem postulant, recensēbimus.

## EFFICIENS CAUSSA PULLI, QUOMODO OPERETUR, SECUNDUM ARISTOTELEM.

### EXERCITATIO XLVII.

**M**arem esse causam efficientem primariam in generatione, omnes confitentur; utpote in quo species, sive forma resideat: asseruntque porro genituram ejus coitu emissam facere, ut ovum sit, & fiat foecundum. Quomodo autem galli semen pullum ex ovo producat, Philosophi atque Medici omnes olim hodieque haud satis explicarunt: nec quaestionem ab *Aristotele* propositam solverunt. Imo nec ipse quidem *Aristoteles*, ubi ait; marem non conferre ad quantitatem, sed ad qualitatem; esseque principium motus; foeminam vero materiam praestare. Pauloque post: Non omnis mas semen emittit, & qui emittunt, nulla pars foetus hoc est: sicut nec à fabro quicquam secedit ad lignorum materiam; neque pars ulla artis fabrilis in eo; quod efficitur est; sed forma & species ab illo per motum in materia existit. Atque anima; in qua forma & scientia est, movet manus, aut aliud membrum, motu certae qualitatis; vel diverso, à quibus efficitur diversum; vel eodem, à quibus idem. Manus autem, instrumentaque materiam movet. Ita natura etiam

De gen.  
an. l. 1.  
c. 20.



*maris semen emittentis, utitur eo semine, quasi instrumento, & actu habente motum: ut in operibus artium instrumenta moventur, in illis enim quodammodo motio artis est.*

Quibus videtur innuere, generationem fieri motu certae qualitaris. Quemadmodum in arte, licet prima causa (nempe ratio operis) sit in anima artificis, postea tamen opus efficitur motu manuum, vel aliorum instrumentorum; & licet prima causa remota sit, (ut in automatis) quodammodo tamen movere dicitur quod jam non tangit, sed olim tetigit, dummodo motus in instrumentis perseveret.

Idem libro sequenti sic ait: *Semen maris cum accessit in foeminae uterum, partem purissimam excrementi (nempe menstrui sanguinis in utero exsistentis) constituit, & coagulat, materiamque in utero paratam tali motu transmutat, donec pulli aliquid fiat: quod postea, licet semen peracto motu evanescat, pars quaedam existit foetus, eademque animata, (quale cor) quae se ipsam jam auget, & gubernat, perinde ac filius à patre emancipatus, seorsumque collocatus. Itaque principium haberi oportet, à quo postea ordo membrorum describatur, & quaecunque ad absolvendum animal pertinent, disponantur; & ex quo incrementum, & motus caeteris partibus contingat; omniumque similarium ac dissimilarium partium principium, & ultimi earum alimenti autor sit. Quod enim jam animal est, augetur: alimentum autem ultimum animalis, sanguis est, aut quod sanguini proportionem respondet; cujus vasa & conceptacula venae sunt. Quamobrem venarum quoque principium Cor est. Venae autem, quasi radices, pertingunt ad uterum, per quas alimentum haurit foetus. Cor etiam totius naturae principium, & finis continens, primum fieri debet, tanquam pars sua natura genitalis; quae prior sit oportet, quasi principium reliquarum, totiusque animalis, & sensus: cujus calore (quia partes omnes potentia in materia insunt) cum principium motionis affuit, perinde ut in spontanis illis miraculis, quod subinde sequitur, excitatur; & partes moventur, non mutant locum, sed alterascentes mollietie, duritie, calore, &*

*reli-*

*reliquis partium similarium differentiis, factae jam actu, quae antea erant potentia.*

Haec totidem fere verbis *Aristotelis* sententia est, quae foetum ex semine per motum constitui censet; licet jam non maneat tangens, sed antea solum tetigerit. Subtilis profecto & accurate contexta opinio; atque ex his, quae in ordine generationis partium conspiciuntur, non improbabilis. Cor enim, cum venarum ductu, primo cernitur; tanquam principium animatum, in quo & motus, & sensus; & tanquam filius emancipatus, parsque genitalis, unde membrorum ordo describitur, & quaecunque ad absolvendum animal pertinent, disponuntur; & cui reliqua conveniunt ab *Aristotele* attributa.

At vero cor in ovo à semine maris fieri, impossibile videtur; cum nec semen illud in ovo insit, nec ovum tangat, aut unquam tetigerit; quia neque uterum ingreditur, (in quo ovum fit) ut *Fabricius* fateatur, nec ab eo ullo modo attrahitur; imo nec materius quidem sanguis in ovo est, aut materia aliqua praeparata, unde semen maris primam hanc partem genitalem, caeterarum autorem, efficiat. Neque etiam protinus à coitu, (dum semen adhuc intus manet, & tangens est) quicquam pulli in ovo existit, sed post multos demum dies, cum incubatur. Quin etiam in piscibus, ubi maris genitura ova solum foris tangit, ea vero non ingreditur, haud probabile est quicquam amplius ab illa praestari, (cum externum sit agens) quam fit à semine galli in gallinarum ovis jam efformatis.

Praeterea, cum statim à coitu nullum adhuc ovi vestigium extet, sed postea à gallina per se generetur, idque prolificum, postquam jam semen galli abiit, atque evanuit; verisimile non est, foetum ab eo semine in illo ovo, per motum, aut motus successivos, fieri.

De Gen.  
an. l. 2.  
c. 18.

Neque sane ova prolifica ab improlificis & subventaneis differunt, quod illa maris semen contineant, ut voluit *Al-drovandus*; nec quicquam à femine maris factum, & coagulatum in ovo cernitur; vel ullo modo sensibilibiter transmutatum reperitur: (quippe ovum foecundum à subventaneo nulla sensibili differentia discriminatur) & tamen ovum prolificum, quod diu post coitum concipitur, habet in se utriusque sexus virtutem, atque ipsum posse fieri, & posse facere pullum; tanquam ex ambobus coeuntibus, & in unum conspirantibus, originem traxisset, ut *Aristoteles* voluit; eaque necessitate coactus, (ut supra de generatione ovi diximus) animam in ovo constituit. Quae si insit, proculdubio eorum omnium, quae naturaliter in ovo reperiuntur, principium & efficiens erit. Certum enim est, quicquid demum fuerit, quod pullum ex ovo procreat, in cuius fabrica, tanta arte, tam divino intellectu, ac providentia opus est; nempe dum oculos, visioni; rostrum, sumendo cibo; pedes, ambulationi; alas, volatui; & reliqua similiter in finem aliquem instituit, esse id; vel animam, vel partem animae, vel quid habens animam, vel aliquid prius & praestantius anima, cum intellectu & providentia operans.

Ex generatione quoque pulli manifestum est, quodcumque illi fuerit principium vitae, seu prima causa vegetativa; hanc ipsam prius in corde fuisse. Quare si ea sit anima pulli, ipsam prius in puncto saliente, & sanguine fuisse pariter constat; utpote in quo motum, sensumque deprehendimus: movetur enim, & salit, ut animal. Quod si in puncto saliente existat anima, quae reliquum corporis (ut in *historia* docuimus) sibi fabricet, nutriet, & augeat; è corde certe, seu fonte, in universum corpus promanat.

De Gen.  
an. l. 2. c. 4.

Similiter, si ovum ideo prolificum est, quia ei anima inest, sive (ut *Arist.* voluit) pars animae vegetativa; clare constat, punctum saliens, partemve genitalem animatam, ab ovi anima proficisci; (nihil enim sui ipsius autor est)



est) animamque ab ovo, in punctum saliens; mox, in cor; & deinde, in pullum traductam esse.

Adhaec, si ovum vim prolificam, animamque vegetati- <sup>Ibid.</sup>  
vam habeat, quibus pullum extruat; easdemque (ut ma- <sup>l. 2. c. 1.</sup>  
nifestum est, & omnes fatentur) galli semini acceptas  
referat; certum est, semen hoc etiam animatum esse: ita  
nempe Aristoteles: *Habeatne semen animam, necne; ratio  
eadem atque de partibus reddenda est. Nec enim anima ulla esse po-  
test, nisi in eo cuius est; neque pars ulla esse potest, quae parti-  
ceps animae non sit; nisi aequivoce, ut mortui oculus. Semen  
igitur & habere animam, & esse potentia palam est.*

Sequitur igitur ex praemissis, marem esse efficientem  
primarium in quo ratio, & forma; qui semen, sive geni-  
turam potius prolificam gignit, eamque vegetativa anima  
imbutam (qua & reliquae ejus partes praeditae sunt) foemi-  
nae immittit. Genitura haec intromissa, materiam in gal-  
lina movet, ut ovum fiat animatum; inde etiam prima  
pulli particula animatur, & deinceps totus pullus. Adeo-  
que, ad mentem *Aristotelis*, de gallo, in genituram ejus;  
de genitura, in foeminae materiam; deinde in ovum; de  
ovo, in pullum, vel anima eadem traducitur per *metem-  
psychosin* quandam; vel à priori, in subsequētib; suscita-  
tur: nempe à mare, in semine proprio; à semine, in  
ovo; ab ovo demum, in pullo; tanquam lumen de lu-  
mine.

Efficiens itaque quod in ovo quaeritur, unde pullus na-  
scatur, est anima; ideoque anima ovi: nam, secundum  
*Aristotelem*, *anima non est, nisi in eo cuius est.*

At enim manifestum est, semen maris non esse pulli ef-  
ficiens, neque ut instrumentum, cujus motu pullus forme-  
tur, (ut *Arist.* voluit;) neque ut animatum, ut illius sit  
anima. Nam in ovo nullum semen inest, aut tangens o-  
vum, aut quod illud unquam tetigerit; (*fieri autem non  
potest, ut moveat, quod non tangit; aut quicquam ab eo, quod* <sup>Ibid.</sup>  
*non moveat, afficiatur*) nec anima seminis igitur dici debet  
ei inesse. Et ut anima in ovo efficiens sit, non videtur

ta-

tamen à gallo, aut ejus semine magis provenire, quam à gallina.

Nec sane à gallo, & illius semine, traducitur per *metempsychosin*, sive translationem quandam animae in ovum, indeque in pullum. Quomodo enim in ova futura, & post coitum incipienda? Nisi vel semen animatum alicubi in gallina interea permanferit; vel anima sola absque semine traducta fuerit, ut ovo postmodum nascituro indatur. Utrumque autem falsum. Quippe semen nullibi in gallina reperitur: nec possibile est, ut gallina, post coitum, duplici anima praedita sit; sua nempe, & futurorum ovorum, ac pullorum; siquidem *anima nullibi esse dicitur, nisi in eo, cujus est*: multo minus eadem, pluresve animae in gallina latere possunt, ut futuris postea ovis, pullisque ordine subsequenter inserviant.

Haec quidem ex *Aristotele* attulimus, ut inde innotesceret, quomodo, secundum ejus sententiam, galli semen ex ovo pullum efficiat, arduaeque huic contemplationi lux saltem aliqua affulgeret. Ea vero cum rei hujus modum non explicent; nec dubia ab ipsomet proposita solvant; patet, nos in eodem luto haerere, iisdemque difficultatibus (circa causam efficientem foetus, in generatione animalium) irretiri: imo vero tantum abest, ut disquisitio haec ex iis (quae ab *Aristotele* proferuntur) reddatur perspicua, ut pluribus inde potius & majoribus dubiis involvatur. Quare mirum non est, praestantissimum Philosophum, hac de re ambegisse, tamque varias generationis animalium efficientes causas introduxisse; ac modo ad exempla automatum, coaguli, artis, instrumentorum, & motus, subterfugisse; modo, ad animam in ovo, & in semine maris (quo rem illustraret) divertisse. Imo vero, ubi certo statuere, & determinare videtur, quid sit in quolibet semine (sive plantarum, sive animalium) quod ipsum foecundum reddat; calorem, & ignem, tanquam opifices inidoneos, repudiat; nec facultatem aliquam consimilem agnoscit; nec quicquam in semine reperit, quod ei muneri con-

conveniat ; sed incorporeum quid , & extrinsecus adveni-  
niens admittere cogitur : quod ( ut ars , vel mens ) cum  
intellectu , & providentia foetum formet , omniaque illuc  
in finem , & ad melius esse instituat , atque ordinet . Con-  
fugit , inquam , ad obscurum , nobisque incognitum ; nem-  
pe , *ad spiritum in semine & spumoso corpore contentum ; at-*  
*que ad naturam in eo spiritu proportionem respondentem elemento*  
*stellarum.* Illud autem quid sit , nuspian nos docuit.

SENTENTIA FABRICII , DE CAUSSA PULLI  
EFFICIENTE , REFELLITUR.

EXERCITATIO XLVIII.

**Q**Uoniam duces mihi , prae caeteris , proposui *Aristote-*  
*lem* , inter Antiquos Philosophorum praestantissimum ;  
& *Hieronymum Fabricium ab Aquapendente* , inter Neotericos A-  
natomicum eximium ; à quibus potissimum de generatione  
animalium lucem mutuarer : cumque ab *Aristotele* eam mi-  
hi praelatam non videam ; *Fabricium* adire statui , ut quid  
ille de causa efficiente sentiat , intelligam.

Is autem tribus circa eam rem dubiis conatur satisfacere . Nempe 1. Quid sit pulli efficiens ? Idque ait , esse semen maris . 2. Quomodo , hoc ita esse , appareat in ovo ; & quo pacto semen galli ovum foecundet ? ultimo , quonam ordine pulli partes procreentur ?

Primum quod attinet ; ex observationibus nostris constat , gallum , ejusque semen , esse quidem generationis causam efficientem , non autem adaequatam ; sed gallinam quoque in hunc censum venire . Hoc itaque loco id praecipue inquirendum , quomodo nempe galli semen ovum , alias subventaneum & improlificum , foecundet , & ex eo pullum procreet ?

Verum audiamus Fabricium . *Differunt* , inquit , *quae* Pag. 38.  
*ex ovo* , *ab iis quae ex semine fiunt* ; *ex eo* , quod ovipara ma-  
teriam , ex qua corporatur pullus , distinctam & separatam ha-  
bent ab agente ; vivipara autem simul & causam efficientem  
& materialem habent adjunctam , & concorporatam . Agens  
Tom. II. Z enim



*enim in oviparis, semen galli est in pennato, quod in ovo neque est, neque esse potest: materia vero est chalaza, ex qua corporatur foetus. Ambo haec invicem distant per multum spatium: nam chalaza vitello jam formato, & in secundum uterum cadenti accedit, & ovo interno adjungitur; contra, galli semen prope podicem consistit, & per longissimum spatium à chalaza distat, sua tamen facultate irradiante, & uterum, & totum ovum foecundat, At semen in viviparo, & materia est, & agens, & in uno corpore utrumque simul consistit.*

Differentiam hanc inter ovipara, & vivipara, videtur introduxisse; ut Medicorum, de generatione hominis, tueretur sententiam; vel saltem eandem ne labefactaret; qua existimant, utriusque sexus semina, simul in coitu projecta misceri; & prout alterum alteri praepolluerit, fieri, ut hoc efficiens sit, illud autem materiae vicem suppleat; ex iisdemque in unum conspirantibus, conceptum in viviparis consilari.

Verum, cum in ovo observet, nihil seminis, aut sanguinis, in uterum gallinae à coitu attrahi, ibidemve contineri; nec credat, fieri posse ut quicquam à mare, dum coit, emittatur, quod uteri cavitatem subeat; neque quicquam in ovo reperiatur, quod semini maris adjungatur: dubitare coactus est, quomodo semen (quod nusquam adest, nec miscetur cum genitura foeminae, neque adjungitur, neque tangit) pullum constituat, aut ovum foecundet? Praesertim postquam tradidisset, à praemissis aliquot coitionibus, omnia ova eodem anno nascitura, prolifica reddi. Quidni enim impossibile videatur, ex galli femine, verno tempore accepto (jam autem absente, deperdito, seu absumpto) ova post genita, (aestate nempe, vel autumnus) foecunda fieri, & pullos excludere?

Huic tantae difficultati ut obviam iret, differentiam praedictam cudit; & sententiae suae confirmandae gratia, tria porro adstruit. Primo, licet semen galli, nec in ovo sit, nec unquam in utero fuerit, nec materiali causae adjungatur, ut in viviparis; idem tamen in gallina per annum in-

integrum permanere voluit. Deinde, ad seminis hujus conservationem, caecum foramen invenit, prope uteri ingressum, in quod gallus semen suum deponat, & in quo ( tanquam in bursa ) idem reservetur ; ut inde ova omnia futura foecundentur. Denique quanquam semen in bursa illa, nec uterum, nec ovum, nec ovarium tangit, ut illo pacto vel ovum foecundet, vel pullum inde efficiat ; ait tamen illud spiritali substantia & irradiatione quadam, in ovum usque penetrare, ejusque chazas foecundare, atque inde pullum effingere. Qua nihilominus affirmatione videtur *Aristotelis* sententiam ( foeminam scil. materiam generationi conferre, marem autem vim efficiendi ) asserere ; contra Medicorum placitum de seminum mistura : cujus tamen rei causa, visus est dictum jam discrimen, inter ovipara & vivipara, posuisse. Et quo verisimilior haec ejus sententia videatur, quas in animalibus mutationes, semen nondum emissum, sed in testibus, & vesiculis seminariis reservatum, praestet, commemorat.

Sed, praeterquam quod haec minus faciant ad propositum, neque enim praecipue quaeritur, quomodo semen galli ovum foecundum reddat ; sed potius, quomodo idem ex ovo pullum effingat, & fabricet ? videntur fere omnia, quae in sententiae suae tutelam attulit, falsa, aut suspecta ; uti ex observationibus in *historia* relatis, constat. Nam neque caeca illa cavitas in radice uropygii, ( quam *bursam* vocat ) galli semini reservando destinatur ; nec semen unquam ( ut diximus ) in illa reperitur ; sed vacua in gallo pariter, & gallina cernitur.

Quid autem per spiritalem substantiam, & irradiationem, velit, non explicuit : nec magis, quamnam substantiam intelligat, quam ovum virtute sui vivificare affirmat : utrum scil. substantiam corpoream, an formalem, quae à seminis ( in bursa nidulantis ) irradiatione proveniat, & ( quod potissimum requiritur ) ex ovo pullum fabricet.

Denique, nihilo plus agit, mea quidem sententia,

quam si diceret; *Facit pullum, quia irradiat ovum; & format, quia vivificat*: atque omnino obscurum formationis modum, per obscuriorem declarare satagit. Quippe idem dubium manet integrum: quomodo nempe galli semen, non tangens, & externum efficiens, locoque sejunctum, in *burfa* existens, interiora foetus in ovo (nimirum cor, jecur, pulmones, intestina &c.) ex *chalazis* per irradiationem efficiat? Nisi effato quodam, sedens in folio, creatoris instar, solo hoc verbo, *fiant*: (nempe ossa, ad sustentaculum; masculi, ad motum; organa, ad sensum; membra, ad actionem; viscera, ad concoctionem; & simil.) radiis suis omnia in finem aliquem, cum providentia, intellectu, & arte instituere, atque ordinare velit. Neque enim *Fabricius* modum exponit; aut semen tantae virtutis esse demonstrat, ut (etiam non tangens) possit haec omnia praestare; praesertim, dum ovum ab alterius avis incubatu, aut alio aliquo fomento (ut diximus) in fimo, storea, aut furno, longissime à foetantis gallinae *burfa* distito, excitatur, foetumque producit.

Remanet itaque eadem difficultas, quomodo scil. semen galli sit pulli efficiens? nec tollitur, ab irradiatione spiritalis substantiae. Nam quamvis concederemus, semen in *burfa* fervari, idque ex *chalazis* per *metamorphosin*, & irradiationem, pullum corporare: non minus tamen aqua nobis haereret, quomodo nempe interiora omnia pulli effingantur. Verum haec à nobis jampridem refutata sunt.

Quapropter, cum pulli efficientem causam investigamus, oportet eam in ovo, non autem in *burfa* latitantem quaerere; talemque, quae, licet ovum requietum foris à gallina per aliquot forsan milliaria absit, & sub aliena gallina (utpote *Indica*, aut *Africana*) incubandum reponatur; vel (ut in *Aegypto*) subter pulverem, fimumve calentem, aut in furno, ad eam rem idoneo, foveatur; semper tamen pullum efformet, ejusdem speciei cum generante, & patri simillimum; aut, (si alterius generis gallus fuerit) prolem mixtae speciei; & similitudinis procreet.



Supereſt igitur adhuc nodus expediendus, quem neque *Ariſtoteles*, nec *Fabricius* ſolverunt: nempe, quomodo ſemen maris, ſive galli, ex ovo pullum faciat, ſive pulli efficiens dicendum ſit; praefertim, cum nec praefens, nec tangens, nec adiunctum ovo ſit? Et licet omnes fere aſſerant, marem, ejuſque ſemen, cauſſam foetus efficientem eſſe; à nemine tamen haecenus, quomodo id fiat, ſatis explicatum eſt: praefertim in ovo noſtro gallinaceo.

## CAUſſA PULLI EFFICIENS, INQUISITU ARDUA.

### EXERCITATIO XLIX.

**D**ifficilis eſt admodum (ut diximus) cauſſae efficientis diſquiſitio; eoque magis, quod tam varia illi nomina attribuuntur. Unde *Ariſtoteles*, cauſſas animalium efficientes complures recensuit; multaeque orae ſunt apud Autores controverſiae: praecipue inter *Medicos* & *Ariſtotelicos*, reperti ſunt, qui animoſe ſuper hac re digladiantur; variis ſententiis, tum efficientem cauſſam, tum modum efficiendi exponere ſatagant.

Neque fane uſpam alibi, quam in animalis fabrica, omnipotens Creator in operibus ſuis aut manifeſtius conſpicitur, aut praefentius ejus numen adest. Et quamvis notum ſit, omneſque fateantur, prolem à mare & foemina ortum ſuum ducere, & proinde ovum à gallo & gallina procreari, & ex ovo pullum: Modum tamen, quo gallus, aut ejus ſemen, ex ovo pullum cudat; nec *Medicorum* ſchola nos docuit, neque *Ariſtotelis* ſagax ingenium aperuit. Nam ex iis (quae de oviparorum aliorumque animalium generatione diximus) ſatis conſtat; nec ſententiam *Medicorum*, generationem ex ſeminum utriuſque ſexus mixtione deducentium; neque *Ariſtotelis*, ſemen maris pro efficiente, & ſanguinem menſtruum pro cauſſa materiali habentis, amplectendam eſſe: quia neque in coitu,

nec protinus à coitu, aliquid de foemina in uteri cavitate delabatur; ex quo, ceu materia, subito aliquid foetus constituitur: neque etiam genitura, à mare in coitu proveniens, (sive ea animata sit, sive instrumentum inanimatum) uterum ingreditur, aut in eum attrahitur, vel uspiam intra foeminam reservatur; sed vel evanescit, vel elabatur; nec quippiam, statim post coitum, in utero reperitur; quod aut à mare, aut à foemina, vel ab utrisque proficiscens; futuri foetus materia, aut principium existimari possit. Neque galli semen, in bursa *Fabricii*, alibive in gallina superstes est; ut inde, vel spiritalis substantiae irradiatione, vel contactu ovum fiat, aut ex ovo pullus constituitur. Nec gallina ullum aliud semen confert, praeter papulas, vitellum, & ovum. Quare difficilior multo, ab his nostris observationibus, redditur generationis contemplatio; quandoquidem suppositiones omnes, quibus utraque opinio innititur, ab iisdem funditus evertuntur. Maxime vero, ubi postea demonstraverimus, cuncta pariter animalia ex ovo procreari; & in coitu (sive viviparorum quadrupedum; sive hominis) nihil spermatis, aut sanguinis, à mare aut foemina proveniens, in uteri cavum intromitti, aut ab eo attrahi: nec quicquam vel ante coitum, vel in ipso coitu, aut statim post coitum, in utero reperiri; quod futuri foetus materia, aut efficiens, aut principium haberi possit.

Nuper *Daniel Sennertus*, vir doctus, & diligens naturae indagator, pensitatis prius multorum rationibus, rem tandem determinare aggressus est; nempe, *animam* esse in semine, eandemque prorsus cum ea, quae futurae proli inest. Adeo, ut animam hominis rationalem in semine ejus praesentem esse, non vereatur asserere: ac propterea ovum habere animam pulli; animamque cum semine in uterum foeminae transvehi; atque ex isto utriusque semine (ut flamma flammae) conjuncto (non misto; mixto enim, inquit, est rerum diversarum specierum) animae praedito, perfectum animal emergere. Ideoque, ait,

se.

femen ex utroque parente requiritur, tum ad foetum, tum etiam ad ovum constituendum. Et hoc pacto (velut superatis omnibus difficultatibus) putat se certam, perspicuamque veritatem tradidisse.

Verum, ut concedamus, in ovo inesse animam, eamque ex parentum animis unitam; & à parentibus interdum diverforum generum proficisci; velut ab equa & asino, à gallina & phasiano; nec tamen mistam esse, sed unitam duntaxat; fierique pullum (ad exemplum seminum plantarum) ab eadem efficiente anima, à qua postea per totam vitam conservatur: adeo, ut absurdum sit dicere, foetum ab alia anima extra uterum, sive ovum; atque ab alia intra uterum, aut ovum, augeri: Haec, inquam, omnia ut concedamus (licet invalida sint, & sublestae fidei) totius tamen doctrinae ejus fundamentum (cui innititur) historia nostra de generatione ex ovo, penitus subvertit, & falsi redarguit. Nimirum, ovum fieri, ex semine galli, & gallinae: aut, semen ab utrisque intra uterum transmitti: aut, ex semine in uterum admissio, vel immisso, foetum, ejusve partem aliquam constitui: vel, semen galli (ceu causam efficientem, & opificem) usquam in gallina reservari, quod materiam (ut putat) & nutrimentum ab ea in uterum trahat, unde foetus, quem fecerit, augetur. Deerunt quippe conditiones, quas ipse secundum *Aristotelis* sententiam, putat necessarias: scilicet ut foetus fiat ab eo, quod actu est, & praeeexistit; pullusque ab eo, quod praesens est, & ibi loci existens, ubi pullus primum fit, & augetur: praeterea, ut ab eo fiat, quod immediate & conjunctim operatur; idemque sit, quo pullus per totam vitam conservatur, & crescit. Quippe semen galli (sive animatum, sive inanimatum fuerit, nihil refert) non est omnino in ovo, neque in utero, praesens & conjunctum; neque in materia, ex qua fit pullus; ut neque in ipso pullo inchoato, ut eum vel efficiat, vel perficiat.

Hallucinatur etiam, cum, ab exemplo seminum plantarum



De Gen.  
an. l. 2.  
c. 1.

rum & glandium, sententiam suam de semine animato illustratum it: quia differentiam ab *Aristotele* allatam, inter genituram in coitu proveniente, & conceptum primum ex utrisque factum, non agnovit; neque ovum prius (circa ullam genituram à mare aut foemina in uterum translatam) in vitellarii racemo conceptum observavit. Neque intellexit, uterum esse, aliquandiu etiam post coitum, ab omni materia vacuum; sive ea à parentibus transmissa, sive à coitu facta, sive aliquo modo transmutata credatur. Nec denique legit, aut saltem animadvertit experimentum *Fabricii*; nempe, ab aliquot galli coitionibus, gallinam foecundari adeo, ut deinde per annum integrum omnia ova prolifica gignat: licet interea temporis, galli semen singulis ovis foecundandis non acceperit; neque acceptum olim, tandiu retinuerit.

Id quidem, nemine refragante, certum est; animalia, quaecunque à mare & foemina oriuntur, utriusque sexus coitu generari; adeoque velut per *contagium* aliquod procreari. Quemadmodum Medici observant, morbos contagiosos (utpote lepram, luem veneream, pestem, phthisin) serpere in stragem mortalium, affectusque sibi similes in alienis corporibus, solo extrinseco contactu, excitare: imo vero interdum solo afflatu, & per *μίασμα*; idque eminus, & per medium inanimatum, nihilque sensibiliter alteratum. Nimirum, quod primum tetigit, generat sibi simile univocum, non tangens, neque actu existens, nec praesens, aut conjunctum; sed duntaxat quia olim tetigit. Tantaе virtutis atque efficaciae contagium reperitur. Idemque forsitan in generatione animalium contingit. Ova enim piscium, quae foris incrementum sua sponte, absque ullo maris semine, acquirunt, (ideoque procul omni dubio sine illo vivunt) lacte maris prolifico aspersa, & forinsecus solum testâ, pisciculos generant. Non intromittitur, inquam, maris semen, quod in singulis ovis, opificis munus praestet, aut corpora fabricet, aut animam inferat; sed *contagio* duntaxat quodam foecundantur. Unde

*Ari-*

*Aristoteles*, lac maris, semenve genitale in aquam effusum, modo liquorem genitalem, & foetificantem vocat; modo virus vitale. Ait enim: *Piscis mas, semen ovis aspergit* Hist. an. l. 6. c. 13. *genitale; & quae ova vitale id virus contigerit, ex iis pisciculi enascuntur.*

Posito itaque, ceu certo fundamento, foetum fieri per *contagium*; maxima hinc oritur difficultas: Quomodo nempe *contagium* tanti operis autor sit? & quo pacto per illud, parentes sibi similes generent; aut semen maris simile univocum ei, à quo effluxit, producat? cum post tactum abierit; nec ulterius actu sit, aut tangens, aut praesens; sed corruptum, & non ens. Quomodo, inquam, non ens agat? aut non tangens. fabricet sibi simile? aut mortuum quod est, vitam alteri impertiat? idque solum, quia olim tetigit.

Falsa enim videtur, *Aristotelis* argumentatio, vel saltem manca, ubi contendit, *Generationem, sine agente & patiente, fieri non posse; nec agere & pati ea posse, quae se mutuo tangere nequeunt: ea vero se mutuo tangere, quae cum discretas magnitudines situmque habeant, extrema simul habent.* De gen. & cor. l. 1. c. 6.

Cum autem luculenter constet, *Contagium* (à non tangentibus, neque extrema simul habentibus) perniciem animalibus afferre; quidni pariter ad animalium vitam, siue generationem, tantundem praestet? Efficiens sane in ovo, virtute plastica (quia mas tetigit solum, licet jam nec tangat, nec extrema simul habeat) foetum ad speciem & similitudinem sui effingit & fabricat. Et per tot media, siue instrumenta, potestas haec, foecunditatis opifex, transmittitur, aut demandatur; ut nec motu instrumentorum; (velut in artis operibus) neque exemplo automatum *Aristotelis*, siue nostrorum horologiorum; aut regni, in quo Regis mandatum ubique valet; nec introducendo animam in semen, aut genituram; praefatam doctrinam tueri queas.

Atque hinc natae plurimae controversiae, & problemata, de attractione magnetis, & succini: de sympathia, &

antipathia : de venenis , & morborum pestilentium contagio : de alexipharmacis , & medicamentis ab occulta ( vel ignota potius ) proprietate juvantibus , aut nocentibus ; quae omnia videntur citra tactum operari. Et potissimum , quid sit in generatione , quod tactu momentaneo ( imo ne tangens quidem , nisi per plurima media ) partes pulli in ovo , certo ordine per *epigenesin* efficiat , univocumque , ac sibi simile producat ? idque solum , quia olim tetigit. Quomodo , inquam , id , quod non adest , & extrinsecus duntaxat tetigit , omnia pulli membra in ovo foris exposito , longeque interdum sejuncto , constituat , ordineque disponat , ac fabricet ? aut vitam , sive animam , speciemque ex utrisque generantibus mistam attribuat ? Si quidem nihil videtur se ipsum , ad alterius similitudinem , generare posse.

### QUAE SIT ANIMALIUM CAUSSA EFFICIENS EJUSQUE CONDICTIONES.

#### EXERCITATIO L.

UT igitur aliquatenus ( quantum nempe ad praesentem contemplationem attinet ) in *caussa efficientis* notitiam penetremus ; observandum prius , quatenam instrumenta , sive media ad causam efficientem sive formatricem pertineant : In hunc autem censum veniunt , mas & foemina , genitura etiam , atque ovum , ejusque primordium. Sunt enim mares aliqui , ( pariter ac foeminae ) steriles , aut minus foecundi. Maris quoque *genitura* aliquando magis , aliquando minus foecunda est : quippe semen virile , ut in vesiculis seminariis continetur ( nisi in spumam à spiritibus turgeat , & cum impetu profiliat ) in foecundum habetur. Imo ne hoc quidem forsitan semper foecundum fuerit. Neque etiam papulae , aut vitelli in ovarii racemo nati , vel ova in utero , statim omnia foecunda sunt.



*Faecundum* autem appello ; quod (nisi alicunde impediatur) à vi efficiente insita ad destinatum finem pertinet ; idque , cuius gratia instituitur , assequetur. Ita *gallus* foecundus dicitur , qui saepius certiusque gallinas suas praegnantes , earumque ova genitiva reddit.

*Gallina* similiter foecunda habetur ; quae gignendis ovis aut vi prolificae à gallo concipiendae diutiusque retinendae idonea est. *Papularum racemus* , & *ovarium* ipsum foecunda aestimantur , cum pluribus primordiis , iisque maturis , scatent. *Ovum* similiter foecundum est , quod à subventaneo sive irritato longius abest , & quocunque in loco vel incubatum , vel aliter fctum , in producendo pullo minus deficit.

Tale itaque pulli efficiens requiritur , quod singulis his virtutem eam impertiat , propter quam ista foecunda sint , & potentiam efficiendi obtineant. Quippe idem vel saltem analogon , omnibus inest , ob quod foecunda evadunt. Eademque inquisitio est , quid sit in ovo , quod illud foecundum reddit , & à subventaneo discriminat ; quid , in papula , & ovario ; quid in foemina ; quid denique , in femine , & gallo ipso : & , Quid sit in sanguine , punctoque saliente , sive prima pulli particula genitali , unde postea reliquarum partium ortus , fabrica , & ordo promanent : Quid in pullo ipso , unde robustior , & agilior fiat , citius adolescat , aetatem salubriter degat , vitamque diuturniorem protrahat.

Neque absimilis inquisitio est , quid uterque , mas scilicet & foemina ( seu gallus & gallina ) ovo foecundo conferat ; quidve ad pulli perfectionem , aut similitudinem , ab utroque proveniat ; Nimirum , utrum à foemina ovum , conceptus , materia , & nutrimentum : à mare autem virtus opifex ; An potius *contagium aliquod* protinus à coitu immissum , aut ab eo factum , vel receptum sit ; quod in gallina , vel ovis permanens , materiam ovorum moveat ; aut ad illorum incrementum , pullique tandem productionem , nutrimentum à foemina attrahat , concoquat , & di-

tribuat ; An denique à mare procedat , quodcunque ad formam , animam , & foecunditatem spectat : à foemina autem quicquid ad materiam , constitutionem , locum , & nutrimentum attinet ? Animalibus enim ( quibus sexus distinctus obtigit ) ita comparatum est , ut cum *foemina sola* foetum generare , nutrire , & protegere nequeat ; illi *mas* ( tanquam progenitor superior , & excellentior ) à natura in operis consortium adjungatur , ejusque ; defectum suppleat ; adeoque contagione sua ovorum subventaneorum infirmitatem corrigat , & foecunda reddat. Nam ut pullus ex ovo prognatus , corpus suum , & animam , partemque principalem , seu genitalem , ovo accepta refert : ita pariter ovum , quicquid in eo est , à foemina accipit ; & foemina similiter foecunditatem suam à mare in coitu mutuatur.

Utrum autem mas sit prima , & principalis causa gignendae proles ; an vero mas , una cum foemina , sint causae mediae & instrumentales ipsius Naturae , sive primi & supremi Genitoris ; hic datur inquirendi occasio : estque pulcra admodum , & necessaria disquisitio ; quia scientia quaelibet perfecta , ex causarum omnium cognitione dependet : ideoque ad absolutam generationis comprehensionem , ab ultimo efficiente ad primum & supremum ascendere , eaque omnia perspecta habere oportet.

*Quodnam* vero sit primum illud ac supremum pulli efficiens , postea ( ubi de reliquorum omnium animalium efficiente agetur ) definietur. *Quale* autem id sit , nunc videbimus.

*Prima* igitur efficientis proprie dicti & primarii *conditio* , ( ut diximus ) est , ut sit foecundans primum & principale , unde media omnia foecunditatem traducem accipiant. Ex. gr. Pullus traducitur ex puncto saliente in ovo , non modo secundum corpus , sed etiam ( & quidem potissimum ) quoad animam : punctum saliens , sive cor , ab ovo traducitur : ovum , à foemina : foeminae autem foecunditas à mare derivatur.

*Altera* efficientis primarii *conditio*, ex opere facto dignoscitur; nempe ex pullo. Quippe illud efficiens primum est, in quo effecti ratio potissimum elucet. Quoniam autem efficiens omne generativum, sibi simile gignit; prolesque mistae naturae est: efficiens primum quoque mistum quid esse oportet.

Prolem vero esse mistae naturae assero, quod in ea utriusque parentis mistura appareat, tam in figura & lineamentis corporis, singularumque ejus partium; quam in coloribus, naevis, morbis, aliisque corporis accidentibus. Quin etiam in anima quoque, ejusque actionibus, & functionibus (ut moribus, docilitate, incessu, ac voce) talis quaedam temperatura cernitur. Quemadmodum enim mistum simile ex elementis factum dicimus, quia horum virtutes, calor scilicet, frigus, humiditas, & siccitas, in uno aliquo simili corpore compositae reperiuntur: ita similiter paterna, maternaque opera, in pulli tum corpore, tum anima, tum caeteris (quae temperiem sequuntur, aut eidem accidunt) discernuntur. Nimirum in *mulo*, utriusque parentis (equae nempe, & asini) anima, corpus, mores, & vox miscentur. Idem etiam in pullis, ex gallina & phasianio prognatis, videre est; atque in lycisca, quae ex lupo & cane coeuntibus gignitur.

Cum itaque pullus similitudine sui utrumque parentem referat, mistumque sit effectum; causa quoque generans primaria (cui ipse similis est) mista sit oportet. Quare quod in ovo pullum efficit, mistae naturae, (tanquam aliquid ex ambobus vel unitum, vel compositum) & utriusque parentis opus est. Et si contagium aliquod protinus à coitu (in quo miscentur, & quasi unum animal fiunt) in foemina alicubi vel maneat, vel oriatur; id etiam mistae naturae, aut potentiae erit, unde postea ovum foecundum fiat, habeatque plasticam vim, mistae naturae opificem, vel instrumentum efficiens mistum; à quo etiam pullus mistae naturae producat.

*Contagium*, dixi: quia, quod *Aristoteles* censuit, experi-



rientiæ omnino refragatur: nempe, *partem aliquam foetus protinus à coitu fieri*. Nec verum est, quod Neoterici quidam asserunt, *in ovo inesse pulli futuri animam*: non est enim anima pulli, quæ in parte aliqua corporis ejus non insit. Neque anima, statim à coitu vel relicta, vel orta dici potest: aliter enim in praegnante foemina duæ simul inessent animæ. Quare, donec determinatum fuerit, quodnam sit efficiens ovi, quod miltæ naturæ protinus à coitu manere debeat; liceat id nobis *contagium* appellare.

Ubinam autem contagium hoc in foemina, post coitum, lateat; & quomodo idem ovo communicetur, ac traducatur; diligentior omnino disquisitionem requirit: & de ea re posthæc agemus, ubi de foeminarum conceptione generatim disceptabimus. Suffecerit, interea annotasse, efficientis primi (cui ratio futuræ prolis inest) eam legem esse, ut, cum proles miltæ appareat, id ipsum quoque miltæ naturæ sit; &, vel ab utroque parente pariter proveniat; vel ab alio aliquo, quod utriusque (ceu instrumentis animatis, simul operantibus, miltis, coituque in unum coalitis) utitur.

Estque hæc *tertia efficientis primarii conditio*, ut instrumentis omnibus intermediis successive aut motum imperiat, aut aliter iis utatur, ipsum vero nulli inserviat. Unde suboritur dubitatio, utrum gallus, in generatione pulli, sit causa efficiens primaria; an vero aliam priorem, & superiorem habeat. Videtur enim rerum omnium generatio coelitus originem ducere, atque Solis, lunæque motum sequi. Verum certius aliquid de hac re constabit; ubi prius quid, & quotuplex instrumentum, sive causa efficiens instrumentalis sit, exposuerimus.

Efficientia itaque instrumentalia sunt diversorum generum: alia enim (autore *Aristotele*) sunt factiva, alia vero activa: alia non agunt, nisi cum priore efficiente conjuncta, ut manus, pes, partesque corporis genitales; alia, operantur, etiam separata, ut genitura, & ovum: quorundam instrumentorum nullus est motus, aut actio, nisi quæ

quae iis à primo efficiente tribuitur; alia vero propria in se habent agendi principia interna, quibus natura quidem in generatione motum nullum tribuit, eorum tamen facultatibus utitur, iisdemque operandi normam praescribit: non aliter, quam coquus, igne; & Medicus herbarum, ac medicaminum potestatibus utitur, ad sanitatem.

Sennertus, ut conceptam opinionem, *de anima in semine, & formatrice pulli facultate in ovo*, tueatur; non ovum modo, sed & galli semen, futuri pulli anima praeditum esse asserit: nec esse agens instrumentale, sed principale, profitetur. Quinetiam plane negat, efficiens ullum separatum, esse instrumentale: sed id solum instrumentum dici oportere, ait, quod efficienti primo conjungitur; idque solummodo efficiens instrumentale, quod nullum alium motum, aut actionem habet, quam quae ab efficiente primo immittitur, aut continue & successive recipitur, cuius virtute agat. Eoque argumento rejicit exemplum projectorum, quae vi à projiciente accepta, & ab eo separata, nihilominus agunt. Quasi vero ensis, & hasta, instrumenta bellica dicenda essent; missiles autem sagittae, & glandes, non item: Rejicit quoque exemplum à *Repubblica* desumptum; negatque, magistratum, consiliarium, aut ministrum, esse regni *instrumenta*. Cum tamen Aristoteles *consultorem* pro efficiente habeat, ministrumque, Polit. l. 1. c. 4. disertis verbis, *instrumentum* nomet. Automatum similiter exempla respuit: pluraque alia ait, negat, quibus semen (aut ovum) animatum esse, agensque non instrumentale, sed principale esse, confirmet. Idem tamen (ceu veritate coactus) conditiones agentis principalis eas proponit, quae sententiae modo commemoratae plene contrarium suadeant: nempe, *Quicquid opus, sive effectum se ipso nobilius efficit; aut effectum sibi dissimile producit; non est causa efficiens principalis, sed instrumentalis*. Quibus concessis, quis non inde colligat, *Semen, & ovum, esse instrumenta?* cum pullus sit effectum ovo nobilius; idemque huic, aut spermati nequaquam similis sit. Quapropter ubi

Vir

Vir doctissimus negat, semen, aut ovum, esse organum; quia separata sunt ab agente primario, falso innititur fundamento. Quippe, cum generans primum per varia media prolem procreet; sive medium aliquod illi conjunctum sit, ut manus, opifici; sive ab eo separetur, ut sagitta, ab arcu emissa; utrumque tamen instrumentum dicitur.

Ex dictis his causae instrumentalis conditionibus, videtur sequi; efficiens primum in generatione pulli, esse gallum, vel saltem gallum cum gallina: quippe pullus iis est similis; nec efficientibus suis primis, sive genitoribus, nobilior censeretur potest. Ego itaque aliam etiamnum primi efficientis *conditionem* annectam, unde fortasse constet, marem non esse primam, sed instrumentalem duntaxat causam. Nempe, ut primum efficiens in pulli fabrica artificio utatur, & providentia, sapientia item, bonitate & intellectu, rationalis animae nostrae captum longe superantibus. Utpote, in quo sit futuri operis ratio, quodque in destinatum finem agat, disponat, & perficiat omnia, partesque pulli, etiam minimas; alicujus usus & actionis gratia efformet; & non modo operis fabricae, sed etiam salutis, ornatui, ac defensionis ejus prospiciat. Mas vero, aut illius semen, in coitu, vel post eum, ejusmodi non est, ut illi ars, intellectus, ac providentia attribui possint.

Quibus rite perpensis, mas videtur efficiens instrumentale, aequae ac ipsius semen; & foemina, non minus quam ovum ab ea genitum. Quare ad priorem, superiorem, ac praestantiorē causam confugiendum est; cui merito attribuantur providentia, intellectus, ars, & bonitas; quaeque effecto, opereve suo tanto excellentior sit, quanto architectus operi suo praestat; quantoque Rex, ministris; aut opifex, suis manibus praecellit.

Erit igitur uterque, mas & foemina, efficiens duntaxat instrumentale, rerum omnium Creatori, sive progenitori summo subserviens. Eoque sensu recte dicitur, Sol & homo generant hominem: quia Solem accedentem, &



recedentem, sequuntur ver & autumnus; quibus plerunque temporibus, animalium generatio, & corruptio contingunt. Ita quidem summus Philosophus: *Prima latio or-* De gen.  
*tus ac interitus caussa non est, sed obliqui circuli latio: ea nam-* & cor. 1.  
*que & continua est, & duobus motibus fit; nam si generatio,* 2. c. 6.  
*corruptiove futura sit semper continuata, semper quippiam quidem moveri necesse est; ut ne mutationes istae deficiant; sed duobus ut ne altera duntaxat eveniat. Continuatis igitur causa est, latio universi: accessus vero & recessus, ipsa declivitas. Accedit enim, ut interdum procul, interdum prope existat (nempe Sol) Atque cum intervallum sit inaequale, motus erit inaequalis. Quare, si ex eo generat, quia accedit & prope est; & quia abscedit & procul existit, hoc idem corrumpit. Atque, si, quia saepenumero accedit, generat; & quia plerunque recedit, corrumpit. Contrariorum enim caussae sunt contrariae.*

Ideoque Vere vigent, vernantque omnia; (appropinquante scilicet Sole, qui communis pater est, & genitor; vel saltem summi Creatoris in generatione immediatum & universale instrumentum) non solum plantae, sed etiam animalia: nec minus illa, quae sponte proveniunt, quam quae maris foeminaeque mutua opera progenerantur. Tanquam adveniente nobili hoc astro, de coelo delabere-  
*tur alma Venus, Cupidinis Charitumque choro stipata; cuncta-*  
*que viventia, blando amoris oestro ad perennitatem sui*  
*exstimularet. Vel, (ut est in fabulis) quasi eo tempore*  
*Saturni genitalia in mare projecta, spumam excitarent,*  
*indeque nasceretur Aphrodite. Nempe, in generatione*  
*animalium, superat (ut Poeta ait) tener omnibus humor,*  
*spumant, turgentque femine genitalia.*

Gallus igitur & gallina, Vere potissimum foecundi fiunt: tanquam Sol, vel coelum, vel natura, vel anima mundi, vel Deus omnipotens (nam eodem haec redeunt) iis caussa superior ac diviniore in generatione foret. Ita Sol, & homo (id est, Sol per hominem, ceu instrumentum) hominem generant. Eodemque modo, Sator omnium,

& gallus, ovum generant, & ex ovo pullum: accessu nempe, & recessu Solis perpetuo; qui ex divini Numinis voluntate, vel fato, gignendis rebus omnibus infervit.

Concludimus igitur, marem (licet sit efficiens prius & praestantius, quam foemina) esse solum efficiens instrumentale: eundemque, non minus quam foeminam, fecunditatem suam, sive generandi virtutem, appropinquanti Soli acceptam referre: proindeque artificium, & providentiam (quam in operibus ejus cernimus) non ab ipso, sed à Deo procedere. Quippe mas, in generando, nec consilio, nec intellectu utitur: neque homo parte animae suae rationali, sed facultate vegetativa generat; quae non primaria & diviniore animae humanae facultas, sed infima censetur.

Quoniam igitur in pulli fabrica, ars & providentia non minus elucescunt, quam in hominis ac totius mundi creatione: necesse est fateamur, in generatione hominis, causam efficientem ipso homine superiorem & praestantiorē dari: vel facultatem vegetativam, sive eam animae partem, quae hominem fabricat, & conservat, multo excellentiorem, & diviniorem esse, magisque similitudinem Dei referre, quam partem ejus rationalem; cujus tamen excellentiam miris laudibus supra omnes omnium animalium facultates extollimus; tanquam quae jus & imperium in illas obtineat, cuique cuncta creata famulentur. Vel saltem fatendum est, in naturae operibus, nec prudentiam, nec artificium, neque intellectum inesse: sed ita solum videri conceptui nostro, qui secundum artes nostras & facultates (ceu exemplaria à nobismet ipsis mutuata) de rebus naturae divinis judicamus: quasi principia naturae activa, effectus suos eo modo producerent, quo nos opera nostra artificialia solemus; consilio nempe, & disciplina ab intellectu sive mente acquisita.

At vero Natura, principium motus & quietis in omnibus, in quibus est; & anima vegetativa, prima cujuslibet

generationis causa efficiens; movent, nulla facultate acquisita, (sicut nos) quam vel artis, vel prudentiae nomine indigemus; sed tanquam fato, seu mandato quodam secundum leges operante: simili nempe impetu, modoque, quo levia sursum, gravia deorsum, feruntur. Scilicet, facultas parentum vegetativa eodem modo generat, semenque tandem ad formam foetus pertingit; quo aranea, retia sua nectit; aviculae, nidos exstruunt, ovis incubant, eaque tuentur; apes, & formicae habitacula parant, & alimoniam in futuros usus recondunt. Naturaliter nempe, & connato ingenio; non autem providentia, disciplina, aut consilio, quicquam agunt. Nam quod in nobis operationum artificialium principium est, diciturque ars; intellectus, aut providentia; id in naturalibus illis operibus, est *Natura*: (quae *autodidaxit* est, & à nemine edocta) quodque illis connatum & insitum, id nobis acquisitum. Ideoque, ad artificialia qui respiciunt, haud aequi rerum naturalium aestimatores habendi sunt: siquidem potius, vice versa, sumpto à natura exemplari, de rebus arte factis judicandum est. Artes enim omnes imitatione quadam naturae comparatae sunt; nostraque ratio, sive intellectus, ab intellectu divino, in operibus suis agente, profluxit. Qui, cum habitu perfecto in nobis existit, quasi altera anima adventitia & acquisita, summi ac divinissimi agentis imaginem suscipiens, operationes, sive effectus similes producit.

Quapropter, rem recte pieque (mea quidem sententia) reputaverit, qui rerum omnium generationes, ab eodem illo aeterno atque omnipotente *Numine* deduxerit, à cujus nutu rerum ipsarum universitas dependet. Nec magnopere litigandum censeo, quo nomine primum hoc Agens compellandum, aut venerandum veniat, (cui nomen omne venerabile debetur) sive Deus, sive *natura naturans*, sive *anima mundi* appelletur. Id enim omnes intelligunt, quod cunctarum rerum principium sit, & finis; quod aeternum, & omnipotens existat; omniumque autor & creator, per



varias generationum vicissitudines , caducas res mortaliū conservet , ac perpetuet ; quod ubique praesens , singulis rerum naturalium operibus non minus adsit , quam toti universo ; quod numine suo , sive providentia , arte , ac mente divina , cuncta animalia procreet. Quorum quaedam sponte nascuntur , sine aliquo efficiente univoco ; quaedam , ab alterutro duntaxat sexu : quaedam , per alia instrumenta intermedia ; eaque interdum plura , interdum pauciora : quaedam instrumentis univocis ; quaedam , aequivocis & ex accidente , generantur. Omnia vero corpora naturalia , summi ejus Numinis & opera sunt , & instrumenta : suntque haec vel naturalia solum , ut calor , spiritus , aëris putredinisve tepor &c. vel simul etiam animata : quippe animalium quoque vel motu , vel facultate , vel anima , aliquo modo utitur ad perfectionem universi , & animalium procreationem.

Ex dictis itaque aliquatenus constat , quodnam à mare in generatione afferatur symbolum. Nempe , gallus idem ovo confert , ut ex subventaneo prolificum evadat ; quod vegetabilium fructibus tribuitur ab aestivo Solis fervore , ut maturitatem consequantur , & semina eorum foecunda fiant : idemque , quod sponte nascentibus foecunditatem affert ; & ex vermibus , erucas ; ex his , aurelias ; ex aureliis , papiliones , muscas , apes &c. progenerat.

Ad hunc modum Sol , accessu suo , & principium motus ac transmutationis , in proventu fructuum est ; & finis etiam , dum seminibus eorum foecunditatis autor existit. Utque is Vere novo , foliorum , florum , & fructuum efficiens primum est ; ita , adulta jam aestate , maturitatis & fertilitatis seminum , est ultimum perficiens. Cui rei confirmandae , inter alias observationes plurimas , hanc unam annectam : Arantiorum arbores quidam apud nos multa sollicitudine , & mangonio colunt ; earumque mala , quae primo anno ad pollicis magnitudinem excrevere , sequen-

quenti aestate ad maturitatem pertingunt, caeteraque perficiuntur, praeterquam quod feminibus careant.

Hanc rem accuratius pensitanti mihi, videbatur oblatum ovi subventanei specimen, quod à gallina, citra maris operam, gignitur; & sensibilia omnia in se complectitur, quae in ovo prolifico deprehendas; femine autem foecundo destituitur. Tanquam idem à gallo conferatur, quo subventaneum ovum, foecundum fiat; quod à calidarum regionum Sole provenit, quo illarum arborum poma cum feminibus nascantur. Et quasi aestas *Anglicana*, procreando solum fructui, (ut gallina, ovo) sufficeret; essetque, instar foeminae, impotens generatrix; in locis autem beneficio Solis uberiori gaudentibus, mas evaderet, & generationem perficeret.

Verum de his haecenus à nobis obiter actum est, ut ab ovi exemplo constet, quaenam primi efficientis in generatione animalium conditiones requirantur. Quippe certum est, inesse in ovo opificem (& similiter in omni conceptu, ac primordio) qui non modo ei à matre inditur, sed prius etiam à patre in coitu per genituram communicatur; omniumque primo à coelo, & Sole, sive Creatore summo, eidem tribuitur. Manifestum pariter est, opificem hunc in ovo, & femine quovis existentem, parentum virtute adeo imbutum esse, ut pullum ad illorum, non autem ad similitudinem sui, fabricet; eamque mistam etiam, tanquam ab utrisque, in coitu unitis, proveniente: cumque omnia summa providentia & intellectu peragantur, divini numinis praesentiam clare comprobari.

Alibi autem uberius de hac re agetur; ubi conabimur docere, quid statim à coitu in foemina remaneat, & ubi nam supersit; simulque explicabimus (quoniam nihil protinus post coitum in cavitate uteri reperitur.) quidnam sit *contagium* illud prolificum, aut conceptus primus? num corporeum quid, alicubi in foemina reservatum; an incorporeum? Et num uteri conceptio, similis sit conceptioni cerebri; adeoque foecunditas eo modo acquiratur, quo

scientia? (quemadmodum non desunt argumenta, quae id persuadeant) & , veluti motus, atque operationes animales, à cerebri conceptione (quam appetitum dicimus) originem ducunt, ita pariter motus naturales, facultatisque vegetativae operationes (ac praesertim generatio) ab uteri conceptione dependeant? Porro, quomodo contagium hoc prolificum mistae naturae sit; & à mare, in foeminam; indeque, in ovum traducatur? Ac denique, morborum, affectuumque omnium praeternaturalium contagium quomodo serpat, & insensibiliter propagetur?

## DE GENERATIONIS ORDINE: ET PRIMUM, DE PARTICULA GENITALI PRIMA.

### EXERCITATIO LI.

**Q**uid igitur immediate à coitu prolifico in foemina fiat, aut maneat, quod adhuc sub *contagii* nomine intelligimus, quo (tanquam infectu) foemina à mare foecunda reddita, foetum postea sua sponte generat; inferius suo loco dicetur, ubi ea de re pleniori examine, & disquisitione accuratiori tractabimus. Interea temporis, quae circa partium generandarum ordinem manifeste apparent, observatuque digna sunt, indicabimus.

Et primo quidem, quoniam per *epigenesin*, sive partium superexorientium additamentum, pullum fabricari certum est; quaenam pars ante alias omnes exstruatur, & quid de illa, ejusque generandi modo observandum veniat, dispiciemus.

De gen.  
an. l. 2. c. 1. Ratum sane est, & in ovo manifeste apparet, quod *Aristoteles* de perfectorum animalium generatione enuntiat: nimirum, non omnes partes simul fieri, sed ordine aliam post aliam; primumque existere particulam genitalem, cujus virtute postea (tanquam ex principio quodam) reliquae omnes partes profiliant. Qualem, in plantarum feminibus (fabis puta, aut glandibus,) gemmam, sive api-



cem protuberantem cernimus, totius futurae arboris principium. *Estque haec particula, velut filius emancipatus, seorsumque collocatus, & principium per se vivens; unde postea membrorum ordo describitur; & quaecunque ad absolvendum animal pertinent, disponuntur.* Quoniam enim nulla pars se ipsam generat; sed, postquam generata est, se ipsam jam auget; ideo eam primum oriri necesse est, quae principium augendi contineat, (sive enim planta, sive animal est, aequè omnibus inest quod vim habeat vegetandi, sive nutriendi) simulque reliquas omnes partes suo quamque ordine distinguat, & formet: proindeque in eadem primogenita particula, anima primario inest, sensus, motusque, & totius vitae auctor, & principium. Ib. c. 1.  
Ib. c. 4.

Ea igitur principalis particula est, unde spiritus vitalis, calorque nativus caeteris omnibus advenit; in qua Medicorum calidum innatum, sive implantatum, primo emicat; & lar familiaris, seu focus perennis hospitatur; unde perpetuo in universum corpus, singulasque ejus partes, vita promanat; nutritio, incrementum, auxilium, & solamen proveniunt: denique, ubi vita nascentibus primum incipit, & morientibus ultimo terminatur.

Haec certe omnia de parte prima genitili vera sunt, & in generatione pulli manifeste apparent. Ideoque, ut Medicorum quorundam male philosophantium opinionem (quae tres partes principales, ac primogenitas, cerebrum, cor, & jecur, ex tribus vesiculis, sive bullis, simul exoriri astruit) plurimis observationibus motus, rejiciendam arbitror; ita neque *Aristoteli* ipsi assentiri possum, qui *Cor* esse particulam hanc primam genitalem & animatam statuit. Nam revera *sanguini* soli privilegium hoc deberi existimo: is enim est, qui primus in generatione conspicitur. Idque non solum in ovo, sed in omni foetu, animaliumque conceptu primo contingere, mox palam fiet.

Apparet, inquam, ab initio, punctum rubrum saliens, vesicula pulsans, fibraeque inde deductae, sanguinem in se complectentes. Et, quantum ex accurata inspectione discer-

scernere licuit, fit sanguis, antequam punctum saliens efformatur; idemque calore vitali praeditus est, priusquam per pulsum cietur: atque ut in illo, & ab illo pulsatio incipit; ita tandem, in ultimo mortis articulo, in eodem desinit. Quippe plurimis experimentis, tum in ovo, tum alibi factis, compertum habeo; sanguinem id esse, in quo (quandiu calor vitalis non prorsus evanuit) potentia redeundi in vitam continuatur.

Et quoniam vesicula pulsans, indeque productae fibrae sanguineae, ante alia conspiciuntur; crediderim rationi consentaneum, ut sanguis suis receptaculis prior sit; contentum nempe, suo continente; siquidem hoc factum est, ut ejus usui inserviat. Ideoque fibras, & venas, posteaque vesiculam, & demum cor, utpote organa recipiendo ac retinendo sanguini destinata, hujus solius transmittendi, & distribuendi gratia exstructa esse, verisimile est; sanguinemque esse particulam corporis principalem.

Idque ex multis observationibus liquet; praesertim, cum quaedam animalia (eaeque sanguinea) diu absque pulsu vivant; & nonnulla totam hyemem lateant, & tamen in vivis super sint, licet interea eorum corda ab omni motu cessent, & pulmones à respiratione feriantur; eorum instar, qui in syncope, lipothymia, aut affectibus hystericis, semimortui jacent cum asphyxia.

Factus itaque certior ex iis quae in ovo, & viva animalium dissectione observavi; statuo, (contra *Aristotelem*) sanguinem esse primam particulam genitalem: & cor esse ipsius organum, circumlationi ejus destinatum. Quippe functio cordis, est sanguinis propulsio; ut in animalibus omnibus sanguineis luculenter patet: idemque (in generatione pulli) est officium pulsantis vesiculae, quam in primis animalium conceptibus (non minus, quam in ovo) saepenumero videndam exhibui scintilla minorem, micantem, & in actione sua sese constringentem, sanguinemque in ea contentum una exprimentem, eundemque relaxatione sui recipientem denuo.

Hinc

Hinc quoque apparet sanguinis principalitas, quod pulsus ex eo ortum ducat. Cum enim duae sint pulsationis partes; (distentio nempe, & contractio, sive diastole, & systole) horumque motuum, distentio prior sit; manifestum est, actionem illam sanguini competere: constrictionem vero, à vesicula pulsante in ovo, (ut à corde, in pullo) propriis fibris institui; tanquam ab instrumento ei usui destinato. Certumque est, vesiculam dictam, ut & cordis auriculam postea, (unde pulsatio primum incipit) à distendente sanguine, ad constrictionis motum irritari. Fit, inquam, diastole, à sanguine ab interno quasi spiritu intumescente: adeoque *Aristotelis* sententia, de pulsatione cordis (*fieri eam scil. ad modum ebullitionis*) aliquatenus vera est. Quod enim in lacte ab igne calefacto, & cerevisiae nostrae fermentatione quotidie cernimus; idem etiam in pulsu cordis usu venit; in quo sanguis, quasi fermentatione aliqua turgescens, distenditur, & subsidit: quodque in illis per accidens, ab agente externo (calore scil. aliunde adventitio) contingit; id in sanguine, ab interno calore, sive spiritu innato, efficitur; idque etiam secundum naturam ab anima regulatur, & in salutem viventium constituitur.

Pulsus itaque à duplici agente peragitur: nempe à sanguine fit distentio, seu dilatatio; à vesiculae vero membrana in ovo, (in nato autem foetu, à cordis auriculis, & ventriculis) fit constrictio, sive systole: atque hac mutua operae societate alternatim instituta, sanguis per totum corpus impellitur, vitaeque inde animalibus perpetuatur.

Nec sanguis solum pars primigenia & principalis dicendus est, quod in eo, & ab eo motus, pulsusque principium oriatur; sed etiam, quia in eo primum calor animalis innascitur, spiritus vitalis ingeneratur, & anima ipsa consistit. Ubiunque enim primo immediatum & principale vegetativae facultatis instrumentum reperitur; ibi quoque animam primo inesse, indeque originem sumere,



verisimile est: quoniam illa à spiritu, & calido innato separari nequit.

Pag. 25.

Utrunque enim in artificialibus (ut recte Fabricius monuit) artifex & instrumentum, sunt separata; in naturae tamen operibus, conjuncta simul, & unum sunt. Sic ventriculus, opifex & instrumentum chylosus est. Pari quoque modo, anima cum spiritu (instrumento suo) immediate conjungitur. Ideoque, in quacunque corporis parte, calor, motusque initium sumunt; in eadem quoque vita primum oritur, ultimoque extinguitur: ibidemque intimos Penates; atque animam ipsam, sedem suam posuisse, nemo dubitaverit.

Levit. 17.

II. & 14.

Vita igitur in sanguine consistit, (uti etiam in sacris nostris legimus) quippe in ipso vita atque anima primum elucet; ultimoque deficit. Crebra enim (ut dixi) vivorum dissectione expertus sum, moriente jam animali, nec amplius spirante, cor tamen aliquandiu pulsare, vitamque in se retinere. Quiescente autem corde, motum videas in auriculis superstitem, ac postremo in auricula dextra; ibique tandem cessante omni pulsatione, in ipso sanguine undulationem quandam, & obscuram trepidationem, sive palpitationem (extremum vitae indicium) reperias. Et cuilibet cernere est, sanguinem ultimo calorem (pulsus vitaeque autorem) in se retinere: quo semel prorsus extincto, ut jam non amplius sanguis est, sed cruor; ita nulla postliminio ad vitam revertendi spes reliqua. At vero, tum in ovo, (ut diximus) tum in moribundis animalibus, postquam omnis pulsatio disparuit; si vel puncto salienti, vel dextrae cordis auriculae levem fomitem admoveris, videbis illico, motum, pulsationem, ac vitam à sanguine redintegrari: modo is calorem omnem innatum, spiritumque vitalem haud penitus amiserit.

Quibus clare constat, sanguinem esse partem genitalem, fontem vitae, primum vivens & ultimo moriens, sedemque animae primariam; in quo (tanquam in fonte) calor primo, & praecipue abundat, vigetque; & à quo reli-

quae

quae omnes totius corporis partes calore influente foveantur, & vitam obtinent. Quippe calor sanguinem comitatus, totum corpus irrigat, foveat, & conservat: quemadmodum jampridem, libello de motu sanguinis, demonstravimus.

Propterea sanguis ubique in corpore reperitur; nec usquam id acu pungere, vel minimum scalpere queas, quin sanguis ocyus profluat: tanquam, absque eo foret, nec calor partibus, nec vita superesset. Ideoque, concentrato, fixoque leviter sanguine (*Hippocrates*, *ὑπὸ τῶν φλεβῶν*, nominavit) veluti in lipothymia, timore, frigore externo & febrium insultu contingit; videas illico totum corpus frigescere, torpere, & pallore livoreque perfusum languescere: evocato autem rursus sanguine, per adhibita fomenta, exercitia, aut animi passiones, (gaudium nempe, iramve) huiusmodi omnia calent denuo, florent, vigent, splendentque?

Quinetiam partes rubrae & sanguineae solae, dicuntur calidae, ut carnes; albae autem & exsanguae, ut nervi, ac ligamenta, frigidae appellantur. Atque ut animalia sanguinea, exsanguinibus praepollent; ita quoque in partium censu, quae calore nativo, & sanguine liberalius perfunduntur, caeteris omnibus praestantiores habentur. Imo vero jecur, lien, renes, pulmo, & cor ipsum (si sanguinem inde omnem expresseris, cujus praecipue gratia *viscera* dicuntur) expallescent illico, & partibus frigidis accensenda veniunt. Cor, inquam, ipsum, per arterias coronarias, influentem una cum sanguine caliditatem, vitamque accipit: quas eatenus duntaxat obtinet, quatenus illo proluitur. Nec jecur munus suum publicum exsequitur, sine influentia sanguinis & caloris per arteriam coeliacam. Quippe nullibi est caloris affluentia, citra sanguinis influxum per arterias. Ideoque in prima partium singularem conformatione, priusquam publico muneri sese accingunt, omnes exsanguae, pallidaeque conspiciuntur; indeque olim à Medicis & Anatomicis, *spermaticae* existima-

bantur; & in generatione, *aliquot in lacte dies* absumi, dici solitum. Ipsum jecur, pulmones, cordisque substantia, cum primum apparent, albissima sunt. Imo vero conus cordis, & ventriculorum ejus parietes, adhuc albi videntur, cum auriculae purpureo sanguine repletae colorantur, venaque coronaria rutilans discernitur. Similiter, jecoris parenchyma album est, cum venarum ejus rami, & propagines, sanguine rubescunt: nec munus publicum exercet, priusquam sanguine influente perfunditur.

Sanguis denique totum corpus adeo circumfluit, & penetrat, omnibusque ejus partibus calorem & vitam jugiter impertit; ut anima primo & principaliter in ipso residens, illius gratia, *tota in toto & tota in qualibet parte* (ut vulgo dicitur) inesse, merito censeatur.

Tantum vero abest (quod tamen *Aristoteles*, & *Medici* omnes affirmant) ut jecur, aut cor, sit autor & opifex sanguinis; ut contrarium plane, ex pulli fabrica in ovo, aperte constet: nimirum, sanguinem ipsum potius esse autorem cordis, & hepatis. Quod Medici quoque inopinato videntur confiteri, dum parenchyma jecoris, quandam sanguinis affusionem esse statuunt: quasi nil aliud esset, quam sanguis inibi coagulatus. Existere itaque eum, antequam vel affundatur, vel coaguletur, necesse est: remque ita se habere, experientia ipsa luculente demonstrat; cum sanguis in ovo aliquandiu appareat, priusquam corporis, aut visceris alicujus vel vestigium exister. Ubi tamen nihil sanguinis à matre (quod in viviparis fieri, vulgo arbitrantur) ad foetum pertingit.

Jecur piscium semper albicans cernitur, dum eorum venae purpurascunt, & nigricant. Nostraeque gallinae, quo pinguiiores fuerint, eo jecora minora, & pallidiora habent. Virginibus cachecticis, febrique alba laborantibus, ut reliquo earum corpori, ita jecori etiam pallidus inhaeret color; penuriae sanguinis in corpore manifestum indicium. Quare jecur, & colorem suum à sanguine mutuatur; non autem sanguis à jecore.



Ex dictis itaque apparet, Sanguinem esse partem primam genitalem, unde anima primario emicat, & ex qua efformatur prima pars foetus animata principium reliquarum omnium, tum similarium, tum dissimilarium; quae inde calorem vitalem nanciscuntur, illique subserviunt: Cor autem in eum duntaxat finem exstructum esse, ut perpetua pulsatione, (venarum, arteriarumque ministerio) sanguinem hunc accipiat, eundemque quoquoeversum per totum corpus propellat.

Patetque hoc idem luculentius, quia nec in omnibus animalibus, neque omni tempore cor pulsans reperitur; cum sanguis tamen, aut ejus analogon, in nullis unquam desideretur.

## DE SANGUINE, PROUT EST PARS PRINCIPALIS.

### EXERCITATIO LII.

Certum itaque est, & ad oculum liquet, sanguinem esse partem pulli primigeniam, ac proinde genitalem: eaque omnia illi competere, quae capite praecedenti attribuimus. Nempe, ut sit corporis tum autor; tum conservator, & pars principalis, in qua animae fedes. Quippe (ut modo diximus) priusquam corporis quippiam visu discernitur, sanguis jam genitus & auctus est, *palpitaturque* (ut *Aristoteles* ait) *intra venas, pulsuque simul quoquoeversum* De hist. an. l. 3. *movetur; solusque omnium humorum sparsus per totum corpus animalium est.* Et semper, *quandiu vita servatur, sanguis* c. 19. *unus animatur, & fervet.*

Quinimo ex vario ipsius motu, in celeritate aut tarditate, vehementia, aut debilitate &c. eum & irritantis injuriam & foventis commodum persentiscere, manifestum est. Ideoque concludimus, sanguinem per se vivere, & nutriri; nulloque modo ab alia aliqua corporis parte, vel prior, vel praestantior dependere. An vero totum corpus ab ipso

De part.  
an. l. 2.  
c. 4.

dependeat, cui illud post genitum, adjunctum; & quasi adnascendo appensum cernimus; non est hujus loci determinare. Addam solum, quod *Aristoteles* fatetur: *Profecto*, inquit, *sanguinis natura causssa est, cur permulta animalibus, tum per mores, tum etiam per sensum obveniant.* Adeo, ut hinc causas perspicere liceat, non modo vitae, in genere, (quippe nullum aliud calidum innatum, aut influens reperias, quod sit immediatum animae instrumentum, praeter sanguinem) sed longioris etiam, aut brevioris aevi, somni, vigiliarum, ingenii, roboris &c. Namque *ejus tenuitate* (ait *ibid. Arist.*) *et munditie, animalia sapientiora sunt, sensumque mobiliorem obtinent: Similiter, vel timidiora, vel animosa; iracunda, et furiosa evadunt; prout scilicet sanguis eorum vel dilutus, vel fibris multis crassisque refertus fuerit.*

Hist. an.  
l. 3. c. 19.

Nec vitae solum sanguis autor est; sed, pro ejus vario discrimine, sanitatis etiam, morborumque causssae contingunt. Quin etiam venena, quae forinsecus nobis adveniunt (ut ictus venenati) nisi sanguinem inficerent, damnum nullum afferrent. Adeo nobis ex eodem fonte, vita & sanitas profluunt. *Si sanguis nimis eliquescat* (inquit *Arist.*) *aegrotant. Namque in cruorem serosum abit adeo, ut quidam sudorem cruentum exsudarint. Si ejus nimium effluat, obeunt.* Profecto, ob sanguinis carentiam, non solum partes omnes illico torpent, sed & animal ipsum subito extinguitur. Experimenta, in sententiae hujus confirmationem, hic addenda non censui; peculiarem enim tractatum postulant.

*Circuitum sanguinis* admirabilem, à me jampridem inventum, video propemodum omnibus placuisse: nec ab aliquo quippiam haecenus objectum esse, quod responsum magnopere mereatur: Quapropter si *circuitus* illius causas, & utilitates addidero; aliaeque sanguinis arcana exposuero (quantopere scilicet mortalium felicitatis interfit, animaeque pariter ac corpori conducatur, ut proba victus ratione sanguinem purum ac nitidum conservent) credi-

crediderim sane, me non magis novam, quam utilem, gratamque operam Philosophis Medicisque praestiturum; nec sententiam hanc tam improbabilem & absurdam cuiquam (atque olim *Aristoteli*) visum iri: Sanguinem, nempe, instar *laris familiaris*, esse animam ipsam in corpore; veluti *Critias* olim, aliique arbitrabantur; existimantes, sentire maxime proprium esse animae, atque hoc inesse propter sanguinis naturam. Alii vero id animam esse statuebant, quod sua natura vim movendi obtineret; ut *Thales*, *Diogenes*, *Heraclitus*, *Alcmaeon*, aliique.

De anima  
l. 1. c. 2.

Utrumque autem, sensum scilicet, & motum, sanguini inesse; plurimis indiciis fit conspicuum: etiam si *Aristoteles* id negaverit. Enimvero, si is veritate coactus fateatur, inesse ovo, etiam subventaneo, animam: & in genitura, ac sanguine, reperiri divinum quid, respondens elemento stellarum; esseque omnipotentis Creatoris vicarium: si *Neoterici* quidam vere dicant, animalium semen coitu emissum, esse animatum: quidni pari ratione affirmemus, animam esse in sanguine; cumque hic primo generetur, nutriatur, & moveatur, ex eodem quoque animam primum excitari, & ignescere? Certe sanguis est, in quo vegetativae, & sensitivae operationes primo elucet: cui calor, primum & immediatum animae instrumentum, innascitur: qui corporis, animaeque commune vinculum est: & quo vehiculo, anima omnibus totius corporis partibus influit.

De hist.  
an. 1. 19.  
& de part.  
an. 1. 2.  
c. 3.

Praeterea, cum tam ardua sit (ut nuper vidimus) geniturae contemplatio, (quomodo, nempe, ab illa, cum providentia, arte, & intellectu divino, corporis fabrica extruatur?) cur non aequo jure, sanguinis naturam eximiam suspiciamus; idemque de eo, quod de femine; cogitemus? praesertim, cum genitura ipsa (ut de ovo constat) à sanguine fiat; totumque corpus inde, (tanquam à parte genitali) non modo originem suam ducere, sed etiam conservari videatur.

Atque haec quidem obiter super ea re diximus; de eadem



dem alibi uberius, & accuratius disceptaturi. Neque hic disputandum censeo, utrum partis definitio sanguinis proprie conveniat? quod quidam negant, his maxime argumentis persuasi; quia non sentit, & quia in singulas corporis partes influit, ut alimentum iis praestet idoneum. Ego vero non pauca circa generationis modum inveni, quibus motus, iis (quae Philosophi & Medici vulgo vel ajunt, vel negant) contrarium statuam. Id nunc solum dicam: licet concedamus, sanguinem non sentire; inde tamen non sequitur, eum non esse corporis sensitivi partem, eamque praecipuam. Neque enim cerebrum, medulla spinalis, aut Crystallinus, vitreusque oculi humor quicquam sentiunt, eas tamen corporis partes esse, Philosophi Medicique omnes hodie uno ore consentunt. *Aristoteles* autem sanguinem inter partes similes recensuit: & *Hippocrates* etiam, dum corpus animale ex partibus continentibus, contentis, & impetum facientibus, constituit; sanguinem necessario inter contentas agnovit.

Verum hac de re plenius agetur, cum de parte, quid sit, & quot modis dicatur, disceptabimus. Interea temporis, experimentum hoc admirabile (unde cor ipsum, membrum scilicet principalissimum, insensile appareat) non reticebimus.

Nobilissimus adolescens, & illustrissimi Vicecomitis de *Montegomero in Hibernia* filius primogenitus, cum adhuc puer esset, ingens ex insperato lapsu nactus est infortunium; costarum nempe sinistri lateris fracturam. Abscessus suppuratus, magnam tibi quantitatem profudit; saniesque diu è cavitatè amplissima manavit: uti ipse mihi, alique (qui aderant) fide digni narrarunt. Is circa annum aetatis suae decimum octavum, aut decimum nonum, per Galliam & Italiam peregrinabatur; indeque Londinum appulit. Interea vero peramplum hiatum in pectore apertum gestabat; adeo, ut pulmones (uti creditum est) in eo cernere, ac tangere liceret. Id cum serenissimo *Regi Carolo*, ceu miraculum, nunciaretur; me statim, ut quid rei esset perspicere-

spicerem , ad Adolescentem misit. Quid factum ? Cum primum accederem , videremque juvenem vegetum , & aspectu quoque , habituque corporis laudabili praeditum ; aliquid secus , atque oportuit , nunciatum arbitrabar. Praemissa autem , ut mos est , salutatione debita , expositaque ex mandato Regis eum adeundi causa ; omnia illico patefecit , nudamque lateris sinistri partem mihi aperuit ; ablata scilicet lamella , quam tutelae gratia adversus ictus , aliasque injurias externas , gestabat. Vidi protinus ingentem pectoris cavitatem , in quam facile tres meos priores digitos , una cum pollice immitterem : simulque in primo ejus ingressu partem quandam carnosam protuberantem , reciprocoque extrorsum introrsumque motu agitatam deprehendi , manuque caute tractavi. Attonitus rei novitate , iterum iterumque exploro omnia : & , cum diligenter satis investigata esset ; certum erat , ulcus antiquum & per amplum ( citra Medici periti auxilium ) miraculi instar , ad sanitatem perductum esse , parteque interiore membrana vestitum , & per marginis ambitum firma cute munitum. Partem autem carnosam ( quam ego primo intuitu , carnem aliquam luxuriantem credideram , aliique omnes pulmonis partem judicabant ) ex pulsu , ejusque differentiis , seu rhythmo , ( utrisque manibus carpo & cordi simul admotis ) & ex respirationis collatione plane perspexi , non pulmonis lobum aliquem , sed cordis conum esse ; quem caro fungosa excrescens ( ut in sordidis ulceribus fieri solet ) exterius , tumidumque instar , obtegebat. Concamerationem istam , à subnascentibus sordibus Adolescentis famulus injectionibus tepidis quotidie liberabat , laminamque imponebat : quo facto , herus sanus , & ad quaelibet exercitia ac itinera promptus , tuto & jucunde vitam degerebat.

Responsi vice igitur , Adolescentem ipsum ad serenissimum Regem deduxi ; ut rem admirabilem & singularem , propriis ipse manibus tractaret , atque oculis intueretur : nempe , in homine vivente & vegeto , citra ullam offen-

sam, cor sese vibrans, ventriculosque ejus pulsantes videret, ac manu tangeret. Factumque est, ut ferenissimus Rex, una mecum, cor sensu tactus privatum esse agnosceret. Quippe adolescens, nos ipsum tangere (nisi visu, aut cutis exterioris sensatione,) neutiquam intelligebat.

Simul cordis ipsius motum observavimus; nempe, illud in diastole introrsum subduci, & retrahi; in systole vero, emergere denuo, & protrudi: fierique in corde systolen, quo tempore diastole in carpo percipiebatur: atque proprium cordis motum & functionem, esse systolen: denique, cor tunc pectus ferire, & prominulum esse; cum erigitur sursum, & in se contrahitur.

Nec de altera controversia (num sanguis scilicet nutriendo solum corpori inserviat?) hic anxie disputandi locus est. *Aristoteles* quidem, pluribus locis, sanguinem esse ultimum alimentum contendit; eidemque tota Medicorum schola suffragatur. Plurima tamen explicatu ardua, maleque cohaerentia, hanc illorum sententiam consequuntur. Cum enim Medici, in physiologicis suis, agunt de sanguine; atque hunc solum ejus usum & finem docent, ut alimentum corpori suppeditet; eum ex quatuor succis, sive humoribus componunt; argumentum ejus rei à quatuor primarum qualitatum combinationibus deducentes; ab praeinde asserunt, massam sanguinis, ex utraque bile, (flava nempe, & atra) pituita, & sanguine proprie dicto, componi. Ideoque quatuor humorum genera recensent: quorum, frigidus & humidus, pituita dicitur: frigidus & siccus, melancholia: validus & siccus, bilis: denique, calidus & humidus, sanguis nominatur. Porro, ex singulis eorum generibus, alios nutritios, (unde totum corpus consistit) excrementicios alios statuunt. Praeterea, ex nutritiis illis, (ceu partibus heterogeneis) sanguinem constare autumant. Ita tamen, ut pituita sit pars crudior, quam calor natus validior possit in sanguinem laudabilem convertere. Bilem vero similiter in sanguinem transire posse, negant; licet, sanguinem facile



in bilem ; atque hanc , in melancholiam . ( nempe à coloris concoquentis excessu ) mutari affirmant .

Quae si vera sunt , nullusque in iis regressus conceditur ; scilicet , de melancholia , in bilem , de bile , in sanguinem : oportet fateantur , dictos omnes succos esse in ordine ad melancholiam ; atque hanc esse principale , & maxime concoctum nutrimentum . Quin etiam duplicem sanguinem agnoscant , necesse est : nempe totam simul in venis massam , ex quatuor illis humoribus compositam ; & partem ejus puriorem , florentiorem , magisque spiritalem , quam strictiore sensu *sanguinem* nominant ; quamque aliqui in arteriis separatim contineri contendunt , ac proinde aliis usibus à reliquo separatim deputant . Ideoque ex eorum sententia , sanguis purus non est alimentum , sed commixti succi , sive potius melancholia , ad quam tandem reliqui humores pertendunt .

*Aristoteles* quoque , ut sanguinem alendi gratia institutum putavit ; ita eundem etiam , veluti è partibus , compositum censuit . Nempe ex crassiore , & atra , quae in fundum pelvis , inter concrescendum , subsidit ; eaque pars illi deterior habetur : *Sanguis enim* , inquit , *si integer est , rubet , & dulcis saporis est , sed , si vel natura , vel morbo sit vitiatum ; atrior cernitur .* Ex parte etiam fibrosa , sive fibris , constare voluit : *is*que dampnis , ( ait ) *sanguis neque concrescit , neque spissatur .* In sanguine praeterea saniem agnovit : *Sanies* , inquit , *sanguis incoctus est ; aut quia nondum percoctus , aut quod in feri modum dilutus fuerit .* Atque hunc frigidior esse , ait ; *fibris autem partem sanguinis terrenam esse statuit .*

Quapropter ( ex ejus sententia ) sanguis animalium varie discrepat : adeo ut quibusdam is sit serosior , tenuior , & quasi sanies , seu ichor ; ut insectis , & frigidioribus atque imperfectioribus animalibus : quibusdam vero crassior , fibrosior , & terrestrior ; ut apro , tauro , asino &c. nonnullis ( viciati scilicet temperamenti ) sanguis atrior : aliis au-

tem mundus, sincerus, & floridus, qualis in avibus, & homine praecipue conspicitur.

Unde constat, tum *Medicos*, tum *Aristotelem*, sanguinem ex partibus & differentiis quadantenus similibus constituere. *Medici* quidem humanum duntaxat sanguinem, eundemque per phlebotomiam in pelvim effusum, & coagulatum observant. *Aristoteles* vero cunctorum animalium sanguinem, aut ejus analogon, contemplatur. Ego autem, seposita omni controversia, omnisque incommodis, quae eorum sententiam sequuntur; ea solum, quae apud utrosque in confesso sunt, & sensu ipso evidenter dignoscuntur, atque in rem nostram luculenter faciunt, paucis expediam; prolixius de iisdem alibi tractaturus.

Quamquam sanguis (ut monui) pars corporis dicitur, eaque primogenita & principalis; tamen si secundum totam ejus massam (ut in venis se habet) consideretur; nil vetat, quo minus alimentum in se continere, & concoquere, partibusque omnibus apponere dicamus: eandemque rem ita sumptam tum alere, tum ali; materiam etiam corporis, & efficientem causam esse intelligamus: habereque eandem naturaliter constitutionem, quam *Aristoteles* in parte primogenita censuit necessariam; nempe, ut sanguis partim similis constitutionis sit, partim dissimularis: ait enim, *Cum propter sensum necessario efficitur, ut fiant membra similia in animalibus; & cum vis sentiendi, vis movendi, & vis nutriendi in eodem membro contineantur; (sc. primogenito) sit necessario, ut membrum (quod primum principia ejusmodi tenet) & simplex existat, ut omnium sensibilibus sit capax; & dissimulare, ut moveat & agat. Quamobrem, inquit, in sanguineo genere, cor tale habetur membrum; in exsanguis autem, proportionale.*

Si igitur per Cor, intelligit id, quod primum in ovo conspicitur; nempe, sanguinem, cum ejus conceptaculis, (vesiculis pulsantibus, & venis) tanquam unum idemque organum; id verissime ab eo dictum arbitror: sanguis enim,

ut

ut in ovo & vesicula cernitur, est partim similis partim dissimilis. Sin aliter intellexerit; quod in ovo visitur, eum facile redarguit: siquidem cordis substantia, absque sanguine considerata (nimirum, conus ejus, & ventriculorum parietes) multo post gignitur; & tantisper alba manet, citra sanguinis perfusionem, donec cor in formam organi fabricatum fuerit, quo sanguis per totum corpus distribuatur. Neque eo quidem tempore, cor similis simplicisve constitutionis apparet, (qualis partem primogenitam deceret) sed fibrosum, carnosum, sive musculosum conspicitur; & quidem (ut *Hippocrates* voluit) plane musculus, sive instrumentum motivum est. Sanguini vero (ut primum conspicitur, & vesicula comprehensus pulsatur) constitutio illa, quam *Aristoteles* parti principali necessariam judicavit, manifeste inest. Quippe sanguis, dum in corpore naturaliter se habet, similis ubique constitutionis apparet. Quamprimum autem extravasatur, caloremque nativum exiit, protinus, (ceu dissimilare quiddam) in diversas partes abit.

At vero, si sanguis (ex naturae instituto) corpori solum nutriendo destinaretur; non nisi similis constitutionis existeret; instar chyli, vel albuminis ovi; aut saltem ex dictis partibus, sive succis, mistum quid esset, & vere unum: quemadmodum reliqui humores, (bilis nempe utraque; & pituita) qui tales post obitum, etiam extra conceptacula sua, permanent; quales in vivo corpore conspiciantur: non autem adeo subito transmutaretur.

Quamobrem, quod *Aristoteles* parti principali attribuit, illud idem quoque sanguini proprium est. Hic enim, ut est naturale quid; heterogeneum, sive dissimilare existens; ex succis aut partibus illis componitur. Prout autem vivit, parsque animalis praecipua est, ex succis iis simul mistis constans; est pars similis animata, ex anima & corpore composita. Evanescente autem (ob extinctum calorem nativum) illa sanguinis anima, substantia hujus nativa illico corrumpitur, & dissolvitur in ea, ex quibus olim



constituebatur: primo sc. in cruorem, postea in partes rubras, & albas; partesque rubrae superiores, sunt floridiores; inferius autem sitae nigricant. Partes porro aliae fibrosae sunt, & densiores (reliquarum vinculum:) aliae ichorosae, & serosae, quibus coagulatus thrombus innatare solet. Atque in hoc serum sanguis tandem fere totus degenerat. Partes autem istae non insunt vivo sanguini, sed à morte solum corrupto, & jam dissoluto.

Praeter jam dictas vero partes, in calidioribus & robustis animalibus, veluti equis, bobus, & hominibus quoque vivida constitutione praeditis, alia sanguinis pars cernitur, quae in eo foras educto & grumescente, superiorem rubrarum partium locum occupans, condensatur; & gelatinam ex cornu cervino, seu mucaginem quandam, aut albumen ovi crassius plane refert. Vulgus eam pituitam esse, existimat: *Aristoteles* autem, partem sanguinis crudam & incoctam nominavit.

Observavi partem hanc, tum à reliquis discrepare, tum ab ipsa serosa portione (cui innatare cruor in pelvi coagulatus solet;) tum etiam ab urina; quae per renes è sanguine transcolatur. Neque enim crudior, & frigidior pars sanguinis aestimanda est, sed magis spiritalis; uti arbitror, duplici praecipue experimento motus: Primo, quod floridae & rutilanti parti (quam sanguinem arteriosum esse, vulgo existimant) tanquam calidior, & spiritu plenior, supernatet; locumque supremum in sanguinis disgregatione obtineat.

Deinde in venae sectione, sanguis huiusmodi profluens (qui plurimus abundat hominibus calidae temperaturae, robustis, & torosis) longiore filo impetuque vehementiore (tanquam de siphone elusus) exsilit: ideoque eum calidiorem, & spiritalem magis judicamus, quemadmodum & genitura foecundior, spiritibusque plenior aestimatur; quae longe, valideque ejicitur.

Differre quoque plurimum hanc mucaginem, ab ichorosa, & aquosa illa sanguinis parte, quae (ceu reliquis frigidior)

dior) in imam pelvim subsidit; duplici pariter argumento constat. Nam aquosa & saniosa pars, crudior magisque incoctus est, quam ut in puriorem & perfectiorem sanguinem transire possit. Simul etiam crassior & fibrosior mucago, ipsi sanguinis grumo supernatans, eodem magis cocta & elaborata apparet. Adeoque in solutione sive partitione sanguinis evenit, ut mucago haec locum supremum; sanies, infimum; grumus autem, partesque rubrae, (tam rutilantior, quam nigrior) spatium medium occupent.

Quin certum est, non modo partem illam, sed & universum sanguinem, imo vero carnem ipsam (ut in iis, qui è patibulo pendent, observare licet) in saniem ichorosam corrumpi posse. Resolvuntur nempe in materiam, unde primo componebantur, ut sal in lixivium, unde ortus est. Similiter in omni cachexia, sanguis emissus copioso sero abundat: adeo, ut interdum vix quicquam grumosi appareat, sed omnis sanguis una sanies videatur: sicut in leucophlegmatia experimur, & animalibus exsanguibus naturale est.

Si etiam, paulo post sumptum cibum, ac potum; (antequam secunda coctio absoluta fuerit, & serum per renes descenderit) aut sub primos febrium intermittentium insultus, sanguinem eduxeris; saniosum eum, incoctum, plurimoque sero scatentem reperies. Contra autem, si post jejunium, aut urinae profluvium, vel sudorem copiosum, venam aperueris; sanguinem crassum (utpote sero privatum) totumque fere in grumum condensatum cernes.

Et quemadmodum, crudefcente sanguine, parum admodum istiusmodi mucaginis supernatantis reperitur; ita, si saniem illam à grumo separatam, & effusam leni fcco decoxeris; eandem brevi in mucaginem hanc mutatum iri conspicias. Indicio manifesto, aquam illam, sive saniem à sanguine in pelvi separatam, urinae forsan materiam aliquam, non autem urinam ipsam esse; licet colore & consistentia talis videatur. Quippe urina coctione non densatur

tur in fibrosam mucaginem, sed potius in lixivium: aquosa autem, sive saniosa haec pars aliquandiu leviter cocta, in mucaginem innatantem abit: quemadmodum, vice versa, mucago istaec corruptione recrudescent, in saniem colli- quatione revertitur.

Atque haecenus quidem hanc sanguinis partem, à me observatam, in scenam produxi; de eadem postea (ut & aliis ejus partibus ad sensum apparentibus, *Aristotelisque* & Medicorum autoritate confirmatis) uberius dicturus.

De part.  
an. l. 2. c. 3.

Hic, ne à proposito longius aberrem, sanguinem (cum *Aristotele*) accipiendum censeo; non ut simpliciter intelligitur, & *crur* dicitur; sed ut corporis animalis pars vivens est: Ita enim Philosophus: *Sanguis est calidus, quasi aquam ferventem nomine uno significemus, non vero ut subiectum calidum. Caliditas enim in ejus ratione inest, quemadmodum albedo in albi hominis ratione. At eo, quia sanguis per affectionem sive passionem est, non per se calidus est. Pari modo de sicco & humido statuendum est. Quapropter in ejusmodi rerum natura, partim calida & humida sunt, sed separata congelascunt, & frigida esse videntur; qualis est sanguis.*

Sanguis igitur, prout est corporis pars vivens, ambiguae naturae est, & duobus modis considerandus venit. Adeoque *materialiter*, & per se, nutrimentum dicitur: *formaliter* vero, & quatenus calore, & spiritibus (immediatis animae instrumentis) ipsaque anima praeditus est; corporis lar, ac conservator, pars principalis, primogenita, & genitalis aestimandus est. Et quemadmodum ovum prolificum, materia, instrumentum, atque opifex pulli existit; Medicique omnes, utriusque sexus genituram protinus à coitu in utero mistam, causam foetus tum materialem, tum efficientem existimant; ita meliore jure quis affirmaverit, sanguinem esse corporis materiam pariter & conservatorem, non autem solum alimentum. Quippe notum est, in animalibus, fame enectis; & hominibus quoque, qui tabidi intereunt; plurimum sangui-



nis, etiam post obitum, in vasis supereffe. Quinetiam adolescentes, qui augentur; & senes, qui jam decrefcunt, & minuuntur, proportionalem fanguinis quantitatem obtinent: prout nempe caro illis vel aucta, vel diminuta fuerit. Quafi fanguis pars corporis fit, non autem huic nutriendo folum deftinetur. Enimvero, fi huic duntaxat ufui inferviret, nemo fame periret, quandiu fanguinis quicquam in venis reliquum haberet: quemadmodum & lucernae flammula non exinguitur, quamdiu inflammabilis olei in ea vel minimum fuppetit.

Dum autem affero, animam primo ac principaliter in fanguine refidere: nollem hinc perperam concludi, omnem phlebotomiam effe periculofam, aut noxiam: vel cum vulgo, credi; quantum fanguinis detrahitur, tantundem fimul vitae decedere; quod facrae paginae, vitam in fanguine conftituerint. Quotidiana enim experientia notum eft, fanguinis miffionem effe plurimorum morborum falutare auxilium, & inter remedia univerfalia praecipuum: utpote cujus vitium, vel abundantia, maximam morborum catervam conftituat; & opportuna evacuatio, à morbis periculofiffimis, morteque adeo ipfa faepe liberet. Quantum enim fanguinis ex arte detrahitur, tantundem vitae ac falutis additur.

Id ipfum nos Natura docuit, quam Medici fibi imitandam proponunt: haec enim, larga & critica evacuatione per nares, menftrua, aut haemorrhoidas, affectus faepe graviffimos tollit. Ideoque adolescentes, qui pleniore victu utuntur, vitamque in otio tranfigunt, nifi circa decimum octavum, aut vicesimum aetatis annum (quo tempore fanguinis copia, una cum corporis incremento accumulari folet) aut fpontaneo per nares, vel loca inferiora effluvio; aut aperta vena, à fanguinis onere liberentur; plerunque febribus, variolis, capitis doloribus; aliisque morbis & fymptomatis gravioribus periculofiffime aegrotant. Quod refpicientes *Veterinarii*, omnem fere jumentorum medelam à venae fectione aufpiciantur.

QUAENAM COLLIGENDA VENIANT, EX  
DUCTU VENARUM UMBILICALIUM  
IN OVO.

EXERCITATIO LIII.

**S**anguinem in ovo, & conceptu, ante alia factum cernimus: eodemque fere tempore, receptacula ejus, venae scil. & vesicula pulsans, manifeste apparent. Ideoque si punctum saliens, una cum sanguine & venis, tanquam unum idemque instrumentum, in primo foetus exordio conspicuum, pro corde accipiamus, (cujus parenchyma postmodum, in formatione foetus, vesiculae superoritur) manifestum est, cor in animalibus hoc modo acceptum, (nempe *organum* ex parenchymate, ventriculis, auriculis, vasis, sanguineque compositum) esse revera (ut *Aristoteles* voluit) partem corporis principalem & primogenitam: cujus tamen pars prima & praecipua sit sanguis; idque tum natura, tum generationis ordine.

Partes in generatione sanguini proximae, sunt venae: sanguis enim necessario in vasis continetur. Ac propterea (ut *Arist.* observavit) *meatus duo venales* statim ab initio reperiuntur; qui postea (ut in *historia* docuimus) umbilicalia vasa constituunt.

Ex horum itaque situ, ductuque, quaedam animadvertenda veniunt. Ac primo quidem, Venas & arterias omnes à corde ortum ducere: sunt enim quasi cordis appendices, aut partes quaedam. Si igitur foetum (humanum, aut alium aliquem) nuperrime natum diligenter inspexeris, dissectaque vena cava inter auriculam dextram cordis & diaphragma, deorsum versus contemplatus fueris; comperies tria foramina; quorum maximum, & posterius ad spinam tendens, est venae cavae descendens; anterius, & minus, in radicem ac truncum vasorum umbilicalium fertur; tertium, & minimum, jecur ingre-

ditur, estque ramulorum omnium in gibbum hepatis sparsorum origo, & truncus. Unde aperte constat, venas è jecore (ut plurimi volunt) tanquam principio, nequaquam proficisci; sed à corde: nisi quis obstinate affirmare velit, truncum venae ab aliquo suo ramulo, non autem ramos à trunco ortum ducere.

Porro, cum dicta vasa in ovo, in albumen pariter ac vitellum spargantur, (non aliter, quam plantae radices in terram solent;) constat, utrumque hunc liquorem, pro nutrimento foetui esse; eundemque per vasa illa ad hunc deferri: Idque contra *Aristotelem*, qui passim asserit, *pul- lum ex luteo solum per umbilicum cibum petere, constitui vero ex albumine*. Absumitur equidem primo albumen; & vitellus sero tandem pro cibo est, lactisque vicem in jam nativis animalibus supplet. Nempe ut, quale alimentum Natura in viviparis animalibus per ubera porrigit; tale in oviparis per vitellum exhibeat. Quare accidit, ut omni albumine absumpto, vitellus fere integer in ovo supersit, perfecto jam & consummato pullo; diuque etiam post ejus exclusionem.

*Aristoteles* quidem *decimo post nativitatem die*, aliquid vitelli superesse reperit: nos autem, etiam *post sex septimanas*, nonnihil ejus, in ventre pulli, intestino affixum vidimus.

Tamen ex vitello intra pulli abdomen recepto; (qui, dum foetus formatur & augetur, non aequè, ac albumen, decrescit; sed fere integer permanet, absumpto jam utroque albumine) & venarum per ipsius vitelli substantiam distributione; quae omnes in unum truncum collectae, in venam Portae perforantur; pleniorisque in jecore coctionis gratia, partem vitelli, quam absorbent, eo deferunt: his, inquam, aliisque similibus argumentis ductus; non possum non cum *Aristotele* fateri, vitellum pullo in cibum cedere, lactique analogon esse.

Non integer quidem vitellus post consummatum foetum superest; nam portio illius quaedam in prima pulli con-

De hist.  
an. l. 6. c.  
3. De gen.  
an. l. 3. c.  
1. & 3.



formatione eliquatur, venarumque propagines (non minus, quam albumen) recipit, per quas, jam praeparatus, foetui in nutrimentum cedit: certum tamen est, maximam illius partem absumpto jam albumine superstitem esse; eamque in ventrem pulli modo exclusi receptam, & à ramulis venae Portae attractam, tandem in jecur deferri.

Manifestum igitur est, pullum jam exclusum, (dum adhuc tenellus est) vitello nutriri. Et quemadmodum is intra ovum, partim ab albumine, partim ex vitello alitur; praecipue vero ab albuminibus, quae & majore copia adsunt, & citius absumuntur: ita similiter jam exclusus (cui omne adveniens alimentum jecur pertransit, & ibidem ulterius praeparatur) partim vitello, partim chylo ex intestinis hausto, nutritur; praesertim autem chylo, quem plures venarum mesaraicarum ramuli ad se rapiunt; cum in vitellum una solum Portae propago distribuatur, & jam parva ejus copia superfit. Facit scilicet natura, quod nutrices solent; quae sensim infantes suos ab lactaturae, cibaria iis interdum exhibent; quo lactis postea indigentiam facilius tolerant. Ita similiter pullus, ab alimento facilioris digestionis, ad id, quod concoctu magis difficile est (nempe à vitello, ad chylum) paulatim deducitur.

Quapropter summa ratione fit, quod ex venarum ductu in ovo percipimus. Quamprimum enim pullus inchoatur, venae solummodo in *colliquamentum* distribuuntur: quo sanguis enutritus & auctus, corpus sibi educandum adjungit. Postea autem in albumen tenuius extenduntur; unde pullus (dum adhuc gelatinam, sive mucaginem, & *galbam* refert) incrementum sumit; deinde, in albumen crassius: mox etiam in vitellum venarum ramuli porriguntur, ut eo etiam nutriatur foetus; qui denique, tenellus etiamnum existens, partim vitello (ceu lacte) intra abdomen recondito; partim pabulo, matris opera comparato praeparatoque alitur; donec ipsemet cibum idoneum quaerere, & concoquere valeat. Adeo per totam generationis seriem,

riem, nascituro foetui, vario alimento, variis digestivae facultatis viribus respondente, Natura sapientissime consuevit. Teneriori nempe pullo, alimentum delicatius praeparatur: grandiori jam facto, firmior victus conceditur: mox autem, cum solidiori pabulo conficiendo sufficit, duriora ei cibaria offeruntur. Ideoque factum arbitror, ut perfecta ova non modo bicolora, sed etiam duplici albumine instructa sint.

Quod nos per rei ipsius experientiam invenimus, id etiam *Aristotelis* sententiae congruit, ubi ait: *Pars ejus quae calida est, propius ad formam in membris instituendis accedit; quae autem terrestrior est, corporis constitutionem praebet, & remotior est.* *Quamobrem in bicoloribus ovis, animal initium suae generationis à candido sumit, (initium enim animale in calido est) cibum à luteo cupit. Calidioribus itaque animalibus seorsum ista habentur distincta.* Nempe, ex quo principium ortus, & ex quo alimentum; atque alterum candidum, alterum luteum est. De Gen. an. l. 3. c. 1.

Ex dictis patet, pullum, (idque postea de omni pariter conceptu demonstrabimus) ut ab insito ovi principio, sive anima, oritur & efformatur; ita quoque victum sibi in ovo quaerere. Quare matre illi non est opus; ut plantis, terra. Nec magis verum est, eum materno sanguine nutriri, aut spiritibus matris vivere, & cor pulli interea feriari; quam, eundem, maternis organis sentire, ac moveri; aut ejus anima vegetari, & adolescere. Sed manifesto liquet, & ab omnibus conceditur, foetum ali per vasa umbilicalia; meatusque venales in albumen & vitellum disseminatos, ex his nutrimentum haurire, quod foetui impertiant. Constat etiam, pullo jam excluso alimentum suppeditari, partim à vitello, & partim à chylo; & utrumque per eandem venam Portae in jecur transire; licet per diversos ejus ramulos id contingat.

Apertum itaque est, (ut id nunc obiter dicam) chylum, quo cuncta animalia nutriuntur, ex intestinis per venas mesaraicas deferri; nec opus esse, ut novum iter

(*venas lacteas* scilicet) inquiramus, aliumve transitum in adultis comminiscamur, praeter eum, quem in ovo & pullo compertum habemus. Opinionis autem hujus incommoda, alibi uberius indicavimus.

Denique, ex constitutione vasorum umbilicalium in ovo, (quorum alia, venas; alia, arterias esse, in historia diximus) colligere licet, *dari motum sanguinis circularem*, (qualem jampridem, in libello nostro, *de motu sanguinis in animalibus*, demonstravimus:) idque vegetandi, nutriendi, atque augendi gratia: ac propterea, venas quidem umbilicales in utrumque ovi liquorem disseminari, ut inde foetui alimoniam apportent; arterias vero etiam ad eosdem pertendere, ut caloris jugi affluentia alimentum concoquant, colligent, & nutritioni idoneum redant.

Atque inde evenit; ut, quocunque venae (eodem nomine, *arteria* quoque hic intelligendae sunt) in albumen, aut vitellum pertigerint; partes illae colliquatae, diversaeque à reliquis facile appareant. Quamprimum enim venarum ramuli expullulant, pars albuminis superior sive exterior (cui implantantur) in colliquamentum abiens translucet; pars autem inferior, crassa & compacta manens, in imum ovi angulum detruditur. Similiter vitelli quasi binae partes (superior, & inferior) apparent; nec minus ab invicem discrepant, quam cera liquata, à non liquata, sive ea, quae consistentiam pristinam servat; nimirum, pars illa, quae venas accepit; ab altera, quae nullis adhuc fruitur.

Hinc porro de animalis exordio, primoque inhaerente ovi principio, facti sumus certiores. Quippe manifeste constat, *cicatriculam*, sive maculam, particulam esse ovi principalem, ad quam reliquae omnes referendae sint; cuique (si ulli, prae caeteris) debeatur, quicquid demum id fuerit, quod ovum foecundum reddit: pullique generationem ab eadem primum inchoari. Ideoque, (ut diximus statim) à gallinae incubatione, *cicatricula* primo omnium



omnium dilatatur, augetur, & *colliquamentum* constituit; in quo protinus sanguis emicat, venae sparguntur, caloris nativi effectus, formantisque opificis opera elucescunt: quantoque altius venarum illarum ramusculi diffunduntur, tanto quoque latius vitalis facultatis indicia propagantur, animaeque vegetativae praesentia dignoscitur. Enimvero effectus omnis, efficientis sui clarum indicium est.

Verbo dicam: ex *cicatricula* (in qua primum caloris nativi veltigium cernitur) tora generatio; ex *corde*, totus pullus; & ex *vasis umbilicalibus*, membranae omnes foetum involventes (quas secundinas nominamus) dependent. Ideoque concludimus, Foetus partes invicem subordinatas esse, vitamque primum à corde mutuari.

## DE ORDINE PARTIUM IN GENERATIONE EX OVO, SECUNDUM FABRICIUM.

### EXERCITATIO LIV.

Constituto jam, quaenam pars prima habenda sit; sanguis scilicet, cum receptaculis suis, corde, venis, & arteriis; sequitur, de reliquis corporis partibus, quo ordine, quaeque generetur, jam dicamus.

*Fabricius* (cujus vestigia, in generatione pulli, sequi instituimus) priusquam partium ordinem aggreditur, actiones, quae in ovo conspiciuntur, & quarum opera partes proveniunt, recenset, earundemque facultates ordine commemorat: quasi ex illis de partium quoque generationis ordine clarius constet. Tres, inquit, *primum actiones sunt, quae in ovo avi supposito apparent. Prima est, pulli generatio; secunda, ejusdem accretio; tertia nutritio nuncupatur. Prima. i. e. generatio, propria est ovi actio: secunda, & tertia (videlicet accretio & nutritio) majore ex parte extra ovum succedunt; tamen in ovo inchoantur, & quoque perficiuntur. Quae actiones, sicuti à tribus facultatibus dimanant, generatrice,*

trice, auatrice, & nutritoria; sic eas tria opera facta consequuntur. Ex generatione enim omnes pulli partes resultant; ex accretione, & nutritione, auctum & nutritum pulli corpus. De pulli generatione prius agentes, scire licet, ope generatricis facultatis, pulli partes, ( quae prius non erant ) produci, atque ita ovum in pulli corpus migrare. Dum autem quaevis pars in alteram commigrat, illam propriae essentiae commutationem subire necessarium est; (alioquin eadem substantia maneret;) simulque eandem, in aptam & convenientem naturae suae figuram, situm, & magnitudinem conformari est necesse: hisque duabus absolvitur procreatio substantiae, commutatione, & conformatione. Immutatrix igitur, & formatrix facultas, harum functionum causae erunt. Una, unamquamque corporis partem, qualem cernimus, ex ovi chalaza produxit; altera, figuram illi, compagemque, situm propriis usibus idoneum contulit. Prima, quae immutatrix, sive alteratrix appellatur facultas, tota naturalis est, & sine ulla cognitione agit; & calido, frigido, humido, & sicco assumpto, totam per totam chalazae substantiam alterat, & alterando in pulli partes immutat; hoc est, in carnem, ossa, cartilaginem, ligamenta, venas, arterias, nervos, caeterasque in animali, aut pullo partes omnes similes; ac simplices convertit; easque ex proprio, ingenitoque calore, & spiritu galli semen ex ovo, ( i. e. chalaza ) alterando, & commutando generat, creat, producitque; propriam substantiam, substantiaeque proprietatem cuique impertiens. Altera, quae formatrix dicitur, quaeque similes partes dissimiles efficit ( iis scilicet ornatum ex apta figura, iusta magnitudine, idoneo situ, & congruo numero conferens ) jam proposita longe nobilior est, & summa sapientia praedita, non naturaliter, sed cum electione, & cognitione, atque intellectu agit. Videtur siquidem formatrix facultas exactam habere cognitionem, & providentiam, tum futurae actionis, tum usus cuiusque partis & organi. Atque haec de prima ovi actione, quae est pulli generatio; ad quam celebrandam, & galli semen agens, & foecundans, & chalaza, tanquam materia, substituta est. Secundo loco accretio insurgit, quae nutritione exple-

pletur ; *cujus facultates sunt , attrahitrix , retentrix , concoctrix , & expultrix ; denique , quae apponit , agglutinat , & tandem nutrimentum assimilat.*

Hanc autem actionum distributionem , nec rectam , nec utilem , neque huic loco accommodam censeo. Non rectam quidem ; quia actiones illae , quas videtur specie , ac tempore , distinctas voluisse , ( nempe , ut partes primo fiant similes , ab alteratrice facultate ; postea formentur , & organizentur à formatrice ; deinde augeantur ab auctrice ) in generatione pulli , nuspiam comparent : partes enim omnes simul generantur , distinguuntur , & augentur. Nam licet aliter fiat , in eorum animalium generatione , quae per *metamorphosin* constituuntur , ubi ex materia prius existente , satisque aucta , & praeparata , partes omnes per transformationem discernuntur , & delineantur ( veluti , cum ex eruca fit papilio ; ex necydalo , bombyx : ) in generatione tamen per *epigenesin* , res longe aliter se habet ; neque idem fit , quod in nutritione , quae diversarum partium , operae societate invicem opitulantium , diversis actionibus peragitur : ubi nempe , alimentum prius attrahitur , & retinetur ; postea concoquitur ; mox distribuitur ; tandemque agglutinatur. Nec *similaris constitutio* fit à facultate *immutatrice* , citra omnem providentiam ( ut *Fabricius* censuit ; ) *organica* autem , à *formatrice* , quae cognitione & providentia utatur. Quippe generatio , & accretio , non fiunt absque nutritione ; nec nutritio , aut augmentatio , sine generatione. *Nutrire* enim , est substituere in locum deperditi , quantum & quale amissum est : nimirum carnem , aut nervum , in locum illius carnis , aut nervi , qui perierit. Quid autem id aliud est , quam carnem aut nervum facere ? Similiter , *accretio* non contingit sine generatione : corpora enim omnia naturalia , accedentibus noviter iis partibus , augentur ; è quibus antea constabant : idque fit secundum omnes dimensiones ; adeoque simul accrescunt , distinguuntur una , & organizantur.



At vero generare pullum, nil aliud est, quam singulas ejus partes, membra, atque organa fabricare: quae licet ordine producantur, aliaque aliis (organa scilicet minus principalia, magis principalibus) postgenita sint; dum ipsa tamen organa distinguuntur, non eo ordine generatio illorum procedit, ut partes similes primum fiant, atque organicae postea ex iisdem componantur; sive, ut partes componentes prius exsint, quam compositum ex iis extruatur. Quamquam enim pulli caput, & reliqua ejus corporatura (similis primum constitutionis cum sint) mucum, sive gluten quoddam molle referunt, unde postea singulae ordine partes efformantur; eadem tamen opera, atque ab eodem opifice, fiant simul, & augmentur; & prout creverit illud glutini simile, partes pariter distinguuntur. Simul nempe generantur, immutantur, & formantur; similes una existunt, & dissimiles; & ex parvo similari, fit organum magnum. Non alio sane modo, atque ordine, quam ex culmo, spica, aristae, & granula oriuntur, & distinguuntur; quamve arbores, dum gemmulas protrudunt; ex iisdem flores, frondes, fructus, ac tandem semina explicant, & producant.

Id nos docuit diligens ovi observatio, ex rebus in eo conspicuis. Siquidem ex operibus, actiones sive operationes ipsae dignoscuntur; ex operationibus, facultates; & ex his, opifex sive generans nobis innotescunt. Quare in generatione pulli, actiones sive facultates generantis, (quas *Fabricius* memorat; nempe, immutatrix, & formatrix) non differunt specie, aut secundum prius & posterius; sed (ut *Arist.* loqui solet) *ipso esse*, & ratione solum; non ut, post ortum, nutritivae facultatis actionibus contingit, attractioni nimirum, coctioni, distributioni, & appositioni) quae variis locis, & temporibus munia sua exequentur. Alias enim generatrix ipsa diversis quoque instrumentis uti, ad varias suas operationes obeundas, cogereetur.

Quare perperam *Fabricius* asserit, *Immutatricem* facultatem,

tem, virtutibus elementorum, calido nempe, frigido, humido, & sicco (tanquam instrumentis,) operari: *formatricem* vero sine his, ac diviniore quodammodo agere; quasi scilicet cogitatione, electione, ac providentia pensum suum absolveret. Rem enim si penitius introspexisset; vidisset, tam *formatricem*, quam *alteratricem* facultatem, calido, frigido, humido, & sicco (tanquam instrumentis) uti: nec minus divini numinis, atque artificii, in *nutritione* & *immutatione* deprehendisset, quam in ipsius *formatricis* operationibus. Quippe natura omnes istas facultates in finem aliquem instituit; & ubique cum providentia & intellectu operatur. Quicquid est in semine plantarum, quod ipsum foecundum reddit, & plasticam vim in eo exercet; quodque in ovo peritissimi opificis vicem gerit; pulli partes producit, fabricat; calefaciendo, refrigerando, humectando, siccando, concoquendo, condensando, indurando, emolliendo, colliquando, simul fingit, & auget; figura, situ, constitutione, temperie, numero, atque ordine distinguit; eadem istuc providentia, electione, & intelligentia (non minus immutando, quam nutriendo, augendo, & formando) omnia disponit, & exequitur.

Facultates, inquam, *coctrix*, & *immutatrix*; *nutrix*, & *auctrix*; (quas *Fabricius*, calido, frigido, humido, & sicco duntaxat, sine ulla cognitione agere voluit) non minore artificio, nec minus in destinatum finem operantur; quam *formatrix* facultas; quam ille *futurae actionis*, ususque *cujuslibet partis* & *organi*, cognitionem & providentiam habere asserit. Quemadmodum ars medica, *pistoria*, & *coquinaria* (quae calidis, frigidis, humidis, & siccis; similibusque naturalibus instrumentis utuntur) non minus rationis usum postulant; quam artes mechanicæ, quae vel manibus laborant, (ut fabrilis, statuaria, & figularis) vel instrumentis aliis artificialibus operantur. Quin etiam, ut in mundo majore, *Jovis omnia plena* nobis dicuntur; ita pariter in pulli corpusculo, singulisque levis actionibus &

operationibus , digitus Dei , sive Naturae numen elucescit.

Quamobrem , si ex *operationibus* fas est de *facultatibus* iudicium ferre ; *vegetativae* operationes potius videntur arte , electione , & providentia institui ; quam animae rationalis , mentisve actiones : idque etiam in homine perfectissimo ; cujus scientiae atque intellectus summa perfectio , in eo potissimum ( *Apollinis* iudicio ) consistit , ut *noscat se ipsum*.

Superior itaque , ut diximus , & divinior opifex ( quam est homo ) videtur hominem fabricare , & conservare : & nobilior artifex ( quam gallus ) pullum ex ovo producere. Nempe , agnoscimus Deum , creatorem summum atque omnipotentem , in cunctorum animalium fabrica ubique praesentem esse ; & in operibus suis quasi digito monstrari : cujus , in procreatione pulli instrumenta sint , gallus & gallina. Constat quippe in generatione pulli ex ovo , omnia singulari providentia , sapientia divina , artificioque admirabili , & incomprehensibili , exstructa ac efformata esse. Nec cuiquam sane haec attributa conveniunt , nisi omnipotenti rerum principio ; quocunque demum nomine id ipsum appellare libuerit : sive , *mentem divinam* , cum *Aristotele* ; sive , cum *Platone* , *animam mundi* ; aut , cum aliis , naturam naturantem ; vel , cum Ethnicis , *Saturnum* , aut *Jovem* ; vel potius ( ut nos decet ) *Creatorem* , ac *Patrem* omnium quae in coelis & terris ; à quo animalia , eorumque origines dependent ; cuiusque nutu , sive effato , fiunt & generantur omnia.

Porro ( ut monui ) hanc actionum sive facultatum animae distributionem ( quam *Fabricius* generationis partium ordini praemisit ) uti haud *rectam* , ita neque *utilem* , aut negotio huic nostro *convenientem* arbitror. Neque enim ex actionum aut facultatum notitia , ad operum earum cognitionem devenimus : sed vice versa potius , ab operibus , ad facultatum scientiam ascendimus , opera enim notiora nobis sunt , quam facultates , unde proveniunt : & partes ( quas



( quas jam factas cernimus ) in generatione facilius innotescunt , quam actiones , à quibus oriuntur.

Nec commode etiam , in particulari pulli ex ovo generatione , ea pensitanda aut determinanda veniunt ; quae universalem cunctorum animalium generationis observationem postulant. De hac re autem postea plussculum dicetur.

Interea vero , ut ad partium generationis ordinem accedamus , *supereſt* ( ait *Fabricius* ) *contemplemur* , & *perpendamus* , quo ordine , hoc est , quae prius , quaeve posterius partes & organa in ovo gignantur. In cujus indagine , duo ponenda fundamenta sunt : alterum , à corpore ; alterum , à re incorporea desumptum : ut puta , à natura , & ab anima. Corporeum fundamentum appello ( inquit ) quod à natura corporis dependet , & fluit : & ab artefactis facile exemplum desumitur : Sicuti enim quodcunque aedificium , prius fundamenta requirit , super quae universum aedificium ponatur , ut sustentetur : inde parietes eriguntur , à quibus & pavimenta , & tecta sustineantur ; tum vero supellex , & caetera domus ornamenta iis appenduntur , ac stabiliuntur ; ita profecto natura fabricam animalis molitur. Ossa enim tanquam fundamenta , primum constituit , ut iis omnes corporis partes adnascantur<sup>1</sup> , appendantur ; ac stabiliantur. Quae etiam alio nomine prius formantur , & constituuntur. Nam cum ossa ex mollissima & membranea substantia primam suam habeant originem , & paulo post durissima fiant ; ideo multum temporis poni oportet in generatione ossis , ut os durissimum efficiatur ; ideoque prius gignitur. Hinc *Galenus* non cuicunque artificio animalis fabricam comparat , sed maxime navigio. Inquit enim , sicuti navigii fundamentum & principium carina est , ex qua costae hinc inde in circulum recurvatae , & instar cratis modice inter se distantes porriguntur , ut universa navigii fabrica ex carina , tanquam ex congruo supposito principio , postea consummetur ; sic in animalis fabrica , natura per spinam porrectam , & costas circumductas , quasi carinam , & fabricae principium congruum constitutum totam deinde componit , & perficit molem.

Pag. 43.

Verum, hæc aliter longe se habere; experientia docet; qua constat ossa potius ultimo tandem fieri. Quippe artuum ossa; calvaria; & dentes; non prius nascuntur, quam cerebrum, & muscoli, aliaeque partes carnosae: sed post nativitatem, tenellis, & perfectis alias foetibus, cartilaginee duntaxat, aut membranæ sunt; quæ postea, temporis tractu, in ossa evadunt: uti ex infantium calvaria apparet, & embryonum costis, ac juncturis.

Et licet verum sit, primum corporis rudimentum, instar carinae recurvæ, cerni; mollis tamen, mucosa, & glutinosa substantia est, nulloque modo ossis naturam, constitutionem, aut officium refert. Quemadmodum & globuli inde penduli (capitis partibus destinati) nihil in se habent solidi; sed sunt duntaxat vesiculæ aqua limpida plenae, quæ postea in cerebrum, cerebellum, & oculos efformantur; tandemque calvariam induunt: postquam scilicet rostrum, atque ungues, soliditatem ac duritiem acquisiverint.

Quare supina, & iniqua est hæc *Fabricii* contemplatio; dum non pensitat, quid à natura in generationis ordine factum sit; sed potius, quid, ad mentem ipsius, à natura fieri debuerit: allata ad eam rem, ab ædificio arte factæ similitudine. Quasi vero natura artem imitetur, & non potius ars naturam. Cujus rei memor, ipsemet postea ait: *Satius fuerit dicere, artem ab ipsa natura didicisse, & ipsam fuisse imitatam: quoniam, uti dicit ubique Galenus, natura & antiquior, & in operibus suis magis sapiens, quam ars.*

Et quanquam ossa, totius corporis fundamenta sunt, sine quibus nec stare, nec moveri ipsam possit: sufficit tamen, si simul cum iis partibus existent, quæ ipsis innuntur. Illis enim (quæ stabilienda sunt) nondum existentibus, frustra parantur stabilimina. Natura autem nihil agit temere; nec partes constituit, antequam earum usus ullus sit. Sed animalia omnia partes suas continent, simul

ac earum actiones, & usus requiruntur. Ideoque primum hoc *Fabricii* fundamentum, observationibus ipsius in ovo, & *Galenii* similitudine innixum, plane evertitur.

Videtur propius ad veritatem collimasse, ubi ait: *Alterum fundamentum partium prius & posterius generandarum* Ibid.  
sumitur à natura, hoc est, ab anima; à qua animalis corpus regitur, ac gubernatur. Si enim duo sunt gradus animae, vegetalis, & sensitivus, vegetalisque est tempore, & natura prior, cum ipsis plantis sit communis: omnino organa vegetali deservientia, prius generanda conformandaque sunt, quam quae sensitivae & motivae facultati accommodantur; praecipue autem principalia, & quae rationem obtinent gubernantis. Sunt autem haec organa potissimum duo, jecur, & cor: jecur quidem, tanquam sedes concupiscibilis, seu vegetalis, seu nutritoriae: cor autem, tanquam organum, quod suo calore, & vegetalem, & quamcunque aliam facultatem vegetat, & perficit; ideoque cum vegetali societatem, & nexum validum, habet. Unde si in supposito ovo, post tres dies videas ea parte, qua pulvis gignitur, cor palpitare, (ut *Arist.* quoque testatur) non mireris, sed dicas, Cor ad vegetalem pertinere, & propterea primum generari. Rationi quoque consentaneum est, & jecur similiter una cum corde gigni, sed latere, quia non palpitat, ut cor. Nam & ipse *Arist.* jecur, & cor pari ratione in animali corpore constitui, asseverat; ita ut, si cor est; sit & jecur. Si igitur jecur, & cor primo generantur; consonum quoque est, & caetera organa his duobus deservientia, cum his similiter generari; ut ratione cordis, pulmones; & ratione jecoris, omnia fere membra quae in infimo ventre consistunt.

Haec vero longe aberrant ab ordine illo, quem in ovo conspiciamus. Neque enim verum est, jecur una cum corde gigni. Nec valet plasma, quod allinit: latere jecur, quia non palpitat. Nam & oculi, & vena cava, & carina, ab initio cernuntur, licet non palpitent. Quidni igitur jecur quoque, & pulmones (si tunc temporis adsint,) citra palpitationem conspiciantur? Quin etiam ipsemet, in figura



gura quarti diei, punctum exiguum in medio depinxit; cujus tamen palpitationem nullam indicavit; nec pro corde quidem agnovit, sed corporis rudimentum esse credidit. Quamobrem ex conjectura solum, & praeconcepta opinione de jecoris principatu loquutus est: quemadmodum & alii ( *Aldrovandus* scilicet & *Parisanus* ) qui cum forte in bina puncta incidissent, nec utrumque pulsare cernerent; alterum eorum pro corde; alterum pro jecore habuerunt. Quasi vero jecur pulset unquam! nam bina ista puncta, vesiculae pulsantes sunt; sibi quae invicem alternis contractionibus respondent: veluti in *historia* indicavimus.

Quare fallitur *Fabricius*, aut fallit; dum ait, in *prima statim pulli generatione*, jecur, cor, venas, arterias, pulmones, & omnia membra in infimo ventre contenta generari; item carinam, hoc est, caput cum oculis, ac tota spina, & thorace conformari. Nam cor, venae, & arteriae aliquamdiu ante carinam, perfecte distinguuntur ( & carina, ante oculos; oculique, rostrum, & latera, ante membra in imo ventre contenta: ventriculus quoque, & intestina, prius, quam jecur, aut pulmones discernuntur: aliaeque similiter in generatione, ordine eveniunt; de quibus mox dicemus,

Fallitur etiam, cum vegetalem animae partem, & naturam, priorem sensitiva ac motiva statuit. Quod enim natura prius est, id fere in generationis ordine posterius existit. Tempore quidem, vegetativa anima prior est: quippe sine illa, sensitiva anima esse non potest. Nequit enim actu existere, sine organis; cum sit *actus corporis organici*: sensitiva autem, & motiva organa, vegetativae opera sunt: estque anima sensitiva (antequam actu existit,) *trigonus in tetragono*. Natura vero, quod principale & nobilissimum est, id primario intendit: ideoque vegetativae potentia, naturae ordine, posterior est; utpote sensitivae ac motivae facultatibus observiens.

DE ORDINE PARTIUM IN GENERATIONE, EX SENTENTIA  
ARISTOTELIS.

EXERCITATIO LV.

**Q**Uae ad generationis ordinem spectare videntur, ex *Aristotele*, quidem haec sunt : Cum conceptus institutus <sup>De gen. animal. l. 2. c. 4.</sup> est, facit simile iis, quae seruntur. Principium enim primum semina quoque intra se continent : quod potentia primo contentum, ubi secretum mox est, germen mittit, & radicem, qua alimentum assumitur : incrementum enim desideratur. Sic in conceptu quodammodo, cum partes corporis omnes potentia insint, principium maxime promptum habetur.

Principium hoc in ovo (plantarum germi analogon) maculam, sive cicatriculam cum *Fabricio* nominavimus; eamque esse particulam principalem diximus, utpote in quo partes reliquae omnes potentia insint, & unde postea suo quaeque ordine oriantur. In illa nempe continetur id, (quicquid demum fuerit) quod ovum foecundum reddit: ibique facultatis formatricis operatio, & caloris vegetalis effectus primum cernitur.

Macula istaec (ut diximus) statim ab incubatione dilatatur, & in circulos dispersitur; in quorum centro punctum exiguum album (instar cicatriculae, in pupilla oculi,) sese exerit; ubi mox punctum rubrum pulsans cernitur, cum venarum sanguiferarum capillamentis: idque illico, quamprimum colliquamentum à nobis dictum, ex ea constitutum fuerit.

Quamobrem (addit *Aristoteles*) cor primum actu secernitur; <sup>Ibid.</sup> quod non modo sensu ita fieri constat, verum etiam ratione. Cum enim quod gignitur, de ambobus adjunctum jam est; se ipsum gerere, gubernare, & dispensare debet; perinde quasi filius à patre emancipatus, seorsumque collocatus. Itaque principium, idque intrinsecum haberi oportet, à quo etiam postea ordo mem-

De gen.  
animal.  
l. 2. c. 1.

brorum describatur, & quaecunque ad absolvendum animal pertinent, disponantur. Nam, si extrinsecus aliquando aderit, & post inesse incipiet; non solum dubitaveris, & quonam tempore accedat quaesieris; sed etiam cum pars quaevis distinguitur, id primum substare necesse est, ex quo & incrementum, & motus caeteris partibus contingat. Alibique asserit, principium illud primum, esse partem totius; & non adjunctum quippiam, quod seorsum ab eo contineatur. Etenim, inquit, generato jam animali, corrumpaturne illud, an maneat? At nihil inesse videtur, quod non totius pars sit, aut plantae, aut animalis. Quin etiam corrumpi, postquam vel omnes, vel aliquot partes effecit, absurdum est; quid enim efficiat reliquas? Quamobrem (porro ait) qui ita, ut Democritus, dicunt exteriora primum animalis discerni, tum interiora; quasi lapideum aut ligneum animal condant, non recte dicunt: res enim talis nullum in se principium habet. At animalia omnia habent, atque intra se continent. Quapropter cor primum distinctum in omnibus inspicitur animalibus, quae sanguinem habent. Id enim principium est & similarium, & dissimilarium partium. Jam enim principium id accepisse animalis, constitutique foetus decet cum alimentum desiderat.

Nat. qu.  
l. 3. c. 29.

Quibus clare patet, Aristotelem, in animalium generatione, ordinem quendam statuisse, & principium; cor nempe, quod (instar filii emancipati) sit pars animalis primogenita, & animata, in ipso contenta, & permanens; unde non solum ordo membrorum describatur, sed animal ipsum conservetur, & dependeat; victumque ac vitam continue accipiat; indeque, quicquid perficiendo animali est necessarium, derivetur. Nam (ut ait Seneca) in semine omnis futuri ratio hominis comprehensa est. Et legem barbarae, & canorum, nondum natus infans habet. Totius enim corporis, & sequentis aetatis, in parvo, occultoque lineamenta sunt.

Num cor autem sit haec pars primogenita, necne; superius à nobis determinatum est. Nimirum, si Aristotelis dictum de illa parte, intelligatur, quae (in dissectionibus ani-



animalium ) prae caeteris , sensu constare percipitur ; ( scilicet de puncto saliente , una cum venulis sanguine re- fertis ) nos ejus libenter amplexamur sententiam. Credi- mus enim , sanguinem una cum vasis , & organis ; venis nempe umbilicalibus , ( quibus , ceu radicibus , alimentum attrahitur , ) & vesiculis pulsantibus , ( quibus ad vitam , & incrementum partium distribuitur ; ) ante alia omnia con- De gen.  
stitui. Quippe ( ut *Arist.* ait ) eadem materia est , ex qua an. l. 2. c. 3.  
augetur aliquid , & ex qua constituitur primum.

Plurimum vero hallucinantur , qui diversas corporis par- tes diversa pariter materia nutriri autumant. Quasi nutri- tio nil aliud esset , quam alimenti idonei selectio & attra- ctio : nulla autem requireretur in partibus singulis nutrien- dis concoctio , assimilatio , appositio , & transmutatio. Quae olim erat sententia *Anaxagorae* ,

*Principium rerum qui dixit homaeomeriam :*

*Ossa videlicet è paucillis atque minutis*

*Ossibus ; sic & de paucillis atque minutis*

*Visceribus , viscus gigni ; sanguenque creari ,*

*Sanguinis inter se multis coeuntibus guttis.*

*Lucret.*

*l. 1.*

Verissime autem *Aristoteles* : *Distinctio partium non , ut* Loco ci-  
*quidam opinantur , propterea fit , quia simile suapte natura ad* tato.  
*simile fertur : nam praeter alias multas quas ratio ista habet dif-*  
*ficultates , accidet , ut quaevis pars similis seorsum creetur.*  
*Verbi gratia , ossa per se , & nervi , & carnes ; si quis eam*  
*causam approbet. At vero alimentum omnium partium*  
*commune est , & simile , quale in ovo albumen cerni-*  
*tur ; non autem heterogeneum , & ex diversis partibus*  
*compositum. Ideoque , quod diximus de materia partium ,*  
*ex qua fiunt ; idem quoque de ista statuendum est , ex qua*  
*augentur : nempe , ex illa nutrimentum sumere ; in qua*  
*partes omnes potentia quidem insunt , actu vero nullae.*  
*Quemadmodum ex eadem pluvia incrementum capiunt*  
*omnis generis plantae : quia aqua , quae potentia similis*

erat omnibus, fit jam actu similis, postquam in earum substantiam transmutata fuit. Tum vero amarescit in ruta, acrescit in sinapi, dulcescit in glycyrrhiza, & similiter in reliquis.

Explicat porro, quatenus partes prae aliis generentur; idque, ratione à secundo *Fabricii fundamento* non aliena. *Id*, inquit, *cujus causa*, & *quod ejus causa*, differunt: & *alterum generatione*, *alterum essentia prius est*. Nempe, finis prior est natura & essentia, quam id quod finis gratia fit; quod autem finis gratia fit, generatione prius sit oportet. Eoque argumento, *Fabricius* recte infert, Partes illas omnes prius generari, quae *vegetativae* animae inserviunt, quam quae sensitivae; quoniam illa huic subordinata est.

Postea, differentiam eorum, quae alicujus gratia fieri dicuntur, subjungit; Quaedam scilicet à natura finis gratia instituta esse, quia ea finis consequitur: quaedam vero, quia instrumenta sunt, quibus finis utitur. Illa, *genitalia* appellat; haec autem, *instrumentalia*. *Finis enim*, inquit, *quorundam posterior, quorundam prior* iis, quae eorum causae sunt. Nam & generans ipsum, & id, quo ad generationem utitur, prius existant oportet, quam id, quod ex iis generatur. Ideoque partes, vegetativae animae inservientes, priores sunt partibus sensui ac motui ministris. Partes autem motui & sensibus dicatae, sensitiva & motiva facultatibus posteriores sunt; utpote instrumentales, quibus facultas sensitiva & motiva utitur. Quippe ex naturae lege est, ut nullae partes aut instrumenta constituantur, priusquam eorum sit aliquis usus; & facultas praesens adsit, quae iis utatur. Ita nec oculus, nec motiva organa exstruuntur; nisi fabricato prius cerebro, aut facultate praesistente, quae videat, aut moveat.

Similiter, quoniam vesiculae pulsantes (tanquam instrumenta) sanguinis motui ministrant; simulque tota cordis constitutio & fabrica (quemadmodum in libello de motu sanguinis, diximus) instrumentalis est; (scilicet ut sanguis per omnia corporis loca in gyrum perpetuum agatur;)

vide-

videtur sanguis, tum generatione, tum natura & essentia, corde prius existere. Hoc enim ille utitur, ceu instrumento; idemque insuper genuit, & per arteriam coronalem etiamnum nutrit, illique calorem, spiritum, ac vitam elargitur.

Quomodo autem, ex observationibus anatomicis, universalis haec *Aristotelis* regula, de partium prioritatem, vera appareat; posterius dicemus. Interea temporis, quo pacto, secundum hanc regulam, ipsemet causas prioritatis (ut ita loquar) in generatione, sufficienter deducat, jam videbimus.

*Gignuntur*, inquit, *post principium* (nempe post cor) interiora, prius, quam exteriora; superiora prius, quam inferiora; partium enim superiorum gratia, inferiora sunt, ut instrumenta; exemplo seminum plantarum, quae prius mittunt radices, quam ramos.

Natura autem, in generatione, eo ordine non utitur; neque exemplum illud est perpetuae veritatis. Nam in fabis, ciceribus, caeterisque leguminibus; in glandibus item, & frumento; perspicue constat, simul caulem sursum, & radices deorsum, ex eodem germine pullulasce. Et cepae quidem, aliaeque bulbosae plantae, sursum prius, quam deorsum, progerminant.

Porro aliam ordinis hujus causam adnectit: scil. Cum natura nihil supervacaneum, nihil frustra facere soleat; constet, nec prius, neque posterius, quam usus exigat, ab ea effici quicquam. Nimirum, partes illae prius generantur, quarum usus sive functio prius requiritur: nonnullae etiam prius inchoantur, quod longiore tempore iis perficiendis opus sit; ut ita simul cum aliis, quae citius maturantur, ad partem paratae sint. Quemadmodum nempe coquus fercula in coenam praeparaturus, quae (prae duritie sui) coctionis sunt difficilioris, aut suavem tardamque magis ebullitionem desiderant; ea foco prius admovet: quae autem citius, & minore calore praeparantur; posterius aggreditur: illa etiam, quae in prima mensa apponenda sunt,



primo apparat; quae in secunda, ultimo. Ita similiter natura, in generatione animalium, partes humidas, molles, & carnosas (utpote quae brevi coquantur, & formentur) sero distinguit: duras autem, & concretas, (ut ossa) quia largam evaporationem, & exsiccationem postulant, diuque earum materia incocta manet, initio statim adoritur. Nam  $\S$  in cerebro, inquit, eodem evenit modo, ut primum praehumidum, multumque sit; mox humore efflato, concocto, corporatur magis, subsiditque  $\S$  cerebrum,  $\S$  magnitudo oculorum. Principio igitur caput prae grande (respectu corporis reliqui, quod mole sua longe exsuperat) propter cerebrum, oculi grandes, propter humorem in ipsis contentum, apparent. Ultimi vero perficiuntur, quoniam cerebrum quoque aegre consistit. Sero enim à frigiditate, humiditateque vendicatur, in omnibus quidem, sed praecipue in homine. Nam  $\S$  sinciput inter ossa ultimum confirmatur; jam enim, cum partus in lucem venit, molle hoc infantis os est.

Aliam insuper rationem addit; quod partes nempe ex diversa materia effingantur. Nobilissima quaeque pars, inquit,  $\S$  potissimi principii particeps, ex concocto, sincerissimo, primoque alimento gignitur: reliquae necessariae, ac illarum gratia instituendae, ex deteriore,  $\S$  reliquiis, excrementisque. Perinde enim natura, atque paterfamilias prudens, nihil omittere solet, ex quo facere aliquid commodi possit. Dispensatur autem in cura rei familiaris ita, ut cibus optimus detur liberis, deterior servis; vilissimus sociis animalibus. Ut igitur incremento jam addito, mens advena facit haec, (id est, ut ego quidem interpretor, quae homo adultus, acquisita mente, & prudentia, facit) sic in ortu ipso, natura (scilicet mente, & prudentia innata) ex materia sincerissima, carnem,  $\S$  caeterorum sensoriorum corpora conficit. Ex excrementis (nempe analectis, sive reliquiis, quasi fragmentis) ossa, nervos, pilos, ungues, ungulas,  $\S$  reliqua generis ejusdem constituit. Quamobrem haec ultima efficiuntur, cum jam suppetit excrementum naturae. Ac proinde duplicem alimenti rationem statuit; alteram, nutriendi; alteram, augendi: nutriendi

*triens (inquit) est, quod esse praebeat & toti, & partibus; augens, quod accessionem ad magnitudinem faciat.*

Secundum id, quod in ovo reperimus; ubi albumen (tanquam alimentum sincerius) ad primam pulli nutritionem facit; vitellus, eidem augendo cibis est. Et tenuius quidem albumen (ut diximus) partibus primis & praestantioribus efformandis; albumen vero crassius, & vitellus, partibus dignioribus augendis, minorisque praestantiae corporandis, inserviunt. Ait enim: *Nervi etiam eo modo, quo ossa, instituuntur, & ex eodem, videlicet ex seminali excremento & nutritivo. Sed unguis, pili, cornua, rostra avium, calcaria, & si quid ejusmodi aliud est, ex cibo gignuntur adventitio, & auctivo; quem tum à foemina, tum de foris sibi acquirunt.* Indeque tandem causam reddit, cur homo (cum caetera animalia integumentis, & armis à natura donata sint) nudus & inermis proveniat: nempe, quod partes ejusmodi ex excrementis sive reliquiis consent, hominis vero sincerior materia sit, *minimumque in eo excrementum terrenum, sive incoctum, reperiatur.*

Atque haec quidem de generationis ordine, ex *Aristotele* recensuimus. Quae omnia uni fundamento innixa videntur; Naturae scilicet perfectioni: quae in operibus suis, nihil mancum, nil superfluum admittit; sed semper, quod melius fuerit, operatur. Ideoque nullae partes in generatione, vel antecedunt, vel subsequuntur; si eas simul gigni praestiterit. Nempe, quoties libere, & elective agit. Interdum enim, quasi coacta, & praeter institutum, secus operatur; idque si, vel materiae defectu aut abundantia, vel instrumentorum vitio, vel ab externis injuriis impedita, sine suo frustrata fuerit. Atque hinc aliquando evenit, ut partes finales, instrumentalibus prius generentur: finales appello, quae caeteris (ceu instrumentis) utuntur.

Et quoniam partes aliae genitales sunt, quibus natura ad aliarum generationem utitur, aut ad tollenda impedimenta, quibus manentibus, generatio recte procedere nequit; aliae-

aliaeque aliam rationem obtinent: ideo accidit, ut pro materiae dispositione, reliquisque requisitis, partes diversimode aliae aliis prius gignantur: & earum aliae quidem, prius inchoentur, sed posterius perficiantur; aliae prius & inchoentur & perficiantur; aliae vero simul inchoentur, sed serius perficiantur. Ac propterea, in generatione quorundam animalium, non idem semper ordo est; sed alius, aliisque; in quibusdam quoque, nullus; sed omnes partes simul & incipiunt, & perficiuntur; nempe per *metamorphosin*, ut pridem diximus.

Hinc denique accidit, ut pars primogenita sit ejusmodi, in qua tum principium insit, tum finis; tum id cujus gratia omnia fiunt (nempe, *anima*;) tum id, quod est ejus causa potissimum, & genitale. Cor itaque (sive, nostro arbitrato, sanguis) est prima animae sedes, fons vitae & focus perennis, calor genitalis, ipsumque adeo calidum innatum; primum partium suarum omnium instrumentaliū efficiens, animamque pro fine sortitum, quae illis omnibus, ceu instrumentis, utatur. Cor, inquam, est, (ex sententia *Aristotelis*) cujus causa partes cunctae in animalibus fabricantur; idemque earum omnium principium simul, & opifex existit.

## DE ORDINE PARTIUM IN GENERATIONE, UT EX OBSERVATIONIBUS CONSTAT.

### EXERCITATIO LVI.

UT tandem sententiam nostram, de partium ordine proponamus, sicut eum ex variis nostris observationibus collegimus; visum est, totum generationis negotium (idque in omnibus animalibus) in duas fabricas dispescere.

Quarum prima est *ovi*; conceptus nempe & seminis, vel ejus, quicquid sit, quod (in *spon-te nascentibus*) semini proportionem respondet; sive *calidi nativi coelestis in humido*  
pri-



*primogenio*, cum *Fernelio*; sive, cum *Aristotele*, *vitalis caloris in humore comprehensi*, nomine veniat. Conceptus enim (ut diximus) in viviparis, analogus est *semini & fructui* plantarum; quemadmodum & ovum, in oviparis; in sponte nascentibus, vermis; vel bulla aliqua conclusae humiditatis calore vitali praegnantis. Quibus omnibus idem inest, unde vere femina dicantur: nempe, ex quo, & a quo (tanquam materia, opifice, & organo prius existente) omne animal primo fit, & nascitur.

Altera vero *fabrica*, est *foetus* ex semine, seu conceptu geniti. Quippe, & materia, & causa movens atque efficiens, instrumentaque operationi necessaria, prius sint oportet, quam operis quicquam inchoatum fuerit.

Ovi fabricam jampridem vidimus: ista autem *foetus*, (quatenus ex dissectionibus observare licuit,) in animalibus praesertim perfectioribus & sanguineis, quatuor potissimum gradibus, sive processibus perficitur: quos pro vario generationis tempore, in totidem ordines redigemus; idemque, quod in ovo conspicitur, in omni pariter conceptu atque feminae inesse demonstrabimus.

*Primus processus*, est partis primogenitae, & genitalis; sanguinis scilicet cum suis conceptaculis, sive mavis, cordis cum suis venis.

Atque haec pars, duobus praecipue causis, primo gignitur; tum quia est pars principalis, quae caeteris omnibus, ceu instrumentis, utitur; cujusque gratia reliquae partes factae videntur: tum etiam, quia est pars praecipua genitalis, caeterarum origo, & autor. Pars, inquam, in qua tum principium unde motus, tum finis sit; idem, *pater*, & *rex*.

In hujus primae partis generatione (quae quarto die in ovo perficitur) quamquam ordinem aliquem observare non potui; quod omnes ejus particulae (sanguis nempe, venae, & vesicula pulsans) simul appareant; crediderim tamen (ut dixi) sanguinem prius inesse, quam pulsus; & eandem propterea, ex naturae lege, priorem esse suis con-

ceptaculis, venis scilicet. Cordis enim substantia & fabrica, (nempe conus, cum ventriculis, & auriculis) ut diu postea cum visceribus aliis generatur; ita quoque in eorundem classe (tertia scilicet) recenseri debet.

In hac constructione, venae prius, quam arteriae, sunt conspicuae: saltem, quantum nobis observare licuit.

*Processus secundus*, qui post quartum diem incipit, est primi cuiusdam *concrementi*, quod ego vermiculum, seu *galbam* dixerim; (vitam enim, & motum *galbae* obscurum prae se fert:) idque, prout in mucosam substantiam coalescit, in duas partes dividitur; quarum major & superior, conglobata, atque in tres vesiculas distincta conspicitur; cerebri nempe, cerebelli, & alterutrius oculi: minor autem (carinam referens) venae cavae superioritur, & secundum illius ductum protenditur.

In capitis fabrica, oculi primum discernuntur: mox apex albus, pro rostro, eminet; &, circumficescente uligine, membrana obducitur.

Reliqui quoque corporis adumbratio eodem tempore succedit. Primo, super carinam, quasi navis latera assurgere videntur; similari quidem ab initio consistentia, postea vero lineae albissimae costarum ductum indicant. Deinde, membra motoria, pedes scil. & alae exoriuntur: tandemque, carina, atque artus ei adnascentes, in musculos, ossa, & articulos distinguuntur.

Duo ista capitis, corporisque rudimenta, simul apparent & distinguuntur; at vero postea, cum crescunt, & perficiuntur, corpus citius multo augetur, & efformatur, quam caput; adeo ut hoc, quod ab initio totum reliquum corpus magnitudine superabat, eodem jam longe minus sit. Idemque pariter in foetu humano usu venit.

Similis quoque disparitas contingit inter corpus & artus. Nam in foetu humano, (ab eo tempore, quo embryo longitudinem unguis digiti auricularis non excedit; donec ad ranae, aut muris magnitudinem auctus fuerit) brachia  
bre-

breviora sunt, quam ut extrema digitorum super pectus extensa, sese invicem attingere possint: & minora crura, quam ut reflexa super abdomen, ad umbilicum usque perveniant.

Quinetiam in recens natis, proportio corporis ad artus, tantisper major est, donec stare & incedere valeant. Ideoque infantes primum pumiliones sunt, & instar quadrupedum repunt, cunctisque artubus innixi, gressum quasi tentant; incedere autem nequeunt, donec tibiaram crurumque prolixitas reliqui corporis longitudinem excefferit. Atque hinc fit, ut, cum primum ingredi nituntur, prono corpore (tanquam animal quadrupes) gradientur; & vix, quantum gallus gallinaceus, sese erigere possint.

Ideoque inter homines adultos quoque contingit, ut longuriones, (quibus crura, & praesertim femora longiora sunt) facilius ac diutius, quam quadrati & trossuli, stare, ambulare, currere, aut saltare queant.

In *processu* hoc secundo, plurimae formatricis facultatis actiones, ordine invicem subsequentes, observantur; (quemadmodum in automatis, sive ultroneis machinis cernimus; ubi rota rotam movet sequentem:) omnesque partes ex eadem mucosa & similari materia oriuntur. Non quidem, ut nonnulli *Physici* exponunt, cum dicunt, simile ferri ad simile: verum dicendum, partes moveri, non mutantes locum, sed manentes, & alterascentes mollitie, duritie, calore, & reliquis partium similiarium differentiis; factae jam actu, quae ante erant potentia. Nempe artus, spina, reliquumque corpus, augentur simul, & formantur; delineantur una, & colorantur: membrorum item ossa, carnes, nervi, & cartilagineae, quae singulae in ortu primo similes erant, & uniusmodi; in progressu postea distinguuntur, junctaeque inter se organa constituunt, ex quibus, continuatione mutua, corpus integrum fabricatur. Ita in capite, circumcrescente membrana, ex aqua limpidissima, cerebrum concinnatur, atque oculi expoliantur.

Natura nempe ex eodem illo nutrimento (non autem,



ut multi volunt, ex diverso, & cuique particulae suo simili) partes omnes alit, augetque ex quo constituit ab initio. Scilicet, dum eandem mucaginem, sive galbam auget; instar *figuli*, materiam dividit primo; mox trunco, capiti, atque artubus, suas cuique partes designat: more *pictoris*, prius delineat, deinde colores allinit: & tanquam *nauegus*, carinam primum pro fundamento substituit; postea costas, & sternum (ceu tectum) superstruit: atque, ut ille navim; ita natura, corporis truncum fabricat, & artus appendit. In eoque opere, partes omnes similares (puta ossa, cartilagine, membranas, carnem, nervos &c.) ex eodem primitivo glutine, sive mucagine orditur. Initio enim, crassae fibrae efformantur; caedemque mox nervosae, postea cartilagineae, & spinosae redduntur; ac tandem in ossa indurantur, & concresecunt. Similiter, membrana crassior cerebrum investiens, primum cartilaginosa, deinde ossea evadit; dum tenuis, in tunicam, atque cutem crassescit. Eodemque ordine, caro, & nervus, ex molli mucagine, in musculos, tendines, ac ligamenta excoquuntur: cerebrum, & cerebellum, ex limpidissima aqua in coagulum callosum densantur; quippe cerebrum infantium (priusquam sincipitis ossa firmantur) molle, ac diffuens apparet; nec magis cohaeret, quam lactis coagulum.

*Tertius processus*, est viscerum; quorum generatio, post corporis delineationem (nempe circa sextum, aut septimum diem) in pullo discernitur; eodemque fere tempore omnia apparent; scil. jecur, pulmones, renes, cordis conus & ventriculi, simulque intestina. Oriuntur autem initio è venis, iisque adnascuntur, (quemadmodum fungi arborum corticibus;) primumque, ut dixi, apparent alba, exsanguia, & mucilaginosa; donec muneri publico accinguntur. Intestina, cum ventriculo, primum, ceu filamenta alba & tortuosa, per longitudinem alvi porrecta reperiuntur; & una cum iis os fabrefactum cernitur; à quo ad anum usque, continuo ductu, summa imis copulantur.

Gen.

Genitalia quoque, circa idem tempus apparent.

Haecenus autem viscera omnia, & intestina, intra corporis cavum non reconduntur, sed foris pendula, & quasi venulis attexta, prominent: imo vero & cor ipsum. Truncus enim corporis etiamnum instar scaphae, vel aedificii sine tecto, conspicitur: quippe necdum partibus anterioribus, (pectore nempe, & abdomine) occluditur.

Quamprimum vero sternum apponitur, cor in pectus, ceu aedificium à se exstructum sibi prae paratum, ingreditur; in eoque absconditur; &, tanquam lar familiaris, ambientis jam domus patrocinium suscipit; eandemque, cum famulantibus sibi pulmonibus, inhabitat. Jecur postea, & ventriculus, intra hypochondria reconduntur: tandemque, intestina alvus amplectitur. Propterea in ovo gallinaceo, post incubationis diem decimum, non amplius (citra dissectionem) cor pulsans cernitur.

Sub haec tempora, rostri apex, & ungues albissimi emergunt: simulque, in ventriculi cavitate, materia chylosa; in intestinis, excrementum quoddam conspicitur, & hepatis jam inchoato fel viride adnectitur. Quibus clare patet, aliam aliquam concoctionem, alimentique praeparationem (quarum haec sunt excrementa) & nutritionem fieri, quam per venarum umbilicalium propagines: subitque merito dubitatio, quomodo bilis (secundae coctionis excrementum) jecoris opera a reliquis humoribus secerni queat; cum ipsamet eodem tempore una cum jecore nascatur?

Ordine jam dicto, partes interiores universim generantur: quippe, in omnibus (quae dissecui) animalibus, eodem modo, atque ordine procreantur; praesertim in perfectioribus, quadrupedibus, atque ipso adeo homine. In quibus, secundo, tertio, & quarto mensibus, cor, jecur, pulmones, renes, lien, & intestina, inchoata atque aucta apparent, simulque colore albo praedita, quemadmodum & totum corpus albicat. Quapropter non immerito pri-

mi illi dicuntur *in lacte* dies: viscera enim, reliquaeque partes omnes, tanquam spermaticae visuntur; praeter venas, praecipue umbilicales.

Arterias umbilicales, post venas cognomines oriri arbitror: quod illae primis mensibus vix reperiuntur, & è ramis ad utrumque crus descendantibus ortum ducant. Ideoque haud prius, quam pars corporis (unde oriuntur) constituta sit, existere crediderim. Venae autem umbilicales multo ante conspicuae sunt, quam quippiam corporis inchoatur.

Quae jam dixi, ex plurimis, cujuslibet fere magnitudinis embryonum humanorum dissectionibus, rata habeo: quippe à magnitudine gyrini, ad septem vel octo digitorum transversorum longitudinem, diligentissime observavi; indeque usque ad partum. Praecipue vero, secundo, tertio, & quarto mensibus; quo tempore mutationes plurimae contingunt, & generationis ordo luculentius apparet.

In embryone igitur humano, aetatis duorum mensium; eadem quae supra in processu secundo diximus, inchoata conspiciuntur. Quippe primo mense, vix quicquam conceptus in utero exstare arbitror; silem nihil unquam reperi. Labente vero eodem mense, conceptum rejectum saepius vidi (similem ei, quem è tibicina excussum *Hippocrates* memorat) ovi phasiani magnitudine, aut columbini, eratque instar ovi excorticati, forma nempe ovali: membrana autem crassior (chorion dicta) eum ambiens, foris ceu mucore albo obsita conspiciebatur, (praesertim parte obtusiore;) intus vero lubrica apparuit, aqua limpida, lentaque plena: praeterea nihil inerat.

Secundo mense, ovum ejusmodi (sed majus) saepe conspexi cum abortus indicium rejectum, lochiis scilicet ichorosis: idemque, aliquando integrum; aliquando ruptum, thrombis sanguineis opertum. Intus laeve erat, & lubricum; sanguine foris adherente: eademque forma,

qua



qua prior, comparuit. In horum rejectorum quibusdam, foetum inveni; in aliquibus, nullum. Foetus ille longitudine quidem unguem digiti minimi, forma vero ranulam referebat, praeterquam quod magno capite, & pedibus brevissimis esset; instar gyrinorum, mense Junio, cum artus primum pullulant, caudam amittunt, & ranae imaginem induunt. Tota ejus substantia alba, adeoque mollis, & mucilaginosa apparuit; ut, nisi aquae limpidae inditam, manibus tractare non potuerim. Facies eadem erat, quae aliorum animalium, canis nempe, vel felis; sine labiis, largoque oris rictu ad aures usque patente.

Pleraeque mulieres, quarum conceptus (instar ovi subventanei) irritus & sine foetu est, tertio mense abortiunt.

Ejus aetatis abortum saepe dissecui (ad ovi anserini magnitudinem) cui inerat foetus, omnibus suis partibus distinctus; rudi tamen forma. Apparebant quidem caput, oculi, atque artus; muscoli vero indistincti erant; ossa nulla, sed eorum loco lineamenta quaedam alba, & veluti cartilagineae molliores: cordis substantia albissima, cum duobus paris magnitudinis & crassitiei ventriculis, & bicipiti cono; (parvos nucleos gemellos diceres:) jecur valde exiguum, atque idem album. Toto hoc temporis spatium (trimestri scilicet) vix quicquam placentae, sive hepatis uterini, conspicitur.

In omnibus hujusmodi conceptibus, (quos quidem viderim) membranam ambientem ingenti aquosae substantiae copia repletam deprehendi: in qua natans embryo, tam exigua corporis mole est, ratione loci in quo degit; adeoque longo ac flexuoso umbilico gaudet; ut aquam illam, nullo modo sudorem, vel urinam, dici oportere; sed potius (instar colliquamenti in ovo) pro nutrimento à natura constitutam, esse, sit verisimile. Nullum enim indicium reperire licuit, quo conceptum illum, sive ovum, utero adhuc connexum fuisse, crederem: solummodo parte ovi hujus obtusiore, externa superficies rugosior, crassiorque

ap-

apparuit; tanquam placenta jam futurae rudimentum.

Porro conceptus isti mihi videbantur, quasi ova quaedam, quae intra uterum solum foverentur, propriaque indole (instar ovi in utero gallinaceo) auferentur.

Quarto autem mense, minum dictu quantum foetus accreverit! jam enim à pollicis longitudine, ad spithamæ amplitudinem auctus est: membra quoque omnia distincta apparent, & sanguine tinguntur, artuum musculi, & ossa discernuntur; unguum etiam velligia conspicua sunt; seque ipsum valide movere embryo incipit. Caput tamen praegrande est; facies, sine labiis, buccis, & naso; rictus oris ingens, cujus medium lingua occupat; oculi parvi, sine palpebris; membrana, frontis medium, totumque verticem operiens, nondum cartilaginea, nedum ossea evadit; occiput vero duriosculum, & quasi cartilaginofum, calvariae soliditatem jam inceptam indicat.

Genitalia quidem comparebant, verum testiculi intra abdomen (ubi foemellis uterus) locabantur, manente scroto inani. Muliebria imperfecta visebantur; uterusque cum suis tubulis, formam uteri agniti bicornem referebat.

Placenta nunc audior, utroque affixa, conceptus fere medium comprehendebat; mihiq; videbatur, quasi carnosae uteri excrecentia, seu fungus: adeo, in toto ambitu, pars ejus gibba, utero jam crassiori reddito firmiter adhaescebat. In hanc ramuli umbilicales (ceu radices in terram) spargebantur: eaque mediante, conceptus nunc primum utero adhaescebat.

Cerebrum amplum & fluidum, coagulum referebat, venis majusculis refertum. Cordis ventriculi ambo ejusdem magnitudinis, eorumque parietes aequaliter crassi. In pectoris regione intra costas, tria loca concava, nec multum inaequalia visa sunt, quorum infimum, pulmones sanguinolenti, similique cum jecore & renibus colore, possidebant: medium, cor & pericardium occupabant: superiorem vero partem glandula (quam *thymum* dicimus) praegrandis complebat.

In

In ventriculo, chylus reperiebatur; non abfimili substantia, ab aqua, in qua natat. Inerat quoque coagulum album, simile strigmentis illis albis & mucosis, quae obstetrix in recens natis (è cutis praesertim plicis) statim à partu abluit. In superioribus intestinis, excrementi, vel chyli aliquid: in inferioribus, papaverculum. In vesica, urina reperiebatur; sicut & bilis, in vesicula ei destinata. Intestinum coecum (perinde ac in adultis) quasi coli appendiculum vacuum erat, & superfluum; non autem, ut in aliis animalibus (nempe, porco, equo, lepore) tanquam alter ventriculus. Omentum, ceu velamentum, aut nebula tenuissima ac transparens, super intestina omnia fluitabat.

Renes eo tempore non formantur in gibbum, ut in adultis; sed ex multis quasi globulis compinguntur; (quales in vitulo conspiciamus, & tursione) tanquam singulis ureterum divaricationibus, ad earundem orificia, totidem globuli aut papillae apponerentur, è quibus urinam emulgerent. Supra renes glandulae binae reperiuntur (ab *Eustachio* primum observatae) plurimo sanguine scatentes; earumque vena, quam *adiposam* Anatomici vocant, non multo minor ipsa emulgente apparet. Jecur, & lien (secundum proportionem) uterque sanguine aequè plenus.

Notandum hic obiter, in omni foetu humano vegeto & sano, lac perfectum passim reperiri, eodemque maxime *thymum* glandulam abundare. Reperitur etiam in *pancreate*, & per totum *mesenterium*, in quibusdam quasi *venis lacteis*, glandulisque inter divaricationes venarum mesaraicarum positis. Quinetiam ex infantium recens natorum uberibus aliquando exprimitur, imò sponte effluit: idque ad sanitatem facere, obstetrices aliquae opinantur.

Et, ut clare constet aquam illam (quae in conceptu abundat) non esse embryonis excrementum aliquod, sudorem nempe, vel urinam; eadem, minore copia (pro proportionem) cernitur prope partum (quando foetus est grandior, eoque nomine excrementi plus accumulatur, cum



alimento copiosiore utatur) quam primis praegnationis mensibus. Adde insuper, vesicam eo tempore urina plenam & distentam esse. Profecto transitum illum (quem *urachum* Anatomici appellant) urinam, ut putant, è vesica per umbilicum, educentem, nunquam invenire potui: saepe vero observavi: vesicam manu compressam, urinam foras per penem, non autem per *urachum* profunderet.

Atque haec quidem de humano foetu à me observata, quatenus ad ordinis partium in generatione notitiam faciunt, dicta sunt.

In quarto ultimoque processu, infimae conditionis atque ordinis partes efformantur: nempe, quae non simpliciter ad ipsum esse, aut conservationem animalis spectant; sed solummodo ad tutelam contra injurias externas, vel ad ornatum, vel pugnam.

Ad tutelam ejusmodi, pars extima (cutis scilicet) potissimum instituitur, omniaque quae ex illa oriunda sunt: nempe cuticula, pili, lana, plumae, squamae, crusta, testa, ungues etiam, ungulae, & siquid hujusmodi, in hunc censum veniunt. Et prudenter sane à Natura (quae nihil unquam frustra molitur) institutum est, ut partes illae ultimo generentur, quarum usus non nisi post ortum contra mala forinfecus advenientia, requiritur. Ideoque pullus gallinaceus lanugine solum, necdum plumis vestitus prodit (ut aliae aves, quae ad volandum quamprimum paratae sunt;) quia ultro citroque obambulando, pedum potius, quam alarum usu victum quaeritat. Similiter, anatum atque anserum (qui natando cibantur) plumae & alae tardius perficiuntur, quam pedes: contra, quam hirundinibus evenit, quae volare prius quam pedibus uti norunt, quod volando pabulentur.

Generatur itaque lanugo in pullo gallinaceo, post decimumquartum diem; perfecto jam foetu, omnibusque partibus instructo. In plumarum autem exortu primo, quasi puncta quaedam in cute cernuntur; postea vero plumulae

(veluti è terra, herbae) excrescunt, tandemque explicantur, & totum corpus circumvestiunt, contraque aëris inclementiam tutantur.

Differunt plumae à pennis, forma, usu, & nascendi loco, atque ordine. Pulli enim prius sunt plumigeri, quam pennigeri: quippe pennae in alis tantum, & uropygio reperiuntur; ac profundius ex ima cutis parte, vel ex ipso perioestio enascuntur, motuique inserviunt; plumae autem è summa cute oriuntur, & ubique munimenti gratia adsunt.

Ungues, pili, cornua, & similia (inquit Aristoteles) *De Gen. an. l. 2.* gnuntur ex cute: quo fit, ut ipsa colorem pariter cum cute im-  
mutent: alba enim & nigra, & vario modo diversa, pro colore *c. 4.* cutis, redduntur. Haec autem in pullo nostro longe aliter se habent: cujuscunque enim coloris plumae fuerint, subiecta cutis non nisi unum exhibet. Quinetiam una eademque penna, variis interdum coloribus, miroque ordine tingitur, & ad pompam exornatur.

In humano foetu similiter, cutis, partesque omnes cutaneae, ultimo loco perficiuntur. Ideoque inter initia, nec labia, nec buccae, nec auriculae, nec palpebrae, nec nasus discernuntur: ultimoque omnium coalescit linea illa, qua labia superiora committuntur.

Nascitur certe homo nudus pariter, & inermis; utpote quem natura animal sociale, politicum, ac pacificum voluerit; rationeque duci maluerit, quam vi trahi. Ideoque manibus & ingenio eum dotavit, ut acquisitis necessariis, semet ipse vestiret, & defenderet. Quibus enim animalibus natura robur concessit, iis arma quoque viribus consentanei attribuit: quibus autem illud denegavit, his ingenium, solertiam, miramque injurias evitandi dexteritatem largita est.

Ornamenta, ut apex, crista, palearia, & similia, quibus fastuosa animalia superbiunt; maribus potius ut plurimum tribuuntur, quam foeminis: uti etiam arma; putantes, cornua, calcaria, &c. quibus ad praelia utantur.

Suntque haec in maribus eo potissimum tempore conspicua, quo foemellarum venustas, generandique desiderium eos primum urit. Juvenculis quidem defunt; femibus autem (utpote inutilia) exolefcunt.

Gallus noster gallinaceus (bellator egregius) quamprimum viribus, generandique facultate pollet; calcaribus insignitur; & crista plumisque decoratur; quibus foeminas suas ad veneris obsequium pelliciat, & cum aliis maribus, non quidem inanis gloriolae aucupio, sed pro generis sui perpetuitate decertet: nempe, ut qui se suosque defendere melius possit, idem quoque caeteris ad speciei propagationem praeferatur. Siquidem cuncta animalia, quae armis instructa, & belligera prae caeteris observamus, vel ob foetus tutelam, aut latibula, aut victum, sed potissimum foeminas possidendi gratia (idque generationis ergo) digladiantur: eademque victa ut pompam fastumque dimitunt, ita simul de foeminarum possessione decedunt; abjectoque animo, prae moerore torpent: victor autem, foeminarum praeda potitus exultat, victoriae gloria jactabundus.

Neque est adscititius, aut paucorum dierum hic ornatus; sed perennis, & naturae muneri debetur: quae non modo animalibus (& praesertim avibus) pingendis studiosa cernitur, sed & ipsos flores herbasque mira colorum varietate exornat.

### PARADOXA QUaedam, ET PROBLEMATA, CIRCA HANC REM PENSITANDA.

#### EXERCITATIO LVII.

**H**Actenus de generationis ordine, à nobis dictum est: unde apparuit differentia eorum, quae per *metamorphosin*, ab iis, quae per *epigenesin* procreantur: item eorum, quae ex *verme* oriri dicuntur ab illis, quae ex *ovo*: haec enim ex materiae praeparatae parte corporantur, nutriun-



triantur vero & augentur ex reliqua; illa autem corporantur ex tota materia: haec simul augentur & formantur, ac post ortum quoque incrementum sumunt & adoleſcunt; illa primum augentur, & ex eruca crescent in aureliam, deinde formantur & consummata nascuntur animalia, ut papiliones, bombyces, & id genus alia. Ideoque *Aristoteles* (annotante *Fabricio*) ut duplicem quodammodo ovi naturam, duplexque ovum in hoc genere constituit; ita duplicem ponit actionem, genitumque animal duplex. Etenim (inquit) ex primis ovis, quae primordia generationis sunt, vermis perpetuo gignitur: nimirum ex ovis muscarum, formicarum, apum, bombycum &c. in quibus quid fluidum continetur, & ex eo fluido toto vermis nascitur. ex secundis vero ovis, quae ab ipsomet verme fabricantur, papiliones gignuntur & exeunt; scilicet animal volatile, quod in putamine seu folliculo, seu ovo, continetur & concluditur, abruptoque folliculo exit; ut de locustarum ovis *Aristoteles* prodit. Denique, haec successione partium perficiuntur; illa vero (nempe quae per *metamorphosin* fiunt) De hist. simul integra formantur. Eodemque modo generantur, <sup>an l. 5. c.</sup> tam ea, quae sponte oriri dicuntur, & materiam suam primam, primave exordia à putredine, coeno, rore excrementis, vel partibus stirpium, aut animalium, casu fortuitove nanciscuntur, quam illa, quae ex semine animalium congenerum proveniunt. Quippe omnibus viventibus id commune est, ut ex semine, ceu ovo, originem ducant: sive semen illud ex aliis ejusdem speciei procedat, sive casu aliunde adveniat. Quod enim in arte aliquando usu venit, id idem quoque in natura contingit: nempe ut eadem casu sive fortuito eveniant, quae alias ab arte efficiuntur: cujus rei (apud *Arist.*) exemplum, est *sanitas*. <sup>Metaph.</sup> Similiterque se habet generatio (quatenus ex semine) quo- <sup>l. 7. c. 7.</sup> rumlibet animalium; sive semen eorum casu adsit, sive ab agente univoco ejusdemque generis proveniat. Quippe etiam in semine fortuito, inest principium generationis motivum, quod ex se & per seipsum procreet; idemque, quod in animalium congenerum semine reperitur; po-

tens scil. animal efformare. Verum de his postea uberius.

Ex dictis autem, *paradoxa* quadam expendenda veniunt. Cum enim in ovo *macula* prius dilutetur; *colliquamentum* concoquatur, & praeparetur, plurimaeque aliae (non sine providentia) ad pulli formationem & incrementum instituantur; antequam quippiam pulli, vel ipsa primogenita ejus particula appareat: quidni utique credamus calorem innatum, animamque pulli vegetativam, ante pullum ipsum existere? Quid enim aliud effectus, atque operationes vitae producat, quam illarum causa & principium efficiens? calor nempe & facultas animae vegetativae. Ideoque non videtur anima esse actus corporis organici vitam habentis in potentia: talem enim actum, formam pulli censemus. Cui autem alii, quam ipsi pullo, formam inesse putemus aut animam? nisi formas *separatas* esse dicamus, aut *metempsychosin* aliquam concedamus.

Hoc autem manifestissime apparet, ubi idem animal successione formarum (ut ait *Arist.*) vivit: ex. gr. eruca, chrysalis, papilio. Idem enim esse principium efficiens, nutriens, & conservans, in singulis his (licet sub diversis formis) necesse est: nisi aliam animam in puero, in adolescente aliam, aliamque in sene constituamus: aut eandem formam erucae & necydali, ac papilionis & bombycis, affirmemus. Qua de re *Aristoteles* accurate scripsit; & nos postea plenius dicemus.

Hist. an.  
l. 5. c. 19.  
& de

gen. an.  
l. 3. c. 19.

Videtur praeterea *paradoxon*, sanguinem fieri & moveri, spirituque vitali imbui; antequam ulla organa sanguifica, vel motiva exstiterint. Nec minus novum, atque inauditum inesse sensum ac motum in foetu, priusquam cerebrum exstructum fuerit: Movetur enim foetus, contrahit & explicat sese, cum pro cerebro adhuc nihil conspicuum est, praeter aquam limpidam.

Adhaec corpus nutritur & augetur, antequam organa coctioni dicata (ventriculus nempe, & viscera) formantur. *Sanguificatio* etiam (quae secunda coctio appellatur,) perfici-

ficitur ante primam ( in ventriculo, ) quae *chylificatio* dicitur. Primae & secundae coctionis excrementa, ( nempe in intestinis, atque urinae ac fellis vesicula ) ipsis concoquentibus organis sunt coetanea. Denique, non modo in vegetativa animae parte, sed & ante animam ipsam, inest mens, providentia, & intellectus; qui cuncta statim à prima origine, ad pulli esse & bene esse, disponunt, ordinant, ac procurant; adque formam & similitudinem generantium, arte effingunt.

Ad quam prolis similitudinem quod attinet, dubitare licet, quid causae sit, cur aliquando foetus similior patri, aliquando matri, aliquando etiam progenitoribus iisque vel paternis, vel maternis reperiatur? praesertim, cum uno initu, eodemque momento, plura ova foecundentur. Est etiam hoc admirabile, virtutes & vitia, morbos quoque stigmata, & naevos, à genitoribus in posteros transferri; idque in aliquos duntaxat foetus, non autem in omnes. In genere gallinaceo, quidam generosi sunt, & ad pugnam nati; qui mori malunt, quam fugiendo adversariis cedere: eorum tamen nepotes, nisi parentibus similibus geniti fuerint, virtutem illam paulatim exuunt; secundum illud: *fortes creantur fortibus*. In plerisque aliis quoque animalium speciebus ( & praesertim hominibus ) observatur generis nobilitas; multaeque iis animi & corporis dotes ex traduce adveniunt.

Illud saepe miratus sum; quare, cum prolem ( ut plurimum ) mistam quandam fabricam, sive compositionem ab utroque parente obtinere videamus, idque in caeteris omnibus partibus; idem tamen in genitalibus non eveniat: sed plerumque aut mas aut foemina nascatur, rarissime vero *hermaphroditus*?

Denique multa insunt, antequam appareant; & quaedam inter prima inchoantur, quae postremo perficiuntur; ut oculi, genitalia rostrum.

Dubia quoque hinc, & difficultates quaedam, circa membrorum principatum, partiumve dignitatem oriuntur;

in



in quibus sese ingenia harum rerum studiosorum exerceant. Scilicet num cor vitam & virtutem sanguini tribuat; an potius, sanguis cordi. Utrum sanguis corporis gratia sit, tanquam materia, nutrimentum, aut instrumentum: an vero corpus, omnesque partes ejus, sanguinis causa, animaeque primo ac principaliter in eo existentis, fabricentur. Similiter, utrum ventriculi cordis, an auriculæ ejus præstantiores sint. Quippe has pulsare primo, & vivere, ultimoque emori, compertum est. Præterea, num ventriculus *sinister*, qui in homine productior est, pariete etiam crassiore & carnosiore obvallatur, spirituumque origo creditur; sit præstantior, calidior, spirituosior, ac vivacior: an *dexter*, qui postremo in morte enervatur & labascit, majoremque sanguinis quantitatem intra se continet, & in quo sanguis morientium ultimo concrevit, spiritusque ac vita destituitur; ad quem etiam (ceu principium) venæ primæ umbilicales sanguinem deferunt, eidemque originem suam acceptam referunt.

Haec scilicet ex observatione ordinis generandarum partium occurrunt: atque alia etiam, quæ ex ipsis deducuntur, receptamque vulgo physilogiam haud parum turbant. Nempe (cum motum & sensum, ante natum cerebrum adesse liquido cernamus) manifestum est, non omnem motum atque sensum à cerebro proficisci: siquidem ex historia constitit, in prima statim sanguinis guttula in ovo, antequam quicquam corporis efformatur, sensum motumque clare elucescere. Prima quoque corporis fabrica, sive constitutio (quam mucilaginosam diximus) priusquam membra ulla discernuntur; cumque cerebrum nil aliud, quam aqua limpidæ est; si modo leviter pungatur, ipse vermis vel erucæ, sese obscure movet, contrahit, & contorquet; ut sentire ipsam, evidenter pateat.

Sunt & alia à motu sensuque deducta argumenta; unde, non tam cerebrum (cum *Medicis*,) quam (ex *Aristotelis* sententia) cor ipsum, esse primum principium, judicamus.

Motus, & actiones, quas Medici appellant *naturales*, quod illae nobis, etiam nolentibus, contingant; neque eas moderari, accelerare, retardare, aut inhibere, pro arbitrio nostro possimus; ideoque à cerebro non dependent: illae tamen prorsus citra sensum non fiunt, sed eundem subesse indicant; utpote à quo excitentur, irriterentur, & permutentur. Nempe, in corde ipso, palpitationem, tremorem, lipothymiam, syncopen, pulsusque omnes alterationes, in magnitudine, celeritate, ordine, sive rhytmo, & similibus, à morbificis causis alterantibus, sensumque laedentibus, fieri arbitramur. Quicquid enim contra irritamenta & molestias, motibus suis diversis nititur, id sensu praeditum sit necesse est.

Ventriculus, & intestina à pravis humoribus laceffita, nauseam saepe, ructum, rugitum, vomitum, & fluorem alvi concitant: eosque motus ut nec sistere, nec provocare, in potestate nostra situm est; ita nec sensum aliquem à cerebro dependentem novimus, qui partes illas ad actiones ejusmodi excitulet.

Mirum profecto est, quod, ab infusione antimonii epota, usu venit; quam nec gustu distinguimus, nec deglutitione aut rejectione molestam sentimus; ventriculo tamen sensus quidam inest, quo noxium ab utili discernat, indeque ad vomitum provocetur.

Quin caro etiam ipsa, ictum venenatum, à non venenato facile distinguit; ideoque constringit sese, & densatur; unde tumores phlegmonodes excitantur: ut videre est, in ictibus apum, culicis, & aranei.

Ipsemet aliquando, experiendi causa, manum acu pupugi; mox eandem acum aranei dente confricans, manum alio loco perforavi: nec potui quicquam discriminis inter duas has punctiunculas internoscere. Erat tamen incute, quod discerneret; quippe eodem loco, ubi venenata punctio contigerat, subito sese in tuberculum contraxit, induitque mox ruborem, calorem, atque inflamma-

tionem ; tanquam ad pugnam , & nocentis mali expugnationem , se roboraret , & accingeret.

Matricis læsiones , nempe contorsio , decubitus , prolapsus , ascensus , & suffocatio , aliaque incommoda & irritamenta , à cerebro , sive sensu communi non dependent , nec tamen citra omnem sensum evenire ea , existimandum est. Quicquid enim sensus plane expers est , non videtur ullo modo irritari , aut ad motum , actionesque aliquas edendas , excitari posse. Nec certe alio indicio , animatum quid & sentiens , à mortuo , sensuque carente inter-noscimus , quam per motum à re aliqua irritante excitatum , qui sensum continuo & sequitur , & arguit.

Verum de hac re amplius , ubi de actionibus & usu cerebri agitur , disputare aequum est. Priscorum autem virorum , & antiquitatis ipsius reverentia nos monet , ut , quantum veritas patitur , illorum dogmata tueamur. Neque enim decet eorum opera & statuta temere despiciere , aut floccifacere ; quorum praelata face , ad Philosophiae adyta pertingimus. Quare ita censendum arbitror : Experimur in nobis sensus potissimum quinque esse , quibus de rebus externis judicamus : quoniam autem haud eodem sensu sentimus , quo nos sentire percipimus , ( oculis enim videmus , iis tamen non intelligimus nos videre ) sed alio sensu , organove sensitivo , ( nempe sensu communi interno ) quo ea , quae per singula sensoria externa nobis advenērunt , dijudicamus , albumque à dulci , & duro distinguimus ; sensorium hoc commune ( cui ab externis omnibus sensorii species referantur ) *cerebrum* esse , manifestum est : quod una cum omnibus suis nervis , organisque externis , iisdem annexis , adaequatum sensationis instrumentum censetur. Estque instar radicis sensitivae , cui fibrae plurimae contigerunt , quarum una videt , altera audit , tangit tertia , aliisque olfacit , & gustat.

Quemadmodum tamen actiones & motus quidam sunt , quorum regimen sive moderamen à cerebro non pendet ,



atque ideo naturales appellantur : ita quoque statuendum est dari sensum quendam tactus , qui non referatur ad sensum communem , nec cerebro ullo modo communicetur ; ac propterea in ejusmodi sensu , non percipimus nos sentire ; sed , veluti iis evenit , quibus mens aegrotat , aut passione aliqua animi vehementi agitantur , ut dolorem nullum sentiant , neque ea , quae sensibus occurrunt , animadvertant : ita pariter in hoc sensu contingere credendum est : quem propterea à sensu animali distinguimus. Talem sensum in Zoophytis , sive plantanimalibus ( ut herba sensitiva , spongiis , & similibus ) observamus.

Quare , ut multa animalia tum motu , tum sensu praedita sunt , sine sensu communi , aut cerebro ; uti lumbrici , erucæ , necydali , chrysalides , & alia : ita quoque actiones quaedam naturales in embryone , nobisque etiam contingunt citra opem cerebri ; & sensatio quaedam fit , sine sensu. Atque ut Medici docent , *actiones naturales* , ab *animalibus* , discrepare : ita pari ratione , *tactus* quoque *naturalis* , videtur differre à sensu tactus animali , aliamque tactus speciem constituere : adeo ut iste , sensui communi , sive cerebro communicetur ; ille vero , nequaquam.

Praeterea aliud est , musculus moveri aut contrahi ; aliud vero eundem , variis contractionibus & relaxationibus , regulatis , actionem aliquam perficere , utpote , progressionem , vel apprehensionem. Certe musculi , vel organa motoria , in spasmo & convulsionibus , à causa aliqua irritante non aliter moventur , quam gallus aut gallina , quae detruncato protinus capite , multis quidem pedum alarumque convulsivis motibus agitatur , sed confusis omnino & irritis ; quoniam potestas cerebri ablata est , & sensus communis evanuit , cujus antea moderamine , cum rhythmo & harmonia , motus illi ad progressum , aut volatum regulabantur.

Dicendum itaque arbitramur , motus omnes *naturales* à virtute cordis profluere , & ab illo dependere : *spontaneos* autem , actionemque aliquam perficientes , ( quos Medici

*animales* vocant) sine cerebro & sensu communi regulante, non fieri. Quemadmodum enim, sensu hoc communi, sentimus nos sentire; ita pariter sentimus nos movere; idque ordinate, vel secus,

Utriusque hujus motus exemplum in respiratione clare cernimus. Pulmones enim (cordis instar) motu naturali continuo sursum ac deorsum feruntur; ad tussim etiam & frequentiore agitationem irritantur: vocem tamen proferre & moderari, sive canere, nequeunt; sine sensus communis auxilio, & quasi jussu.

Verum istaec uberius (ubi de actionibus & usu cerebri, animaeque contemplatione agetur) tractanda veniunt. Haec autem hic obiter dicta sunt, ut reverentiam clarissimis Praeceptoribus debitam servandi studium, & voluntatem nostram significaremus.

## DE NUTRITIONE PULLI IN OVO.

## EXERCITATIO LVIII.

Quam non sit temere negligenda Veterum autoritas, vel hinc apparet: fuit olim celebris opinio (quam tamen tanquam erroneam, plerique hodie rejiciunt; & *Fabricius*, ceu deliramentum, stultamque opinionem, impugnatum it) *Embryonem in utero materno sugere*: habuitque *Democritum*, *Epicurum*, atque etiam *Hippocratem* astipulatores. Et *Hippocratis* quidem ratio duobus potissimum nititur argumentis; nam, inquit, *nisi suxisset, quomodo excrementa faceret: aut protinus à partu sugere novisset.*

Atque hujus quidem perantiqui & celeberrimi Viri in nuda verba alias jurare solent, sufficitque in aliis rebus, αὐτὸς ἔφη: hic vero (quod receptae vulgo sententiae dissentanea afferat) *Fabricius* non modo affirmantem, sed & argumenta producentem aspernatur. Hanc igitur *Hippocratis* sententiam, num observationes nostrae, de generatione animalium, necessariam, nedum probabilem faciant, peri-

de form.  
foetu, p.  
19. &  
134. L.  
de carn.  
& de nat.  
pueri.

peritissimorum Anatomicorum, & doctissimorum Medicorum iudiciis relinquimus.

Omnes profecto fatentur, foetum, dum in utero est, copiosam aquam innatare, (nos, in ovi historia, liquorem hunc, *colliquamentum* nominavimus;) eandemque sudorem, & humorem excrementitium foetus esse, Neoterici asserunt; huncque usum praestare aiunt, ut in ea natans foetus, (interea dum mater currit, saltat, aut alio aliquo violento motu agitur) uterum non offenderet, vel ipsemet ad circumposita ossa allisus, aut foras percussus laederetur; praesertim, cum eo tempore membra ejus tenella & infirma sint.

*Fabricius*, alias praeterea istius aquae utilitates adnectit; Pag. 137. nempe, ut *vias omnes circumquaque madefaceret, ac lubricas redderet, collumque matricis ad maximam dilatationem facile ac promptum efficeret; eaque omnia, inquit, non minus efficit crassum illud ei respondens tertiae coctionis album excrementum, unctuosum ac pingue oleosumque, antiquitus neglectum. Quod etiam & illud praestat, ne sudor, qui interdum acris ac falsuginosus segregari potest, tenellum foetus corpus erodat.*

Agnosco libenter utilitatem ab omnibus positam; scilicet, ut tenellus foetus à subitaneis & violentis matris motibus indemnis sit, tuto adeo in *alis vespertilionum*, uti vocant, appenditur, & copiosa aqua circumcingitur, ut facile quovis (etiam violento) motu materna latera (propter utrinque collocata retinacula) tangere nequeat; saltem, liquor iste circumambiens in medio libratus ab omni externo nocumento protegat. A *Fabricio* autem, quemadmodum in aliis plurimis, ita hic quoque ut seorsum sentiam, observationes meae faciunt: quippe liquorem illum, quem diximus, foetus sudorem non esse, certus sum. Nec crediderim, aquam istam commoda illa praestare in partu, quae ipse memorat: multo vero minus, liquorem hunc acrem & falsuginosum esse adeo, ut unctuoso munimento foetui opus sit; praesertim ei, qui lana, pilis, vel plumis induitur. Est enim probi saporis, & similis lacti



aquoso; ac proinde statim à partu, omnia fere vivipara eum absorbent, jamque natos foetus lambendo detergunt; humoremque quem auferunt, avide devorant; cum foetuum excrementa ne attingant quidem.

*Fabricius*, aquam hanc acrem & saluginosam dixit, quod illam *sudorem* esse crederet. At quid, obsecro, incommodi pullo jam plumis vestito sudor afferat? si modo sudantem pullum unquam viderit. Neque, opinor, dixerit, usum illius aquae in ovo esse, ut sua humiditate ac lubricitate, pulli partum acceleret. Quanto enim sicciior, & vetustior ovi cortex fuerit, tanto etiam fragilior, ac friabilior evadit. Denique, si sudor pulli esset, is prope exclusionem abundaret magis; quo enim grandior est foetus, & uberiori alimento utitur, eo plus sudoris quoque excernat necesse est. At vero paulo ante exclusionem pulli ex ovo (nempe circa diem decimum nonum aut vicesimum) nihil omnio ejusmodi humoris cernitur; quippe paulatim, crescente pullo, absimitur; ut inde *alimentum* potius, quam *excrementum* esse, (si modo rem recte perpenderit) existimare debuerit: praesertim, cum dixerit, pullum in ovo respirare, vocem edere, sive pippire; quod certe aqua circumdatus neutiquam praestiterit.

Sed neque in facilitando, lubricandove partu (uti obstetrices expertae probe norunt) humiditates istae aquosae in secundinis, ut *Fabricius* voluit, magnopere profunt. Partes enim vicinae circa id tempus, quasi maturitate quadam sui, (citra illius aquae profusionem) laxantur; praesertim illae, quae maximo solent esse impedimento; nempe, ossa pubis, & coccygis; circa quae praecipua in expediendo partu obstetricis cura versatur: minus enim, unguentis emollientibus partes carnosas oblinere studet, ne lacerentur; quam coccygi extrudendo sedulo operam navat; idque si manu non possit, *speculo matricis* periti chirurgi manu procurat; hujus enim instrumenti triplicis latere uno ad coccygem applicato, reliquisque duobus ad ossa pubis, per vim loca illa distendit. Nam proditurus

in-

infans, cum se vertit, caputque deorsum praecipitat, os uteri laxat & aperit; descendens vero, si ad coccygis apicem impeerit, haeret, aegreque prodit foras; non sane sine sui ipsius, foetantisque discrimine. Naturae autem instituto laxari & emolliri partes illas, manifestum est. Nam si immisso digito, orificium matricis molle & laxum obstetrix invenerit, appropinquantis partus signum aestimat certissimum, etiam antequam aquae proruperint. Imo vero (experta prodimus) si quiequam vel post partum remanet ejiciendum, vel alio quovis tempore inest, quod uterus expellere conetur, orificium ejus tum inferius prolabitur, tum etiam molle & laxum reperitur: sin autem illud post partum sursum retractum; & duriusculum inveniatur, salubritatis hoc est indicium.

Simili quoque experientia edoctus assero, ossa pubis saepe ab invicem in partu laxari, emollito eorum cartilaginoso connexu, totamque hypogastrii regionem ad miraculum usque ampliari; non quidem ab aquosae substantiae profusione, sed sua sponte, ut fructus maturi excludendis suis feminibus solent hiscere. Quantopere vero coccyx partum remorari soleat, patet in quadrupedibus, quibus cauda appenditur: tales enim nequeunt vel foetum excludere, vel ani excrementa emittere, nisi caudam sustulerint; quam si manu prehensam deprefferis, stercoris exitum prohibebis.

Quinetiam partus naturalissimus habetur, cum foetus & secundinae una cum aquosa substantia (ceu ovum integrum) prodeunt. Nam si istae illaesae fuerint, & aqua non profluxerit, contingit partes circumjacentes à parturientis nixibus magis distendi, ac dilatari; tensione scilicet membranarum: quo fit, ut foetus minore conamine, citiusque elabatur, ac prorepat; licet id majore matris cum dolore eveniar. Quo casu novimus, parturientes interdum ab ingenti distentionis molestia, membranarum ruptura, (sive obstetricis unguibus, sive forcipis opera ea contingat) effluente subito aqua, plurimum levari.

No-

Norunt quoque harum rerum gnarae obstetrices, si quando, ante debitam uteri apertionem, omnis aqua simul effluxerit, foetantem in partu diutius morari, ac difficilius fieri puerperium, quod contra tamen eveniret, si modo (ut *Fabricius* voluit) praecedentes aquae, emolliendo & lubricando tantopere proficerent.

Porro humorem illum, quem nos *colliquamentum* appellavimus, foetus *sudorem* non esse, liquido constat, tum in ovo, tum caeteris etiam animalibus: quippe adest, priusquam quippiam foetus constituitur, aut vestigium ejus ullum exstat. Imo vero quamprimum foetus conspicitur, & etiamnum totus mucilaginofus ac perexiguus est; tam ingens tamen aquae hujus copia cernitur; ut tantilli corporis tantum excrementum dari, plane impossibile videatur.

Accedit praeterea, quod venarum umbilicalium fibrae, in istius aquae amplectentem tunicam spargantur & terminentur; perinde atque in ovi albumina, & vitellum: ut inde clare constet, (modo rem ipsam, prout est, vere aestimaverimus) humorem illum, alimentum potius, quam excrementum, censendum esse.

Verisimilior itaque mihi videtur sententia *Hippocratis*, quam *Fabricii* & aliorum Anatomicorum, qui liquorem illum, pro sudore habent, noxamque foetui asferre statuunt. Crediderim, inquam colliquamentum hoc, aquamve, in qua natat foetus, ei pro alimento inservire; partemque ejus tenuiorem & sinceriorem, intra venas umbilicales haustam, primogenitas foetus partes constituere, & augere; ex reliquo autem, ceu lacte, per suctionem in ventriculum deglutito, ibidemque cocto, sive chylificato, & venarum mesaraicarum opera attracto, novellum embryonem nutriri, & crescere. Idque ut credam libentius, faciunt argumenta quaedam non invalida, quae nunc dicam.

Quamprimum foetus perfectionem aliquam nanciscitur, membra protinus movet, & organorum motui destinato-  
rum



rum actiones auspicatur. Videmus autem pullum in ovo, intra aquam os aperire; quare necesse est, humorem in fauces lapsum deglutiat. Quicquid enim intra fauces, ultra linguae radicem, ad gulae summitatem pertigerit; id nullum animal (citra vomitum) regerere posse certum est. Ideoque veterinarii, qui potiones medicatas, aut morsellos, pilulasve jumentis exhibent, prehensa eorum lingua, ultra hujus protuberantiam, ad radicem ipsam ingerunt; quo fit, ut easdem quin devorent, evitare nequeant. Et si quis nostrum, pilulam aliquam digito suo ad radicem usque linguae intromiserit, experietur subito ad deglutitionem ejus se compelli, nisi eandem vomitus impetu repulerit. Quamobrem si embryo in humore dicto natans, os suum aperit; necesse profecto est, aquam fauces ingredi, & si alios musculos movet, quidni credamus, eundem pariter & faucium organis usum, liquorem illum absorbere.

Quinetiam certum est, intra pulli ingluviem (talisque prorsus in omnium embryonum ventriculis cernitur) substantiam quandam colore, sapore, & consistentia dicto jam liquori perfimilem reperiri; eandemque in ventriculo aliquantulum coctam, lac coagulatum referre; quam etiam, chyli specie, in primis intestinis deprehendimus, inferiora autem intestina excrementis stercoraceis referta sunt. Similiter in viviparorum foetibus, intestina crassiora consimili excremento replentur, quali eadem, cum lacte vescuntur, abundare cernimus. In ovibus etiam, aliisque bifulcis, manifesta insunt scybala.

Circa diem decimum septimum, in pullo, prope anum, stercora evidenter reperi; quin eadem quoque foras intra secundinas egesta, paulo ante partum conspicatus sum. Idemque Volcherus Cöter diligens & peritus dissector, à se observatum meminit.

Quid dubitemus igitur affirmare, foetum in utero sugere; & in eo fieri *chylicationem*: cum ejus manifesta adsint, tum principia, tum rejectamenta?

Præterea, cum eo tempore vésicam utranque, bile, & urina (quæ secundæ coctionis excrementa sunt) plenas videamus; quidni pariter coctionem primam, chyliificationem nempe, præcessisse judicemus?

Embryo itaque per os victum quaerit, & fugit. Idque facile deprehenderis, si ei statim ab utero extracto digitum in os immiseris. Quod, teste *Hippocrate*, nequaquam faceret, nisi prius in utero luxisset. Videmus enim nuperos foetus, tentando primum, & periculum faciendo res omnes aggredi: nempe, membra movere, incedere, & vocem proferre: quæ postea diutina assuetudine edocti, prompte & accurate peragunt. Foetus autem quamprimum in lucem editur, imo vero priusquam natus est, fugit: tanquam id in utero jam pridem egisset. Quippe experti sumus, eum in partu hærentem, antequam ejulare, aut respirare possit, digitum ori admotum apprehendere, & fugere.

Quinimo recens natus, suctionem accuratius molitur, quam adultus, aut ipsemet per aliquot dies desuetus, queat. Neque enim infans papillam labiis comprimens fugit, ut nos, absorbendo; sed quasi deglutire vellet, totam in fauces usque attrahit, linguaeque & palati auxilio, tanquam manducando, lac emulget; majore profecto conatu, atque arte, quam adultus possit. Didicisse igitur longa consuetudine videtur, antequam natus esset; quod desuetudine tam brevi dediscere post nativitatem experimur.

His, aliisque id genus observationibus, verisimile fit, pullum in ovo duplici modo nutriri; per venas nempe *umbilicales*, & *mesaraicas*, per illas, alimentum probe confectum haurit, unde sanguis, & partes primogenitæ constituantur, & crescant; per has, chylum trahit, in reliquarum partium fabricam, & augmentum.

Quomodo autem contingat, ut idem agens, ex eadem materia, diversimode nutritionem instituat, (cum natura nihil agat frustra) ratio forsitan in occulto lateret. Dabimus

tamen operam; ut eadem pateſcat.

Quae per umbilicales venas attrahitur, purior & ſincerior pars eſt. Colliquamentum vero reliquum, in quo natat foetus, eſt veluti lac crudum, & puriſſima ſui parte privatum. Sincerior itaque pars, concoctione ulteriore non indiget, qua reliqua opus habet; ac propterea in ventriculum porro recepta, in chylum tranſit. Simile huic eſt lac crudum & aquoſum, quale in mammis ſtatim poſt partum cernitur. Quippe albumen ovi colliquatum, & lac aquoſum ſive crudum in uberibus, ejuſdem plane coloris, ſaporis, & conſiſtentiae apparent. Primus enim lactis proventus, ſeroſus & aquoſus eſt; & mulieres aquam prius e mammis exprimunt, quam lac in albedinem coctum, & perfectum.

Ac propterea colliquamentum in pulli ingluvie reperi- tum, eſt lac quoddam crudum: idem vero in ventriculo coctum, album & coagulatum cernitur. Similiter in viviparis, antequam lac in mammis coquitur, quaſi ros quidam, & colliquamentum apparet; e contra vero, *colliqua- mentum*, poſtquam in ventriculo coquitur, lactis faciem induit. Ita fit, ad mentem *Ariſtotelis*, ut ex tenuiore, & ſincera magis portione, primae & principales partes condantur; ex reliqua autem deteriore (per novam in ventriculo coctionem) elaborata, augeantur; ſimulque aliae ſequioris ordinis conſtituantur. Sic Natura, ceu benigna ac indulgens mater, abundare potius ſuperfluis, quam in neceſſariis deficere maluit. Aut potius rationi conſentaneum eſſe, dicendum eſt, ut foetus jam perfectior, perfectiore quoque modo (per os ſcilicet) enutria- tur, alimentumque perfectius, & duobus praecedentis coctionibus purius redditum (utpote a duobus excrementorum generibus deſaecatum) hauriat. Initio quidem, per umbilicales radices alitus, plantae vitam quandam de- git; unde corpus crudum, album, atque imperfectum conſpicitur; &, plantae inſtar, immobile atque iners manet. Quamprimum vero per os eodem alimento ulterius e-



laborato fruitur, quasi spiritu diviniore gaudens, & sublimiore exultans vegetationis gradu, *mucago* dicta in carnis naturam transit, motiva organa distinguuntur, spiritus locupletantur, motumque orditur: nec jam amplius, plantarum more, per radices; sed animalis instar, per os nutritur, & illius vitam degit.

## DE TOTIUS OVI UTILITATIBUS.

## EXERCITATIO LIX.

**E**Narratis jam mutationibus iis, & processibus, qui in ovo gallinaceo ad foetus productionem requiruntur; *Fabricius* ad totius ovi partiumque ejus utilitates progreditur: nec solum ovi gallinacei, sed & reliquorum omnium. Quæritque una, cur quaedam ova heterogenea sint, & ex diversis partibus composita; alia vero homogenea, & similia? qualia sunt ova insectorum, eorumque quæ ex toto ovo oriuntur (nempe per *metamorphosin*) non autem ex parte ejus gignuntur, ex parte vero nutriuntur, ut priora.

Mihi autem de ovis omnibus generatim agere, non est animus; (quod nondum eorum historiam exposuerim:) sed ovorum gallinaceorum duntaxat, eorundemque partium utilitates proponam. Quæ omnes eo spectare debent, quo totius ovi actio; quam pulli generationem, & augmentationem esse *Fabricius* vere innuit.

Pag. 509.

Atque inter ea (quæ totum ovum spectant) figuram, quantitatem, & numerum ovorum recensuit. Figuram ovi rotundam ait, ut in minimo spatio, tota pulli moles contineatur; propter quam causam Deus rotundum mundum fecit, ut omnia complecteretur: atque ob eandem causam, hæc figura (teste Galeno) naturæ semper existit amicissima, & convenientissima. Præterea, cum non habeat angulum externis injuriis expositum, ideo tutissima est, & ad ejusdem exclusionem opportunissima. Causa itaque assignanda erat, cur gallinarum

L. 10. de  
af. par.

rum ova non sint sphaerica, ( proinde atque piscium, vermium, & ranarum ) sed oblonga, & acuminata. Quid sit nempe, quod in his figurae perfectionem impediatur. Figura mihi quidem videtur nullius esse ad pulli generationem efficaciae, sed talem accidentaliter contingere; eoque magis, quod tam varia formarum discrimina, etiam in ovibus gallinaceis spectentur. Variant scilicet pro uteri figura, à quo ( ceu proplasmate, ut diximus ) formam mutantur.

*Aristoteles* quidem ait, ova oblonga, foeminas; rotundiora autem, mares producere. Ego vero super hac re nihil adhuc explorati habeo. Quin *Plinius* contrarium asserit; Foeminam, inquit, edunt, quae rotundiora gignuntur, reliqua marem. Profecto si certi aliquid in hac re contingeret, quaedam gallinae semper mares gignerent, aliae foeminas: si quidem quorundam ova omnia unius formae sunt; nempe vel rotunda, vel fastigio acuminata. Et oblonga potius mares producerent, nam illa perfectiora, magisque concocta habentur; eademque propterea gratioris saporis putavit *Horat. Flaccus*. Hist. an. 1. 6. c. 2. L. 10. c. 52.

*Plin. ibid.*

Rationes pro ovorum figuris à *Fabricio* allatas, quod invalidae sint, lubens praetereo.

*Magnitudinem* ovi quod attinet, ea amplitudini foetus ex eo generandi conducere videtur; quippe magnarum gallinarum grandia ova cernimus. *Crocodilus* tamen parit ova, quanta anseres: nec aliud animal ex minori origine in majorem crescit magnitudinem. Verisimile autem, ovi amplitudinem & liquorum in eo copiam, nonnihil ad foecunditatem facere: quoniam perpusilla ova ( centenina dicta ) omnia infoecunda cernimus. Ib. 1. 8. q. 25.

Ovorum numerus eandem utilitatem praestat; quam conceptuum in viviparis solet. Quippe hoc pacto speciei consulitur perennitati. Natura enim iis fere animalibus numerosos foetus largitur, quae viribus animisve imbecillia, ab aliorum injuriis aegre se tutantur: adeoque vitae brevitatem, copiosa prole compensat. Tribuit hoc avium generi

L. 10. c. 52.

*natura*, inquit Plinius, ut foecundiores essent fugaces earum; quam fortes. Cum enim generatio quaelibet perpetuitatis gratia à natura instituitur, frequens iis contingit, quae brevioris aevi sunt; & externis injuriis obnoxia, ne species deficeret. Ideoque aves, quae robore pollent, & ex raptò vivunt adeoque diuturniore ac securiore vita fruuntur, raro plus quam bina ova edunt. Columbae quidem, turtures, & palumbes, bina duntaxat ova simul incubant, sed numeri defectum frequentia compensant; decies enim quotannis pariunt. Multum itaque generant, licet non multa.

## DE VITELLI ET ALBUMINUM UTILITATIBUS.

### EXERCITATIO LX.

Pag. 479.

**O**rum inquit Fabricius, proprie dictum, ex multis partibus componitur; quia est organum generantis, & Galenus passim quodlibet organum ex multis partibus constare prodidit. Quae ratio dubitandi ansam praebet, an non cuilibet ovo competat, esse heterogeneum: quoniam omne ovum est organicum. Et profecto quodlibet ovum videtur ex partibus diversis constitui; etiam insectorum, & piscium: quippe, membranis, involucris, ac munimentis constant; & materia contenta, constitutione dissimilari haud prorsus destituitur.

Idem porro vere quidem statuit, cum Galeno, *Partes alias in ovo, praecipuum instrumentum actionis esse; alias poni, tanquam sine quibus actio fieri non potest; alias, ut melius actio fiat; alias denique ad horum omnium tutelam & conservationem comparatas esse.* Sed fallitur, cum ait, *Si de prima actione loquamur, quae est pulli generatio, praecipua causa est semen & chalaza, quia hae duae sunt praecipuae pulli generationis causa: quarum semen efficiens causa constituitur; chalaza autem tantummodo materia est.* Quippe ex sententia Aristotelis,



*telis*, necesse est fateatur; intra ovum esse, quod generat. Semen autem galli ovo inesse, negat. Nec minus hallucinatur circa materiam, ex qua, feminis opificio, pullus corporetur. Nam neque ex ambabus chalazis, nec alterutra earum, pullus fit; ut in *historia* constitit. Nec generatio pulli fit per *metamorphosin*, sive delineationem & divisionem chalazae; sed per *epigenesin*, quemadmodum explicuimus. Neque chalaza principaliter à semine foecundatur, sed potius cicatricula, sive *ovi oculus* à nobis dictus; ex quo aucto fit *colliquamentum*; deinde in isto, & ex isto, sanguis, venae, & vesiculae pulsantes, tandemque corpus integrum constituitur. Quin etiam (ipsomet fatente) semen galli, uterum gallinae ne ingreditur quidem; & tamen ova non modo jam facta, sed & postmodum formanda pariter foecundat.

Ad secundam ovi actionem ( quae est pulli nutritio & augmentum ) albumen, & vitellum retulit. *Vitelli vero*, inquit, & *albuminis quantitas constituta est*, ut melius illa actio fiat, & ad pulli absolutionem, & justum incrementum sufficiat. *Ovi cortex*, & *membranae*, ad totius ovi simulque actionis tutelam positaе sunt. *Venae vero*, & *arteriae alimentum deferentes*, erunt tanquam sine quibus actio, id est, augmentum & nutritio fieri non posset. Incertum autem, num intellexerit vasa umbilicalia foetus, an venas & arterias matris, unde ovum augeatur. Pari vero ratione, uterus atque incubatio, ad hanc ultimam classem referenda erant.

Accedimus itaque ad ovi liquores, albumen nempe & vitellum; hi enim, prae caeteris, foetus gratia instituuntur, & in iis potissimum secunda ovi actio spectabilis est.

Ova gallinarum bicolora sunt, & binis liquoribus constant, qui seorsum à se invicem membranis dissepuntur; iidemque quoniam duplici venarum umbilicalium propagatione distinguuntur, ( quarum una ad vitellum, altera ad albumen abit ) variae quoque naturae esse verisimile est, ac proinde usus etiam & utilitatis diversae. *Luteum ovo-*  
*rum,*

Hist. an.  
l. 6. c. 2.

rum, inquit Aristoteles, atque albumen contrariam naturam obtinent; non solum colore, sed etiam potestate. Luteum enim à frigore densatur: albumen non densatur, sed magis liquefit. Contra, ab igne spissatur albumen; luteum non spissatur, sed molle permanet, nisi peruratur. Et elixando, quam affando, plus concrefcit, atque ficeatur. Vitellus ab incubitu jam calefcens, redditur humidior; fit enim tanquam cera fusa, aut pinguedo liquefcens: unde etiam spatium amplius acquirit. Paulatim enim, ut foetus augetur, albumen absumitur, & crassefcit: vitellus autem è contra, perfecto jam foetu, nihil pene magnitudinis suae amisiffe cernitur; sed liquidior solum & humidior conspicitur, cum foetus jam alvo tegi incipit.

de gen.  
an. l. 3.  
c. 2.

Diversitatis autem hujus causam Aristoteles hanc reddit: Cum avis intra se perficere nequeat, cibum una parit in ovo. Viviparis enim cibus in alia corporis parte paratur, quod lac vocatur, videlicet in mammis. At avibus hoc idem in ovo natura constituit; sed contra quam homines putant, & Alcmaeon Crotoniates ait: non enim albumen ovi lac est, sed vitellus. Nam cum foetus viviparorum, dum matri adhaeret, (ceu planta, terrae) ab utero ejus primum alimentum trahat; post partum autem, extra uterum locatus, è mammis lac sugat, unde adolescat: pullus, utriusque alimenti analogon in ovo invenit: quod nempe viviparorum uterus in parente fit; in oviparis autem è contra, parens potius in utero esse dicendus fit. Est enim ovum tanquam uterus expositus & ablegatus, mammaeque quasi vicariae in eodem reperiuntur. Pullus, inquam, in ovo primum albumine nutritur; hoc vero absumpto, vitello postea (tanquam lacte) alitur. Ideoque propago umbilicalis, quae albumen adit, confecto eo, fatiscit & abrumpitur ante partum, nullumque tandem vestigium sui relinquit, (cum in viviparorum foetu umbilicus permaneat) sed evanescit, antequam venter inferior abdomine clauditur. Propago autem altera, quae luteum petit una cum isto (circunculso abdomine) in ventrem reconditur, victusque inde tenello foetui deponitur:

mitur : donec scilicet , firmato rostro , cibum sumere & frangere possit ; ventriculusque ingestum cum comminuere , ac digerere valeat. Quemadmodum viviparorum foetus , lacte ex ubere vescitur , donec dentibus instructus fuerit , quibus cibaria masticando conterat. Pullo enim ( ut diximus ) vitellus pro lacte est : ovumque gallinaceum ( quoniam & uteri , & uberis vices subit ) liquore bicolore , albumine nempe atque luteo donatur.

Et dictorum quidem liquorum discrimina omnes fatentur. Ego vero , ut pridem dixi , in ovo diversa quoque albumina observavi , membrana intersepiente distincta , quorum exterius , aliud intra se complectitur : quemadmodum vitellus ab albumine continetur. Eademque etiam diversae naturae esse monui ; quoniam & loco , & ambiente membrana , ab invicem distinguuntur , quasi usibus similiter diversis inserviant. Ambo tamen nutritionis gratia instituta sunt : eorumque exterius primo absumitur ; utpote in quod , venarum umbilicalium ( albumina adeuntium ) propagines prius disseminantur , quam in crassius alterum ; quemadmodum eadem albumina prius adeunt , quam vitellum , quem istaec complectuntur , & unde pullus novissime alitur.

Verum hac de re inferius plura : ubi modum exponemus , quo foetus viviparorum in utero formentur , & augeantur ; simulque demonstrabimus , eosdem omnes ex ovo ortum ducere , duplicique nutrimento albugineo in utero vesci. Est enim eorum alterum tenuius , & intra ovum ( sive conceptum ) reperitur ; alterum vero per vasa umbilicalia è placenta uterique cotyledonibus , emulgetur. Quod in dicto conceptu continetur , colore , & consistentiâ , albumen tenuius refert , est nempe lentum , liquidum , & pellucidum , planeque ei simile , quod in ovo *colligamentum* nominavimus , in quo foetus natat , & quo demum ore pascitur. Quod vero foetus , vasorum umbilicalium ope , ab uteri placenta trahit , densius est , & mucosum , crassiorique albumini persimile. Unde liquido apparet ,



foetum in utero , non magis sanguine parentis ali , quam lactantem postea , aut pullum in ovo ; sed nutriri materia albuginea , in placenta concocta , ovique albori non absumili.

Nec profecto utilis minus , quam admirabilis est providentiae divinae contemplatio ; qua Natura , in gignendis , augendisque foetibus ( eorum quasi aetati , viribusque prospiciens ) alimentum singulis praestat idoneum : his nempe concoctu faciliorem , illis difficiliorem victum accommodans. Prout enim robur , vimque cibos digerendi uberius foetus acquirit ; ita pariter crassius ei duriusque alimentum suggeritur. Idque etiam in diverso animalium lacte observare est : editis enim nuper foetibus , lac matri tenuius , faciliusque transmutationis contingit ; temporis autem processu , viribusque foetus jam auctis , crassius indies , & caseosum magis evadit. Ideoque mulieres molliores & delicatulae , quae ipsae foetus suos non lactant , sed alienis uberibus nutriendos tradunt , male profecto eorum salutem consulunt ; cum enim nutrices adscititiae , robustiore plerumque sint corpore , & habitu duriori praeditae , lactique vetustiore , & caseoso magis , coctuque proinde difficiliore , abundant ; fit saepe , ut infantes talibus parentibus oriundi , lac ejusmodi ( praesertim dentitionis tempore ) non ferant ; sed cruditatibus , lactisve corruptione , febris , fluore alvi , vomitu , intestinorum torminibus , tussi , insultibus epilepticis , aliisque similibus malis infestentur.

Pag. 34. Quod *Fabricius* asserit , rationibusque quibusdam confirmare nititur , nempe materiam pulli ex chalazis constitui ; id nos supra in *historia* rejecimus , simulque manifestum fecimus , substantiam pulli , primaque ejus stamina efformari , integris adhuc , & immutatis chalazis , locoque etiam ab iis diverso.

Pag. 54. Nec verum est , *chalazas* ( quas semen galli foecundas reddidisse autumat ) vicem seminis subire , ut ex iis pullus oriatur.

Pag. 57. Neque *chalazas* , colore , substantia , aut corporis proprietate ,  
ut

ut ille vult, semini ita persimiles sunt, aut foetus similitudinem adeo referunt in ovo cocto, ut jure partes omnes spermaticas appellatas inde procreari, censendum sit. Sed potius colligamentum à nobis dictum, sive partem albuminis tenuiorem, liquatam & coctam, seminis naturam referre, ejusque vicem subire oculis credendum est.

Supina itaque est illa venerandi Senis contemplatio: Cum Pag. 54.  
 universa animalis substantia ex duobus corporibus inter se valde diversis, quinimo contrariis, constituatur; nimirum calidis, & frigidis; (calidae sunt partes omnes sanguineae, & rubrae, ut jecur, cor, lien, renes, pulmones, denique carnosum omne ac musculosum genus: contra vero frigidae sunt partes albae, & exsanguis, ut ligamenta nervi, ossa, cartilagineae, cerebrum, spinalis medulla; venae arteriae, & membranosa omnia corpora, ut ventriculus, intestina, uterus, pericardium, & squae aliae sunt) duae diversae hae partes proculdubio diversum inter se, sed sibi quoque simile exposculant alimentum; si modo verum est, ex iisdem nos nutriri ex quibus constamus. Merito itaque spermaticae, frigidae, & albae, alimentum album & frigidum; sanguineae vero rubrae & calidae, rubrum & calidum alimentum postulabunt. Merito similiter ad frigidas, albas, & exsanguis nutriendas partes, candidus ovi liquor, videlicet albus, frigidus, & exsanguis; ad calidas vero & sanguineas, vitellus, utputa calidus liquor, ruber, & sanguineus, substitutus est. Sic enim omnes animalis partes, conveniens & familiare alimentum sibi procurabunt, & attrahent. Nequaquam enim concedimus, binos in ovo liquores reperiri, ut diversis partium generibus nutriendis inserviant. Quippe jam pridem diximus, Cor, pulmones, renes, lienem, jecur, musculos, ossa, ligamenta, caeterasque corporis universi partes, albedinem ab initio induere, & exsanguis apparere.

Quinetiam ex praedicta Fabricii sententia sequeretur. Cor, pulmones, jecur, lienem &c. non esse partes spermaticas, sive è semine oriundas; (quod ille tamen nullo modo concesserit) quoniam illa postmodum sanguine nu-

triantur, & crescunt: liquidem ex eodem quaelibet res tum nutritur, tum constat; cum nutritio sit substitutio consimilis substantiae, in locum deperditae.

Nec minus illi responsu arduum, quomodo (absumpto jam albumine in ovo) partes frigidae & albae (nempe ligamenta, ossa, cerebrum, spinalis medulla &c.) ex vitello porro nutrantur, & crescant? cum hic sit illis alimentum non minus inidoneum, quam albumen partibus calidis, rubris, & sanguineis.

Imo vero ex praefata sententia concludendum foret, partes calidas & sanguineas; postgenitas esse, sive ultimo enasci: carnem scilicet, post ossa; jecur, lienem, & pulmones, post ligamenta & intestina: frigidisque pulli partes, prius constari, & adolescere, interea dum albumen absimitur; calidas autem postea igni, cum vitellus in earum nutrimentum cedit, & imminuitur: certumque esset, non omnes partes ex eodem candido liquore ortum ducere. Haec tamen omnia, oculata experientia falsi redarguit.

Addo insuper hujus rei aliud argumentum: Piscium cartilagineorum (nempe rajae, pastinacae, & caniculae) ova bicolora sunt, & vitellum satis coloratum habent; cum tamen eorundem piscium omnes partes (ipsa etiam jecorum parenchymata) albae, exsanguis, & frigidae appareant. Contra autem, vidi genus quoddam gallinaceum, cujus statura ampla, color pennarum nigricans, caro sanguine satura, jecur rubicundius; eorum tamen ova (etiam foecunda) vitellos pallidissimos habebant, nec plus hordei maturi stipula coloratos.

Verbis proxime sequentibus, videtur, quae modo dixerat, retractare; cum ait: *Unum autem admirari tum in vitello, tum in albumine oportet; quod, cum nullum eorum sanguis sit, ita tamen naturae sanguinis propinqua sint, ut modice omnino à sanguine distent, & parum absit, quin uterque liquor sanguis sit: quare & exiguu labore, levique concoctione in sanguinem vertuntur. Et ideo videre est venas & arterias, in al-*  
*bumi-*



humini & vitelli membranas propagatas, perpetuo sanguine refertas; albumen autem & vitellum in sua natura consistere, sed simulatque à vasis utraque substantia exfugitur in sanguinem migrare, adeo eorum substantia vicina sanguini est.

Cum itaque, certum sit, sanguinem non minus in propaginibus venarum per albumen sparsis reperiri, quam in iis quae vitellum adeunt; & utrumque liquorem sanguini adeo vicinum esse, ut facili negotio in eundem commigrent; quis (obsecro) dubitet, sanguinem, & proinde partes quoque omnes sanguineas, albumine pariter, ac vitello, nutriri & crescere?

Ille vero mox parat subterfugium. *Quanquam autem, inquit, haec vera sunt, existimare tamen oportet, hanc substantiam, quae è vitello & albumine à venis exfugitur, eo modo esse sanguinem, quo chylus in mesaraicis venis; in quibus nil aliud conspicitur, quam sanguis; cum tamen chylus umbram tantum sanguinis susceperit, perficiatur autem in jecore; sic substantia ab albo & luteo exsucta, in venis statim sanguinis umbram contrahit &c.* Elto: sub hac umbra tamen latitans, non solvit dubium, Cur nempe sanguis, partesque sanguineae, ob rationes dictas, non aequè ab albumine, atque è vitello nutrantur. Ibid.

Si equidem asseruisset, partes calidiores, ex eo sanguine (vel alimento in sanguine contento, chyloque analogo) potius enutrirì, qui ex vitello, quam qui ex albumine attrahitur; frigidāsque contra, ex eo potius, quem ab albumine venae apportant, quam à vitello; me profecto haud magnopere habuisset adversarium.

Unum in hac re eum male habet; quomodo scilicet sanguis in ovo efficiatur; sive, à quo opifice uterque liquor in sanguinem mutetur, nondum existente jecore? Non potuit enim dicere, illum in ovo à materno sanguine profluxisse. Ait vero, *Hic sanguis potius in venis, quam in jecore elaboratur, & coquitur; evadit autem os, cartilago, caro &c. in ipsis partibus, ubi exacte, coquitur, & assimilatur.* Nec quicquam praeterea addit; neque indicat, à quo co-

quatur, vel elaboretur, fiatque sanguis perfectus in venulis tam albuminis quam vitelli, nondum (ut dixi) existente jecore, aut corporis particula aliqua, quae ipsum vel coquat, vel elaboret. Et cum prius dixerit, frigidas ex albumine, calidas autem & sanguineas ex vitello nutriri; dicti immemor, hic plape contrarium statuit: eundem nempe sanguinem, in os, cartilaginem, carnem, caeterasque partes evadere.

Silentio autem praeteriit difficultatem maximam, & Medicorum animos non leviter torquentem: nimirum, quomodo jecur sit origo & opifex sanguinis; cum hic non solum in ovo reperiat, ante natum aliquod viscus; sed & ipsi Medici doceant, viscerum omnium parenchymata, esse sanguinis duntaxat affusiones? Estne opus, autor sui opificis? Si hepatis parenchyma sit ex sanguine, quomodo illud hujus causa fuerit?

Similis commatis sunt, quae sequuntur: *Est*, inquit, & alius albuminis usus, quo à vitello fuit segregatum; ut scilicet in albumine foetus innatet, & ita sustentetur, ne deorsum suo pte pondere vergens, ad unam partem inclinet, & vasa trahantur, rumpanturque; ad quod praestandum, tenacitas & puritas albuminis confert. Etenim si in vitello degeret foetus, facile deorsum in profundum descenderet, cum vitelli etiam ruptione. Jejune admodum! Quid enim, obsecro, albuminis puritas sustentando foetui confert? aut quomodo tenuius albumen facilius eum sustinet, quam vitellus crassior & terrestrior? vel unde, quaeso, ne deorsum labatur, periculum est? cum ovum incubatum semper in latus decumbat, ut nec adscensus pulli, nec descensus aliquis metuendus sit. Natate quidem non solum pullum, sed & foetus omnes (dum formantur) certum est; sit autem istuc in colligamento à nobis dicto, non in albumine, aut vitello: causamque ejus rei alibi diximus.

Scribit Aristoteles (inquit) ascendere vitellum ad obtusorem ovi partem, cum pullus concipitur. Hoc propterea fit, quia ex chalaza pullus incorporatur, quae vitello adhaeret; unde vitellum,

qui

qui in medio est, sursum attolli oportet ad latiore[m] ovi partem ut inibi gignatur, ubi carinas naturalis adest ad pulli salutem perquam necessaria. At vero chalaza magis albumini, quam vitello adnectitur.

Ego autem ascensus ejus causam hanc affero: Macula, sive cicatrix in vitelli tunica apparens, ob colliquamentum spirituosum ei innatum, dilatatur; ampliore[m]que propterea locum requirens, versus obtusum ovi cacumen tendit: similiterque vitelli & albuminis portio colliquata distenditur, & jam cocta ac spiritalis redita, caeteris partibus erudis supernatat: quemadmodum particulae aquae in vase calefactae, è fundo sursum properant: quod Medicis omnibus compertum, qui urinam crassam ac turbidam aquae ferventis balneo immittentes, superiorem ejus partem primo claram & transparentem fieri norunt. Exemplo res fiet manifestior: Nota fere omnibus est machina, ad risum & jocum potius, quam usum aliquem comparata: nempe in sphaera vitrea, aqua limpida maximam partem plena, complures globuli vitrei solo aere pleni, summae illius aquae superficiei innatant; eandemque ob levitatem, varia simulachra (puta Cupidinem pharetratum, quadrigas Solis, centaurum armatum, & similia) fundum alias petitura, mutuo adnexu sustentant. Ita pariter oculus pulli à me dictus, sive colliquamentum primum, ab incubantis calore, virtuteque genitali dilatatum, ideoque levius factum, summa petit, & vitellum (cui adhaeret) secum una attollit. Hinc albumen crassius ei locum cedit, chalazaeque ad ovi latera feruntur, quod cicatrix illa in vitelli latere olim sita, nunc recta sursum tendat.



DE CAETERARUM OVI PARTIUM  
UTILITATIBUS.

## EXERCITATIO LXI.

**C**ortex durus & densus est, ut liquores, pullumque in eodem hospitantes ab injuriis externis tueatur. Fragilis tamen est, praecipue parte obtusiore, & instante pulli exitu; ne scilicet hujus exclusioni moram afferat. Porosum etiam esse, constat: dum enim (praesertim recens) ante ignem coquitur, sudorem quasi per poros guttatim emittit. Sunt autem hi pori, utiles ad ventilationem; utque calor incubantis facilius penetret; & pullus aërem extrinsecus attrahat: spirare enim in ovo ante partum, vocemque edere, certum est; ut pridem diximus.

Membrae humoribus continendis inserviunt; ac propterea pari cum his numero constant. Ideoque & colliquamentum, quamprimum oritur, propria statim tunica vestitur; quam *Aristoteles* his verbis indigitavit: *Membrana etiam, fibris distincta sanguineis, jam candidum liquorem circumdat &c.* Instante autem jam pulli exitu, absumptisque albumine & colliquamento, membranae omnes (praeter eam, quae vitellum ambit) exsiccantur, & evanescunt: illa vero, una cum vitello, intra pulli peritoneum retrahitur, & abdomine occluditur. Harum membranarum duae toti ovo communes sunt, quod immediate sub cortice comprehendunt; reliquae tum albumini, tum vitello, tum colliquamento propriae: omnes autem & conservationi, & distinctioni partium, quas amplectuntur, inserviunt. Communium exterior, quae cortici adhaeret, durior est; ne ab ipso patiatur injuriam: interior vero levis & mollis, ne liquores laedat: pari nempe ratione, quae meninges cerebrum à cranii incumbentis aspredine tutantur. Membrae interiores, & propriae, liquores suos  
(ut

Hist. an.  
l. 6. c. 3.

(ut dixi) continent, & distinguunt: unde tenues valde, pellucidae, & fragiles sunt.

*Fabricius* magnam quidem laudem & dignitatem *chalazis* attribuit, (utpote è quibus pullum fabricari censuerit) maculam autem, sive *cicatriculam*, vitelli tunicae adnatam, nullius plane usus esse statuit; sed eam duntaxat pedunculi, in vitellario sive superiore gallinae utero, à vitello abrupti *vestigium* existimat. Scilicet (ex ejus sententia) per dictum pedunculum, sive vasa eum permeantia, vitellus olim alimentum hauriebat; eodem vero jam à gallina non amplius enutrito, abruptoque, manet solum prioris conjunctionis, & beneficii *vestigium*.

Ego vero è contra sentio, nullum esse alium *chalazarum* usum, praeter eum, quem dixi: nempe, ut sint tanquam *poli istius microcosmi*, & connexiones omnium membranarum convolutae invicem, & contortae, quibus liquores non modo suis quique locis conserventur, sed debitam quoque invicem positionem retineant. *Maculam* autem jam dictam maximi esse momenti, mihi certo constat; utpote quae principale ovi centrum sit, in quo calor insitus nidulatur, & ex qua, ceu scintilla prima, anima ipsa accenditur; cujus denique gratia, caeteri omnes liquores, eorundemque involucra exstructa sunt: quemadmodum supra à nobis dictum est.

Olim quidem existimavi, cum *Fabricio*, *cicatriculam* hanc esse pedunculi abrupti *vestigium*: postea vero ex accurata inspectione contrarium edoctus sum; nempe pedunculum, à quo vitellus pendet, non in hujus exiguum aliquem locum inferi, (quemadmodum pomis & prunis contingit) indeque connexionis adhuc superesse *vestigium*; sed eundem, antequam vitellum attingit, è racemo in orbem (tubae instar) dilatari; ut vitelli horizontem, sive circulum bipartientem (non aliter, quam tunica amphiblistroides, oculum) amplectatur: adeo, ut pars superior vitelli, sive hemisphaerii, quae racemum spectat, à pedunculi contactu & cohaerentia prorsus libera

fit; in cujus tamen cupulae, five scaphii parte superiore (aliquantulum autem à latere) dicta macula locatur. Pedunculi igitur à vitello abrupti vestigium dici nullo modo potest. Quantum vero in generatione commodi haec macula apporet, in *historia* jam dudum innotuit.

Supereft modo, ut, *Fabricium* praemonstratorem, olimque praeceptorem meum sequens, *cavitatis* illius, in obtusa ovi parte, utilitates ostendam.

Is quidem pluribus verbis, *cavitatis* istius commoda, pro varia ejusdem magnitudine, prosequitur. Ego vero paucis agam: Aerem intra se continet; Ideoque utilis est ad ovi ventilationem; ad pulli perspirationem, refrigerium, & respirationem; ac denique ad loquelam. Unde *cavitas* illa primo exigua, mox major, ac demum maxima conspicitur; prout nempe varii jam dicti usus postulaverint.

Atque haecenus de generatione ovi & pulli, singularumque ovi partium utilitatibus, egimus: ad cujus narrationis exemplar, de cunctis *oviparorum* generibus judicandum est. Reliquum jam est, ut de *viviparorum* pariter generatione, ad exemplum unius alicujus perfecte cogniti, dicamus.

## OVUM ESSE PRIMORDIUM COMMUNE OMNIBUS ANIMALIBUS.

### EXERCITATIO LXII.

De hist. an. l. 3. c. 1. **A** *Nimasia*, inquit Arist. cum stirpibus commune habent, quod alia semine, alia sponte oriuntur: ut enim stirpes, vel semine stirpium aliarum proveniunt, aut sponte erumpunt, primordio quodam contracto ad ortum idoneo; quarum aliae ex terra alimentum sibi hauriunt, aliae in stirpibus aliis nasci solent: sic & animalia quaedam per formae cognationem generantur; nonnulla sponte, nullo cognationis semine antecedente, oriuntur; quorum aliqua, ex terrae vel stirpe putrescente (ut complura insecta) generantur; alia in ipsis animalibus, atque



ex eorum partium excrementis gignuntur. His autem omnibus (sive sponte, sive ex aliis, sive in aliis, vel partibus vel excrementis eorum putrescentibus oriuntur) id commune est, ut ex principio aliquo ad hoc idoneo, & ab efficiente interno in eodem principio vigente, gignantur. Adeo ut omnibus viventibus primordium insit, ex quo, & à quo proveniant. Liceat hoc nobis *primordium vegetale* nominare: nempe, substantiam quandam corpoream, vitam habentem potentia: vel quoddam per se existens, quod aptum sit, in vegetativam formam, ab interno principio operante, mutari. Quale nempe primordium, ovum est, & plantarum semen; tale etiam viviparorum conceptus, & insectorum *vermis* ab *Arist.* dictus: diversa scilicet diversorum viventium primordia: pro quorum vario discrimine, alii atque alii sunt generationis animalium modi, qui tamen omnes in hoc uno conveniunt, quod à primordio vegetali, tanquam è materia efficientis virtute dotata, oriuntur: differunt autem, quod primordium hoc, vel sponte & casu erumpat; vel ab alio praeexistente (tanquam fructus) proveniat. Unde illa, sponte nascentia; haec, è parentibus genita, dicuntur. Atque ista denuo à partu distinguuntur: sunt enim alia, ovipara; alia, vivipara; quibus *Aristoteles* *vermipara* accenset. Si vero, prout res Hist. an. ad sensum se habet, distinguere liceat, partus duae solum I. c. 5. sunt species: liquidem omnia animalia, aliud animal vel actu pariunt, vel potentia. Quae actu animal pariunt, vivipara dicuntur; quae potentia, ovipara. Quodlibet enim primordium potentia vivens, nos (cum *Fabricio*) ovum appellandum judicamus; vermemque *Aristoteli* dictum, ab ovo, minime distinguimus: tum quia ad oculum sic apparet, tum etiam quia rationi id videtur consonum. Primordium enim vegetale, quod potentia vivit, est etiam potentia animal. Nec distinctio illa, quam *Arist.* affert inter ovum & vermem, admittenda est: ovum enim appellat, Hist. an. ex cuius parte fit animal; quod autem, inquit, totum mutatur, I. c. 5. nec ex parte ejus animal gignitur, id vermis est. Hoc autem

inter se conveniunt, quod sint ambo partes non viventes, sed potentia solum animalia; ambo itaque sunt ova.

Hist. an. 1. 5. c. 29. *Quin ipsemet Aristoteles, quos alicubi vermes dixit, eos alibi ovi nomine appellat. Et de brutis agens corrumpitur, ait, eorum ova Autumno, cum multi imbres ingruunt. Idemque de cicadis loquens, cum in terra, inquit, creverit vermiculus, fit tettigometra: pauloque post, foeminae à coitu suaviores; habent enim ova candida. Imo vero, ubi vermem ab ovo distinxerat, addit: omne autem hoc vermiculi genus, ubi suae magnitudinis finem receperit, quasi ovum efficitur, indurescit enim putamen eorum, & tantisper immota redduntur; quod in vermiculis apum, & vesparum, atque etiam in erucis apertum est. Et profecto cuilibet videre licet, araneorum, bombycum, caeterorumque insectorum primordia, non minus in ovorum censu habenda esse; quam crustatorum, ac mollium, & reliquorum piscium fere omnium: quae actu quidem animalia non sunt, ex illis tamen animalia procreantur. Quoniam igitur, quae actu animal producant, vivipara dicuntur; ea certe, quae potentia animal pariunt, vel generali nomine carent, vel vivipara dicenda sunt: praefertim cum talis partus, sit primordium vegetale, plantarum seminibus analogum, quale etiam ovum habetur. Concludendum igitur, omnia animalia vel vivipara esse, vel ovipara.*

Quia autem oviparorum plures sunt species, propterea etiam variae sunt ovorum differentiae. Neque enim quodlibet primordium, cujuslibet animalis formae recipiendae idoneum est. Quanquam itaque ova universaliter sumpta non differunt; quia tamen alia sunt perfecta, alia imperfecta, merito distinguuntur. Perfecta dicimus, quae in utero absolvuntur, debitamque in eo magnitudinem ante partum obtinent; qualia sunt pennatorum: imperfecta autem vocamus, quae praemature excluduntur, magnitudinemque absolutam nondum adeptae sunt, sed foris post partum augentur ut piscium, crustatorum, & mollium: si-

militer & insectorum primordia ( quae ab *Arist.* vermes appellantur ) ad hanc classem referenda sunt, ut & eorum, quae sponte oriuntur.

Praeterea, licet perfectorum ovorum alia bicolora sint, ex albumine nempe & vitello composita; alia tamen unius duntaxat coloris sunt, & albumine solum constant. Similiter imperfecta ova, alia sunt proprie dicta, e quibus perfectum animal procreatur, ut piscium; alia improprie dicta, unde animal imperfectum oritur, nempe vermis, vel eruca: medium scilicet quoddam, inter ovum perfectum, & imperfectum: quod respectu ovi, sive ipsius primordii, animal est motu sensuque praeditum, seque ipsum nutriendum; respectu vero muscae aut papilionis, cujus est potentia primordium, tanquam ovum repens, & se ipsum augens reputandum est; qualis eruca, quae debitam tandem magnitudinem adeptam, in chrysalidem, sive ovum jam perfectum mutatur, & à motu cessans, ovi instar, potentia est animal.

Ad eundem modum, quanquam alia ova sunt, e quibus totis ( per *metamorphosin*, sive transformationem ) perfectum animal producit, nec ex reliqua ovi materia alitur, sed statim foris sibi pabulum parat; alia vero, ex quorum parte aliqua foetus fit, & nutritur ex reliqua; quanquam ( inquam ) tam variae sunt ovorum differentiae, nihil obstat tamen, quo minus ova dicenda sint, quos *Arist.* vermes appellat, ( si modo è rebus, quae sensu ac ratione nobis constant, judicium ferre liceat; ) cum sint omnia primordia vegetativa, non actu quidem sed potentia animalia, vereque animalium semina, plantarum seminibus analoga; veluti jam dudum de ovo gallinaceo demonstravimus. Sunt igitur omnia animalia, vel vivipara, vel ovipara; quod vel vivum animal actu pariant, vel ovum ( sive primordium, ) non actu sed potentia animal.

Generatio igitur *oviparorum* omnium, ad exemplum ovi gallinacei referri potest, vel ex eodem saltem non difficulter elici; quod eadem, quae in illius *historia* dicta sunt, in



caeteris quoque *oviparis* reperiantur. Quibus autem singula inter se differant, aut convenient; idque vel genere, vel specie, vel analogia; postea dicetur, cum de insectorum, sponteque nascentium generatione acturi sumus. Quoniam enim generatio quaelibet, ad formam cujusque animalis adipiscendam via est; prout animalia quaeque, alia aliis similia magis, vel ab invicem discrepantia fuerint, adeo ut partes eorum nec specie, nec genere convenient; ita similiter in eorundem generatione usu venit. Quippe natura perfecta, sibi in operibus suis consona, ad similes usus & actiones, partes quoque consimiles instituit; pariterque ad eundem finem, eandemque formam adipiscendam, eadem via progreditur, eademque semper methodo in generandis rebus insistit.

Quapropter in ovo cujusunque pennati animalis perfecto & bicolore (ex vitello nempe & albumine composito, corticeque donato) ut easdem partes, ita eodem quoque modo atque ordine, foetus omnes gigni & fabricari (quo in ovo gallinaceo) observavimus. Eademque similiter notanda in ovis serpentum, & quadrupedum *oviparorum*, ut testudinum, ranarum, & lacertorum, utpote è quorum ovis perfectis & bicoloribus, foetus eodem modo (quo ex aliis ejusdem generis) formentur & producantur. Nec pisces ab hac ratione longe absunt. Quomodo autem araneae, & crustata, ut astaci & gammari; molliumque genus, ut sepiae & loligines, ex ovis suis proveniant; quo pacto etiam ex ovis insectorum, vermes atque eruae primum erumpant, è quibus postea in chrysalidas sive aurelias (tanquam in nova ova) denuo regressis, musca tandem vel papilio enascitur; quomodo, inquam ista in generatione sui ex ovis, à *gallinaceis* differant, suo loco videbimus.

Quanquam denique ova omnia bicolora, haud eodem modo generantur, & foecundantur; sed quaedam ex coitu maris & foeminae, quaedam alio modo prolifica redduntur, ut *piscium*; & licet ovorum etiam in crescendo

modo, aliquod discrimen sit, quod alia intra parentem, alia foris nutriantur & augeantur; nihil obstat tamen, quo minus ex ovo quolibet (dummodo perfecto) foetus ad eundem modum generetur; quo pullus ex gallinaceo nascitur. Quare sufficit ad reliquorum omnium *oviparorum* generationem cognoscendam, explicata ovi gallinacei historia; & ad eorum etiam notitiam, quae inde (ceu confectaria) necessario deducuntur.

## DE GENERATIONE VIVIPARORUM.

## EXERCITATIO LXIII.

**D**E *oviparorum* quidem generatione, actum est à nobis hætenus. Reliquum est, ut de altera partus specie (*viviparorum* scilicet,) observationes nostras proferamus: ubi plurima quoque eadem, quae in ovo consideravimus, indeque pensitanda deduximus, denuo describenda veniunt. Quae licet *paradoxa* sint, & receptae hætenus de generatione opinioni contraria; eadem tamen, nisi me animus fallit, veritati plane congrua apparebunt.

Inter *vivipara* autem, principem locum homo obtinet, animalium omnium perfectissimus: deinde (ut à notioribus progrediamur) animalia quae nobiscum degunt, passimque obvia sunt, annumeranda veniunt; (quorum alia sunt *solidipeda*, ut equus, asinus: alia, *bisulca* ut bos, capra, ovis, porcus, cervus: alia *fissipeda*, seu digitatis pedibus, ut canis, felis, cuniculus, mus, (& hujusmodi alia) ex quorum generationis modo, de reliquis omnibus viviparis iudicium instituitur. Quare (ut in ovis fecimus) unum aliquod genus primo, tanquam caeterorum omnium exemplar, proponam; quod, utpote notissimum, reliquis lucem afferat, & norma sit, ad quam alia omnia per analogiam quandam referantur.

Cur ab ovo *gallinaceo* reliquis etiam ovis documentum sumerem, jampridem dictum est: nempe, quod illud parvo  
ve-

veniret, & ubique obvium esset; eoque nomine & nobis in rem ipsam accuratius inquirere liceret, & alii dictorum veritatem facilius tutiusque explorare possent.

In viviparorum autem generatione cognoscenda, eadem facilitas non occurrit: ab humani enim uteri dissectione fere omnino excludimur; in equis vero, bobus, capris, caeterisque pecoribus, aliquid ad hanc rem experiri, citra ingentem laborem & impendium haud exiguum, non licet. In canibus tamen, cuniculis, felibus, & hujusmodi aliis, qui veritatis indagandae studio tenentur, poterunt eorum, quae à nobis dicentur, periculum facere.

*Fabricius ab Aquapendente*, tanquam omnis viviparorum conceptus ovum quoddam esset, ab hoc (ceu universali generationis exemplari) Tractatum suum auspicatur; interque alias hujus sui consilii causas, hanc potissimum reddit, *Quod ovi contemplatio latissime pateat: quippe maxima animalium pars, inquit, ex ovis gignitur.* Nos vero, in observationum harum vestibulo, cuncta animalia quodammodo ex ovo nasci affirmavimus. Quippe quo modo, ordine, ac ratione pullus ex ovo fabricatur, & producitur; eodem pariter, ex conceptu praeexistente, viviparorum foetus proveniunt. Una scilicet, atque eadem est utrobique generationis species; & utriusque exordium, ovum dicitur, vel saltem analogia quadam tale habetur. Nempe, ovum est conceptus foris expositus, unde pullus procreatur; conceptus est ovum intus manens, donec foetus debitam in eo perfectionem acquisiverit; caetera vero conveniunt; sunt enim primordia vegetabilia, & animalia in potentia. Quare eadem illa theorematum, & consuetanea (licet paradoxa) quae supra in ovi historia deduximus, de omnium pariter animalium generatione verissima sunt. Confessa enim res est & manifesta; foetus omnes, etiam humanos, ex conceptu, (ceu primordio quodam) procreari. Ratum itaque hoc esto: Quod in sponte nascentibus, *primordium*; in plantis, *semen*; & in oviparis, *ovum* dicitur; (nempe substantia corporea, ex qua per internum prin-

de form.  
ovi &  
pul. c. i.



principium movens, & efficiens, vel planta, vel animal producitur; ) hoc idem in viviparorum generatione, *primus conceptus* est: idque tum sensu ipso, tum ratione comprobabimus.

Quod antea de ovo affirmavimus, nempe esse sperma & semen animalium, plantarum semini analogon; idem nunc de conceptu asserimus, qui revera animalium semen est, & proinde etiam ovum dicitur. Quippe *verum semen*, (ex Aristotelis sententia) est, quod ex ambobus coeuntibus originem trahit; & utriusque sexus virtutem obtinet; quale semen plantarum omnium est, & animalium quorundam, in quibus sexus distinctus non est: velut id, quod ex mare & foemina primum miscetur, quasi conceptus promiscuus quidam aut animal; haec enim jam habent, quod ex ambobus requiritur: materiam scilicet alendo foetui idoneam, & plasticam, sive formatricem, opificemque virtutem. Ita similiter conceptus, est utriusque coeuntium maris & foeminae fructus, atque futuri foetus semen: ab ovo igitur non discrepat.

Quod autem à generante proveniens, causa est, quae prima obtineat principium generationis (scil. efficiens) genitura dici debet, non autem semen; (ut à vulgo, & philosophis quoque hodie perperam appellatur) quia non habet, quod ab utrisque coeuntibus requiritur, nec plantarum semini est analogum. Quicquid vero id possidet, & plantarum semini respondet; illud etiam ovum, & conceptus dici mereatur.

Quineriam definitio ovi ab Aristotele tradita, conceptui plane convenit: Ovum, inquit, id ex foetibus perfectis vocamus, cujus ex parte principio animal consistit; reliquum vero alimento ei, quod gignitur, est. Idem autem conceptui quoque commune esse, postea ipsis oculis testibus, ex viviparorum dissectionibus constabit.

Porro, quemadmodum pullus ex ovo, incubantis, vel alterius cujuspian externi caloris blando fotu, excluditur foras; ita similiter foetus, ex conceptu in utero, suavi

matris calore producitur. Dicam paucis: quod ovipara animalia sinu, & incubatu; id vivipara utero, & amplexu interiore praestant. Caeterum, quod ad procreationem attinet, foetus eodem modo & ordine ex conceptu producitur, quo pullus ex ovo. Hoc solum interest, quod in ovo, quicquid ad constitutionem pulli, ejusque augmentum requiritur, id simul adsit; conceptus autem (postquam foetus ex eo constitutus est) ad sui incrementum, plus insuper alimenti ab utero matris trahat, unde una cum foetu augeatur. Ovum etiam, crescente pullo, inanitur; alimentumque quod in eo erat, absorbitur; nec pullus novum à matre nutrimentum accipit: *viviparorum* autem foetus aliud denuo invenit, & lacte insuper vescitur. Piscium tamen ova mutuato aliunde alimento, augentur; insectorum etiam, crustatorum, ac mollium ova, foris habent unde crescant; nec minus tamen ova appellantur, & revera sunt; similiter & conceptus, ovi nomen, meretur, licet aliunde, ad incrementum sui, varium alimenti genus hauriat.

Cur animalia quaedam sint *ovipara*, & non omnia vivos foetus pariant, *Fabricius* hanc causam reddit; Quod scilicet avium volatui, ova (si ad pullorum exclusionem in utero detinerentur) suo pondere obessent. Serpentum quoque versatilem motum ovorum multitudo impediret. Testudinibus, ovorum copiae & incremento, locus idoneus intra arcte circumductam testam deest. Nec piscium ventris, tot ovorum incremento sustinendo sufficit. Ideoque necesse habent, ova etiamnum imperfecta exponere. Quasi maxime naturale sit animali, conceptum in se eoque retinere, ac fovere, donec foetus perfectus fuerit; & natura interdum, ceu coacta, in quorundam ovorum praemature partu, alimento iis forinfecus quaesito provideat.

Quod autem ad procreationem foetus spectat, omnia animalia eodem modo ab oviformi primordio generantur; (*oviformi*, inquam; non quod illud figuram ovi referat, sed

sed quod constitutionem, & naturam ejus possideat;) si-  
quidem in eorundem generatione hoc solenne est, ut pri-  
mordium vegetale (ovi naturam referens, & plantarum  
semini proportionem respondens) praeexistat, ex quo foetus  
producatur. Estque hoc in omnibus, vel ovum, vel oviforme  
quid, quod scilicet naturam & conditiones ovi habeat;  
quas, etiam plantarum semina cum animalibus communes  
obtinere. Ideoque primordia quorumlibet animalium, di-  
cuntur semina, & fructus; ac similiter, omnia plantarum  
semina, conceptus & ova aliquo modo appellari pos-  
sunt.

Ad hunc sensum Aristoteles: *Quae intra se pariunt ani-* De gen.  
*mal, iis quodammodo post primum conceptum oviforme quiddam* an. l. 3. c.  
*efficitur: humor enim in membrana tenui continetur, proinde ac* 9.  
*si ovi testam detraxeris. Quamobrem depravationes conceptuum,*  
*quae per id temporis accidunt, fluxus vocant. In mulieribus*  
*potissimum isti fluxus observantur, cum primo, aut secun-*  
*do, mense abortiunt; quales saepissime eo tempore reje-*  
*ctos vidi, talemque Hippocrates ex tibia factu decussum,*  
*& prolapsum, retulit.*

Inest igitur in utero omnium animalium conceptus pri-  
mus, sive primordium; quod, teste Aristotele, est veluti Hist. an.  
ovum membrana obtectum cui putamen detractum sit. Idque ex l. 7. c. 7.  
dicendis constabit luculentius. Interea vero concludimus  
cum Philosopho: *Omnia tum natatilia, tum pedestria, tum*  
*volatilia; sive animalis, sive ovi forma, procedunt, simili mo-*  
*do gignuntur.*



HISTORIA GENERATIONIS CERVARUM, ET  
 DAMARUM, CEU RELIQUORUM VIVI-  
 PARORUM EXEMPLAR PONITUR:  
 FACTIQUE RATIO  
 REDDITUR.

EXERCITATIO LXIV.

**S**Erenissimo Regi Carolo, quamprimum excessit ex ephe-  
 bis, mos erat, animi à curis gravioribus laxandi, fir-  
 mandaeque valetudinis gratia, singulis fere septimanis fe-  
 ras venari; praecipue cervos, & damas: cujus generis nē-  
 mo in orbe Princeps, plures vel in saltibus sylvisque erran-  
 tes, vel intra septa, ac vivaria conclusos in hunc finem  
 aluit. Tribus quidem aestivis mensibus, mares jam obe-  
 fos, esuique jucundos; autumnō vero & hyeme, pari  
 temporis spatio foemellas venabatur. Hinc mihi ( quō  
 tempore foeminae libidinantur, maresque admittunt, con-  
 cipiunt, & utero novellos foetus gerunt ) eas dissecandi  
 quotidie facta est copia; partesque omnes, praesertim  
 genitales, intueri, atque observare, quoties vellem, li-  
 berè licuit.

Nos igitur viviparorum omnium generationem, ex cer-  
 varum & damarum historia, tanquam exemplari maxime  
 commodo, explorabimus. Idque ad eandem normam,  
 qua supra in ovi gallinacei historia reliquorum quoque ovi-  
 parorum generationem expendimus. Non quidem istuc  
 privato aliquo consilio, easdemque ob causas, prop-  
 ter quas ova gallinacea ad hanc rem praetulimus, hoc ge-  
 nus animalia in exemplum adduximus: sed, quod summi  
 Principis ( cui eram Medicus, quique & ipse harum re-  
 rum indagine delectabatur, mihiq; de repertis attestari  
 non dedignatus est ) favore, ac munificentia, ingens eo-  
 rum copia, simulque frequens dissecandi opportunitas, in-  
 quirendique libertas suppeterent.

Libet itaque cervarum & damarum historiam, ex plurimis à me annorum aliquot serie factis observationibus compositam, & tanquam mihi notissimam, unde de caeterorum quoque viviparorum generatione certi aliquid statui possit, proponere. Quam dum fideliter perteximus, quae in aliis quoque animalibus, bisulcis nempe, solidipedibus, fissipedibus, homineque adeo ipso notatu digna, vel casu obiter, vel institutis in eam rem dissectionibus, sese obtulerunt, omnia bona fide referemus; seriemque formationis foetus, secundum varios in ea naturae progressus, enarrabimus.

## DE CERVARUM ET DAMARUM UTERO.

## EXERCITATIO LXV.

**D**E generatione, & formatione cervarum, ac damarum acturo, de loco primum, sive utero dicendum est; (quemadmodum supra in gallinae historia fecimus) quo caetera postea facilius rectiusque intelligantur. Hac enim ratione potissimum historia fabulae praecellit; quod ea, locis & temporibus praefinitis, res gestas enarret; certioreque propterea tramite ad sapientiam deducat.

Ut autem cervarum uterus nobis clarius innotescat, fabricam ejus, exemplo sumpto ab utero muliebri, tum externam; tum internam explicabimus. Homo enim animalium consummatissimus, ut partes reliquas omnes, sic *genitales* etiam perfectiores obtinuit. Ideoque partes uterinae in muliere distinctae magis apparent, nobisque etiam (ob Anatomicorum in hac re industriam) melius cognitae habentur.

In cervarum igitur & damarum utero, plurima quidem occurrunt, quae eadem in muliebri quoque utero reperias; quaedam vero discrepant. In externo orificio, nec labia, nec clitoris, nec nymphae adsunt; sed duntaxat orificia duo (alterum urinae, pectinis ossi adjunctum; alterum

vulvae, inter anum & urinae meatum) reperiuntur. Cuticula membranosa ( qualem in gallina observavimus) deorsum ab ano protensum, velabrum operit, suppletque usum nympharum & labiorum pudendi, ad tutelam contra injurias externas. Velabrum hoc à foemina, dum coit, aliquantulum retrahitur; vel saltem à maris pene, cum vulvae orificium ingreditur, sursum propellitur.

Divisa in cervix & Damis, ossis pubis commissura; cruribusque multum diductis, illico ( non aliter, quam in muliere ) conspectui sese offerunt, vesica urinaria, vagina uteri, seu vulva ( quam veretrum maris ingreditur ) cervix uteri, hujusque situs; suspensoria item ligamenta, cum venis, arteriis, & testiculis sic dictis, cornua uteri etiam in hoc animali, prae caeteris uteri partibus, notanda veniunt.

Vasa autem praeparantia dicta, & deferentia, vel ejaculantia, hic non invenias; nec ( quod sciam ) in alia aliqua foemina visuntur; & Anatomici ( foeminam in coitu semen emittere rati ) ea in muliere sollicite nimis inquirunt: quippe omnibus non contingunt, & in quibus insunt, nunquam eodem modo reperiuntur. Quamobrem verissimum videtur, quod etiam ( uti monui ) mulierum major pars asserit; ipsas nempe in coitu semen non effundere. Et licet salaciores quaedam humorem aliquem in coitu emittant; eum tamen foecundum semen esse, aut ad conceptum necessario requiri, non arbitror: plurimae enim sine ejusmodi effusione ( & nonnullae quoque citra voluptatem aliquam ) concipiunt. Sed de his plura alibi.

Vulva sive vagina uteri, quae ab externo pudendi ostio ad internum matricis orificium extenditur; in dama, pariter ac muliere, inter vesicam urinariam, & intestinum rectum locatur; marisque genitali, forma, amplitudine, & longitudine respondet. Eadem dissecta, oblongis intus rugis sulcisque hians ad facilem distentionem, lentoque humore lubrica cernitur. In fundo ejus, orificium angustis-



simum & occlusum conspicitur : principium nempe cervicis uteri , per quod , quicquid ex uteri cavo propellitur , foras emanat. Est hoc orificium illud , quod in muliere gravida & virgine arcte adeo connivens , & sigillatum , conclusumque Medici affirmant , ut specilli , sive aciculae tenuissimae apicem non admittat.

Sequitur uteri cervix , sive processus , transitusque longior , ac rotundior multo , quam in muliere ; fibrosior etiam , crassior ; & nervosior , à vulvae fundo ad uterum usque protensus. Cervice hac secundum longitudinem rescissa , videas non modo ingressum ejus exteriorem , in vaginae fundo conspicuum , arcte connivere , firmiterque conglutinari , adeo ut ne aër quidem inflatus , in uteri cavitationem penetrare queat ; sed & quinque alias consimiles angustias ordine collocatas , firmeque contra omnem extraneae rei ingressum constrictas , & mucagine glutinosa sigillatas : quemadmodum & mulieris uteri orificium angustissimum flavescente glutine obstruitur. Tales etiam angustiae in cervice uteri ovilli , vaccini , & caprini ( *Fabricio* quoque observatore ) reperiuntur , arcte omnes conclusae , & ingressum quemlibet praecludentes. Quinque autem hi recessus , distinctissime in cerva & dama conspiciuntur , ceu totidem orificia uteri constricta & conglutinata ; quae merito credas munimenta adversus cujuslibet rei introitum. Usque adeo Natura videtur providisse , ut , si quid casu , aut vi aliqua foramen primum perrumperet , idem tamen in secundo sisteretur : & sic porro in reliquis cautum est , ne quippiam omnino uterum subeat. Stylus tamen è cavitate uteri foras emissus , dicta foramina facile recludit , & egreditur. Debuit nempe flatui , sanguini menstruo , aliisque humoribus excernendis via patefcere ; rerum autem externarum , etiam minimarum , ( aëris puta , aut seminis ) ingressui , omnino praecludi.

In aliis omnibus animalibus , orificium illud uteri eodem modo occlusum reperitur , quo in muliere solet ; in qua foras has arcte adeo interdum clausas novimus , ut menstrua ,

lochia, aliive humores, ob denegatum iis exitum, in utero retenti, symptomata hysterica saevissima excitaverint; ac propterea instrumentum ad hanc rem idoneum excogitare opus fuerit, quo aperto hoc uteri meatu, intus stagnantia foras profluerent, & praedicta accidentia dissiparentur; tum etiam, ut injectiones in uteri cavitatem penetrarent, quibus ego ulceribus matricis internis, & sterilitati quoque aliquando medelam attuli.

Uteri cavitas, in cervix & damis, minima est, uti & substantia ejus magnitudine & crassitie exigua. Quippe uterus, in illis animalibus, est tanquam vestibulum, sive propylaeum in cujus cavitare, iter utroque apertum, dextrorsum & sinistrorsum in cornua deducit.

Aliter enim se habent partes istae in caeteris fere omnibus animalibus sanguineis, atque in muliere; in qua, pars uteri praecipua est corpus ejus; cervix autem, & cornua (ceu appendices) vix conspiciuntur. Cervix nempe brevis est; cornua pusilla, & quasi processus teretes, sursum ab uteri fundo, tanquam binae tubae, protenduntur; quas Anatomici vulgo *vasa ejaculatoria* esse arbitrantur. In cerva autem, & dama, ut & caeteris quoque viviparis sanguineis (praeter mulierem, simiam, & solidipedum genus) pars generationis praecipua, non est uterus, sed cornua. Scilicet in muliere, & solidipedibus, uterus est locus conceptionis; in caeteris autem, conceptus in cornibus perficitur. Ideoque Auteres passim, cornua ista in aliis animalibus uteri nomine appellant; dicuntque, *uterum* quibusdam animalibus *bipartitum* esse, quibusdam vero minime; eo vocabulo conceptionis loca intelligentes, quae *cornua* sunt, in quibus omnia fere animalia vivipara, praesertim multipara, concipiunt: ad quae etiam omnes venae & arteriae uterinae feruntur; quibusque reliquae partes genitales subserviunt. Quare & nobis liceat, in eorum animalium generationis historia, tum uteri, tum cornuum nominibus promiscue uti.

In muliere, ut dixi, duae *tubae* prope cervicis uteri exitum

ortum in cavitatem ejus perforatae, non habentur vulgo cornibus analogae, sed à nonnullis Anatomicis, *vasa spermatica*; ab aliis, *spiramenta uteri*; ab aliis, *vasa semen deferentia*, aut *reservantia*; censentur. Tanquam essent de genere vesicularum seminalium; cum tamen revera cornibus uteri caeterorum animalium proportionem respondeant; ut liquido patet, ex situ, connexionem, amplitudinem, perforationem, similitudinem, atque etiam officio: quemadmodum enim alia animalia (ut jam dictum est) semper in cornibus concipiunt; ita aliquando etiam mulier reperta est, quae foetum in cornu, sive tuba illa gereret, ut doctissimus *Riolanus* ab aliis observatum meminit, & nos etiam propriis oculis conspeximus.

Cornua ista in communem cavitatem desinunt, quae *Anthrop.* (tanquam porticus, aut vestibulum) utrique praefigitur; *l. 2. c. 34.* & in cervis, utero muliebri analogum est; quemadmodum mulieris *tubae* dictae, earum cornibus proportionem respondent. Nomen autem à formae similitudine sortiuntur: quemadmodum enim arietis aut hirci cornua, basi sunt ampla; & antrorsum protuberantia, retrorsum incurvata cernuntur; ita similiter & haec uteri cornua (in cervis & damis) ortu suo ampla sunt, paulatimque sursum attenuata, versus spinam reflectuntur. Atque ut illorum cornua, à parte antica inaequalia, tuberosa, & rugosa sunt; à postica vero parte, laevia apparent: sic uteri cervarum cornua, infra quidem cellulis quibusdam protuberantibus rugosa sunt, ad coli intestini modum; supra vero (qua spinam spectant) laevia, & aequalia, ac quasi taenia ligamentosa astricta recurvantur; sensimque, cornuum instar, gracilescent. Si quis intestinum vacuum (quali, farciminationibus faciendis, coquus utitur) taenia ab uno latere secundum longitudinem contractum, caperatum, & coarctatum tenuerit; idem ex adverso latere (ad formam intestini coli) in cellulas corrugatum cernet. Talis est fabrica cornuum uteri cervarum, & damarum: in aliis vero aliter se res habet; nam vel majoribus cellulis, vel nullis



lis constant. Licet autem in cervarum & damarum cornibus plures sint cellulae, non omnes tamen uniusmodi sunt magnitudinis, sed prima caeteris longe major est, in qua potissimum conceptus continetur.

Quemadmodum in muliere, uterus, ejusque tubae, (seu cornua) cum reliquis ad eum pertinentibus, ossi pubis, dorso, & circumjacentibus partibus alligantur, mediante lata & carnosâ membrana, (tanquam vinculo suspensorio) quam Anatomici *vespertilionum alas* nominant; quod uterus hoc modo suspensus vespertilionem cum expansis alis referat: ita similiter in damis & cervis, cornua uteri utrinque cum testiculis, omnibusque uteri vasis, circumvicinis partibus (praesertim dorso) crassa membrana annectuntur; inque ea partes omnes dictae suspenduntur; idemque officium partibus uterinis praestat, quod *mesenterium* intestinis, & *mesometrion* utero gallinae. Nam ut à mesenterio, venae & arteriae mesaraicae ad intestina derivantur; ita quoque vasa uterina per dictam membranam disseminantur: in qua etiam vesiculae quaedam utrinque, & glandulae cernuntur, quas Anatomici vulgo *testiculos* appellant.

Substantia cornuum uteri cervarum & damarum, est cuticularis, sive tunica carnosâ (qualis intestinorum) venulis quibusdam gracillimis conspersa. Poteris eam, more Anatomico, in plures tunicas dispertire, diversosque fibrarum ductus observare, ad motus & actiones varias obeundas utiles, retentionem scilicet, & expulsionem. Quippe cornua ista, instar lumbricorum terrestrium, sese moventia saepius conspexi; sicut cuilibet licet, recenter occiso animali, apertoque confestim abdomine, intestina sese undoso motu contorquentia clare cernere; quo (tanquam circumdato annulo strictiore, & depresso; aut digitorum opera, conf restrictio fieret) chylum & excrementa ad inferiora promovenr.

Venae uterinae omnes (ut in muliere) originem è vena cava, prope emulgentes, ducunt: arteriae vero (quod illis etiam, cum muliere, commune est) è ramis arteriae magnae descendents cruralibus oriuntur: & quemadmodum

dum in muliere gravida, vasa uterina sanguinea plura & majora sunt, proportione, quam in reliquo ejus corpore; ita quoque cervix & damis praegnantibus usu venit. Arteriae autem, (contra, quam in caeteris partibus) multo, quam venae, numerosiores sunt; eademque inflatae, vicinas venas pariter distendunt; quod illis, ab inflatis venis, vicissim non contingit. Hoc ipsum quoque à *D. Riolo* observatum video; estque validum argumentum pro *circuitu sanguinis*, à me invento; dari enim transitum ab arteriis in venas, non autem retro è venis in arterias, luculenter probat: suntque plures arteriae, quam venae; quod copioso alimento ad nutriendum foetum opus sit, cujus reliquias pauciores venae regerant.

Testiculi in his, ut & ovibus, capris, ac bisulcis omnibus, visuntur quidem, sed sunt quasi parvae glandulae, quae prostatis potius, aut mesenterii glandulis proportionem respondent, (quarum usus est, stabilire venarum divaricationes, & humorem lubricandis partibus conservare) quam semini eique prolifico concoquendo, coitusque tempore profundendo, institutae sunt. Sumque egomet hujus sententiae, tum ob alias rationes plurimas alibi allatas; tum maxime quod coitus tempore (quando maribus testiculi turgent, & humore seminali replentur) in cervix & damis, caeterisque viviparis omnibus (in quibus reperiuntur) uteri cornua immutentur; testiculi autem dicti (tanquam ad generationem nihil facerent) nec turgeant; nec quicquam à solita constitutione (sive ante coitum, sive post ipsum) varient; neque ullo indicio, utilitatem aliquam vel ad coitum, vel ad generationem afferant.

Dictu mirum, quanta maribus (in talparum, & murium majorum genere) coitus tempore, tum in vesiculis seminariis plurimum distentis, tum etiam in testiculis, abundet geniturae copia; (quod etiam in gallo gallinaceo antea observavimus) & quam ingens mutatio in utriusque sexus genitalibus cernatur; cum tamen glandulae, (quas foe-

mellarum testiculos arbitrantur) citra variationem ullam, pristinam faciem servant.

Quae hactenus circa uterum, ejusque cornua, in cervis & damis notavimus, caeteris quoque viviparis maximam partem conveniunt; licet in muliere discrepent; quod haec in utero concipiat, illa vero omnia in cornibus, praeter equam, & asinam; quae tamen ipsae licet in utero conceptum gerere videantur, is tamen conceptionis locus, cornu potius naturam & constitutionem, quam uteri, refert: locus enim ille non est bipartitus, sed oblongior, & ab utero discrepans tum situ, tum connexione, tum fabrica, & substantia; magisque utero superiori, seu processui uteri gallinae (ubi ovum crescit, & albumine cingitur) comparandus est, quam utero muliebri.

## DE CERVARUM ET DAMARUM COITU.

### EXERCITATIO LXVI.

**H**istoria uteri cervarum, & damarum ita se habet. Ubi, quae ad generationem videbantur necessaria paucis expedivimus: nempe conceptionis locum, & quae hujus causae fabricata sunt; Restat, de loci hujus actione & functione, coitu scilicet & conceptu, jam dicamus.

Damae & cervae, uno solum statoque anni tempore mares admittunt; nempe sub medium Septembris, post festum Sanctae Crucis: pariuntque post medium Junii, circa festum divi Joannis Baptistae. Gerunt itaque utero novenis mensibus, non autem octonis, ut Plinius voluit: §. 8. c. 32. saltem apud nos parere solent nono mense postquam primo coierunt.

Coitus tempore, mares foeminis aggregantur; alias vero secedunt ab invicem; maresque (praesertim seniores)  
cum



cum maribus ; foeminae , cum foeminis , & maribus junioribus degunt , & pascuntur. Mense circiter integro libidinis desiderium exercent : ejusque initium , si tempestas sicca fuerit , tardius ; sin pluviosa , citius auspicantur. Ideoque in Hispania ( ut intellexi ) raro coeunt ante Octobris Calendas : quod imbres illis haud prius ingruant. Durat autem rarissime , apud nos , eorum coitus ultra medium Octobris.

Eodem tempore , furore libidinis faeviunt ; canes , hominesque adoriuntur : alias vero timidi valde , & imbelles sunt ; ac vel à minimae caniculae latratu sese continuo in fugam proripiunt.

Quilibet mas foemellas suas omnes novit , nec aliquando errare patitur à grege suo , sed cursu facto , palantem ociosus revocat ; interque conjuges obambulat zelotes ; crebro circumspicit , gregemque proprium circumagit , diligens custos. Si forte foeminam alienam offenderit , non ardentem eam insequitur , sed abire sinit : sin autem mas alter ad hujus gregem venerit , statim occurrit obviam , & intonat cornua.

Cerva ( uti & dama ) inter castiora animalia censetur : aegre enim maris initum patitur , ( quippe , tauri instar , cum impetu coitum peragit ) & nisi vi compulsa , aut fatigata , congressum repudiat. Quae etiam causa videtur aggregationis foemellarum ad proprios mares , eosque seniores , & potentes armis : adventante enim mare alieno , coitumque appetente ; ad proprium illico maritum , gregemque confugiunt , tanquam ad asylum , ut castitatem suam & pudicitiam tueantur.

Si forte mas junior coelebs foeminam solivagam reperit , accurrit ocyus , & persequitur , cursuque fatigatam , & jam amplius aufugere nequentem conscendit , & per vim comprimit.

Mares seorsum quilibet loca sibi parant coeundi , ( Angli dicimus , *their rutting place* ; ) fodiunt scrobes scilicet , aut loco acclivi adstant , amasiasque suas vicinim ad se venire

cogunt. Quae coitura est ; posteriores pedes in scrobem ( in hoc paratam ) demittit , fidesque , ( si opus sit ) clunes aliquantulum deprimit ; quo fit , ut insiliens mas , unico initu ( taurino more ) eum protrudens verberet , coitumque absolvat.

Veteres & robusti mares , plures in grege suo foemellas habent ; juvenes , & infirmi , pauciores. Aliis , denique quindenique aliis associantur. Custodes aiunt , altero , vel tertio saltem coitu impleri foeminam : ea vero simul ac praegnans evaserit , marem denuo non admittit.

Mas , postquam foemellas suas implevit , deservescit ; simulque timidior factus , ac macilentior , gregem deserit , vagatur solus ; avidaeque pascitur , ut attritas vires refarciat ; nec foeminam aliquam postea toto anno aggredditur.

Mari ad coitum maturo , pili in gutture & collo nigricant ; ejusdemque coloris est praeputii extremitas , quae etiam putret , & vehementer foetet. Foeminae marem raro patiuntur ; & non nisi noctu , locisque obscuris ; qualia ob eam causam à maribus in connubia eliguntur. Si isti invicem ( ut fit ) praelia commiserint , victi foemellae omnes victori in possessionem cedunt.

## DE CONSTITUTIONE , SIVE IMMUTATIONE UTERI CERVARUM , ET DAMARUM MENSE SEPTEMBRI.

### EXERCITATIO LXVII.

**A**Ccedimus jam ad partium genitalium foeminarum post coitum immutationem , & conceptionem ipsam. Mense itaque Septembri , cum primum foeminae ineuntur , earum uterus ( cornua intelligo , sive conceptionis locum ) paulo carnosior & crassior , mollior etiam , & tenerior conspicitur. In cavitate utriusque cornu , ( parte illa , quae , tanquam taenia caperata est ; nempe qua spinae objicitur ) carunculae

culae quinque, ceu verrucae molles aut papillae ordine dispositae, protuberant: quarum prima reliquis major, caeteraeque suo ordine continuo minores sunt; quemadmodum & ipsa cornua perpetuo ductu versus extremum cacumen tenuantur. Earum aliquae ad digiti crassioris amplitudinem (quasi caro fungosa luxurians) excrescunt: quae aliis albidiores, aliis rubicundiores visuntur.

Circa diem Septembris vicesimum sextum, aut vicesimum octavum, (ut etiam postea in Octobri) uterus crassior redditur; & carunculae, jam tumidiore, mulierum papillas referunt: lacti profundendo paratas crederes. Abscissa harum summitate, (ut ablata extima superficie, interiorem constitutionem dignoscerem) easdem ex innumerabilibus punctis albis compactas, tanquam ex totidem fetis cum mucosa aliqua visciditate erectis, conspiciam: factaque inter pollicem & indicem à radicibus sursum versum constrictione è singulis punctis minima sanguinis guttula prodiit. Unde diligentiore postea indagine intellexi, totidem arteriolarum capillamenta esse.

Tempore coitus itaque vasa uterina (praesertim arterias) plura, & conspectiora observavi. Quamvis (ut supra monui) testiculi qui dicuntur, neque ampliores, nec repleti magis quam antea, nec à pristina sua constitutione mutati appareant.

Uteri (scil. cornuum cavitas, & interior superficies (quam cellularum parietem dicas) haud aliter, quam interior ventriculorum cerebri concameratio, aut caro glandis intra praeputium, tactu mollissima & levis apparet. In illa vero nec sperma maris, nec aliud quippiam ad conceptum spectans (licet accuratam per Septembris atque Octobris menses totos dissectionem instituerim) invenire unquam potui. Mares tamen interea quotidie coitum celebrabant, egoque foemellas quamplurimas dissecabam. Estque hoc ipsum mihi multorum annorum experientia compertum. Vidi quidem in nonnullis, carunculas inter se vicinas adeo, ut quasi protuberantiam quandam continuam,



nuam, ex quinque simul junctis, prae se ferrent. Cum autem, periculo saepius facto, nihil aliud intra uteri cavitatem occurreret; coepi primum dubitare, num maris semen ullo pacto (injectione scilicet, aut attractione) conceptionis locum posset ingredi? tandemque, iterata saepius inspectio sententiam hanc mihi ratam fecit, nihil prorsus feminis ad ea loca pertingere.

## QUID IIS EVENIAT MENSE OCTOBRI.

### EXERCITATIO LXVIII.

**P**Lurimis quidem dissectionibus mense Octobri, tum ante finitum earum coeundi terminum, tum etiam postea, institutis; nunquam tamen in uteri cavitae, aut ejus cornibus, semen, aut sanguinem, alteriusve rei vel vestigium quidem reperire licuit. Uterus solum major, & aliquantulum crassior; carunculae quoque tumidiores, ac floridiores conspiciebantur: è quibus, facta digitis expressione validiore, minimae sanguinis guttulae emanabant: quemadmodum è gravidarum papillis, quarto praegnationis mense, lac aquosum exprimi solet. In unius quidem, aut alterius utero praeter naturam extenuato, inveni putrilaginem quandam viridem, & ichorosam, abscessus instar, cavitatem ejus replentem; caetera tamen, damae illae sanae erant & obesulae; non minus reliquis, quas simul recenter mactatas inspeximus.

Circa Octobris finem, & principium Novembris finito jam tandem coitu, foemellisque à marium consortio discedentibus; coepit uterus (aliis prius, aliis posterius) minorem molem prae se ferre, atque interioris cavitatis paries, ceu inflatus, tumesceri; namque, ubi cellulae nuper orant, ibi nunc globuli interius extuberabant, qui cavitatem fere omnem opplebant; adeo ut latera sese mutuo tangentia & quasi agglutinata conspicerentur, nihilque inter se spatii relinquerent. Nempe, ut puerorum labia  
(dum

(dum favos depeculantur, ut mella liguriant) apum spiculis icta, tument, inflantur, orisque hiatum arctant; ita pariter uteri damarum interior superficies turgescit mollissimaque & pulposa substantia (qualis cerebri est) cavitatem implet, & carunculas involvit. Atque istae quidem carunculae nihilo majores, sed albidiores tantum, & quasi aqua calida maceratae videbantur; quales lactantis papillae, statim ab infantis suctu, conspici solent. Sanguinem vero ex illis, ut antea, digitorum compressione elicere non potui.

Interior ista uteri superficies tuberibus inflata, adeo nunc tenera, delicata, & laevis evasit, ut nihil supra. Credas equidem, ventriculorum cerebri mollitiem adesse; digitumque ei admovens, nisi oculos consulueris, vix percipias te eam tangere. Jamque aperto, statim post inter necionem, uteri sinu; undosum, ac testudineum motum saepe vidi (qualis in ima parte cochleae, aut limacis, dum rapit, conspicitur) quasi uterus esset animal in animali, motumque proprium exerceret. Ejusmodi intestinorum motum (ut modo dictum est) in vivorum dissectione saepe conspiciatus sum: eundemque visu, & tactu, in vivis canibus & cuniculis (etiam integris) experiri licet. Similem quoque motum in marium testiculis, & scroto observavi: novique mulieres, quibus palpitaciones ejusmodi, pro spe gravidationis, imposuerint. Num autem uterus muliebris, in hysterice symptomatibus (ascensu nempe, descensu, & contortione) tali motu, sive agitatione palpitet, necne; atque utrum cerebrum quoque in suis conceptionibus similiter moveatur; quaesito ut arduum, ita haud indignum censeo.

Paulo post, dicta interioris tunicae uteri extuberantia fatiscere, (ac si madore perfunderetur) & paulatim fidere, atque extenuari coepit: quinetiam nonnullis, sed raro, purulenta quaedam materia (sudoris in modum) adhaerebat; qualis in vulneribus, aut ulceribus cerni solet, cum *concocta* dicuntur, ac pus reddunt album, laeve, &

aequale. Vifa primum hac materia dubitabam, num maris semen esse, an ex puriore illius parte concoctum quid arbitrarer. Quoniam autem eam rarissime, & in paucis admodum conspicabar; & jam viginti diebus praeteriisset cum maribus consuetudo; materiaque ipsa non esset lenta, viscida, aut spumosa, (quale semen deprehenditur;) sed magis friabilis, & purulenta, ad flavedinem tendens apparebat; potius casu aliquo, vel à sudore, ex nimio cursu ante necem defatigatis, eam contigisse judicabam: quemadmodum in gravedine, tenuior catarrhi materia in mucum densata flavescit.

Hanc in utero mutationem cum saepe serenissimo Regi (tanquam primum praegnationis indicium) obtulissem; simulque ostendissem, nihil etiamnum seminis aut conceptus in uteri cavo reperiri; Ipseque pluribus idem, ceu rem miram, communicasset; orta demum est controversia: Custodibus, & venatoribus asserentibus primum, argumento esse, tardam fore conceptionem; & defectum imbrium causabantur. Postea vero, cum coeundi tempus praeteriisse cernerent, egoque idem usque assererem; constanter affirmabant, & me deceptum esse, & à me Regem ipsum; debereque necessario aliquid conceptus in utero reperiri: donec propriis oculis rem, ut erat, perscrutati, summa cum admiratione de lite desisterent. Medici autem, absque maris semine superflite conceptum fieri, nihilque protinus à coitu foecundo in utero remanere, inter *adversum* referebant.

Quo clarius igitur hoc tanti momenti experimentum posteris constaret; serenissimus Rex, experiendi causa (quoniam in omnibus idem concipiendi modus, & tempus est) duodecim circiter damas foeminas, circa initium Octobris, ab omni marium consortio segregavit, murisque inclusas in vivario suo aedibus Hamptoniensibus vicino detinuit; loco nempe, cui *Cursus* nomen; quod intra ejus septa, ferarum immissarum veloci cursu, canum insequentium pernicitatem experiantur. Ne vero quis causare-



saretur; has ita seclusas, semen ex ultimis congressibus retinuisse, (coïtus enim tempus nondum praeterierat) earum aliquas dissecai, vidique, nihil seminis in ipsarum uteris superesse: cum reliquae tamen ex praecedaneo coïtu, (seu contagio quodam) praegnantēs fuerint, foetusque suos statō tempore pepererint.

In canibus, cuniculis, aliisque plurimis animalibus, expertus sum, nihil prorsus in utero post coïtum, per aliquot dierum spatium repēriri. Adeo, ut exploratum habeam, in viviparis quoque (quod supra de Oviparis constitit) nec ex spermate maris, aut foeminae, in coïtu projecto; nec ex ambobus simul mistis (ut Medici volunt) oriri foetum; neque ex sanguine menstruo, tanquam materia, (ut *Aristoteles* censuit;) neque protinus à coïtu, conceptus aliquid necessario constitui. Et proinde haud verum est, in coïtu prolifico, materiam aliquam in utero paratam adesse, quam masculi seminis virtus (coaguli instar) coquat, coagulet, & efformet; vel in actum generationis deducat; aut, resiccata extrinsecus superficie, membranis includat. Nihil enim omnino per dies complurculos (nempe ad duodecimum Novembris) inesse cernitur.

Patet insuper, non omnes foeminas, dum coeunt, semen in uterum profundere; neque enim in dama, aut cerva, aliisque plurimis viviparorum generibus, ullum est, vel menstrui sanguinis, vel seminis indicium. Quid autem sit, quod à mulieribus petulcioribus in coïtu, cum virium resolutione, ac voluptate, non minus quam à viris, profluit; & an necessario ad conceptum faciat; utrum à testiculis proveniat; an sit semen, & num prolificum; alibi à nobis dictum est.

Atque haec dum agimus, ignorent mihi niveae animae, si (summarum injuriarum memor) levem gemitum effudero. Doloris mihi haec causa est: cum inter nuperos nostros tumultus, & bella plusquam civilia, serenissimum Regem (idque non solum Senatus permissione, sed

& jussu) sequor; rapaces quaedam manus, non modo aedium mearum suppellectilem omnem expilarunt; sed etiam (quae mihi causa gravior querimoniae) adversaria mea, multorum annorum laboribus parta, è musaeo meo summanarunt, Quo factum est, ut observationes plurimae (praesertim de generatione Insectorum) cum reipublicae literariae (ausim dicere) detrimento, perierint.

### QUID IN UTERO DAMARUM CONTINGAT, MENSE NOVEMBRI.

#### EXERCITATIO LXIX.

**C**irca diem Novembris duodecimum, aut decimum quartum, aliquid primum in uteri damarum cavo, ad futuram prolem pertinens reperiri, plurimorum annorum experientia edoctus, vere testor.

Memini quidem, anno salutis 1633. conceptionis signa, sive exordia, paulo citius apparuisse; quod tempestas nubila, & pluviosa esset. In cervis etiam, quae sex septemve diebus prius, quam damae, coeunt; octavo, vel nono circiter Novembris die, aliquid semper futuri foetus vestigium deprehendi. Quid autem illud sit, & quomodo inchoetur, jam dicam.

Paulo antequam quippiam discernitur, uteri sive cornuum substantia minor apparet, quam cum primum libidinabantur, albaeque carunculae flaccidiores sunt (ut ante monui) & interioris tunicae protuberantia subsidit aliquantulum, corrugatur, ac madescit. Circa tempus enim praedictum, per mediam utriusque cornu atque etiam uteri cavitatem, mucosa quaedam filamenta (tanquam araneorum telae) ab ultimo sive superiore cornuum angulo duuntur; quae simul juncta, membranofam ac mucilaginosam tunicam, sive manticam vacuum referunt. Atque ut plexus Choroides per cerebri ventriculos traducitur; ita sacculus iste oblongus, per totum utriusque cornu, inter-

termediique uteri cavitatem protelatur. In quo ductu, intra rugas fatifcentis tunicae interioris sese insinuans, inter praedictas globulosas extuberantias tenues fibras implicat; ad eum prorsus modum, quo pia mater intra cerebri gyros se abscondit.

Post diem unum, aut alterum, mantica haec impletur aquosa, alba, lenta, & albuginea materia; longumque farcimen humore isto plenum refert. Lentore quidem suo exteriori, uteri lateribus continentibus aliquantulum adhaeret; ita tamen, ut facile ab iis separari queat: quippe in uteri angustia (ubi constringitur, dum eam pertranfit) arrepta illa, ex utroque cornu integra educitur, modo caute actum fuerit.

Conceptus iste adauctus, & extractus, figura manticae, sive duplicis farciminis deprehenditur; & exterius quidem, purulenta quadam forde oblinitur; intus vero lubricus est, lentumque humorem, ovi albumini liquidiori non absimilem, in se continet.

Est hic cervarum & damarum conceptus primus. Et quoniam naturam, atque conditionem ovi obtinet, convenitque ei definitio ovi ab *Aristotele* tradita, nempe *cujus ex parte animal gignitur; reliquum cibus ei, quod gignitur est*: quoniam etiam futuri foetus primordium existit; propterea quoque animalium horum ovum dicitur: secundum illud Philosophi, *Quae intra se pariunt animal, iis quodammodo post primum conceptum oviforme quiddam efficitur. Humor enim in membrana tenui continetur, perinde quasi ovo testam detraxeris: quamobrem depravationes conceptuum, quae per id temporis accidunt, fluxus vocant.* Est igitur (ut supra de ovo diximus) conceptus iste, vere sperma, sive semen, utriusque sexus virtutem in se complectens, & plantarum femini analogum, Ideoque *Aristoteles* mulierum conceptus primos describens, ait esse, *veluti ovum membrana obtectum*; cui putamen detractum sit, qualem *Hippocrates* e tibicina profluxisse memorat; nosque etiam mulieribus saepe secundo mense decidisse vidimus, ad ovi columbini molem, sine



foetu; aliquando etiam ad phasiani, vel gallinacei ovi magnitudinem: atque hoc tempore, embryo intus longitudine unguis digiti minimi fluitans cernitur. Membrana vero conceptum obtegens, placentam annexam nondum obtinet, neque utero affigitur: sed solummodo parte sui superiore & obtusiore, quasi musco tenui, aut lanugine quadam vestita, accrescentis jam placentae rudimenta exhibet: interior autem superficies, levis & lubrica existens, plurimis vasorum umbilicalium propaginibus referta cernitur. Tertio mense, ovum hoc, anserinum magnitudine superat, atque embryonem perfectum duos digitos transversos longum amplectitur. Mense quarto, struthionis ovo grandius visitur. Atque haec in abortibus (crebro factis dissectionibus) diligenter observavi.

Ad hunc, inquam, modum damae & cervae, licet per mensem integrum (atque etiam amplius) à coitu, nihil sensibile in utero habeant, quodam tamen veluti contagio affectae, conceptus huiusmodi & primordia (quemadmodum plantae, semina; arboresque, suos fructus) ovorum instar producunt: quae circa diem decimum octavum Novembris, aut (ad summum) vicesimum primum, perficiuntur; idque interdum in dextro cornu, aliquando in sinistro, nonnunquam in utroque; habentque in se materiam colliquatam, transparentem, & crystallinam (quam, in ovo gallinaceo, *colliquamentum* sive *oculum* nominavimus) propria tunica tenuissima atque orbiculari contentam, humoreque eo, in quo postea conceptus natat, longe puriorem; in cuius medio, fibrae sanguineae, & punctum saliens (primum futuri foetus fundamentum) citra ullam praeterea cujuslibet rei praesentiam, clare discernuntur: estque haec prima pars genitalis. Qua demum constituta, anima non modo vegetativa, sed & motiva jam inesse dicitur; à qua caeterae omnes foetus partes, suo quaelibet ordine, generantur, efformantur, & disponuntur, vitamque suscipiunt: eodem prorsus modo, quo pullum ex ovi *colliquamento* fabricari diximus.

Ambo isti humores omnibus viviparorum conceptibus insunt: eosdemque plurimi pro foetus excrementis habent; dum alterum quidem, urinam, alterum vero, sudorem ejus esse arbitrantur. Cum tamen nihil tetri sapiant, & conceptui semper manifeste insint, priusquam quicquam foetus discernitur.

Tunicarum, utrumque humorem ambientium, exterior, *Chorion*; interior, *amnium* appellatur. Nec plures his duabus reperiatur. Illa totum conceptum involvit, & per utrumque cornu extenditur: haec in priore aqua natans, in alterutro duntaxat cornu continetur; nisi ubi gemini foetus adfuerint; quo casu, utrisque una inest; quemadmodum in ovo gemellifico, bina colliquamenta: adeo ut, ubi bini foetus fuerint, ambo in uno eodemque conceptu communi (tanquam uno ovo cum binis aquis suis crystallinis contineantur. Exteriorem membranam alicubi si dissecueris, aqua turbidior statim omnis ex utroque cornu effluit; crystallina vero, quae in interiore amnio est, non simul elabatur, nisi & ipsum quoque apertum fuerit.

Vena, quae primum in humore crystallino intra amnium conspicitur, è puncto saliente originem trahit; atque umbilicalium vasorum naturam, & officium subit; paulatimque auctior reddita, in alias quoque ramificationes, per colliquamentum sparsas, protelari cernitur: ut certo constet, nutrimentum sub initia à solo *colliquamento* (in quo foetus natat) hauriri.

Punctum hoc in utero dissecto adhuc palpitans, serenissimo Regi videndum exhibui; parvum adeo, ut (nisi beneficio radiorum Solis oblique illustrantium) motum ejus tremulum cernere non potuerit.

Colliquamentum integrum, atque tepidae clarae in vase argenteo vel stanneo inditum, punctum saliens intuentium oculis perbelle exhibet. Eique, sequentibus diebus, mucago, instar vermiculi, galbae forma, adjacet, (nempe corporis futuri primordium) in duas partes divisa; ex quarum altera, truncus formatur; ex altera, caput; eodem plane

plane modo, quo de ovo gallinaceo ante retulimus. Spina, instar carinae, paululum inflexa; caput, ex tribus vesiculis, sive globulis parvis imperfecte compositum cernitur, & in aqua crystallina natans, crescit continuo, figuramque debitam adipiscitur. Hoc solum interest, quod oculi in oviparis, quam in viviparis, majores multo & conspectiores sint.

Post sextum & vicesimum Novembris diem, foetus corpore propemodum perfecto cernitur; atque indiscriminatum, quibusdam in dextro, quibusdam in sinistro cornu reperitur: quibus autem gemelli foetus contingunt, iis in utrolibet cornu unus adest.

Eodem tempore, mas à foemina genitalibus suis facile distinguitur; quae in embryone humano conspicua sunt, simulatque arteria aspera discernitur.

Marem & foeminam (prout casus tulerit) modo in dextro, modo in sinistro cornu invenias. Saepius tamen foeminam in dextro, in sinistro marem observavi: idque frequenter in damis, quae gemellos utero gerebant (aliquando etiam in ovo) mihi videre contigit. Ut certum sit, constitutionem aliquam, aut virtutem lateris propriam, sexui discriminando nihil conferre. Neque enim uterus est fabricator aut formator foetus, nec quidem mater ipsa; magis, quam gallina pulli, in ovo cui incubat. Quemadmodum enim pullus, ab interno agente & formante, in ovo fabricatur; ita foetus similiter, ex hoc damarum ovo conficitur.

Mirètur aliquis, tam brevi temporis spatio à primo sanguinis punctique salientis ortu, foetum intra *annium* formari, integreque perfici. Enimvero circa diem decimum nonum, aut vicesimum Novembris, punctum illud primo comparet: circa vicesimum primum, aut postridie ejus vermiculus sive galba informis conspicitur: sex autem septemve inde diebus, foetus adeo perfectus discernitur, ut marem à foemina (membrorum genitalium ope) internoscere, pedesque formatos, ungulas fissas, mucos-

fas,



tas, parumque flavescentes videre plane liceat.

Quamprimum foetus formari incipit, & crescere; substantia uteri plurimum extenuatur: contra quam in muliere usu venit, cujus uterus indies, prout foetus increverit, crassior & carnosior evadit. Quippe in cerva & dama, quanto magis embryo augetur, tanto propius etiam earum uteri cornua ad intestini formam accedunt; illudque cornu praecipue (in quo foetus continetur) sacculum refert, licet amplitudine & capacitate sui, alterum exsuperet.

Ovum hoc, sive conceptus, nusquam haecenus matris lateribus adhaeret vel adnascitur (quanquam foetus jam perfectus cernitur) sed facili negotio integrum eduxeris: quemadmodum in ove expertus sum, quae foetum pollicis fere longitudine in utero gestabat. Quapropter manifeste constat, foetum adhuc solo albumine nutriri intra conceptum incluso: sicuti in ovo gallinaceo evenire, supra notavimus. Venarum enim umbilicalium ore, intra conceptus albumen, & vicinos humores, eorumque tunicas obliterantur; nusquam autem adhuc utero annexa sunt, licet per eas venas solas alimentum foetui subministretur. Et quemadmodum in ovo, venarum propagines in colliquamentum (ceu plantarum radices in terram) primo sparguntur; posteaque ad tunicam exteriorem (*chorion* dictam) tendunt; pabulique sui gratia, quoquoersus per humorem albugineum in extima membrana contentum infinitis surculis ramificantur: ita pariter in abortu muliebri, venas in *chorio* conspicuas observavi; *Aristotelesque* etiam; *membranam illam venis refertam* dixit.

Hist. an.  
l. 7 c. 7.

Si unicus foetus fuerit, illius vasorum umbilicalium distributio ad utrumque cornu (ramulis quibusdam per uteri cavitatem deductis) protenditur, ut utrinque alimentum hauriant. Sin bini adfuerint (in singulis nempe cornibus unus;) uterque vasa sua umbilicalia in illam solum conceptus partem disseminat, quae proprio suo cornu respondet: nimirum dexter foetus, è dextra conceptus parte victum

quaerit ; sinister , è sinistra : caeteraque etiam similiter conceptus geminus cum ovo gemellifico sese habet.

Sub finem igitur Novembris , partes omnes clare ac distincte dignoscuntur ; foetusque jam magnitudine fabae majoris , vel nucis moschatae apparet ; occipite quidem prominulo , ut in pullo ; sed oculis minoribus. Os ad utramque auriculam hians cernitur : buccae enim & labia ultimo proficiuntur , utpote partes cutaneae. In omnibus inquam foetibus ( etiam humano ) paulo ante partum , oris rictus , sine labiis & buccis , ad utramque aurem protensus cernitur. Eandemque ob causam , nisi fallor , multi nascuntur cum labro superiori fisso , ( Angli , *hare-lip* , i. e. leporina labia habentes nominant ; qualia scilicet lepori , & camelo sunt ) quia in foetus humani formatione , superiora labra tardissime coalescunt.

Foetum magnitudine fabae majusculae , intra tunicam *Amnion* transparentem , in purissimo suo pabulo natantem , vasi argenteo aqua limpidissima pleno saepe indidi ; haecque potissimum notatu digna observavi. Cerebrum albumine ovi paulo crassius ( tanquam lac mediocriter coagulatum ) rudique forma , sine calvaria , intra ambientem undique membranam continetur. Cerebellum in apicem prominet , sicut in pullo. Cordis conus albicat ; caeteraque omnia viscera ( ipsumque adeo hepar ) alba sunt , & quasi spermatica. Truncus venarum umbilicalium ex corde oritur , jecorisque gibbum transiens , in venae Portae truncum perforatur ; indeque paululum progressus , & in plurimas propagines dispersitus , per *colliquamentum* , & tunicam *Chorion* ( ut dixi ) innumerabilibus furculis diffunditur. Latera utrinque à spina ascendunt ; unde thorax quasi cymba aut navicula apparet , priusquam cor , & pulmones intra ejus ambitum reconduntur : perinde omnino ac in pulli formatione evenire diximus. Quippe intestina , cor , aliaque viscera plane conspicua sunt , videnturque corporis veluti appendiculae , donec obducto anterieus thorace atque abdomine ( tanquam superstructo aedificii hu-

ius tecto) intra earundem civitatem occluduntur. Eodem tempore, latera utrobique, tam pectoris, quam alvi, alba, mucilaginosa, & quasi similis constitutionis visuntur; nisi quod per interiora pectoris, exiles quaedam & capillares lineae candidissimae occurrant; quarum indicio, inter futuras costas, partesque lateris carnosas distinguimus.

Vidi aliquando in consimilis aetatis conceptionibus ovillis foetus geminos, (interdum unum duntaxat) qui digitum transversum longitudine aequabant: forma iis erat minimae lacertulae; magnitudo, vespae, aut erucae: spina dorsi in orbem flectebatur adeo, ut caput propemodum ad caudam pertingeret. Uterque separatim in aqua limpidâ peculiari intra *Amnium* natabat; ejusdemque magnitudinis (tanquam ab uno initu, conceptuque nati essent) conspiciebantur. Quamvis enim alter in dextro cornu, in sinistro alter reperiretur, ambo tamen in eadem mantica, eademque aqua exteriore (ac proinde in eodem ovo) confinebantur. Os amplum; oculi vero puncta erant exigua, & vix conspicua; contra, quam in avium genere contingit. Praecordia quoque illis nondum intra corporis cavitationem conclusa, sed foris pendula cernebantur. Exterior membrana, Chorion dicta, utero minime adhaerebat; adeo, ut conceptum integrum extrahere licuerit. Simul etiam in eadem tunica, infinitas ramorum umbilicalium propagines (utero nusquam alligatas) conspicebam; quemadmodum in cervis observavimus; eodemque prorsus modo, quo extimam ovi gallinacei tunicam supra descripsimus. Aderant solum bini humores, totidemque hos continentes tunicae: quarum Chorion per utrumque cornu protendebatur, plerumque aqua turbidiore, ovum, sive conceptum efformabat: tunica vero Amnios pene invisibilis (qualis oculi arachnoïdes) humorem crystallinum amplectebatur, in quo foetus ovillus natabat.

Humor intra Chorion, ad alterum centupla (ne dicam, millefima) proportionem erat; licet ipse humor crystallinus



in Amnio ea copia esset, ut nemo illum tantilli foetus in ipsa natus sudorem esse, jure suspicari posset. Quinetiam limpidus valde, nulloque malo odore, aut sapore imbutus apparuit; sed (veluti in cervis & damis observavimus) omnino lac aquosum videbatur, nihilque excrementitiae pravitatis obtinebat. Addo etiam, si humor iste de excrementi natura esset, deberet, ipse quoque, crescente quotidie foetu, augescere. Ego vero in conceptu ovillo plane contrarium expertus sum; quippe paulo ante partum vix quicquam ejus reperitur. Ideoque alimentum potius, quam excrementum esse crediderim.

Tunica uteri ovilli interna, innumeris carunculis (ut coelum, stellis) tota insigniebatur: erantque oculis cancri, à nobis dictis, non absimiles, sed minores; & tanquam verrucae pensiles, glandulosae, ac albae, inter tunicas uteri haerentes, conceptum versus nonnihil excavabantur: (contra quam cervis & damis evenit; in quibus illae foetum versus extuberant:) quin etiam sanguine turgabant; earumque interior superficies, qua conceptum respicit, punctis nigris sanguineis plena conspiciebatur. In has carunculas, venae foetus umbilicales nondum inferebantur; nec conceptus ipse utero adhaerebat.

Allantoidem, quam praedicant, tunicam à Chorion distinctam, in ovillo conceptu non invenio; sed postea (foetu grandiore facto) cum ovum sive conceptus utero adnascitur, venaeque carunculis infeminantur; Chorion ulterius protenditur, & utrinque in extremitatibus ejus, (tanquam appendicibus) humor quidam flavedine tinctus (excrementitium diceretis) seorsum cernitur.

Conceptus muliebris, primis gestationis mensibus, ab ovo vix quicquam discrepat. Vidi enim ante natam placentam, humorem album (tenuiori ovi albumini similem, ovoque columbino, imo phasian, magnitudine aliquando parem) intra membranam subtilem contineri; in quo embryo, longitudine unguis digiti auricularis, ranulae instar, conspiciebatur: nempe, corpore lato; scisso ore;

ore; cruribus, & brachiis, ceu florum apicibus, noviter protrusis; occipite prominente, sive potius vesicula reliquo capiti appensa, qualem in pullo futuri cerebelli exordium diximus.

In alio conceptu muliebri (dierum circiter quinquaginta) ovum erat, gallinaceo ovo aut gallinae Indicae aequale. Foetus longitudine fabae majusculae visebatur, cum capite praegrandi, quod cerebellum, tanquam crista, supereminebat; cerebrum autem ipsum, lacti coagulato erat simile. Cranii vice, membrana coriacea, & aliquibus locis cartilaginosa, per frontem ad narium radices dividebatur. Rostrum apparuit caninum. Auriculae nulla; neque item nasus: arteriam asperam tamen in pulmones descendentem, penisque rudimentum discernere licuit. Ambae cordis auriculae, tanquam oculi nigricantes, cernebantur.

In muliere quadam ex febre mortua, embryonem hermaphroditum ejusdem fere magnitudinis reperi. Pudendum ei erat quale cuniculo: labia, praeputium; nympha, glandem referebant. Visum est quoque parte superiore penis exordium; & utrinque, pro testiculis, scroti laxior cutis aderat. Uterus autem perexiguus, uteri ovilli, vel talpae effigiem, cum duobus cornibus, exhibebat. Et quemadmodum prostatatae glandulae juxta pueri penem locabantur; ita similiter testiculi visendae magnitudinis cornibus istis adjacebant. Adeoque foris, sexum virilem potius; intus autem, muliebre magis praeferebat. Uterus matris ingens apparuit, cum vesica urinaria (seu appendice) adjuncta: contra autem in foetu, vesica magna cum annexo utero perexiguo sese obtulit.

Diæti omnes muliebres conceptus, ovis similes, rugosa foris superficie erant, & quasi gelatina aut glutine quodam oblinebantur: eodemque tempore, nec placenta apparuit, neque aliqua cum matrice unio; aut vasorum umbilicalium, per ipsam conceptus superficiem sparsorum, in uterum insertio.

Quamquam in eodem cervarum & damarum conceptu, plures foetus (ceu pulli, in ovi gemellifici eodem albumine) reperiuntur; uti etiam in ovibus, capris, aliisque bifulcis evenit: res tamen in canibus, cuniculis, suisque, caeterisque viviparis & multiparis animalibus, aliter se habet; in quibus foetus quilibet, binos humores, & utramque tunicam peculiare fortitur.

In canibus, per totum cornu ductum, varii nodi sunt; in quibus totidem humores continentur; & in singulis eorum, singuli foetus. In lepore, & cuniculo, multi globuli (quemadmodum in serpentibus ova) tanquam armillae ex pluribus succini globulis filo unitis, conspiciuntur. Et leporinus quidem conceptus, glandi quercinae persimilis est; dum eum placenta, ad modum cupulae, complectitur; humoresque in tunicis conclusi, ceu glandes, propendunt.

### CONCEPTUS CERVARUM ET DAMARUM UT SE HABEAT, MENSE DECEMBRI.

#### EXERCITATIO LXX.

**P**incipio Decembris, auctior jam & perfectior foetus conspicitur; digiti nempe longitudine. Cor, caeteraque viscera, & intestina (quae antea foris appensa cernebantur) in corporis cavum absconduntur; ut ea, citra sectionem, intueri, cordisque pulsus distinguere nequeas.

Conceptus, sive ovum, mediantibus in utroque cornu quinis carunculis (quarum saepe antea meminimus,) utero totidem in locis copulatur, & adnascitur; non adeo valide tamen, quin facili conatu avelli queat. Quod ubi factum est; in exteriori Chorii superficie, qua utero per dictas carunculas adhaerebat, vestigia harum inaequalia, lentore quodam viscosa & rugosa conspiciuntur: quasi eodem glutine adhaesio, sive conjunctio facta foret. Jamque tandem natura, atque usus istarum caruncularum in-

note-



notescit : nam quae prius ( tanquam fungi , aut verrucae ) uteri lateribus adnatae cernebantur , nunc conceptui annexae , vicem suppleant placentae , sive hepatis uterini ( in muliere , ) eodemque officio funguntur . Praestant nempe usum papillarum , unde foetus , ope vasorum suorum umbilicalium , alimentum à matre suppeditatum trahat ; uti ex sequentibus palam fiet .

Magnitudo & capacitas uteri ( quo nomine , cornua intelligimus ; loca nimirum conceptionis ) pro incremento foetus , augentur ; ita tamen , ut cornu illud , in quo foetus hospitatur , altero majus sit .

Conceptus ( aut ovum ) est in iis unicus ; sive foetus singularis , sive plures inde oriantur . Idemque in utrumque cornu protenditur : adeo , ut duplex sarcimen , vel unicum potius & in medio sui constrictum , videatur ; quemadmodum supra à nobis dictum est : quippe ex alterius lateris ultimo cornu tenuis ac teres prodiens , sensim augetur , diduciturque ad eum locum communem , qui in muliere uterus dicitur , & matrix ; ( quod ea parte , foemina mater fiat , foetum concipiendo , & fovendo ; ) ubi tanquam peristhmum transiens , restringitur , denuoque in altero cornu dilatatus , ad illius extremum protenditur ; ubi ( veluti in principio sui ) gracilior factus , desinit . Conceptus itaque hujusmodi , modo integer extrahatur , manticae ( *Angli nominant a wallet* ) aqua utrinque plenae similis est : indeque tunica haec chorion , dicitur etiam *allantoides* ; quod istorum animalium conceptus , intestinum inflatum infractumve , medioque sui coarctatum referat .

In embryone hoc tempore dissecto , interiora omnia distincta & perfecta conspiciuntur : praesertim ventriculus , intestina , cor , renes , & pulmones ; qui etiam in lobos divisi , sanguinolenti apparent , formamque debitam nati sunt . Color autem his rubicundior est , quam iis qui aërem aliquando inspirant ; quod pulmones , ab eo dilatati , albedinem induant . Eoque indicio facile internoveris , matrisne vivum , an mortuum foetum peperit : illico enim ab in-

inspirato aëre, mutatur pulmonum color; qui, etiam post repentina fata, idem permanet.

In foetu foemineo, testes (improprie sic dicti) juxta renes, in uteri suspensorio, utrinque ad fines cornuum, positi sunt; majoresque proportionem, quam in adultis; & caruncularum instar, albae visuntur.

In foetus ventriculo, materia aquea (non absimilis ei, in qua natat) reperitur; sed turbidior paulo, minusque transparens: quale hoc est, cum primum praegnantibus mulieribus, circa quartum aut quintum mensem, è papillis emulgetur; vel serum albidius, quod nos *white posses* dicimus.

In intestinis superioribus, chylus ex eadem materia cocta abundat. In colo autem, excrementa virescentia, & formata scybala apparere incipiunt.

Urachum non invenio perforatum: nec differentiam aliquam tunicae *allantoidis* (quae urinam continere dicitur à *chorio*: neque urinam in *secundis* reperio, sed in vesica) eamque copiosam. Vesica ipsa oblongior, inter arterias umbilicales, è ramis arteriae magnae descendentes ortas, sita est.

Jecur rude est, & propemodum informe; ac, quasi aliquid praeter naturam esset, videtur solum rubicunda & sanguinolenta effusio. Cerebrum nonnihil figuratum intra membranam crassiorem continetur. Oculi sub palpebris occulti latent; haeque adeo invicem conglutinatae sunt, arteque cohaerent (veluti canibus mox ab ortu evenit) ut eas disjungere, oculosque aperire vix potuerim. Pectoris ossa, & costae jam sensim durescunt: musculorum quoque color, ex albo in sanguineum transit.

Institutis per hunc mensem plurimis dissectionibus, factus sum quotidie certior, carunculas illas placentae uterinae officio fungi: eademque jam rubicundae ac turgidae, nucis juglandis magnitudine reperiiebantur. Conceptus, quem antea mucoris solum ope carunculis adhaerere diximus, jam vasorum umbilicalium ramusculos, in ipsas caruncu-

runculas (ut plantae radices suas in terram) inserit, quibus utero agglutinatur, & adnascitur.

Sub finem Decembris, foetum spithamae longitudinis, sese valide moventem, calcitrantemque vidimus. Os, ac fauces aperiebat, claudebatque. Cor, in pericardio situm, dissectoque pectore conspicuum, manifeste, fortiterque pulsabat. Ventriculi tamen ejus, uniformes erant, & magnitudinis ejusdem; parique cacumine (ceu bicipiti cono) constabant: parietum quoque crassities aequalis apparuit. Quinetiam liquido vidimus, cordis auriculas (quae hoc tempore, tanquam vesicae majusculae, sanguine replebantur) postquam cor ultra pulsare desiisset, motum tamen suum diutule continuare.

Interiora omnia, quae nuper quidem perfecta erant, nunc ampliora, & conspectiora sunt: Calvaria partim cartilaginea, partimque ossea est. Ungulae flavescentes, flexiles, ac molles (ut adultorum, aqua calida emollitae) conspiciuntur. Carunculae quoque maximae (ceu fungi grandiores) per totam uteri cavitatem extenduntur, placentaque vicem plane subeunt: propagines enim complures amplaeque venarum umbilicalium in illas penetrant, ut alimentum inde foetui nutriendo hauriant: quemadmodum, in jam natis, chylus per venas mesaraicas in jejorici portas transfertur.

In quocunque hujusmodi conceptu, unicus solum foetus efformatur; ejus vasa umbilicalia ad omnes carunculas (tum ejusdem, tum etiam oppositi lateris) derivantur: in quo autem bini foetus adsunt, eorum utriuslibet umbilicalium ramificatio, non ultra ejusdem lateris carunculas porrigitur.

Venae umbilicales minores versus foetum tendentes, dum coeunt, in alias majores desinunt; eademque similiter ulterius progressae, & unitae, in alteras majores; tandemque duos truncos constituunt; qui simul juncti, sanguinem in venam cavam & Portam regerunt. Arteriae vero umbilicales (è ramis arteriae magnae descendentes



ortae) duae sunt, perquam exiguae, nec, nisi ob pulsum, conspicuae: eademque ad ambitum conceptus (scilicet ad conjunctionem placentae, sive caruncularum, cum venarum propaginibus) diductae in capillares primum, ac demum in invisibiles obliterantur.

Quemadmodum in utero, vasorum umbilicalium extrema in carunculas terminantur; ita similiter extra eum, vasa uterina (quae copiosa, & larga sunt) sanguinem à matre versus matricem (mediante suspensoriorum ductu) deferentia, in easdem carunculas forinsecus desinunt. Notandum etiam: vasa interiora fere omnia, venas esse; exteriora vero plurima, esse arteriarum propagines. In placenta muliebri, statim à partu (si rem probe inspexeris) arterias multo plures, quam venas, majoresque, cum infinitis propemodum furculis quoquoersum ad extremum usque ambitum ejus diductis ac disseminatis reperies. Sicut etiam in simili lienis fungoso parenchymate, arteriarum numerus, quam venarum, major est.

Tendunt, inquam, vasa uterina exteriora ad matricem; non autem ad testiculos, in dicto suspensorio locatos; ut alique arbitrantur.

In gibba sive convexa caruncularum parte, quae conceptum spectat, miram naturae observavi solertiam: in plurimis nempe cavitatibus & cotyledonibus, sive acetabulis exterius hiantibus, materia alba & mucilaginosa reperiatur; quae (ut mel favos) carunculam totam implebat; eratque colore, consistentia, ac sapore albumini ovi persimilis. Conceptum vero à carunculis istis si avulseris; videas illico ex singulis cotyledonibus, favis, eorundemque mucore, totidem furculos, sive capillares vasorum umbilicalium ramusculos (tanquam filamenta oblonga) simul extrahi: quemadmodum herbas è terra evulsas, radices suae comitantur.

Unde clare constat, vasorum umbilicalium extrema, nullo modo cum vasis uterinis per anastomosin conjungi; neque sanguinem ex illis haurire; sed in mucagine ita ter-

minari, atque obliterari, indeque sibi alimentum sumere; eodem prorsus modo, quo antea ex humore albugineo intra conceptus tunicas comprehenso, victum quaeritabant. Et quemadmodum in ovo gallinaceo, pullus per vasa sua umbilicalia ex albumine alitur; sic etiam foetus in damis & cervis, ex consimili in his cellulis reservato albumine nutritur, non autem ex sanguine.

Quapropter merito carunculas has, vel hepar uterinum, vel mammas uterinas dixeris: nempe organa albuginoso isti alimento concoquendo, venarumque attractioni praeparando idonea. Ideoque quibus viviparis, carunculae, & placentae desunt (ut equis, & porcis) eorum foetus, ad partum usque, humoribus duntaxat intra conceptum repositis enutrientur; neque usquam illorum conceptus utero adnascitur.

Manifestum itaque est, in illis, atque etiam in his (caeterisque forsan omnibus) animalium viviparorum speciebus, embryonem non aliter in utero, quam pullum in ovo, sustentari; ex eadem scilicet materia alibili, specieque simili albuminis nutrimento. Enimvero ut in ovo, vasorum umbilicalium fines in albumine & vitello terminantur: ita pariter in cervis & damis, aliisque, quibus hujusmodi carunculae insunt; ultima vasorum umbilicalium orificia, in humores, qui intra conceptum continentur; inque albumen, quod in acetabulis cotyledonibusve istis est, aperiuntur, & desinunt, idque etiam inde porro cognoscitur, quod extrema umbilicilium filamenta, cum è praedicto mucore extrahuntur, alba omnino conspiciantur; firmo argumento, eadem colliquatam hanc mucilaginem duntaxat, non autem sanguinem absorbere. Idemque experimentum possis (modo cupias) in ova instituere.

Placenta muliebris, gibba sui parte, qua utero adhaeret, plurimis tuberibus inaequalis est; videturque istorum opera, eidem adnasci. Adeo, ut non ubique utero affigatur, sed iis solum locis, ubi vasa in eum porrecta nutrimentum eliciunt, & in quibus propterea vasorum quasi fi-

nes abrupti cernuntur. Num autem dictae vasorum extremitates sanguinem ab utero exfugant, an potius concoctum quid albumini simile, quale in cervis & damis repetiri diximus, nondum exploratum habeo.

Denique (ut praedicta veritas certo constet) si carunculas illas digitis compresseris; ex earum una aliqua (tanquam ex papilla) succi istius alibilis facile cochlearis mensura emulgetur: idque nullo apparente sanguine; quem attrectatu, etiam valido, nunquam elicueris. Quin etiam caruncula sic emulsa atque inanita, compressae spongiae instar contrahitur, & flaccescit; plurimisque foraminibus pertusa cernitur. Adeo, ut omnibus indicis pateat; carunculas istas esse ubera uterina, sive albuminis nutritii conceptacula, & promptuaria.

Finito Decembri carunculae minus firmiter, quam antea, utero adhaerent; parvoque negotio ab eodem disjunguntur. Imo, quo grandior foetus fuerit, partuique vicinior; eo facilius etiam carunculae istae ab utero recedunt: tandemque (ceu fructus maturior, ab arbore) sua sponte, tanquam ad conceptum attinentes, ab utero delabuntur.

His ab utero separatis, videas, in earum relictis vestigiis, arteriolarum adeuntium puncta sanguinem fundere. Sin vero ab ipsis carunculis conceptum avulseris, sanguis ex illis non emanat, verum contra, è vasorum solum finibus ex conceptu prodeuntibus, effluit; licet rationi magis consonum videatur, sanguinem potius ex carunculis, quam ex conceptu in eorum ab invicem divulsione, effusum iri. Cum enim illae plurimis arteriarum ramulis ab utero prodeuntibus scateant, sanguinemque alendo foetui depromere credantur, eisdem etiam copioso sanguine abundare oportuit. Verum, ut dixi, sanguinem, ne mulsae quidem aut compressae, emittunt: quippe non tam illo, quam albumine plenae sunt; neque illius organa concoctricia videntur, sed hujus promptuaria. Ut manifestum sit, foetum in utero non ali sanguine materno, sed albumine hujus-



hujusmodi commode apparato. Forsitan, neque adulti etiam sanguine nutriuntur; sed quiddam sanguini commistum, illis commune ultimumque alimentum est: ut alias fortassis in physiologia, & peculiari de sanguine disceptatione dicetur.

Suspectus mihi est plurimum locus *Hippocratis*, ubi ait: *Quibus acetabula mucoris plena, abortiunt.* L. de nat. mul. de morb. vulg. & f. 5. aph. 45. Ille enim non est excrementum, & abortus causa; sed nutrimentum, & origo vitae. Sed *Hippocrates* forte alia acetabula intellexit: in muliere enim non reperiuntur; neque ejus placenta materiam aliquam hujusmodi in cavitatibus ullis sensibilibiter distinctam continet.

Medici recentiores, ex *Arabum* sententia, tres humores alibiles commenti sunt; *rorem* nempe, *gluten*, & *cambium*: quos *Fernelius*, succos nutritios nominavit. Quasi voluerint, corporis nostri partes non sanguine, ceu alimento ultimo, immediate nutriri; sed secundariis istis humoribus: quorum primo, *roris* instar, particulae omnes, etiam minimae, undiquaque aspergantur; hic coctione ulteriore crassior redditus, partibusque adhaerens, *gluten* dicitur; tandemque virtute loci mutatus, & assimilatus, *cambium* appellatur.

Poterit aliquis, ad illorum mentem, materiam hanc in acetabulis repertam, gluten sive albumen nutritium nominare; dicereque, eandem (utpote alimentum ultimum singulis foetus partibus destinatum) albumini, aut vitello ovi analogam esse; & conceptum ipsum ovo, dempto cortice, respondere. Nam quemadmodum nuper, cum *Aristotele*, diximus, vitellum esse lacti analogum; Ita similiter à ratione non alienum credimus, materiam hanc, in placentae uterinae cotyledonibus sive acetabulis conclusam, foetui lactis vicem supplere, quandiu in utero hospitatur: adeoque carunculas illas esse veluti ubera interna; materiamque alibilem inde (post partum) in mammas transferri, & lactis naturam induere; ut foetus, hoc pacto, eodem victu foris fruatur, quo intus gaudebat. Ideo-

que inter oviparorum ova bicolora ( è vitello nempe , & albumine composita ) atque ova ( five conceptus ) viviparorum animalium , hoc solum interest ; quod in illis , vitellus ( qui est cibus secundarius ) intra ovum paretur , statimque à partu , in ventrem pulli reconditus , pro victu reponatur ; in his autem succus ille nutritius ante partum , in acetabulis conservetur , post partum vero , ad mammas deferatur. Adeo , ut pullus quasi lacte intus concluso alatur ; viviparorum autem foetus , idem è matris uberibus depromat.

Post Decembrem , mensibus Januario , Febuario , & sequentibus , cum nihil novi , aut notatu digni eveniat , de quo non sit dictum prius ; ( praeter pilos , dentes , cornua , & similia ; ) sed ea omnia auctiora solum appareant , generationis vero negotium minus spectent ; visum est , de iis impraesentiarum nihil dicere.

Eodem tempore , conceptus ovillos plurimos dissecai ; qui ( perinde ac damarum ) per utrumque uteri cornu extensi , figuram quoque manticae , aut duplicati farciminis referebant. In aliquibus , binos foetus reperi ; in aliis , duntaxat unicum , eumque omni lana nudum , oculisque arcte adeo oclusis & agglutinis , ut palpebras aperire non potuerim ; ungulae tamen aderant. Quibus bini foetus contingebant , ii in diversis cornibus reperiebantur ; & quidem promiscue , nullo observato ordine , mas interdum in sinistro , foemina in dextro ; aliquando , contra , inerant : ambo autem semper eodem conceptu communi , eademque exteriore membrana chorio comprehendebantur. Cujus extrema utrinque ad finem cornuum , quasi bilioso excremento tincta apparebant ; videbanturque turbidi aliquid , & excrementitii in se habere.

Carunculae ( five placentulae ) plurimae , & magnitudinis variae reperiebantur ; contrariae etiam , quam in damis & cervis , figurae : quippe in ovibus , quasi fungus rotundus , abrupto pedunculo , inter uteri tunicas continetur : ejusque pars gibba , utero ; ( quod etiam vaccino conce-

ceptui commune est; ) concava autem (quae & laevis) foetui obvertitur: majores quoque ramuli ad partem hanc concavam feruntur; quemadmodum etiam interiori placentae muliebris parti contingit. Eaedem vasorum umbilicalium propagines, carunculis annexae, firmiter adeo adnascuntur; ut, cum divellere eas cuperem, pars gibba à tunica uteri interiore abrumperetur potius, quam à conceptu recederet: contra, quam in cervis & damis evenit; quarum membrana chorion facile à caruncularum cotyledonibus avellitur; quibus etiam pars caruncularum convexa, conceptui juncta, separabilis est; concava vero pars, vel potius radix, sive pedunculus, firmiter utero adhaeret. Caeteroquin, idem utrobique officium, eademque acetabula deprehenduntur; atque eodem modo, viscosus & albugineus mucus (qualis etiam vaccinis carunculis inest) emulgetur.

In quo conceptu, singularis foetus continetur, hic ad omnes utriusque cornu carunculas vasa sua umbilicalia transmittit, ut inde nutrimentum petat: cornu autem, in quo foetus ipse (in qua crystallina intra amnion natans) reperitur, altero majus est. In quo autem bini foetus insunt, eorum alteruter privatas suas carunculas obtinet; missisque in proprium duntaxat cornu vasis umbilicalibus, ex eodem sibi alimentum quaerit.

In foetu masculo, testiculi (pro aetate) magni, foris in scroto propendent. Foemellarum autem ubera, ibidem loci, papillis (quales mulierum mammae habent) donantur.

In duplici foetus ventriculo, (nempe omaso, & abomaso) qua crystallina, similis illi in qua natabat, apparuit; quippe colore, odore, sapore, & consistentia, plane inter se congruebant. Inerat quoque, in intestinis superioribus, quasi chylus; in inferioribus, excrementum viride, & scybala; qualia, cum gramine pascitur, egerere solet. Jecur satis amplum, reperiebatur: fellis quoque vesicula oblongior, &, in quibusdam, vacua.

Quem



Quem autem ordinem haecenus, in ovo, ac damis cervisque, à nobis perspectum diximus; eundem quoque semper in omnibus viviparorum embryonibus observavimus.

## DE CALIDO INNATO.

## EXERCITATIO LXXI.

**Q**Uoniam saepe *Calidi innati* mentio incidit, licet hic (epidordidis loco) de eodem, & *humido primigenio*, paucis agere: idque eo libentius, quod multos videam nominibus istis plurimum deliciarum; cum rem ipsam tamen (meo quidem iudicio) minus intelligant. Non est opus profecto spiritum aliquem à sanguine distinctum quaerere, aut calorem aliunde introducere, Deosve in scenam advocare, philosophiamque fictis opinionibus onerare: domi scilicet nascitur, quod vulgo ab astris petimus. Solus nempe *sanguis* est calidum innatum, seu primo natus calor animalis: uti ex observationibus nostris circa generationem animalium (praesertim pulli in ovo) luculenter constat; ut entia multiplicare, sit supervacaneum. Nihil sane in corpore animalium, sanguine prius aut praestantius reperitur; neque spiritus, quos à sanguine distinguunt, uspiam ab illo separati inveniuntur: quin etiam sanguis ipsemet, sine spiritu aut calore, non sanguis, sed *cruor* appellandus est. Sanguis (inquit *Aristoteles*) quodammodo calidus est; videlicet eo, quale est ei sanguini esse; perinde quasi aquam ferventem nomine uno significemus: at vero subiecto, & quod tandem cum sit, sanguis est, non calidus est: & quodammodo per se calidus, quodammodo non per se calidus est, caliditas enim in ejus ratione inest, quemadmodum albedo in albi hominis ratione: at eo, quia sanguis per effectiorem sive passionem est, non per se calidus est.

part. an.  
c. 3.

Nimirum id nobis Medicis spiritus est, quod Hippocrati, impetum faciens; quicquid scilicet proprio conamine aliquid

quid molitur, & cum agilitate ac vehementia motum excitat, aut actionem aliquam aggreditur: eoque nomine, vini, vitrioli &c. spiritus dicuntur. Ac propterea apud Medicos, tot sunt spiritus, quot partes corporis praecipuae, aut operationes; nempe animales, vitales, naturales, visivi, auditorii, concoctivi, generativi, implantati, influentes &c. Sanguis autem (pars corporis primogenita, & principalis) virtutibus hisce omnibus dotatus: agendique potestate, prae caeteris, praeditus est; ideoque *ναρ' ἔχον* spiritus nomen meretur.

*Scaliger, Fernelius*, alique, sanguinis eximias dotes minus perpendentes, spiritus alios (tanquam praestantius & divinius calidum innatum) aëreos, aut, aethereos, velex substantia aetherea & elementari compositos finxerunt, proximumque animae instrumentum ad omnia maxime idoneum crediderunt: ea potissimum ratione nixi, quod sanguis (utpote ex elementis compositus) supra vires elementorum, mistorumque ex iis corporum, agere nequeat. Finxerunt itaque spiritum, caloremque innatum alium, coelestis originis & naturae; corpus nempe simplicissimum, subtilissimum, tenuissimum, mobilissimum, velocissimum, lucidissimum, aethereum, quinaeque essentiae participem. Nuspian tamen demonstrarunt, ejusmodi aliquem spiritum dari; aut eundem supra vires elementorum agere: vel majora opera praestare, quam sanguis solus possit. Nos sane, qui perscrutandis rebus sensu duce utimur, talem aliquem nullibi invenire potuimus. Nec cavitates aliquae illorum generationi aut conservationi destinatae sunt, vel ab illis assignantur. *Fernelius* quidem ait: *Quisquis calidi in-* physic. 4.  
*nati substantiam & statum nondum plene est assequutus, corpo-* c. 2.  
*ris nostri structuram contemplatus, arterias adeat, in cordis si-*  
*num, & in cerebri ventriculos introspeciat; quos dum inanes,*  
*ac nullius prope humoris participes videbit, neque tamen frustra*  
*ac temere tantos à natura conditos; haec quidem mente contre-*  
*ctans, mox, opinor, cogitatione comprehendet, praetenuem au-*  
*ram eos tum implevisse, dum in vivis fuit animal, quae tamen*

*eo animam agente, levissima cum esset, sine sensu evanuerit. Hujus fovendae gratia, inspiratione aërem introducimus; qui non modo corpori refrigerationem, (haec enim satis posset aliunde comparari) sed pabulum quoque subministrat. Nos autem, arterias, cordisque sinus (quandiu animal superstes est) sanguine impleri dicimus: ventriculos quoque cerebri tam excellenti muneri inidoneos judicamus, eisdemque excrementis secernendis potius factos credimus: quid, quod plurium animalium cerebra ventriculis careant? Et ut verum sit, aërem aut vaporem aliquem ibidem reperiri (siquidem vacuum omne Natura effugiat) eundem tamen coelestis originis, tantarumque virtutum haeredem esse, minus fit verisimile. Miramur vero quam maxime, spiritum è coelis oriundum, tamque eximiis dotibus ornatum, à communi nostro & elementari aëre nutriri: praefertim, cum iis ratum sit, elementa quaelibet supra vires suas nihil agere.*

Fatentur insuper, spiritus in perpetuo fluore esse, facileque dissipari & corrumpi posse; nec momento temporis supereffe, nisi à jugiter subministrato pabulo redintegrentur, ac propterea, perinde ac primum vivens, continuo nutriri. Quid igitur extraneo illo hospite opus est, calore (inquam) aethereo? cum eadem omnia à sanguine praestari queant; nec spiritus ab illo vel latum unguem (citra interitum) recedant. Imo vero sine eo nusquam (tanquam corpora separata) vagantur, aut penetrant. Sive enim ex tenuiore sanguinis parte (ut aliqui censent;) sive ex humido primogenio (ut alii volunt) eos gigni, nutriri, & augeri dixerint; fatentur tamen, ipsos extra sanguinem nusquam reperiri; sed eidem, utpote pabulo suo (quemadmodum flamma oleo, sive ellychnio solet) perpetuo adhaerescere. Eorum itaque tenuitas, subtilitas, mobilitas, &c. nihilo plus commodi afferunt, quam sanguis, quem isti continue comitantur. Est igitur sanguis sufficiens, & idoneus, qui sit immediatum animae instrumentum; quoniam & ubique praesens est, & huc illuc ocyf-

sime



sine permeat. Nec sane corpora alia, aut qualitates spirituales incorporeae, caloresve diviniore (tanquam lux & lumen) concedi possunt; uti *Caesar Cremoninus* (Aristotelicae Philosophiae eximie peritus) contra *Albertum* nervose contendit. Dictato 7.

Si dixerint, spiritus illos in humido primigenio, veluti in alimento ultimo, existere; indeque, ut partes omnes nutrant, in totum corpus influere; rem profecto statuunt impossibilem: nempe calidum innatum, partem corporis primogenitam (quae & ipsa alitur) universo corpori nutriendo inservire. Quippe hoc pacto idem essent, quod alitur, & à quo id alitur, idemque seipsum, secundum idem, aleret, & aleretur: quod fieri equidem nullo modo potest; quoniam alimentum cum alito ne misceri quidem probabile est; aequari enim potentiis, invicemque agere miscibilia oportet; dictumque est *Aristotelis*, ubi nutritio, ibi nulla mixtio est. Siquidem ubicunque nutritio est, ibi aliud est alimentum, aliud quod ex eo alitur; & omnino necesse est, ut alterum in alterum transeat.

Quod autem existimant, spiritus, & alimentum ultimum sive primogenium; vel aliud quid in animalibus reperiri, quod (magis quam sanguis) supra vires elementorum agit; non videntur, quid sit *supra vires elementorum agere*, satis intellexisse: nec verba illa *Aristotelis* recte interpretati sunt, ubi ait: *Omnis animae sive virtus, sive potentia, corpus aliud participare videtur, idque magis divinum, quam ea, quae elementa appellantur.* Et mox: *Inest enim in semine omnium, quod facit ut foecunda sint semina; videlicet, quod calor vocatur: idque non ignis, non talis facultas aliqua est; sed spiritus, qui in semine spumosoque corpore continetur, & natura quae in eo spiritu est, proportionem respondens elemento stellarum.* Quamobrem ignis nullum animal generat; neque constitui quicquam densis, vel humidis. vel siccis videtur. At vero Solis calor & animalium, non modo qui semine continetur, verum etiam si quid excrementi sit, quanquam diversum à natura,

De gen.  
an. l. i. c. 3.

*ra, tamen id quoque principium habet vitale. Caeterum, calorem in animalibus contentum, nec ignem esse, neque ab igne originem ducere, apertum ex his est. Idem enim ego quoque de calido innato, & sanguine affirmaverim; non esse scil. ignem, neque ab igne originem ducere: sed corpus aliud, idque divinum magis participare: ac propterea non agere facultate aliqua elementari; sed quemadmodum in femine inest aliquid, quod ipsum foecundum reddat, & in fabricando animali vires elementorum excellat; spiritus nempe, & natura in eo spiritu respondens elemento stellarum: ita pariter in sanguine, inest spiritus, sive vis aliqua, agens supra vires elementorum, (in singulis animalis partibus nutriendis & conservandis valde conspicua) & natura, imo anima in eo spiritu & sanguine, respondens elemento stellarum. Calorem denique in sanguine animalium (durante vita) nec ignem esse, neque ab igne originem trahere, manifestum est; nostraeque observationes id luculenter docent.*

Ut autem haec liquido magis appareant, liceat nobis à proposito aliquantulum digredi, & paucis ostendere, quid sit *spiritus*, & quid, *supra vires elementorum agere*; quid etiam significant ea verba, *participare corpus aliud, idque divinius, quam quae elementa appellantur*; & quid sit, *natura in eo spiritu respondens elemento stellarum*.

Quid sit spiritus, & principium vitale, partim antea à nobis dictum est, partim etiam uberius jam dicetur. Sunt tria corpora (eaeque simplicia) quae videntur sibi spiritus nomen, vel saltem officium praecipue vendicare, nempe ignis, aer, & aqua: & quodlibet eorum vitam, sive corpus aliud participare videtur, ob motum & fluorem perpetuum; flamma (inquam) flatus, & flumen. Flamma, est fluxus ignis; flatus, aeris; flumen, aquae. *Flamma*, tanquam animal, se ipsam movet, nutrit, augeat, vitaeque nostrae symbolum est. Ideoque in ceremoniis divinis passim usurpatur; in templis quoque Apollinis & Vestae, à virginibus religiose (ceu res sacra) custodiebatur: eundem-

demque ab ultima antiquitate, apud Persas, aliasque gentes plurimas, divino honore cultum accepimus. Quasi Deus in igne maxime conspicuus sit, & ex igne nobis (ut olim Mosi) loqueretur. *Aër* etiam suo merito spiritus dicitur, siquidem hic à spirando nomen sumpsit; & *Aristoteles* disertis verbis fatetur, *vitam quandam, atque ortum & interitum vel flatum esse*. Denique & *fluminis aqua*, De Gen. an. l. 4. c. ult. *viva* appellatur.

Videntur itaque tria ista (quatenus vitam quandam obtinent) supra vires elementorum agere, & corpus aliud divinius participare: ideoque in Divorum numerum ab Ethnicis relata sunt. Quippe unde opus aliquod eximium, nudaeque elementorum facultates superans exoritur; id ipsum ab agente aliquo diviniore proficisci arbitrabantur. Tanquam idem sit, supra vires elementorum agere, & corpus aliud divinius eam ob causam participare, quod ab elementis originem non trahat.

Sanguis quoque similiter supra vires elementorum agit, cum jam pars primogenita & calor innatus existens (uti fit in semine & spiritu) reliquas totius corporis partes ordine fabricat; idque summa cum providentia & intellectu, in finem certum agens, quasi ratiocinio quodam uteretur. Haud equidem ea praestat, quatenus elementaris est, & ab igne originem ducit; sed quatenus virtutis plasticae, animaeque vegetativae munere, calidum primogenitum, vitaeque instrumentum immediatum, atque idoneum efficitur. *αἷμα, τὸ ζωτικὸν ἔ ἀνθρώπου*, inquit *Suidas*: quod de reliquis quoque animalibus verum est. Idque etiam *Virgilius* videtur voluisse, ubi ait:

Aeneid.  
101

*Una eademque via sanguisque animusque sequuntur.*

Sanguis itaque est *spiritus*, ob eximias ejus virtutes, & vires; est etiam *coelestis*, siquidem in illo spiritu hospitatur natura (nempe anima) respondens elemento stellarum;



id est, aliquid coelo analogum, coeli instrumentum, coelestique vicarium.

Ad hunc etiam modum, corpora omnia naturalia duplici ratione considerata veniunt; nempe, vel prout illa privatim aestimantur, & intra propriae naturae ambitum comprehenduntur; vel prout instrumenta sunt agentis cuiusdam nobilioris, & superioris potestatis. Nam ad vires eorum proprias quod attinet, non est fortasse dubium, quin omnia generationi & corruptioni subiecta, ex elementis originem ducant, & ad eorundem normam operentur. Quatenus vero praestantioris agentis instrumenta sunt, & ab illo regulantur, non jam ex natura propria operantur, sed ex regimine alterius; ideoque corpus aliud & divinius participare videntur, viresque elementorum excellere.

Similiter & sanguinis calor est *animalis*, quatenus scilicet in operationibus suis ab anima gubernatur: est etiam *coelestis*, utpote coelo subserviens, & *divinus*, quod Dei Optimi Maximi instrumentum sit: quemadmodum supra à nobis dictum est; ubi etiam marem & foeminam, Solis, coeli, vel Satoris summi instrumenta esse, perfectorum animalium generationi inservientia, demonstravimus.

Mundus inferior, secundum *Aristotelem*, superioribus lationibus adeo continuus est, ut omnes ejus motus & mutationes inde originem sumere, & gubernari videantur. Profecto in mundo isto (cui *κόσμος* Graecis, ab ordinis pulchritudine, nomen est) res inferiores & corruptibiles, superioribus aliis & incorruptibilibus subserviunt: omnes autem summo, omnipotenti, atque aeterno Creatori & subsunt, & morem gerunt.

Qui igitur rem nullam ex elementis compositam, supra horum vires operari posse autumant; nisi simul corpus aliud, & quidem divinum magis participet: ideoque spiritus istos, partim ex elementis, partim ex substantia aliqua aetherea & coelesti constare arbitrantur: nae illi ratio-

tiones suas male subduxisse mihi videntur. Quippe vix ullum corpus elementare invenias, quod, in agendo, vires proprias non superet. Ne longe quaeram, quod ubique obvium est: aër & aqua, dum navigia ad extremos Indos, & circumcirca orbem terrarum ( saepeque simul in partes contrarias ) deferunt; cum molunt, pinsunt, cribrant, puteos exhauriunt, ligna secant, ignem fuscitant, quaedam vehunt, alia obruunt, resque alias infinitas & admirandas praestant; an non supra vires elementorum agere videntur? Ignis similiter, quot, & quanta efficit? nimirum in culina, in officina metallica, & chymica, sublimando, fundendo, concoquendo, corrumpendo, coagulando, aliisque modis infinitis. Quid, cum ferrum ejus opera producitur? — *quod terram domat, & quatinus oppida bello.* Cum magnes ( cui *Thales* propterea animam attribuit ) ferrum ad se attrahit, *domitrixque illa rerum omnium materia* ( ut ait *Plinius* ) *ad inane nescio quid currit*; & acus ferrea eidem affricta, mundi cardines perpetuo respicit: cum horologia nostra singulas diei noctisque horas constantiter indicant: an non corpus aliud ( praeter elementa ) idque divinius participare videntur? Quod si ex *artis* dominio & gubernatione, tam praeclara quotidie supra rerum ipsarum vires efficiantur; quid ex *Naturae* praecepto ac regimine fieri putabimus, cujus ars solum imitatrix est? Et si hominibus serviendo, tam admiranda perficiant; quid, quaeſo, ab iis expectabimus, ubi instrumenta fuerint in manu Dei?

L.36.c.16.

Nimirum distinctione ista opus est. Nullum agens *primarium* primumve efficiens, supra vires suas operatur; omne vero agens *instrumentale*, in agendo proprias vires superat; agit enim virtute, non solum sua, sed etiam superioris efficientis.

Qui itaque tam praeclaras dotes *sanguini* denegant, & *spiritus* nescio quos è coelo deductum eunt, quibus virtutes illas divinas attribuant; nesciunt profecto, vel saltem non cogitant, *generationis* opus (atque etiam *nutritionis*, quae

re-

revera generationis quaedam species est) cujus gratia iisdem tam eximia privilegia largiuntur, ipsorum spirituum vires excellere: nec *spirituum* modo, sed & *animae vegetativae*, imo etiam *sensitivae*, addo quoque, & *rationalis*. *Vires* dixi? imo vero & *captum* etiam animae rationalis longe superat: natura enim generationis, ejusque ordo, admirabilis plane est & divinus, supra quam quispiam cogitatione capere, aut mente complecti possit.

Ut igitur clarius constet, virtutes illas praeclaras, quas spiritibus & calido innato Viri docti attribuunt, uni sanguini convenire: praeter ea, quae in ovo (antequam quipiam foetus appareat) & in foetu perfecto adultoque mirifice conspicua sunt; pauca haec diligenti animo perpendenda veniunt. Sanguis nempe extra venas absolute & per se consideratus, quatenus est elementaris, atque ex diversis partibus (tenuibus scilicet, serosis, crassis, & concretis) componitur, *cruur* dicitur, paucasque admodum & obscuras virtutes possidet. In venis autem existens, quatenus est pars corporis, eademque animata, & genitalis, atque immediatum animae instrumentum, sedesque ejus primaria; quatenus etiam corpus aliud divinius participare videtur, & calore animali divino perfunditur; eximias sane vires obtinet estque analogus elemento stellarum. Quatenus spiritus, est focus, Vesta, lar familiaris, calidum innatum, Sol microcosmi, ignis *Platonis*; non quod (ignis communis instar) luceat, urat, & destruat; sed quod vago ac perpetuo motu se ipsum conservet, nutriat, & augeat. Spiritus etiam nomen meretur, quatenus humido radicali, ultimo scilicet proximoque alimento, primario & prae aliis partibus abundat; caeterisque omnibus eundem victum (quo ipsemet nutritur) & parat, & exhibet: dum nempe perpetim universum corpus peragrat, partisque omnes (quas ipsemet fabricat, sibi que adjungit) nutrit, fovet, ac in vivis sustentat: non aliter certe, quam superiora astra (Sol praesertim, & Luna) servatis perpetuo circuitibus, inferiora ista vivificant.

Quo-



Quoniam itaque sanguis supra vires elementorum agit, dictisque istis virtutibus pollet, atque summi opificis instrumentum est; nemo facultates ejus admirabiles & divinas satis unquam deprædicaverit. Habet profecto in se animam primo ac principaliter, non vegetativam modo, sed sensitivam etiam & motivam: permeat quoquoversum, & ubique præsens est; eodemque ablato, anima quoque ipsa statim tollitur: adeo ut sanguis ab anima nihil discrepare videatur; vel saltem substantia, cujus actus sit anima, aestimari debeat. Talis, inquam, anima est; quæ nec omnino corpus sit, nec plane sine corpore; partim foris adveniat, partim domi nascatur; aliquo modo sit pars corporis, aliquo autem modo principium & causa omnium, quæ in corpore animalis continentur; nimirum nutritionis, sensus, & motus; ac proinde vitæ pariter & mortis: quicquid enim nutritur, id ipsum vivit; & viceversa. Similiter quod abunde nutritur, idem augetur; quod autem parce nimis, id decrescit: quod etiam perfecte nutritur, sanitatem servat; quod secus in morbos labitur. Juventutis ergo & senectutis, somni insuper & vigiliarum, atque etiam respirationis, ut anima, ita sanguis quoque causa & autor aestimandus est: præsertim cum instrumentum primum in naturalibus moventem causam internam in se contineat. Eodem ergo res redit, si quis dicat, Animam & sanguinem, aut sanguinem cum anima, vel animam cum sanguine, omnia in animali perficere.

Solemus rerum negligentes, speciosa nomina venerari. Sanguis, qui nobis præ manibus atque oculis est, nil grande sonat: ad spirituum vero, & calidi innati, magna nomina obstupescimus. Detracta autem larva, evanescit, ut error, sic etiam admiratio. Lapis ille mirificus, *Mizaldo* plurimis virtutum elogiis à *Pipino* celebratus, non illum modo, sed & *Thuanum* etiam (eximium suæ ætate historiographum) summa admiratione compleverat. Libet griphum ipsum attexere. *Nuper, inquit, ex India orientali Regi nostro allatum hic vidimus lapidem, lumine & fulgore mirabi-*

rabiliter coruscantem; quique totus, veluti ardens & incensus, incredibili lucis splendore praefulget, micatque. Is jactis quoque versus radiis, ambientem circumquaque aërem luce nullis fere oculis tolerabili latissime complet. Est etiam terrae impatientissimus: si cooperire coneris, sua sponte & vi facto impetu, confestim in sublime evolat. Contineri vero includive loco ullo angusto nulla potest hominum arte, sed ampla liberaque loca duntaxat amare videtur. Summa in eo puritas, summus nitor; nulla sordē, aut labe coinquinatur. Figurae species nulla ei certa, sed incerta & momento commutabilis. Cumque sit adspectu longe pulcherrimus, contrectari tamen se non sinit; & si diutius adnitaris, vel obstinatus agas, incommodum affert: sicuti multi, suo non levi malo, me praesente, experti sunt. Quod si quid ex eo fortasse enixius conando adimitur, aut detrahitur, fit (dictū mirum) nihilo minor. Addit insuper is hospes, hujus virtutem ac vim esse ad quamplurima cum utilem, tum praecipue (Regibus imprimis) necessariam: sed quam revelaturus non sit? nisi pretio ingenti prius accepto. Potuissetque idem hospes porro addere, lapidem hunc nec mollem, nec durum esse; eundemque variis formis ac coloribus praeditum, tremētem valde ac palpitantem conspici; atque animalis instar (cum tamen sit inanimus) plurimum pabuli quotidie vorare; in nutritionem & augmentum sui. Quin etiam accepisse se ab hominibus fide dignis, lapidem hunc olim è coelo in terram de cecidisse; etiam saepe tonitruum, fulgurumque caussam esse; & interdum è radiis solaribus per aquam refractis gigni.

Tam stupendum lapidem quis non admiretur, credatque eundem supra vires elementorum agere, & corpus aliud participare, spiritumque aethereum possidere? praesertim, cum eundem elemento Solis proportionem respondentem videat. At vero *Fernelio Oedipo*, parva flammula totum aenigma solvit.

Ad eundem pariter modum, si sub fabulae involucri sanguinem alicui depingerem, lapidisque Philosophici titulo insignirem, atque omnes ejus singulares dotes, opera-

De abd.  
rer. caus.  
l. 2. c. 27.

tio-

tiones, ac facultates aenigmatice proponerem; illum procul dubio pluris aestimaret; supra vires elementorum agere facile crederet, corpusque illi aliud ac divinius non illibenter attribueret.

## DE HUMIDO PRIMIGENIO.

## EXERCITATIO LXXII.

Sanguinem jam *calidi innati* titulo ornavimus; aequumque pariter censemus, ut *colliquamentum crystallinum* à nobis dictum (ex quo foetus, ejusque partes primae immediate oriuntur) *humidi radicalis* & *primigenii* nomine insigniatur. Neque enim res alia aliqua in animalium generatione occurrit, cui potiore jure id nominis conveniat.

Humidum diximus *radicale*, quod ex eo prima foetus particula, sanguis nempe, reliquaeque omnes partes postgenitae, tanquam è radice, oriantur; atque ex eadem materia procreentur, nutriantur, crescant, & conserventur.

*Primigenium* quoque appellavimus, quod in cujuslibet animalis fabrica primum generetur, reliquisque sit veluti fundamentum: uti in ovo videre est, in quo, post brevem incubationem, primum existit insitae foecundantis & generativae facultatis opus.

Idem quoque est simplicissimum, purissimum, & sincerissimum corpus, terminabile; in quo omnes pulli partes potentia quidem sunt, actu vero nulla: videturque Natura idem illi concessisse, quod materiae primae, rerum omnium communi, vulgo tribuitur; ut potentia nempe sit omnium formarum capax, actu autem formam nullam habeat. Sic humor oculi crystallinus, ut colorum omnium susceptivus sit, ipsemet nullo colore praeditus est: & similiter media, five organa singulorum sensuum, rerum sensibilibus qualitatibus destituuntur; olfactus scilicet & auditus organa,



Degen.  
an. l. i.  
c. 18. &  
l. 4. c. i.

atque aër iisdem interserviens, odore & sono carent; linguae enim orisque saliva, sine sapore est. Atque huic potissimum argumento innituntur, qui intellectum possibilem statuunt incorporeum; quia nempe susceptivus est omnium formarum sine materia; & ut manus, organum organorum dicitur, ita illum formam formarum asserunt, nullam habentem materiam, prorsusque incorporeum; ideoque possibilem eum, non autem passibilem aiunt. Videtur etiam humidum hoc, si non idem, saltem analogum esse ultimo alimento, ex quo *Aristoteles* animalium genituram, semen dictam fieri docuit. Ultimum dico alimentum, quod Arabibus *ros* dicitur, quo omnes corporis partes madescunt, & irrorantur. Quemadmodum enim ros ille ab ulteriore condensatione atque adhaesione in alibile gluten & cambium evadit, unde partes corporis constituuntur; ita vice versa, in prima generatione & nutritione, ex glutine colliquato & tenuiore reddito, fit ros: nimirum ex albumine ovi, fit colliquamentum dictum, sive humidum radicale, & ros primigenius. Imo vero res utrobique eadem est, si modo observationibus nostris fides debetur; & verum est, quod Philosophi omnes concedunt, & Medici etiam non diffidentur; nempe, animal ab eodem nutriri, ex quo fit; & ex quo generatur, ab eodem augeri. Differt itaque ros nutritius, à colliquamento, sive humido primigenio, prioris tantum & posterioris ratione; quod hoc à parentibus coquatur & fiat, ille vero ab ipso foetu; amboque succi animalibus proximum & immediatum alimentum sunt; non quidem primum, secundum dictum illud, *contraria ex contrariis*; sed ultimum (ut dixi, & *Aristoteles* quoque monuit) secundum illud, *similia ex similibus augeri necesse est*. Estque uterque humor in ea proxima potentia, qua (sublatis impedimentis) sua sponte, vel naturae lege in omnes corporis partes abiturus sit.

Quibus ita se habentibus, videntur omnes controversae super materia animalium, eorumque alimento, haud difficulter componi posse. Cum enim aliqui, semen sive ma-

materiam in coitu emissam ex omnibus corporis partibus discerptam crederent, indeque prolis cum parentibus suis similitudinem deducere, Aristoteles haec habet: *Contra, quam Veteres putarunt, dicendum est: De gen. cum enim illi, quod ex toto secedit, semen esse fateantur; nos quod ad totum suapte natura facit, semen esse fatebimur: cumque illi colliquamentum dicant; nos excrementum potius esse statuimus; (dixerat autem paulo antea, Excrementum appello reliquias alimenti; colliquamentum, quod ex incremento secernitur resolutione praeter naturam:)* quod enim ultimum accedit: *Et excrementum ultimi est, id simile esse probabilis est. Perinde ut pictoribus saepenumero aliquid purpurissimum remanet, simile ejus, quod consumpserint: tabescens autem quodque Et colliquefcens corrumpitur, Et degenerat. Argumentum, non colliquamentum, sed excrementum potius esse illud est; quod animalia magni incrementi minus foecunda, parva foecundissima sint. Plus enim colliquamenti esse in magnis necesse est, sed minus excrementi: nam in corpus magnum alimenti copia absimitur; itaque parum fit excrementi. Item, locus secundum naturam nullus colliquamento datus est, sed fluit quocunque facilius ferri potest: at naturalibus excrementis omnibus locus praescriptus est: verbi gratia, alimenti sicci excrementis, alvus; humidi, vesica; utilis, ventriculus; seminalis, uterus, genitalia, mammae: in ea enim loca se colligunt, atque confluunt. Aliisque porro rationibus probatum est, materiam seminalem, ex qua foetus fit, esse eandem, cum illa, quae partibus nutriendis parata est. Veluti si quis à pictore aliquo purpurissimum peteret; ille certe, quod jam illitum est, non abraderet; sed quod ab opere superest, ei praeberet; ejusdem scilicet naturae cum eo, quod absumpserat. Ita similiter, excrementum ultimi alimenti, sive roris glutinisque quod superfluum est, ad genitalia deponitur: estque ea sententia, ovorum in gallina generationi maxime consentanea.*

Medici quoque (qui partes omnes ab initio ex spermate fieri statuunt, eoque nomine spermaticas appellant) semen

ex alimento ultimo (quod, cum *Aristotele*, sanguinem esse existimant) virtute genitalium fieri, & materiam foetus constituere aiunt. Manifestum sane est, ovum è matre, huiusque ultimo alimento (rore scil. nutritio) produci. Ovi igitur album, aut colliquamentum istud primogenitum, vel potius antegenitum, semen gallinae verius reputandum est (quamvis in coitu projectum non sit; sed ante coitum, paratum; vel post eum, collectum fuerit; ut in plurimis animalibus contingere, postea forsan fusius explicabitur) quod genitura maris, secundum *Aristotelem*, coagulet.

Cum itaque videam, ex uno hoc humido, (tanquam materia aut radice prima) partes omnes fieri, & augescere; idemque necessario ita fieri, ratio antedicta suadeat; continere me sane vix possum, quin *Empedochis*; & *Hippocratis* etiam sectatores (qui corpora omnia similia, ex quatuor elementis contrariis (cèu mista) congregatione generari, & segregatione corrumpi volunt) vellicem, ac perstringam: nec minus *Democritum*, eumque sequutos *Epicureos*, qui ex diversarum figurarum atomis simul congregatis omnia componunt. Quippe olim eorum omnium, hodieque etiam vulgaris error est, corpora omnia similia ex diversis sive heterogeneis generari. Hoc pacto enim, *Lynceis* oculis nihil esset simile, unum, idem, & continuum; sed potius apparens solum unio, minimorumque corporum congregatione vel colligatione quadam, facta congeries & acervus: neque generatio, ab aggregatione, debitaque partium positura quicquam differret.

Ego vero, neque in animalium productione, nec omnino in ulla corporum similiarum generatione, (sive ea partium animalium, sive plantarum. lapidum mineralium &c. fuerit) vel congregationem ejusmodi; vel miscibilia diversa in generationis opere unienda praeexistere, observare unquam potui. Neque enim (quantum saltem nobis videre licuit, aut ratione aliqua assequi potuimus) partes similes (utpote membrana, caro, fibra, cartilago, os &c.)

prius



prius suo quaelibet ordine fiunt, aut una existunt; ut ex iis (tanquam animalium elementis) simul junctis, organa sive membra, totumque animal postea componatur: sed, ut antea a nobis dictum est, primum corporis rudimentum, est simile duntaxat & molle gluten spermatico concremento non absimile, ex quo (procedente generationis lege) mutato, simulque secto, vel in plura diviso, ceu effatto divino, ut diximus, fiat hic os; illic musculus, aut nervus; hic viscera, illic excrementorum receptacula &c.) ex inorganico, fit organicum; ex simile, dissimile; ex uno, ejusdemque naturae, plura, eaque diversa & contraria: Non quidem transpositione aliqua, aut motu locali (quasi virtute caloris fieret homogeneorum congregatio, & disgregatio heterogeneorum) sed potius disgregatione homogeneorum, quam heterogeneorum compositione.

Idemque in omni generatione fieri crediderim; adeo, ut corpora similiaria mista, elementa sua tempore priora non habeant, sed illa potius elementa suis prius existant (nempe, *Empedoclis* atque *Aristotelis* igne, aëre, aqua, & terra; vel *Chymicorum* sale, sulphure, & *Mercurio*; aut *Democriti* atomis) utpote natura quoque ipsis perfectiora. Sunt, inquam, mista & composita, etiam tempore priora elementis quibuscumque sic dictis, in quae illa corrumpuntur & dissolvuntur scil. in ista, ratione potius, quam re ipsa & actu. Elementa itaque quae dicuntur, non sunt priora iis rebus, quae generantur aut oriuntur; sed posteriora potius; & reliquiae magis, quam principia. Neque *Aristoteles* ipsemet, aut alius quispiam unquam demonstravit, elementa in rerum natura separatim existere, aut principia esse corporum similiarium.

Philosophus quidem, ubi elementa dari confirmatum est, L. 3. de  
celo c. 31. consilii incertus videtur, utrum elementa actu, an potentia solum existere, statuendum sit: & in istis naturalibus, potentia potius, quam actu, esse autumat; ideoque ex divisione, segregatione, & solutione rerum, elementa dari asserit. Est tamen argumentum minus validum, corpora scil. naturalia

ralia ex iis generari vel componi primo, in quae corrumpuntur, vel solvuntur ultimo: quippe ea ratione, quaedam ex vitro, cineribus, & fuliginibus (in quae tandem ab igne redacta cernimus) componerentur; & cum destillatio artificialis clare monstret, vapores sive aquas plurimas specieiue differentes omnes, ex totidem diversis corporibus elici; deberet certe elementorum numerus crescere in infinitum. Neque etiam quisquam Philosophorum ait, corpora, quae ab arte soluta, sincera specieiue indivisibilia dicuntur, elementa esse magis simplicia, quam aërem, aquam, & terram, quae sensu percipimus, nobisque ob oculos versantur,

Nec denique ex igne, tanquam miscibili, quicquam naturaliter generari cernimus: estque fortassis impossibile; cum ignis (ceu vivens quoddam) in continuo fluore sit, & pabulum quaerat, ut eodem nutriatur, & conservetur: secundum illud *Aristotelis*, Ignem nutriri solum, idque maxime ipsius formae esse. Quicquid vero nutritur, fieri nequit ut id ipsum cum nutrimento suo misceatur. Unde sequitur, impossibile esse, ignem esse miscibilem. Mistio enim ex *Aristotelis* sententia, est miscibilium alteratorum unio; ubi aliud in aliud non transmutatur, sed ambo invicem activa & passiva in tertium: generatio vero (praesertim per *metamorphosin*) est unius rei similis alterandae, in plures alias distributio. Nec mista similaria ex elementis generari, sed ex iis quodammodo constitui dicuntur; in quae etiam potentia solubilia sunt.

Haec autem ad *Physiologiae* partem illam, quae de elementis & temperamentis agit, proprie spectant: ubi etiam de iisdem copiosius discipendum est.

## DE

## PARTU.

**G**enerationi *partus* est confectaneus, quo foetus in lucem prodiens externo aëre fruitur. De eo igitur paucis hic agere, operae pretium judicavimus. Itaque (cum *Fabricio*) ejus causas, modum, & tempora; item quae eum antecedunt, & subsequuntur, considerabimus.

Quae paulo ante partum contingunt, &, in mulieribus praesertim, instantem parturitionem praesagiunt; sunt partim foetantis praeparatio, ac dispositio, ut conceptum dimittat: partim situs, sive positio foetus ad egressum idonea.

Positionem quod attinet, *Fabricius* ait, *eam figurae con-* De form.  
*globatae & inflexae esse, ne foetus extremitatibus atque emin-* foetu. 9.  
*tiis suis, utero aut membranis continentibus noceret; tum etiam* p. 140.  
*ut minore loco contineretur.* Ego vero non arbitror foetum Positura  
 (ob praedictas causas) eandem semper membrorum posi- foetus in  
 turam servare. Quippe in aqua natans, seseque movens, utero.  
 modo huc, modo illuc extenditur; varieque inflectitur,  
 & volutatur, adeo ut proprio umbilici funiculo implexus,  
 mire interdum irretiatur. Certe animalia omnia, dum  
 quiescunt & dormiunt, membra sua ut plurimum adducunt  
 & complicant, figuramque ovalem aut conglobatam quae-  
 runt. Ita pariter embryones, qui aetatem suam maxime  
 somno transigunt, membra sua positione ea qua plasman-  
 tur (tanquam naturalissima, ac maxime indolenti, quieti-  
 que aptissima) componunt. Ideoque infans in utero ut  
 plurimum reperitur, adductis ad abdomen genibus, flexis  
 retrorsum cruribus, pedibus decussatis, manibusque sur-  
 sum ad caput sublatiis, quarum alteram circa tempora vel  
 auriculas, alteram ad genam detinet; ubi maculae albae,  
 tanquam confricationis vestigia, in cute cernuntur: spina



Hist. an.  
l. 7. c. 8.

in orbem flectitur; caput ad genua, incurvato collo, pro-  
pendet. Tali membrorum situ, qualem in somno per  
quietem quaerimus, capite superne, facieque ut pluri-  
mum ad matris spinam versa, embryo locatur. Paulo au-  
tem ante partum, capite deorsum inflexo, versus matri-  
cis orificium (tanquam exitum quaesiturus) urinatur,  
imisque petit. Sic Aristoteles: *Omnia animalia natura-*  
*liter in caput exeunt; obliqua autem, vel in pedes, contra na-*  
*turam.* Hoc tamen non est perpetuum in omnibus anima-  
libus; sed prout situs eorum in utero diversus fuerit, ita  
quoque & exitus variat; ut in canibus, suis, aliisque  
multiparis. Foetum etiam humanum in utero diversum  
suum nancisci, gravidæ norunt; quatum uterum modo  
superne, modo inferne, nunc in hoc, nunc in illo latere  
pullat.

Matrix.

Similiter Matrix ad partum matura, descendit inferius,  
emollitur, atque orificium suum aperit. Colliguntur e-  
tiam aquae vulgo dictae: i. e. pars quaedam chorii, in  
qua praedicta materia aquosa continetur, foetum antee-  
dit, atque è matrice in vaginam prolabitur: partes quo-  
que vicinae laxantur, & distentioni aptae fiunt: quinetiam  
sacri & pectinis ossium cum coxendice copula (quae sit  
per synchodrosin) adeo emollitur & solvitur, ut dicta ossa  
facile exeunti foetui cedant; & hiantia, regionem totam  
hypogastricam ampliorem reddant. Haec dum fiunt, par-  
turationem jam instare constat. Nempe ut foetus (quasi  
fructus maturus) in lucem prodeat, natura provide iter  
aperit, ac dilatat: quemadmodum foetui mox nascituro  
hic praeivum mammis praeparat, ut foris postmodum vic-  
turo sit unde sustentetur. Sunt quidem haec partus ante-  
cedanea. Ideoque inter signa imminenti partus, hic po-  
tissimum habetur: tale, inquam, quod & copia, & con-  
sistentia, alendo foetui sit idoneum: quale (ex *Aristote-*  
*lis* sententia) non nisi parturitionis tempore cernitur; ac  
propterea ante septimum mensem non conspicitur.

Gen. an.

l. 4. c. 8.

& l. 7. c. 5.

Pag. 141.

Fabricius duo potissimum de partu inquirenda statuit, quando

sci-

scilicet, & quomodo partus fiat. Primum, tempus ferendi uteri secundum, è vulva ad auram exeundi modum, explicat.

Tempora ferendi uteri, ab Aristotele varia censentur : De gen. an. l. 4. c. 4. & ult.  
certa, inquit, cuique animalium sunt, magna quidem ex parte pro vitae spacio; vivaciorum enim generationes diuturniores esse necesse est. Praecipua autem hujus rei causa ab eo assignatur magnitudo animalis: haud enim, inquit, tempore brevi constitutionis perfici magnas vel animalium, vel quorumvis aliorum fere facile est. Quamobrem equae, & quae iis cognata sunt animalia, quanquam minus temporis vivunt, tamen diutius uterum ferunt. Ideoque elephantorum uterus biennio (ut ajunt) gestatur, propter exuperantiam magnitudinis. Cujusque autem animalis certa est magnitudo, quem terminum non supragreditur: ac proinde materiae quoque (ex qua fiunt) copia ipsis definita est. Ait porro: Ratione autem optima tempora omnium & graviditatum & generationum, & vitarum dimensionem circuitibus sibi exposcunt recipere. Circuitum appello diem, noctem, mensem, annum, & tempora, quae iis describuntur, atque etiam lunae trajectiones: haec enim principia generationis sunt omnibus communia. Nam ut rerum minus principalium circuitus sequatur magis principalium rerum circuitum, rationale est. Eorum igitur motibus generationes atque obitus animalium definiri, natura comparatum est.

Et prout animalium partus ex circuitibus Solis aut lunae dependent, ita varia etiam habent tempora coeundi, & ferendi uterum; eaque prolixiora, aut breviora.

Homini soli (inquit ibidem Philosophus) tempus ferendi uteri enorme est. Caeteris enim unum est tempus, homini vero, plura sunt: quippe & septimo mense, & decimo nascitur; atque etiam inter septimum & decimum positus: qui enim mense octavo nascuntur, etsi minus, tamen vivere possunt. Plurimis quidem statuta sunt pariendi tempora, & praesertim Vere, adventante Sole; multis, in aestate; nonnullis, in autumno, ut piscibus cartilagineis. Indeque fit, ut accedente pariendi tempestate, ad solita loca revertantur; ut stabula, vel nidos suos tuto exstruant, ubi foetus pariant,

foveant, alantque. Hinc dicti Ornithiæ, venti sub initium Veris spirantes; scilicet ab adventu avium, quæ eo tempore, illorum ventorum ope ad certa loca transvolare solent. Pisces similiter qui turmatim ad multa centena millia, prolis educandæ gratia, certis locis convenire solent, stata anni tempora designant. Quin etiam Vere, quamprimum erucæ cernuntur, (quarum semina, instar atomorum invisibilia, à ventis ut plurimum deferuntur; non autem, ut vulgo creditur, sponte, vel è putredine ortum ducunt) arbores statim gemmulas suas protrudunt, erucis illis cessuras in alimentum; quas vicissim aviculæ plurimæ insectantur, alendisque pullis suis in nidos deferunt. Adeo ut, quotiescunque cernere contingit inusitata erucarum genera, simul aviculas raro visas, peregreque adventantes conspiciamus; (tanquam hæc illas è remotioribus terris persequerentur) suntque utrisque eadem fere pariendi tempora. Medici statim, conspectis iis, novos morbos prae foribus adesse hæriolantur. Apes Majo mense pariunt, cum roris mellisui copia est: Vespæ, æstate; cum fructus maturescunt: quemadmodum viviparorum foetura contingit, cum in mammis eorum lac idoneum reperitur. Alia vero animalia, quæ inquilina sunt, & coelum non mutant, sua quæque pariendi loca, ut & pabuli prævium, statis temporibus repetunt. Inde fit, ut agricolæ, à diversarum avium, & spermologorum præcipue conventu, arandi, seminandi, & metendi tempora dijudicent. Sunt tamen nonnulla animalia, quorum pariendi tempora varia & incerta contingunt: ut plerisque usu venit, quæ domestica appellantur, & cum hominibus degunt. Ea enim variis temporibus, & venerem exercent, & pariunt; nempe ob pabuli copiam, & inordinatam, præter naturæ morem, lasciviam. Talibus vero (ut & hominibus) partus difficiliore s sæpe, & periculosiores obveniunt.

Alia porro animalia, lunæ circuitus magis observantia, quolibet fere anni tempore cœunt, & pariunt: ut cuniculi,



culi, mures, & mulieres. Dicitur enim ( inquit Plutar. Sympos. chus ) ad expediendum partum luna conducere, cum orbe fulget dimidio : quod laxandis humoribus dolores mitiget. Hinc arbitrator etiam Dianae vocabula Lochiae, quod est, partui praefectae, & Eilythiae, sive Lucinae, fuisse facta : cum eadem sit Diana, quae luna.

Caeteris animantibus, ( inquit Plinius ) statum & pariendi, & partus gerendi tempus est : homo toto anno, & incerto gignitur spatio. Nam licet his quoque praefinitum pariendi tempus natura ut plurimum destinaverit : interdum tamen magna suboritur differentia ; adeo ut quaedam septimo mense, nonnullae decimo quarto partus vivos ac vitales edidisse memorentur. Et licet Aristoteles, ex iis, qui in Graeciae regionibus octavo mense nascuntur, multos interire dicat ; fatetur tamen in Aegypto, atque aliis aliquot locis, (ubi mulieres commode perferunt) salvari vitales. Et quamquam ait : ( Qui ante mensem septimum prodeunt, nulli ulla ratione possunt vivere. At septimus mature oriendi principium est. Verum plerique sunt imbecilles ; ideo involvunt eos lanis ) fateatur tamen, tales vivere posse.

Franciscus Valesius quinquemestrem puellam refert suo tempore duodecimum aetatis annum ingressam fuisse. Adrianus Spigelius tabellarii cujusdam meminit, qui urbis Med oburgensis testimonio publico omnibus monstrabat, se sexti mensis initio editum, corpore exiguum, & viribus ita debilem : atque ossibus infirmum, ut mater coacta fuerit gossipio circumductum fovere, donec robur acquisiverit, quo posset fasciis circumligari. Avicennas quoque refert, sexto mense natum bene vixisse. Similiter, post undecimum mensem natos vitales fuisse, multorum quoque & veterum & recentiorum testimoniis comprobatur. Massurius ( ait Plinius ) autor est, L. Papyrium Praetorem, secundo haerede lege agente, bonorum possessionem contra eum dedisse, cum mater partum se tredecim mensibus diceret tulisse ; quoniam nullum certum tempus pariendi statutum videretur. Fuit profecto non ita pridem apud nos mulier, quae foetum in utero sedecim amplius mensibus

gessit, eumque ultra decem menses (pluribus ejus rei conciliis) huc illuc varie sese commoventem sensit, tandemque vivum peperit. Sunt autem fateor, ista ex raro contingentibus. Ideoque *Spigelius Ulpianum* Jurisconsultum immerito reprehendit, quod, post decimum mensem, editum neminem ad legitimam haereditatem admiserit. Quippe leges & praecepta artium, actionibus vitae recte ordinatis ut plurimum adaptantur. Praeterea non negandum, reperiri multas subdolas & fraudis plenas mulieres, quae lucro inhiantes, aut poenarum, vel infamiae metu, sese gravidas fingunt, & dejerant. Notum quoque, alias facile decipi, quae rerum ignarae, etiam vacuo utero se praegnantem autumant. Huc faciunt illa Aristotelis: *Conceptio eorum, qui post undecimum mensem editi sunt, videtur latuisse. Illorum enim conceptus initium ignorant mulieres. Flatus enim uteri saepenumero occupati, postea coeunda gravidae factae, illud arbitrantur fuisse initium conceptionis, quod ex indiciis usitatis agnovissent.*

Hist. an.  
l. 7. c. 4.

Ibid.

Alias etiam novimus, post trimestre aut quadrimestre spatium, mortuo jam conceptu, & in utero putrescente, paulatimque (ceu putridis lochiis) effluente tabo, superfoetasse. Eadem tamen, post decimum-quartum demum mensem se peperisse affirmarunt. Evenit aliquando, ait Arist. ut abortu facto, decem ac duodecim superfoetatione concepti exciderint. Quod si statim conceperint, extulere in lucem eum quo superfoetarant; sicque eos edunt, quasi qui gemellorum eduntur lege. Id quod de Iphicle & Hercule fabulantur. Atque hoc jam constitit: Adultera enim quaedam, alterum marito similem, adultero alterum peperit. Olim etiam quaedam gemellos utero cum gestaret, tertium insuper concepit. Appetente igitur tempore justo, illos quidem suo perfectos tempore edidit, hunc autem quinquemestrem; atque is illico periit.

Famula quaedam ab hero suo compressa, ut culpam tegeret Septembri mense Londinum advolat; ubi clanculum peperit, & firmata valetudine, domum reversa est. Decembri autem sequente, novo partu (nam superfoetaverat)

occultatum antea crimen divulgavit.

*Alii contigit* ( addit Philosophus ) *ut cum unum septimestrem peperisset , postea duos mensium justorum sine absoluto pareret : quorum ille mortuus est , hi vixere . Quaedam etiam abortientes simul concipere , aliorumque ejicere , alterum peperere .*

Fieri nempe facile potest , ut priore aut posteriore superfoetantium conceptu post tertium quartum ve mensem ejecto , sequentes menses vel plures justo , vel pauciores numerentur : praesertim à credulis & ignavis mulerculis .

Perire intus conceptum , & in putrilaginem versum sensim indies ( tanquam fluores albos ) emanare nonnunquam observavimus , tum in mulieribus , tum etiam in aliis animalibus . Erat non ita pridem *Londini* mulier ; quae , post ejusmodi abortum , concepit denuo ; debitoque tempore infantem peperit . Postea vero interpositis aliquot mensibus , dum consueta obit munia , sine dolore , & aegritudine aliqua insigni , prioris abortus officula nigra frustatim ejecit . Eorum quaedam ad me delata , esse spinæ , femoris , & aliorum ossium fragmina , indicium fecerunt .

Novi Juvenulam , filiam cujusdam Medici mihi familiarissimi , quae gravida facta , symptomata omnia praegnantem comitari solita experiebatur : ea sana , & vegeta , post decimam quartam septimanam , foetus in utero motum sensit ; tempusque partui debitum emensa est ; indiciaque jam imminentis partus adesse rata , cubile , incunabula , caeteraque ad partum necessaria in procinctu habuit . Sed frustra omnia , & *Lucina* votis abnuir : motus enim soliti cessarunt ; ac paulatim , ut increverat , detumuit venter , absque ulla aegritudine : sterilis autem mansit in posterum .

Novi etiam Matronam nobilem , quae plus decies enixa fuerat , quamque menstruorum suppressio citra praegnationem nunquam fefellerat . Postea autem alteri denupta , praeter alia signa solita , ex motu quoque ( quem ipsa , so-



rorque ejus juxta cubans , saepe noctu sentiebant ) sese gravidam judicabat ; neque ab ea opinione ullis à me allatis argumentis dimoveri poterat : donec tandem spes omnis in flatum & pinguedinem facesseret.

Ad eo interdum certissima quoque gravidationis signa , non modo ignaras mulieres , sed obstetrices expertas , & peritos etiam Medicos atque attentos fefellerunt. Quapropter , cum praeter dolos muliebres , varia sint praegnationis falsa indicia , de partu inordinato ante septimum mensem , aut post undecimum , haud temere statuendum est.

Usitatus sane uteri gerendi computus , eum terminum servat , quem Christum Salvatorem nostrum hominum perfectissimum in utero Matris suae emensum credimus : nempe à die annuntiationis Angelicae , mense Martio , ad natiuitatis illum beatum diem , quem Decembri mense festum celebramus. Adque hanc normam matronae prudentiores calculos suos subducentes ( dum singulis mensibus , solitum menstrui fluxus diem in fastos referunt ) spe raro excidunt ; verum , transactis decem lunae curriculum , eodem die , quo ( absque praegnatione foret ) menstrua iis profluerent , partum experiuntur , ventrisque fructum colligunt.

De us. parti. l. 15. c. 6. Ad causas vero excludendi foetus quod attinet , *Fabricius* praeter eam *Galenii* ( asserentis , foetum tantisper in utero gestari , donec auctus & perfectus jam factus per os nutriri possit : qua certe ratione , imbecilliores foetus diuturniorem in utero moram traherent ; quod tamen non evenit ) aliam , & quidem potiore , putat , majoris , per respirationem , refrigerii necessitatem , cum foetus ubi primum ortus est respiret , nequaquam autem cibum ore assumat . Id quod non solum ( ait ) in homine & quadrupedibus , sed etiam maxime in pennatis observatur ; quae etsi parva sunt , & rostrum adhuc tenerum habentia , pulli tamen prius corticem ea parte percutiunt , qua respiratione opus habent : hoc agentes à respiratione , quam à cibi indigentia coacti ; cum statim atque à cortice sunt exclusi respirent , sine cibo autem biduum diutiusque consistant.

Verum num refrigerii gratia respiratio instituta sit, an in alium finem; alibi plenius, ex observationibus nostris, disputabimus.

Libet interea problema hoc viris doctis proponere: Quomodo nempe embryo post septimum mensem in utero matris perseveret? cum tamen eo tempore exclusus statim respiret; imo vero sine respiratione ne horulam quidem superesse possit: in utero autem manens (ut dixi) ultra nonum mensem, absque respirationis adminiculo, vivus & sanus degat. Dicam planius: Qui sit, ut foetus in lucem editus, ac membranis integris opertus, & etiamnum in aqua sua manens, per aliquot horas, citra suffocationis periculum, superstes sit: idem tamen *secundis* exutus, si femel aërem intra pulmones attraxerit, postea ne momentum quidem temporis absque eo durare possit, sed confestim moriatur? Non fit hoc certe ob defectum refrigerationis; nam in partu difficili, saepe per aliquot horas in angustiis illis sine ulla respiratione haerens, vivus tamen perfitiscitur: quamprimum autem egressus fuerit, & vitalem hanc auram hauserit, eadem mox praeclusa dictum factum exstinguitur. Similiter, cum in sectione caesarea foetus horis complurculis post matris obitum eximitur, vitalis tamen reperitur, & intra secundas sepultus, aëris nihil indigus, superest: simul ac autem eo semel gavifus fuerit, (etiam in eisdem secundas repositus) illico, ob hujus carentiam, suffocatur. Haec qui diligenter perpendit, naturamque aëris penitus introspexerit, facile (opinor) fatebitur, eundem nec refrigerationis gratia, nec in pabulum animalibus concedi. Siquidem constat, foetum, postquam eum semel hauserit, citius suffocari; quam cum ab illo prorsus arcebat: quasi fervor in eo, ab aëre accenderetur potius, quam restingeretur.

Haec autem obiter duntaxat de respiratione diximus; proprio loco de eadem forsitan copiosius disceptaturi. Qua sane disquisitione vix aliam scrupulosiorem invenias; siqui-

dem ea in utramlibet partem paribus fere rationum momentis liberatur.

P. 142.

Ad partum redeo , quem ( *praeter praedictam respirandi necessitatem ; alimentique inopiam* ) Fabricius fieri putat , quod tunc foetus grandior factus pondere gravet ; tum mole sua magna non amplius intus detineri possit , praeterea , inquit , excrementa tam copiose aucta sunt , ut in membranis contineri amplius non valeant. Probavimus autem superius , humores in utero contentos , non esse excrementitios. Nec ratio à pondere aut magnitudine foetus deducta , magis verisimilis est : foetus enim humoribus innatans vix ullum placen-tae uterove gravamen adfert ; foetus etiam aliqui novimestres pusilli sunt , & aliis octimestribus minores ; non possunt tamen ulterius in utero morari. Et profecto ad pondus quod attinet , gemelli qualescunque octavo mense , cui-libet singulari foetui novimestri praeponderant , nec tamen propterea ante nonum mensem in lucem prodeunt. Nec meliore jure alimenti penuriam adesse , caussari potest : cum ad id temporis gemellis , & aliquando pluribus foetibus , victus abunde suppetat : & lac , quod puerperis ad mammas delatum , alendo foetui sufficit , ad uterum tractum , foetum inibi aequè commode nutrirer.

Ego potius nascendi causam esse dixerim , quod succus intra annion , alendo foetui maxime accommodus , tunc temporis vel deficiat , vel à relictis recrementis depravetur. Uti etiam supra monui. Uteri autem , praeter naturae usitatum tempus , gerendi diversitatem ( quae potissimum humano generi contingit ) vitae consuetudini , imbecillitati corporis , animique variis affectibus attribuerim. Ideoque etiam animalia cicura , quae cum hominibus degunt , ob otium , pabulique copiam , incerta magis tum coeundi , tum pariendi tempora obtinent ; quam fera , & ex naturae lege vitam agentia. Mulieres quoque firmae valetudinis , partus plerumque leviores , promptioresque experiuntur : contra autem iis evenit , quibus sanitas attrita est. Idem nempe iis usu venit , quod plantis , quarum femi-



semina & fructus in regionibus frigidis tardius & rarius, quam in aliis terrae bonitate Solisque beneficio gaudentibus, proveniunt.

Ita mala aurantia, apud nos, plerumque biennium integrum arboribus adhaerent, antequam ad maturitatem pertingant: & ficus etiam vix in nostro coelo perficiuntur, quae in Italia quotannis bis terve maturescunt. Similiter quoque in uteri fructibus contingit: nimirum ob pabuli ubertatem, vel inopiam; corporis robur, vel imbecillitatem; vitaeque (secundum sex res medicis non naturales dictas) rectum regimen, vel inordinatum; foetus etiam serius aut citius ad maturitatem sive partum perducuntur.

Partus modum Fabricius sic describit: *Uterus à foetus mole distentus, ut sine periculo distendi amplius non queat; atque ob id ad expulsionem excitatus, sicque, fibris transversis agentibus in se contractus, angustiore locum facit. Itaque cum prius neque excrementa propter copiam, neque foetus propter molem contineri amplius possent, nunc adhuc impensus angustatus & compressus, multo minus continere est possibile; propter quam causam, primo membranae, tanquam imbecilliores impensusque distentae abrumpuntur; & humor, qui magis est fluxilis, jure prius ad vias lubricandas exit. Inde vero foetus sequitur, non solum sua gravitate auctus (quod amplius in humore non innatet) deorsum descendens, atque ad uteri os impetum faciens, sed etiam ab utero similiter compressus, propulsatus, atque expressus: cui muneri muscoli abdominis, una cum diaphragmate, mirum in modum comprimendo famulantur.*

Partus  
quomodo  
fiat.

Quibus verbis, excrementorum alvi ejectionem potius, aut abortum, quam verum & naturalem partum descripsit. Ut enim mulieribus plerumque membranae ante foetus exitum disruptae aquam profundant; id tamen non est perpetuum: neque caetera animalia ad eum modum pariunt, sed conceptum integrum (foetum nempe cum secundis) excludunt: ut in canibus, ovibus, equabus, aliisque videre est; & praesertim in vipera, quae ovum unicolor &

Hist. an.  
l. 5. c. 34. molli cortice (qualis muliebris conceptus est) intra se concipit, ibidemque tandiu servat, donec foetus inde efformatus fuerit, quem membrana obvolutum parit, quae (teste *Aristotele*) tertio die rumpitur. Evenit tamen interdum, ut catuli, erosus (dum adhuc in utero sunt) membranis, in lucem prodeant.

Pariter obstetricibus expertis non ignotum, mulieres aliquando conceptum integrum, cum ambientibus membranis illaesis, excludere. Atque hujusmodi partus videtur maxime naturalis; in quo foetus (tanquam fructus maturus qui ab arbore totus solvitur, feminibus ante destinatum à natura tempus minime effluentibus) una cum secundis elabitur. Ubi autem secus fit, & placenta post natum foetum utero adhaerescit; ea saepe difficulter solvitur, & prava symptomata inducit, quae foetor ingens, & interdum gangraena, comitatur; unde mater in praesens periculum deducitur.

Quoniam igitur partus à *Fabricio* descriptus, non omnibus animalibus competit; sed mulieribus solum contingit, neque istis omnibus, sed iis duntaxat quibus praematurus, & quasi coactus obvenit: is certe non tam naturalis, quam praeternaturalis, sive praecipitatus, ac quodammodo abortivus censendus est.

Ad partum  
legitimum  
duo requi-  
runtur.  
In naturali igitur & genuino partu duo requiruntur, quae sibi invicem operas mutuas praestent; nempe parturiens mater, & pariendus foetus. Qui ambo nisi ad hoc negotium parati fuerint, vix felix succedit partus; cujus hora idonea communem utriusque maturitatem requirit. Nam si, vel foetus inquietus, & exeundi cupidus, exstimulando, vimque utero inferendo matrem praevenierit; aut haec, ob retinendi imbecillitatem, (tanquam nausea uterus laboraret) aut expellendi necessitatem aliquam, anteverterit: partus ejusmodi morbosus potius & symptomaticus, quam naturalis & criticus aestimandus est. Uti etiam, cum partes aliquae conceptus foras eliduntur, dum aliae adhuc intus haerent: nempe, si foetus ad exitum inclinet, nec-  
dum

dum abrupta ab utero placenta; aut è contra soluta placenta, foetus nondum rite compositus, nec uterus ad egressum ejus laxatus fuerit. Ideoque increpandae sunt obstetrices, praesertim juniores, temerariae, & πολυπράγμονες; quae, cum parturientes prae dolore ejulare, opemque efflagitare audiunt; ne τὸ μαιωθῆναι imperitae, parumve satagentes videantur; manus oleis oblinendo, locaque muliebria distendendo, mire tumultuantur, porrectisque potionibus medicatis facultatem expultricem irritant; atque morae debitae impatientes, dum accelerare, ac facilitare partum cupiunt, eundem retardant potius & pervertunt, efficiuntque non naturalem, ac difficilem, relictis retro secundinis, aut parte aliqua placentae utero etiamnum adhaerente; miserasque mulierculas, aëris injuriis exponunt; &, ad sedile frustra cogentes, fatigant; inque praesens vitae discrimen deducunt. Melius profecto cum pauperculis res agitur, iisque, quae furtim gravidae factae, clanculum pariunt, nullius obstetricis advocata opera: quanto enim diutius partum retinent & morantur, tanto facilius & felicius rem expediunt.

Partus itaque non-naturalis duo potissimum sunt genera: cum nempe foetus vel ante destinatum à natura tempus, (estque hic partus quodammodo abortivus) vel post illud, enascitur: fitque partus difficilis, & laboriosus, quod nec modo, neque ordine debito res peragatur, aut pravis aliquibus symptomatibus impediatur: quae duabus de causis praecipue eveniunt; quod nempe vel mater in expellendo deficiat, vel foetus ipse segnior, egressum suum haud satis promoveat: fit enim ab utriusque connixu partus facilis, & legitimus.

Pariendi opus *Fabricius* utero attribuit; cui muneris, inquit, famulantur abdominis muscoli, una cum diaphragmate. Mihi vero rem penitus intuenti, videtur cum totius corporis motu atque agitatione (quemadmodum in sternutatione evenit) parturientium nixus fieri. Novi Juvenclam, quae ob summum pariendi laborem in animi deli-



quium incidit; statimque adeo consternata, stupida & comatosa facta est, ut nullis remediis excitari potuerit. Ad eam vocatus (cum clysteres prius injecti essent, aliaque remedia idonea citra fructum ullum adhibita, nec quicquam per os deglutire posset) pennam sternutatorio fortiori ilitam in nares indidi; unde commota, licet stupore usque adeo obruta esset, ut sternuere, aut excitari nequiret totius corporis convulsione quadam tentari coepit, quae ab humeris exorsa, paulatim per totum corpus ad inferiora pertingebat. Quotiescunque autem stimulo hoc usus sum, promovebatur partus; tandemque, inscia matre, & in affectu comatoso adhuc permanente, natus est infans sanus & vegetus.

Licetque in aliis etiam animalibus (utpote, cane, ove, & jumentis) observare; hunc connexus modum, non esse uteri aut ventris solius actionem, sed totius quoque corporis conatum.

Quantopere autem foetus accelerando & facilitando partui conferat, in oviparorum praecipue ortu palam fit; constat enim, foetum ipsum, non autem matrem, corticem effringere. Unde etiam verisimile est, in viviparorum quoque partu, praecipuam nascendi ciussam foetui deberi. *Molimini*, inquam, ejus; non autem ponderi, ut *Fabricius* voluit. Quid enim in quadrupedibus stantibus, aut sedentibus, aut muliere jacente, pondus efficiat ad foetus productionem? Nec prodeuntis nixus solum à mole sua, aut aquarum copia provenit, ut ille censet; (ea quidem mortuis, & in utero putridis foetibus exeundi causa est, qui uterum putredine & acrimonia ad exclusionem stimulant) sed ipse foetus prono capite uteri claustra aggreditur, eademque propriis viribus recludit, & in lucem elucetatur. Ac propterea partus ejusmodi expeditior & auspiciator habetur; nascentem autem in pedes procedere, contra naturam est, inquit *Plinius*; eoque argumento appellavere *Agrippas*, quasi aegre partos. Pigo enim & laborioso partu tales nascuntur. Nihilominus in abortu, & ubi foetus mortuus fue-

fuerit, aut aliter difficilis partus contigerit, adeo ut manuum opera opus sit, aptior exeundi modus est in pedes; ita enim, tanquam adacto cuneo, uteri angustiae facilius aperiuntur. Quare cum pariendi spes maxima in foetu est, (utpote vitali & vegeto) nitendum, ut capite primum prodeat; sin utero id negotium praecipue incumbit, exitus in pedes procurandus est.

Foetus operam in partu potissimum conspicuam esse, non modo in pennatis videre est, quae suis viribus, citra matris auxilium (ut diximus) corticem rumpunt; sed & in aliis animalibus compluribus: muscae enim omnes, & papiliones; membranulas (in quibus aetulae delitescerant) perforant; bombyx etiam folliculum sericeum, quem muniminis gratia intus occultatus neverat, stato tempore humectando emollit, rodit, & sine ullo adminiculo extraneo foras egreditur. Ad eundem modum vespa, crabrones, & reliqua insecta, omnesque pisces, sponte sua nascuntur. Apparet hoc maxime in rata, pastinaca, galeo, omnibusque piscibus cartilagineis, qui ova intus concipiunt, eaque perfecta & bicolora, & (albumine scilicet & vitello praedita) atque cortice cartilagineo valido quadrangulari conclusa; è quibus intra abdomen & uterum detentis pisciculi efformati, rupto vi cortice, egrediuntur foras: quemadmodum & viperini foetus ovi continentis tunicam aliquando in utero parentis, aliquando in ipso exitu haerentes, aliquando etiam altero tertiove post nativitatem die erodunt. Unde orta est fabula, viperinos catulos exeso matris utero nasci, patrisque necem ulcisci. cum tamen idem solum agant, quod reliqui omnes foetus *videntes luminis auras*, dum in partu, aut subito post eum, amplexantes membranas, *secundas dictas*, perfringunt.

Quantum autem adjumenti ad partum foetus adferat, plurimae observationes luculenter demonstrant. Mulier quaedam apud nos (compertum narro) sub vespertinam mortua, in conclavi sola relicta est: mane autem sequenti, inter femora ejus repertus est infans, qui proprio nisu exi-

tum.

tum sibi procuraverat. *Gregorius Nyminanus* exempla aliquot hujus commatilis ex probatis autoribus collegit.

Novi etiam mulierem, quae à difficili & laborioso partu integrum vaginae ambitum interiorum laceratum atque excoriatum habuit; adeo ut, finito puerperio, licet gravida denuo fieret, tamen non solum orificii pudendi latera juxta nymphas coalescerent, sed totius quoque vaginae cavitas, usque ad internum matricis osculum prorsus connasceretur: unde nec virili membro, nec specillo quidem ingressus patuit, neque menstruorum fluxui egressus. Instante itaque pariendi tempore, torquebatur misella perquam miseris modis, omnemque spem deponendi sarcinam abjecerat: quare traditis marito clavibus, ordinatissime rebus suis, amicis praesentibus valedixit. Cum ecce inopinato, robusti admodum foetus summo conamine, torus ille tractus dirumpitur, fitque insperatus partus; & validus infans, sibi matrique suae salutis autor existit; viamque apertam aliis post nascendis reliquit. Idoneis enim adhibitis remediis, mater pristinam valetudinem recuperavit.

Addo aliud exemplum magis memorabile. *Serenissima Angliae Regina* equam candidissimam, formaeque eximiae dono acceperat: ejusque genitalia (ne ab equis admiffariis inita corporis gratiam, atque equitandi usum amitteret) equifones (ut fieri solet) anulis ferreis infibulaverant. Eadem tamen, (nescio quo pacto, nec custodes mihi modum indicare poterant) facta est gravida; tandemque, cum nihil tale suspicarentur, noctu peperit, pullusque vivens mane ad matris latera conspicitur. Id cum mihi nunciaretur, adii illico locum, vidique ambo vulvae labia anulis confuta, totumque pudendum versus sinistrum latus detrusum, abruptum, & à dextra coxendice laceratum adeo; ut, soluta, per incredibilem foetus vim, partis robustissimae unitate, facile ei per ingentem illum hiatum exitus pateretur. Tantus scilicet est maturi vegetique foetus vigor & efficacia.



**E** contrario vero, si foetus morbosus aut languidus fuerit, vel ante debitum tempus in lucem prodierit; non tam partus fit, quam abortio; foetusque ejicitur potius, quam paritur: ideoque, etiam aliquot dies natus, nec mammam commode fugit, neque excrementa rite deponit.

Fert tamen etiam uterus huic operi auxiliares manus: ut sequenti exemplo constabit. Mulier quaedam paupercula, & linteaminum lotura victum quaeritans, procidentia uteri diu laboraverat; ejusque vagina inter femora ad pugni amplitudinem propendebat; tandemque, cum nulla remedia adhiberentur, tantopere invaluit malum, ut jam scrotum referret, cute rugosa & squalida; minusque jam molestiae inde persensit, quam in recenti prolapsu consueverat. Consilium tamen à me petenti, suasi, ut in lecto per aliquot dies se detineret, fomentis & inunctionibus arida loca emolliret, eoque pacto intra corpus reductum uterum pessariis fasciisque ibidem retineret, donec siccantium & corroborantium remediorum usu in loco debito firmaretur. Successit aliquantisper ad votum curatio: verum dum ipsa, prae egestate, quaeustus facienda causa, ad solita opera revertitur, intermissisque remediis diu erecto corpore obambulat, recidivam passa est; eamque aequo animo toleravit, modo intus, modo foris existente utero; ut plurimum autem noctu in locum solitum reduxit, ibidemque aliquandiu permansit. Elapsis vero diebus complusculis, ad me reversa conqueritur, remediorum, & praesertim fomentorum, usu (ut arbitrabatur) tumefactum uterum intus amplius retineri non posse. Praescriptis tamen unctionibus usa, eundem vi intro adigit, sed non duraturo juvamine; quamprimum enim in pedes surgeret, & consueta munia obiret, uterus confestim prae mole ac pondere molestiam ipsi attulit, facileque denuo prolapsus est. Et jam, taurini scroti instar, ad medium femur pependit; adeo, ut, non solum vaginam, sed & matricem ipsam inversam esse, aut herniam quandam uterinam suspicarer. Tandem capitis humani magni-

tudinem excessit tumor renitens, & genuum tenus propendens dolorem intulit, incessumque (nisi prono corpore) impedire coepit; atque in ima sui parte dehiscens, madorem (tanquam locus ulcerosus foret) & saniem profudit. Ego re inspecta (tactu enim non explorabam) cancerum aut carcinoma uteri jam affore metuebam, ideoque ligaturam & abscissionem meditabar; & interea consului, ut blandis fotibus dolorem leniret. Nocte vero sequenti ex eodem tumore infans spithamae longitudine perfecte formatus, sed mortuus, protruditur, & postridie ad me deferitur; quem, sublatis interaneis, per aliquot menses in aqua frigida natantem citra corruptionem servavi, pluribusque amicis meis (ceu rem mirandam) ostendi. Cutis in hoc foetu non dum efformata erat; sed pellicula duntaxat apparuit, (qualis in pomo cocto cernitur) quam nullo negotio integram detraxi; unde omnes totius corporis muscoli (macilentus enim erat) distincte admodum apparuerunt. Quae in hujus foetus dissectione porro observaverim, alibi dicetur: hic duntaxat, quomodo matrix sola abortum concitaverit, proprioque nixu foetum propulerit, adnotandum duximus.

De form.  
foetu,  
pag. 142.

*Fabricius*, in partu & post partum duo admiratione digna (ut ait) proponit: primum, de uteri dilatatione in partu; alterum, de reductione ejusdem post partum ad pristinam angustiam. Miratur nempe, uterum tantopere ad egressum foetui praebendum distendi; eundemque de novo, post partum, brevi tempore ad pristinam suam parvitatem reverti.

De ul.  
part. l. 15.  
c. 7. Pag.  
143.

Quomodo uteri cervix crassa, dura, & occlusa adeo ut ne specillum quidem admittat, tantam distensionem partus tempore patiat, mirari quidem nos posse, cum Galeno; intelligere autem non posse, profitetur. Causam tamen hanc reddit, quod uterus non praegrans sit crassum corpus & durum, & similiter ejus orificium; praegrans autem evadat tenue & molle; & quo magis ad exitum propinquat, eo uteri corpus, & consequenter ejus orificium tenuius & mollius efficitur.

tur. Idque fieri putat ob distentionem, quam uterus patitur; qui dum distenditur, compactum ipsius uteri corpus, & (ut ita dicam) complicatum expanditur, & explicatur; & ita, cum crassum & durum prius esset, tenue & molle redditur & per consequens ad exitum foetui praeibendum aptum. Addit postea: Quaesivit aliquando quispiam: quomodo, si ita se res habet, verum esse potest, quod in utero gerentibus uteri orificium ita occlusum sit, ut ne specillum quidem ingredi possit? Respondi, evenire propterea, quod uterus dum distenditur, & quasi linteum compactum & plicatum explicatur, in superiore ejus parte primum incipit sursum attolli & explicari; inde vero sensim & inferiores uteri partes distenduntur, quousque tandem ad orificium distentifica illa facultas perveniat; quod consentaneum est accidere, dum uterus ad partum propinquat. Quare merito uteri orificium primis mensibus penitus occlusum, (quando scil. adhuc crassum & praedurum est) ultimis autem jam dilatari apparet. Atque haec de Galeni causa incognita dicta sint. Possemus quoque alias addere, quae dilatationem orificii reddunt faciliorem: ut puta foetus excrementa, sc. sudor & urina, quae etsi in propriis continentur conceptaculis & membranis, nihilominus tamen vis humectandi potest etiam hujusmodi orificio impertiri, praecipue cum inferius sit, & propositis humiditatibus propinquum, semperque praesens. Adde, quod ad uteri orificium semper mucosa & pituitosa quaedam comperiantur.

Sed fallitur, mea quidem sententia, eximius Vir: uteri enim cervix non est dura ex complicatione, sed à propria substantia, nervosaque constitutione: & accidentales causae (quas recenset) minus huic negotio momenti afferunt. Fit certe isthuc à divina naturae providentia, (similiter ac reliquum totius corporis artificium admirabile) quae opera sua instituit in finem, actionem, & usum. Est itaque uteri talis constitutio, ut in prima conceptione orificium nervosum constrictum habeat, retentionis gratia, quod postea in partu (tanquam fructus in arbore) ex duro ad maturitatem mollescat, in expulsionis commodum: idque non explicatione aliqua, sed ab immutata temperie.



Nam & ossium quoque commissurae, synchondrosis nempe coxendicis cum osse sacro & pubis, & coccygis syneurosis solvuntur, & emollescunt. Admirabile sane est, exiguum pullulantis nuclei apicem (amygdalarum puta, aut aliorum fructuum) ossa, quae vix malleo rumpuntur, effringere; tenellaeque radices hederæ fibras in tenues saxorum rimulas irreperentes, praegrandes tandem muros discindere. Non est autem quod magnopere miremur, foeminarum genitalia in partu relaxata subito post durescere, & constringi, quod partibus illis naturale est; si cogitamus, penem virilem in coitu valde tensum & durum, peracto negotio statim languescere & emolliiri. Mirandum magis, (quod omnem plicaturam superat) uteri substantiam, pro foetus incremento, non modo indies ampliari sive distendi, (tanquam ad *Fabricii* mentem evolveretur) sed crassescere, & carnosiores, ac robustiores fieri. Illud quidem cum *Fabricio* stupendum magis, tantam uteri molem, tam paucis diebus, per celebrem lechiorum purgationem, ad pristinam magnitudinem redire: cum id tumoribus aliis, aut abscessibus non contingat; qui ex materia praeternaturali, & coctrici, expultricique facultatibus rebelles constantes, longiores in sanando moras trahunt. Non est tamen hoc admiratione dignius, quam reliqua naturae opera: *Jovis* enim plena sunt omnia, & naturae numen ubique praesens cernitur.

Ultimo loco, *Fabricius* maxime miratur, vasa illa embryonis (nempe foramen ovale è vena cava in arteriam venosam, & transitum è vena arteriosa in aortam; de quibus, in tractatu de circuitu sanguinis, fuisse diximus) statim à partu marcescere, & obliterari. Cogiturque ad rationem eam *Aristotelis* à nobis praecitatam confugere; nimirum, partes omnes actionis alicujus gratia conditas esse; eaque ablata, ipsas quoque evanescere. Nempe oculus videt, auris audit, cerebrum sentit, ventriculus concoquit; non quia illarum partium talis temperies, & fabrica contigit; sed organa ista, ut destinatas à natura operatio-

De par.  
an. l. r.  
c. 5.

tiones obeant , ejusmodi temperie & fabrica donantur.

Quo argumento constat , utrum inter partes generationi dicatas praecipuam esse ; testiculi quippe , geniturae aut seminis gratia constructi sunt ; semen autem in coitum conceditur ; & coitus ipse , vel seminis emissio , ut utero foecunditas accedat , & generatio contingat , à natura instituitur.

Diximus antehac , ovum esse tanquam fructum animalium , & ceu uterum foris expositum. Nunc vicissim uterum , tanquam ovum intus permanens , contemplabimur. Quemadmodum enim arbores , stasis temporibus , foliis , floribus , & fructibus ornantur ; & ovipara animalia interdum ova generant , & pariunt ; aliquando autem effoeta sunt , & ne locus quidem , aut pars ea continens reperitur : ita & viviparis animalibus suum ver , & autumnitas data est. Foecunditatis & generationis tempore , partes genitales , praesertim in foeminis , plurimum immutantur ; adeo ut in pennatis ovarium , alias inconspicuum , turgidulum appareat ; & piscium venter sub partum , ob ovorum multitudinem , seminisque copiam , facile reliquum corpus mole superet. In plurimis animalibus viviparis , genitalia , ( nempe uterus , & vasa spermatica , ) non semper eodem tenore , temperie , & fabrica conspiciuntur ; sed prout praegnantia , aut effoeta fuerint , ita varie permutantur ; adeo , ut eadem esse vix dignoscere queas. Quippe in natura ut nihil deest , ita nihil superfluit. Ideoque partes genitales , cum earum nullus est usus , marcescant , retrahuntur , ac veluti obliterantur.

Tempore coitus , leporibus & talpis maribus testiculi conspicui , foeminisque uteri cornua adsunt. Dictu profecto mirum , quanta seminis copia tunc temporis in talpis & muribus majoribus conspiciatur , in quibus alias nihil omnino seminis , ( testibus extenuatis , intusque retractis ) visitur. Uterus autem in iis effoetis vix reperitur ; ut matrem à foemina internoscere plane arduum sit.

Uterus , in muliere potissimum , prout foeta aut vacua fuerit , tam temperie , quam iis quae eam consequuntur ( utpote situ , magnitudine , figura , colore , crassitie , duritie , & densitate ) mire variat. Puellae impuberes ut mammas non habent , quam pueri , majores ; ita uterus illis est perexiguus , albus , cutaneus , venis destitutus , digitique majoris apicem , aut fabam majusculam magnitudine non excedens. Similiter vetulae , ut collapsa ubera ; ita uterum retractum , flaccidum , vietum , pallidum , venis & sanguine carentem habent. Quam etiam causam arbitror , cur senescentibus mulieribus menstrua non fluant ; sed vel in haemorrhoidas abeant , vel praemature supprimantur , non sine sanitatis dispendio. Cum enim uterus frigidus , & quasi emortuus reddatur , venasque omnes atque arterias abolitas habeat ; superfluis sanguis effervescens , vel restagnat , vel in haemorrhoidas vicinas divertitur. E contra vero virginibus pallidis & febre lenta laborantibus ( quibus uterus exilis est , & menses restitant ) à coïtu maris ( inquit Aristoteles ) *detrahatur mensum excrementum , trahit enim humorem uterus tepefactus , & meatus aperiuntur.* Unde summum illis aegritudinis levamen : quippe ab utero officii sui immemore , multa universo corpori obveniunt mala. Est enim uterus pars principalis , quae totum corpus facile in consensum trahit. Nemini sane ( paulum saltem exercitato ) ignotum est , quam prava symptomata uteri ascensus , descensus , perversio , & convulsio concitent : quam stupendas animi aberrationes , deliria , melancholias , & furores , tanquam incantamento fascinati , affectus uteri praeternaturales incutiant ; quot etiam morbos aegrè curabiles , menstruorum depravatum profluvium , aut veneris usus diu nimis intermissus valdeque desideratus inducant. Nec minus notum , quanta virgini alteratio contingat , crescente primum , & tepefacto utero : pubescit nempe ; coloratio evadit ; mammae protuberant ; pulcrior vultus renidet ; splendent oculi ; vox canora , incessus , gestus , sermo , omnia decora fiunt ;

mor-

Degen.  
an. l. 3.  
c. i.



morbique graviores hoc ipso tempore, vel nunquam curantur.

Novi foeminam nobilem à furore & melancholia uterina ultra decennium delirantem; cui, postquam omnia frustra tentata essent, contigit uteri prolapsus: quem ego affectum, contra aliorum sententiam salutarem illi fore praedixi; suasque, uterum ne reponeret, donec à frigore externo intemperies ejus deferbuisset: successit res ex sententia, brevique plane convaleuit; atque uterus demum loco suo restitutus, ibidem permansit; vitamque etiamnum salubriter degit.

Vidi etiam aliam, hystericis symptomatibus nulli remedium generi cedentibus diu laborantem; quae tandem post multos annos ab uteri decubitu sanitatem recuperavit. Utrique, sedatis symptomatibus, uterum felici cum successu reposui. Uterus namque ab acri aliqua materia ad expulsionem vehementer existimulatus, non solum delabatur, sed (instar recti intestini à tenesmo molestante irritati) seipsum foras praecipitat.

Varia itaque est uteri constitutio, eaque non modo praeternaturalis, sed etiam secundum naturam, tempore nempe foecunditatis, aut sterilitatis. In puellis (ut dixi) & effoetis, fabae magnitudine exsanguis est. In virgine nubili, pyri magnitudinem, & formam refert. In mulieribus foecundis, & ad concipiendum idoneis, parvae cucurbitulae, aut ovi anserini amplitudine conspicitur; simulque cum mammis turgescit, laxatur, & carnosior factus incalescit; superatque (ut *Virgilius* de agris loquitur:)

— Tener omnibus humor,  
& genitalia semina poscunt.

Quare instantibus jam, aut modo praeteritis mensibus, dum adhuc calor loci & humiditas (duae generationis causae necessariae) supersunt, mulieres ad concipiendum aptissimae.

tissimae sunt. Et similiter reliquis animalibus ( cum ad venerem accenduntur ) genitalia , madent , turgent , atque intumescunt.

Talem quidem uteri constitutionem ante partum reperi. In gravidis autem , ut diximus , uterus ad foetus incrementum dilatatur , & in molem ingentem excrescit. Reperi eum , statim à partu , magnitudine capiti aequalem , & plus quam digiti majoris latitudine crassum , vasisque plurimis sanguine plenis refertum. Profecto admirabile est ; & humanum ingenium ( ut *Fabricius* ait ) plane superat , tantam uteri molem tam brevi tempore ( nempe quindécim aut viginti dierum spatio ) tantopere detumescere.

Uterus enim statim ab excluso foetu & secundis , sese sensim colligit , cervicem arctat , atque interiora versus in locum pristinum se retrahit ; & partim per diaphoresin insensibiliter minuitur , partim in lochia solvitur : partesque omnes vicinae , ossa , venter , totaque regio hypogastrica simul constringuntur , & firmanentur. Per lochia emanat primo sanguis purus ; postea saniosus , recentis carnis loturae similis deinde ichorosus : mulierculae nostrae *lactis proventum* nominant , cum lochia non amplius sanguine tincta conspiciuntur ; forsan , quod eodem tempore lac è mammis copiosius & salubrius scaturiat ; & lochia tunc minui , & exsiccari incipiant : utpote succo alibili , ab utero jam ad ubera translato.

Caeteris tamen animalibus haud tanto molimine opus est ; quibus dictae partes uno aut altero die perfecte restituantur , & consolidantur. Imo vero eorum nonnulla ( ut in lepore , & cuniculo videre est ) horulae unius spatium , post partum , marem admittunt , & à coitu denuo implentur. Quemadmodum gallinam diximus protinus ab edito ovo à gallo comprimi. Mulieres solae , ut menstruis , ita etiam lochiis abundant ; & puerperia difficilia , ac periculosa experiuntur : quod , vel uterus ob imbecillitatem intempestive se colligat , vel lochia contra naturam depravata sint , vel non promanent. Saepe enim contingit ( praef-

sertim delicatulis) ut lochia intus corrupta, & foetentia, febrem aliaque saeva symptomata accersant. Quippe uterus à placentae separatione (praecipue violenta) excoriatus, tanquam ulcus ingens internum, lochiorum liberiori emanatione deregitur, & mundificatur. Ideoque per excreta, de puerperae sanitate, aut discrimine statui-mus. Si quid placentae utero annexum relinquitur, lochia male olentia, virescentia, & cadaverosa promanant: & nonnunquam, prostratis prorsus uteri viribus, sphacellismus repentinus certam necem adfert.

Si vel sanguinis grumi, vel aliud quid praeternaturale, post partum in cavitate uteri remanserit; hic nec sursum retrahitur, nec orificium suum claudit; sed cervix ejus mollis, & aperta persentiscitur. Ut expertus sum in muliere, quae febre maligna, cum summa virium jactura, laborans abortivit; & post exclusionem foetus incorrupti atque integri, prostratis tamen viribus, cum pulsu vermiculante, & sudoribus frigidis moribunda procubuit. Uteri ejus orificium laxum, molle, & patentissimum deprehendi, una cum male olentibus lochiis: unde, subesse aliquid in utero, quod putresceret, suspicatus sum; digitisque immisiss, molam ovi anserini magnitudine, carne densissimâ, nervosa, & pene cartilaginea, foraminibusque aliquot (atram, viscidam, & foetentem putrilaginem in se habentibus) praeditam, extraxi; statimque inde à praedictis symptomatibus liberata est, & brevi convaluit.

Cum uteri cervix post partum sese modice contrahit, & propterea sanguinis grumi cum difficultate aliqua prodeunt, doloresque illos faciunt, quos obstetrices nostrae *enixus posteros* (*the after throws*) vocant; res omnis in vado esse creditur, & revera esse solet; cum indicium sit roboris & firmitatis uteri, sese facile in situm debitum colligentis; quo fit ut lochia promptius expellantur, & sanitas citius recuperetur.

Observavi autem, in nonnullis, orificium uteri statim à partu constrictum adeo, ut detentus intra uterum sanguis,



subitoque inde grumescens & putrefactus, saeva induxerit symptomata; cumque nulla arte exitus ei parari posset praesentaneam mortem intulerit.

Puerperae cuidam nobilissimae, febricitanti, (quod lochia nulla profluerent) pudendi labra tumida erant, & feruida: matricis ejus orificium durum, & clausum, instrumento ferreo immisso per vim aliquantulum aperui, ut injectionem per siphunculum admitteret; indeque grumescens, ater, foetidusque sanguis ad libras aliquot effluxit, cum praesenti aegrae levamine.

Oblata est mihi Doctoris Theologiae uxor satis boni habitus, sed infocunda; quae summo prolis desiderio flagrans, multa à multis praescripta incassum tentaverat: menses quidem itatis temporibus profluebant, sed aliquando (praesertim ab equitatione) saniosum quid & purulentum ab utero emanabat, quod subito post subsisteret. Aliqui fluorem album esse arbitrabantur: alii ulcus sinuosum suspicati sunt; ea potissimum ratione ducti, quod non perpetuo, ac pedetentim; sed per intervalla, & affatim profluxio fieret: quamobrem speculi matricis ope totam uteri vaginam perlustrabant, variaque remedia adhibebant; sed frustra omnia. Ego tandem advocatus, aperui internum matricis orificium, indeque protinus cochlearia duo circiter puris saniosi, & fibris sanguineis tincti effluerunt. Quo conspecto, ulcus in uteri cavo latitare dixi, injectisque medicamentis congruentibus, pristinae eam valetudini restitui. Hanc autem ejus curam dum molior, videoque usitata remedia parum proficere, validiora aggredior; quoniam antiquum ulcus esse (& fortassis cum supercrescente carne) suspicabar. Injectionibus itaque prioribus addo aliquantulum vitrioli Romani; à cujus acrimonia percussus uterus, subito se contraxit, induruitque adeo, ut ad tactum lapide rigidior sentiretur: simulque plurima symptomata hysterica oborta sunt; quae ab uteri stranguatu, tetrisque inde vaporibus fursum latis, Medici vulgo fieri existimant. Duravit aliquandiu hoc malum; donec à mi-

mitioribus & anodynis remediis placatus uterus, orificium suum laxaret, liquoremque acrem (quem injeceram) una cum saniosa putrilagine expelleret. Factumque adeo est, ut aegra brevi convalesceret.

Historiam hanc ex observationibus meis medicinalibus huc transferre libuit, ut clare constet, quam sit uterus sensus acerrimi; & quam facile sese, praesente hoste, claudat; praesertim in gravi ac difficili puerperio. Mulieribus, prae caeteris animalibus, haec contingunt; & praesertim delicatis, vitamque umbratilem & mollem degere assuetis: ut & iis, quae tenerae valetudinis sunt, & facile in morbos labuntur. Nam agrestibus, iisque quae duos labores pati consueverunt, haud tam levibus momentis gravia damna incumbunt. Harum aliquas, aliquando intra mensem denuo praegnantem videas; cum illae saepe ultra bimestre spatium aegre solitis vitae muniis fungantur.

*Hippocrates* purgationes à partu praescribit tot dierum *L. de Foetu* numero quot dati sunt formationi foetus. Itaque plures<sup>tu</sup> foeminae, quam mari. *Sed tamen falsum id est*, teste *Scaligero*; *Nulla enim mulierum nostrarum plus mense purgatur post puerperium: multae quinto & decimo die absolvuntur; quaedam etiam septimo: vidimus etiam quae tertio, etiam editis foemellis.* Multa de hac re *Galenus* quoque *περὶ κυσμύων*. Mulieres (ut fama est) in novo orbe, quo die pariunt, eodem latitant; postridie autem, ad usitata munia revertuntur.

Com. in  
Arist. hist.  
an. l. 7. c. 3.

Addam duntaxat, coronidis loco, exemplum memorabile, mihi narratum ab illustrissimo Domino *Georgio Carew*, Comite de Totnes & Munsteri in *Hybernia* diu Proconsule, qui etiam eorundem temporum annales conscripsit. Mulier scilicet gravida maritum in castris stipendia facientem comitabatur; cumque exercitus quotidie in alia loca migraret, forte à minoris fluminis occursum impeditus, per horam substitit: simulque gravida haec, ingruente jam partu, ad arbuta & vepreta proxima secessit, so-

laque, citra ullius obstetricis operam, aliumve apparatus, duos infantes peperit; quos ad flumen deferens, aqua viva proluit, seque ipsa lavit: quo facto gemellos rudi velamine inclusos humeris gestavit, eodemque die, nudis pedibus (ut erat) exercitum comitata, duodecim mille passuum iter fecit, idque sine ullo valetudinis dispendio. Sequenti vero die, illustrissimo Proregi Comiti *Montjoy*, (qui eo tempore contra Hispanos in obsidione Kinsalienfi exercitum ducebat) ipsique Proconsuli, rei novitate motis, sacro lustrico interesse, nominaque infantibus dare placuit.

## DE

## UTERI MEMBRANIS

## ET

## HUMORIBUS.

Lib. de  
form. foetu  
c. 1-

**H**ieronimus Fabricius quatuor genera corporum recenset, quae extra foetum consistunt: nempe, vasa umbilicalia, membranas, humores, & carneam substantiam. De quibus, quid (variis observationibus instructus) seorsum ab illo sentiam, paucis dicam, postquam prius sententiam ejus super his, breviter proposuero.

Membranae, inquit, tres sunt; quarum duae foetum universum ambiunt, tertia vero non item. Quae foetum ambiunt, una interior est, quae proxime foetum investit, & μνιον dicta, i. e. amiculum. Altera huic supposita, χόριον Graecis dicitur, Latinis innominata, (sed male ab interpretibus secundae, seu secundina nuncupatur) quae similiter totum ambit foetum. Tertia dicitur ἀνταρτοειδής, i. e. intestinalis, quod intestino facto similis sit; quae ob id foetum non obvolvitur, sed thoracis & abdominis parti subjicitur, & ad utrumque uteri cornu porrigitur.

Mem-



Membranam hanc in ovillo, & bovino duntaxat foetu rep-  
 eriri agnoscit; eandemque cum uracho jungi, & per hunc  
 è vesica urinam excipere affirmat. Ideoque inquit, *in cor-* Cap. 7.  
*nigeris, quibus data est allantoïdes tunica, urachus ita latus est,*  
*& rectus, ut intestinulum referat; sensimque usque ad vesicae*  
*fundum gracilescit; quod facile ejus ortum potius ad intestina-*  
*lem, quam ad vesicam esse persuadet. In homine vero, aliisque*  
*utrinque dentatis, allantoïde destitutis, memorata urachi ampli-*  
*tudo ita deperditur; ut cum unicus à fundo vesicae exoritur,*  
*paulo post in minutissimas fibras findatur; quae una cum vasis*  
*umbilicæ praetergressæ, urinam in chorion tunicam (modo pene*  
*visum effugiente) transfundunt. Eoque nomine Arantii*  
 duplicis erroris postulat: &, quod urachum in homine re-  
 periri negaverit; &, quod foetum per pudendum urinam  
 reddere, asseruerit.

Ego vero, me in iisdem cum *Arantio* erroribus (si tales  
 dicendi sunt) versari, libens profiteor. Quippe certus  
 sum, à vesicae compressione in foetu grandiore (tum hu-  
 mano, tum aliorum quoque animalium) instituta, urinam  
 per pudendum effluere. Urachum autem nunquam cor-  
 spicatus sum; nec urinam, à vesicae compressione, in se-  
 cundas trajectam observavi. Vidi quidem in ovibus, &  
 cervis (inter arterias umbilicales) quasi vesicae processum  
 quendam, urinam in se complectentem, non autem talem,  
 qualis urachus ab eo describitur.

Haud praefraete tamen negaverim, dari *allantoïdem*:  
 membranae enim interiores, usque adeo tenues sunt, ac  
 transparentes (quales inter bina albumina reperiri dixi-  
 mus) ut conspectum facile eludant. Quinetiam in ovo  
 gallinaceo, inter colliquamentum, & albumen (i. e. in-  
 ter amnion, & Chorion) aliquid excrementi albidum, imo  
 vero foeces alvi interdum reperiuntur; ut supra à nobis  
 dictum est, & *Coiterus* quoque observavit. Praeterea, ipsius col-  
 liquamenti tunica (in qua pullus natat) licet pellucida,  
 tenuis, & subtilis sit adeo, ut (fatente ipsomet *Fabricio*)

tenuior excogitari non possit; tamen (cum, eodem teste, membranae omnes, quamvis tenuissimae, duplices nihilominus sint) posset naturā aliquando coacta, inter illius duplicaturas, urinam, vel aliud quippiam deponere. Atque ejusmodi quidem allantoidem, *Fabricio* non illibenter concesserim: farcimen vero aliud, ad utrumque cornu ductum, in bisulcorum secundinis non reperio, neque aliud quicquam, praeter conceptum ipsum. Invenio solum (ut jam dixi) vesicae processum quendam, qui, inter arterias umbilicales positus, humorem excrementitium in se continet; idemque in aliis productior, in aliis brevior cernitur. Quamobrem (mea quidem sententia) tunica, quam *Fabricius allantoidem* appellat, est *chorion*; eam tamen veteres *allantoidem* nominarunt, ob figuram duplicis farciminis, quam obtinet. Membrana enim exterior, quae, (instar manticae medio sui constrictae) ad utriusque cornu extrema protenditur; uterum vero interpositum (sive amborum cornuum connexionem) pertransiens, constringitur, est *chorion*: quod, ovibus, hoedis, cervis, damis, caeterisque bisulcis, in medio illo transitu manu prehensum, facile integrum extrahitur: idemque illarum conceptum, sive ovum esse, diximus. Quippe, ovi instar, duplicem liquorem, foetum, omniaque ad eum spectantia in se continet; habetque easdem condiciones, quas ovo *Aristoteles* attribuit; nempe, ex cujus parte principio animal consistat, reliquum vero alimentum ei, quod gignitur, sit: ut jam saepe dictum est.

Tunicam itaque, quam *Fabricius allantoidem* nominavit, ego vel *chorion* esse, vel ex reduplicatione tunicarum aliquid praeter naturam accidisse arbitror. Ideoque in paucis duntaxat animalibus, neque id perpetuo, eam reperiri certum est. Ab initio enim non reperitur; posteaque in aliis magis, in aliis minus conspicua est; in nonnullis vero, vesicae solum processus cernitur. Quin ipsemet *Fabricius*, eam haud ambiendo foetui, sed urinae solum continendae necessarium existimat. Et certe crediderim, eum recensuisse

fuisse illam potius, ut Veterum doctrinam tueretur; quam quod revera talem reperiri, aut usui alicui inservire crederet. Enimvero (cum Antiquis pariter, & tota Medicorum schola) fatetur, Chorion urinam in se continere; ubi ait, duos humores circa foetum esse; alterum, *sudorem* in *amnio*; alterum, *urinam* in *chorio*. Manifestum itaque est, Veteres unam eandemque tunicam, sub duplici nomine intellexisse: nempe in *bisulcis* (in quibus solis reperitur) *allantoïdem*, ob figuram, vocabant; in aliis vero, ab officio, quo urinae excipiendae destinata credebatur, *Chorion* appellabant. Ac propterea, neque in homine, nec aliis quibuscvis animalibus, tunicam reperiri fatentur. Quid enim alia tunica urinae continendae opus sit, cum id muneris jam (ex eorum sententia) à chorio praestetur? Non potest sane verisimilis ratio afferri, cur in ovibus, capris, reliquisque bisulcis, ea tunica insit; in cane autem, felle, mure, aliisque, non item. Enimvero, si urinae reservandae causa instituta foret; necesse esset, vel, in ovillo & bovino foetu, majorem urinae copiam abundare, quam in utrinque dentatis; vel, tres diversos humores dari: vel saltem bina esse urinae conceptacula. Quippe mihi certum est, chorion (à primo statim ortu) aqua plenum cerni. Non libet vero hic loci, contentionis funem ducere: malim, quid ex observationibus meis repperim, enarrare. Cap. 1.

Aliud quidem est, conceptus, sive embryonis jam perfecti fabricam exhibere, uti à *Fabricio* factum est; aliud vero, ipsius generationem, primumque schematismum exponere: quemadmodum aliud est, poma, aut semina plantarum matura describere, aliud, eorundem è germinibus productionem elucidare. Nos itaque, quomodo conceptus paulatim perficiatur, à carceribus ad metam breviter recensebimus: ut inde clarius constet, quid de membranis, reliquisque ad foetum attinentibus statuendum sit.

In cunctorum viventium generatione (sicut diximus) hoc



hoc solenne est, ut ortum ducant à *primordio* aliquo, quod tum materiam, tum efficiendi potestatem in se habeat: sique adeo id, ex quo, & à quo, quicquid nascitur, ortum suum ducat. Tale *primordium* in animalibus (sive ab aliis generantibus proveniant, sive sponte, aut ex putredine nascantur) est humor in tunica aliqua, aut putamine conclusus; corpus nempe simile, vitam habens actu, vel potentia: idque, si intra animal generatur, ibidemque manet, donec animal univocum produxerit, *conceptus* vulgo appellatur, sin vero partu foras exponatur, sive principium aliunde casu sumpserit, *ovum*, vel *vermis* dicitur. Ego autem utrumque pariter *primordium* nominandum censeo, unde animal oritur; quemadmodum plantae è semine suos ducunt natales: suntque omnia ista *primordia* generis uniusmodi, nempe vitalia.

Hujusmodi *primordium* in omnium viviparorum utero reperio, antequam quippiam foetus discernitur. Adest scilicet humor clarus, lentus, albus (qualis ovi albugo) in membrana inclusus, quem eorum ovum nomino; idemque in cervis, damis, ovibus, reliquisque bisulcis, totum uterum, & utrumque cornu replet.

Tempore procedente, ex hoc *primordio*, sive ovo, pars quaedam aquosa limpidissima, & purissima (qualem in ovo gallinaceo *colliquamentum* nominavimus) fecernitur; & claritate sive perspicuitate, reliquum ovi humorem (in quo continetur) longe superat. Forma illi rotunda est; & in propria membrana tenuissima, ac transparente includitur, quam *Amnion* vocant. Humorem alterum, crassiorum, & turbidiorum, exterior tunica *Chorion*, concavae uteri superficiei contigua, totumque ovum ambiens, complectitur; formamque variam, pro diversa uteri figura, adipiscitur: quibusdam enim, ovalis est, in aliis, oblonga reperitur; in bisulcis autem, manticam refert.

Paulo post, in colliquamento hoc crystallino, punctum rubrum saliens emicat; indeque subtilissimi venularum ramuli (ceu radii) sparguntur. Mox, primum corporis con-

concrementum (*galbae* instar) apparet, in orbem carinatum reflexum : atque ordine reliqua, quae in historia diximus, subsequuntur. Nempe, procreationem foetus in viviparis, eodem modo ex ovo sive conceptu, fieri observavimus; quo nuper pulli fabricam in ovo gallinaceo descripsimus.

Differunt autem (ut monui) isti viviparorum conceptus, figura, numero, & connexu cum utero. Principio enim, conceptus (praesertim in bisulcis) utero non adnascitur; sed illi solum contiguus, totam ejus cavitatem replet, ac distendit; facileque integer extrahitur. In bisulcis, (quae in uteri cornibus concipiunt) & solidipedibus, unicum duntaxat hujusmodi ovum reperitur, idque in utrumque cornu protensum : & licet aliquando singularem, aliquando binos foetus procreent; adeoque interdum unicum, interdum bina colliquamenta adsint, (alterum scil. in dextro, in sinistro cornu alterum) in eodem tamen communi ovo continentur.

In aliis vero animalibus, quot foetus, tot illico separatim ova concipiuntur; totidemque in iis colliquamenta reperiatur : veluti in cane, fele, mure, & hujusmodi aliis utrinque dentatis.

Figura ovi, in bisulcis, est instar manticae; talis nempe, qualem *Fabricius* allantoidi attribuit. In equa, forma uteri interna sacculum oblongum refert; in muliere vero orbicularis est.

Quibuscunque conceptus utero annectitur (quod in multis quidem non fit, priusquam foetus perfecte formatus fuerit) ille etiam, pro varia connexionis ratione, distinguitur. Aliis enim uno solum loco affigitur, mediante carnosa substantia, quam in muliere *placentam* dicimus, quod figuram placentae rotundam exprimat : aliis autem, variis in locis; colligantibus eum pluribus substantiis carnosis, sive carunculis; nimirum quinque, in damis & cervis; in vacca, pluribus, sed minoribus; in ovillo autem genere, quamplurimis, & magnitudinis variae. In

canibus, & felibus, carnosae substantiae, in orbem (quasi cingulum) quaelibet ova circumvolvunt. Similis substantia, in lepore & talpa, earum uteri lateribus adnaescitur: quemadmodum etiam placenta in muliere, quae conceptus ejus plus quam dimidium amplectitur (ut cupulae glandes solent, cum primum expullulant) adeoque pars ejus gibba utero firmiter adhaeret, siua autem membranae Chorio adnaescitur.

His praemissis, quid de humoribus, membranis, carnosae substantia, & vasorum umbilicalium distributione (à Fabricio memoratis) censeam, jam dicam.

Cap. 5. Recte quidem Fabricius, per *Arcei* & *Arcei*, secundas sive secundinam intelligit: scilicet, non membranas solum, sed totum id, quod in partu postremo egreditur, (vel saltem haud multo post eum) & ex humoribus, membranis, carnosae substantia, vasisque umbilicalibus constituitur.

De humoribus. De humoribus autem quae affert, & ab Antiquis recepta (tanquam rem certissimam & quae probatione nulla egeat) supponit; nempe, aquam in Amnio, in qua embryo natat, illius esse sudorem; alteram vero exteriorem in chorio, ejusdem urinam esse; Plane incongrua, & falsa sunt. Uterque enim humor prius in conceptu reperitur, quam quippiam foetus appareat: & is, quem urinam nominant, prior altero (quem sudorem esse credunt) conspicitur. Imo vero in conceptibus quibusdam irritis & infocundis, (in quibus nullum foetus vestigium) dictos humores, praesertim exteriorem, invenias.

De gen. Conceptus ejusmodi, seu ova subventanea, mulieres  
an. l. 3. c. 9. interdum ejiciunt: & Aristoteles, fluxus vocari, ait: non strates falsae conceptiones & slips, nominant. Simile ovum Hippocrates è tibia abortive excussit. Quae enim animalia intra se pariunt, iis (teste Philosopho) quodammodo post primum conceptum, oviforme quiddam efficitur: nam humor in membrana tenui continetur, perinde quasi ovi testam detraxeris. Humorem autem eum in chorio contentum, (quem Fabricius, alique Medici, urinam censent) Aristote-



*Aristoteles*, spermatis, sive geniturae liquorem esse, arbitrari visus est; ait enim: *Exceptum ab utero semen, ubi immoratum fuerit, membrana obducitur. Si enim prius exeat; quam dearticuletur, videtur quasi ovum membrana obtectum, cui putamen detractum sit. Membrana autem illa venis referta est: nempo Chorion, quae à venarum Choro, sive copia, nomen obtinuit. Saepe, secundo, aut tertio mense, huiusmodi ova elisa vidimus: saepius intus corrumpuntur, sensimque (tanquam fluores albi) effluunt, & obscuram conceptionis spem eludunt.*

Praeterea, humores illi (quos diximus) urina, vel sudor censeri nequeunt; quod statim ab initio tanta copia abundant, ut Embryo in iis natans, à partium circumjacentium collisione (dum mater currit, vel saltat, aliterve corpus suum validius agitat) tanquam circumposito muni-mento, praeservetur.

His adde multa animalia nunquam sudare: (cum tamen, *Ibid.* autore *Aristotele*, omnia tum natatilia, tum pedestria, tum volatilia, addo etiam serpentina, & insecta; sive animalis, sive ovi forma, sive sponte, proveniant, simili modo gignantur) pennata omnia, serpentes, & pisces, neque sudant, neque urinam emittere creduntur. Canis, & felis nunquam sudant; nec aliud aliquod animal, dum copiose mingit. Neque fieri sane potest, ut ullum animal mingat, ante renum & vesicae exstructionem.

Porro, quod caeteris est argumentum validius, humores isti non possunt esse excrementitii, in quos per chorion, tot ramuli venarum umbilicalium disseminantur; qui alimentum inde (quasi è praesepi amplo) exsugentes, idem postea in foetum transferunt.

Deinde, si humor ille, (qui in *Chorio*) urina est; quid opus est *allantoide*? Si sudor est, qui in annio continetur; cur Natura, quae commodissime omnia instituit, foetum in excremento proprio natare voluit? & cur, statim à partu, mater (pluribus enim animalibus is mos est) excrementum suae prolis, una cum membranis continentibus,

tam avidè devorat? Aliqui observarunt, animalia illa, nisi ista comedant, lac suum aegre dimittere.

His tamen non obstantibus, crediderit forte aliquis humores illos (quos foetui in alimentum designavimus) esse excrementitios; idque ea potissimum ratione motus, quod una cum foetus incremento augeantur; & in partu quorundam animalium (quo tempore alimentum omne prope modum absumptum esse verisimile est) magna copia conspiciantur; ac praeterea alias utilitates praestent, quae nutrimenti officio minime conveniunt. Ego nihilominus fidenter assero; dictos humores ab initio foetui pro alimentum esse; (quemadmodum colliquamentum & albumina pullo in eum finem inserviunt:) procedente autem tempore, tenuioribus & purioribus partibus exhaustis, reliquas excrementi utilis naturam induere; & in quibusdam animalibus reservari, ut foetus securitati consulant, & partum faciliunt. Nam ut vinum, vāescente spiritu, fit vappa; & excrementa plurima ab alimenti reliquiis proveniunt: ita similiter, postquam id omne quod alendo foetui accommodum est, ex humore illo, qui in Chorion est,eductum fuerit; quod reliquum est, in excrementi naturam abit, & in usus jam dictos reservatur. Quicquid autem intra amnion continebatur, plerumque appropinquante partu absumitur; adeo, ut verisimile sit, foetum prae cibi inopia exitum quaerere.

Denique, si aliquando humor alius in allantoide continetur (ut certe interdum reperitur) eum ego praeternaturalem esse existimo. Nonnunquam enim mulieribus in partu aquam ingenti copia profluxisse vidimus; aliquando etiam geminam: obstetrices nostrae, *by waters* nominant. Ideoque mulieres aliquae, ingentem ventris tumorem prae se ferunt, licet parvulum postea & extenuatum foetum pariant; aquas vero copiosissimas profundunt. Aliqui existimant, majorem aquarum copiam imbecilliores foetus, & foemellas comitari, robustiores autem, & mares, minorem. Vidi saepe aquas medio gestationis tempore prorue-

re, citra abortum: salvo interea, & vigente ad partum usque robustiore foetu. Quemadmodum itaque naturaliter binae tantum aquae sunt, ( quarum altera in *Chorio*, altera in *amnio* continetur; ) ita interdum, praeter naturae consuetudinem, fieri potest, ut plures in propriis membranis, aut chorii duplicaturis accumulentur.

Ad membranas, sive tunicas uteri quod attinet; cum earum officium, atque usus praecipuus sit, ut continendis aquis inserviant; atque istae solum binae appareant; certissimum videtur, neque ipsas membranas (necessario, atque usitate) numero plures reperiri.

De membranis.

Qui autem tres tunicas numerant, inde eos deceptos arbitror, quod à Veteribus (ut dictum est) eadem membrana modo *chorion*, à venarum copia, modo, à figura, *allantoides* nominetur.

Omnis certe conceptus, duabus illis membranis contegitur: quemadmodum & cerebrum omne, duplici meningē gaudet; omnis arbor atque frutex duplici cortice vestitur; omnia denique semina; & fructus binis involucris muniuntur: quorum exterius interiore durius & robustum magisprehenditur.

Dictarum tunicarum interior (colliquamentum, sive humorem puriorem in se continens) tenuissima est, & *Amnion* dicitur, i. e. amiculum, quod foetum amiciat, & obvolvāt. Exterior autem, (quae multo major, ac robustior) *Chorion* nominatur, quod (inquit Fabricius) *multae venae & arteriae sint in ipso, tanquam in choro quodam, congressae ac dispositae.* Unde, ad horum vasorum in chorio similitudinem *Xogoeidis* appellatur oculorum tunica, & venarum arteriarumque in cerebri ventriculis plexus.

Membrana haec *Chorion*, totum uterum replet; lentum etiam; & turbidiorem humorem intra se complectitur; partique ejus exteriori, placenta aut carunculae adhaerentes, conceptum utero annectunt.

Eadem (in muliere) parte sui inferiore, cum *Amnio* fere jungitur; nec facile ab isto separabilis est. In bisul-



cis, est amplissima; humorisque in se centuplo plus, quam Amnion, continet: hic enim ab initio, nucem moschatam, aut fabam majorem, magnitudine vix aequat; & plerumque in altero duntaxat cornu reperitur, eo nempe, in quo foetus hospitatur.

Membrana *chorion* (in muliere praeferim) foris inaequalis, & viscosa est; intus autem, laevis & lubrica cernitur, venis plurimis intertexta. Pars ejus superior (in muliere) est crassior, molliorque; inferior autem, tenuior, & magis membranacea.

In muliere etiam, *placenta* parti hujus membranae superiori adhaescit. In ovibus vero, *carunculae* plurimae variis ejus partibus annectuntur. In damis, & cervis, conceptus quinis solum locis utero conjungitur: idem autem, in equa, infinitis propemodum locis internae uteri superficie adhaeret. Ideoque *Fabricius*, in omnibus fere viviparis, carnem mollem, laxam, raram, crassam, & subnigram, vasorum umbilicalium finibus affusam ait, eandemque spongiam, vel hepatis aut lienis laxiori parenchymati similem asserit; quam propterea *Galenus*, carnem adenosam appellavit; & jam vulgo *hepar uterinum* dicimus; in quod vasorum umbilicalium extrema disseminantur, nutrimentum foetui ab utero allatura.

Cap. 3.  
5. Apho.  
45.

At vero, nec in omnibus animalibus, neque omni tempore, ejusmodi carnosa substantia inest: sed in iis tantum, in quibus conceptus utero firmiter adhaeret; & tum demum, postquam is alimenti gratia eidem annexus fuerit. Principio enim, conceptus (tanquam ovum in utero locatum) partibus omnibus uteri circumjacentibus contiguus reperitur, nullibi vero eidem adhaescit; sed ex humoribus intus contentis (quemadmodum in ovo à gallina incubato fieri diximus) foetum producit, & nutrit. Adhaesio autem istaec, sive connascentia, tum primum fieri, & carnea haec moles (quae conceptus cum utero copula est) generari incipit; cum foetus jam perfecte formatus, & alterius, vel uberioris solum alimenti indigens, vasorum

um-

umbilicalium extremitates ad uterum mittit; ut ex eo (veluti plantae radicibus suis è terra solent) succum alibi-lem hauriat. Quippe initio (ut diximus) cum punctum saliens, & sanguis tantummodo apparent: propagines venae umbilicalis, in colliquamento solum, amniique tunica conspiciuntur. Constituta vero semel corporis fabrica, propagines illae ulterius porriguntur, & numerosae per *chorion* disseminantur; ut ab albugineo humore ibidem existente nutrimentum foetui apportent.

Quibus manifeste constat, foetum viviparorum sub initia eodem modo ali, quo pullum in ovo nutriri diximus: eamque ob causam in utero degere, ut tandem (cum alimentum amplius de suo non suppetit) ei mediante carnosissima substantia, adnascatur; & à matre, nutrimentum uberius suggerente, alatur & crescat.

Quapropter rectè à *Fabricio* observatum est, conceptum in quibusdam animalibus vix utero annecti. Ideoque fues, & equae, carnosam huiusmodi copulam non habent; sed, in iis, ovum sive conceptus, ut primo ex succis in utero scatentibus fit, (quemadmodum ovum, in gallina, albumine augeri diximus, citra ullam ejus cum utero connexionem) ita pariter incrementum accipit: foetusque etiam, alimento à conceptu (in quo continetur) subministrato, in eundem modum alitur, quo pullus ex ovi liquoribus. Insigni plane argumento, foetum eorum non magis, quam pullum in ovo, materno sanguine nutriri: neque humorem, quem *Chorion* intra se complectitur, urinam, aliudve excrementum esse; sed foetui pro alimento inservire. Licet (ut antea monuimus) absumpto succo nutritioni idoneo, reliquiae ejus in excrementum, urinae simile, degenerent. Idque ex eo quoque manifestum est, quod de cotyledonibus in cervarum, aliorumque bisulcorum carun-  
lis supra diximus: nempe carneam molem in iis animalibus spongiosam esse, & (favi instar) infinitis pene *acetabilis* constare, eademque mucoso albumine repleti; (quod etiam *Galenus* olim observatum meminit) atque inde vasorum um-  
bili-  
L. de diff.  
uteri c. ult.

De pla-  
centa.

bilicalium fines nutrimentum haurire, quod in foetum transferant: quemadmodum in jam natis animalibus, venarum mesentericarum ramuli, per intestinorum tunicas diffusi, ex illis chylum absorbent.

Ego itaque placentae & caruncularum tale munus existimo, quale hepatis atque mammis vulgo tribuitur. Hepar nempe, chylum ex intestinis haustum corpori alendo ulterius praeparat, & placenta similiter, succum alibilem à matre provenientem nutriendo foetui porro concoquit. Mammae etiam, (adenosae substantiae participes) lacte turgent; & quae alias (in quibusdam animalibus) nusquam apparent, praegnationis tempore plenae tumidaeque visuntur: placenta pariter, (caro laxa & fungosa) succo albugineo scatet, & gravidationis solum tempore reperitur. Jecur, inquam, est organum nutritivum corporis, in quo est; mamma, infantis; placenta, embryonis. Et quemadmodum mater ex victu plus lactis conficit, quam sibi in carnis aut sanguinis usum opus sit; idemque in uberibus coquitur insuper, & reconditur; ita quoque gravidae (quibus in utero placenta est) alimentum in carnosa ista substantia defaecatum foetui parant, & suppeditant. Indeque contingit, ut embryonibus victus purus, aut illaudabilis suggeratur; prout matres cibo probo, aut improbo usae fuerint; eundemque dictis uteri organis plene, aut secus praeparaverint. Aliqui enim embryones organum perfectius paratum habent, quale est carnosa ista uteri substantia, quae in aliis desideratur. In quibusdam etiam, placenta reperitur crassior, amplior, & sanguine abundantior: in aliis vero spongiosior, & albidior; instar thymi, aut pancreatis. Non minorem enim harum rerum varietatem in animalibus invenis, quam uberum, aut viscerum: jecora enim, ut de iis nunc solum dicam, in aliis rubicunda, & sanguinea; in aliis vero (ut piscium maximae parti, & hominibus cachecticis) pallida obtigerunt. Equae crudo gramine vescuntur, nec ruminant; sues impuro quovis cibo saginantur; iisdemque placenta (perfectioris alimentum organum) deest.

Ve.



Vere itaque *Fabricius*: *Carnea haec substantia, in multis* Cap. 3.  
*animalium generibus, figura, magnitudine, situ, numero, ad-*  
*modum varia est. Homines unicam habent; ut* ♂ *mures, cu-*  
*nicali, fucula Indica, canes, feles, & pleraque animalia,*  
*quibus pedes digitati, & utrinque dentes. Plures habent*  
*omnia bisulca, & altera parte dentata; sive domestica, ut ovis,*  
*vacca, capra; sive sylvestria, ut cerva, caprea, dama, &*  
*id genus alia. Rursus, quae unicam habent carneam molem,*  
*in iis vel placentam imitatur, (indeque ei impositum nomen)*  
*ut hominibus, cuniculis, lepore, talpa, muribus, & porcellis*  
*Indicis: vel cingulum, seu zonam, aut fasciam refert, corpo-*  
*ris truncum obvolvntem; ut canibus, felibus, viveris, &*  
*hujusmodi. In quibusdam, calicis, vel cupulae glandis*  
*instar, majorem conceptus partem comprehendit (ut in le-*  
*pore, & cuniculo) parsque ejus convexa, utero adhae-*  
*ret; concava, foetum respicit. Item quae unicam ha-*  
*bent placentae similem, etsi figura in omnibus similis, situ ta-*  
*men dissimilis est. Nam homini uteri fundo adhaeret, & lon-*  
*gissime, hoc est, per longa vasa, à foetu, distat; muribus ve-*  
*ro, porculis Indicis, & cuniculis, partim lumborum regioni,*  
*partim thoracis lateri annectitur. At quae plures habent carneas*  
*moles, haec altera parte dentata sunt omnia, ut oves, vaccæ,*  
*caprae, cervae, capreoli, & similes. In quibus tamen haec spe-*  
*ctatur varietas. Nam ovibus plures carunculae sunt, va-*  
*rietaeque amplitudinis; quarum maximae, nucem moscha-*  
*tam magnitudine aequant; minimae, cicer vel orobum:*  
*rotundiores quoque & rubentiores sunt, utrumque versus*  
*convexae, tanquam verrucae molles, aut papillae. Vaccis*  
*vero majores, planioresque sunt, & albidiores; spongiosoque cor-*  
*pori, aut fungis similes: videnturque è chorio ortum ducere.*  
*Cervis & damis, quinae tantum contigerunt: eademque*  
*ex uteri lateribus prognatae, versus conceptum protube-*  
*rant, & acetabula sua exhibent. Omnibus autem hoc*  
*commune est, ut dictae carunculae, utero firmiter affixae,*  
*aegre inde separentur; nisi appropinquante jam partu; quo*  
*tempore facillime (ceu maturi fructus) soluto nexu deci-*  
Tom. II.
dunt,

dunt. Iisdem ab utero dilaceratis, sanguinis maximam partem non ex conceptu, sed ab ipso utero profluere observavimus.

De form.  
foetu, pag.  
122.

*Fabricius*, agens de unione carnosae hujus substantiae cum utero, pluribus quidem rationibus (sed invalidis) contendit, vasa umbilicalia, cum uterinis, plurimis osculis congiungi; idque potissimum ab eo factum est, ut antiquum dogma ab omnibus fere receptum tueretur: fatetur enim se nihil certi super hac re affirmare posse, *quod carnea moles rem ipsam perspicere ac judicare vetet*. Verumtamen nec ratio, neque sensus suadent; dari magis anastomoses in utero, quam in hepate, inter ramos Portae, & cavae: ut in mammis, inter vasa, quae sanguinem, & ea quae lac deferunt. Est quidem alicubi vasorum juxta positio contigua, & interdum unius in alterius tunicam ingressus; nusquam autem perfectus coalitus sive unio, qualem *Fabricius* imaginatur. Aliter enim si foret, deberent & venae pariter cum arteriis congiungi: vasa enim, sanguinem à matre in uterum & carunculas deferentia, sunt arteriae; quae autem ab utero in foetum remeant, venae sunt, uti omnibus palam est; sanguinem enim deducunt è placenta in venam cavam.

Verior itaque mihi videtur *Arantii* sententia; oscula nempe venarum umbilicalium, cum vasorum uteri orificiis minime congiungi. Minor enim numerus est vasorum deferentium ad uterum, quam venarum regerentium ad foetum; plurimaeque harum propagines in *Chorio* terminantur. *Fabricius* tamen Veterum sententiam, vel eorum reverentia ductus, vel erga *Arantium* invidia, mordicus defendere nimisquam satagit.

Cap. 4. De  
acetabulis.

De Cotyledonibus, sive acetabulis, *Fabricius* nihil certi statuit; sed varias solum Antiquorum sententias recensuit. Nos autem supra, in historia foetus cervini, indicavimus, quibusnam animalibus acetabula insint; simulque diximus, eadem esse cellulas plurimas exiguae capacitatis, per carunculas, aut carnosam substantiam dispersas, atque albumine

mine five materia mucilaginea refertas; ut favus melle repleti solet.

In cervis, formam cavitatis coxendicis femur excipientis apte referunt; ideoque, ob figuram, à Graecis *Coryledones* nominantur; Latini vero *acetabula* appellant, quod similia sint vasculis, quae olim in mensa aceto plena ad intinctus apponi solebant. Cavitates istae, spongiae majoris loculamenta magnitudine non excedunt; inque singulas earum, totidem vasorum umbilicalium ramuli tenuissimi profunde penetrant: quippe in iisdem, alimentum foetui reconditur: non quidem sanguineum (ut *Fabricius* voluit,) sed mucosum, ovique albumen crassius plane referens. Unde etiam manifestum est (ut dudum diximus) bifulcorum foetus (ut & alios omnes) sanguine materno non ali.

Quod *Aristoteles* ait, *Acetabula foetu accrescente, subinde* Hist. an. l. 7. c. 8. *minui, ac postremo aboleri*; id experientiae non respondet: quo enim foetus major fuerit, eo etiam carunculae grandiores, earumque acetabula auctiora, & plura, materiaque albuginea pleniora apparent.

Easdem carunculas si compresseris, sanguis quidem nullus prodit; sed veluti è pressa spongia, aut favo, aqua vel mel effluit; ita similiter, coarctatis acetabulis, albugineus liquor emanat; eodemque expresso, illa statim contracta, albidiora, & flaccida conspiciuntur; ac demum mammarum papillas, aut verrucas pensiles majores referunt.

*Aristoteles* quidem vere asserit, acetabula in omnibus animalibus non inesse; in muliere enim non invenias; neque in aliis ullis (quod sciam) quibus una duntaxat carnea moles, five placenta obtigit. Officium tamen, atque usum eorum quod attinet; opinor, carunculas omnes (uberum modo) non sanguinem, sed succum albumini similem concoquere, eundemque foetui subministrare.

Pulchra est, apud *Fabricium*, vasorum umbilicalium de-De Umbilico. scriptio, ut & picturae elegantissimae. *Venae*, inquit, ab utero versus foetum progredientes mutuo semper uniuntur, ac ma-  
Cap. 2.



jores semper fiunt ; neque cessat mutua earum cōitio , donec ex omnibus duo magni trunci resultarint ; quibus foetus umbilicum penetrantibus , unus tandem grandis efficitur ; qui in jecur infantis inseritur , atque in cavam & Portae venam perforatur. Simili modo venis arteriae adjunctae , & plurimae , & minutissimae ex utero ad foetum progressae , simulque subinde unitae , ac majores semper factae , in duos magnos degenerant truncos : qui postquam umbilicum praetergressi sunt , à venis separantur , & ad vesicae latera membranae cujusdam interventu inhaerentes , in ramos magnae arteriae ad crura descendentes hinc inde pertendunt , & applicantur. Notandum vero , hanc Fabricii descriptionem , infantis solum umbilico convenire , non autem cujuslibet animalis foetui communem esse. Nec infanti etiam , nisi jam formato , congruit : arteriae enim ( sub initia ) sunt inconspicuae ; utpote exiles adeo , ut iis invenientis , Lynceis oculis opus sit : nec postea quidem , nisi ex pulsu , innotescunt : caetera enim à venis non distinguuntur. Quoniam igitur ( ut alibi docui ) pusilli arteriarum ramuli non pulsant , ( quantum saltem oculis constat ) eadem à venis internosci nequeunt. Sunt , inquam , arteriae tunc temporis subtiles adeo , ut , tanquam filamenta tenuissima , venularum tunicis attexantur , vel potius in tunicas venarum obscure repant ; quo fit , ut sensum omnem prorsus effugiant. Venae autem omnes ( ex ortu retrogrado ) unitis tandem furculis , in unum truncum ( veluti ramuli in arborem ) coalescunt ; quemadmodum & mesaraicae venae omnes in Portam terminantur.

Juxta embryonem quidem in duos truncos dividuntur ; eundem vero ingressae , unam venam umbilicalem constituunt ; quae in Cavam , prope dextram cordis auriculam , definit ; jecurque permeans , in Portam perforatur ; nullasque praeterea propagines de se spargit , donec è gibba jecoris parte prodeat , orificio satis amplo. Adeo ut , aperta vena cava ab auricula cordis deorsum versus , sanguineque omni depleta orificia tria quasi simul juncta conspiciantur.

liceat : quorum unum , venae cavae descendens est introitus ; alterum , rami jecorarii , per totam hepatis gibbam disseminati , exitus ; tertium autem , venae istius umbilicalis origo. Unde dilucide constat , venarum originem in jecori neutiquam quaerendam esse : quippe orificium venae cavae descendens multo amplius est , quam rami jecorarii ; cui tertium illud , venae umbilicalis , est aequale. Rami vero , trunci sui principium non dicuntur ; sed ubi truncus eorum maximus reperitur , ibidem quoque venarum principium censendum est : istuc autem ad cordis ventriculi dextri ingressum contingit ; ideoque hic venarum omnium principium , sanguinisque promtuarium judicandus est.

Redeo ad vasa umbilicalia , quae in omnibus animalibus haud eodem modo dividuntur : in quibusdam enim bini venarum ramuli , pluresve , in foetus corpore reperiuntur ; quorum alii jecur transeunt , alii in Portam , vel mesentericas venas inferuntur. In humano autem foetu , trium quatuorve digitorum ab umbilico intercapedine , venarum atque arteriarum trunci simul involuti complicantur , ( perinde ac si cereos aliquot , funis instar , contorqueas ) eisdemque membrana crassa ac mucosa obducit , & conglutinat. Funiculus ipse *chorion* adiens , in sima placentae parte , choriique interiore superficie , in plurimas propagines dirimitur , ac deinde in alias propemodum infinitas ramificatur ; quibus alimentum , ceu per radices haustum , alendo foetui distribuitur. Eiusdem funiculi venae , variis locis nodos aliquot , sive varices , quasi vesiculas sanguine plenas , obtinent : qua arte à natura cautum est , ne sanguis in foetum confertim refluat. Ex horum varicum copia , supersticiosae obstetrices de futurae sobolis numero divinare solent ; & si nulli ejusmodi nodi adfuerint , steriles in posterum fore pronuntiant ; ex eorundem quoque ab invicem distantia , de puerperiorum intervallo ; & ex colorum varietate , de sexus discrimine aniliter harrulantur.

Consimilis quoque est vasorum umbilicalium constitutio in a iis foetibus fere omnibus, quibus unica placenta obtigit; veluti in canibus, muribus; aliisque: funiculus tamen iis brevior est, minusque complicatus. In bobus autem, ovibus, cervis, damis, suis, reliquisque, quibus alimentum non ab una solum carnea mole, sive placenta, sed à pluribus suppeditatur; vasorum umbilicalium distributio diversa cernitur. Ramuli nempe, sive fines vasorum, non modo per carneam substantiam, sed etiam (& quidem potissimum) extra ipsam per membranam *chorion*-fibris minutissimis disseminantur: qualis etiam vasorum umbilicalium distributio (sine funiculo scilicet) in foetu humano cernitur, antequam conceptus utero adnascitur. Unde constat, embryonem non omne nutrimentum ex placenta haurire; sed partem ejus, & quidem praecipuam, ab humore intra *chorion* contento accipere.

Vasorum umbilicalium utilitates quod attinet, ego quidem *Fabricio* non assentior: arbitratur enim sanguinem omnem foetui ab utero per venas suppeditari; spiritusque vitales eidem à matre per arterias accedere. Negat etiam partem aliquam foetus in utero publicum munus exsequi; sed unamquamque sibi met ipsi duntaxat privatim prospicere, ait, ut nutriatur, augeatur, & conservetur. Similiter, quia nervum in umbilico nullum invenit, sensum omnem motumque embryoni denegat. Quasi vero praegnantis uterus, aut placenta, cor esset, sive principium, unde ista foetui subministrantur, singulisque partibus influens calor proveniat. Quae omnia erroris manifesta sunt. Quippe foetus humanus nondum quadrimestris (alii vero citius) haud obscure sese movet, volutatur, calcitrat: praesertim si frigus; caloremve nimium, aut aliud aliquod externum patiatur incommodum. Quin etiam punctum saliens (necdum exstructo corde) evidenti pulsui micat, sanguinemque, & spiritus distribuit: idemque (ut diximus) prae frigore languidum & moribundum, admoto aliun-



aliunde calore, refocillatur denuo ac reviviscit. In partu caesareo quoque clare liquet, vitam embryonis non immediate à matre procedere, neque spiritus ab illa proficisci: vidimus enim saepissime foetus ab utero exsectos, defunctis jam ante horas aliquot matribus superstites. Cuciculum etiam, & leporem ex caesis matrum uteris extractos, supervixisse novimus. Praeterea, num, infans in partu haerens, vitalis sit, necne; ex arteriarum umbilicalium pulsatione clare dignoscitur. Certum autem est, arterias illas, non matris, sed cordis proprii virtute agitari; quippe rhythmum, sive ordinem à matris pulsu diversum obtinent: idque facile experiri licet, si manum alteram carpo matris, alteram umbilici funiculo admovearis. Imo vero in ejusmodi caesonibus, membrana *chorio* etiamnum obvolutis, saepe repeti (matre jam extincta, & plane rigidā) arterias umbilicales micantes, foetumque vegetum. Quare haud verum est, spiritus à matre per arterias ad foetum pertingere: nec magis verum, vasa foetus umbilicalia cum uteri vasis per anastomosis conjungi. Foetus enim vita propria fruitur, habetque arterias pulsantes, & sanguine ac spiritibus plenas, diu antequam conceptus (in quo efformatur, & natat) utero alligatur: non aliter omnino, quam pullo in ovo contingit.

Usus arteriarum in foetu (atque etiam in adultis) longe alium esse demonstravimus, in libello quem *de sanguinis circuitu* scripsimus; qui hinc etiam confirmari possit.

*Secundae* revera conceptus partes sunt, & à foetu dependent; ab eoque etiam vitam & vegetandi facultatem mutantur. Quemadmodum enim in mesenterio, per ramos arteriarum coeliacarum & mesentericarum, sanguis ad intestina impellitur; idemque inde per venas regressus, chylum una secum ad jecur, & cor deferret; ita similiter arteriae umbilicales sanguinem in *secundas* ingerunt, quem  
venae,

venae , unâ cum succo nutritio , ad foetum reducunt. Ac propterea arteriae istae non prodeunt immediate è corde , ceu vasa principalia ; sed ( utpote inferioris ordinis , atque usus , ut etiam magnitudinis ) è ramis cruralibus exoriuntur.

Prodiit nuper liber *Adriani Spigellii , de formato foetu* ; in quo egit de usu arteriarum umbicalium ; validisque argumentis docuit , foetum non accipere *spiritus vitales* à matre per arterias : rationibusque in contrarium adductis plene respondit. Potuisset autem iisdem quoque argumentis evincere , neque *sanguinem* è maternis venis per venarum umbicalium propagines in foetum transferri : quod praecipue ab ovi gallinacei , partusque caesarei exemplis palam est.

Profecto , si calor & vita sanguini à matre profluerent ; emortua illa , infans quoque illico exstingueretur ; ( res enim esset confatalis ; ) imo vero ante eam ; appropinquante enim interitu , partes subordinatae prius languent , & refrigerescunt , quam principales : ideoque cor ultimo omnium deficit. Sanguis inquam ipsius foetus , calorem primo amitteret , & muneri suo fieret inidoneus , utpote ab utero derivatus ; cum & ipse uterus , prius corde , calore omni vitali destituatur.

## DE

## CONCEPTIONE.

**M**ulta quidem in *partu* miranda *Fabricius* recensuit; nobis autem plura de *conceptione* occurrunt quae miremur. Res sane est tenebrarum plena: & tamen audebimus aliquid problematice proponere; ut, non solum sententias alienas eliminatum esse, sed & nostram quoque aliquo modo in medium attulisse videamur. Quae tamen à me super hac re dicentur, non ita accipi velim, quasi eadem è Tripode prolata existimem, aut aliorum omnium suffragia extorquere cupiam: sed libertatem illam, quam aliis libenter concedimus, nobis etiam jure merito poscimus; ut, quae in obscuris rebus verisimilia videntur, eatenus pro veris offerre liceat, donec manifeste de eorum falsitate constiterit.

Utero quidem praeipue debetur hoc negotium, citra cujus apparatus & functionem, conceptum ullum frustra expectaveris. Quoniam autem genituram maris in uteri cavitatem haud pertingere, nedum diu ibidem immorari, certum est; eademque contagione duntaxat quadam (non quia jam tangens & operans, sed quia antea tetigit) fecunditatem apportat: videtur sane foemina, post tactum (in coitu) spermaticum, eodem modo affici, nulloque sensibili corporeo agente prolifica fieri, quo ferrum à magnetæ tactum, hujus statim vi dotatur, aliaque ferramenta ad se allicit. Accepta nimirum semel virtute illa, quam diximus, plasticam exercet generandi potentiam. simili-  
mque sui procreat; non secus ac planta, quam utriusque sexus viribus imbutam cernimus.

Mirari tamen subit, ubinam facultas ista (peractò jam coitu, ante ovi vel conceptus productionem) haereat?

Tom. II.

Ddd

&amp;



& cuinam activa illa maris virtus commissa sit? scilicet, num utero soli, an toti etiam foeminae? vel potius utero primario, foeminae autem secundo? an denique, quemadmodum oculis videmus, & cerebro cogitamus; ita foemina utero suo concipiat?

Quaquam enim foemina interdum (post coitum, concipiens) foetum nullum producit; symptomata tamen ea contigisse novimus, quae peractae conceptionis (licet irritae) claram fidem facerent. Caniculae deliculae coitum (citra foecunditatem) admittentes, observantur nihilominus debito partus tempore ignavae esse, & parturientium more latitare, atque ab alia cane catulos surripere, eosque (ceu proprios) lambere, & fovere, imo vero pro iisdem acriter dimicare. Nonnullae etiam lac, sive colostrum in mammis habent; aliisque gravidarum & parturientium affectibus obnoxiae sunt; perinde ac gallinae suo tempore glociunt, licet ova (quibus incubent) nulla habeant. Aves quaedam (utpote columbae) si statim tempore coierint, quamvis ova nulla, aut subventanea pariant, tenentur tamen solita nidificandi sedulitate.

Usque adeo nempe foecundat virtus à mare in coitum proveniens, ut integram foeminam, tam animi moribus, quam corporis vigore immutet. Et licet hoc utero, ad id parato, principaliter contingat; indeque toti corpori virtus viresque adveniant; (quemadmodum à turgentibus marium testiculis, reliquo etiam corpori robur additur) eadem tamen manet dubitatio; quomodo scilicet ipsi utero potestas illa communicata inhaereat? utrum nempe toti utero, an alicui ejus parti duntaxat? Quippe nihil in eo, post coitum, invenias: genitura enim maris, brevi vel elabitur, vel evanescit: sanguisque ab utero, circuitu facto, per vasa regreditur.

Porro, quatenus est illa praeparatio & maturitas uteri, quae semen genitale exposcit; aut unde manat? Nisi enim uterus ad coitum paratus fuerit, frustra sunt alia molimina: imo vero ne coitum quidem aliter, plurima animalia ad-

admittunt. Contingit quidem, fateor, citius illa maturitas, ob blandas marium illecebras, & consuetudinem; ipsa tamen (non minus, quam fructuum in plantis) naturae sponte procuratur. Qualis autem ista mutatio sit, sicut eam reperi, jam expediam.

Uterus primum crassior apparet, & carnosior; posteaque (quoad interiorem superficiem, loco nempe conceptionis futuro) tenerior factus, laevitate pariter ac mollitie internos cerebri ventriculos aequat: quemadmodum nuper de cervis, aliisque bifulcis diximus. In canibus autem, felibus, caeterisque digitatis animalibus multiparis, uteri cornua teretes muliebris uteri tubulos, aut intestinorum avium appendices, vel ureteres in homine plane referunt: habentque, quibusdam in locis nodulos, qui interius intumescunt, & mollissimi evadunt; iisdemque post coitum (ut in cervis & damis observavimus) quasi fatiscentibus, transudant in eorum capacitatem humores albuginei primaevis, unde conceptus, ceu ovum efformatur. Hoc pacto uterus à maris coitu (sicut fructus à calore aestivo solent) ad summum maturitatis apicem deducitur, & impraegnatur.

Quoniam autem nulla manifesta conceptionis indicia cernuntur, priusquam uterus fatiscere incipit, & albugineus liquor, vel tenuia stamina, (araneorumque telis similia) futurique ovi, sive conceptus primordium apparent; cumque adeo substantia uteri ad concipiendum parati, sit cerebri constitutioni persimilis: quidni merito suspicari liceat, utriusque etiam functionem esse similem; &, quod phantasma sive appetitus est in cerebro, istuc idem, vel saltem ejus analogum, à coitu in utero excitari; unde generatio, sive procreatio ovi contingat? Functiones enim utriusque, *conceptiones* dicuntur; suntque ambae immateriales; licet principia sint omnium totius corporis actionum: haec nempe, naturalium; illa, animalium: haec, omnium quae ad animalis generationem attinent; illa vero omnium, quae ad conservationem ejus peraguntur, causa prima, & principium primum. Et quemadmodum appe-

titus à cerebri conceptione ortum ducit, atque haec ab appetibili externo: ita etiam à mare (utpote animali perfectiore) tanquam appetibili maxime naturali, conceptus *naturalis* in utero foeminae oritur; sicut in cerebro fit conceptus *animalis*.

Ab hoc appetitu sive conceptu evenit, ut foemina prolem genitori similem producat. Nam quemadmodum nos, à conceptione formae, sive ideae, in cerebro, similem ei in operibus nostris efficitur: i a pariter idea, aut species genitoris in utero existens, formatricis facultatis ope, similem foetum generat; dum speciem nempe, quam habet immaterialem, operi suo imponit. Non aliter sane, quam ars, quae in cerebro est ~~id est~~ sive species operis futuri, similem in agendo profert, & in materia gignit. Sic enim pictor, mediante conceptu, faciem exprimit; imitandoque internum cerebri conceptum, in actum producit: Ita quoque aedificator, ex conceptu praehabito, domum exstruit. Idemque pariter in ceteris operibus, & artificiosis generationibus contingit. Adeo ut, quod disciplina in cerebro efficit, nempe artem; analogum ejus coitus maris in utero praestet, nimirum artem *plasticam*; unde foetus complures similes, aut dissimiles ab eodem coitu procreantur. Si enim generationes, primique conceptus artificiales (qui naturalium duntaxat imitamenta sunt) hoc pacto à cerebro fiunt; quanto magis ipsius animalis generationis & conceptionis exemplaria, similiter ab utero procedere verisimile est?

Et quoniam Natura (cujus opera omnia admirabilia & divina sunt) organum ejusmodi (cerebrum nempe) instituit, à cuius virtute & facultate *sensitiva*, insunt rationalis animae conceptus; appetitus scilicet & artes, tantorum tantumque variorum operum principia & causae, quorum homo (à facultate cerebri *motiva*) per imitationem, autor est: quidni putemus, eandem Naturam, quae uterum non minus admirabilem exstruxit, similique constitutione ad conceptionis munus obeundum fabricavit; hunc functioni con-



consimili, vel saltem analogae destinasse; atque utrobique organo simili, ad opus simile uti voluisse? Cum enim peritus artifex, instrumento uno, ad unum; eodemque, ad idem; & simili, ad simile affabre utendo, opera sua perficiat; adeo ut, ex organorum substantia & forma, de eorundem usu atque actionibus judicare facile sit, non minus certe, quam *Aristoteles*, ex corporum animalium, eorum-<sup>Anal.</sup>que partium conformatione, naturas illorum cognoscere<sup>2. c. 35.</sup> nos docuit; & physiognomia, ex faciei lineamentis & partibus (ut puta oculis, naso, fronte) de hominum ingeniis ac moribus hariolatur: quid obstat, quo minus ex eadem partium fabrica, idem quoque earundem officium esse, conjecturam facere liceat?

Verum inique ita comparatum est, ut, cum solita & familiaria nobis perpendenda veniunt, magnitudinem eorum atque admirationem consuetudo imminuat; ubi vero res minoris momenti, sed insuetae magis offeruntur; mirabiliora ea statim prae novitate & desuetudine videantur. Quicumque secum animo pensitaverit, quomodo cerebrum artificis, aut artifex virtute cerebri, res absentes, quas jam non intuetur, sed quas olim viderit, ad amussim tamen depingat; & quo pacto aviculae in caveis enutritae, cantilenas, quas aestate didicerant; sequenti vere in mentem revocent, & exacte canant, licet interea temporis earum praxin nunquam exercuerint; &, quod majus est, quomodo avicula nidum suum (cujus exemplar nunquam viderit) artificiose componat, idque non ex memoria, vel habitu aliquo, sed sola phantasia; quomodoque araneola, sine vel exemplari, vel cerebro, solius phantasiae opera suas telas texat: qui haec, inquam, diligenter perpende-rit; haud, opinor, absurdum valde, aut monstrosum judicabit, foeminam ex conceptu ideae generalis sine materia impraegnata, generationis opificem evadere.

Ridebunt, scio, haec nasuti quidam; qui, nisi quod ipsi sentiant, nihil rectum putant. Hic tamen philosophorum mos est; cum rem ipsam, ut se habeat, clare percipere

Metaph.  
1. 1. C. 2.

nequeunt; fingunt saltem modum ejus aliquem naturae operibus consonum, & veritati proximam. Profecto omnes (quas jam magni facimus) opiniones, initio mera figmenta & imaginationes erant; donec per experimenta sensibilia, & cognitis causis necessariis confirmatae, plenior fidem facerent. *Aristoteles ait, philosophos fabularum quodammodo amatores esse; eo quod fabula ex mirandis constet.* Enimvero homines primum rerum admiratione ducti, philosophiam coluerunt. Ego, cum in utero nil amplius à coitu relictum videam, cui principium generationis acceptum referam; quam in cerebro, post sensationem, & experientiam, quod artis principium sit; sed similem utrobique constitutionem reperiam; hanc commentus sum fabulam. Viri docti & ingeniosi de ea cogitent; fastuosi, per me, rejiciant; &, petulanti qui sunt splene, libere irrideant.

Quoniam, inquam, nihil sensibile in utero post coitum reperitur; & tamen necesse est, ut aliquid adsit, quod foeminam foecundam reddat; atque illud (ut probabile est) corporeum esse nequeat: superest, ut ad merum *conceptum*, specierumque sine materia receptionem confugiamus; ut idem scilicet hic contingat, quod in cerebro fieri nemo dubitat: nisi quis, cui è meliore luto — *finxit praecordia Titan*, causam efficientem aliam, praeter praedictas, invenerit.

Quidam nostrae quoque aetatis philosophi, antiquam de atomis opinionem recoluerunt: ideoque arbitrantur, contagium hoc (ut & omne aliud) ex subtilissimis feminis masculi effluviis, odorum more facile emanantibus, inque uterum coitus tempore illis, provenire. Alii, spiritus incorporeos, tanquam demiurgos, aut angelos, vel daemones in scenam vocant. Alii, contagium intelligunt, fermenti, aut fracedinis instar. Alii alia fingunt, & imaginantur. Concedatur itaque inter caeteras, etiam huic nostrae conjecturae locus; donec de re ipsa certi aliquid constiterit.

Plurima quidem sunt à me observata, quae dictas aliorum opiniones facile convellant: (adeo in proclivi est, quid res non

non sit, potius, quam quid sit, dicere) non sunt autem hujus loci, sed alibi potius proponenda Impraesentiarum hoc solum dicam: si, quod communi nomine *contagium* à nobis appellatur, utpote à contactu in coitu *spermatico* ortum, & in foemina (citra geniturae praesentiam) superstes, futurae procreationis efficiens & opifex; si, inquam, *contagium* hoc (sive atomi, sive odor, sive fracedo, sive aliud quid fuerit) à corporis natura alienum sit; necesse est, sit incorporeum aliquid. Et si porro inquirentibus, illud neque spiritum, neque daemonem, neque animam, neque partem aliquam animae, neque quid habens animam, esse plane constet, (ut variis argumentis & experimentis à me demonstrari posse arbitror;) quid superest, cum aliud imaginari nequeam, nec alius quispiam hactenus, ne per somnium quidem, effinxerit; quàm ut haerere mihi aquam libere proficiscar? *Qui autem dubitat, & admiratur, inquit Aristoteles, fatetur se ignorare. Quare si, propter fugam ignorantiae, ingenui viri philosophantur; patet, quod causa cognoscendi, & nullius usus gratia, ipsum scire prosequantur.*

Non itaque id vitio nobis vertendum est; si rerum cognoscendarum avidi, eoque nomine *loca nullius ante trita* solo adeuntes, aliquid attulimus, quod primo intuitu, fictum aut fabulosum videatur. Nam ut omnia levi credulitate amplectenda non sunt; ita neque ea protinus repudianda, quae acriter diuque perpensa fuerint; licet statim corni-  
cum oculos non configant. Ipsemet *Aristoteles* librum scrip-  
sit, de mirabilibus auditis. Atque alibi ait: *Non solum illis agenda sunt gratiae, quorum opinionibus quis acquiescet; sed iis etiam, qui superficie tenus dixerunt. Conferunt enim aliquid etiam isti: habitum namque nostrum exercuerunt. Si enim Timotheus non fuisset, multum melodiae nequaquam habuissemus. Si tamen Phrynis non fuisset, ne Timotheus quidem exstitisset. Simili modo & de illis est, qui de veritate asseruerunt. A quibusdam enim aliquas accepimus opiniones; quidam vero, ut hi fierent, causa fuerunt.*

Metaph.  
l. 2. c. 1.

Exemplo igitur tanti viri, ejusque autoritate motus, ne  
totus



totus ad destruenda solum aliorum dogmata compositus videar; malui sententiam fictam potius, quam nullam proponere: placuitque hic *Timotheo Phrynin* agere; socordiam nempe hujus aevi, atque ignaviam excutere, studiosorum ingenia excitare, sinereque potius ut me loripodem rectus incedens irrideat, quam ut diligens rerum indagator inertiae accuset.

Nullum profecto theorema magnificentius quaesieris, nec didiceris utilius; quam, quomodo omnia ex univoco fiant? quo pacto scil. idem semper idem progeneret? idque non solum in rebus arte factis (ita enim domus aedificat domum, facies faciem depingit, & imago imaginem format) sed in iis etiam quae ad animum spectant: nempe mens, procreat mentem; opinio, opinionem. *Democriti* atomi, & *Eudoxi* summum bonum in voluptate situm, impraegnarunt *Epicurum*: *Empedoclis* quatuor elementa, *Aristotelem*: veterum Thebanorum dogmata, *Pythagoram* ac *Platonem*: & geometria *Euclidem*. Ad eandem hanc normam, filius nascitur parentibus suis similis; virtutes etiam genus nobilitantes, & vicia haereditaria, post longam aliquando annorum seriem, in nepotes transferuntur. Morbi quoque aliqui, sibi similes in aliis producant; in quo censu, sunt lepra, podagra, syphilis &c. Quid morbos memoro? atavorum etiam naevos, verrucas, & cicatrices, longa subsequente serie aliquando ostendit progenies.

*Arist. hist. an. l. 7. c. 6.* Quarto partus *Dacorum* (inquit *Plinius*) originis nota in brachio redditur. Mens, opinio, mores, qui nunc seculum & de gen. tenent; quidni multis abhinc annis (exoletis interea omnibus, quae hodie in usu sunt) denuo recurrant? Nempe  
17. L. 7. Creatoris aeterni mens divina, rebus impressa, in conceptibus humanis procreat imaginem sui.

Superatis jam aliquot in hac re difficultatibus, crescit mihi animus paulo nervosius de eadem agere: ut, quod à nobis hastenus velitatim disputatum fuit, verisimilitudinem saltem majorem obtinere videatur. Simul etiam, ut, ad ardua haec penitius, inquirenda, studiosorum ingenia excitentur.

Sit

Sit itaque (ut rem clarius ob oculos ponamus) *A*, ovum foecundum (materia nempe futuri pulli) mobile & terminabile in pullum, sive potentia pullus. Sit etiam *B*, id quod ovum foecundum reddit, & à subventaneo discriminat; scil. efficiens pulli, sive movens ovum & terminans in pullum. Et *C*, pullus, vel finalis causa, cujus gratia & ovum, & foecundans sunt: actus nimirum, sive ratio pulli.

Habeamus igitur pro concessio (quod ab *Aristotele* demon-  
stratur) omne movens primum simul esse cum eo, quod Phyf. 1. 7.  
c. 3. ab ipso movetur. Ea vero (ab eodem) propriissime dicuntur *simul esse*, quorum generatio eodem tempore contingit: nempe, ut movens & mobile una actu sint, positoque uno eorum, ponatur necessario alterum; nimirum, praesente effecto, adsit simul ejus causa.

Quandocunque igitur *A*, (scil. ovum foecundum) actu est; *B*. quoque (nempe movens internum & efficiens, sive foecundans) simul actu existit. At vero quandocunque *B*, actu est, inest pariter *C*, (saltem aliquo modo) species nimirum pulli sive forma sine materia. *B*, enim est efficiens pulli internum; i. e. movens *A*, (ovum scil.) in *C*, nempe rationem pulli. Ut igitur omne movens simul sit cum suo mobili omnifque causa cum suo causato; necesse est, ut *C*, una cum *B*, existat: quippe finalis causa, tam in natura, quam arte, reliquarum omnium prima est; movet enim, & non movetur: Efficiens autem movet, quia à causa finali impellitur. Inest enim quodammodo in omni efficiente, ratio finis; à quo illud, cum providentia operans, movetur.

*Aristotelis* autoritas nobis plane suffragatur: *Principatum*, inquit, *inter causas generationis naturalis illa obtinere videtur*, De part.  
an. 1. 1. c. 1. quam sub hoc verbo, cujus gratia, significamus. Haec enim ratio est; ratio autem principium est pariter in rebus tam arte, quam natura constituendis. Ubi enim vel per intellectum, vel per sensum Medicus sanitatem, opifex aedes definierit; rationes & causas rei, quam facit, reddere solet, & cur ita faciat,

*subjungit: quanquam illa, cujus gratia, causa, & ratio boni & pulcri, naturae operibus potius, quam artis conjuncta est.*

Phyl. 1. 2. *Finis autem, ait, est id cujus gratia; ut deambulandi, sa-*  
 Tract. 3. *nitas. Cur enim deambulat? dicimus, ut bene valeat: &*  
*cum sic dixerimus, putamus nos causam reddidisse, & quae-*  
*cunque igitur alio movente interjecta, finis gratia fiunt: ut sa-*  
*nitatis gratia fit extenuatio, vel purgatio, vel pharmaca, vel*  
*instrumenta: haec enim omnia finis gratia sunt. Et paulo*  
*post: Oportet autem semper summam cujusque rei causam*  
*quaerere, quemadmodum & in aliis rebus. Ut homo aedificat,*  
*quia est aedificator: aedificator autem est, secundum artem ae-*  
*dificandi: haec igitur causa prior est. atque ita se res habet*  
 De gen. *in omnibus. Et proinde causam eum, quae prima movet, &*  
 an. 1. 2. c. 1. *cui ratio inest & forma, meliorem magisque divinam esse alle-*  
*rit, quam materiam.*

In omni igitur animalium generatione naturali tum ma-  
 teria ex qua, tum efficiens à quo, (nempe mobile, *A*, &  
 movens *B*.) animalis geniti aut gignendi gratia pariter sunt:  
 quippe ambobus simul inest, quod movet & non movetur,  
 nempe *C*. Ambo enim illa (scilicet *A* & *B*.) simul mobilia  
 sunt, & moventur; nimirum foecundans, *B*, (quod & mo-  
 vet, & movetur) & quod foecundum fit, *A*, nempe ma-  
 teria sive ovum, quod solum movetur, vel mutatur. Quam-  
 obrem si nullum mobile actu moveatur, nisi movens una  
 adsit; certe neque materia movebitur, nec efficiens quip-  
 piam efficiet, nisi simul primum movens aliquo modo ad-  
 fuerit; forma scilicet, aut species sine materia principa-  
 tum obtinens. *Efficiens enim & generans, (secundum A-*  
 De gen. *rist.) qua talia sunt, ad id pertinent, quod efficitur, & gene-*  
 an. 1. 2. c. 4. *ratur. Sit itaque syllogismus ex primis necessariis:*

Quandocunque *B* est in actu, simul etiam *C* est in actu  
 (nempe aliquo modo movens.)

Quandocunque *A* est in actu, *B* est in actu;

Ergo, Quandocunque *A* est in actu, simul etiam *C* est  
 in actu.

Gene-



Generatio fane naturalis, & artificialis, eodem modo se habent. Utraque enim alicujus gratia fit, & similiter ex providentia quadam in finem propositum operatur: utraque etiam à concepta forma aliqua sine materia movetur primo, & per conceptionem producitur. Cerebrum nempe est conceptionis hujus organum, ( *ars* Arist. de part. an. l. i. c. i. enim est ratio operis, ( *abjuncta omni materia* ) in anima, cujus organum est cerebrum; ) illius vero, uterus, vel ovum.

Conceptio itaque uteri vel ovi, similis erit ( aliquo saltem modo ) ipsius cerebri conceptioni; finisque pariter eodem modo utrique inerit. Nempe, inest species sive forma pulli in utero vel ovo, sine ulla materia: quemadmodum in artifice inest ratio sui operis; ut puta in aedificatoris cerebro, ratio domus.

Quoniam vero *in* *in*esse forsan aequivocum est, & res *simul esse* multifariam dicuntur; ideo dicimus & asserimus, speciem futuri pulli & formam immaterialem, esse *aliquo modo* causam praegnationis sive foecunditatis uteri: quia, post coitum, nihil corporeum in eodem reperitur.

Quomodo autem causa haec immaterialis, tanquam principium, utero pariter ac cerebro insit, & qua ratione convenient inter se, vel ab invicem discrepent, conceptus cerebri, & uteri sive ars, & natura; & quo pacto, id quod foecundat ( nempe efficiens procreandi animalis internum ) similiter insit in mare, atque ejus genitura; in foemina, & ejus utero; in ovo etiam, ceu opere utriusque misto; & quatenus sit in iis differentia: posthac, cum universim de omnium animalium generatione agetur, ( etiam eorum, quae per *metamorphosin* oriuntur, insectorum scilicet & sponte orientium, in quorum ovis sive primordiis, ut & alio omni femine, species sive forma immaterialis, tanquam principium movens eorum quae procreanda sunt, plane

ne inest ; ) & cum de anima , ejusque affectibus ; quomodoque , ars , memoria , atque experientia , cerebri solum conceptus sint , dicetur ; copiose simul , atque luculenter explicare conabimur.



# I N D E X

## R E R U M   N O T A B I L I U M ,

### *Quae in Prima Parte sive in Tractatu de Motu Cordis continentur.*

#### A.

**A**ër ab Arteriis introsumi, in diastole, nequit. 9--10.

— per Pulmones sanguini non admiscetur. 18, 19.

*Allium* pedum plantis adplicatum expectorat. 86.

*Aloë* ventrem solvit, externe etiam si adplicetur. 86.

*Anasarca* a Tympanitide quomodo distinguatur. 146--147.

*Anastomoses* vasorum, in extremitatibus, transmittunt sanguinem ex Arteriis in Venas. 66--67.

*Aneurisma* unde fiat. 14.

— Arteriae erosione prognatum. 30.

*Animae Passiones* Circulationem sanguinis mutant. 151- 152.

*Animalia* Cor non habent quaedam, ut Plant-animalia. 90-- 91. Quaedam Auriculae speciem sine Corde habent. 90. Et quandoque vivere, seu vitam animalis agere, quandoque vitam plantae agere, seu quasi mori, videntur. 91. 91--92.

— *alia* Cor unum, unamque modo auriculam habent. 92. 42. 15. Sed haec quoque Cor conforme habent, 25.

— — Cor cum duobus ventriculis, & tum pulmones quoque, habent. 92.

— *Plantanimalia* quatenam dicantur. 35.

*Aorta* officia facta. 132.

*Apes* respirationem in cauda habent. 96.

*Arteria aperta* sanguinem totius corporis brevi temporis spatio omnem effluere finit. 61. Sed aperta vena non, & quare. 61--62.

— — in demortuo sanguinem omnem cur dimittere nequeat. 63.

— compressa, in Phlebotomia, sanguinis effluxum impedit. 75.

— defissa, ex qua parte sanguinem projiciat, & quid inde doceamur. 141.

*Arteria Pulmonalis* vid. *Vena arteriosa*.

*Arteria* sanguinem cum vi propellit in diastole, non in systole, & quid inde pateat. 14.

— *scissa* sanguinem suum propellit dum Cor contrahitur. 28.

— *vulnerata* quavis expellit sanguinem suum, cum impetu, quando Cor in systole est h. e. ubi contrahitur. 28.

*Arteriarum* diastole & systole ad refrigerandum sanguinem, juxta Veteres. 9.

Ecc 3 — Tu



\_\_\_\_\_ *Tunicæ* vid. *Tunicæ Arteriarum*.

\_\_\_\_\_ *Motus* vid. *Motus Arteriarum*.

*Arteriae* ærem intromere in diastole non possunt. 9--10.

\_\_\_\_\_ *crurales* in principio osseae factae, ad finem tamen pulsabant; & quid inde sequatur. 131.

\_\_\_\_\_ *contrahuntur* in diastole cordis. 28.

\_\_\_\_\_ *dilatantur* cum Cor contrahitur. 28. 29. & quare. 29. Etiam simul Arteria pulmonalis. 28. Hocque in cordis systole. 28. Quod fit impulsu sanguinis. 14. Hinc, quia replentur ut utres, non quia distenduntur ut folles; contra Galenum. 13--14.

\_\_\_\_\_ *exiles* non pulsant. 101. 158.

\_\_\_\_\_ *jugulares* valide distentae & enomiter, ab ira, ob inhibitam vindictam. 149--150.

\_\_\_\_\_ in Cadaveribus sanguine magis vacuae quam venae, & cur. 61.

\_\_\_\_\_ *ligatae* quid patiantur a ligatura, tum mediocri, tum stricta. 67--73. Supra ligaturam pulsant & distenduntur, non infra. 69.

*Arteriae pulsant* ob sanguinis intrusionem, ex corde tum contracto. 29. Ergo vi sanguinis impellente, non facultate innata. 158. Nam pulsificam vim, per tunicas a Corde manantem, non habent; adeoque non ut folles, sed ut utres dilatantur, ut voluit cum Galeno Vesalius. 129. & sequ. Quod etiam refellitur Experimento Arteriarum cruralium in os conversarum. 131. Tum quoque Aorta ossea facta. 132.

\_\_\_\_\_ sanguinem continent Experimento Galeni. 11. Et eundem quem Venae, Experimento Harvaei. 12. Huncque nusquam a venis recipiunt nisi è sinistro ventriculo Cordis. 74.

\_\_\_\_\_ *vacuae* in demortuis quare. 134--

135.

\_\_\_\_\_ *vasa* sunt, differentia sanguinem à corde. 66.

\_\_\_\_\_ a Venis differunt crassitie tunicarum, & cur. 100. Et quo Cordi propinquiore eo magis hoc fit. 100. In extremis hoc ita non habet. 100--101. Nam ibi Venis fere sunt similes. 101. 15.

\_\_\_\_\_ non differunt in quibusdam animalibus, tum & in quibusdam hominum partibus. 15--101. *Asthma periculosum* cucurbitis & affusu gelidae, curatum. 139.

*Auctor* ad scribendum qua ratione per motus. 22. & sequ.

\_\_\_\_\_ Physiologicum Tractatum promittit. 139.

\_\_\_\_\_ de Respiratione promittit Tractatum. 96.

*Aures rubent*, facie pallescente, in infamia & pudore. 152.

*Auricula Cordis* necessaria ubi ventriculus in Corde. 96--97.

\_\_\_\_\_ vel illi quid analogon, sine ventriculo cordis, in nonnullis. 96.

\_\_\_\_\_ quaedam, sine Corde, in exanguibus & frigidioribus quibusdam; raro pulsans, nec nisi calida tempestate perceptibilis. 97.

*Auricula Cordis dextra* nascitur ex puncto saliente. 98--99.

\_\_\_\_\_ pulsat prius quam Cor. 98--99. Motor primus sanguinis, primum vivens, ultimomoriens. 97.

\_\_\_\_\_ in robustis saepe tam valida & fibrosa, ac ventriculus ipse. 98.

\_\_\_\_\_ in strangulatis quam tumida. 148--149.

*Auriculæ Cordis* semper adsunt, vel illis quid analogon. 35.

\_\_\_\_\_ duae ubi duo ventriculi. 96.

\_\_\_\_\_ differunt in variis subiectis.

# DE MOTU CORDIS.

Dis. 98. Eo robustiores, quo Cor  
 magis densum, ac compactum. 98.  
 — in foetu majores pro rato,  
 & cordis quasi officio fungentes. 98.  
 — pulsant & se contrahunt,  
 & quare. 96--97.  
 — albescunt dum contrahun-  
 tur, seu se movent. 32.  
 — moveri videntur primo,  
 tum ventriculi Cordis. 31. Et prius  
 quam Cor vivunt, & post illud adhuc  
 moriuntur. 34. *causer.* 32. 33.  
 — moventur simul, dum  
 ventriculi quiescunt, & vicissim. 31.  
 — motus primi sanguinis. 97.  
 — sanguinem pellunt in ven-  
 triculos, hi in Arterias. 37.  
 — sanguinem jam continent  
 mensis tertii initio, licet cor tum al-  
 bidum. 34.  
 — & Ventriculi Cordis, qua  
 ratione, moriente animali sese mo-  
 veant. 31--32.  
*Auriculae* analogon, in Piscibus, quid ha-  
 beat cor. 42.  
*Auricularum* Cordis contractio sanguinem  
 conjicit in Ventriculos. 97.  
 — motus qualis, in venis ob-  
 servatus. 31.  
 — pulsus percipiuntur in ven-  
 triculis, qui tum ab auriculis recipi-  
 unt. 32.

B.

**B**otalli error, novum transitum sangui-  
 nis invenisse se existimantis. 46.  
*Bronchiae* Piscium fistulam e corde acci-  
 piunt. 28--29.

C.

**C**olidum innatum, & Spiritus varii,  
 quare a Philosophis in sanguine  
 excogitati. 139--140.

*Canalis arteriosus & Foramen ovale*, aper-  
 ta diu, & saepe tota vita, in quibus-  
 dam hominibus ac animalibus, manent.  
 45--46.

— in Embryone describitur.  
 44--45.

*Canis rabidi* venenum quomodo totum  
 sanguinem inficiat. 85--86.

*Cantharides* externae applicatae urinas mo-  
 vent. 86.

*Casus* rarus de Cordis pariete sinistro, dis-  
 rupto & perforato, sanguinis impetu.  
 149.

— Melancholici in cujus corde &  
 pectore materies turbida & foetida re-  
 perta. 20.

— rarus Morbi singularis, & structu-  
 rae vasorum, ex ira ob vindictam inhi-  
 bitam. 149--150.

*Cerebrum* ventriculo caret in quibusdam  
 animalibus. 96.

**CIRCULATIO SANGUINIS**, quid, &  
 qualis, sit, 55. 56. 58. Fit e centro  
 in extrema, & ab extremis rursus ad cen-  
 trum. 67. De dextro ventriculo cor-  
 dis per Pulmones in arteriam veno-  
 sam, & sinistram ventriculum, quo-  
 modo fiat 49. & sequi.

— ex Arteriis in Venas fit,  
 non contra, ut ligaturae docent. 71.  
 73.

— quod fieri debeat probatur  
 sanguine per venas iterum reduce, &  
 majori copia, quam ab alimento sup-  
 peditari potest, & itidem quam ad par-  
 tium nutritionem requiritur. 58. 64. 75.  
 81. Probatur iterum copia advehi in  
 arterias. 64. Tum & ligaturis. 65--66.  
 67--74.

— describitur integre. 81.  
 Specie recapitulationis exponitur ab  
 Auctore. 155--156. & sequi.

— non ubique, & semper ea-  
 dem; & unde. 144--145. Aliquando citius,  
 aliquando tardius, peragitur, & ex qui-  
 bus.

busnam causis. 61.  
 — in Embryone, dum Pulmo-  
 nes otiantur, quomodo fiat. 46. *con-*  
*fer.* 43--46.  
 — a Ligaturis quomodo affi-  
 ciatur. 67--73.  
 — in Embryone, per Cor,  
 qualis. 93. 46. & *confer.* 43-46.  
*Colocynthis* externe adplicata ventrem sol-  
 vit. 86.  
*Columnae carnosae* in Corde. vid. *Virgulae*  
*carnosae*, vel *Lacertuli*.  
 in *Columba* motus Cordis resuscitatus. 33.  
*Copia sanguinis*. vid. *Sanguinis copia*.  
 COR principium Vitae, a quo Calor &  
 vita utab origine. 82. Sol microcos-  
 mi. 57. Primum vivens & ultimo  
 moriens, non proprie, nam Auricu-  
 lis hoc convenit. 34. *confer.* 32. 33.  
*Musculus* dictum ab Hippocrate. 99.  
 Agit ut *Musculus* se contrahendo &  
 sanguinem movendo. 99. Estque san-  
 guinis impulsor solus. 85. In *Squilla*  
 aquae imposita ejus motus intueri po-  
 test. 36.  
 — in omnibus Animalibus pene in-  
 est, etiam in minoribus, exanguibus.  
 35. Aut ad minimum pulsans vesicu-  
 la, instar puncti rubri, vel albi dunta-  
 xat. 36.  
 — ex sinistro ventriculo proprie con-  
 stat, & hujus gratia dextrum tantum fa-  
 ctum videtur. 93.  
 — cum Ventriculo uno tantum in  
 quibusdam animalibus. 92. In *Pisci-*  
*bus* ventriculum unum tantum habet.  
 42. Ventriculo dextro caret in quibus  
*Pulmo* deest. 15. Ventriculo integre  
 nunquam caret, uti quidem *Cerebrum*  
 in quibusdam animalibus. 96.  
 — Auriculas semper habet, vel au-  
 riculis quid analogon. 35. Auriculae  
 analogon in *Piscibus* quid habeat. 42.  
 — conforme in *piscibus* & frigidio-  
 ribus animalibus. 25. Sed unum mo-

do ventriculum plerumque quoque ha-  
 bent. 92. 42. 15.  
 — non distinctum in omnibus anima-  
 libus, cum nonnulla similis quasi con-  
 stitutionis sint, in quibus cor deest, &  
 quasi tota cor sint, uti ea quae *Planta-*  
*nimalia* dicuntur. 90--91. 91--92. Ut &  
*Insectorum* genera. 91.  
 — in robustis etiam magis fibrolum,  
 & robustum, uti e contra. 95.  
*Cor* motum expellit, & quiescens recipit.  
 27--28. Inanitur ubi contrahitur. 26.  
 Et Arterias dilatat quando contrahitur.  
 28--29.  
 — colore mutatur tum in motu, tum  
 in quiete, & quare. 25--26.  
 — in motu quomodo mutetur. 26.  
 — erigitur dum movetur. 39. Et  
 mucro ejus elevatur; contrahitur se-  
 cundum latera in longius; durum fit  
 instar musculi agentis; albescit in *pisci-*  
*bus*, & frigidioribus. 25. Quare albe-  
 scat. 26.  
 — motu suo sanguinem movet, perfi-  
 cit, a corruptione & grumefactione vin-  
 dicat. 57.  
 — & suo pulsu Sanguinem è  
*Vena cava* in Arteriam magnam usque  
 traducit. 46--47.  
 — in frigidis animalibus dum move-  
 tur, uti albescat, & quomodo tum se  
 habeat. 25.  
 — Anguillarum exentum se movet.  
 25. Et tum etiam sine auriculis pulsat.  
 33.  
 — *Piscium* quomodo factum, & ut  
 movetur. 33.  
 — *Ranarum* quomodo factum, & ut  
 movetur. 33.  
 — moriens quales motus in auriculis,  
 & ventriculis, habeat. 31--32.  
 — in mortuis flaccidum, laxum e-  
 nervatum. 25.  
 — lente, & raris ictibus, imo hye-  
 me, & frigida tempestate, vix vel non  
 pul-



# RERUM NOTABILIMUM.

pulsat, in exanguibus quibusdam. 35.  
 — pulsificam facultatem, per tuni-  
 cas arteriarum non emanat. 13—14.

*Cor in Systole* albescit. 65. Vigoratur, ten-  
 ditur. 27. Sanguinem tum non acci-  
 pit, sed expellit. 27—28. Et arterias po-  
 nit, in diastole, & ubi est in diastole,  
 Arteriae sunt in systole. 28.

— *distentum* quam horrendè, sanguinis  
 vi, ex ira, ob vindictam inhibitam. 149.  
 149—150.

— *exentum* quorundam animalium  
 pulsat sine auriculis. 33.

— *quiescens* recipit, & *Cor motum* ex-  
 pellit. 27—28.

— pulsare desinit prius quam auricu-  
 lae. 32. 33.

— Pulsus quot una hora faciat. 59.  
 — *vulneratum*, si in motu est, sangui-  
 nem per vulnus cum impetu expellit.  
 26.

— dextrum & sinistrum quantum  
 congruant. 15—16.

— ab animi pathematibus lethaliter af-  
 fici potest. 83—84.

— in foetu humano circa mensis tertii  
 principium formatum, sed albidum,  
 cum sanguine in auriculis. 34.

— materia turbida & foetida turgens,  
 repertum in Melancholico. 20.

in *Corde* Virgulae carnosae vel lacertuli  
 quid. 93—94.

*Cordis actio* est sanguinis transfusio e venis  
 in arterias, & in extrema usque, me-  
 diantibus Arteriis, propulsio. 39.

— *musculosa* describitur. 99—  
 100.

*Cordis Motus* est systole non diastole. 26—  
 27.

— Quid proprie sit; & quomodo  
 Musculorum motui quam similis. 25—  
 26.

— quanam praecipue ani-  
 madvertenda ponat. 25.

Tom. II.

— *Motus* quatuor distinguendi, lo-  
 co non vero tempore distincti; duo  
*Auricularum*, quos insequuntur mo-  
 tus *Ventriculorum*. 31. Et hi Mo-  
 tus, servata harmonia, videntur uni-  
 custantum motus, & quare. 37—38.

— *Auricularum* & *Ventricu-  
 lorum* ab auriculis incipit, & in Ven-  
 triculos progreditur, licet simul hi fieri  
 videantur. 31.

— manifestior in animalibus  
 frigidioribus. 24.

— tardior in moribundis. 25.  
*confer.* 31—32.

— resuscitatus in Columba,  
 ope salivae calidae. 33.

— & *Auricularum* ex vivo-  
 rum dissectione, qualis. 31. & *segg.*

*Cordis motus* descriptio exquisita. 37. 38.

— *functio* & *actio* quanam  
*vera*. 81—82. *confer.* 37. & *segg.*

*Cordis disrupti*, ab impetu Sanguinis, Ca-  
 sus. 149.

*Cordis septum* foraminulis an praeditum  
 pro sanguinis transitu. 18—19. Cu-  
 jus substantiae. 19. Non transmittit  
 sanguinem ex uno ventriculo in alium.  
 41.

— *pulsatio*, in pectore quae auditur,  
 unde. 33.

*Cordis ventriculi* moventur simul, dum  
 Auriculae quiescunt, & vicissim. 31.

*Cordis* cum Pulmone nexus qualem Au-  
 thoribus errandi occasione praebue-  
 rit. 39—42.

Crabrones respirationem in cauda habent.  
 96.

*Cucurbitae* in Asthmate. 139.

D.

**D**eglutitio qua ratione fiat. 38.

Deus auctor ponitur immédia-  
 Fff tus

tus operum, quorum vulgus causas non capit. 140.

*Diaſtole & Syſtole* Cordis quid. 26—27.

— — — — — Cordis & Arteriarum ad refrigerandum ſanguinem, juxta Veteres. 9.

E.

**E**mbryo Cordis ſtructuram diverſam, ab ea in adulto, qualem habeat. 93  
*Experimentum* in Columba, de motu Cordis reſuſcitato. 33.

— — — — — Arteriae & Venae longioris deſciſſae, quid doceat. 141. 141—142.

— — — — — Galeni pro pulſifica facultate tuni-  
carum Arteriarum, non poſſibile. 13—14.

— — — — — de ligatura, ſanguinem ad Cor ne-  
ceſſario regredi, oſtendente. 65. 65—66.  
67.

— — — — — Aërem per pulmones in ſan-  
guinem non tranſmitti poſſe, docens 18.

— — — — — Arterias ſanguinem con-  
tinere probans. 11.

— — — — — de ligatura Arteriarum, ſu-  
per fiſtulam intra cavitatem immiſſam,  
examinatur. 129. & ſeqq.

— — — — — Harvei Arterias eundem ſan-  
guinem continere, quem venae, pro-  
bans. 12.

— — — — — pulſum Arteriarum ab im-  
pulſu ſanguinis fieri docens. 146.

— — — — — Sanguinem in venis con-  
tinuo fluore verſus Cor ſemper curre-  
re, demonſtrans. 147—148. *Alterum*  
*ad idem*. 148.

— — — — — unde Objeſtio contra Circulatio-  
nem ſanguinis potentiffima deducitur,  
quale. 146. & ſeq.

*Externa Medicamenta*. vid. *Medicamenta*  
*externa*.

*Extremities corporis*, a ſanguine e corde  
propulſo iterum reſocillari debent,  
ubi algent, cum ipſae calorem non tra-  
hant. 83.

F.

**F**ebres pulſum celerem, & reſpirationem  
tardioſiorem reddunt. 15.

*Febris* puerorum quomodo praecipue ob-  
ſervanda. 101.

*Febrilis Paroxyſmus* deſcribitur exquiſite.  
86.

*Fibrae carnoſae* vid. *Virgulae carnoſae* vel  
*Lacertuli*.

*Fiſtula* a Corde in Bronchia piſcium quae-  
dam ducit. 28—29.

*Foetus* cordis vaſa alio modo diſpoſita  
habet, quam adultus. 43.

*Foramen ovale* deſcribitur. 44. Sanguinem  
in ſiniſtrum ventriculum traducit.  
19—20.

— — — — — & *Canalis arterioſus*, aper-  
ta diu, & ſaepe tota vita, in quibus-  
dam hominibus ac animalibus, ma-  
net. 45—46.

*Frigidae partes* incalſcentes denuo, qui-  
buſſum phaenomenis afficiantur. 140—  
141.

*Frigidiora animalia* Cor coniforme ha-  
bent. 25. Sed unum tum ventriculum  
plerumque quoque tantum habent. 92.  
42. 15.

G.

**G**alenus Reſpirationis & pulſus eun-  
dem uſum eſſe errando ſtatuens,  
reſutatur. 8—9. Hujus Argumentum  
pro tranſitu ſanguinis per cor dextrum  
de vena cava in pulmones, Harveo  
inſervit, mutatis terminis, pro tranſitu  
ſanguinis de venis per cor in arterias.  
53. Ejus error de Tunicarum Arte-  
riarum vi pulſifica. 13. 14.

*Gangraenae* ex Ligaturis. 67.

*Gutta ſanguinis* palpitans, in ovo, prima  
prigo Pulli. 34. 35—36.

# RERUM NOTABILIMUM.

## H.

**H**aemorrhagia in Lipothymia & Timore, cur sedetur. 63.  
Haemorrhagiae ligaturis supprimuntur & provocantur. 67. Cur sedentur per ligaturas. 75.  
*Historiae. vid. Casus.*

## I.

**I**ctus venenatus sanguinem totum qua ratione inficiat. 85—86.  
*Incrementum pulli, in ovo, ex gutta sanguinis palpitante. 34. 35—36.*  
*Incubationis quarto, vel quinto, die, Pulli rudimentum instar nubeculae, cum puncto saliente, in medio, fere conspicuo. 36. Die septimo motus in rudimento in ovo. 33—34.*  
*Insecta fere omnia cor non habent. 90—91. 91. Quaedam pulsans aliquid intus habere videntur. 91. Alia vesiculam quandam vel auriculam sine corde habent, sed raro pulsantem, & non nisi calida tempestate perceptibilem. 91.*  
— per caudam quare respirare videantur. 141.  
*Ira ob inhibitam vindictam, qualem singularem morbum, & structuram vasorum singularem, produxit. 149—150.*

## L.

**L**acertuli in Corde quid. 93—94. In quibusnam plures & fortiores sint. 94. Cur ab Aristotele Nervi vocati. 97.  
*de Lienis Usu Observatio. 89—90.*  
*Ligatura, ad Cor necessario sanguinem regredi ostendens. 65. 65—66. 67.*  
— Circuitum sanguinis ex Arteriis in Venas, & non contra, fieri docet. 71. 73.

— decens facta, omnis fere sanguinis effluxus, ex Venae apertura, caussa esse potest. 73—74.

— *mediocris & stricta* quid mutationis in Arteriis, quid in Venis, tum sanguinis circulatione, producat. 69—71.  
— *stricta a mediocri*, in effectu, ut differat. 70.

— ubi facta, quid notandum praebet. 68. Quid ubi ea solvitur notandum. 68—69.

— *stricta alia*, alia *mediocris*, describitur, huiusque usus in Medicina. 67. & sequi.

— *strictior*, in Phlebotomia, cur saepe sanguinis effluxum impediat. 75.

— in Phlebotomia *strictior*, vel *laxior*, quid varietatis inferat. 73.

*Ligaturae in corpore vivo*, quam varios edant effectus. 67.

— Venarum quid doceant. 79—81.

*Lipothymia* a ligatura in V. S. unde. 70—71.

*Lues Venerea* qua ratione totum sanguinem inficiat. 85—86.

*Luteum Ovi*, in ventre, intra intestina pulli, post multos dies ab exclusione adhuc reperitur. 88.

## M.

**M**edicamenta externa cur vires intro exercent suas. 86.

*Menstruorum fluxus* per ligaturas cur compescatur. 75.

*Morsus Serpentum* sanguinem totum quam ratione inficiat. 85—86.

*Mortis* duo genera, *Extinctio* ob defectum, & *Suffocatio* ob copiam, quomodo demonstrantur. 66.

*Motus Arteriarum* vid. *Arteriarum Motus*.

— *Cordis* vid. *Cordis Motus*.

— *Musculorum* vid. *Musculorum Motus*. Fff 2 Mo-



# I N D E X

*Motus obscurus in sanguine dextrae Auriculæ, post ejus integram quietem, supermanet adhuc.* 33—34.

*Musculi moti quomodo mutantur.* 26.

— a quietis quibusdam phænomenis distinguendi. 26.

*Musculorum motus, & Cordis, ut conveniat.* 25—26.

## O.

**O**vi luteum in ventre intra intestina pulli post multos dies ab exclusione adhuc reperitur. 88.

## P.

**P**assiones Animæ sanguinis Circulationem mutant. 151. 152.

*Physiologicum Tractatum promittit Auctor.* 139.

*Pisces* Cor coniforme habent. 25. Sed etiam unum habent tantum ventriculum. 33.

*Piscium* Bronchia fistulam à Corde accipiunt. 28—29.

*Plant-animalia* quænam dicantur. 35. Quænam sint. 91—92. Cor non habere videntur. 90—91. 91.

*Pluvie* juxta Aristotelem quid. 56.

*Pulli incrementum in ovo, ex gutta sanguinis palpitante.* 34. 35—36.

*Pulmones* ærem in sanguinem non transmittunt. 18.

*Pulmonum* ad sanguinem usus. 139.

*Pulsatio Cordis* in pectore quæ auditur, unde. 38.

*Pulsationes Arteriarum* vid. *Pulsus*.

*Pulsifica facultas* in Tunicis Arteriarum à Corde emanans non datur. 13—14.

**PULSUS** in Arteriis est impulsus sanguinis à Corde. 38.

— ab impulsu sanguinis, è sinistro ventriculo Cordis se contrahente, intrasi sit. 29.

— sanguinis impulsio proprie est. 100.

*Pulsus celer & respiratio tardior* in febribus quibusdam. 15.

— frequentior in pueris, & respiratio rarior. 15.

— perit si Cor languet. 101.

— puerorum celer, & frequens, semper. 101.

— varietates unde habeat. 29.

*Pulsus Cordis* quot, una hora. 59.

*Pulsus & Respirationis* eundem esse usum, est Galeni error, qui refutatur. 8—9.

*Punctum saliens* minimum vix conspicuum in rudimento ovi quarto vel quinto incubationis die. 36.

— Mutatur dein in Auriculam. 98—99.

*Pus Empyricorum* cum urina, vel foecibus, quomodo reddatur. 20.

— *R.ovo* si ovis

**R**anæ in Corde unum ventriculum habent. 33.

*Respirare* per caudam insecta cur videantur, 141.

*Respiratio* in cauda Apum & Crabronum. 96.

— tardior & Pulsus celer, in febribus quibusdam. 15.

*Respirationis & Pulsus* eundem esse usum, Galeni error, qui refutatur. 8—9.

de *Respiratione* Tractatum promittit Auctor. 96.

— *S.*

**S**anguis in adultis, e dextro Ventriculo per venam arteriosam in pulmones, & inde per arteriam venosam in sinistram auriculam, & subinde in ventriculum Cordis sinistrum, permeat. 48.

— per anastomoses de venis in Arterias non retrogreditur. 166.

— animæ passionibus quomodo mutetur

—

—

—

# RERUM NOTABILIMUM.

- tetur ratione celeritatis. 151. 152.
- Sanguis* spatio semi horae ab universo corpore fere totus exhaustiri potest. 11.
- Aperta Arteria, omnis brevi e toto corpore effluit. 61. Non, si aperta vena, & quare. 61 — 62.
- ab Arteriis in Venas fluit, non contra. 73 — 74. In extremitatibus quoque, ita fit, non contra, ut ligaturis etiam patet. 71. 73.
- per Arteriam Venosam ex pulmonibus in sinistrum ventriculum Cordis pellitur. 56.
- per Arterias in quodcumque membrum ingreditur, & per arterias egreditur. 66.
- per Arterias & venas, in demortuis, apertas, ultra partem mediam elici nequit. 63.
- Arterias distendit impulsu suo. 14.
- arteriosus a venoso, ut differat. 132 — 133. & seqq.
- ex Arteriis profilit cum impetu, & salus est in diastole harum, non in systole. 14. Et quid inde constat. 14.
- celeritate differt, varias ob causas in corpore. 151. Quare non aequè celeriter, in omnibus partibus & temporibus, transit. 150 — 151.
- cohibitus vel conclusus, quantas vires exercere valeat, docent Casus duo rari. 149. 149 — 150.
- continue aequabiliter, & continenter, in quodcumque membrum pulsu Arteriarum impellitur, majori copia, quam nutritioni sufficiens sit. 58.
- copia quam transeat per Cor e Venis in Arterias. 55. 56. 58. 59. 60.
- Cordis pulsu movetur, perficitur, vegetatur &c. 57.
- ex Corde dextro in sinistrum, per septum medium, non transit. 18 — 19. 19. 19 — 20.
- in Cor redire debet, ne in extre-

- mis, a causa motus remotus, conglutetur. 82 — 83.
- in Cor & pulmones fluens, e Venis continuo & necessario regrediens, circuitum perficit. 64. 75. Nam majori copia continet in Arterias pertransit, quam ab alimento suppeditari potest, & in majori copia quam ad nutritionem requiritur persluit. 64. 75. confer. 58. Ligaturis quoque regressus ille constat. 65 — 66. 67.
- in Corde & Thorace ex Venis transit in Arterias. 66 — 67. Et in extremitatibus per anastomoses ex Arteriis in venas. 66 — 67. 71.
- in Embryone quomodo circuletur. 46. confer. 43 — 46. tum 93.
- per foramen majus aut minus profiliens, qua ratione differat. 134.
- per Venas a Corde non procedit. 141 — 142. Sed per Venas a partibus remeat. 66. Et per eas ab unaquaque parte perpetuo retroducitur ad Cor. 58.
- in Venam cavam per Venas, & inde in auriculam dextram vehitur. 56.
- per Venas omnes ad Cordis basin procurrit. 149.
- e Vena cava Cordis pulsu in Arteriam magnam usque transfunditur. 46 — 47. Hinc e Venis in Arterias pellitur motu Cordis. 39.
- ex Venae apertura una, omnis fere exhaustiri potest, si fiat decens ligatura. 74.
- e Ventriculo Cordis dextro per Venam arteriosam in Pulmones pellitur. 56.
- e Ventriculo Cordis sinistro in habitum corporis & omnes partes truditur per arterias. 56.
- Sanguinis Circulatio.* vid. *Circulatio Sanguinis.*
- copia quae transit, quomodo supputanda. 74 — 75.

— *Sarcosae* ligaturis quare tollantur.

67.

*Serpentum* Morsus sanguinem totum quam ratione inficiat. 85—86

*Septum Cordis*. Vid. *Cordis septum*.

*Sol* Cor mundi. 57.

*Spiritus* calorem potius a sanguine accipiunt, quam quod sanguis ab iis incallescet. 138—139.

— in sanguine & corpore a Medicis olim positi, non agnoscuntur ab Harveo. 135—136. 138. Sed quales considerandi. 137.

— omnes illi, in corpore, quare ita a Philosophis excogitati. 139—140

*Squilla* Cordis sui motum conspiciendum praebet, ob pelluciditatem. 36.

*Symptoma* febrile exponitur. 86.

— *Systole* & *Diastole* Cordis quid. 26—27.

— & *Diastole* Cordis & *Arteriarum* ad refrigerandum sanguinem juxta Veteres, falsum. 9.

## T.

**T**imor Haemorrhagiam cur sedare faciat. 63.

*Tumores* ligaturis quomodo tolluntur. 67.

*Tunicae Arteriarum* pulsificam facultatem non habent. 13—14. 14.

*Tympanitis* ab *Anasarca* quomodo distinguenda. 146—147.

## V.

**V**alvulae in Arteriis nullae. 77.

— Venarum in locis quibusdam duplices, quomodo constitutae, & cui usui. 77. 78—79.

— *Mitralae* duae ubi, & cui usui. 95—96.

— *Semilunares* vel *Sigmoides* ab H. F. ab Aquapendente primo de-

monstratae. 76. Quales sint. 76—77. Frequentissimae ubi divaricationes;

etiam ubi nullae divaricationes. 77. Usus non est, ne pondere sanguis deor-

sum ruat tantum &c. 77. Sed qualis. 78. 95. Ergo usus ac *Sigmoidarum* trium, quae in officio aortae, & venae arteriosae, reperiuntur. 79.

— *Sigmoides* vel *Semilunares* tres, in venae arteriosae seu arteriae pulmonalis officio, cui usui. 15. 51.

— *Tricuspidos* ubi, quot, & cui usui. 95.

— tres dextri ventriculi, cui usui. 15.

*Vasa* in Foetus Corde aliter quam in adultis. 43.

— umbilicalia duo quasi, in ovo. 88.

*Vena Arteriosa* proprie Arteria est. 37.

— in Cordis motu movetur; ut reliquae Arteriae, h. e. dilatatur ubi Cor contrahitur. 28.

*Venae* Vasa sunt differentia sanguinem ab extremitatibus ad Cor. 76.

— vasa sunt reducentia sanguinem ad Cor. 66.

— ab Arteriis differunt crassitie tunicarum, & cur. 100. Sed in extremitatibus differentia minima 100—101.

— non differunt in quibusdam animalibus. 14. Et in quibusdam partibus hominum etiam. 14.

— *absorbentes* in cute, eo modo ac sunt Venae lacteae in intestinis, exsugentes. 86.

— in Cadaveribus Sanguine plenae, Arteriae vero vacuae, & cur. 62.

— *jugulares* abscissae quid de Circulatione doceant. 148.

— ligatae quid patiantur a ligatura, tum mediocri, tum stricta. 67—73.

— Infra ligaturam tument, & quare. 69—70.

— sanguinem eundem continent, quem



# RERUM NOTABILIMUM.

quem Arteriae, Experimento Harvei 12.  
 — sanguinem a Corde non ducunt.

141 — 142.

*Venarum* ligaturae quid praestant, respectu Valvularum; experimentis exponitur. 79 — 81.

*Venena* topice applicata, quomodo totum corpus inficiant. 85 — 86.

*Ventriculi & Auriculæ Cordis* qua ratione, moriente animali, sese moveant. 31 — 32.

— *Cordis* moventur, dum Auriculæ quiescunt, & vicissim. 31.

— sanguinem recipiunt ab Auriculis, huncque in Arterias pellunt. 37.

— laeves in quibusdam animalibus, in aliis fibris carnosus referti. 94. Laeves absque villis aut valvulis ubi fuerint, ibi Arteriae a Venis vix differunt. 102.

— *Cordis* in Embryone non differunt eo modo, ac in adultis, & quare. 93.

*Ventriculus Cordis dexter* famulatur quasi

sinistro, & breviter ac tenuior triplo, pariete. 93.

— *sinister* Cor proprie efficere videtur, & quare. 92 — 93. Huic ideo famulatur tantum dexter. 93.

— quare robustior dextro esse debet. 94 — 95. In quibusdam fibris carnosus plenus, ubi ventriculus dexter laevis; & quare. 94 — 95.

— unus tantum in quibusdam Animalibus. 92. Sic in Piscibus & aliis animalibus. 42 — 43. Ethorum animalium major numerus, quam quae duos habent. 43.

*Vesalii* argumentum de Motu Cordis refellitur. 27.

*Virgulae carnosae* in Corde quid. 93 — 94. In quibusdam plures & fortiores. 94.

*Vitellus ovi*. vid. *Ovi luteum*.

*Vulgus* Deum Auctorem ponit immediatum operum, quorum causas non capit. 140.

*Vulnere curato*, morsucanis rabidi facto, horrenda tamen supervenisse Symptomata expertum, 86.

## F I N I S.

IN.

# I N D E X

## R E R U M N O T A B I L I U M.

### *Quae in Secunda Parte, sive in Tractatu de GENERATIONE ANIMALIUM continentur.*

A.

**A**egyptii Ova in fimo terra obruto, & in clibanis, excludunt. 51. 96.

Aër in Avibus per pulmones ad inferiora penetrat. 6.

— intra intestina Avium, in membranis, contentus. 28.

— in Ovi cavitatē, quare. 282.

Alae & Pedes avium die sexto, in ovo incubato, jam expullulant. 82.

Albumentum Ovi idem ac Albumen, 43.

Albumen Ovi, Lac avium, Liquor albus, describitur. 43—44. Ejus Synonima. 43.

Copiosius ad obtusam ovi partem. 43.  
— duplex aliquando, in ovo gemellifico. 54.

— duplex in ovo Gallinaceo naturaliter sed natura diversum. 43—44. 44. 89.

— in duplicem liquorem candidum est divisum, & Chalazis ac Membranis distinctum. 135. confer. 88. 133. 43—44. Pars ovi sincerior. est & magis elaborata. 133.

— Pullo quid utilitatis inferat. 270—279.

— in Ovariis Gallinarum non reperitur. 9. Sed in plicis processus uteri, & in Utero copiosum. 33.

— a liquore tenui ex plicis Uteri exsudante perficitur. 37.

— a Vitello ut differat. 44.

— cum Vitello necitur in ovo perfecto, Grandinum ope. 60. Et Vitello accrescit in plicis Processus uteri, & in utero. 33.

— partes similes omnes habet. 38.

— a frigore non densatur, sed contra. 44.

— ut augeatur incubatu. 134—135. 135.

— in colliquamentum quomodo mutatum decimo die, quod tum pulum amplectitur. 88. Indeque maxima parte dein in foetum absumtum. 88. 133.

— a Colliquamento candido ut differat. 63.

— flavescit in ovo requieto. 73.

— Oculum ovi dictum continet.

77.

— consumitur pro incremento puli. 90.

— consumitur prius Vitello, & tenue albumen prius quam crassum, quasi propius alimentum. 88. 133. confer. 135.

— incubatione crassius, viscidius, & straminei coloris, fit. 60.

— — — — — hu.

# RERUM NOTABILIMUM.

— — nutrit pullum etiam, uti Vitellus. 77. 156.

— — partes pulli singulas & diversas suppeditat. 38.

— — Pullo quid utilitatis inferat. 270—279.

*Albumen* & *Vitellus* liquores in Ovo perfecto necessarii, cum Albumen alimentum sit propinquius, Vitellus remotius. 132—133.

— — — nutritioni pulli in Ovo inserviunt. 156.

*Albumina* in Ovario non reperiuntur, sed tantum Vitelli. 9. Verum ita, ut Vitellis intermistum quasi obtineatur albumen; adeo ut Vitellus ibi non sit integre Vitellus. 135.

*Albuminis reliquum*, & *Vitellus*, in ovo foecundo, post diem decimum quartum incubationis, in corrupta adhuc reperiuntur, quae in ovo infocundo illo calore fuissent corrupta. 94.

*Aldrovandus* de Puncto saliente quid censuerit. 67.

*Allantoides* Membrana. 373. 374. 375.

— — non agnoscutur ab Harveo; qui eam eandem ac Chorion existimat. 381. Quod tamen absolute non ponit. 373.

*Amniotica* membrana quare ita vocata. 381. Cervarum & Damarum qualis. 311.

— — humores, nutritioni foetus inservientes continet. 380. Hinc, ad propinquante partu, absumitur; & quid inde concludendum. 380.

*Anas* mas Gallinam stuprat, defectu conjugis, prae summa libidine. 25.

*Anates*, pene ingenti satis donati. 16.

*Anatome Ventris avium*. 26 & sequ.

*Anima*, ignis cur existimata quibusdam Philosophis. 170.

*Animalia* casta quaedam uni quasi conjugii maritantur, alia contra. 139—140.

— — coeunt post partum ilico iterum, Tom. II.

quaedam. 368.

— — concipiunt, variis locis & varie; pro diversitate. 318.

— — Cupidinis oestro percita, ferociunt omnia. 21.

— — Ovipara quaedam cur sint. 290.

— — Ovipara & Vivipara, ut differant. 2. 3.

— — ex Ovo omnia, ne homine excepto. 2. 282. & sequ.

— — progenerant vel in semet ipsis; vel extra, & quatenam sit in iis differentia. 3—4.

— — ex Vermiculo omnia, etiam perfecta, gignuntur. 81.

*Apes* mel & floribus collectum, domum reduces, in alvearia evomunt, ex ingluvie. 28.

*Aqua Allantoidis* non admittitur ab Harveo! 379—381.

*Aqua Gravidarum*, duplex juxta Harveum, altera in Chorion, altera in Amnio. 381.

— — foetum ambiens, qualis liquor & cui usui, an sudor foetus, an nutritioni inserviens. 260. 261. & sequ. 378. 379. 380. Lactis naturae videtur. 267. Excrementum ejus esse nequit. 264. 378—380.

— — copiosa aliquando an aliquid denotet. 380—381.

— — effluit, sine noxa, medio gestationis tempore. 380—381.

*Aquilae* non bibunt. 29.

*Aranea* ova secum fert. 8.

*Arenulae*, ab avibus cur deglutiantur. 27. 27—28.

*Aristoteles*, de procreatione pulli observata, ipse omnia vidisse non videtur. 58.

— — errorum circa pulli generationem accusatur. 58.

— — de Puncto saliente quid perceperit. 66. 69.

*Arteria* in puncti salientis initio. 67.

Ggg

Ar-



# I N D E X

*Arteriae & Venae*, in Ovo, die decimo jam distinguendae. 88.

*Asina & Equa* in cornubus uteri, ut alia vivipara bruta, non concipiunt. 300.

*Astaci ova*, adhaerentia circumferunt. 8. Et intus ea granulatim compacta & rubra habent. 8.

*Auctor vid. Harveus.*

*Auctores* qui, praeter Aristotelem & H. Fabricium, de Generatione & Formatione Pulli, ex ovo, scripsere. 37. Horum errores. 58.

*Auriculae Cordis* ventriculos Cordis sua contractione implent. 72.

— ex punctis salientibus, una cum corde, forte generantur. 72.

*Aves* arenulas, calculos &c. cur deglutiant. 27. 27. — 28. Haec lingua prius probant an satis aspera. 27. Horum strepitus in ventriculo auditur. 27.

*Aves foemellae* mares suos ad coitum, variis artibus invitant. 24—25. 25. *confer.* 55—56.

— incubantes, multo ardore, ova tuentur, foecunda sint vel irrita. 51—52. Quaedam ea rumpunt. 53. Ova etiam in nido revolvunt in pulli commodum. 53.

*Aves* liene carent. 28.

— orificium uterinum turgidum protendunt, cum Venerem appetunt. 18.

— Ova concipiunt sine mare, sed non perficiunt aut pariunt, excepta Gallina. 21.

— Ova concipiunt, si libidinosae, ex demulso, & attractione, dorso cum manu tantum. 18.

— Pulmones quales habeant. 5. 6.

— regurgitant pro pullis cibos in ingluvie maceratos. 28.

— respirant, licet pulmones costis affixi sint. 5.

— Renes quales habeant, & ubi. 28.

— falaces tanto foecundiores. 21.

— & *Serpentes Vesica* cur careant.

15.

*Avium Diaphragma* vid. *Diaphragma*.

— *Pulmones* vid. *Pulmones*.

— *Ventriculus* vid. *Ventriculus A.*

*viuum.*

— *Ventris Anatome.* 26. & *Sequ.*

— *Viscera* vid. *Viscera*.

B.

**B**asse Insula Scotiae saxi ingentis instar, avibus marinis quasi cooperta; certo tempore candido micat nitore, & alba videtur ob liquidi avium excrementa, illam crusta dura & friabili superobtegentia, simili omnino ista, unde Testa ovorum. 39. & *Sequ.*

*Basiliscus* ova centenina an det, an Galus. 53—54.

*Bombices* ova pariunt sine mare sed infaecunda. 21.

*Botracha* ex Ovis Cyprinorum & Mugilum. 8.

*Bronchia* avium Pulmonum in abdomen usque penetrant. 5. 6.

*Bufones* respirant aestate vehementius, & quibusnam organis. 5.

*Bulla aquea*, in pulli rudimento, Cerebelli vicem supplens, die sexto vel septimi initio, adest. 83.

*Bullae tres*, in pulli rudimento, capitis rudimentum constituentes, aqua plenas, oculos & cerebrum comprehendentes. 76. *confer.* 73. In errorem quomodo Veteres conjecerint. 76. Die quinto sub finem, & initio sexti quales, & ut incrementum. 81—82. Die sexto auctae. 82. Die sexto evidenter. 82.

*Bursa* in avium podice, Fabricio habita foramen ad injiciendum semen masculinum, pro tali non agnoscitur Harveo, 14.

C.

# RERUM NOTABILIMUM.

## C.

**C**alculi ab Avibus cur deglutiantur.

27. 27 — 28. Lingua prius probantur ab iis, an satis asperi. 27. Horum strepitus in avium stomacho auditur. 27. Attritu laevigantur & inepta fiunt digestioni. 27.

*Calor* Ovum aequae excludit, si blandus fuerit, ac incubatio. *vid. Ovum foecundum* &c.

*Candidum* Ovidem ac *Albumen*. 43.

*Canis* vomens cibos pro catulis suis nutriendis. 28.

*Cantus* Galli non tantum Gallinis blandiunt, sed & ovorum conceptui conferunt. 19.

de *Capellis* tribus Fabula. 85.

*Caput pulli in ovo* die quinto, quale. 75. In trestum veluri bullas, aqua plenas, dividitur, quae Oculos & Cerebrum comprehendunt. 76.

— die decimo, reliquo corpore majus. 87.

*Carina pulli*, seu rudimentum corporis in ovo, quid. 82.

— die quinto conspicua, minor est parte illa bulbosa, unde caput prodit. 78. Quanam ratione increseat. 78.

*Carunculae* in quibusdam brutis loco Placentae. 382. 384. 385. 387.

*Cassoware* Avis, describitur quae ex Java missa, & Regi Angliae dono data. 19.

— ova qualia habeat. 20.

— Ova concepit ab aulito saepius coitu Struthionum in vicinia degentes. 19 — 20.

— in Ovo Chalazas crassas & globosas habet. 46.

*Casus* vid. *Historia*.

*Cauda* in quadrupedibus, velabri podicis avium usum praestat. 13.

*Caviaro* ex Ovis Struthionum salitis, fit. 8.

*Cavitas* in podice avium, eadem fere pro foecibus, urina, & vulva. 14. Ejus rugositas cui usui. 14.

— in Ovi obtusa parte, quae semper adest. *vid. Ovum cavitatem* &c.

*Cellulae Uteri* vid. *Plicae uteri* &c.

*Centenina* Ova. *vid. Ova centenina*.

*Cerebrum pulli in ovo*, & *Cerebellum*, die sexto nihil quam aqua vesicula inclusa apparet. 82 — 83. Sexti ad finem, vel septimi initio, qua ratione sese praebeant. 83.

*Cervae* gerunt utero novem menses. 300.

*Cervarum* coitus quando & quomodo exerceatur. 300. & sequi.

— & *Damarum* generatio, cur tanquam Exemplar Viviparorum hic sumitur. 292.

— *Cervix Uteri*, *vid. Uteri orificium*.

*Chalazae* seu *Grandines* ovi Microcosmi Cardines & Poli veri. 60. Albuminis ovorum quales sint appendiculae. 156. Quenam proprie corpora. 45. Sic dicta quia lucida. 45.

— *biniae* in Ovorum albumine repertiuntur, sed vitelli membranae adhaerent. 45. In utroque ovi cacumine una. 45. 60.

— incubatione ad latera premuntur. 61 — 62.

— quatuor in ovo gemellifico reperiuntur. 54.

— in Ovis omnibus dantur. 60. In quibuslibet ovis, semper. 62. In ovis subventaneis aequae ac in foecundis, sine ullo discrimine. 45. 124.

— in ovis minimis habentur formae nervuli. 45 — 46. Crassae admodum in ovis Struthionis & Cassoware. 46.

— pluris factae Fabricio. 281.

— *Sperma* Galli mulierculis habentur. 45. Semen Galli tamen non sunt, uti voluit Aldrovandus. 45. 58. 62.

# I N D E X

— usum qualem habeant. 156. 281.  
Vitellum cum albumine neſcunt, & ambos liquores firmant. 60.

— Pullum non producant, ut quidam erronee voluerunt, inter quos Fabricius. 45. 62. 156. 157—158.

*Chorion* membrana quare ita dicta. 381.  
Describitur. 381—382. 382—383.

— in ovo unde fiat. 89. 91.

— Vitellum includit & versus interna determinat, omniaque haec recondit & sustinet. 91.

— in viviparis usum qualem habeat. 381—382.

— & Allantois eadem membrana habetur Harveo. 381. Absolute tamen non ponit. 378.

*Chorion* Cervarum & Damarum. 311.

*Chilificatio* in Avibus quomodo fiat. 27.

*Cicatricula* in ovo, seu Macula, circulus albus, exiguus. 46. A Fabricio quid existimata, & non plura ab eo facta. 281.

Est ovi praecipua pars ex qua pullus oritur. 47. *confer.* 60. 61.

In media, ab utroque cacumine, distantia haeret. 60. Versus obtusum ovi cacumen cur tendat. 279.

Oculus ovi ob similitudinem quare dicta. 62—63.

— inest jam ovo in vitellario existente. 46. Vitelli superficiei seu tunicae adnascitur. 36. 38. 46. 279. 281. 132.

— maximi momenti quare fit. 281.

— vestigium pedunculi vitelli abrupti non est, ut voluit Fabricius. 46—47. 58. 281—282.

— pulli germen verum continet, quod Harvei inventum. 60. 61. *confer.* 47.

— in recenti vel requieto Ovo semper eadem. 60.  
— incubatione quomodo a reliquo albumine differat. 63. Dilatatur illi-

co & oculi pupillae instar explicatur. 60. Et intra circulos, liquorem clarissime resurgentem cohercentes, continetur. 63.

Die secundo, incubationis ovi, jam est ad magnitudinem unguis aucta. 62. Et illo die jam est dilatata ad pisi magnitudinem, & in circulos dispersa, cum puncto albo pro centro. 61.

In albumine tum potius locata, quam Vitello adnata, videtur. 63. Attollitur tum etiam in cavitate partis obtusae. 61.

Itaque augetur in *Oculum*, dein in *Colligamentum*, in cujus centro punctum pulsans, unde Venae, quibus superioritur nebula, 164. *confer.* 72.

— incubati ovi tum dicitur *Colligamentum* & quare. 63. Vel & *Oculus* ovi quando dicatur. 62—63.

— in Ovis infoecundis explicatur aliquid, sed ad cacumen non adfurgit, nec circulis circumdatur. 71.

*Choaca* in ano avium stercoreis & urinae communis exitus. 13. 14. 15. Simul foeces & urinam cum ejus sedimento albo recipiens. 42. Materiam gypseam ibi delatam continet, qua ovum incrustatur. 42. *confer.* 40. 41.

*Coaxatione* Bufones & Ranae aërem aservatum copiosum respirant. 5.

*Coccleae* ova reponunt in spuma. 8.

*Coementum album* in Ovibus pro testarum ovorum materia. 41. E renibus cum urina descendit. 42.

*V. Coiter* de puncto saliente quid tradiderit erroneum. 67.

*Coitus* ab animalibus pluribus non admittitur, nisi foecellae uterus ad coitum seu ad conceptionem, fuerit paratus. 394—395.

*Avium* quorundam quomodo fiat. 12—13. Repetitur rarius ab iis avibus, quini complexu Venereo diutius haerent, quam ab iis, qui hunc celeriter peragunt. 138.

—

—

—



# RERUM NOTABILIMUM.

- *Cervarum & Damarum.* 300. & sequ.
- *Galli vid. Galli coitus.*
- *Struthionum* cum voluptate magna exercetur. 16—17. Singularis horum quidam ac libidinosus coitus. 13.
- femellam tam animi moribus, quam corporis vigore, mirum immutat. 393. 394.
- *Coitus affectio* a *Columba Afra* & *Gallina*, signis gaudii miris, exprimitur. 128—129.
- *Colliquamentum candidum Ovi* vocatur in ovo incubato, quod erat *Cicatricula* in alio, & quare. 63. *confer.* 164.
- idem ac *Oculus ovi* etiam. 153. In albumine continetur. 77. *Vitelli tunicae impressum* cernitur. 132.
- qualis liquor. 63.
- *Parifani error* de eo. 64. Quid de eo *Aristoteles.* 64—65. Quid *Coiterus.* 65.
- *Ex albumine fit.* 89.
- Non minus tamen a vitello, quam albumine, consari videtur. 182.
- *Tunicam tenuissimam* habet. 63. *Propria membrana* distinguitur ab albumine. 65.
- *Foetus rudimenta* prima in medio suo continet. 63. Itaque pullum dat. 77. 89. Et foetui nutritionem praebet ab initio. 89. Sicque Foetum nutrit ac defendit. 65.
- augetur brevi tempore. 63—64.
- *punctum saliens* tum continet. 164. *Aquae tepidae*, impositum punctum saliens pulchre exhibet. 311.
- die quarto fibris sanguineis distinctum, quid referat. 69. *Lineam purpurascentem in limbo* suo acquirit eadem die. 66.
- absumentum jam est circa diem decimum octavum. 91. 92.
- *Colliquamentum in conceptu* Cervarum, quale & quando. 310. *Nutritum solum* hic dat in initio. 311. In eo *Foetus* natat. *Vid. Aqua. Gravidarum Foetus* &c.
- *Columba Afra* a coitu gaudium mirum in modum exprimit. 128—129.
- *Columbae & Passeres* mores suos ad coeundum variis artibus invitant. 25.
- mensibus singulis ova edunt. 7.
- Ova bina modo incubant. 7.
- papulas in ovario modo binas, in unum partum, & racemo excrecentes habent, quarum una in marem, in foeminam altera, ut plurimum evadit. 112.
- *Camatosa foemina* parturiens, quomodo a foetu liberata. 357—358.
- *Conceptio.* 393. & sequ.
- sine Utero non fit. 393.
- *Conceptus in Viviparis & Oviparis* quid sit. 288—289. 289. 309. Est id in *Viviparis*, quod *Ovum* est in *Oviparis*. 313. 289. *confer.* 316—317.
- qua ratione fiat. 123—124. Aliter se habet in Gallo & Gallina. 124.
- in *Viviparis* quid. 309. 313. Qualis & quomodo progrediatur. 376. 376—377. 377.
- idem ac *Ovum* in *oviparis*. 289. 313. 317. *confer.* 316—317.
- brutis, fit in *Cornubus uteri*; in *Muliere* in utero: in equa & asina, nec in utero nec in cornubus. 300.
- animalium diversorum, qua ratione varia. 318.
- a missione geniturarum non proccedit. 127—128.
- in Utero est primordium generationis. 291.
- in quibusdam animalibus Utero vix adnectitur. 383.
- *Cervarum & Damarum* quomodo

# I N D E X

- fiat. 300. & sequ. Quomodo procedat. 310. & sequ. Quomodo se habeat mense Septembris. 302. & sequ. Quomodo Mense Octobris. 304. & sequ. Mense Novembris quomodo. 308. & sequ. Quomodo mense Decembris. 318. & sequ. 324.
- Muliebris, primis mensibus, generationis ab ovo non differt. 316—317. 317. 289.
- Concipere ova in volucris sine mare, ut fit, perinde est, ac Viro maturam esse in puellis. 21.
- Congressus vid. Coitus.
- Corin ovo incubato ante reliqua videndum post oculos. 82. Micat in ovo ante hepatis ullum vestigium. 85.
- — — — — ex punctis salientibus, una cum auricula, generatur. 72.
- — — — — primo cernitur cum venarum ductu. 173.
- — — — — Vesiculis pulsantibus superadditur. 85.
- — — — — die sexto parenchymate obtegitur. 82. Album adhuc. 84. Ad finem hujus & septimi initio adhuc foris pendulum. 86.
- — — — — corpus reliquum tanquam futurum domicilium fabricat, dein in eo se recondit. 168.
- — — — — sanguinis auctor an sit. 85.
- Cornua Cervorum in sylvis decidua, a Custodibus dignoscuntur quorumnam sint. 49. confer. 49—50.
- — — — — Uteri in brutis ad concipiendum. 297. 298.
- Cornu Uteri dextrum aliquando, aliquando sinistrum concipit. 310. 312.
- Corporis rudimentum in Ovo incubato, die quarto incubationis quomodo prodeat. 72. Die quinto candidum, & quale adpareat, uti & aliae partes. 75. Quomodo hac die ultro increseat. 76. 78.
- — — — — Stamina vid. Stamina.
- Cortex Ovi sive Operculum ejus, quid. 36. & sequ. Cujus naturae. 36. Examinatur. 280. Fit ex materia alba, luccida, gypsea, ex renibus defluente, urinae partem constituyente, & foecibus admista. 41. 42. In utero gallinae polline albo adpersus. 39.
- — — — — Gallinae Ovo accrescit, uti & membranae, in utero extremo. 33. Durus jam in utero, saltem in his regionibus. 37. 38. 39. 42—43. At tenuior multo. 39. Sed illi accedit aliquid ex aëre in exitu ut magis indurescat. 39.
- — — — — deficit aliquando, Sed raro. 36. In serpentibus semper. 36.
- — — — — colore varius pro varia aëre. 36.
- — — — — incubatione obfuscatur. 59.
- Costae qua ratione prodeant in primis initiis suis. 83—84.
- Cotyledones in brutis. 386. & sequ.
- Crabrones foetus, evomendo assumta, nutriunt. 28.
- Cygnus & Strutio Venereo in complexu diutius haerentes, rarius illum repetunt aliis. 138.
- Cynofura ova cur dicta. 73.

D.

**D**amae gerunt utero novem menses. 300. Harum coitus quando & quomodo exerceatur. 300. & sequ.

Democritus ex atomis omnia composita, vult. 38. In quo erret. 38—39.

Dentes molares, in avibus deficientes, calculis supplentur. 27.

Diaphragma in avibus quid, & quale. 55—66.

Dies caniculares ovis incubatis cur nocua saepe. 73.

— — — — — Incubationis vid. Incubationis dies.

Do-

# RERUM NOTABILIMUM.

*Dolores Puerperarum unde Enixus poster.*  
diat. 369.

## E.

**E**jaculatio foeminarum in coitu. vid. *Foeminae in coitu.*

*Embryo Cervarum & Damarum, mense quarto qualis.* 310.

— hermaphroditus. 137.

*Emissio Foeminarum in coitu.* vid. *Foeminae in coitu.*

*Empedocles ex Elementis omnia componi voluit.* 38 — 39.

*Enixus poster* in Puerperis quid. 369.

*Equa annulis ferreis infibulata tamen parit.* 360.

— & *Asina* non in cornubus uteri, ut alia vivipara bruta concipiunt. 300.

*Error Hippocratis de uteri purgatione post partum* 371.

— Medicorum, partium varietatis causas ex diversa materia deducens. 38.

de *Exclusionem pulli ex ovo* 94 & sequ. De ea, error quorundam vulgaris. 95. & sequ.

*Excrementum avium liquidum, album & lucidum, ex ovium renibus, pro materia testacea ovorum, elaboratum.* 41. 42.

*Experimentum Punctum saliens & sanguinem existere, ante pulsationem, probans,* 67 — 68. 68.

## F.

**F**abricius de puncto saliente quid percipit. 66 — 67.

*Fabula de tribus capellis.* 85.

— de *Viperinis catulis matris uterum exedentibus, unde nata.* 359.

*Febris a Lochiis corruptis.* 369.

*Ferrum in Cassiware repertum chylificationi inservit.* 27.

— in *Sruthionis ventriculo* sicut reperiatur. 27.

*Figura ovi an aliquid indicet.* 48. 48. — 49.

*Faecunditas ovorum omnium, per integrum anni decursum, an ex aliquot coitionibus, initio anni celebratis, procedere possit.* 25.

*Foemellae Aves* vid. *Aves foemellae.*

— quaedam libidinosae adeo, ut uno & levi coitu concipiant, aliae tam torpidae, ut a continuato coitu tantum, & valido, concipiant. 55 — 56. confer. 24 — 25. 25.

*Foemina* coitu quomodo immutetur animo & corpore. 393. 394.

— concipit in Utero; alia vivipara in cornubus uteri, excepta equa & asina. 300.

— Foetum quae gerit in tumore, Vaginae uteri accreto. 261 — 362.

— furore uterino adfecta, lapsu uteri curata. 367.

— *Hysterica* uteri prolapsu tandem sanata. 367.

— mortua tamen parit. 359 — 360.

*Foeminae Conceptus ab Ovo* non differt primis mensibus. 316 — 317 — 317.

*Foeminae* coeunt cum voluptate, & cum dolore pariunt; Gallinae contra. 149.

— Coitum recusantes, maris furorem, & cupidinem, excitant. 147 — 148.

— in coitu humorem aliquando eji- ciunt, & ejaculant, unde semen has profundere existimatum. 127. Circa ejusmodi emissionem conceptus tamen fit, cum plures sine hac concipiant. 127. Aliae majore voluptate delectatae minus foecundae fiunt. 127 — 128. Qualis humor, ille ejaculatus, fit; & an uterum intret. 128.

— insaniunt aliquando prae desiderio consuescendi cum viris, ita ut obses- sae videantur. 21.

— ma-



maribus pluribus vix contentae inter quaedam animalia : & inter alia contra. 139.

pariunt cum dolore, & cum voluptate coeunt, Gallinae contra. 148.

a partu tempore longiore ad partium restitutionem indigent, quam alia animalia. 368.

post partum quamdiu purgentur utero. 371.

*Foetus Cervarum & Damarum* quandonam fabae magnitudinis fit. 314. Conspetus tum exquisitè, quomodo se habeat. 314—315.

Crabronum & Vesparum nutriuntur ab iis, quae matres evomunt. 28.

exitum ex utero inopia cibi an quaerat. 380.

mortuus in tumore ad vaginam haerens. 362.

nutritur ex humoribus, quibus innatat. 390. *confer.* 379. & *sequ.*

in Ovo vid. *Pullus*.

partui quid tribuat. 356. 358.

359. 357—360. 361.

in partu quid agat. 346.

fugit in utero. 265.

in utero quomodo situs 345.

345—346.

in utero sanguine proprio tantum fruitur, juxta Harveum. 127.

ex utero Cervae exemptus Regi & Reginae ad intuendum exhibitus. 65.

*Foramen* in avium podice, pro injectione seminis masculini vix perceptibilis. 14. Et quod Fabricio *bursa* dicitur non pro tali agnoscitur ab Harveo. 15. *confer.* 14. 24.

*Foraminula* in ovo Gallinae, quae labro teguntur, seu *orificia* ibi tria sunt, anus, uterus, ureteres. 12. 14. 15. Quaedam conspicua & quaedam obscura. 14. In unam quasi cavitatem concurrunt, per quam etiam ovum transit. 14. Hinc quasi in unam bur-

sam sunt collecta. 14.

*Formica* gemmulas feminum praerodit, ut in nutrimentum servet. 149.

*Funiculus umbilicalis* vid. *Umbilicalia vasa*.

*Furor uterinus* ex desiderio consuecendi cum viris oritur. 21.

Uteri lapsu curatus. 367.

G.

**G**allinae Animalium omnium, praesertim sanguineorum, primordia. 81.

Erucarum & Vermium primordia. 80.

*Gallae quercinae* quomodo increscant. 81.

*Galli cantus* Gallinis non tantum blandiunt, sed & illis conceptui ovorum conferunt. 19.

*Coitus* cum Gallina quam ratione fiat, deficiente pene. 138—139. *confe.* 17.

Ova foecundat. 22.

Ovum, in utero non modo, sed totum ovarium, & Gallinam ipsam, prolificum reddit. 142. Et papulae in ovario, virtute seminis Galli, foecunda fiunt. 139.

aliquot tantum, initio anni celebrati, sufficere possunt, ut ova omnia totius ejus decursus, h. e. per annum integrum, foecunda fiant. 25. 141. 141—142.

pugnaces ex Gallinis Monofiris dicitur. 53.

*Semen* vid. *Semen Galli*.

& Gallinae coitus quomodo fiat. 17.

de Gallina. 141. & *sequ.*

Gallina a coitu mox se se excutit praetitia. 128.

a coitu Ova prolifica acquirit per totum illud anni tempus, licet in vinctel.

# RERUM NOTABILIMUM.

— tellario nulla ovorum primordia parata, aut inchoata haberet. 120.

— matura Veneri, ex rubicundo cristae colore nascitur. 30.

— nidum deserens, deposito ovo; voce sua Gallum ad coitum pellicet. 24.

— Ova concipit & perfecta parit, sine mare, sed infœcunda. 21.

— Ovo locum, materiam, nutrimentum, ac fomentum conceptui praebebat; Gallus foecunditatem tribuit. 137.

— Ovum dat; Gallus ut foecundum sit, efficit. 131. 136. 137.

— ovum subventaneum sine Gallo generat. 131.

— ovum, in nido, volvit in commodum pulli. 97.

— partes generationi destinatas, quales distinctas habeat. 140.

— a partu hilaris, & sine dolore pariens, Gallum advocat; at in coitu querula: mulieres nostrae contra. 148.

— podicem vertit qua parte Gallus conscendit. 16.

— Semen in coitu non emittit, ut alia animalia. 124. *confer.* 123 — 124.

— Vulvam detegit Gallo, labrum elevando, 12. Exemplum hujus rei in Struthione evidens. 13.

— Vasis praeparantibus caret. 6.

*Gallinae* Adrianicae pullos interimunt. 53.

— a coitu frequentissimo Galli aliquando, laceratae, expirant. 141.

— ad Galli cantum noctu sese concutunt, blando horrore concubitus correptae. 19.

— incubant diverse. 53.

— Monofirae, in Alexandria, quae incubant bis autter. 53.

— ova pariunt quaedam bis in die, aliae quotidie, aliae minus. 53.

— ova rumpunt aliquando. 53.

— Vaginam & vulvam qualem ha-

*Tom. II.*

beant, *vid. Vulva.*

*Gallinae Incubatio. vid. Incubatio.*

— *Ovarium. vid. Ovarium.*

— *Podex. vid. Podex.*

— *Uterus. vid. Uterus.*

— *Vulva* describitur, 21. & sequi *vid. Vulva Gallinae.*

*Gallus* coit sine pene, & quomodo, 17. *confer.* 138 — 139.

— post coitum cur alacrior, homo vero pusillanimis. 116.

— foecundat ovum in utero non modo, sed in ovario papulas, & reliqua, foecundat. 139. *confer.* 142.

— foemellas coitum appetentes, indicii variis, etiam a longinquo percipere potest. 26.

— *Gallinaceus* victor, & superati conjuges, & ipsum devictum, stuprat. 25. *confer.* 147.

— Gallinas ad coitum quomodo pelliciat. 147. *confer.* 19.

— Ova centenina an det, an Basiliscus. 53 — 54.

— Ovo in coitu, & aliis officiis, quid conferat. 138.

— id solum, quo ovum foecundum fit, gignendoque pullo idoneum est, adfert. 123.

— Pene caret. 16. Saltem cārere videtur. 138. Quid vero penis loco in aestu Venereo substituitur. 138 — 139.

— semen in coitu emittit tamen. 138. Et quare ratione. 138. 138 — 139. *confer.* 17.

— celerius cur ejiciat. 139.

— semine & vasis differentibus abundat, & cur. 139. 140.

— abundat adeo, ut Gallinas frequenti coitu saepe fatiget. 141.

— testiculos ubinam habeat. 4.

— Uxoribus pluribus cur infervere melius possit, quam alia animalia. 139.

— Victor, quamvis lassus, victi con-

Hhh

ju

juges omnes subagitare gessit ; & quibusnam blanditiis incitat. 147. 25.

*Gammari* Ova pinnis adhaerentia circumferunt. 8.

*Gemmulae seminum* a Formica abroduntur, ut haecce in usum suum servare possint. 149.

*Generatio Animalium* omnium ab oviformi primordio. 291 — 292.

———— locum obtinuit vel in animali, vel extra illud. 3. Et quatenam detur in iis differentia. 3 — 4.

De *Generatione Viviparorum*. 287. & sequi.

*Generationis Exemplar*, hanc describendo, cur ex illa Ceryarum desumitur. 292.

———— loca duo constituta a Fabricio ab Aquapend. 3. sed proprie sunt Uterus & Nidus. 3 — 4.

———— primordium in omnibus Viviparis quale ; ejusque progressus quomodo fiant. 376. 376 — 377.

———— tempus in Viviparis. 347 — 348. & sequi.

———— verum videtur novem mensium, ut gestatus fuit Salvator. 352. Mulier visa, quae foetum in Utero se decem amplius mensibus gessit. 349 — 350. *Quinquemestris* puella quoque visa. 349. *Tabellarius* quidam *sexti* mensis initio natus. 349.

*Globuli tres* in ovo fabulae sunt V. Coiteri. 58.

*Grandines Overum* vid. *Chalazae*.

*Gravida* visa non gravida. 351. 351 — 352.

*Gravidae* aquam copiosam saepe, & geminam aliquando, habent. 380 — 381.

*Graviditatis signa* fallacia. 352.

*Grumi sanguinis* in utero, post partum, quomodo noceant. 369.

*Gyrini* in *Ranas* abeunt. 82.

H.

*Harveus* Cicatriculam pulli verum germen continere observavit primus. 60. 61.

*Hepar* auctor & officina sanguinis erronee habetur. 85.

———— post cor, post sanguinem natum, in ovo, tantum generatur. 85.

———— avium quale & ubi situm. 28.

———— & Cor ante diem decimum non conspicua, in ovo incubato. 72.

———— & *Pulmones* die sexto in ovo incubato apparere incipiunt. 12. Alba adhuc tum. 84.

*Hermaphroditus Embryo*. 317.

———— mulier Rothomagi denuntiatus, viri munus obit. 17.

*Hernia* carnea scroti testem obvolvens, salvo teste sublata. 84.

*Hippocratis* error de uteri purgatione post partum. 371.

*Historia*, de Costarum fractura, singularis in Vicecomiti Montgomeri. 208.

———— *Herniae* testem obvolvantis, salvo teste abscissae. 84.

———— de Lochiis retentis. 370.

———— Ulceris in utero sanati. 370.

———— uxoris maritum in castris concommitantis, gemellos parientis, & ilico 12000 passuum iter facientis. 371 — 372.

*Homines caudati* in India Orientali. 13.

*Homo ex Ovo* ut caetera animalia. 2.

*Humor Amni* vid. *Amnion*.

*Humores Uteri* in membranis foetum ambientibus. 378. confer. 372. An alimentum an excrementum. 379. & sequi. Nutrimiento foetui interserviunt. 383. 390.

*Hybrida Ova* quatenam. 55.

*Hybridae pulli* sunt ex Gallina & Phasianogeniti. 51.



# RERUM NOTABILIMUM.

*Hyponemia ova* quanam. 30.

*Hypostasis* argentei coloris copiosa in urina avium, & animalium oviparorum, quorum ova cortice duriora. 29. Consistentia ejus in ureteribus instar Lactis coagulati. 29. Cito in crustam extra corpus concreescens. 29.

*Hysterica mulier* delapsu Uteri tandem curata. 367.

*Hysterica Symptomata*, ab injectione vitrioli solutionis in Uterum, nata. 370.

## I.

**J**ecur vid. *Hepar*.

*Incubantes Aves* vid. *Aves incubantes*.

*Incubatio* Cicatriculam mutat, dilatat, & ex se pullum propellit. 60. 61.

— Gallinae viginti, aut duorum & viginti, dierum curriculo absolvitur. 148. Quare caloribus artificialibus praefenda. 51.

— Ova obfuscata. 47.

— Ovorum aequo calore, quolibet quam fotu avium procedit. 51. Quare tamen matris incubatio melior. 51. — Ovum unum ita mutat, ut tertia die foetus primordia, jam adsint, quae in alio ovo die septimo tantum adsunt, si non putrescit, & cur. 56.

— Vitellum ut loco mutet. 60—61. In partem obtusam ovi pellit. 60—61. Et hinc Chalazas ad latera pellit. 61—62.

— turlescere facit, & saporem illi gratum conciliat, ac colorem. 62.

*Incubationis* Ovorum dies sunt viginti, aut duo & viginti. 148.

— dies primus quid in ovo incubato mutationis inferat. 59. & sequ.

— dies secundus quid inferat. 62. & sequ.

— quartus quid mutatum

praebeat, 65. & sequ. Illa dies singula fere hora, novam mutationem exhibet. 66. Ab hac die ad decimam usque, in ovo incubato, quanam eveniant, & quo ordine. 75—77. Illa quarta die vegetabilis vita fit animalis vita. 66. 69. Sanguis jam die quarto. 74. Foetus futuri vix quid praeter lineas sanguineas. 68. Punctum etiam incipit saliens, minimis initiis 66. 71. 74. Linea purpurascens in limbo colliquamenti, 66. Nubecula sub finem hujus diei adumbrans puncta salientia. 72. Vesicula jam pulsans duplex in ovis foecundis. 71. Quae duo puncta in auriculam & cor forte abeunt. 72. Colliquamentum fibris sanguineis distinctum quid referat. 69. Hac die in Ovis quibusdam adparent, quae in aliis, quinto tantum. 77—78.

— quintus quid mutationis exhibeat, 69. 70. 74. Cavitas ovi ita adaucta, tanquam quinta pars ovi absorta foret. 80. Corpus Pulli quale tum. 75. Vermiculi, sive Galbae, formam habet. 80. Rudimentum tum ejus quale, hujusque qualis progressus. 77—78. & sequ. Sub finem hujus diei, vel initio sexti, umbilicus ex venis jam fit. 82. Bullae tres capitis evidenter. 82.

— sextus qualem progressum habeat. 82. & sequ. Intestina & viscera conspicua. 82. Sed obscura adhuc. 83. Albissima adhuc omnia, praesertim rostrum. 82. 84. Bullae tres capitis evidenter. 82. Sub finem hujus & septimi initio, quid conspiciatur. 83—86. Intestina filamenta alba adparent die sexto vel initio septimi. 84.

— septimus quid conspiciendum mutationis praebeat. 86—87. Membra distincta & motus. 74. Ab hoc die ad decimum quartum quanam contingant. 90. Ab hoc die ad decimum

mum diem cur transfiliat Auctor. 86.  
 ——— *decimus* quid praebeat.  
 87. Plumescit pullus quoque. 74.  
 ——— *decimus quartus* ubi per-  
 actus, quatenam in ovo Gallinaceo in-  
 cubato ultro contingant. 90. & sequi.  
 Intestina abdomine nondum conclusa,  
 foris pendent. 90. Et post hunc diem  
 albuminis reliquum, & vitellus, incor-  
 rupti adhuc in ovo foecundo reperiun-  
 tur. 94.  
 ——— *die decimo octavo* circiter inte-  
 stina cum vitello, huc illuc pelluntur,  
 ut prolabantur aliquando. 91. Quae-  
 nam mutationes porro contingunt ad  
 Exclusionis tempus. 91—94.  
 ——— *vicefimo* circiter,  
 respiratio, sonus. 74.  
 ——— *vicefimo primo*, vel  
*secundo*, prodit pullus in lucem. 95.  
*Infans* in utero quomodo situs. 345. 345—  
 346.  
 ——— fugit aliter quam adultus, &  
 quid hoc doceat. 266.  
*de Infundibulo*. II. & sequi.  
*Infundibulum* uteri Gallinae pars, quomo-  
 do constitutum. II. & sequi.  
 ——— ovarium, Processus uteri, sive  
 uteri pars superior, in Avibus, descri-  
 bitur. II. & sequi.  
 ——— ubi situm. 31.  
 ——— Cujus naturae, & cui usui.  
 II.  
 ——— ovum transmittit ex ovario  
 in uterum secundum. II.  
 ——— ex Processu uteri gracilescit,  
 fit. 31. Hoc totum complectitur O-  
 varium. 31.  
 ——— ligamento donatum. 32.  
 ——— uteri Gallinae aboletur in ef-  
 foetis. 32.  
*Inghwies* Apum mel floribus colle-  
 ctum servat, donec in alvearia illud hi  
 evomant. 28.  
 ——— avium ubinam sita. 28.  
 ——— & Ventrículus avium ut disse-

rant. 26—27.  
 ——— ingesta praeparat. 26. Eama-  
 cerat. 27. Regurgitat pro pullis. 28.  
*Intestina avium* in ventriculi parte supe-  
 riore initium sumunt. 27. 28. Aërem  
 interjectum habent. 28.  
 ——— die sexto incubationis, & vis-  
 cera, conspicua sunt. 82. Sed obscura  
 adhuc. 83.  
 ——— die decimo quarto abdomine  
 nondum conclusa, foris pendent. 90.  
 ——— filamenta alba adparent in  
 pullo, die sexto vel initio septimi. 84.  
*Insecta* plurima ova pariunt sine mare sed  
 infocunda. 21.  
 ——— a feminibus inconspicuis, in  
 aëre volitantibus, gignuntur plurima,  
 ex putredine nasci credita, 149.  
*Insula Bassè* vid. *Bassè*.  
*Juriconsultorum* error, de tempore partus,  
 reprehendendus. 350.

L.

**L**abia leporina quare aliquando contin-  
 gant 314.  
*Labrum* Podicis Gallinae superius descri-  
 bitur, ejusque usus in coitu, & alibi,  
 exponitur. 12—14. Palpebrae oculi  
 superiori comparatur. 12. 13—14. In  
 quadrupedibus cauda praestat, quod  
 hic labrum. 13. Ejus singularis forma,  
 & natura cartilaginosa. 14.  
*Lac avium* idem ac Albumen ovarum. 43.  
 ——— Piscium quid. 9.  
*Lapilli in ventriculo avium*. vid. *Calculi*.  
*Libido avium* quorundam summa. 24—  
 25.  
*Lien in avibus* nullus. 28.  
*Ligamentum* pro Infundibulo in Gallinis.  
 32.  
*Limo* intra Limonem saepe reperitur.  
 38.  
*Linea purpurascens* in limbo colliquamenti  
 die quarto adparet. 66.  
*Liquor albus ovi* idem ac albumen. 43.  
 ——— Col-

# RERUM NOTABILIMUM.

Colliquamentum candidum dictum, quale. 63.

Foetum ambiens. Vid. *Aqua foetum ambiens*, vel *Humores uteri*.

*Lochia* qualis humor sint, & quam ratione fluant. 368.

Corrupta intus quae mala excitent. 369.

retenta febrim, & alia, producta, quomodo educta. 370.

*Lotium* vid. *Urina*.

*Lupae* nomen Meretricibus cur impositum. 139.

*Luteum ovi* idem ac *Vitellus*. 44.

## M.

**M**acula ovi vid. *Cicatricula*.  
fit *Colliquamentum*, vid. *Colliquamentum*.

*Mares* libidine turgentibus quam gloriabundi, quam animo in pugnam proclives; finito hoc vitae officio, quam subito, sedato fervore, tumida vela contrahunt. 116.

post coitum cur tristes, Galilus vero alacrior. 116.

semine quidam replentur, eo tempore, ac loco, quo foeminae ova concipiunt. 140.

Piscium foemellam parituram, ut ova semine adspargerent, insequuntur. 147.

*Mas* foeminis pluribus sufficere potest, inter quaedam animalia, & inter alia, contra. 139.

*Matrix Gallinae* vid. *Uterus*.

*Membra distincta* in ovo incubato die septimo. 74.

*Membrana Cicatriculae* quam tenuis incubatione adparet. 63. *Colliquamenti* candidi quam tenuis 63. Hac ab albumine distinguitur. 63.

*nictatoria oculi*, avibus peculiaris, cui usui inserviat. 90.

*vitelli*, ab albumine illum

separans, tenuissima. 78. 80. Rupta quid prodicat. 73. Et Generationis frustratio hinc. 80.

Vitello data, quae ejus pediculum constituit. 9—10. Describitur. 10. *Membranae aëre plenae* inter intestina avium. 28.

Foetum involventes in utero, an duae vel tres. 381. confer 372. 373—378.

Ovorum vid. *Ovi Membranae*.  
*Mense Quarto* gestationis *Cervarum Embryo* qualis. 310.

*Mense Septembris* Conceptus *Cervarum* & *Damarum* quomodo *Uterum*, & in eo quid, mutet. 302. & sequ. *Mense Octobris* quomodo haec se habeant omnia. 304. & sequ. *Mense Novembris* quid conspiciendum sit. 308. & sequ. *Mense Decembris* quid iterum mutatum. 318. & sequ. 324.

*Meretrices* quae sua corpora vulgant. 39.

*Mesometrium* in Gallinis quid, cui usui, & *Mesenterio* analogon. 32.

*Montegomeri Vicecomitis Historia*. 208.

*Motus* in ovo incubato die septimo. 74.

*Mulier* vid. *Foemina*.

## N.

**N**idus Iocus generationis externus, in quo semen exclusum in foetum perficitur. 3—4.

*Nubecula* in ovo incubato, die quarto, sub finem, adumbrans puncta salientia, quid. 72.

*Nutrimetum foetus in ovo*, illud est, in quod venae disseminantur certo ordine, primum *Colliquamentum*, tum tenuior *Albuminis membrana*, dein crassius *Albumen*, ultimo *Vitellus*. 89.

## O.

**O**bfetricium, festinantium nimis, fatalis error. 357.

Hhh 3

Ocu.



# I N D E X

*Oculi* in ovo incubato omnium primo adumbrati. 83. Et quare 82. *Quinto die* Incubationis jam maximi & nigredine distincti. 75. 76. Qui diu tales remanent. 75.

in ovo Cerebrum amplitudine excedit. 83. *confer.* 75 — 76.

in Oviparis majores quam in viviparis. 312.

*Oculorum* proportio ad caput in avibus & viviparis differt. 75. Horum orbita in avibus cerebrum exsuperat. 75 — 76. Cur tamen minor videatur. 76. Horum pupilla scintillae instar fulget. 76. 78.

*Oculus ovi* vid. *Colliquamentum*.

seu *Colliquamentum* in Conceptu Cervarum qualis & quando. 310.

*Orificia in pedice Gallinae tria.* vid. *Foramina*.

*Orificium Uteri* vid. *Uteri Orificium*.

*Ossa Conceptus primi*, post superfœtationem, ejecta. 351.

*Ostrea* Ova in Ovariis ejusdem magnitudinis, secus ac in Gallinis & aliis, ubi varia vitellorum incrementa. 7.

*Ova* Araneorum quomodo ab iis gerantur. 8.

*Astacorum* pinnis adhaerent. 8.

*Cassoware* avis qualis. 20.

*Centenina* coloris unius & imperfecta. 132. vid. *Ovum Centenarium*.

*Cochlearum* in spuma reponuntur. 8.

*concipere* sine mare, aliud est, quam *Ova foecundari* ex coitu, in avibus. 23.

*concipere* in volucris sine mare, perinde est, ac viro maturam esse in puellis. 21.

*Cynofura* quae. 50 — 51. Cur sic dicta. 73.

*Cyprinorum* & *Mugilum* Botracha dant, edulii genus. 8.

*Gallinacea* descendunt per infundibulum ex ovario in uterum secundum seu superiorem. 11. Et inde in inferiorem. 33. 113 — 114.

differunt triplici de capite, vel foecunda vel irrita; vel marem producent vel foeminam; vel ex cognati generis parentibus, vel ex diversis oriuntur. 55.

quoque quod sine alia recentia, alia requieta, & quomodo distinguenda, 47 — 48.

*Gallinacea* diebus canicularibus quare facile corrumpantur. 73.

exortu primo in Ovario congeriem papularum exhibent. 6.

*Foecunda* tantum, sunt perfecta habenda. 23. Ab irritis & Cynofuris quomodo dignoscenda. 52 — 53.

evadunt congressu Galli. 22. vid. *Coitus*.

foecundantur paucis coitionibus, initio anni celebratis, pro integro anni decursu. 25

*Ova gemellifica* quatenam. 34 — 35. Describuntur. 54 — 55. *confer* 98 — 99. Pullos gemellos pariunt, sed qui cito intereunt. 55. *confer* 100 — 101. 101.

*Hybrida* quatenam. 55.

*Hypenemia* 21. 50.

*improlifica* vid. *Ova infoecunda*.

*infoecunda* quae sine mare concepta, & parta, ut aliquando a Gallinis, plerumque ab Insectis & Piscibus, fit. 21. 50. *confer*. 132.

prolifera foris plura sunt, ut Piscium. 131. Subventanea a Mulieribus quoque ejiciuntur. 378.

corrumpuntur illa die, qua punctum saliens aliter apparet. 71. Ergo die quarto vel initio quinti. 71. Et fit illo loco, quo ova prolifica generationem auspicantur. 71.

irrita & subventanea quae sine Gal-

# RERUM NOTABILIMUM.

- Galli congressu concepta, & parta.  
 22. 50. vid. *Ova infœcunda*.  
 — a foecundis & cynofuris  
 quomodo dignoscantur. 52 — 53.  
*Ova magnitudine* ut differant. 53.  
 — majora & copiosiora ex pabuli  
 bonitate & abundantia, non tantum  
 ex coitu. 24.  
*Ova numero varia* variae Gallinae pariunt.  
 53.  
 — perfecta sunt quae foecunda.  
 23.  
 — & imperfecta quaedam.  
 284 — 285.  
*Ova Piscium* incrementum foris sumunt,  
 hinc Utero non indigent. 8.  
 — in duabus vesiculis lon-  
 gis, five folliculis geruntur. 8.  
*Ova Oviparorum* extra corpus perficiun-  
 tur, vel concoquuntur. 7. 8.  
*Ova in Ovario* non perfecta. 9.  
 — Vitella ibi tantum habent.  
 9.  
 — ita disposita, in Gallinis,  
 ut singulo die sibi succedant. 9.  
 — prius candida, in-  
 crescendo flavescent. 6.  
 — Gallinarum & alia-  
 rum avium, diversae sunt magni-  
 tudinis, secus ac in Piscibus, Ranis,  
 Ostreis &c. 7.  
 — magnitudinis licet  
 variae. 148. Simul tamen viden-  
 tur a Gallo virtutem prolificam acci-  
 pere. 148. Nondum inchoata quidem,  
 coitu foecunda redduntur. 126.  
 — columbarum aequa-  
 lia, exceptis duobus primo incu-  
 bandis. 7.  
 — revolvuntur, in nido, in pulli com-  
 modum, ab incubantibus avibus. 53.  
*Ova Scarabaeorum* in fimo deponuntur. 8.  
 — *Sturionum* Caviaro dant ubi sali-  
 ta. 8.  
 — subventanea quae. 50. vid. *Ova*  
*infœcunda*.  
 — *Squillae, Gemmari, Astaci*, pinnis ad-  
 haerentia circumferuntur. 8.  
 — Syracusis potatore exclusa, 51.  
*Ova tardiora* quaedam aliis, quare. 56.  
*Ova tempore diverso* parta, eadem tamen  
 die incubationis foetus emittunt perfe-  
 ctos. 148.  
 — transeant per Vulvam ex utero,  
 majora licet, tamen omnia adeo im-  
 plexa in illa vulva, ut ne stylo, seta,  
 aëre, via pateat. 21 — 22.  
*Ova urina* quae. 50. vid. *Ova infœcun-*  
*da*.  
*Ova Zephyria* quae. 50. vid. *Ova infœ-*  
*cunda*.  
*Ovarium*, Infundibulum, Processus ute-  
 ri, five ejus pars superior, Avium de-  
 scribitur. 29. & sequi.  
 — nullum est, nisi postquam Galli-  
 na concepit ova. 6 — 7.  
 — Uterus superior Gallinae proprie.  
 4. Describitur juxta Fabricium. 6 — 7.  
 — & infundibulum Gallinae, de-  
 struitur in effœtis. 32.  
 — Astacorum corpus granulatim  
 compactum, rubrumque, est. 8.  
 — in Avibus quibusdam fere nullum,  
 sed ejus loco quaedam bullae. 9.  
 — Gallinae ubinam situm. 4. 6.  
 — Ova perfecta non continet, sed  
 horum rudimenta. 9. Et Vitella tan-  
 tum. 9.  
 — Piscium testiculis aut vesicis se-  
 minalibus analogon. 8. Et quomodo  
 8 — 9.  
 — in Piscibus granulis plenum. 9.  
 — vitellos tantum continet non al-  
 bumina. 9.  
*Ovi albumen*. vid. *Albumen*.  
 — *Cavitas*. vid. *Ovum cavitatem* &c.  
 — *Cortex*. vid. *Cortex*.  
 — *Exitus*. 33. & sequi.  
 — *figura ovalis* ab utero videtur im-  
 pressa. 31.  
 — *incrementum*. 33. & sequi.  
 — *membrae tres* quaedam. 36. Et  
 quid

- quid de iis fiat, cum pullus excluditur. 280.—281.
- *Testa*. vid. *Cortex*.
- *Vitellus*. vid. *Vitellus*.
- Oviforme primordium* ad generationem Animalium quorumcunque constitutum. 291—292.
- Ovipara* animalia, quorum ova duriore cortice obducta, urinam, eodem modo ac aves, hypostafi argentea, copiosa, refertam habent. 29. Haec urina in Ureteribus instar lactis coagulat. 29. Cito in crustam extra corpus con- crescit. 29.
- extra Parentem in ovo crescunt 3.
- quaedam ovum servant donec maturum, alia immaturum excludunt, & quanam. 3.
- & Vivipara animalia ut differant. 2. 3. Differunt quod in viviparis uterus sit intra animal. 94.
- cur quaedam, & cur Vivipara alia. 290.
- Ovorum Albumen*. vid. *Albumen*.
- *Membranae* quales, & quid de iis fiat, cum pullus excluditur. 280—281. confer. 36.
- *figura, magnitudo, numerus*, considerantur. 268—269. 270.
- *primordia* in Vitellario perexigua instar papularum, milii semine minora, alba, aquea; unde fiunt Virelli, qui albumine cinguntur. 134. confer. 148.
- *Vitellus* quid utilitatis pullo inferat. 270—279.
- Ovum* ab Auctore describitur primo in generationis historia, & cur. 1.2. Quid sit Ovum. 100. & sequ.
- Principium simul & fructus. 101. Est etiam medium quid. 101. Atque etiam sperma. 102. Generationis opifex in ovo. 104. Non vivit anima matris. 107. An sit pars matris. 105. Quomodo generetur. 33.
- calore quolibet excluditur aequae ac incubatione. 51. 96.
- *cavitatem* semper in parte obtusiori habet exiguam. 36. 46. 59. Haeret inter membranam exteriorem liquorum & testam, ubi haec membrana destituitur. 46. Aërem quare contineat. 282. Augetur tempore, calore, sed statim ab incubatione plurimum. 46. 59. 61. Et augetur magis secundum longitudinem quam latitudinem. 59. Minor itaque, ubi ovum recens quam ubi requietum, est illa cavitatis. 46. 47—48. Die quinto incubationis, ita adaucta haec, tanquam pars ovi quinta absumpta foret. 80.
- Ovum centeninum* quid & quare ita adpellatum. 53—54. An a Basilisco vel Gallo. 53. Differt ab alio ovo tantum, quod Vitello careat. 54. Duplex enim quidem habetur, sine & cum Vitello, quorum illud verum Centeninum. 54. An ultimum Galinae ovum, quae centum ova jam peperit. 54.
- Ovum* in cloaca ani avium incrustatur materia gypseae ibi delata. 42. confer. 40. 41.
- in Columbibus duplex tantum in unum partum, e racemo excrescit, quorum unum in marem, in foeminam alterum abit. 112.
- Conceptus proprie est, in Viviparis. 101. 313.
- & Conceptus quomodo congruant. 289. 316—317.
- *Corticem* & *Membranas* in Utero extremo assumit. 33.
- *cortice molli* aliquando indutum. 33.
- Ovum* figura sua an indicet, num mas, num foemina ex eo, producat. 48. 48—43.
- Ovum foecundum* quale sit. 51. Foecundum non evadit sine Gallo. 114. Ex ambobus parentibus oriundum. 117. 122. Tum Plantarum semini est analogon. 117. Continet omnia, a quo pulli



# RERUM NOTABILIMUM.

pulli generatio pendet, ut modo fotu; & tutela, in incubatione indigeat; nec Gallina praeter hoc aliquid tribuit. 51. Hinc a quocumque ave modo iustae fuerit magnitudinis, imo calore quocumque blando, excluditur. 51. Hinc fimo terra obruto, clibanis, & hypocaustis, excludi quoque solent. 51. 96.

— a subventaneo ad conspectum adeo non differt, ut ingressi feminis aliquod indicium haberi queat. 22.

— incubatum, post diem decimum quartum, albuminis reliquum, & Vitellum, incorrupta habet adhuc, quae in ovo infocundo, illo calore, fuissent corrupta. 94.

*Ovum* a Gallina datur, Gallus ut foecundum fit, efficit. 131. 136. 137.

— absque Gallina non datur, & sine Gallo non foecundum fit. 114—116. 123. 130. 131. 136. 137.

— Gallinae utero non adhaeret, ut incrementum sumat. 33. 34. Nec incrementum ab utero sumit, sed ex principio innato. 34. 35. *confer.* 113—114.

— Gallinae ejusdem semper magnitudinis & figurae ejusdem est, & vix nisi exercitatis, si quae differentia, innotescit. 49.

*Ovum Gallinaceum* perfectum est bicolor, luteo nempe & albumine constans. 131—132. Et cur. 133. 134. Quare hoc in uno fieri, in alio non, censuerit Aristoteles. 132.

— unum ab altero ut differat, aetate. 47—48. Figura. 48. Foecunditate. 50. Incubatione. 53. 56. Magnitudine. 53.

— cur, ad indicandam Pulli generationem, contemplandum exhibetur. 287—288.

— *Cemellificum* duplex non simplex censendum. 101. *confer.* 100—101. 34—

Tom II.

35. 55. 98—99. Describitur unum. 54—55.

*Ovum ignavius* & imbecillius multum altero. 86.—87. *confer.* 70—71. 56. 83.

*Ovum incubatione* obfuscatur. 47.

— differt adeo, ab altero, ut illud tertio die jam Foetus primordia, hocce septimo die, tantum habeat, vel aliquando corrumpatur, & cur. 56. *confer.* 83. 86—87. 70—71.

— suavius sapit, quam requietum; etiam, post diem decimum quartum; Vitellus ejus gravioris saporis, quam recentis. 48.

— & *Conceptus* muliebris, primis mensibus ut congruant. 316—317. 289.

*Ovum infocundum* perfectum dici non potest; ejus synonyma. 50. 120.

— fit, si non fuerit, ubi sit liquorum commixtio, rupta tenui tunica Vitelli. 80.

*Ovum intra Ovum* contentum aliquando. 38.

— mutationes in incubatione longecitius altero exhibet. 83. *confer.* 56. 56. 86—87. 70—71.

— in Ovarii racemo per vasa crescit, sed non in utero. 35. *confer.* 105.

— in Oviparis, *Conceptus* dicitur in Viviparis. 313. *confer.* 316—317. 317. 289.

*Ovum* partes diversas quot habeat. 36.

— polline quodam obductum, si recens. 48. Si requietum levigatum. 48.

— primordium commune omnibus animalibus. 282. *confer.* 12.

— provecitius multum altero. 70—71. *confer.* 56. 83. 86—87.

— pullum singularem ut plurimum continet. 100—101. Aliter duplex, non simplex, censendum. 101. *confer.* 34—35. 55. 98—99.

— pullum continens aquae innata. 92.

Iii

Plan.

# I N D E X

Plantarum semini analogon. 289.  
*confer* 2.

recens a requieto ut differat, colore  
& aliis signis. 47—48.

fudat si adignem positum.  
48.

saltat, & volutatur in nido, motu  
pulli. 53.

Saxo affixum proprio & singulari  
glutine. 41.

Serpentis cortice caret. 36.

subventaneum sine Galli opera da-  
tum. 131. *confer* 21. 50.

transit per viam eandem, podi-  
cem nempe, ac urina & foeces tran-  
seunt. 14.

in Vitellario per pedunculum ad-  
nascitur. 105. Et ibi per vasa crescit  
sed non in Utero. 35.

Uterus pulli quasi foris expositus.  
365. 100.

Ovum in utero non modo Galli coitu foe-  
cundatur; sed papulae in ovario ipsae,  
virtute seminis Galli foecundae fiunt.  
139. 142.

vel in Processu ejus, semper  
quoddam continetur. 31.

Gallinae digitis percipi po-  
test. 30.

Ovum Viperæ molle & unicolor. 355—  
356.

## P.

Palpebra superior velabro podicis avium  
comparatur. 13—14.

Papilioes ova concipiunt & pariunt sine  
mare, sed infœcunda. 21.

Papulae Ovarum primordia. 139. 148.

Sunt sudamina semine milii minora.  
148. Non omnes simul crescunt, &  
augentur, sed alia post aliam. 112.

in Ovario seu Vitellario albae;  
fiunt Vitellus mutato colore & consi-  
stentia, ubi se a reliquis separant. 112.

in Vitellos ubi evasere, cin-  
guntur Albumine dein. 134.

Semine Galli foecunda fiunt.  
139. 142. Et ab eo ita mutantur, ut,  
a coitu foecundatae, mox in formam co-  
euntis maris una vel altera abitura sit. 113.

in Columbis & aliis è racemo bi-  
nae tantum excrescunt, quarum una ut  
plurimum in marem, alia in foeminam,  
evadit. 112.

Parturiens mulier comatosa, quomodo li-  
berata. 357—358.

cui Vagina concreta quo-  
modo liberata. 360.

Partus naturalis quid & quomodo contin-  
gat. 345. & sequ.

imminens quibusnam si-  
gnis dignoscitur. 346. Ex orificio U-  
teri dignoscendus. 263.

temporis respectu in foemi-  
na, a septimo mense ad decimum & ultra.

347. *confer*. 349. 350. 351. Quinto men-  
se contigisse visus. 349. Alter sexto

mente. 349. Decimo sexto mense alter.

349. 349—350. Post decimum quar-  
tum mensem traditur. 350. Post sede-  
cim menses in Anglia. 349—350.

Organis quibusnam perficia-  
tur. 357—358.

duo expetit; Operam nem-  
pe Matris, tum & Foetus. 356.

357.

Foetus opera in pluribus ani-  
malibus fit. 359. Foetu languido non  
promovetur. 358—359. 361.

caput ubi primo exit,  
fit opera foetus; uteri vero ope, si  
pedes praecedunt. 359.

ubi Conceptus integer cum  
illaecis membranis excluditur, vere  
naturalis. 356.

removeri potest osse coc-  
cygis. 263.

incitatus nimis, periculo-  
plenus. 357. Quo diutius partus reti-  
netur, tanto feliciter res procedit. 357.

# RERUM NOTABILIMUM

- non naturalis in duo genera dispe-  
 fci potest. 357.
- Post Partum Animalia quaedam iterum  
 ilico coeunt. 368.
- Pupillae latissimae in animalibus, quae  
 noctu vident. 64.
- Pedes & Alae in ovo incubato, die sexto  
 expullulant. 82.
- Pedichus Vitelli. vid. Pedunculus.
- Pedunculus Vitellorum, unde & cui usui.  
 9—10. 47. Describitur. 10.
- Penis Anatis ingens admodum. 16.
- Galli deficere videtur. 16. 17. 138.
- Ejus loco quid substituatur. 138 —  
 139.
- Struthionis qualis. 16—17.
- Talpae qualis, ubinam illum ha-  
 beat. 17.
- Pbasianus mas Foeminas coitu adeo defa-  
 tigat, nisi plures habuerit, ut foecun-  
 ditatem impediatur, imo interficiatur. 24—25.
- Pisces aërem in Vesicas abdominales at-  
 trahunt. 5.
- Ova concipiunt & pariunt, etiam  
 sine mare, sed infocunda sunt. 21. 50.  
 confer. 131.
- in Vesicis duabus longis, si-  
 ve folliculis, gerunt. 8.
- in Ovariis magnitudinis e-  
 jusdem habent, secus ac in Gallinis,  
 & aliis, ubi varia Vitellorum incremen-  
 ta. 7.
- Ovarium unicum generationis or-  
 ganum, hocque uteri loco, habent. 8.  
 Et cur utero non indigent. 8.
- Semen in aquam spargentes, ma-  
 gnam ovorum congeriem foecundam  
 reddunt. 142.
- Semine replentur eo tempore, &  
 loco, quo foeminae ova concipiunt.  
 140.
- Vesicam habent aliquando. 15.
- Placenta describitur. 384. & sequi.
- ex Utero si non bene educta,  
 quae mala ejus residuum producere  
 valeat. 356. 369.
- Plantae variae ex nutrimento communi;  
 diverse alterato & cocto, oriuntur.  
 165.
- Plcae Uteri seu Cellulae multiplices in utero  
 Gallinae praegnantis, ex ejus replica-  
 tione nascuntur. 30.
- avium & spirae, viam  
 aëri retrorsum ad uterum occludunt.  
 32.
- processus humore albu-  
 gineo abundant. 33.
- carnosae, dant liquo-  
 rem pro albumine perficiendo. 31.
- abolentur in Gallinis ef-  
 foetis. 32.
- Plumae in ovo, quomodo & quando a-  
 parere incipiunt. 90. 91. Die decimo  
 incipiunt. 74.
- Pedex Gallinae ab aliorum animalium po-  
 dice diversus describitur. 12. Duo-  
 bus labiis munitus superiore & inferio-  
 re, quae bina describuntur. 12. &  
 sequi.
- Potator Syracusis Ova incubans. 51.
- Primordia animalium omnium praeser-  
 tim sanguineorum Galbam referunt.  
 81.
- Ovorum, sunt Papulae & Sudami-  
 na milii semine minora. 148.
- Primordium oviforme ad Animalium om-  
 nium generationem. 291—292.
- Generationis est Conceptus in u-  
 tero. 291.
- in utero viviparorum omnium,  
 quale. 376.
- Processus uteri avium, seu uteri Pars su-  
 perior, uterus secundus Fabricio, tum &  
 ovarium, Infundibulum quoque, de-  
 scribitur. 29. 30. 31.
- Harveo, Uterus  
 secundus Fabricii, spiras tres ali-  
 quando plures habet. 31.
- avium inflatus contorque-  
 tur in modum cochleae. 31—32.
- Venis multis amplisque  
 scatet. 31.



# RERUM NOTABILIMUM.

— avium in Infundibulum terminatur. 31.

— Ovis raro vacuus. 31.

— aboletur in Gallinis effoetis. 32. Abutmo toto ovario flaccescit in membranam quae nihil continet. 54.

*Psittacus Harvei* libidinosus moritur, ob ovum in utero corruptum. 18—19.

*Pollen ovum* obducit, ubi recens. 48.

*Puerpera* enixus posteros dictos unde habet. 369.

in *Puellis* maturam esse viro, proinde est, ac in volucris ova concipere sine mare. 21.

*Pulli Carina* vid. *Carina Pulli*.

— *Rudimentum* vid. *Rudimentum Pulli*.

*Pulli Gemelli* non vitales, sed cito perunt. 55.

— ex ovis generantur calore quolibet, sive fotu avium, sive alio blando, fiat. 51. 96. Quare tamen Matris incubatio potius desideranda. 51.

*Pullus* in Ovo ex Colliquamento oritur. 77. In Colliquamento candido rudimenta prima habet. 63. In Colliquamento natat primo. 81.

— in obtusa ovi parte primordium habet. 45.

— nutritur ex Colliquamento ab initio. 65. 89. Dein ex Albumine & vitello. 77. 156. Non ex vitello fit, ut putarunt antiqui. 44. Ex vitello non generatur quoque, & Albumine nutritur, ut Medici ac Philosophi voluerunt. 155—156. Ex albumine etiam non constituitur, & vitello nutritur, ut voluerunt, sed tam a vitello, quam ab albumine, ut Venarum decursus docet, alimentum haurit. 132. confer 77. 156.

— Cibum per vasa umbilicalia mutuatur. 83. Et nutritur etiam per Os. 265.

— partes omnes & diversas ex albumine habet. 38.

— intra diem quartum & intra decimum corporatur, & quibusnam cum circumstantiis. 75—77. Et quonam ordine. 77—78. & sequi.

— die sexto sese movere incipit. 82. 83. Galba tum quoque perfecta videtur; tamen ab erucis in quibusdam differens. 83. vid. *Incubationis dies sextus*.

— die decimo albus & pellucidus est, exceptis oculis & Venarum ramis. 87. vid. *Incubationis dies decimus*.

— die decimo octavo adhuc supra vitellum decumbit, assumpto colliquamento. 91. 92. vid. *Incubationis dies decimus octavus*.

— die vicesimo primo vel secundo se ex carcere liberat & prodit in lucem. 95.

— plumis quandonam vestitur, & quomodo prodeant. 74. 90. 91.

— Sanguine proprio gaudet. 126—127.

— situm qualem habeat, ubi perfectus. 92. Caput intra alam recondit, dum dormit. 97.

— respirat & vocem edit. 94.

— calcitrat, pipit, plorat, situm commodum quaerit, ovum saltare facit, ante exclusionem. 53.

— excrementa in intestinis qualia habeat. 92. 92—93.

— foeces excludit, & quales, ante exclusionem. 92. 93.

— frangit corticem ovi, non mater. 95. 96—97.

— exclusus vita perfectiore jam fruitur, quam proles vivipari animalis. 94.

— monstruosus ex ovo gemellifico, qua ratione fieri possit. 99.

*Pulmones Avium* costis sunt affixi, & in Abdomen penetrant. 5. Quod ultimum, Harvei inventum. 5. 6.

— — — via

— — — — — via ad respirationem potius sunt, quam adaequatum hujus organum. 5. *confer.* 28.

— — — — — ante jecur & Cerebrum adparent. 82.

— — — — — in ovo die sexto apparere incipiunt. 82. Sed alba adhuc. 84.

*Puncta salientia* duo, alternatim salientia, die quarto vel quinto in colliquamento apparent & conspicua. 71. 72. 77 — 78. Haec forte in Auriculam & Cor abeunt. 72. Horum expositio. 78 — 79. 79.

*Punctum album* in Colliquamenti centro, cui punctum saliens rubrum succedit. 67. 67 — 68.

*Punctum saliens rubrum* succedit in albi locum. 67. 67 — 68.

— — — — — die quarto, quomodo adaptare incipiat. 66. 71. 74. Et hoc in Colliquamenti centro. 66. 164. De eo Aristoteles quid perceperit. 66. 69. Fabricii error. 66 — 67. Volch. Coiter quid de eo erronee tradiderit. 67.

— — — — — Carolo Regi videndum exhibetur. 311.

— — — — — in Cervis quandonam adpareat. 310. 311.

— — — — — in aëre frigido languet, aut cessat; calore resuscitatur. 70.

— — — — — an sanguine antiquius dubitatur. 85. *confer.* 67 — 68. 68.

— — — — — qua ratione mutetur in Embryonem. 311 — 312.

— — — — — Arteriam etiam continet in suis initiis. 67. Ex quibus vasa umbilicalia prodeunt. 67. 68 — 69.

*Pupilla Pulli* quandonam distinguatur. 96. In oculis die quinto scintillae instar fulgens. 76.

*Putamen Ovi* vid. *Cortex.*

*Putredo Insecta* non producit, quorum semina in aëre inconspicua. 149.

*Pulsatio* in *Puncto saliente*, post sanguinem conspicuum, modo contingit. 67 — 68. 68.

R.

**R**anabottoli Italici quid. 82.  
*Racemus ovarum* integer, uno, alterove coitu, & omnia unius anni ova foecundari possunt. 25. *confer.* 145. 141 — 142. 139.

*Radii Solares* per Vitrum transmissi, & in conum uniti, ignem confestim excitant. 150.

*Raja* foetus vitales excludit, binos simultantum. 7.

*Ranae Ova* in ovariis habent ejusdem magnitudinis, aequae ac Pisces, fecus ac in gallinis & aliis ubi varia vitellorum incrementa. 7.

— — — — — respirant aestate vehementius, & quibusnam organis. 5.

*Ranulae* sub finem Junii ex Gyrinis. 82.

*Renes Avium* quales & ubi. 28.

*Respiratio* in Avibus datur, pulmones licet collis affixi. 5.

— — — — — in ovo incubato Gallinae, die vicesimo adest. 74.

*Rostrum pulli*, in ovo, jam aperiri potest die sexto in fine, vel initio septimi. 83.

*Rudimenta pulli* in Colliquamento candido prima. 63.

*Rudimentum pulli* globosum vel bulbosum, die quarto vel quinto, quale. 76. Hocce Carinam hujus vermiculi magnitudine superat. 78.

S.

**S**anguis adest in ovo die quarto. 74.  
— — — — — Ante Hepatis ullum vestigium. 85.  
— — — — — puncto saliente antiquior, dubitatur. 85. Videtur dari in colliquamento antequam quidquam corporis pulli existat, & primogenitum est. 80.  
— — — — — Et ante pulsationem in puncto saliente existit. 67 — 68. 68.

*Sarcosis* vid. *Hernia carnosae.*

# RERUM NOTABILIMUM.

*Scarabeus* ova in fimo deponit. 8.  
*Secundae* vel *Secundinae* cui usui. 391—392.

*Sedimentum*, in Urina avium album, in-  
 ervit cortici ovorum. 42. *confer.* 40.  
 41.

*Semen Galli* Testamentum quasi. 55.  
 — Gallinae uterum, in coitu,  
 non ingredi videtur. 122—123. 124.  
 Saltem qua via transeat non percepti-  
 bile. 21—22. 22.

— *Chalazae* in ovo, falso ha-  
 bentur, a Mulierculis. 46. 124.

— Ovum in utero non  
 modo, sed papulas in ovario foecundas  
 reddit, prae virtute insigniore. 139.  
 Et racemum ovorum integrum una  
 vice, pro integri anni ovis, foecun-  
 dum reddere valet. 25. *confer.* 141.  
 141—142.

— quomodo emittatur cum  
 pene careat. 138. An iteratis istibus,  
 cum coitus celeriter peragatur. 138.  
 Nam qui diutius complexui Venereo  
 immorantur, rarius illum repetunt.  
 138.

*Semina* in aëre inconspicua quam pluri-  
 ma, unde Insecta oriuntur diversa.  
 149.

*Seminis* in ovum ingressus non distingui-  
 tur. 22.

*Serpentes* aërem in Vesicas abdominales  
 trahunt. 5. Vasa spermatica qualia  
 habeant. 9.

— & *Aves* vesica cur careant. 15.

*Septum meditum* vid. *Diaphragma*.

*Spirae Uteri Gallinae*. vid. *Plicae*.

*Sperma Galli* vide *Semen*.

*Squillae* Ova pinnis adhaerentia circum-  
 ferunt. 8.

*Stamina* corporis pulli prima, in ovo con-  
 spicua, sunt venae, quibus reliquae  
 partes superadditae. 85—86.

— naturae in alta nocte latentia, sub-  
 tilitate non minus ingenii, quam ocu-  
 lorum aciem, ludunt. 57.

*Stercus* & *Urina* in Avibus tanquam &  
 communi cloaca egeruntur. 12. 14. 15.

*Struthio* pene donatus praegrande. 16—

17. cum magna voluptate coit. 17.

— foemina, in libidinem accensa,  
 quomodo vulvam deregat, & coitum  
 diu exerceat. 13.

— in ovo *Chalazas* crassas & glo-  
 bosas habet. 46

— & *Cygnus* Venereo in complexu  
 diutius haerentes rarius cum repetunt  
 aliis. 138.

*Sturionum* ova Caviaro dant, quando salita.  
 8.

*Superfoetatio* singularis, postquam *Ossa*  
 primi conceptus tantum rejecta fuere.  
 351.

— *Ancillae* cujusdam. 350—351.

*Symptomata hysterica*, ab injectione Vi-  
 trioli in uterum, valide excitata. 370.

*Syracensis* *Potator* Ova longa statione ex-  
 cludebat. 51.

## T.

*Tadpolis* Anglis quid. 82.

*Talpa* penem ubinam habeat. 17.

*Testa* vid. *Cortex*.

*Testiculi Galli* ubinam siti. 4.

*Tunica* vide *Membrana*.

## V.

*Ulcus* in Utero qua ratione sanatum.  
 370.

*Umbilicalia Vasa Pulli* in ovo. 387. &  
*sequ.* In Albumen pariter ac in Vitel-  
 lum disseminantur. 156.

Non divi-  
 duntur eodem modo in omnibus anima-  
 libus. 389. Diversitas juxta Animalia.  
 390.

— in ovo, quarto die,  
 qua ratione incipiant. 68—69.

— sexto die ad finem,  
 vel septimi initio, pulsare videntur.  
 86.

— in



\_\_\_\_\_ in ovo tria ex venis & Arteriis, tum ex albumine, tum ex Vitello collectis, constat, die decimo quarto. 90.

\_\_\_\_\_ quinque, post diem decimum quartum, qualia. 91. Cui usui inserviant. 390. 391. Funiculum componunt nodosum aliquando, & quare. 389.

*Umbilicus* ex venis, jam die quinto in fine, vel sexti initio. 82.

*Ureteres Avium* ad podicem decurrunt: 28 — 29.

\_\_\_\_\_ ubinam terminentur. 15 — 16.

*Urina Avium* parca & cur. 29.

\_\_\_\_\_ non in vesicam, sed in communem cloacam, in podice, cum foecibus descendunt. 12. 14. 15. Ibi foeces clysmatis instar humectat. 14. 15. Et sic simul non separatim exonerantur; Et cur. 29.

\_\_\_\_\_ in cloacam communem cum sedimento gypseo deponitur. 42.

\_\_\_\_\_ hypostaticam partem abundantiorē habet quam Viviparorum. 29. Haecque argentei coloris est. 29. Etiam in Serpētibz, & aliis Ovīparis, quorum ovum duriore cortice obductum. 29.

\_\_\_\_\_ in Ureteribus consistentia est instar lactis coagulati. 29. Cito in crustam extra corpus concrefcens. 29.

\_\_\_\_\_ Foetus in Chorīo continetur, juxta Harveum. 379.

*Urinae Avium* pars quaedam alba, lucida, testae ovorum inservit. 41. 42.

*Uteri Cervix* vid. *Uteri Orificium*.

\_\_\_\_\_ *Membranae & Humores* Foetum complectentes. 372. & sequ.

\_\_\_\_\_ *Orificium* contrahitur post partum. 369. 369 — 370. Si nimium clauditur mala producit. 369 — 370.

\_\_\_\_\_ dilatabile adeo cur sit. 362 — 364.

\_\_\_\_\_ molle & patens, cum lo-

chiis foetidis, post partum, quid indicet. 369.

*Uteri prolapsus* Furorū uterinum, & hysterīcam passionem, aliquando curavit. 367.

*Uterinus furor*. vid. *Furor uterinus*.

*Uterus Avium* ad podicem quomodo situs. 30. Ovum in eo digitis percipi potest. 30.

*Uterus Cervarum & Damarum*. 293. & sequ.

\_\_\_\_\_ quomodo immutetur tempore coitus, eoq̄ peracto, mense Septembris. 302. & sequ. Quomodo mense Octobris. 304. & sequ. Quomodo mense Novembris. 308. & sequ. Quomodo mense Decembris. 318. & sequ. 324.

*Uteri Gallinae* locus, in quo ovum perficitur, albumine cingitur, & testa contegitur. 26. Una cum processu suo, per Mesometrium, quomodo dorso alligatur. 32.

\_\_\_\_\_ parte exteriorē describitur. 12. & sequ. Exquisitē describitur, respectu situs, naturae, substantiae, figurae &c. 30. 30 — 31.

\_\_\_\_\_ est superior & inferior. 4.

\_\_\_\_\_ inferior, qui proprie *Uterus*, superiori continuus, ad podicem situs. 30. Ultrō describitur. 30 — 31. Ejus figura interna ovalis. 31. In Gallina gravida quomodo differat ab utero Gallinae virginis. 30. Cellulas multas habet ex uteri replicatione. 30. Ejus orificium describitur. 16.

\_\_\_\_\_ superior, *Processus uteri* dictus ab Harveo, *Uterus secundus* Fabricio, describitur. 30. 31. vid. *Processus uteri*.

\_\_\_\_\_ uterque humore albugineo abundat. 33.

\_\_\_\_\_ foetantis cujus constitutio- nis. 32 — 33.

\_\_\_\_\_ post coitum nihil plus conspiciendum praebet, quam antea ipsum. 159.

# RERUM NOTABILIMUM.

*Uterus Mulierum* a Cervorum utero ut differat. 296. 296 — 297. Praecipuum conceptionis organum. 393.

\_\_\_\_\_ ovum quasi intus permanens est. 365.

\_\_\_\_\_ quomodo variis temporibus, aetate, & aliis de causis, variet. 366. 367.

\_\_\_\_\_ mire constitutus, quod ita distendatur atque iterum contrahatur. 362. 368.

\_\_\_\_\_ Cevicem admodum dilatabilem possidet. 362 — 364.

\_\_\_\_\_ sensus acerrimi & facile se contrahens. 371.

\_\_\_\_\_ ad vitrioli injectionem se contrahens, quatenus mala producebat. 370.

\_\_\_\_\_ quamdiu ferat in viviparis. 347 — 348. & sequi. Mulier visa, quae foetum in utero sedecim amplius mensibus gessit. 349 — 350. Quinquemestrus Puella visa. 349. Tabellarius quidam sexti mensis initio natus. 349.

\_\_\_\_\_ procidit a causa irritante; ut intestinum rectum a tenesmo molestatum. 367.

\_\_\_\_\_ Partui quid tribuat. 357 — 358.

\_\_\_\_\_ ante partum quantum increseat. 368.

\_\_\_\_\_ in partu descendit, emollitur, aperitur. 346.

\_\_\_\_\_ post partum quamdiu purgetur. 371.

\_\_\_\_\_ si praeternaturale quid in eo detinetur, non clauditur, sed patitur. 369.

*Uterus Piscium* nullus praeter Ovarium. 8. Non necessarius, quia ova foris incrementum sumunt. 8.

\_\_\_\_\_ in Virginibus qualis, & quomodo materur cum illis. 366 — 367. 367.

*Vagina Uteri* in Cervis & Damis. 293. & sequi.

\_\_\_\_\_ in Gallina vid. Vulva Gallinae.

*Vasa praeparantia* in Gallina, nulla. 6.

\_\_\_\_\_ umbilicalia vid. Umbilicalia vasa.

*Velabrum podicis* Gallinae vid. Labrum.

*Venae* die quinto, in ovo, quomodo augentur in Coiliquamento, atque in albumen & Vitellum distribuuntur. 80. confer 77. 78 — 79. 79.

\_\_\_\_\_ in puncti salientis initio. 67.

\_\_\_\_\_ Stamina corporis prima conspicua, in ovo, sunt, quibus reliquae partes superadduntur. 85 — 86.

\_\_\_\_\_ umbilicales pulli in tunicam extimam albuminis disseminantur, & in Vitelli tunicam, & per ipsam, sparguntur. 77. confer. 80.

*Venae & Arteriae*, in ovo, jam, decimo die, distinguendae. 88.

*Venatores* Cervum, cornubus deciduis, unum ab altero dignoscunt. 49. confer. 49 — 50.

*Ventriculus Avium* situs in abdomine intra jecur. 28.

\_\_\_\_\_ ex Musculis duobus robustis lapides molares, usu repraesentantibus constat. 27. his molit & comminuit cibos. 27.

\_\_\_\_\_ & Inguvies Avium ut differant. 26 — 27. Ingesta vertit in chylum. 26 — 27.

*Ventris Avium Anatomie*. 26. & sequi.

*Vermipara* animalia quatenus. 2.

*Vesica urinaria* in Avibus & Serpentibus cur desit, & cur inutilis. 15.

\_\_\_\_\_ in Piscibus quibusdam. 15.

*Vesicae* in Piscibus duae quae Ovarium efformant. 8. Hae in utroque sexu obtinent, at diversa materia replentur. 8 — 9. Sed initio conceptionis non distinguendae. 9.

*Vesiculae* pulsantes, salientes, in ovo, quarto vel quinto die, vid. Puncta salientia.

# RERUM NOTABILIMUM.

caput, in ovo constituentes &c.  
vid. *Bullae*.

numerosae Bufonibus ac Ranis  
respirationi inservientes. 5.

*Vespa* foetus, evomendo assumpta, nutriunt. 28.

*Vipera* ovum suum molle cum foetu maturo quomodo excludat. 355--356.

*Viperinos* catulos matris uterum excedere quare dicant. 359.

*Virgo caudata*. 13.

*Viscera Avium* aliter constituta, quam in pedestri animalium genere. 26.

in ovo, die sexto, ut & intestina, conspicua. 82. Sed obscure adhuc. 83.

absconduntur quaedam intra ventres pulli ante diem decimum quartum. 90.

*Vita animalis* in ovo incubato, ante quartum diem, plantarum aemula vita est. 74. Animalis vita contingit quarto die. 66. 69.

*Vitelli*, in Ovario, initio minimi & Milli semine longe minores. 10--11. 33. 134. Tum, parvi & albi, in crescendo flavescunt. 10. Soli in ovaris, non dantur Albumina sensibilia ibi. 9. Tunicam ab Ovario quamdam mutantur, quae eorum pedunculus 9. Cui usui hic inserviat. 9--13. 10. 47.

*Vitelli pedunculus* in ovario. vid. *Vitelli* in Ovario.

*Vitellus* in ovario, in origine papula exigua. 33. confer. 10--11. 134. Dein albumine cingitur. 134. confer. 113. -- 114.

in ovarii racemo qua ratione differat a Vitello ovi perfecti. 35.

in ovario non est verus Vitellus quidem, si rite examinetur, non primo fit. 77. 156. Sed compositum ambobus liquoribus permixtos continens, & colore Vitellum quidem referens, sed consentientia ad albumen accedens, 135.

Tom. II.

racemo solutus, ex ovario per infundibulum descendit in uterum secundum, seu uteri processum, qui albugineo humore abundat, & inde in uterum interiorum, ubi perficitur. 33. 113--114. In Processu uteri, sive uteri superioris, vel secundi, plicis, & in cavo Uteri, albumen acquirit. 33.

racemo, vivente Gallina, diremptus, dulcius sapit crudus, quam si coctus. 48.

*Vitellus ovi perfecti* describitur. 44. & sequ. Ejus Synonyma. 44. Duplex est in ovis gemellificis. 54--55. 98--99. Ut differat ab Albumine. 44. Albuminibus duobus, sed natura diversis, cingitur. 44--44. Ex eo Pullum nasci putarunt Antiqui. 43--44. 44.

nutrit Pullum in incubatu, adjuvante albumine. 77. 132--133. 156. Estque tantum alimentum pulli remotius, cum albumen prius Vitello absumatur. 133.

Tunicam propriam habet. 36. Hacque ab Albumine distinguitur. 73.

igne non spissatur, nisi peruratur. 44. Sed frigore densatur. 44.

& Albumen liquores necessarii, cum hocce alimentum propinquius, *Vitellus* remotius, praebeat. 132 133. confer. 77. 156.

in Albuminis centro haeret. 60--61.

nectitur cum albumine, in ovi fere centro, Grandinum ope. 60.

ab Albumine cur difficile secedat. 60.

continet in se ramus unius Venae umbilicalis. 77.

incubatione turgescit. 62. 88. Et sapor ac color, qualis in recenti erat, illi redditur. 62. Latet

Kkk

zeta



# INDEX RERUM NOTABILIUM.

rata dein ejus tunica propria, in rugas haec abit. 60. In partem obtusam tum adlurgit. 60 -- 61. 60. Vidit Harveus hoc non fieri, quod raro tamen. 61. Duplex dein quasi sit resolutione. 72. Et pars superior inferiore liquidior. 88.

*Vitellus* incubationis die decimo, ut se habeat. 88. Huc usque nutritioni non intersiit, sed postea jam hoc fiet. 89.

— die decimo quarto, eadem feremole conspicendus, qua primo die, hac non minuta adhuc scilicet, ubi Albumen magna jam parte absumentum. 90.

— intestina versus post diem decimum quartum, quomodo determinetur. 91. Inter Intestina pulli tum, in abdomine concluditur, etiam post exclusionem, quum diu adhuc aliquid istius reperiendum. 93. confer. 133. 180. Cui bono hic Vitellus intra pulli abdomen recondatur. 133.

*Vitriolum* in Uterum injectum quae symptomata excitaverit. 370.

*Vivipara* animalia cur quaedam, & Ovipara alia. 290. Quomodo differant. 2. 3.

— ab Oviparis differunt, quod in viviparis uterus sit intra animal. 94.

— plura foetum cum secundinis excludunt, Mulieres non semper. 355 -- 356.

— ubinam progengerantur. 3.

*Viviparorum* Generatio. 287. & sequ.

*Fox* pullo die vicesimo incubationis, in ovo, adest. 74.

*Vulva Gallinae* sive transitus ad matricem, est trajectus admodum implexus, ut via ad Uterum non pateat, nec propene, nec pro semine, nequidem stillo, seta, aëre, licet è matrice foras facilis pateat, atque ingens ovum facile transeat. 21. 22.

— uteri in Cervis ac Damis. 293. & sequ.

W.

By Waters in Gravidis quid. 380.

## F I N I S





A.  
Physiol.





